





### 圖書在版編目(CIP)數據

儒藏. 精華編. 二百一十五/北京大學《儒藏》編纂中心編. 一北京:北京大學出版 社,2009.6

ISBN 978-7-301-11933-4

I. 儒··· II. 北··· III. 儒家 IV. B222

中國版本圖書館 CIP 數據核字(2007)第 024125 號

名:儒藏(精華編二一五)

著作責任者:北京大學《儒藏》編纂中心 編

責任編輯:武 芳 肖瀟雨

標 準 書 號: ISBN 978-7-301-11933-4/B • 0619

出 版 發 行: 北京大學出版社

址:北京市海淀區成府路 205 號 100871 地

綑 址: http://www.pup.cn

電子郵箱: dianjiwenhua@163.com

話:郵購部 62752015 發行部 62750672 編輯部 62765691 電 出版部 62754962

印 刷 者:北京中科印刷有限公司

經 銷 者:新華書店

787 毫米×1092 毫米 16 開本 58 印張 568 千字 2009年6月第1版 2009年6月第1次印刷

定 價:500.00 元

未經許可,不得以任何方式複製或抄襲本書之部分或全部内容。

舉報電話: 010-62752024 版權所有,侵權必究

電子郵箱: fd@pup. pku. edu. cn

# 《儒藏》精華編第二一五册

首 席總編纂 季羡林

項目首席專家 湯一介

龐 樸

總

編

纂

湯一介

本

册

主

編

陳俊民

孫欽善

安平秋

(按年齡排序)

部

《儒藏》精華編第二一五册

蘇軾文集[北宋]蘇 

### 蘇 軾 文集卷三十

### 奏 議

### 論 進 狀

以

海

京

至,圖 賜 間 無絲毫之益,而夷虜 工,侵漁商賈,所在騷然,公私告病。 南、京東三路築城造船,建立亭館,調發 高 奉 子,大半歸 ,館待賜予之費,不 麗 郎 知 兀 畫 杭 祐 屢 山 足 州 四 入朝貢 川 蘇 年 之 購 以 + 越 契 禍 狀 買書籍。 丹。 至元 福 月 三 奏。 獲不貲之利。 高 可 雖 麗 豐之末,十六七 臣 日,龍 **)勝數。** 虚 伏見熙寧以來, 議者以 實 不 若不陰 圖 兩浙、 閣 口 爲 使者 學 明 相 所 土 朝 车 農 得 所 廷 淮 朝

出

構 則 高 麗 憂。 豈 敢 公然 人 朝 中 國 ? 有 識

之

選差職員二人,兵級十人,常切 僧源闍黎。」臣已指揮本州送承天寺安下 供給,不令失所外,已具 國王旨,令壽介等齎義天祭文來祭奠杭州 者僧壽介、繼常、 五人,乃齎到本 戬,擅於海 今月三日,准 人 商 希厚利。 東吏民有息肩之喜。 『爲業・ 接客,及選有 自二聖嗣 ?,其間 舶内 秀 稍 位 載到高麗僧統義天手 凶 國禮賓省牒云: 州 聞其事 潁流,院子金保、 「險之人,猶敢交通引惹. 高 行止經論 差人押到 麗 數 唯 , 方欲 由 年 福 僧 畫 建 不 泉 覺察行遣 伴 至, 照管,不許 州 0 話, 路,多以 裴善等 百 淮、 量 奉 下 姓 浙 本 行 徐

乃」,原作「及」, 據郎本卷三十 四 改

旨

去訖。

擇。 狀,廟堂之議,固 然後拒之,則 以卜 之意 出 加 輕 金 年,不敢輕來 太 又未測聖意。 國 使一路,懷 不遺使奉表,止因祭奠亡僧,遂致 重厚薄。 塔,欲以嘗試朝廷 后 母 朝貢紛然,必 謹具畫 朝廷。 ? 聖壽。」臣竊觀 指 又 蓋 揮 據 高 ,令齎金 一疑中 若朝廷待之稍 麗 不然者, 有 又傷 如 故以 入貢,頓失厚利。 僧 國不受,故爲此 左。 所 有 爲無窮之患。 壽 見 议 恩。 塔二所,祝 · 祭奠源闍黎爲名,因 其 處之。 豈有欲獻金塔爲壽, ,測知所以 有 意,蓋爲二聖嗣 不敢不盡 恭惟 狀 稱: 重,則 臣 聖 延 二臨 忝 待其已至 明 欲復遣使, 皇 荷簡 待之之意 備侍從, 灼 以 貪 帝、太皇 發 見情 備 心 日 之禮 國 位數 採 復 獻 母

錈 利 如 徐 杭 戩 福 州 者 建狡商,專擅 雕 其 造 一衆。 夾注《華 訪 聞 交通 徐 嚴 戩 高 《經》, , 先 麗 。 引 費 受 用 惹 浩 麗 牟

> 壽 臣料此僧 還其狀,云朝廷 簡 爲 若 僧,遂致國 母令齎金塔祝壽。」臣 謀。 至。 奏,乞法外重行,以戒一 豈可 汗 本國厚賞 、今若不奏, 詞。 無 朝廷受而 印 禮 滋長 臣已枷送左司 兼今來引致 一、高麗僧壽 若受而厚報之,則是以 板 之餽 既 介官私 勢不肯已,必云本國 (,若馴 母之意,苟簡 成 也。 不報,或報之輕 歸 公然 清嚴,守臣 致其弊,敵國 無 或 臣已一 高麗 介有狀稱: 一人知覺者。 . 得 理院根 於海 罪 以 僧 路奸民猾 舶 不 面令管勾 無禮 爲高 人,必 不敢專 勘 輕 載 奸 ,即當 去 一,莫斯 則夷 麗 臨 重 (細,何 遣 是徐 交納 臣 幣 因祭奠亡 臣謂 商次。● 擅 發 欲 其 職 /虜 答 頁 爲 Ħ 於 來 員 其 得 案 戩 所 聞 此 却 此 獻 退 本 苟 以 盟 國 不 風 受

) 「次」,郎本作「矣」。

狀後判

州

司

不

奉朝旨

本國

 $\nabla$ 

無

來

文, 似 置,只是 穩便。 難 議 臣 投 如以 進 面 指 執 揮,非 狀 歸 朝 國 廷 照 拒 會 絶 其 如 獻 此 頗 覤

爲可

',乞賜

指

揮

施

行

量 舶 其餘 與 屬。 重,當與義 云: 辦 歸 限 謂壽介等只是義天 「祭奠源 歸 或 日 尋 其來乃致 裝 師 更不 却差船 ,不得廣作 學法 天殊 麗 闍 差人 僧 出 私 黎,仍 絶。 送 壽 入遊 奠, 船津 至明 介 商販 欲乞只許致奠之外, 齎 諸 覽之類,並不許。 本 手 送。 州, 非 處 下 到 等 侍 本 國 令搭附因 如有買賣, 尋 者 事。 國 師 禮 非 學法。 待之輕 國 便 省 王 許 仍 親 . 海 牒

利 뎶 免淮、浙、 謹録奏聞 右 絶其來意,上免朝廷帑廩無 謹 件 京 如 了,伏候 東公私 前。 以勅旨。 若 靡弊之患。 如 此 處 置, 益之費, 不 使 ·勝區 無 厚

### 乞 賑 濟 浙 西七州 狀

多方擘 有飢 熟不熟又未可知。 水鄉、種麥絶少、來歲之熟、指 米蚪九十足錢,小民方冬已 損,高下並傷,民之艱食, 六月水退, 會 馬 如左。 浙 鈐 **饉盗** 西 轄 元 書 七州 祐 龍 准 賊之憂。 四 圖 方 軍 年 備 閣 插 + ,冬春積水,不 外,有合申 學 晚秧,又 士 本司 深恐來 月 朝 初 奉 除 四 郎 無甚今歲。 遭乾旱,早 奏事 年 已 日 有飢者。 蘇 與 春 ·種 早 軾 兩 件, 謹 提 秋 夏 狀 浙 之之交, ?、轉 爲 ·稻,及 奏 西 期, 晚 具 商 見 路 兩 必 今 俱 Ŧī 浙 而 兵

舊 欠共 一、轉 百六十 運 司 來 餘 年 萬 合發 碩 上 本路 供 額 錢 斛及 物 補 填

0 等」, 原 脱, 據 郎 本

罹。 減 私 恤 都無 空匱 斛 額 望朝廷别賜錢米,但祗寬得轉運司上 郖 緊,官吏不免遮攔,米穀添價貴糴 必將聚爲盗賊。 免責 分作二年,隨年額上供錢物起發,所貴 日受賜矣。乞出自宸斷,來年本路上 之類,●必倍於平日,飢貧之民,無路逃死, 錢 ,少欠官私逋負,十人而九,若不 年額,乞特賜指揮,須管依年分收簇數 ,僥倖替移,更不盡心擘畫收拾,以 稍獲通濟。又恐官吏爲見明 ·則一方餘民,必在溝壑。 湧貴,小民乏食。 ,且起一半或三分之二,其餘候豐熟日 催 斛,則官吏自然不行迫急之政, 熙寧中饑疫,人死大半,至今 有 剗 備。 刷 迫 賦 變轉 見今逐州廣行收 租 不行,官吏急於趁辦 ,督促欠負,鈐束私 又緣上供額 欲望聖慈愍此 斛 今來 糴, 數 年 冒 以以 既 指 亦 城 痛 酒 至 方 供 揮 得 一解錢 市 備 而 不 加 此 漏 務 廣 公 遭 嚴 寬 民 年 敢 賑 斛 在 補 寂 税

> 承認,❷不得出違 足,若遇移替,具 年限 所 收 簇 到 數交割 與 後 政

闕 所貴米價稍平,小民不至失所。 支用,即令提、轉疾 望聖慈速賜勘會,如 各務趁辦,争奪 糧 軍 ,又糴封樁錢、上供米,名 糧,常平 、兩浙 、見今逐州和糴常平 . 畫閉, ❸若得官錢三二十萬, 散在 中自來號 糴 相 散 傾,以 有 速契勘 在京諸 備 稱錢荒,今者尤甚 外, 此米價 逐州 斛 目 更不 倉,不待此米 郖 不 了; 如 益 及省 省倉不 <del>世</del>。伏 0 官吏 倉 Y 軍

户,往往 民 百姓持銀絹絲綿入市,莫有顧者。 質庫 間,如 水救火。 欲乞指揮提、轉令將合

0

B

閉」、《續資治通鑑長編》作「閑」。

<sup>0</sup> 鈐」、《七集• 》亦作「鉗 奏議集》卷六作「鉗 續資治 通 長

<sup>·</sup>具所收簇」,原作「其所催」, 《七集• 奏議集》無 收 據《續 資 治 通 鑑 長 編

充年額起發。 發上供錢,散在諸州稅户,令買金銀紬絹

所畏 行 私 患。 之民,散流江 仁政。然結集興 鹽,急則爲盗。 造,候 鹽 肅 結聚群黨、皆許 欲乞朝廷 、自來浙中奸民,結 豐 熟日依 治 海之上,群黨 近來 揮 販 舊。 ,應盜賊 ,猶未甚衰。 朝 申鈐轄 所貴彈壓奸慝,有 廷 痛 爲 情理重者 愈衆,或 司 減 群 ,權於法 鹽 黨,興 深恐 價, 爲 饑 最 販 外 深 及 饉 爲 私

勢未 賑 流 是 涕。 恤 時 已,深可憂慮。 米 右謹 返賜指揮 今來 今來所 蚪 件 二百,人死大半,父老至今言之 米到已及九十,日長炎炎,其 如 奏,一 前 謹録奏聞,伏候勅旨 勘 一並是詣實。 伏望仁聖哀憐,早行 會 煕 寧 中 兩 浙 伏乞詳 饑 饉

# 論役法差雇利害起請畫一狀

事 奉郎 雇役、差役利害,不敢不言。 定,今又出守,躬 郡 縣, 知 元 杭 祐 推 州 四 行 年十 蘇 役 軾 事,及元 狀 一月十 行其法,考問 奏。 臣自 日,龍圖閣學士 祐 改 熙 法,臣 吏民,備 寧 以 來,從 忝 詳 見. 朝

寧以 而 下,舊本無役,不過差充 此雇役之法,害上户者 較之。元豐之末,則多少 田宅愈賤,以至破散,化爲下等。 役錢至多。行之數年,錢愈重,穀帛 雇役法例出 前第 雇役之法,自第二等以上 一、第二等户,逐路 役 錢,雖所 壯 也。 相絶,較然可知 取不 Ţ 逐州 一人户, 多,而貧下 無所陪備 第 請 四等已 都 愈輕 歲 數 以 而 巸 出

● 「應」,原脱,據《七集·奏議集》補

七五七

幸甚。 歲出 貪吏狡胥,恣爲蠶食,其費又不可 年之中,昔者徐出三十餘千,而今者併出 者二也。 多,役錢待 重。 · 餘 千。 少者 亦欲蠲 故皆化爲 餘千,苦樂可 錢多者不過三四千。 此則差役之法,害於中等户者一也。 法 百錢 無故 獨 ,日不下百錢,二年一替,●當費 無 而休閑遠者,不過六年。 有第三等人户,方雇役時,每 今改行差役,則二害皆去,天下 出三 由 此 免此等,而户數至 不 施 而 能 游手,聚爲盗 Ŧī. 行。 足,若皆蠲免,則 解免,官錢 知也。 百錢,未辦之間 此 雇 圃 而今應一役,爲 役 未納 況農民在官 之法,害 賊。 廣 則是 以 積 當 所 此 吏卒 下 時 喪 費 少 户 大 成 議 至

雇 六色錢,許用 法 ,皆偏詞 今之議者,或欲專行差役,或欲 過 雇 役,以代中等人户,頗 論 也。 臣 愚以謂 朝 廷 復 既 取 行

> 害,以 多,♥以此漲起,人户皆及三番。 二等人户,例皆稀少,至第三等,則户 等人户,都數通 不得 雇 則皆雇人。 吏 未足 姓出 從官 雇役,皆不應法。 元 ,,豈可 介 、不及三番處,許以六色錢雇 用,留錢在官,其名不正。 祐 承符 將 人,得以伸縮。臣到杭州,點 以舒中等人户之勞。法不簡徑,使奸 錢,本爲免役。今乃限 蓋轉運司 全二利。 逐等人户,各别比較,須得將 `承當第一等色役`則知 新城、昌化、最爲貧薄,反不 此法未 月二十 特於法外創立式樣,令諸 比,其貧下縣分,第 此 錢塘、仁和,富實縣分, 最 良 ·爲 加 法,可 允當。 日 勅 以 又所雇者少 合役空閑 番次,不許 州手,分 何者? 通計三等, 行 (檢諸) 敷猥 上三 得 縣

<sup>「</sup>多」,原作「富」,據《七集・奏議集》改。「一」,原爲空缺,據《七集・奏議集》卷六補

可不 邑小 不 蕭 繞 此 支錢 差,如空閑 鄉 方 乃 所 刊 何 法既 不通,又恐甚 差 日 俗 欲起 爲法 之法也。 吏,窮鄉野人,皆能别白 7,又諸 面 衙 勅 吏之巧 下, 吏民 前 改正 請 门講若 謹 並 未 州 州 具 施 薄 行 及 ,畫一如左 前件條貫不 役,除吏人衙 衙前投名不 臣 行 替放,且依 畫 於前 相 (三年, 非 一身爲 次, 一,蓋謂簡 朝 顧,皆所 旋 廷 三番之法。● 侍 即 准 立 從, 法之本 以 元 便 舊 足 未曉。 祐 助 前 又 忝 條 處 事 遵 徑 四 外, 役 差役 狀,及臣 守 易 見 年 長民, 意 ,然後 錢支募。 曉 前 其 依 役 也 條 史 餘 雖 更 年 月 不 爲 愚 稱 繚 定 不 山 + 滿 臣

名 支 與 若 不 揮 一、前件 ·, 僅及 向 支 足去處。 後 酬 更 ,勒令在役,然非 勅 無 年,諸: 節文云:「看詳 其應役 人願募 州、路、軍 年滿 即即 鄉户 衙 鄉 衙 前 户 尚 前 衙前 情 雖 有 自 願 且 招 降 充 依 募 招

> 却 如 數免放。 役錢二十貫 年滿鄉 便。 錢之人,即 户差役 充,仍除鄉 無 人,其雇食支酬 更不支錢。 將 替期 有 減 虚 今欲 下錢數,添搭人重難支酬 占 差 外,其投 窠名,可 將 並 衙 乃 許 差 一仰逐 如 文, 前 諸 是 年 願投 州 勒 並 如 錢,即令全行支給 募 限 會 處監 令長 衙 以 行 所 未 長名之人,並 六 充 前 替放 省併去處,裁減人 納數 色合納役 滿 長名,及向 投 司, 名 人户,依舊 名 祇 且. 相 少 應,顯 不 /,不係 度見充衙 依舊 足去 錢之人, 施行 與 去招 於 條 處 出納 免 理 却 人 差役 ?,見役 本 罷 募 情 前 額 依 役 户 本 差 到

豈 也 名 常 衙 自 前 抑 臣 一今看詳 所 勒 豐 以 差 前 招 充 募不 前件 直直 不 聞 以 足者,特以支錢虧 勅 天 重 像,深 下 難 有 月 爲未 闕 給 可 便。 衙 以 前 凡長 足 用

集》作「比於前來三番之法尤爲不通」。「其餘繚繞不通又恐甚於前三番之法」、《七集•奏譯

天〇

免放 募。 朝廷既許歲免二十千, 錢 給, 雍之類 故 而 放 行。 以以故 高 取錢,若遇頑猾人户,抵 存者無幾。 天下投名衙前 困 之末,衙前 元 也 又放免役錢二十貫,欲 價 ,則均是投名,厚 免,則是 . 鄉差,全不支錢,而 然而歲 祐 0 以此補 衙 所謂 準折 改法之初,又行 前 招募不行。 每 時 足 所 免役 計 ,訟之於官 奉 ,何如直 獲 應募 若只是缺 支酬 奉使,輒 會六色人 使之人, 無幾。 《錢二十千許,計會六色人 並 日增 可 免此二十千,即 今不反 添 薄 經經 謂 以 如 何 户 額 減 而六色錢日減也。 重 頓 則 應募之人,盡 減 李 如官支二十千, 者 \ 招募到 僅 賴 刻 涉 難 殊,其 是 以誘脅盡 刻 承之、沈 循其 足 歲 ,多是不支月 ,蓋令衷 不還,或 月給,令招 明 爲 而 月 知 理安在 功。 了, 乃 本 支 餘 括 六色 肯 將 私 酬 令應 數 乃欲 得 支 商 募 虧 ? 旲

> 長名 吏施 足 即 額 臣 來, 錢既 錢無 數。 司 募,則奸 朝 ·千,兼 事 其 今起 商 長 勅 請 今來計 行。 若限 元豐 名衙 異。 衙 議 由 條 足,萬 暮 無 申 前 請 獲 止 民 滿無故 奏。 |以前 前 雖巧作名目,其實一 如 ,欲乞行下諸路監司 難 豈 用 而 面 無 觀 此 ,須管限日招募數足,如不足 會 缺額,豈有今日 久 不 坊 所 施 望,未 招 不 因 如 六 行 場 添 行,訖 簡 招 合 何 募 色人户放免役錢 過半 徑 錢 泂 添錢雇 募不足,即 招募得行,今來 不 肯投 《數,未 議 渡 具委 行之理。 者 曉 车, 天 多 募, 非 必 無 謂 故 如 下 頓 般。 以待 大 取 即 官 臣 守令, 自 必 勘 破 不 與 若 愚 歲 無 本 因 熙 保 應 大抵 多 Œ 添 以 路 應闕 . 募? 添 缺 繫 明 何 寧 與 添 錢 謂 聞 額 官 支 不 添 錢

長

來」,原作 據《七 集• 奏議集》、《續資治通 鑑

放免侵用六色錢也。

州 錢 外,據餘剩 將支使外,寬剩 募,准此。 各依本役 以 條定差,如空閑 所 當 以 定,●恐難限以 物 内量行裁 助 役,及分番指揮,更不 , 兼 出錢數,欲乞諸 定差法,立役次輕重,雇募役 力 役錢支募,候 厚 可以 薄,等第高 前 年限 及以 錢 減 將 件 数,却 寬 勅節文云: **,**具數奏聞。 番次召募,不若約空閑之年 候滿 錢 未 剩 路助役錢,移那 除依 有 及 州 役錢,裁減無丁及女户 於無 下,丁口進 日 户 役 三年,即 差罷,今後遇有 施 \除吏· 罷支。 條量 丁及女户 看 行 所有 人衙前外,依 詳 留 據未及之户 已募之人, 減 人,顯 鄉 先降 應副, 故 分准 差 所 人人户 出 雇 見 不 募 役 備 仍 支

雇募,是聖恩本欲百姓空閑六年也。今來向來指揮,如空閑人户不及差三番,則令臣今看詳諸役,大率以二年爲一番。

作三年 事 進 無户 數 錢内量行裁減」,❷此乃空言無實,止 六色錢 等人 廷詰之。 議之人,假爲此名,以 准備外,據餘剩 言,布聞遠邇,深爲可惜。 役 用。」方二聖躬行仁厚,天下歸 今來只許閑得三年,必是朝廷别要此 無 退,雖 了, 見 強基 乃定,如 故 有户 户 忽 得 幸 方 勞苦,然朝 ! 減 寬 有 , 目目 人户差役年月,人人不同, 作三 有 苦 農民 聖智,莫能 剩 何 差役 餘 便 於 年, 剩 一不同, 皆紛 數却於無丁及女户 行 了, 正 年 減 吏 廷 Œ 放 ? 然相 民 猶 加以税 可 望 前 前 濟其説。 無 許 加 朝 預 知 雖云「量 告,云: 不 我 添 廷 知 臣 · 愕然。 輩 産開 别 番 來 知 Ľ, 閑 數 雇當差, 加 臣 年 此 向向 ~; 而 收 寬恤 7 合用 所 法 請 留 忽 以 本 是 有 錢 爲 出 來 乃 謂 錈 臨 朝 役 此 使 差 減 建 而 分 中

<sup>「</sup>故」、《七集・奏議集》作「放」

<sup>●「</sup>餘」,原作「除」,據《七集·奏議集》改

轉 錢謂如官吏請雇人錢之類。 二年錢,其二年錢椿,留准備用。 錢常椿留 形,反爲不易。 齊,錢多之處,役户太優,與六色人 色錢,多少不同, 惟 留,然後事簡 當 淆 放,其理安在? 放 由 夜 運 有一 盡用 亂 出錢爲樂。 等人户 ,來年不 施 與守令商議,將逐州 行,但 ,百弊横 事,不得不加周慮。 少, 雇人,除量留 , 正 縣盡 |空言而 預 足,又須却 年准備。●如元祐四年,只得用元 行 以應役爲苦,而六色人户, 苦者更減三年,樂者又行減 生,有不 圃 臣今起請,欲乞今後六色 品 用 法 大抵六色錢本緣免役,理 若盡 른 雇 配 意 人,以本處 以以 准 通, 外,其餘委自提刑 可勝言者矣。 增 用 若今來寬剩已 備外,一文不合樁 一路六 ,增減紛然 及約度諸般合用 雇人,則苦樂 名 正 逐縣 蓋逐州逐縣 而人心服。 人户貧富 色錢 色役輕 户 通 簿 行 重 木 六 融 相 猶 減

> 行 雇 爲 而 人 先 稍 不變矣。 後 廣, 如 此 中 則 外 漸 事 簡 蘇 , 則 而易行,錢 差役 良 法 均 <del>可</del> 丽 無 久

吝,必無 法,果斷 心紛然未定,臣在 小。 事 訴。 縦許 貼 差,既無果決條貫,今後詞訟必多 空閑先後 官吏隱 草。 黄。 右謹件如前。 臣 若有本等已上閑及三年未委,專 人告,自非多 成議 而行之。 伏望聖慈與 干 若行此 庇 犯天 爲斷、爲復參用 不差,却行 一, 日 威,謹俟 復 法,今後空 若還付 外服,目所親 朝廷 事好訟之人,誰 日,農 、執政 改法數年,至 雇募 斧 有 司,則 鉞之誅,謹 民 大臣,早定 閑三年人户, 物力高 凋 見,正 無 奶弊,所 由 出 點 一今民 納 爲 下 肯 檢 此 憂 以 告 此 定

原作「半」,據《七集・ 奏議集》改。 奏聞

,伏候勅旨。

不

數

### 論高麗進奉第二狀

來必是· 夷 此 疏 壽,仍云隨 金塔二所捨 僧 其 伴 金塔二 麗 聖壽。」臣 朝 虜 施 文到日,方可 話僧 金塔嘗探中國 統 高 僧 奉 性 義 麗 壽 郎 元 |貪,或 自 院 思義 僧 介 所附壽 天 知 祐 即 將此塔捨在惠因等院,既是衷私 린 付 狀 四年-壽 杭 身 介,知 只作 一面 稱 身文字,以 生怨 入 杭 州 朝 (收管 「臨 介前來祝延皇帝、太皇太 十一月十三 蘇 廷 施納。 意 退 己意體 望。 難 州 柛 ,不可擅動 臣 還 度。 狀奏。 爲回賜,若受而不報 發日,奉國母 惠因院等處,祝 不爲 其狀,仍令本州所差 伏望朝廷檢會 以此顯見高麗人 臣既 示思義,乃是 問 聞 H, 所獻金塔次第。 右臣 退還其狀 奏,方始將 元 龍 封,俟續 近 圖 指揮 奏 閣 臣 延 欲 爲 學 將 前 將 出 有 聖 后 將 士

敢令僧院收留。所貴稍絶後患。謹録奏亦乞只作臣意度,一面答云不奉朝旨,不奏,早賜指揮,如壽介等將上件金塔捨施,

聞,伏候勅旨

令所司 官私 許 貼黄。 舶 院行者姓 圖 遠來從學,因此本院厚獲施利,而淮、浙 人等於高麗國中妄有談説,●是致義 是庸人,只因多與 船過 厚 惠 利 因 遍 臣體問得, ,爲國生事,深爲不可 遭擾亂。今來 院 根 海,是致 勘,候見 顔人,齎持 收 留 金塔, 義天復差人祭奠。 詣 福 惠 净 乃 實 建 又訪 因 是 奏 源 院 海 亡 庸 聞 真 商 聞得 人奸猾 次,今來若 影舍利,隨 僧净 往 還,致 還是 源 臣 本 見 天 商

「致」,原作「故」,據郎本卷三十四改

0

七六三

### 七六四

# 乞令高麗僧從泉州歸國狀

介等到 即 量 指 願 送 詞 塔二所, 旨,許令壽介 徐 云,恐帶 金塔二所, 奉 類 到 時 語 將 揮 與 戩 郎 差 回 明 隨 判 帶 土 知 元 撥 贈 宜 狀 儀 州 來 領 杭 祐 口 據 令壽介等致祭净源 人 物 餞 回 高 四 杭 州 付 本 壽 附 \船乘 遂 色, 送 年 贈 州 麗 蘇 逐 國 因 等 介等令監伴職 具 十二月三日, 壽 國 軾 即 僧 便 致 致 書 載 得 逐 僧 狀 介等收受。 量 《祭亡》 海 執歸本國照 祭亡僧 壽 僧 罪 統 奏。 度 介等。 舶 事 於十 不 義 回 僧净 歸 由 輕 天 臣 贈。 國 净 聞 手 近 亦將 龍 了 源, 源 員 月三 奏。 所 下 臣 如 爲 本 啚 畢, 畢 前 己 有 米 州 净 侍 因 泉 閣 依 來 + 麯 及 帶 巳 其 差 已 源 便 者 州 學 告 蠟 本 到 徒 人 准 元 依 徒 帶 日 僧 商 士 起 燭 州 奏 弟 弟 船 臣 金 准 朝 客 到 雟 朝

> 即 州 泉州 發 至奏聞者 人 前 契 高 多有 面 勘 麗 去 國, 外 申奏,乞發往 如 海 竊恐 壽 訪 舶 介等 聞 入高 久滯 明 到 州 麗 泉 來 近 往 逐 州 日, 年 來 僧 附 卒 買 在 小 船 無 賣 彼 有 歸 因 不便,竊 ,除已牒 因 或 便 便 外, 舶 商 船 明 須 聞 客

聞,伏候 勘 了;依 右伏乞朝 此 以勅旨。 施行。 廷 特 所 降 貴 不 指 揮 至 下, 住 滯 明 州 謹 疾 録 速 契

# 乞降度牒召人入中斛蚪出糶濟饑等的

令在 外 糶 七 奉 五. 縣 郎 常 平 百 大 州 知 元 餘 並 祐 米 縣 杭 石。 均 倚 五. 州 日 匀兑 郭 年 糶 蘇 二月· 自二月至六月終,將 兩 趀 百 縣 狀 石 糶常平米 一千石, + 奏。 小 四 除本 縣 日 右 五. 州 臣 龍 十石, 倚 近 啚 郭 指 閣 見 約 略 揮 學 管 計 已 及 本 + 裹 外 朝 足 日 州

臣 運 有 慮 未 米 山 縣 縣 尚 賜 本 司 用 ,令於本 欲 登,糶 百道,修完 數,恐只至 窮 那 出 不 州 牒 上 外 提刑 月末,曾作 策,恐 權將上 , 乞早奏陳 臣 谷 移 糶 Ī 報 ´; 其 年 供米二十 ",實缺 勘 般運 小民,不 兑充 ,於越、 計 司 場不繼 餘 會 見 州 可 七 必 諸 件 缺 軍 缺 濟 縣 本 四 開  $\equiv$ 是 度牒,召 州 萬 睦 米 糧 軍 ,特許給上件 辨。 書 萬 場 州 至 五 無 即 石於本 見 縣 州 糧 與 大段 更無 例 出 餘 廨 灬處擘 月 民 太師 缺 六 撥 緣 分入中。 皆 間 糶 宇, 石 間  $\equiv$ (失所。 萬餘 臣 | 募蘇 , 必 ,以平米價 缺 緣出 畫 頓 路 萬 未蒙 萬 文彦博以 去 臣 米,縱 然 然 出 餘 歲 E 石 那 石 賣。 、湖、常、 度牒二百道 糶盡 缺 糶 石 然約 一,越、 施 曾 斛 移 與 食,深 面 郖 行。 使 奏乞度 應 杭 已 雖 '; 庶 以 以 下 副 督 若 指 度 睦 州 準 蒙 此 秀人 優 臣 執 迫 可 秋 見 幾 揮 州 轉 朝 政 於 牒 管 轉 憂 穀 惟 深 外 米 然 運 狂

> 至。 斷, 報 德 之民,後完久壞 深哀本州 傷,富民 中。 無 中,減 不免干冒 萬 速 謹 窮。 五千貫。 賜 却以 録 却 價 奏聞 允 外邑溪谷之民 臣 薄 出 從。 此 發 有蓄 朝 賣 ,伏候勅旨 錢 此 訪 屋宇,兩事 廷 臣 修完解字, 約 聞 書已 積 了, 上 無 可 蘇、 了, 若 任 得 瀆 四 湖、 將 惶 以 聖 皆 墜溝 度牒召 恐 萬 聽。 常、 庶幾 餘 濟 五 戰 秀, 日 · 壑,特 千 慄 伏乞 先 則 石 待 至 雖 吏 濟 聖 發 民 必 甚 饑 糶 宸 慈 無 災 荷 殍 得

# 論葉温叟分擘度牒不公狀

轉 朝 南 元 路 祐 運 奉 郎 五. 使 元 見係 年 葉 知 祐 杭 五. 正 温 災 年 州 月 串 傷 \_ 牒 蘇 <u>一</u> 十 月 民 軾 杭 間 + 狀 六 州 奏。 八 穀 日 准 價 日 勅 尚 湧 今月十 龍 勘 書 貴 圖 禮 會 雖 閣 部 兩 七 學 浙 符 日 淮 准 准

七六六

至災 等州 契勘, 杭 錢 照 符 到 或 司,及合屬去處,不管稍 鈐 出 切 賑 揮 數 空名 當 見錢 州 會元祐 濟 轄 給空名度 慮 截 衮紐,每州合得道數,須至行 傷更不撥外,今將杭、越等 ,災傷放稅 支用者。 司 司 所 杭、越、蘇、湖、常、秀、潤、衢、婺、 撥 主者 十道者。 ', 分擘 度牒三百道,並封皮,須 , 糴入官司 用 上 勅 斛 供 令,疾 牒 候 郖 省部 與災傷 斛 三百道 到 數多 ,除衢州放税只及二 郖 ,一依前 速 出 封 今依 施行,仍關 樁 州 不 糶 ,付逐路轉運 • 及諸 軍 能 准 有違悮者。 一,召人 項 周 勅 及 勅命指 依 命 色斛 足 牒 提刑、鈴 至符送者。 指 條 九 人 剅,添 賑 揮 納 遣數内 州 一、提刑、 · '**,** 出 揮 恤 放 斛 勅 · , 及 外, 轄 各 税 司 給 邷

提 傷 洲、鈴 ?, 各出 臣看 給空名度牒三 轄 詳上件勅旨, 司 **,分擘與災傷** 百 爲 道 兩 州 浙、 付 軍 逐 淮 路 轉 南 轉 運 路 司 **%** 

> 計一 每 爲 户 户口 既 九 若數州不熟,即杭 轉 多,全仰蘇、湖、常、秀等 可勝數,約計四五十萬人。 杭州只得三十道。 戾,更不 秀等州,在路受得 公分擘。 鈐 饑 運 剪 受上件 十,便比熙寧 口,共三十餘 轄 分六釐,又緣 九十 年。 判官張 衆寡,及災傷分數,品配 司 商 計 -足錢。 自去歲 今來轉 量 敕旨,即 會提 分 璹商議 擘 萬。 以 刑 近歲 +運 ', 仍 合與 前 上件 州雖十 杭 切緣 及 . 月 使 今來: 便 兩 須 百 浙 州 以 葉 提 四四 中 自 杭 路 參 州 勅旨,便 後, 温 刑 分豐 五 檢放水旱, 鈐 難 面擅 般 用 州 來 叟, 及浙 裹外九縣 十,因糶常 米價湧長, 轄 合得道 各州 得 運 城 土 稔, 司, 行 因 見錢, 斛 内 産 敢公然 東 '; 生 分擘, **到接濟** 出 郡 米穀 亦 亦 西 2數,依 巡 大 不 雖 齒 不 主 兩 蘇 平 至 免 與 違 Ϋ́ 路 郖 客 不 内

七 集・奏議集》卷六作「減」。

恩偏 米,每 易悉數。致杭州百姓,例皆咨怨,將 及一二,却分得一百道,其餘多少 杭 轄 今來聖 州三十道。 司 厚潤州,不及杭 分擘度牒,而 日不 恩 優 下五 恤 内潤 六 路委 州 温 萬 州。 曳獨 人户,比杭州十分 人 自 争 不知自是温 出私意,只 提、轉及 糴 方 ノ任情, 免 兩 餓 一叟公 謂 分 路 殍。 聖 纔 與 未 鈴

違

勅

旨,任情分擘,須至奏陳者

少任 廷 思濯 民,日 乞特 出 施 覩 糶官米,自二月至六 ,吏民驚駭 情,以杭州衆大,甲 行。 未 賜 右 夜 今乃爲 臣 度牒二百 企望 喻 乃是 先於二月四 其 急。 朝 轉 聖 ,莫曉其 廷 運 明 道 施 度奏狀未到間,已 使 洞 行, 召 葉 照 日奏。爲杭 人人 月終,缺三萬餘 意 (數千里) 於 温 雖大旱望 叟 兩 中米,外 路 自 [出私] |外事,有 , 只分與三 一雨,執 州 意,多 縣 諸 朝 埶 如 吏 縣

臣竊原聖意,蓋謂提刑專主賑濟,鈴

所 非 請。 糶 敢 温 運 共 轄 不 共目覩。 米,糴者 論 關 判 饑急,豈肯來糴? 此皆温叟與 叟 相 司 列。 事管災: 杭人素來驕奢,本以糴官米爲耻,若 似 報 官 度 了, 直 鈐 此 分 況杭 轄司 擘。 凌 如雲, 自 今來只分三十道,深駭物聽 傷 茂蔑 州 盗 肆 今温 面任 雖 臣 賊 見今裏外一十九處 行,臣若不言,必無 寄居待缺官員,亦行 ,故令轉 曳並 忝爲侍從,出 意分擘 不 計 運 會 司 送諸 兩 與 使 /諸監 司 兩 路 州 開 人 及 司 司 差 更 韗 場 重 同

未 望 放 盡 兼 面 所 漕 税 必 臣 任 在 皆 只如 分 訪 商賈 司 意 切緣度牒三百道,約直錢五萬餘貫 是 意 數 聞 分 心的實。 去歲 蘇 指 擘,更不 富 反不 州 ,及各隨 民,爲之奔走洶 積 諸 及潤 郡 水 今來温 瀰 檢 計會逐 本州長 州,蓋是 望 放 一,衆所 一叟專 税賦,多有不實不 司 吏用意厚薄 動,而温叟一 用放税 檢放官 共見。 豈得 穩 分 支觀 今來 便

鈐 從,縱肯聽從,不過量添三二十道,亦是支 已牒轉運 地 叟所定 司公共相 大 轄 分, 小 司, 例皆靳惜 賑 依公分擘去訖。 ĺП 爲 司, 度分擘,方得允當。 濟 多 未 州 請細 寡 允。 郡 不 即即 詳 同 縱 與,顯見全然不 上件 多得 使 亦 檢 合參 朝旨 深 放 度 慮温叟未肯聽 (牒,應 得 酌 今來 ,計會提 實 品 配 ·公。 但 係 而 從 别 係 州 臣 温 郡 人 逐

均 無 請 望 本乞 受 録 缺 缺 百五. 上件數目,只乞特賜指揮於三百道内 /聖澤, 度牒 伏望 奏聞 米 事 十 去 聖慈 ,伏候勅 伏乞早賜 道與杭州。 處 二百道,方 不 至 ,將其餘 體 以 念杭 旨 指 稍足 夫 況其餘 州 揮。 一百五十道 私 元 所貴災 用,今來不敢 奏缺米三 意 州 專 軍 制 分 元 傷之民, 萬 多 與 無 少。 石 亦 奏 支 更

貼黄。杭州元奏缺米三萬石,乞度牒二

分與 却與 必是遂非,不肯應 施 元 百 行。 州 不 百 道 五 奏 元 + 百 百 若只下本路,其 無 缺 今 道 五十 米, 道 奏 來 ",猶 請 轉 顯 道,已出望外。 缺 運 未足用 駭 是 米 使 副 常 物 去 只 平錢 聽 與三 處, 轉 , 乞自聖旨 運 乞朝 米足 若 使葉温叟 依 杭 道 廷 臣 用 5州若得 詳酌。 一今來 所 1分擘 潤 奏, 州

## 杭州乞度牒開西湖狀

用不足。

昔西 惟 所 威 左 隙 聖 在 朝 飯 陂 漢 陂 奉 人 元 ,父老 湖 祐 我 在 郎 之末,翟方進 豆 河渠之利,廢興成毁,皆若 五 上 知 年四月二十九日 食羹芋 杭 怨之,歌 則 州 興 蘇 利 魁。 軾 爲 曰 除 狀 丞相,始決 反 害, 奏。 乎 壞 易成 覆, 陂 右 龍 誰 臣 圖 而 陂 ? 壞 聞 閣 ī有數。 當 難 汝 學士 翟子 天下 廢。 南

類, 民 長老 之天,以 而 言 心所欲,天必從之。 久廢復開,事關興運。 相 · 。 臨平湖 晉武帝平吴。 者? 傳,此湖開,天下平,皓以 爲 有 兩 自漢末草穢壅塞,今忽開 神 黄 鴿 下 一蓋 告我 由此觀之,陂湖河渠之 民 也 心 雖天道難知,而 之所 孫 皓 爲己瑞 欲 時 而 通 郡

便滿 今纔 通判本 西 言十 湖 時,西 可 廢不治,水涸草生,漸成葑田 兵士千人,日夜開 廢 ,如人去其眉目,豈復爲 十六七年之間,遂堙塞其半。 ,更二十年,無西湖矣。 年以來,水淺葑横 也。 杭州之有西湖,如人之有眉目 湖 州, 溉田千餘頃。 唐長慶中,白居易爲刺史。 則湖之葑合,蓋十二三耳。 浚。 及錢氏 ,●如雲翳空,倏 自國 人乎? 使杭州 有國,置 初 熙寧中,臣 以 父老皆 來, 丽 方 蓋 忽 無 至 稍 撩 是 不

臣愚無知,竊謂西湖有不可廢者五。

時 者,二也。白居易作《西湖 若二十年之後,盡 作六井,然後民足於水,井邑日富,百萬生 水溉田,每減一寸,可溉 飲鹹苦,其勢必自耗散 聚,待此而後食。 水泉鹹苦、居民零落、自唐李泌始引湖 不可廢者,一也。 轍之鮒,臣子坐觀,亦何心哉 萬歲壽。 毛鱗介以百萬數,皆西北 歲 池 天禧 可 1,禁捕. 四 中, 月 溉 八日,郡人數萬會於湖 五. 魚 故 若一旦堙塞,使蛟龍魚鼈 鳥,爲 + 相 頃。 王欽若 人主 今湖狹水淺,六井漸壞 杭之爲州,本江海 一爲葑 若蓄洩及時, 始 祈 田 十五 福 奏 此西湖之不可 , 則舉城之人, 復 向稽 石函記》云: 以 词; 自 西 首 Ĺ, 是以 則 湖 此西湖之 -, 仰祝 瀕 每 所 爲 同 故地 河千 放 一伏 放 爲 「放 水 廢 涸 千 羽 毎 生

o

<sup>《</sup>蘇東坡大全集》此文亦作「横」。集》卷七。《永樂大典》卷二千二百六十三湖字韻引「横」,原作「合」,今從郎本卷三十四、《七集・奏議

湖漸 也。 居 民 出三 潮。 市 十 頃 五. 二十餘萬 取足於湖水。 不 不 ·可 廢 ·里間 也 井 可 下二十萬功。 淺 中 天下酒税之盛,**◎**未 歲,輒調兵夫十餘萬功開浚,● 莫大之患。 潮之所過,泥沙渾 無 狹 ·蓋十餘里,吏卒搔 者,三也。 茭菱穀米,所 凶 ?,水不 緡。 □歲。」 若湖水不足, 圃 應 今 雖 水泉之用, 此西湖之不可廢者, 溝 西湖深 此 ,則當勞 不 西湖之不 獲不貲。 濁, 及 有如 擾 闊 千 7、泥水 則 頃 人遠 仰給於 杭 石 則 必 者 取 五 運 此 而 可 取 狼 也 足 西 斗 河 丽 下 (湖,若 了,歲課 廢 藉 Ш 河 於 湖 湖 可 泉, 爲 四 行 江 以 之 數 不

蒙 廢 · 任 其 五 皇帝陛 萬餘 漸 臣 責。 以 丈,度用夫二十餘萬功。 侍從,出膺寵寄,目覩 下、太皇太后陛下 五不 輒已差官打量湖 可廢之憂,豈得苟 以本 上葑 西湖 路饑饉 田,計二 安歲月 近者伏 有 必

> 者。 得十 平米 數千人得 萬 饑 以 勝 特 未 老,縱觀太 特賜本路度牒三百,而杭 民, 廣,葑合之地, 方,而又 餘貫石。 聖 税 寬 ·萬功。 意增 轉 臣伏見民情 錢,東南之民,所活不 亦 而增 運 數十 價 司 食 息,以 以其餘棄 減耗折之餘,尚得錢 自今月二十八 臣 Ŀ 召 其 萬石,約勅諸 輒 供 人入中,❸米減 力 謂 以 額 如 尚存大半,若來者 以 此錢 此,而 斛 度 ,興久廢 一聖既 五. 此 米 十 獨 錢 凶 路, 捐 日 募 餘 可 得 米 歲 無 興 民 利 萬 不 價 勝 百 蓋 有限,所募 、功,農 與 開 石, 窮之利,使 米 出 計 取 道 (民,活 湖 有 約 糶 五. 出 不嗣 泣 臣謹 民 度 共 以 今又 穀 糶 下 力 此 父 濟 常 可

9 0

<sup>「</sup>棁」,郭本作「锞」,《七集。「功」,《大典》作「工」,下同。

<sup>「</sup>官」。「税」、郎本作「課」、《七集・奏議集》卷七、《大典》作

人入中」之語,因補「人」字。「人」,原脱,今據下文《申三省起請開湖六條狀》「召

道 則 ,則一舉募民除去净盡,不復遺患矣。 前 功 復棄, 深 可 痛惜。 若更得度牒 百

録奏聞 十里,際山爲岸,❸ 志,❷半年之間,目見西湖復唐之舊,環 價錢與臣,通成 道内,契勘賑濟支用不盡者,更撥 轉運、提刑司,於前來所 介,同泳聖澤,無有窮已。 然,●特出聖斷,別賜 覽,察臣所論西湖五不可廢之狀,利害卓 伏望皇帝陛下、太皇太后陛下少賜 , 伏候勅旨 百 道。 則農民 臣度牒五十道,仍勅 陽諸 臣不勝大願,謹 使臣 父老,與羽毛鱗 州度 得 盡 五 牒 力 + 畢 道 百 詳

除去。 貼黄。 早賜開允,及此良時興工,不勝幸甚。 言八月斷葑根,則死不復生。 芟夷藴崇,使不復滋 黄 及六七月,大雨 目下浙中梅雨,葑根浮動,易爲 本州自去年至今開浚運河,引 蔓。 時行,利 又浙中農民皆 伏乞聖慈 以殺草,

> 省去訖。 害 西 湖水灌注 敢 一一煩瀆天聽 其 中, 今來開 除 别 葑 具狀 田 逐 申 利

### 申三 省起請開湖六條狀❹

運 判杭 朝 郭穿闑闠中,蓋十四五里,每將興工,市肆 開浚,不獨勞役兵民,而運河自州前至北 奉 河淤塞。 州,訪問民間 郎 元祐 知 五年五月初五 杭 遠則 州 蘇 ?疾苦。 五年,近則三年,率常 軾 狀 申。 日, 父老皆云: 姉 龍圖 於 熙 閣 寧 學 「惟 中 士 苦 通 左

卓」,原作「較」,據郎本、《大典》改。

<sup>「</sup>志」、《大典》作「工」。

岸」、《大典》作「墀」。

六十三湖字韻引《蘇東坡大全集》作「申三省狀」。 申三省起請開湖六條狀」、《永樂大典》卷二千二百

不

氏 山、浙 則 言。」 復平田 歲,若自唐以來 斛 不足怪也。」 軾又問言:「 有 復 踐 轉 泥 能 一淤,積 汹 有 车 舟,人 狼 失 丽 水 數日不能 恐 動 所 國 問 之他。 開 河 藉 喝 ,則居者皆有失業之憂,既得 江 大者。 積 時 中, 其所以 牛 人户,或云當於某處 日 兩 園 則公私 私 耳, 今驗所 居民 稍 閘 力 有 及 工 騷 出 其 城之東有 盡 隙 久,便及 昔人以大小二堰 頻開屢塞之由。 日 『郭者。 故 如此,則 患厭 壅 地, 一役既 在,堆疊泥 納 跬步千里,雖監 自 何 滯,以尺寸水欲 潮 例 胥 也?」父老皆 ,未易悉 畢, 四 水,沙泥 其餘艱 成 吏 小堰門,既云小 城中皆爲 潮水 五 丘 壕 則 尺, 阜, 寨 沙,不 房 置 淤 數。 兵 隔截江 阻 廊 其勢當然, 渾濁,一泛 皆 積 塞 土 級 非 뫲 一,某 丘阜,無 司使命, 雨 言 . 過 若三五 固 行數百 等 店,作 **基駱,又** 蕩 不 獨 處 堰, 「龍 0 五. 近 待 渦 皆

能

畜 昔之水 令走 '', 流 復及運河 取足於江潮。 矣,以意度之,必自 壞 放 徹 下。 此堰, 無 人 亦 溢害田, 城 面、半爲 有 H 自天禧 堰名爲 淤 以快目下舟 則 塞 城 而 中 , 葑田, 又況今者西 中,故 旱乾之月, 清 諸 而 河,意 餘 河 此 霖潦之際, 杭 楫 相 後湖 門 往 王 似 用 湖自 湖 欽若 水 來,今七十 愛惜湖水,不 西 地 日 不 湖 名半 知杭 減涸 就堙塞, 足於用 水 無所 道 水 瀦 餘 洪 既

而

年 始

頃。 作 無 溉夾河田者,皆放湖 寸,可溉十 凶 石函記》,其 年矣。」 若堤防如法,蓄泄及時, 謹按唐 長 用 五頃 此 慶 略 中 計之,西湖之水,尚 ì 日 刺 人 史白 每 河,自河 自錢塘至鹽官界應 伏 居 易 時 則 ¨', 可 瀕 浚 入田,每 河千頃 治 溉 西 能 五. 湖 自 + 減

t 集 奏議集》卷七 作

<sup>」、《</sup>大典》作「昔」。 按: 作「昔」,屬下。

要便。 四 米 軾 任,首見運河乾淺,使客 運 月 色 薪 泂 終, **、蒭,亦** 厢 是 軍得千餘 時 田 開 浚 緣 溉 茅 知 恩 千 此 山 暴貴,尋 出 頃 人,自十月興 利 鹽 典 則 此 橋二 茁 運 州 而 鬱 講 河 河,各十餘里, 刷 自去年七月 足 求 捍江兵士 工,至今年 其 用 方 口 知 也 及 到 得

皆有水八尺以上。

見今公私舟船通利

城 城 氏 江 則 而 體 故 此 臨  $\equiv$ 稍 事 運 五. 深 閘 濮 父老皆言,「自三十年已來 灌 可全恃,宜參 ·, 以 大, 年間 河 快者也。」然潮水日至,淤填 縣  $\Box$ 注 有 主 城 而 堰 而 ); 前 二,其一 簿監 閘 中 湖 北 諸 面 却之,令自城 功復 出 在 葑 河,歲 天宗 酌 城商 合,積 文棄。 日茅山 古今, 月已 門 税 軾方 永 且用 蘇堅建 河, 木 外 久,若遽 其 講問 ,轉過, 多,雖引 中策。 南 開河未有 曰 抵 議 如 其 龍 用 曰 惟 錢

自茅山 填,乃 後開 猶 茅 河 河、 開 上,則 下。 前 十 河 水淤塞、 Ш 出 泂 里,自十里以外,不曾開淘,此已 既 水 淘 Ш 相 河 餘 亦不淤填。 南 過 出 一百步 深 泂 閘 杭 日 通 在 暫閉 八尺。 丽 至 慮 底四尺,梅 受潮 潮 河 門 天宗門,候 開 泥 人 州 則 行 於鈐 ()户稀 淘 此 土有 鹽 前 已行遠 + 餘 水, 二河合於門 則 備 閘 搔擾之患。 橋 餘 自來潮水入茅山、鹽橋二河,只淤 杭、天宗二門,東 鹽 轄司 乏水 波 少 無 可 里至梅家橋下,始與 家橋下,量得水深 橋 亭下, 堆 村 河過 緣 泥泥 河 前 兩 涸 積,不爲人患 落 Щ 亦 今西 沙澄墜, 時 創 竭, 闤 相半之中 浙 無 辰,潮 置 而茅山河 闠 然之明 江 湖 涸 而 中者, 潮 水 竭 鹽 閘, 平 北 四 水,徑從 西 効 111 雖 尺 貫 之 橋 抵 ·水清, 相 河 而 每 縱 永無 城 患 河 雖 長 碧波 鹽 鹽 復 底 遇 潮 不 河 而 低 山 橋 橋 水 免 淤 潮 然 茅 堰 北 潮

所過 湖活 丈,以 中,置 此 民 此 人新水門, 溝,又南行九十丈,復 鑿爲新溝二十六丈,以東達於承天寺東之 水,皆入法慧寺東溝中,南行九十一丈, 河 於 一、集賢亭後 得 所 河 清 湖 ),皆闤 汲 下 謂 水之所注,永無乏絶之憂矣。 湖 、湧金門外水閘一 東入於猫兒 參 用 流 輸 圃 泂 小堰,使 酌古今而 下以 水閘 澣 者 闠 以入於鹽橋河,則咫尺之近 則 此 濯 曲 最 江潮 大小 北 所。 日. 可惜。 折之間,頗作石櫃 \暗門、 出餘杭門,不 橋 清 用 所。 以 凡 一、菩提寺前蚪門一所。 :水之所入,上流則 河 中策也。」 備 五 鑿 宜於 湧金門二道所引 一、集賢亭前 П 道 火災,其 爲新溝 自猫兒 湧 金 復 暗 一百有 與 門 水窗 利甚 門 貯水 而湖水 橋 内 城 外 郖 河 小 中 所。 博。 使 矣。 門 湖 西 則 運 П 泂

黄 僎 相 軾 尋 度 以 可 堅之言使 否,及率僚吏躬親 通直 郎知 驗視, 和 縣 事

> 皆言: 矣。」 培甃固 百 水面 非止 狀,凡一百一十五 皆如 而 自運河,下及民田 完,而功不堅緻,❷今復廢壞。 水注其中,歲久不治。 州城中多鹵 而 七十貫,爲錢 患 本 功開 兵工 堅言 勸 爲游觀之美,而近年 州 H [護,可 「竊聞 軾 減 導及作堰 父老農民 寡 地、無甘井。 因此盡 以 茭葑日 可 室久。 少 朝 成 イ,費用、 廷 一萬七千貫。 無 閘 力開之。 近賜度牒 煕 人,皆言:「西湖之利,上 覩 皆不過數月, ,億萬生聚,飲食所資 疑 滋,更二十 寧中,知 唐刺史李泌始作六井,皆引 此 之資無 且 也 以 利 軾今改作瓦筒,又以塼 以 餘 便, 州 謹 軾既深愧其言 派 所 從 來, 陳襄與軾同 力 以 百道,每道 相率 修完、 本州 四 年, 堙 미 出。 月 以 塞幾半 無 詣 六 既 成就 学畫 井 父老 西 越 十 ·, 杭 湖 陳 日 石 修 湖

<sup>「</sup>劔」,原作「至」,據《大典》改。視」。・「水窗」、《七集・奏議集》作「水筧」、《大典》作「

支用 民,消 米 價,召 此,亦足以集事矣。」 折之餘,尚有錢米約 人 人 中, 又復 減 價 共 出 糶, 萬 質石, 以 濟 若 饑

補

開 户 利,作菱蕩 開 無茭草堙塞之患。 不遺,然後下種。 見吴人種菱,每歲之春,芟除澇漉,●寸 間,人工不繼 湖水淺,茭葑壯猛 急,然皆用工 鄭公戩以來,苟有志於民者,莫不 狀,其略曰: 米 常憂剗 葑 湖 不除治, 適會錢塘縣 候 丈,亦 萬 開 [貫石, 奪, 微生茭葑,即 租 成 議 ,則 可 自 佃 滅裂,又無 湖 添 度 然 隨 者 獲 面,即給 尉許敦仁建言 若將葑田 · 雖 盡 得 所 盡 今乞用上件錢米,雇 欲開西湖久矣, 手葑合,與不開 利 + 雇 一力,永 既厚,歲歲 萬 得 許人剗賃 力開撩, + 以 與 丈 無後 善其後 水 -萬 人户,量出 變爲菱蕩, 面 工 患。 而三二 西 了, 不 一<del>,</del>每 行,但 加 以 湖 同 自 功, 使 此 蓋 太 可 約 課 人 永 年 竊 西 爲 守 開

人

遇

米三升錢 · 出,然艱食之歲,使數千人得食其力以度凶年, 濟 也 若 量 五十五文足,雇 破 6錢米 召募 饑 民 强 興 **头役**, 壯 人夫,然後 必 不 濟 事。 何使。 若 亦歸 每 雖 日 於 굸 破

賑 强

米雇 當。 今來有合行起 人,般載葑草,於四 之患,爲 天 阻 閘 閘者,自須 潮上,閉閘 (宗門, 兼更 己 — 滯之患, **ቚ尋以** 一、今來 面 有 差捍江船務樓店務兵士共五 至 牒 敦仁 所 不 圃 鹽 先 茅 請事 本 兩 小。 創 橋 能 期 Ш 州 之策,參考衆 置 隔 出 時 伜 月二十八日興工去訖 依敦仁擘 人 鈴轄 河 河 辰 恐來者 截 ,謹具畫 自 **而** , 必不肯 江 永 潮 司 可 無 公私 前 通 畫,支上 堙 徑 議 行, 一 閘, 如左。 寒 自 端 舟 皆 開 茅 船 以 坐 淘 Ш 此 件 以 欲 雖 謂 河 實 待 百 錢 播 允 出 每

0

擾

利

不

知

本

·末,以

出

無 閉

澇」、《 狀》有「以船栰撈漉」之 【大典》作「撈」。 本書卷三十 一《奏浙 西 1災傷

作, 得 閉 阻 却 訖 滯 今來 方 爲言 鈴轄 得 起 開 請 輕 龍 新 有 前 山 置 閘 變 浙 鈐 改 江 轄 閘 積 司 以 前 候 歲 潮 閘 月 平 水清、 舊 遇 潮 患 復 方 上

開

司

官爲 路 木岸 準 却 年, 行 本 元 户 州 於屋 制 補 法 除 積 而 了, 以 據 拆 户 已 樁 中 相 河 兩岸人 管準 淹理,❷; ·外, ●1 所立 率經州 所 依 外别作牽路,以 護 鹽 出 狀 河堤 橋 石刻 不 賃 施 備 並 具 户 運 乞遽 合拆 得 錢 載 行 修 復 ,仍據所侵 河 爲 7,並送 去 補 闊 别 侵 岸 訖。 除, 木岸, 乞免拆 狹丈尺。 入人户 占 將 Ė 逐 牽路,蓋 支 通 本 致 人 用, 有治 今來起 屋 家 州 河 判廳收管, 占 全会侵 後 地 方 道 平 今方二十餘 如 文大尺, 行 日就 量 屋數千間, 請 占 四 違, 除 出 相 應占 [牽路 年 度,而 淺窄。 屋舍。 賃 並 準 各作 提 錢, 備 牽 科 刑

自 來 西 湖 水 面,不 許 人租 佃, 惟 茭

> 成 葑之 至立條約束。 開界上,立小石塔三五 覺察,已 久人户日 每 面,不得請射及侵占種 水 丈支賞錢五貫文省,❸以 面 地 須 方 漸 至 許 揮 侵占舊 給 請 本 今來起 與 賃 州 種 人 候 [來水 户 植 開 詩, 所, 請 植 湖 面 今 來 佃 犯人家財 了 種 應石 相 如 種 日,於今 望 植 違,許人告, 既 菱。 官官 爲界,亦 塔 將 以 司 深 葑 充。 内水 來 無 慮 田 須 新 由 歲 開

不禁。 剗 木爲 田 賃 塍 狀, 四 、湖上種菱人户,自 今來起 至,不得以臠割 以 爲 疆界。 請 應 種 緣此 菱 爲界,如違,亦許 人 即 P 來 、 只 漸 臠 葑 割 得 合,不 葑 標 地 插 竹 可 如

本 州 公使 庫 自 來 收 西 湖 蕩

拆 原作 「折」, 據《七集 議

<sup>0</sup> 法」、《七集·奏議集》作「此

文」,原爲 空缺, 據《七集• 奏議 集》補。 大典》無

以

上六條,並刻

石

置知

州

及

錢

塘

縣

尉

違 逐 添。 利, 管,謂之開湖司公使庫 便。 所有新舊菱蕩課利錢,盡送錢塘縣尉司 草葑 課利,亦必 課 制 年雇 | 剗賃,其剗賃 利 並委自本州 如人户不切除 今來 壶, 錢 人開葑撩淺,如敢别將支用,並 四 |變爲菱蕩,給與人户租 起請 百 稍 五 增 。 欲乞應西 十 量 (人,特 应 若撥 立課 治,致 貫 ,充公使。 更不 與權 額,今後永不 入公使庫, 湖上新舊 少 免三年課 有 草 得支用 佃 今 葑 未 即 來 つ, 即 门以 ·得增 蕩 爲 既 備 科 收 課

行。 所 司公事,常 起 政 屬 請 點檢交割 點檢,申吏 或支開湖 今後差錢塘縣 錢 塘 切 縣 點檢,纔有茭 司 一部理 尉 如 錢物,雇 廨 有茭葑 三爲遺闕 尉銜 宇, 位 在 人 不 内帶 西 開 葑 切 湖 除 撩替日, 即 管 上。 治, 依 勾 法 即 開 今 委 施 來 申 湖

謹

狀。

地

廳 常常 切 點

五

本州條 紊煩天 所賜 具狀 錢米 不盡者 費 所 侍 啚 萬 陳 納 用 奏聞 郎、尚書左丞、尚書右丞特賜詳覽 本路諸州度牒二百道内,契勘賑 餘丈,合用人 右 貫,早賜降 利害,及起請六事 聽。 外, 謹 面 可雇 , 乞别賜度牒五十道, 並 件 更撥五十道,通成一百道,充 所有逐 伏乞僕射相公、門下侍郎、 隨 如前。 十萬 狀 納 下,依 关二十餘 功,只開得一半。 勘 上,謹 子細利害,不敢 會 禀 西 ,逐一敷奏,立爲 施 湖 具 萬 狀 行。 葑 功 田 申三省, ô 兼 於 共 畫成 前 軾 濟 前 開 支 件 中 來

湖

用

書

885

件

功」、《大典》作「工」。

奏户

. 部

拘

收

度

牒

狀

牒 • 行。 例 濟 聖旨,便行下本 度牒錢斛, 户 百 民 見 左 部, 道, 者 朝 深 即 别 臣 · ; 可 聖 奉 兀 無 路 駭 無 兩 本 詠 而 勘 郎 祐 遇 聖澤。 備 流 謂至 浙 物 似 路 杭 會 知 災 五 知,便使今年 民。 以 轉 揚二 聽 此 自 杭 年 丽 矣。 備 運、 中 平 五 來 州 爠 曾未 是致户部 路 别 淮、 變 聖恩 斛 月 提 蘇 州, 提 時 兩 憂 却 軾 浙 郖 刑 數 浙、 + 刑 支 勞 自都 狀 以 足 兩 亦 H 用 司 秋穀大稔 四 奏。 淮 七日 災 得 路, 申 用 0 申 方, 省 百 傷 依 都 南 都 丽 右臣 本 去 行 特 户 省 道 所 淮 龍 須 路 歲 下 賜 部 更 賜 却 以 圖 西 猶 近 災 追 乞拘 錢 所 不 今 吏 拯 度 閣 傷 年 件 民 收 牒 恐 物 申 奏 刑 救 學 體 賑 禀 收 豐 度 鼓 施 申 六 饑

> 信 終被 戒飭執 澤。 省樂 勅 前降聖旨,盡 忝 此 路 忠,留中省覽,更 之損,是以 屯膏反汗, 顯 補 旨 數 是 天 備禁從,受恩至深,不 提 瘡 下。 惠, 百姓聞 小 百 聞 轉 痍, 政,令速降指揮 紙 其 臣 丽 亦免二聖 度 無 如 言 臣 虧汙聖德,惜 況 冒 (牒,中 之,皆謂 意 何 即 即 不 用 春 昧獻言。 卹 見 勝 夏之交, 賑 時 不降 民,專務 得今年 區 已 濟。 路 施 腽 行 朝 翻 行 出 恩 所貴 悔, 廷不惜饑 更不 伏望 毫 忍 稻 謹 追寢二聖已行 秋 獻 只 作 命 小 毛之費,致 秧 爲惠不終。 熟 諂 録 艱 反 . 得 一聖慈 臣惑誤執 未 便 **而** 奏 覆 食 聖 拘 了 (中豐) 聞 之 民,而 户部、 意 追 收 察 未 、 伏 民, 收, 訪 臣 É 稔 委 政 聞 依 失 始 孤 Ш 臣 惜 之 都 逐

貼黄。臣近有狀奏,乞更賜度牒五十

臣

<sup>● 「</sup>日」,原作「月」,據《七集・奏議集》卷七、《歷代名

功併棄,深可痛 指揮到日,更不敢支動。 老,無不感悦。 月,漸以見功。 募艱食之民,興功 道,用開西湖葑田 將前來度牒變轉賑濟 忠, 執 政,下忤户部監 重,每有所見,不敢不盡。 省檢會前奏,早賜施行。 避 仇怨,特乞留 惜。 忽蒙 吏民 一, 仍 (開海) | 踴躍 司 伏乞出 都 外, 省 伏望聖慈愍 中不 拘 從事,農工 吏民失望,前 所餘錢米,召 面 今來纔及 自聖 收錢米,自 指揮本州 臣自 今者 父 受

臣

七七九

### 蘇軾文集卷三十

奏 議

### 應 詔 論 四 狀

下 或爲 曰 : 察,忠言有壅而 邸 或不當其人?」又曰:「意者政 厄塞,情之不通者非一,刑或不稱其罪 左 伏 即位改元于今五年,三出此言矣, 朝 報 讀至此,感 「豈政治失當,事之害物者尚 奉郎 害而莫知,賦 元祐 以諸路旱災,内出手詔 五 知 年 杭 六 州 憤涕泣而 未達,賢 月 蘇 役失當,民 初 軾 九 狀 材 日, 奏。 言 有 E. 抑 病 臣 龍 兩道, 令寬弛 而未用?」 於事 近 圖 多 嗚 者 閣 呼,陛 雖 而 其 伏 學 , 用 莫 車 下 略 覩 士

> 毫上助 如左。 其父子,破壞其生業,爲國斂怨 苦,州縣官吏日夜奉行殘傷其 聞。 不能盡知朝政得失,獨以目所親見民之疾 勝拳拳孤忠,而志慮短淺,又以出守外服 人感通,災沴不作,免使君父數出 堯、舜之仁,名言皆行, 湯之聖,不惜罪己,而 思有以 國用者四事,昧死 少 補 聖 政 了, 助 臣子之心, 心 迹相 獻言,謹具條 成 應天之實, 肌體,散離 應,庶幾天 圃 此言,不 7 無 不 件 絲 使 忍

給還; 四 本,别無失陷,除已有 來所收課利及估賣到諸般 文:「應見欠市易人户,籍 方聞之,莫不鼓舞歌 一、伏見元祐 未足者,許貼 四 年 納 人承 詠 收 八 以以 贖 買交業外,並特 物 納 月 拘 謂聖恩深厚 ,仍不限 色錢,已及官 + 收産 九 日 工業,自 年。」 勅 節

是百 法,本爲興置,市易已來,凡異時民 籍納 納 ? 不免與官中首尾膠固, 雖有惠澤,蓋與 如蒙更生,今者有司沿文生意,又復壅隔 歸,伏幸仁聖在上,昭恤 以來,父母 户 蘇州 定,●即以所估高價籍定者,謂之籍納。 折還欠錢,謂之折納。 條 勘 燭 養之道, 可 7,方且 杭 知 限 姓 以應 産業,方許給還。 州 申明,如 民 本部已依條 ,增價出息 讙然 出訴 隱 共 次第施行次,忽准尚 得。 誠誠 有 妻子離散,轉 切收之公上,小民 一百一十二户,合該 三王推 指揮至 何謂之折 無 於庭。 ,賒貸轉變, 同。 估 本人情之政 覆。 有已給再追 臣即看詳,元 用 此 已經估覆三估 以 如此 以謂某等自 納, 在 至供 供認伏定 溝 契勘,遂無 ,❷命下之初, 如 何 書户部符,據 以苟趨目 既無 壑,久無 通 也 物 謂 間 者。 F 他業, 産 入官, 失業 之籍 生財 初 項 不 尋 立 所 伏 於 惟 勅 契

> 爲立法,以 自能 妻孥。 之急。 臨時立文,出於偶爾,而 欠錢,並籍在官,有何不同。 以至三估未肯供狀,及其既納,皆是折 願,實只空文。 之時,州縣督責嚴急,如有産業田 放免息罰,召人添價收買。 各以差官檢估取伏 罰,歲月益久,逋欠愈多,科 詞,致許人户願以屋業及田 爲主,檢估伏認,勢須在官,雖名情 市易官吏,方且計 及至限 救前 滿,不 唯是頑狡之人,或能抵 日之弊。 定文狀 ·能填 有司 較功賞,❸巧爲文 (償,又 所 了 方人户在 - 決監 稱 執閡,妄意分 聖恩寬大,特 日理作季限 土折納還官 籍納,只 理 土, 豈; 錮 係 以 重 拒 是 澴 逮 息

0 0

奏

<sup>「</sup>三估」,原爲空缺,據《七集・奏議集》卷七補。

義》文。 「昭」,原作「賑」,據《七集·奏議集》、《歷代名臣

議》改。 「賞」,原作「償」,據《七集‧奏議集》、《歷代名臣

所貴失業之人,均被聖恩 加 請 自 分 收 市 及 條 被 别 剜 房 易 優 詳察,不以折納、籍納,並 是 檢 無 惠 課 會元 蘇 折 官 澤。 此 恤 而户部吝於出納,以害仁政。 納、籍 充折。 果如 錢 明 州 元 , 祐四 文, 事 官吏巧 將 初 申 理 納。 别無 樓店 實恐非 恃 年三月 明 如 頑 此 薄, 以此 少欠,亦許 屋産 即 狡 豈 是 二十六 朝 獪 以 推考,● 折 廷 不 與 善 刻爲 納 綏 倒 官 良 依元 在 畏 給還 H 養 置 爲 忠, 顯 官 事 窮 ? 競 勅 修施 1,並將 之人, ~<del>,</del> 亦 之 無 曲 困之意。 伏乞特 不 可疑。 惟 有 八户欠 不 行, 申 曾 所 却 元

納 鹽 熙 户 産 鹽場監官本價錢 錢 寧 部 三累! 及 应 狀,據提點 、伏見元祐元 〈有均 年 經 以 赦 攤 後 恩 等人 至 兩 元 比 ~, ❸其 浙 豐 類 陪填,見今貧乏無 年 刑 三年以 市 九 獄公事 、餘並乞除放等事 易等錢,只令送 月 八 前 日 喬 新 勅 執 法 中 一尚 可 積 納 送 欠 書

> 之久、民之疾苦、依然尚 之人, 堪命,故 衍散漫,遂及江 年,纔放 百 催 行, 南鹽法,久爲民患,原其造端,蓋自 詳朝旨施行。」本州 理,遂具狀申奏。今准省符,前 奏,積欠鹽 本 部勘 行 四十五户 到貫萬不少,今來所欠,並是下等貧 一,何也? 無 連 韶令之下, 得二十三户。 狀 可送納,已累經赦 欲 錢,前後官司催 奉 **( )自承朝旨以來,迨今首** 並 ·聖旨依,及 南、福 依 推考其故,蓋提舉鹽事 喬 契勘 如 執 救 建,流弊之末,人 中 臣竊怪之,以 上 在,朝 水 準 所 件 火。 納 提 奏 恩,及 年分 ·, 僅 刑 前 廷德澤, 今者 項 司 項 及六年 指 逐 兩 計 備 事 五. 謂 節 尾 揮 坐 浙 有 理 司 年 不 請 事 困 流 東 四 元 施

令」,原作「今」,據《歷代名臣奏議

<sup>0</sup> 推考」 請」、《七集・ 七 集 議集》、《歷代名臣奏議》作 奏 議 集》、《 歷 代 名 臣 議 作 「相

可送 乏,即 運 方可 聖旨 價錢。 年已後至八年登極大赦以前積欠鹽户, 既以 乞除放,省部 止是 無可送納,非爲更行勘會,須得委是貧乏, 之人,皆當釋放矣。 納到貫萬不少,今來所欠,並是貧困之人, 詳 執 司 芫 ,因緣爲姦,以 文害意, 納 各 施行。 施行, 節略元奏,爲其已涉六年,見今貧乏 累經赦恩,比類市易,只乞與納官 奏之意,本謂 依 顯 曾 本部勘當,以此並乞依奏仍連 元祐元年九月十八日已降 合行 執 析 申 中 即 謂 至元祐二年,本州再以元豐 明 當 是 非貧乏不在 看詳,方始 省 例除 時 執 元係 符, 市賄 所 中所奏欠户,自是貧 積欠歲久,前 **(奏,並謂** 省部 與元奏詞 放,及節 連狀 賂 行文,如委是 故久 此 行下 が並依 數。 次 見 丽 語 務從文省 本 前 今 後官司 不 而 不 州 ·貧乏 朝 項 決 州 同 所 與 狀 縣 轉 無 貧 奏 困 奉 本 施 四 催 吏 竊

> 之意 奪於 勘 亦恬 以 也。 禀監 以 惠澤之下,宜如置郵傳命,今乃中道 户申省見勘會 四 至使州 反復,多方留 求,待其充欲,然後保明。 施 會是 開 十九户已放,❷ 司 行 也。 隔 州縣 不爲慮,甚非 奸 伏惟仁聖在 司 ; 買 朝 ',及有一户二户,旋申省部 與 縣吏人,户 吏乞取之路,反使 理 囑鄰里, 廷大惠。 伏乞昭示德音, 庸 不 甚 ·是貧 人之手,省部 明。 難,即五年之久,未足 而未圆,二十五户 上,憂民疾苦,寤寐不忘 而復行勘會,一百六 乏,無俾 胼 户户行 尚 而 不然,或斷 以 復 主 仰稱仁聖焦勞愛民 多 遣 司 堅執 申 既 方指 奸 朝 遂致其 · 飭 吏 不 廷之恩,獨 以第三等以 有司, 執 鈎察,官 摘 較 至 已 文害意 今疑 量 間 以 員 廢格 為怪 更不 + 肆 如 而 鼠 吏 此 規 五 申 構

<sup>「</sup>析」、《七集・奏議集》作「折」。

<sup>「</sup>九」、《七集・奏議集》作「人」。

下 此 後,及至 言自 施 並 行 足 依 吏 八 上 年大 無所措意 件 蓋等 朝 放以 旨 第 施 素 也。 前 行。 定, 所欠鹽户 所 貧 則 有元豐四 富 法 令 較 ⁄, 亦 易 然 簡 乞 年 依 以 行

空留 登極 祐 百 貼 黄。 餘 元 帳 年 貫 大 籍 至今並 赦 契 虚數 若 勘 以 謂 前 熙 以 非 不 寧 曾納到 貧 害朝 四 泛有 户 年 積 廷 以 欠, 分文,顯 可送納, 實 後 焦 共 止 計 元 豐 五 見 即 自 萬 八 有 年 口 元

保 足, 財 利 巧 之 譁 雜 窘 源 上下 計 文 群 作 亟 所 、伏見熙 ~; 惟 致 飲 在,皆歸 督 酒 州 之肆 \`,誘導 責 税 縣 田 益 受官 例 賦 又不能 寧中 急,故酒 之常 無 皆 與 視 減 酒 知之民,以 -, 天下 《耗,諸 事 税 平使者, 售, 去處,亦 而 務 팅 官 往 以 路 更,至 新法 往 陷欠 既 而 方 苟 或 已 轉 是時, 逃 從 超司 負 爲 一經費 有 罪 事 破 小 與 民 歲 庸 民 不 凡

其 來,以 之禍 他 同 除 已 無 尚 擾, 户,歲月既久,終不能填償, 十二萬九千 收 監 錢 是 (鹽與酒 准 蓋 放, 日 日勅,酒 有之人乎? 有餘欠一萬三千四 其 錮 也。 體 十四四 朝 元 租 (與産 有 獨 繼以 産當酒 如 旨 祐 利, 司 酒欠至今未蒙 許 拘 事同 萬二千九 元 近 務留 不 許納 鞭笞拘當在官,使之離業, 人 俱 中 收 年 四百餘貫,計千二十九户外 契 能 供 者,計一千四 間 則 九 一體故也。 勘 推 當産業,依鹽 尋檢會元豐 通 場 以 同 月十六日 十 自 廣 監 至 百餘 杭 朝 己 而 餘 係 地 州 o 或 廷 如 除 百餘貫,計 年 頭 纍 貫,前後 自 借借 德 此 放 間 官本 今者鹽錢欠户 犴 百三十三户, 承 及二年 四 意 施 豈非 他 則 。 除 獄、公與 錢 上 年 故 行。 X ·價 異 例拘 已催 件 官司 也 五. 産 並 錢,餘 ·九月十 四 指 豈 月 是 業 "收,以 百 私 此 容 困 到 又 催 揮 自 無 事 並 竆 皆 四 督 以 酒

更不勘 黨皇極之道 欲 行,不惟 並 依 乞 將 所 會 欠 元 海 貧 鹽 豐 隅 乏,或斷自第三等以 錈 八 細 年 已 民 得 /並蒙: 朝 極 大 (休澤,實 并 赦 今 以 前 來 前 酒 亦 下 項 無 事 人 申 偏 理 户 明 無 施

也

及假 於是 强 其 官 又須元價 重物 錢五 内揀 杭 吏 後 吏 與 等縣,委官置 荷 無 借 官 輕,一 督 萬 萬 下 、伏見元 賴 + 責 得 官 吏惶駭,莫知所爲,不免一切 五千餘貫 不堪上供五萬七千八百九 一千疋,准 餘 1勢,抑 以 子 嚴 虚 日併出,既聲言行濫不受於官 ,弟,詭 年 冀償足,捐之市中,莫有顧者。 急 數 間 還之有司,以 豐 場 必 配在民,往往其 加 ,却勒逐場變轉。 於取 冒姓名 四 朝旨 一十一處收買。 捕 年 寇 償 杭 撥轉 盗 朋欺 州 奏 除催 合發和 緩 立 運 近 目 上下,元買 司 (間浮 到 期 前 一疋, 錢 是時錢 四 尋以 買 之禍 淀粉貸, 專 浪 萬 於 絹 委 小 數 計 餘

傳,和 餘 官 意 事 是冒 僭妄,竊詳 正 了 或元 年登極大赦者 遺 逃移 日 今,終不能 吏 補 在是者,蓋 使堯湯水旱, 有數,體 絶、雖係元請 勅,諸處見欠蠶 害未已。 餘 取償 名無 以 助 户,並 無頭 不 貫 氣充 耕 絹 (外,餘 知 倍 斂之意,公私 主 可 與 頭主 稱 和 足。 塞。 雖 是 今者伏 催 ,均及干 民 不 非 買之法 備 貧 欠 理 惟有 實之直 而 及干繫 俗吏 臣 亦 依 民 面 官 八 ,或全家逃移,鄰里 收 於此 聖旨 一本,況 八千二 不足 下 數 鹽 1,以3 准 錢, 所 簿 户**,** - 繫人, 不 和 一,賒貸 兩 能 元 書,以資奸吏追擾 均 能 一百餘 慮 時 並 又皆 預買青苗錢 錢 無 内 祐 知也。 有之利 納之人, 仰 特 與民 悉,言雖 也 所 以此 有 五 抑 知 除 貫 從 行 己 年四 聖德 然 放,歡聲 而 濫 出 也。 臣輒 積 該 共 政 以以 收 棄 不 月初 元 年 連 與 以物,元 有 廣 抱認 苟 捐 元 及 豐 未 延 不 詭 百 而 播 澼 能 九 至 冒 八

所先 前 今年 是和 也 項 肼 弊 四 買之名, 事 失 月九日 臣 理 陷 害,止是出於一時官吏私 愚以 人情 之 責 又有: 明旨 謂 輕 即 元 非 是 施 豐 可 法病民之實 利 行外 四 見,聖恩 專 年 自 退 伏望朝廷 爲,害 賣 物 矜恤 意,非 自 帛 既 [合依 深 宜 在 如 念 同 民

使

錢

如 志 放,是亦稱物平施,天之道 一件不如 行 無 在 異論 下 愛君 右所 有司反 所言,臣甘 ,便乞出 别 有四 無情弊,更賜 復勘 事,伏望聖慈特 勅 會,❷必是巧爲駁難 伏罔上誤朝之罪 施 行。 冷清問· 也 若後稍 左右 察 臣 有 大 孤 臣, 忠, 事 無

名,及鄰里抱認

與均及干繫人,●並

一特

與

除

是

冒

察,告示矜寬,不以有無頭主是與不

蠶

鹽

和

預買

青苗天下公共之法,更

賜

加

數而 敢謂 干犯天威,伏俟斧鑕。 宸斷,天下幸甚。 胥 物 受實禍 吏 數 放之則損虚 小 目 人 雖 緣 ,利害較然。 多 皆 丽 名 臣愚蠢少慮,言語 爲 是 而 奸,威 空 收實惠,不放則 謹 伏望聖明 福 必 録 奏聞, 平 難 民 催 索 粗 伏候 特 存 故 出 虚 臣

貼黄。 還産 澤不 深悲之。 折納、籍納 之心,無異父母。 被 紙 業,却 下流。 放了 有 臣伏見四 司 自二聖 巧 行追收,人户詣 爲 日近 事 紙 艱 了**,** 户 却 方百姓,皆知二 嗣 以蘇 閡 但 收,有泣 部從 ,故四方皆有 位 臣 州官 已來,恩貸 子不 而 臣 立法,致 吏妄 下者。 能 一哀訴 推 有 聖 指 臣 皆 己 申 恤 給 明 致 民

聖之心,

本不

如

此,

如

天

降甘

雨

❸爲

,終不到地

2,可爲

痛惜。

而

況前

件四

0 0 施

行

緣

此

得罪,萬

死

無

悔,但恨

抱」、《 歷 代 名臣奏議 奏議集》作「當」。 )作「包」。

<sup>、</sup>據《七集・奏議集》補

獻。 之類, 切 常程文字行下,一落胥吏庸人之手 僧亦遠矣。若陛下不少留神,執政只 行,導迎天休,以益聖算,其賢 時,亦不謂 難催理 臣 近,天下臣子皆以放生爲忠 保散亡,勢窮理盡,不得不放。 間,或能 法,何緣索得。 況臣所論 臣,令盡 有司,然陛 然如墮海中,民復何望矣。 愚無知,不識 而「白 伏望 遭 假 衆怒,伏乞聖慈只行出前件 索 理推行,則亦非獨 以 除是: 留神 四 紙 下 之聖 及三五分。 事 .事,錢物雖多,皆是虛數,必 收」之語 亦 權,濟其 復用小人如吴居厚、盧 省覽,指 三五年後,人户竭産,伍 大體 未嘗 一思矣。 ···, 輒 峻 雖 威虐,則 若官吏只循 伏見坤 一發德 揮 民 敢 執政 有 知 以 , 度僧爲福 音 司之過 其 臣言狂 (於放 此 · **,** 戒 當此 、實,止 成 便 五 四 與 節 生 事 七 勅 也 作 度 施 爲 在 之 常 年 大 意 秉 怨 則

> 狀, 危。 列,以報二聖知 留 庶使 此 貼 愚 黄 臣 今後 遇之恩萬 紙, 每 更 有 不 分之一也 所 降 聞 出 得 以 全 盡 論 孤 臣

#### 奏浙西災傷第一狀

不勝大願

也。 張靚之流,不先事奏聞 困,而已饑之民,終於死亡,熙寧之事 所及微,至於耗散省倉,虧損課利,官爲 歲之事是也。若救之於已饑 供,糶賣常平,官無大失,而人人受賜, 於未饑,則 救災恤患,尤當在早。 立,不 朝 奉 郎 熙寧之災傷,本緣天旱米貴,而沈起、 元 豫則 祐 知 杭 五. 廢 用 年 州 物約而 ,此古今不刊之語 七 蘇 月 軾 + 狀 所及 五. 奏。 若災傷之民,救 ,但務立賞閉糶, 日 廣,不過寬減 右 龍 ,則用物 臣 圖 聞 也 閣 事 學 博 至 豫 士 是 之 於 左 ПП 今 則

縣官。 糴,●米價 斛 四 中, 熙寧 乏不 石 也。 石。 本路放税米一 墟,兩税 本 散粥,終不能 米 然 民 年 賑 萬 路死者五 後 皆 首發德音,截撥本路上 餘貫 上 去年 其 餘 濟,又於十二月中, 百二十三萬 朝 争 用 一供額 洏 然 舉 廷知之,始勅運江 藏 課利 其 白落。 ?,略計 命下 浙 手。 耗 穀, 、錢,買銀絹上供,了 聖 西 散 一十餘 斛三分之一,爲 救。 ,皆失其舊。 小 百三十萬石 仁 數郡,先水後旱, 之日, 所 不 此 所失共計三百 又自 民 石濟之。 智 可悉數。 無 萬 饑 無 「聰明' 人,城郭 饉 所 正月開 既 得 在 寬 成,繼之以 西及截 巡 於 先 酒 勘 食。 減 供 歡 至今轉 倉 蕭 門 事 會 米 去 轉 無 斛 呼, 二十餘 課 糶 條,田 熙 俵 流 五 年 處 運 災 郖 虧 本路 常平 寧 米 殍 官 毫 十 置 傷 運 司 + 減 疾 既 既 餘 之 虧 元 十 不 司 野丘 萬 六 攔 Ŀ 疫, 作 住 損 祐 萬 萬 減 禍 月 貧 貫 供 街

> 此 如 仍 餓 此 觀之,事 免 殍 百 數 者 道 路 税 豫則 此 以 務 無 助 所 立,不豫則廢,其 它,先 賑 收 濟 五. 事 穀 本 處 力 路 置 勝 帖 之力 錢 然, ? **2** 禍 福 也 遂 且 無 相 賜 絶 由 度

荒,後 免欠負 區 田 子萬姓 租 以 無 匐 荒 區 課,非行仁義,然猶 識 謂 匍 獻 一,但知 也 譬如民庶之家,置 救之,本不 恭惟二聖天 日之失,必倍於今故也 7.借貸 丽 不計其 屢瀆 權利害之輕 種 糧 天聽者 計 地 後 1者,其 較 乎 父母之心, 費 至水旱之歲,必 庄田 重,計 用 心 實恐陛下客散 臣 多少,而 誠 一, 招 自 得喪之大小 恐 而況 去歲 見民 佃 客 客,本 散 有 臣 以來 疾 愚 天下 須 丽 魯 放 辺 而 田

去歲杭州米價,每卧至八九十,自今

<sup>「</sup>住」、《續資治通鑑長編》作「行」。

<sup>「</sup>務」、《歷代名臣奏議》作「場」。

沿路體訪。 風濤 高下 發。 率皆破 者,將官劉季孫往蘇州按教,❷臣密令季 家典賣,舉債出 緣春夏之交,雨 去年之災,如人初 住 一歲所 ,所言略同,云:「 酮 陌。 月 糶,❶災傷之勢,恐 正 殆 爲害,又多大風駕起潮 ,一舉害之,民之窮苦,實倍去歲。 病狀雖同, 初 月 無 損 大雨 田苗没 遍,計本已重,指 間 見今新米已出,而常平官米,不敢 以 有 ,湖州水入城中,民家 ,米價復長,至七月初 來, 季孫還爲臣言:「此數州 也。 不 日 在 息,以 水調匀,浙人喜於豐歲,家 氣力衰耗,恐難支持。 止 而 漸 深水底,父子聚哭,以 轉運 減 病,今歲之災, 親見吴江 事田 甚於去年。 湖 判 泛溢 日 官 至 待熟。 作,車水築圩, 浪 平 張 五 、堤堰 望 璹 皆尺餘,此 所 , 郖 白常、潤 在 月 八尺,間 如 而 何者 及 圩 害 間 淫 病 百 獨 孫 近 再 錢 雨 又 浙

> 比矣。 貧 用。 來年米益貴 常平米錢近八 石,只了兑撥充軍糧,更無見在。 和糴不行省倉闕數 萬石,而糶賣未已,又緣去年災傷放稅, 牛。」正使自今雨 十三萬石,今年已糶過十五 止,又未可知。 富 金 玉,横 ,皆得取 漉 何以言之? • 中, 云,半米 F ()錢益輕,雖 道 兩 用 (萬貫,而錢 浙 則 上者,不可 止,已 來 त्तां Y,所有· 猶 米不 去年杭州管常平 易 歲 堪 出 之憂,非 非 積錢 炒 可 非 上 錢百 豐 喫, ,勝計。 得,故 |件常平米八 救 萬 歲 如 饑 萬 石,雖 Ш 之物。 丽 穟 曳羅紈 緡, ,終無 今 況 月. 民 米 年 以 糶 萬

<sup>「</sup>糶」、《歷代名臣奏議》作「糴」

<sup>「</sup>按」、《歷代名臣奏議》作「披」。

治通濫長編》作「漉」。 「漉」、《七集·奏議集》卷七、《歷代名臣奏議》、《續

東 之憂,凜凜在 西 抵 皆 糶 過 人眼中矣。 常平米, 見 在 數 絶 小 0 煕

盗 等,❷何補於敗。 行,來年青黄不交之際,常平有錢無米,官 憂責 吏拱手坐視人死,而山海之間,接連甌 兩 司又管上供年額 年出糶。 秋冬之間,不惜 夜思慮,求來年救饑之術,別無長 賊結 司 争糴、米必大貴、饑饉愈迫、和 在 臣 臣 材力短淺,加之衰病,而一 集,或生意 今來 ,受恩既深,不敢别乞閑郡 浙 高 觓 以此,須至具實聞奏。 西 |數州 價多糴常平 郖 外之患,則 米既 百 五. 十 不 ·来,以 ·熟,而 餘 雖 萬石, (策,惟 路生 誅 磃 糴 轉 備 齒 閩, 運 有 臣 若 來 H

准 合用二十萬石,❸仍委逐司擘畫,合如 合 路 備 與 轉 運 伏望 不 提 具逐州 、刑、兩 聖慈備 准 備 常平 合用 路 録 鈐 臣 斛 轄 首 奏,行下户部,及本 郖 司 出 ,疾早相度來年, 糶救 臣已約 饑 度 如合 何 杭 措 州

> 速賜 至。 度往 今來 明來 逐 置 司以謂不須 ,令米價 年委 指 復 已 謹録奏聞,伏候勅 揮。 取 是 得 旨,深慮不 人 不 臣屢犯天威,無任戰慄待罪之 不 秋, 至 至饑 准 去和 大 備 段 出 殍 · 及 於· 糴 流 翔 糶 旨 月 湧, 亡 救 事。 日 濟,即 ,結罪聞奏。 收 無 糴 伏乞詳察, 幾,比及相 令各具保 得 足。 如

賊 之,不可不豫慮也。 貼 吏就近體訪,雖 少、恐是廖恩餘黨 類衆。 黄。 臣 或云邵 聞之道路,閩 未 武 知 轉 軍 虚 運 有 實 中 司見令衢 强 災 然恐萬 賊 傷 ~,人數 尤 甚, 州 有 官 不 盗

臣奏議》改。「數絶」,據《續資治通鑑長編》、《歷》

補。❷ 「雖」,原脫,據《續資治通鑑長編》、《歷代名臣奏

<sup>▶ 「</sup>十」下,《續資治通鑑長編》有「餘」字。

流亡,兼 聞之,急遣使往彼,分路賑貸,果聞 救人命。 之。」又按本朝《會要》,太宗嘗語宰臣 問,朕言過矣。」絳等稽首再拜,帝曰 曰:「國家儲蓄,最是急務,蓋以備凶 虚説 可疑之耶?」帝曰:「向 本,苟一方不稔,當即日救 之間,或容希媚。 信重之臣,苟非事 一今後諸道被水旱饑荒之處,●速宜 道狀,皆云水旱。 否?」李絳 「卿等累言吴越去年水旱,昨 也。 淮 黄。 按 無 昨者江 御史官卑,選 對 饑 察 拯 臣 日 救饑民 回,言不至爲 諽 按《 南數州 「臣見淮 實,豈敢 況推誠之道,君人大 且方隅授 無盗賊之患。 唐 !」臣近者每 史》, 擇非其人,奏報 者不 ,微有災旱,朕 南、浙 Ė 濟其饑貧, 憲 <u>ښ</u> (任,皆 陳,此 思 而 此 江 謂 苟 不至 一蠲貸 有 朝 東 事 固 宰 無 廷 此 非 況 西 臣

> 加 之通 災傷正合豫備,相顧不言,若非 水 報 流亡,然後奏知。此有司之常態,古今 採察,則遠方之民,何所告訴 勾調,苗稼豐茂,及至災傷,須待餓 患也。 監 司,多是於三 豐熟不須先知,人人争奏, 四 月 間 朝 先 廷廣 殍 क्त

與寬減轉運司上供一 困,又緣春夏之交,雨水調匀,多典賣舉 下之日,米價 額斛三分之一,盡用其錢,收買 湧,和糶得行,且免本路錢荒之弊。 舉害之,窮苦更倍去歲。 息,以事田 一、去年災傷,伏蒙寬減轉運 作,指日 (斗落。今災傷連 ·待熟。 半。 所貴米價 伏望憫 而淫雨 年, 銀 民力重 絹 司 察,特 風 不 E ·債 供 至 命

出

翔

水 早 ·饑」,原脱,據《七集·

糴 不 定, 有 杭 悮 州 來 所 年 出 支 米 糶。 穀 不 乞許 多,深慮常平 . 于蘇 州、 收 秀

州

寄

糴

勝錢。 饑 望愍念兩浙 可 饉 耗 月中爲 已成 右件如 缺,所以連奏 然元降 檢准 止 ,二聖不忍 前。 連 年 指 編 臣 災 揮,止于今年 敕 乞減 (傷且 亦 》節文,五 坐 知 視 額 京 無麥,須 流 斛 師 者,誠 殍,必 倉 穀 四 廩之數,不 至候秋 不 月 恐來 於他 得收 終。 路 年 熟 伏 力

折,所 復 般 早賜准備,實一方幸甚 人,至今瘡痍 寬 有 運 錢米 不早擘畫 減 錢買米,並 較不 上供米斛,却 賑 多。伏惟 濟,爲費且 未 奏請, 須 復, 俵散,有 呻吟 深 收銀絹,實數縱 以 一倍,而 念熙寧之災,本 致 未 出 餓 已,特望宸 無收,不 已飢之民, 死五十 餘 如 有 損 及

#### **奏浙西災傷第二狀**

歲 早作擘 竊 行。 録臣 奏,爲 度,合如何擘畫收糴,準 大風雨,二十四 在數少,恐來年民 勢,甚於去 料 必 左 有 今月二十一 朝 蘇、湖等州風 奏,下户部及本路提、轉、鈴 元 浙 流 畫,廣行收 祐 西 殍之憂。 五 郎 年 數 年 知 郡 七月二十 而常平斛蚪 杭 日 日至二十三日,皆連晝 淫 間闕 濤 州 経常 伏惟 丽 雨 所 蘇 風 稍 損, 食, 軾狀奏。❷ 平 濤 聖 止 五. 備出糶 一慈早 斛 必 無可 爲害,恐 一; 例 日 至夜復大 郖 加 於前 皆出 0 賜 準 賑 龍 備 愍救,檢 濟,乞備 轄 未蒙 災 右 啚 則 司 傷 臣 閣 雨 來 不 夜 施 相 見 近 學

<sup>「</sup>二十五」,原脱,據《七集・奏議集》卷七補。

脱,據《七集·奏議集》補。

❷ 「龍圖閣學士左朝奉郎知杭州」、「奏」,此十三字原

奏,喧瀆 旨。 前 奏, 聖 速 賜 罪 施 行。 當 萬 臣 死 别 謹 無 材 録 奏聞 紨 惟 伏 知 候 屢

#### 乞 禁 商 旅 過 外 或 狀

牒

州

買

其 搔 徐 受載彼國僧壽介前 徐 名,欲獻 兩,公私 朝 徐 戩 擾 戩 奉 閩 戬公然交通,略無畏忌,乞法外 州 月二 不 片,公然載 不合專擅 郎 元 、浙之民、杜絶姦細。 郡 畏公法,冒求 知 祐 並 金塔,及欲住 十三 五. 杭 不知覺,因此構合密熟,遂 況高 年 州 日 八 爲 蘇 往 麗臣 奏 月 高 슖 彼 來,以 泉 麗 十 狀 厚利, 國, 屬契 州 此 國 五 奏。 百 H 尋 却受酬答 雕 祭奠亡僧净 姓 丹,情 以 師 造 檢 龍 奉聖旨 徐 經 致 學 會 啚 戩 招 法。 板 杭 閣 僞 公案, 銀 二千 來 州 學 重 難 本 顯 源 専 去 士 行 測 是 擅 九 爲 年 左

> 特 送 千 里 亦 州 軍 編 管

導,以 顯是客 及寄搭松子 貨,並 等,冒 紀,因此與 年六月内,請 六十九人,相次 牒,准明州申報,高麗 乞禁止。近又於今月 顯見閩、浙商賈因往高麗,遂 祈平安將人大遼國 熟,必爲莫大之患。 賣, 關 報 至 希 一是大 請 泉 人 厚 捉 往 據 李 州 高 遼 利 到 高 綱 臨 球 四 七 杭 麗 國 王 麗 首 海 因 + 月 Œ 州 國 到 應 南 國 徐 往 餘 軍 + 與 市 先 州 昇等 公憑, 成 挺 狀 彼 布 願 + 舶 去 帶 袋前 國 銀 狀 申 子二道。 H 仍是客 人使李 初 司 到 方 年 . 交 絲 二十人 稱 公憑 却 准 + 杭 欲 錢物, 構 所 實 來 發 有 高 州 日 封 具 奏 密 通 人李 · 資義 船 商 往 麗 市 「熟,爲 文字 了; 及 本司 事 契丹 徐 本司 據 高 客 國 舶 由 轉 船 球 等 有 大 麗 禮  $\pm$ 司 一 角 聞奏 ,歲久 看 之鄉 運 二百 應 或 於 過 中 遼 准 去 經 司 海 行 國 昇

跡

一同。

之法。 姦細 皆没 大遼及 爲 使 生事 公私 賑濟 恐。 新 六百 錯 熙寧以前《編勅》,客旅商 漸 待賜予之費,度 羅 羅 梗 可 官吏疲於應答,須 入 及 • 因 憂。 勞費,深可 浙 餘 拯 而 **登** 官 緣 自明 今兩 至 登 熙 始 西饑民,不知全活幾萬 貫 除已具處置畫一 寧《 與 、萊州 元豐 皆由閩、浙姦 余 遣 萊州界,違者, 反 竊原祖宗立法之意 契丹交通。 人 浙 編勅》, 論 潤 八 招 ,其餘 不 痛惜,而交通 淮 淮 年 七 來 下十餘 南、京東 九 州 南 高 稍稍 舊例 皆 月 索假借 麗 民,因 公 利害 7 不 自 販,不 萬 私 禁, 改 並 熙 七 兩路及 貫。 約 生 騒 更 徒二年 寧 聞 緣 H 契丹之患, 又許 人矣。 費 行 然 慶 勅 厲 四 · 得往 奏外 商 正爲 若以 市 曆、 階 年 販 惟 京 諸 文 萬 爲 ´, 勘 爲 高 深 船 不 符 禁 至 師 Z 發 此 四 麗、 會 往 今 防 物 祐 運 國 其 惟 錢 憂 館 交

> 畫 來 詳 擾 來如 禁往 附 **水無窮**, ,别加 所 船 如左。 織 在 新 人 貢, ,公然乘 羅 必 删定,嚴立約束,則 若不特降 爲 或商 所 意外之患。 以 載外 販 奸 者 民 聽。 指 國 人 揮 人使,附 商 ``, 將 謹具 元 姦民 争 祐 前 請 前 搭 編 後 猾 後 公 勅 入貢,搔 條 條 商,往 憑 》亦 貫 看 只 往

者,不 估 違禁 制 船 本土 餘 分,官司 坐所載行 物 州 無公憑,許諸 之罪。」 有物 價 及 得往 一、慶 並須 (錢,支 堪 即 力居民三名,結罪 貨名件,欲往 造 爲 於發地州軍 高 曆 軍 出 麗、新羅及登、萊 編 器物色, 給給 半 色人告捉,船物 公憑。 勅 · 與 **\*:** 告 某州 ,先經官司投狀, 人充賞,犯 不至 客 如 旅 有違 保 軍出 過 於 明委不 州 並没 條 越 海 賣。 界。 人科 約 所 路 官 許 若 及 禁 夾 商 帶 湋 海 召 地 往 販

一、嘉祐《編勅》:「客旅於海道商販

估 違 船 帶違禁及堪 召 開 分,官司 往 者 制 納 「不得 無公憑 本 坐所 餘 物價 論 土 州 **並** 有物 載 |即爲 往 心,許諸 《錢,支一半與告人充賞,犯人 行 須於發地 高 造 力 貨名件,欲往某州 出 麗、新羅 軍 居 給公憑。 色人告捉 器 民三名結罪,保 物色,不至 州軍,先經官司投 及至登、萊 如有違 船 物並 越 軍 條 過 萌 出 州 没官 **多不夾** 約 所 賣。 界。 及 禁 狀, 以 許 仍 海 地 若

某處出 高 地 司 販 州 即 委 於起 麗 頭 爲 不 新 即 候 賣。 出 夾帶禁物, 羅并登 熙 元 乘 到 給 (豐三年八月二十三日中書劄子 寧《編 州 船 日點檢 召本土 公憑。 投狀 、萊界商販者,各徒二年。」 自 勅 開 海 批 亦不過 仍備 有物 \* 道 鑿公憑訖 坐 「諸 人 録 力 所 界 越所 船 户三人結罪 載 客 河, 貨 行 旅 禁地 了, 先 貨名件, 於 及 却 往 報 牒 海 分, 北 元 所 道 界 發 往

> 船,非 仍依别條 節 以 違制 文 朔 論 諸 州 不 非 市 以赦 廣 舶 州 司 市 降 舶 丽 去官 發 司 過 原 輒 減 日 發 本、高 過 其發 南 蕃 高麗船 麗者, 舶

非杭、 諸蕃,惟 論,不以去官 願 附 明、廣 元 船入貢 不得 豐 州 |赦降 至大遼 (或商 圃 年九月 輒 原減。 販 發 者 國 海 十七 了**,聽。**」 及登、萊 諸商 商 舶船者 日 勅 賈 節 州 由 文 海 以 即 道 違 諸 販 制

蕃

即 物 河 回 願 物 申 外 '**'**,并 ,及往新羅、登、萊州界者,徒二年,五 不請公據 發舶州,置薄 貨 所 日,許於合發舶 蕃 内 在 興 不越 一、元祐《 、販,並 不 州 夾帶兵器,若違禁 過 仍 而 一所 召 具 編 擅 禁 抄 本 人船 勅》: 行, 州 上 地 土 住 分。 有物 物貨名 ,仍給公據。 或乘船 舶、公據 諸商賈許由海道 州爲驗實,牒 力户三人,委保 動脈 及堪 自 納市 海 詣 道 方聽 造 去處 舶司 軍 人 界 送 候 器 往

七九六

#### 里編管。」

帶諸 勅 因 曆、嘉祐《編勅》施行。 戬、王應昇、李球之流,得行 高麗 不改。 往 商 百 高 時來 蕃附 新 指 右謹 麗 揮 羅 乞三省密院相 遂通契丹之患。 朝 最, 最 件 船 條 入貢。 如 貢,搔擾中國 貫,一 爲害 前 時削· 事,將祖 堪 因 會 不惟 此,致 去,又許 元 度 謹録奏聞, 免使高 1其姦。 宗 豐 實免中 裁裁 前件 八 以 年 來 商 國 麗 今 來 商 賈 禁 九 因 依 伏 姦 得 月 候 慶 細 緣 不 徐

## 申明户部符節略賑濟狀

浙 左 朝 西 奉 數 尋 元 於七 郎 祐 郡 知 五. 月 大 杭 年 十五 雨 州 八 不 蘇 月二十 日 軾 止 狀 具狀奏聞,乞下 太湖 奏。 五 日 泛 臣 龍 溢 近 圖 所 以 閣 户 在 今 學 害 年 士

> 充兩浙 到 四 度,來年合如 所在害稼,災傷之勢,恐甚 六月 准都省批送下八月四 今准 保明 如逐司 杭州 如 來 及 何措置,令米價不至大段翔湧,收糴得足。 奉行。 日,三省同奉聖旨,依奏。 户部及本路轉運 合準備,即 年 本 間 合用 尚 來 合 路 以謂 西路兵馬 書户部符,本路轉運、提 年委得不至饑殍流亡,結罪聞 與 轉 浙 都省批,八月五 二十萬石,仍委 運 不 西 不須準備出糶救濟,即令各具 合準 提 具諸 數郡,大雨 何準備救濟, 刑 鈴轄蘇軾 備 莂 兩 、提刑及 常平 合用數目 路 日勅,中書省 鈐 不 日辰 斛 轄 逐 奏,勘會 於 候 止、太湖 兩 郖 奉 司 司 以勅旨。 公去年。 時送户部 路鈴轄 '擘畫 勅 疾早 刑、鈴轄 出 臣已約 如 糶 今年五 知 泛溢 一,合如 右 伏望 相 救 司 杭 度 月 相 州 度 司

● 「奏」,原作「奉」,據《七集·奏議集》卷八改。

逐節事 裂,須至再具申 奏」之意,蓋欲 行 各具保明來年委得 今來户部符下一 内,止是節 乞「如逐司以謂 ,伏候勅旨。 初 内 並依臣所奏,係有司 相 理,●特賜 度仍限 略 行下,既奉聖旨依 逐司官吏依實相度,不 明。 半月者。 一節事 不須準備 明 不 降 伏乞朝廷檢會臣 至饑 理 指 ? 揮 右 殍流 出糶救濟,即 節略,爲 施 臣 切緣臣 行。 竊 亡,結罪 詳 謹 復 户 前 即 前 敢 部 奏 只 未 奏 **令** 所 滅 聞 依 審 符

### 相度準備賑濟第一狀

今年五 溢 勅 奉 知 郎 杭 知 元 在害稼,災傷之勢,恐甚於去年 六 州 杭 祐 月 兩 州 五 年 浙 蘇 浙 九 西 軾 西 路 狀 月 數郡,大 七日, 兵馬 奏。 鈐 准 龍 轄 雨 尚 圖 蘇 不 書 閣 止 軾 户 **慶士左** ,太湖 奏,勘 部 泛 會 朝 准

> 備救 都省批 度,來 下户部及本 濟 年合如 事件如左。 内 相度限半月。 何 路 準 轉 備 運 救 提 濟。 刑、 本司今相 兩路鈴 奉聖旨依奏, 度到 轄 司 進 相

及本 運司 及檢放秋稅軍糧,恐有 長,人免流殍。 十五文足,至冬間,轉運 終,共糶一 十五文足,❸其勢方踊貴間,因朝旨寬減 市米價每酙六十文足,❷至十一月, 州 上供額斛三分之一,即時米價 、本司勘會去年八九月 Œ 一十八 月内,便行出糶常平米,至 今來在 (萬餘 石,以此 闕 市米,見今已 司 少,亦須 收糴上供 米價 間, 和 無 長至九 杭 (減落 額 是七 由 七月 州 取 轉 在

0

編》作「令户部節略施行」。「須至再具」至「逐節事理」十九字,《續資治通鑑長

<sup>「</sup>文」,原爲空缺,據《續資治通鑑長編》補。

文理頗難明。「文」,原脱,據《續資治通鑑長編》補。「長」上,原爲空缺,《七集・奏議集》卷八爲「足」字,

來年不 所耗 價 年出 今年必 不忍坐 司 五 足, 殍不已,則朝廷 文,亦須 司 不 破官錢,收 亦各收買 減 錢 本 路之人,得 萬 今來上 必 辦高 失,而 剖 三分之一。 貫 糶。 須 本 '亦乞寬減 而 須 視 奏 價 至大段減 場場 坐失五 州 已 若價 人機 乞減 供 和 收買官米。 浙 糴 收 似 須 哉 (額) 糴 免流 中米價稍平,常平 得 買 此 糴 常 價 不 高 萬 所 金 足,亦恐來 争 常 上 平 許 出 今來災傷及檢放 本 價 欲乞聖慈特許 餘貫, 一半,仍依去年例, 以 殍,爲惠 銀 糴, 供 平米二十 賣。 米五 減 出 重 救 紬 至時若 額 價 賣,耗折常平本錢, 必 絹 恤之者,其費 而 竊 斛一半, 至 + 須 上 不年闕食 況饑 料仁 餘 時 約 不小 踊 一供,則 餘 度 米 萬 梪 貴。 收 聖在 貴 萬 饉 石 浙 郖 准 寬 ; 小 (人饑; 已成, 糴得足, 西 石 只減 縱 朝 秋 勅 勘 準備 減 「諸郡, Ŀ 只 豈 税 令折 轉 使 民 諸 一, 必 次 去 無 運 ıŀ. 流 + 來 本 必 大 州

> 州,頻 不足。 免流 苗米,亦必加倍,不惟人户 賜 賜 與截撥本路 事 撥 合倍 聖慈,憐愍 第皆甚 日 一,然及時 了, 卒 本路賑 ,聖旨令發運司 本路減價 江 路 殍。 西及本路 加 死 一、勘會熙 年災傷,人户 欲乞檢會 減 存 於去 本司 Ŧi. 濟。 價 卹 濟用, 一方,特依所乞,盡數寬減 + 或發 年, 出 出 萬 只緣本 糶 上供 今來 「糶,所 以 又 寧八年 去年體 人。 運 倉廩有備,米不 撥上供斛 或 緣 須奏乞寬減 斛 司 披 闬 勘 連 路 費只及熙寧 去 郖 上供斛卧 訴,已倍去 補 會 年 兩 歲 奏乞後 例 軍 災 蘇、湖、常、秀 百 浙 闕 + 糧 傷 饑饉,朝旨 更賜 食,亦 二十五 之闕 月 二 時,不及 民 半。 加 歲 騰 力 六分 萬 恐 ″, 檢 數 踊, 萬石 萬石 愈 伏望 十九 軍 石, 望 筡 Z 於 截 糧 放

**聖慈,愍念一路軍民,特與盡數應副。** 

若待饑 非 牒 又 斛 深 有 於 、況所乞數目雖廣,而所耗損錢數不多,● 爲苟寬官吏之責,特賜過 慮轉 本 難於自言 事。 금 路 右 饉 |轉運 往 運 謹 伏乞決自聖意 已 件 復 司 成,然後 、提 '官吏 如 勘 ,伏望聖明以 前 當 刑 職 施 司 本 了, 照 行。 垂救,則所費十倍,無 在 司 供 會 治指揮 己 謹 餽 相 具. 慮,及早施行。 録 , 所 方生靈爲 H 度 奏聞 三省 施 項 有 行 事 寬 去訖 件 伏候 更 減 心, 不 額 舅

### 相度準備賑濟第二狀

司 朝 及 奉 户。 轉 郎 兀 運 知 祐 本 司 杭 五 、 提 司已具二事聞奏,乞寬減 年 州 九 蘇 刑 月 軾 司 十 狀 相 七 度 日 准備來年 圖 朝旨, 閣 被 學 轉 災 士 運 闕 本

> 便令杭 壞。 若 民 十五文足,添長 得 傷之餘,所收無幾,又少遇 段災傷,兼 人赴倉入中。 選差官吏,開 價 郖 不得乞覓,非不嚴切,然經今一 再 准 司 5,於正 不 目 刈,已刈 ,以免流殍之災。 相 備 上 見今訪 添錢,又恐終是 及補 下之患,又官本既貴,來 度 供 州 來 額 一月以 添價收糴,不惟 年 軍 斛 者 自 聞蘇 糧 准 倉和糴,優估米價,戒約 體 八 後,便 不得 之闕, 半,截 備 之勢,炎炎未 月半間至 問 大 春,有穀 得 計 此 行 收 未 蓋 撥 出糶, 外更無長 蒙 在 糴 是蘇、湖、常、秀 上供米三十 全在 回 今陰 不行 助 市 晴 降指 無 ·米價 長 年 乾,已熟者 Ë 平 廣糴常 米 (米價, 月,並 雨 難 來 準 策 揮 不 爲 年 本 日 已 在 止,災 出 萬石 春 爲 司 是 就 無 專 今來 市 平 本 夏 欲 九 大 小 腐 不 邷 司

● 「而」,原作「如」,據《七集·奏議集》改。

備 畫 難 間 斛 ·聖在· 以諱言災傷,官吏亦須略具 臨 闕 郖 時擘畫不行,須至先事奏乞者 米 賑 上 出 濟。 一,理無不救,必須多方於 糶 ~,必 若不預爲之防,則恐 有 流 殍之憂。 事 竊 寶聞 鄰 鄰 料 路 路 至 奏。 無 壁 舑

若至時本路 發,於逐 揮,須管數足,仍 發運司相度擘畫錢本,於江 殍,爲憂不細 平司官錢萬數 蒙施行,即轉運 供,又今年本司亦奏乞寬減 供 令來春本路闕 會提刑司今年諸州糶常平米至多,所管 ·,差官置場 額斛三分之一,却令將折斛錢買 右本司勘會,去歲朝旨寬減轉運司 州 下 常常 卸 平米有備,不須般運上件米 常平米 和 不 欲乞聖慈,過 司折斛錢萬數不少。 糴 般 少 運 白 ′,但有錢 出 至真、揚州 米五十萬石,嚴 本 **「糶,即** 路 淮 常 無米,坐 額 爲 令發運 近便 平錢 船 防慮,特 樁 豐 銀絹 管。 半, 充還。 又 司 賜 視 孰 勘 指 勅 饑 常 州 如 上

> 以 免溝壑之憂。謹録奏聞,伏候勅旨 物,無所耗損 出 寬 糶 減 即 折 就 斛 撥 錢 ,而於本路生靈 充 充還。 本 ·路轉運 如 此, 司 上 億 即 供 萬性 於朝 額 斛 省 錢 却

數, 間 連 若 踏 民 至之語 意 見轉運、提 日秀州嘉興縣,因不受訴災傷詞 上下,皆不樂檢放,諱言災傷。 貼黄。今年災傷,實倍去年。● 一,但此 年災傷,父老 間 有錢,尚 朝廷只據逐處申奏,及 死四十餘人。 即無 絶 II,朝論 無見 由 一處,以踏死 因 刑 盡 錢 必 無 司 見 ,若又無米,則 以 皆 米 所 災 大率所在官吏,皆同 臣 餓 言 傷之實。 奏災傷,皆無 爲過當。 死 事 人多,獨彰 勢 四 不 (檢放 減 又, 萬 流 然 熈 殍之災 人, 況今 臣 秋 只 如 迫 但官 臣 露耳 寧, 税 實 切 軾 此 近 民 見 貇 切 分 致 吏

<sup>、 「</sup>實」,原作「十」,據《七集·奏議集》卷八、《續資治通「實」,原作「十」,據《七集·奏議集》卷八、《續資治通

救 譴 年人户元 不合過當張 未 也。 ,終賢於 易 度 量 不 有災 伏望 闕 皇之罪,所不 食,不 無 聖慈,深 備 坐視 須 如 爲 敢 此 人死 防 辭 擘 慮 縱 畫 而 不 被 則 若 能 誅 臣 來

# 乞檢會應詔所論四事行下狀

只 該給 意 並 事。 命 月九日, 輒具 左 베 納 創爲 許 朝 提 爲有司所 贖。 其一曰: 産 給還,或 奉 兀 郎 場 祐 籍納、折 其二曰: 鹽 五年 知 監 司 杭 、朝廷至仁,寬貸宿逋,已 、格沮,使王澤不得下 貼 九月二十七日 官本價錢,其 州 執 見欠市易籍納産業,聖 納 納 蘇軾狀奏。 文害意 收贖。 之法,使十 積欠 鹽 ,謂非貧乏不在 而 錢,聖恩已許 餘 有 右 龍 並 有八九,不 司妄 臣 啚 與除 今 流 閣 出 者 行 年 學 放。 新 恩 四 之 六 +:

> 謹録 放。 奏。 本。 處 回 配賣 二月十八日三省同奉聖旨,令蘇軾别具 二百 此 降指 當 ,稱不曾承受到上件奏狀,仍連元狀,十 供 數。 然臣 餘 和 仍仰户部指揮根究前奏,申尚書省 奏 其 與 酒 買 四日 聞 民 其三日 揮,乞檢會 貫,並合依今年 ,見欠者 絹五 具 ,伏候勅 ,不住鞭笞催 此 奏 萬 : 元 亦 七千八 論 豐 合依 登 旨。 前奏 經 四 極 納 年, 杭 今一百八日,不 鹽 四四 大 尚書省取 百九十疋, 四 當 赦 月 事,早賜行下 至今尚 以 九日 州 前 法 揀 會到 聖旨 欠 並 只 下 户 八 納 抑 , 聞 千 勒 堪 官 以

#### 進何去非備論狀

朝 叨 塵 奉 侍 郎 元 從 知 祐 杭 五. 常 年 求 十 蘇 勝己,以 月 鮕 + 狀 奏。 八 日 爲 右 報 臣自 國。 啚 閣 揣 學 虚 薄 先

遞進. 奉 奏聞,乞换文資,置之太學。 强 特 策廷 **轂成就之者。臣任翰林學士日,嘗具** 臣 授右班殿直 秦漢 去非,文章議論,實有 才難之歎。伏見承奉 萬 皇 恝 ·郎,而今者乃出 ,●乞除一館職 似 物,而 毅,不苟合於當時,公卿故 以 竊 帝 中 間 上, 乞降付三省執政 謹繕寫去非所著《備 朝廷不見 左遷。 揆聖意,必 一博士 道 -,極論 風 配 臣 力。 周 子莫副 期去非而已哉? 一,使教授武學,不久遂 非獨臣人微言輕,不足取 孔 用兵利害 元豐五年,以 人其文 ,言成 將 爲徐州教授,比於博士, 長 其意 非獨 / 章議 育成就,以待 典謨,雲漢之章,藻 郎 過 ,先帝覽 ,蓋嘗當· 以收羅 (考覽。 人 徐 論, 論》二十八 州州學教授 累舉免 筆 無 雖蒙 莫爲一言 圃 一勢雄 逸才,風 丽 以 食不御 如 去 爲 其 異 較 恩换 臣 非 (之,特 **?解,答** 用,豈 健, 博 篇 言 量 以 立 信, 其 附 承 不 此 推 志 得 有 何 飾

> 勅 所 無 士 舉,❷ 旨。 虚 類 士,書 亦 臣 以 甘 之 彰先帝知人之明, 吏 伏 一册,足 朝 典。 爲光 謹 華。 録 奏聞,伏 經題 若後 品 죾 候 如 決

八〇二

#### 相 度 準 備 賑 濟第 狀

平 左朝奉 旨,相度準備來年賑 準市價一事,最爲要切 事件聞奏。● 元 郎 祐五年十月二十一日 知 杭 州 内多糴常平以備來 蘇 軾 濟闕 狀 奏。 食 人 右臣 龍 户 圖 尋 年 近 閣 真 奉 學 書 朝 +

無 七 十足。 百以 見今浙西 下,至時,若依元 竊度來年青黄不 諸 郡、米價 雖 價 交之際,米 貴, 出 糶 然 獲 亦 價 不 以 必 调

0

如,原

作「於」,據《七

集

奏議集》卷

改

<sup>0</sup> 

後」,原 脱,據郎本

奏」,原作「奉」,據《七集·奏議集》卷八改。

郡 截 數少,不 住 湖 殍。 頭 深慮逐州不免妨 石,猶恐未足於用, 又令秀州撥十萬石 係 餘 依 字,減勒 平 減毫毛 富 撥 闕 州 出 糴,却令蘇 石 舊作七十收糴。 壓 亦與 觓 事, 民,皆知來年必 ,其餘諸 米地分,見今不過糴得二三萬石, 而 翔 規厚利。 處,災傷 郖 提 踊 能 所 官估。 圃 而 Ž 刑 減 散 平壓市價,致有流殍,更煩 般運 所捐 司 患,終勝 郡,不 與饑民, 兩 州 專務 若官估稍優,則農 臣已指 水脚 爲甚 三錢不争,若使 撥 丘 闕,若新糴不多,即 常平米五萬石與湖州 敢 Ш 見今亦 而蘇、秀撥十五 與杭州,若湖 靳 是米貴,各欲 一,提刑 於 兵稍 有違。 ,大爲非策。 則爲十倍之費,乃 惜 麾杭 官 兩 無 有偷盗 不過 司已 三錢, 訪聞 州 斛 不 郖 來 指麾本 糴得三 得減 蘇 民米 訪 得 年 耗 遍 廣 坐 一萬石, \*\*、秀最 行 行文 聞 朝 失 是 Ŧi. 官 視 價, 萬 萬 收 廷 米 之 兩 州 而 流

> 錢還 發運 計。況今來已是十月下旬,不過更一二十 南大熟,揚州、高郵軍米價甚平。 訴朝廷。 悮來年出 日,即無收糴,縱令添價 錢,深爲可惜,若 弱,故造作 盡 ,顯無妨害。 備常平米不足般取 司 歸於官。 上供米 發運司,❷若常平米足用,即 司 於 緣臣先於九 **「糶大事** 豐 言 仍 熟 此 語, 沂 等 以 `,所以須至別作擘畫,仰 便 額 便 以 無 州 斛 爲 摇 由 出 月十七日 錢 軍 減 官 乘 ,●亦不及事,恐有 糶 撥 價 吏, 時 却 却 和糴 還 住 射 皆言 以 糴 利 五十萬石 ,曾奏乞下 充本 兼 本路常平 多 勘 īE. 吞 路 會 墮 破 併 此 轉 淮 其 貧

1,伏候: 方連 伏望聖慈檢會前 年被災 以勅旨。 之民,廣作準 奏, 速 賜 施 謹 與 此

聞

策

運

以

令」,原 作「却」,

發」《續資治通鑑長編》作

### 相度準備賑濟第四狀

價。 重, 翔踊 矜察。 錢招買,方稍足用。 至七十足錢,●猶自收糴不行,恐須至 杭 今年 士 州 左 小民艱於收糴 亦非長策。 若奏乞減價 所 救 本 朝 兀 若依條,不 糴粗 濟 路 見今蘇、湖、杭、秀等州、米價日長, 祐 奉 事 風 郎 <u>Ŧ</u>i. 米,以備出糶,每 件聞奏。 年 水 知 十一月二十一 之災,倍於去年,本 須至奏聞 杭 出 州 虧 ,無以救 糶,又恐 元價 竊計開春米價, 伏料仁聖在上,必已 減軾狀 出 濟 日 糶,則官 貧 耗 **蚪不下** 失常 下,平準 右 龍 司 臣 圖 六口 平 本 累具 必 更添 勘 閣 是 會 壆

石 相 度,若待饑饉 準條,災傷之年,並 又勘會杭 州裹外見管義 已成,方將上 許 俵 散 件 倉 賑 義 米 濟 四 倉 米 本 萬 州 盡 餘

> 郡,依此體例施行。 其實止於耗却義倉,元不破官本米貨十 得賤米喫用,全活億萬性命,其利至博 路别州常平米所虧官本錢,仍下 行 本錢,如填 文足出糶,仍將義 文足,内係今來貴價收糴 三年以上依條合減價 人人受賜。 米賤價出 後,纔見 處出糶,所 俵散,❷ 在 糶。 亦未能 (還足外,尚有剩數,亦許 市 今來起請,欲乞將常平米除 收錢,並 米 但 價 市 盡 倉米隨 增長 價 濟饑 所貴本路明年 外,其餘並 不長 用填還常平所 即 民。 者,每 色額估定,賤價 ·; 則 便將 惟 郖 是 每 義 郡之民 饑民 浙 撥 減 郖 倉 開 西 虧 填 常 春 減 普 而 Ŧī. 係 官 已

十七」。「六□」,疑當作「六十」,《七集・奏議集》卷八作「六「六□」,疑當作「六十」,《七集・奏議集》卷八作「六

<sup>「</sup>米」,原脱,據《七集・奏議集》補

倉米俵 之利所及者廣。伏望聖慈,特出宸斷, 萬 石。 • 松散,但 況 自 俵 來 散之所及者狹,不如 有 條,❷災傷之歲,許 出 將 糶

賜施

謹録奏聞,伏候勅旨。

朝

條貫。 用,如 貼黄。 請,只是權宜,一時施行,别不衝改前 無 以救民 奏乞指揮諸路專行糴 八人,即 召募饑 命,所繫利 常平錢米,豐凶之際,平 漸 耗 民興 散。 害至重。本司 土工水利之類,有 伏乞留意。 糶,不得别 今來啓 Ē 進 有 累 物 出 後 他 次 價

憂畏。 糶 施 所 相倍蓰。若行本司所奏,開春 在上,必須廣 又貼黄。 費不多,今來已是十 ,則米價不長,億萬生聚,自然蒙賜。 若候饑 所貴正月内,便得開倉出 本司 作擘 相 饉已成,疾疫已作,仁 度來年艱 畫錢米救濟,其費 一月末,乞速賜 食之勢, 糶。 便行出 深 必 聖 口

#### 乞擢 用 劉 季 孫狀 8

死。 元昊 之少子,篤 路兵馬都監 來援,姦臣不救,平遂戰没,竟駡賊 今臣所與同僚 利重義,雖文臣中亦 奉 (寇,延 平有數子,皆才用絶 郎 元祐五年十 一月 知杭 志力學,博通 (州危急,環慶將 兼 州蘇軾狀 東 西京左 南 第三將劉 藏 奏。 未 日 史傳,工詩 庫 易 副 人,不幸 得。 官 右 龍 季孫,●則平 使權 劉 臣 圖 平 自 況其練達 閣 兩浙 以 少 學 -早世 能文, 食而 聞 孤 土 左 軍 捎 西

貨」、《續 資治通

來」,原脱,據《續資治通鑑長編》補。

此文"《七集•續集》卷九題作「舉劉景文狀」。

監兼東南第三將」十五字,原脱,據《七集• 卷八作「路分都監左 西京左藏庫副使」、郎本卷三十四、《七集・奏議集》 藏副使」。「權兩浙西路兵馬都

蘇 軾 文 集

八〇六

如蒙朝 進。 臣 擢 武 位 甘 置 將領,未盡其用。 經 伏 獨 不 邊 難守 廷擢 獨 朝 有季 庭要害之地,❷ 典。 爲忠義之勸,亦以 節 用,後犯人己贓,及不如 孫 邊 謹録奏聞 以臣 在 政 了, 乃 而年已 度之,必不 伏望 其 觀其 ,伏候勅旨。 家 學。 五 朝 設 廣 廷 + · 減平。 -有八, 至於 文武之用 施 特賜採察, 一, 别 奮 所 加陞 雖 今平 不 備 顧

#### 乞子珪 師 號 狀

之沈公井,最得要 後白 江 奉 中,知州沈 郎 海 居 唐刺 故 知 兀 易 杭 祐 地 史李 州 五 遘 亦 惟 蘇 年 增置 治 泌 附 軾 + 湖 5,始引 山 狀 地。 一大井,在美俗坊,今謂 浚 乃 奏。 月 井, 有 日 西湖水作 四遠取汲,而 甘 勘會杭 以足民 龍 泉,其 圖 閣 州平陸,本 餘 用。 :六井。 學 井皆 士 創 嘉 左 祐 其 鹹 朝

> 井,皆 外,及 壞理。 槽,底 爲管,易致廢 子珪云: 寧中修井四僧,而三人已亡,獨子珪 通 畢 已七十,精力不 買水一斛,而軍 壞、終歲枯涸、居民去水遠者、率以 珪 井 滅 一,歲 六 如 ´', 例 判,親見其 裂, 威果、雄 自來去井 蓋堅厚, 《適大旱,民足於水,爲利甚 皆 正 水 又於六 廢 常 思坦四 熙寧中雖 壞 不 事。 壞。 應。 節 井 錮 衰。 營尤以爲苦。 知 最 等指 捍 中 經今十八年,沈公井 人,董 州 遂擘 至 遠 周 · 控 問沈公井復壞之由 已修完,然不 熙 陳 難 揮 密 引 襄 寧 書 五營之間,創 得 治其事。修完 餘 水 中, 選 用 水 波,至仁 既足用, 差僧 臣尋 瓦 處 筒 井 博。 仲 盛 免 西 訪 七 與 在,年 文、 湖 以 爲 和 永 以 求 八 沈 臣 無 竹 石 錢 復 既 子 煕 爲 公

況 原 作 一一一, 據郎本 改

<sup>」,</sup>據郎本、《七 集 議

居其所而遷」之義。謹録奏聞,伏候勅旨。一師號,即乞以惠遷爲號,取《易》所謂「井勞苦,不避風雨,顯有成効。如蒙聖恩賜戒行,自熙寧中及今,兩次選差修井,營幹戒行,自熙寧中及今,兩次選差修井,營幹

### 蘇軾文集卷三十二

#### 奏議

### .

**繳進應詔所論四事狀**前連元祐五年六月奏狀

受到 月十 蒙 放 狀 奉 積 口 奏 郎 在前。 1,令臣 上件奏狀。 九日尚書省劄子會到諸處,稱 降指揮。 欠 知 聞,乞申明 元 (鹽錢,並人户欠 祐 杭 六年正 州 别具聞奏者。 謹録奏聞,伏候勅旨 蘇 今月五 軾 給還 十二月十八日,三省同 月九 狀奏。 一日,准一 市易折納 日 買退 今重具 右臣 龍 完祐五. 置 絹 去年六 |関 錢 産業,及 到 學 四 不曾 年 元 士 事 十二 奏 月 左 狀 奉 承 除 朝 未 具

> 受害。 私債 商坐 歲歲 藉所 行故 凋耗 此。 通 虚 足,私債更無 貫,今來只及二十餘萬貫。 十年 欠,只如 行 數 ()大半 一賈,兩 在有 也 ,而人户 往來,常買新貨 ,終不少蘇,蓋是商賈物 朝廷力行仁政,不爲不久, 前 酒税課利,漸可復舊,所 若行此 杭 不 富實人户 自來民 係欠官錢 獲 州 及 一蘇,三二年間,商 由 其 酒 四事, 四 催,以此 利。 務課 間 五 可倚信 買 人户。 則官之所失, 今浙 利 却索舊錢 賣 所 '; 昔 商 在 中州縣,所理 例 旅 者賒 其它大 官錢 酒 年 不 少 貨 補 税 見錢, い元未 行 了, 以 買 ||不小。 旅 尚 而公私 + 課 ',公私 面 必 止 不 此 率 餘 利 能 行 惟 通 類 萬 虧

# \椿管錢氏地利房錢修表忠觀及墳廟狀

元祐六年二月二十八日,龍圖閣學士

貼

黄

臣

竊見

浙

中

州縣市井人煙,比

修葺 錢 側 瓘 乞依 錢自 遠 處 切主 應 越 左 依 額 自 有 墳 住 墳 國 管 土 朝 錢 ·持。 ,令錢自然已下徒弟,永遠住持**,**漸 然權令徒弟道 廟 處,今召到本縣净土寺賜 管 香 然 廟 錢 右 月 王 奉 た十 臨 火 並 自 内 諫 氏 錢 郎 得 本錢氏直下子孫,欲 其錢 安 並臨安縣界武 議 妙 忠獻 錢 然 勘 諸 氏 知 就 净 會當 塘 すっ有 大 因 日 例主管。 墳 杭 便照管墳廟,不 主 塘 [院,本 夫 爾,每 中 縣界文穆王 王仁佐墳,並 州 妙 墳 寺,令尚書祠 知 州 書 蘇 囡 廟 士在彼 杭 劄 天 棘 錢氏 院院 縣 在 又勘會得 慶觀 州 子 狀 選 本 趙 肅 節文:「資 奏。 特 建 委 看守,欲望 州界,欲 抃奏,伏 元 道 王 改 在 造,見是 僧 . 致 一鏐等 令錢 部 賜 瓘 IE 檢 紫僧 龍 道 文穆 伍 表 荒 通 等二十 准 Ш 乞兩 廟 自 遇 忠 廢 教 見故 政 熙 界, 名, 道 王 然 同 觀 改 道 大 墳 殿 寧 微 賜 其 元 六 天 爲 次 正 永 師 專 縣 旲 十

> 節 各特與 披披 剃 童 行 名

節

塘、臨、 撥還 例皆 先臣 明,蒙朝旨令杭州 乞降指揮 雖多,切緣年歲深遠,不敢更乞支給,今只 房廊,歲收 寄納 得 车 奏聞,伏 已後,寄納 文"「皇城 者。」 修 特 臣 摧 祠廟,在杭 又准 安兩 茸 支錢 家, 庶收 塌 日 墳 下杭州, 元 候 縣者六十餘處。 後 私 一千三百 爾,不 %使 慶州 豐 五百貫,與表 家 勅 本縣,至大中祥符 不 五. 追。 歲課,漸 曾 、越二州者 無 年三 許將臨 得别將支用, 劄付 樓店 力 請 防禦使錢暉 修葺,前 領。 右奉聖旨 四十貫 月十八 務 次完補 安縣舊田 於軍資庫作 近歲 忠觀 五. 獨 有 所 日 項寄納 臨 先 置 奇 間 ´´; 墳 等奏 宜 墳 中 安 臣 簿拘管 一令杭 園 書 廟 有 壠 本 太 杭 祠 房 錢 平 臣 處  $\mathbb{H}$ 臣 劄 在 州 廟 謹 廊 數 家 興 申 園 錢 子

錢

國

臣 檢 會 熙 寧十年七月二十六 日 據

只

准

每

録

 $\bigcirc$ 

可完 用。 年不曾修治 月 修葺 五 本州 氏 九 損 葺 業 内 大 + 百 内 四 歸 諸 百 ,共合用工 道 所 蓋 段 補 貫, 自後至元 申奏,乞將臨 官房廊 管錢 八日中 九 處 IE 因 約計 爲廟宇舊 年 倒 十九九 墳 錢 皇 與表忠觀修 若每 收 廟 損 自 百 氏 城使錢 九 掠 ,例皆損塌,須  $\mathbf{H}$ 去 書劄子,奉聖旨 四 文。 然 墳 |料價 年 年只 祐 賃 處, 此 産等賃錢,年納 狀 十文省,送納 廟,委是 屋 錢 及臨 五. 時差官檢 , 乞將臨 方得完備。 錢 軍等奏乞方准 车 安縣管催上件賃 又爲 間 (支得 一 千 三 架 革墳 ,雖支得四千 安縣勘會到 萬二千八百 連接 元 造 五. 安 造 廟 得 百 百 來 計 縣 屋 廣 貫 軍 年深 Ŧi. 到 不 直 每 一千三百 雏 祖 宇 · 資 起修葺, 大,一百 錈 十 得 年 至 數 先 庫 塘 四 逐旋 五. 别 特 元 錢 當 管 九 木 置 多 百 將 支 年 豐 支 納 尋 + 植 到 餘 稍 貫 錢 支 撥 五 係 錢 貫 五 朽 安 修 産

> 計 貫 百 工 廟 四 手 ,須至奏陳者 [年,尋: 五 四 料 已 損 萬六千八百七十八貫七百三十 百九十一文省,兩縣 十四文省,錢塘縣一 價錢,内臨安縣四千三百五十 修 塌 再 1損、未 自 去 熙 年 寧 及修 再 + 差官 车 屋宇 重行 共 萬二 神 合用 檢 止 像 千五 計 今 等 Т. 到 又 料 百 共 及 兩 價 貫 五. 縣 錢 文 墳

念錢 推 使 利 而 就 處 共 完 其 明 此毫末,歸之有 況 使朝廷特賜錢物,爲 知,不待臣言。 氏之忠,特改 廟 聖 裔 本 右臣竊惟錢 經今十 , 依 意,奏乞盡 孫 家 道 自 前 士錢 有地利 荒 四年,表 毁 自 氏之忠,著 了, 使 妙妙 丽 司 數 房錢, 然 墳 因 1 撥 先 忠 [院,賜 住 廟 之修完,猶 還 恭惟 帝 觀 持 荒毀,行 地 可 表 既 以 於 利 顯 神 未 名 而 (甲令, 房錢 忠 表 宗 支 成 有 (用, 豈 臣 就 忠 皇 路 不 司 了, 以 之意 觀,仍 帝, 送傷。 爲 不 而 朝 過 忍 助 能 野

竊 破,保明 州 州 縣 四 徒 議。 請 諸 十 所 爲 領,仍 墳 文 收 空 謹録 廟,即 言。 省,令表 地 申 利 州 候 奏聞 房錢 臣 修 具 愚 造了,差官 ",伏候 所貴 所 忠 欲 修 觀 千三百 望 事 名件及合 每 以勅旨。 聖 7體稍 遇 慈 修 檢 五. 特 正 本 計 十 許 ,毋使小 觀 用錢數, , 具 24 每 及杭、 貫三 委無 年 臨 良 大 赴 百 越 安

貼 管,只得充 逐 黄 ,官私不得别行支借使用 年 · 所 如蒙 收到 修造表忠觀 朝 廷 上件 依奏,即乞指 地 利房錢,令 及錢氏 揮本州 墳 廟 須 使 樁

### 乞相度開石門河狀

郎 始皇三十六年,東游 ,乃西百二十里從狹 知 杭 元 祐 州 蘇 六年三月日 軾 狀 奏。 至錢 右 中 龍 臣 渡。 塘, 啚 謹 閣 臨浙 按《史 始皇帝 學 土 左 記 小水 以天 朝 波 秦

> 錢塘江 下之力 一<del>,</del> 而 獨 天下之嶮,無出 徇 畏浙 其 (意, 意 江 水波惡,不敢 之所 其右 欲 出 者 徑 赭 渡 Ш 以 橋 此 海

> > 無

知

淺。 沿泝此 水 又復 魚浦 者,皆· 間,親 往之人,又多是盗 띠 往於淵潭中,湧出陵阜十數里,旦夕之間 激射,其怒自倍,沙磧轉移,狀 海 饒、信及福建路 舟,然尚希 ·卷去,行路 號 門 諸山 東來,勢若雷霆,而浮山 ,求救於湍 以故公私坐視覆溺, 失 臣昔通守此邦,今又忝郡 由 見覆 去, 江,江水 西 相望、犬牙錯入、以亂潮水、洄 |興徑 雖 溺 小 爲 **о** 舟 無 之流涕 沙之間,聲未及終,已 ,灘淺, 八州往來者,皆出 ,師、没 自 渡,不涉浮山之嶮,時 數。 賊 衢 利 自 活而已。 必乘潮而 人,不 睦、處、婺、宣、歙 其 温、台、 無 財物,或 如之何, 一峙於江 能 縱 明、 寄, 如 前 有 行。 鬼 人 知 勇 越 因 え龍 神, 中 其 老弱 悍 爲 潮 有 往 而 Щ 深 敢 潮 洑 自 覆 往 年 與 來

其 風 礙之故,官給脚錢甚厚,其所亡失,與依託 鹽,取足於杭、秀諸場 **歙等州及杭之富陽、新城二邑,公私所食** 礙之故,此數 齒,待上江薪炭 蘇、秀米至 人衆地狹、所産五穀、不足於食、歲常 亡失,不知一歲凡幾千萬。 水以侵盗 餘公私利害,未可以一二遽數。 自 全 桐 者 者 州 廬,散入諸郡。 百 不 薪米常貴。 而活,以浮山之嶮 可 無一二,性命之外, 勝數。 ,以浮山之嶮覆溺 此最其大者。 而衢、睦等州 又衢、婺、睦、 錢塘 覆 億 公私 溺 萬 留 漕 留 生

石 求,具得其 河,引浙江 臨 達於江。 門,並山 因 視 地 葬所生母於杭州之南蕩,往來江濱, 伏見宣 形,訪聞父老,參之舟 及溪谷諸水,凡二十二里有奇, 實。 丽 又並江爲岸,度潮水所向則 東, 一德郎 建議: 或因 前 權知信州軍 斥鹵棄 自浙江 地 人,反復 上流 鑿 州 爲 地名 用 講 運 侯

> 官張璹 論 浙 以爲莫大無窮之利。 十五萬貫 於今龍山之運河,以避浮山之嶮。 因古河稍加浚治,東南行 下,鑿嶺六十五丈,以達於嶺東之古河 於龍山之大慈浦。 二年而成。 石 所 士民,聞臣 ,所不向則 迫,勢不得默已。 ,躬往按視,皆如 ●用捍江 臣 與臨欲奏開此 用竹 與前轉運 兵及諸 自大慈浦 0 臣縱欲不 大凡 臨 使葉温叟、轉運 四 言。 郡 八 河,萬 里 厢軍 里 北 言, 有 凡 折 有 口同聲 福 奇,以達 , 抵 奇,以 三千人, 度用錢 已爲衆 建、 小嶺 判 達

蘆,起 之嶮、賜錢十萬貫、米十萬石、起夫九 水 有皇天蕩之嶮,内出 臣聞之父老,章獻 僧舍,以拯溺 開 龜 Ш 河。 者。 今浮山之嶮,非 皇 錢數十 又見 后 臨 先帝 ·萬貫 朝 H 以 萬 長 築 以 淮 長 江

竹 下 歷代名臣 奏議 木」字。

度用」,原作「用度」,今從《七集・奏議集》卷九。

與臨 付三 施 差觀 蘆、龜 下本路 合用 將 臨所陳《開石門 行。 捐 察 十五 省看詳,或召臨 錢物料狀 一本,並 山之比, 監 推 不 官董 萬緡 司或更特差官同共 妄, 乞自 |華用臨之説,約度功料, 以 而 河 平此 利 朝 一聖仁 害 赴省面 廷 積 事狀 地 慈,視 擘畫,支賜 圖 嶮 加 也。 **\*** 相視。 質問。 画。 本,及臣 民 謹 如傷 味死 伏乞降 錢 仍乞 若 臣 及 所 F. 必

候勅旨。 澤,子孫不忘。 役,不惟救活無 物,又使數州薪 左右近臣,必有知臨者。 易,難在成之而已。 謂此河非臨不成。伏望聖慈,特賜訪問 臣觀古今之事,●非知之難,言之亦 臣 米流通, 窮之性命,完惜不貲之財 不勝大願,謹録奏聞 臨之才幹,衆所共知。 田野市井、詠歌 乞專差臨監 聖 此

貼黄。石門新河,若出定山之南,則地

亦 近江 水不 皆斥 所差官詳 民田之良者,不過畝二千,母以錢償之, 北 田 不堅久。若自石門並山 萬餘緡 ,則地堅土厚,❸久遠無虞。 五六千畝,又失所謂良田之利。 土薄,萬 到,❷灌以 鹵,不壞 議其利害。 圃 已。 一數十年後,江水轉 民 河水,皆可 此二者,更乞令監司及 田 又 自 而東,出定山 化爲 新 河 然度壞 良 以 田 移 北 體問 民 之 泂 潮

計料。 蒙朝廷相度可以施行,更乞别差官入細 又貼黄。董華所料,只是約度大數,若

其一,不過謂浙江浮山之嶮,經歷古今賢又貼黄。今建此議,不知者必有二難。

<sup>「</sup>之」、《歷代名臣奏議》作「至」。

<sup>「</sup>潮」、《七集·奏議集》作「江」。

<sup>「</sup>土」,原作「上」,據《七集・奏議集》改。

<sup>「</sup>二千」、《七集・奏議集》作「一千」。

張 有缺 易以 有成 水所 可復 治。 長淮 自 今自慈浦 戰於岸下,而 於漲沙之上,又潮頭爲西陵石 巷議 哲 夏 龍 多矣,若 所 、壞,隨 衝齧 石。 規。 Ш 作 豈 爲安流,今日吕梁之嶮,竊 臆度,不 建東堤之比也。 轉 可 自龍 ",必不 向 以 謂 自古本用木岸,轉 即 其一,不過 미 西 西,江水皆露出 古人偶未 平治 修完,人不告勞,官無所 足取信。 四 南, 山 能 五. 以 則岸之易 經 必必 十年,隱然 東、江 久。 不至今日。 謂 經 只如 並 意 水溢 今浙江 一,便 成 石 江作岸,爲 龜 運 加,而 不 ·磯所射,正 而 深,石岸 山 使 謂 聞 動,雖 石岸, 難 新 張 今人 亦 如此 壞 河 潮 夏 已 非 頭 立 始 潮 不 亦 平 乃

# 再乞發運司應副浙西米狀

元祐六年三月二十三日,龍圖閣學士

瀚、恐 夏秧 吏欲 粗有 流殍 死。 爲積 村闕 鄉 米接濟。 自今已往,若得 不 故 湖 恩 田 田 左 村 止 亦 固 自 爲 詔 朝 種車 備 食者 差 遠 疾疫必起。 水占壓,薪芻難得,食糟飲冷,多至 自 甚,雖 ,退寸進尺,見今春 已 召召 奉郎 並是臣親見, 下 不能 船 , 見今州縣出賣, 米價 渺 没於深水,今歲 處饑羸之民,不 塘 赴 見 水,耕耘之勞,十倍常 衆,至以糟 漫,婦女老弱,日 載 路 前 足用 闕 訪 一今已自 米 由 知 庭 聞 湖 杭 下鄉散 , 秋 淫 逐州 已詳 州 即 竊 雨 夏之間,必大乏絶 闕 蘇 蘇 以 稍 一去年 非 糠雜芹、蓴食之。 食, 糶, 軾 浙 能 必恐 而 止,即 傳 目 晚,並未下 狀 西 至 百 · 所 聞。 赴 覩 即 夜 奏。 時 聞 車 城 糴 無 所須 不 積 農民 年 必 不 常 望 歲,全藉 市 其 春夏之間 畝 水 右 平米, 難 |翔踊 如 收 未 數 須 丽 臣 種 災 面 退,下 施 糴 趁 目 中上 淫 一 見。 近 糧 初 又 浩 脹 蒙 官 雖 又 鄉 但 雨

以 農民 頓 例 價 雖 不 鈐 備 封樁等錢一百 云,已降 軍 熟 成 米 是 移用。 運 皆 高 H 轄 般運 近 ·貴爲 空言 司官 貴 貴 欣 高 體 司 便處 臣 前 糴 貴 戴 所 去歲 兑 . 指 詞, 吏, 年朝旨 ~,始有 了; 杭 糴 奏施 聖恤民之意,奏稱 送户部, 撥 · 肯 饑 猶 揮令發運 米 奏乞下 更不 親被聖旨,全不依應施 勝 收 民 州 出 萬 行。 五 待 生意。 於 亦 糴 所 糶 貫,趁時糴 + 收糴,使聖主已行之命, 是 哺之心,中塗失望。 無米,坐 依已得指揮 撥 賑 聖旨既 萬 發運司於江 七 勘 濟。 上供米二十萬石 司兑撥,合起 石 十足錢 會 而發 準備 浙 尋蒙聖恩 視民 下,本路 賣斛 運 西 淮 t, 餘依 浙 去 收 南 司官吏,全 東、淮 死。 郖 西災 炭 江 糴 上 封 行 一 蚪, 米 具 東米 今來 供 浙 椿 傷 南 ' **,** 只 價 聞 下, 與 却 並 西 進 州 豐

> 不任 災 折 理合奏聞。 已累具執奏,未奉朝旨。 更要 已樁 萬 緣 内 充 本 如 充今年 石 F 更截 填 路 責。 此、饑殍之勢、極可憂畏。 之時 件出 今來 五 在 内 撥 + 本 出 糶不 · 萬石。 所賜,吏民聞之,何由 路。 五. 糶 已是指準上件米數支用外, + 豈敢爲已去官,遺患後人, + 不 盡 萬 臣 萬 盡 今來運司却將前件聖 米一十六萬七千餘 元 石 石 米 ,與本路 數 <del>--</del> 奏乞於發運司 目 外,只乞於上供 今來 萬 相 七千石 親 兼 既 見數 心 出 忝 糴五 服 近侍, 石, 有 州 重 水 恩 + 臣 米 切

撥 萬 指 糶借貸。 ,即乞一面截留 石外,更兑撥三十萬石與 揮 却令發運司將 ,發運 伏望 如發 聖慈察 司依 運司去年元不收 元降指 臣 封樁 上供米充滿 微 誠, 揮 百萬貫 ,,除已 垂 浙 感 西諸 五. 糴, 錢 截 + 方 候候 撥 萬 無 州 充 今年 特 石 可 + 數 兑 出 賜

路運 謹 待 秋 録 饑 媳 奏聞 致 日 饉 錢 收 疾 ',伏候 糴 疫 米,雖累百 填 大 還。 作 以勅旨。 方 若 行 萬, 朝 賑 廷 亦 濟 不 恐不及於事。 以 即 臣言爲 恐須 於别 然,

本意。 以拒 來 貼 處收糴。 處七十文。」切緣臣元奏,乞於豐熟近 災傷,米價高 發運 黄。 塞朝 司 發運司奏云:「淮南、宿、亳等 却 訪聞揚、楚之間,穀熟米賤,今 引 處七十七文,江東 宿、亳等州米價 非 仁聖勤恤及臣元奏乞 最高處, 米價 便 州 高

賜 況 十 十 又貼黄。 ~,發運 岩。 ·四萬 上件出 萬 十六萬七千有餘 石 岩 ,顯虧元降聖旨 司 ,方滿五 若依發運 糶不 不 合指準充 盡 米,已係前年 十萬數。 石 司 充數外, 所奏,將 十四四 數, 今來只撥 顯 出糶 猶 萬 虧 聖 合撥 石 恩 不 所 盡 而

> 目 放税分數施 又 「與蘇 贴 黄。 湖 如 行 州 蒙 施 如 行,乞下轉 合賑 濟 運 更不 司 多 拘 去 撥 年 數

及事。只乞斷自聖心,速降指揮。又貼黄。若行下有司,反覆住滯,必

#### 杭州召還乞郡狀

死罪 遽回天意,須至盡露本 越、陳、蔡 恩命及乞郡事。 朝 書及聖旨劄子,不允臣辭免翰林學 奉 ! 郎 元祐六年五 前 惶恐死 郡 知 杭 · 法 訖。 州 罪 臣已第三次奏乞除臣 月十九 蘇 軾狀 竊慮區 心,重干 日, 奏。 龍 區之誠,未 右臣 圖 聖聽,惶 閣 土 近 學 奉 承 士 恐 能 旨 詔 左

相 首 韓琦 臣昔於治平中, 被英宗皇 以 臣 年少資淺 帝 知 遇 自 鳳 法未 欲 翔 驟 :經試 職 用 官 臣 用 得 當 替 故 且. 時

宰

朝

御

史 安

知

雜

謝

景

温

一,首出

死

力,彈奏

臣

T

憂

鄉

日

·,舟

中曾

販

私

鹽。

遂下諸路

體

追

時

篙手等,考掠取

心證,但

以

實量

而

石

大怒,其黨無

不

切

齒,争欲

傾

臣

先

帝

雖

未聽從,然亦嘉臣

愚直

一<del>,</del> 初

不

譴

問

試

策

進

上

一,並言安石

不知

人,不可

'大用。

極

論

新

法

不便。

後復因考試進士

,擬對御

1

知先帝聖明,能受盡言,上疏六千餘言,

上

書

論

奏,先帝大喜

1,即時

施

行。

臣

以此

旨 裨

買

燈四千椀

行有司:

無狀,虧減

市價,臣

即有

萬

然未測聖意待臣

深淺

为 因

上元

天負

心

, 欲具論安石所爲不可施行狀,

以欺

必。

自惟遠人,蒙二帝非常之知,不忍

新

得

政,變易法度,臣

若

少

加

附

會,進用

可

以

英宗皇帝知臣

有

素故

郭

?

是時王

一安石

外言事

自惟

羈

旅

之臣,未

應得

此,

豈 臣

覲

,便蒙

神宗皇帝

召對

面

賜

獎激

館

職

會

臣

T

父

憂

去

官

及

服

闋

以左右疾臣者衆也。

因 配 仇。 論 折 敢 敢 數人,而 故 此 韓 德 備 惟 享, 執 此 建 發 怒臣 黄 其 頤 維 昆 位 惟有 爾。 **学之黨** 政 姦 此 始論 泂 争議 臣又素疾程 蟲 禁 意。 議 鋒 不 陛 草 林 嘗試 其餘黨猶 而臺 獨 ",必有: 小 衙前 人,無不 因 口 下 木之微,無以 尤加 乞 立 遭 積 臣 回 即 諫 亦 重 朝 不倚,知無不言,可 遇之異,古今無 此數事,恐别 周 差顧 奪 位 陰主 與司 廷。 諸 忿 賜 穜 利 頤之姦,未嘗假以 側 在 起臣 疾。 人,逆探光意 行 利 害, 乃敢· 其 要近,陰爲之地,特未 目。 馬光異論。 臣 造, 害、與孫永、傅堯 事者。 於貶所,不 其 竊 仰 上疏 以 料 自朝廷 後,又於經 E 報 致患禍。 破小人之謀 疏 穜 天 是以上 乞用王 比 争之, 草芥之微 遂與 地 廢 以 光初 及一 黜 少 生 臣 色 遂 筵 一書逆 一安石 大 又 臣 成 不 報 每 詞 俞 年 極 姦 爲 以 自 萬 Z

臂痛目昏,所以累章力求補外。

止 論 事 中 之赦 臣 其幾 言 黨人之意,未嘗一 譖 奏 得 不 間 爲 謗 恕,陛下 臣 不已。 法外刺 此 獲 /黨人 何 訕 臣 者 竊 事 矣。 乎? 伏思 己 數 四 所 察其 無 若 念, 其意豈爲顏章等哉 配 陛 傾,首領不保 自 只 疑 下 顏章、顏益 非二 出 自 因 無 似 亦 日不在傾 知 發策草 忝 實而 聖仁明 已赦臣,而 白 禁 杭 加 州二 近 不降 誣 一、三年 麻 ··• 豈 臣, 一人,蓋· 年,粗 執。 羅 洞 出 敢望 者 言 之間 洗 ? 照 織 其 者 攻積 ·,又不 語 垢 肝 免人言 如 以 間 求 不 膈 先 疁 赦 知 帝 則 知 昧

至 悸 人 爲 恐 必 執 ·路,果 大猜忌, 政,此二事,皆 今者忽蒙 福 聞 爲 災,即 磨厲 弟 聖 轍爲 恩 以 日 召 丰 須, 臺 E 還 大臣 諫 章 擢 勢 所 用 必 本 辭 攻, 如 意 免 又 般 乞 此 除 出 郡 竊 臣 廨 聞 計 弟 宇 行 鲎 命 轍

不 側 言 難危嶮如此,今餘年無幾,不免有 所從 得患失,隨 身之意,再三辭遜,實非 下 不 二聖公道之知, 弟轍 竊 知 待 ·勝衆。 用 戀 目 · 知 臣 避 謂 無 之報怨嫌,必爲巧發而陰中。 罪 來遠矣。又欲陛下知臣平生冒 天 罪 臣 0 直道而事人,焉往而不三點。」臣若 地父母之恩,而衰老之餘,耻 危言危行,獨立不 之剛 瀆,自陳入仕以 可言 主之待臣子,不過 豈敢 又 臣若守其初心,始終不 無安 所以反覆計 蒙 世 ,而今之言者,豈 褊 以 陛 |俛仰,改其常度,則陛 理 衰 ,衆所共知 下委 而傲黨人陰 病之餘,復 雖蒙二聖深 曲 慮,莫若求去。 來進 照 矯 回,以犯衆怒者, 黨 公道 見 飾 中之禍。 退本末,欲陛 犯 情 間 깂 知 變,則 以 其 嫌 是 狀 柳 臣豈 相 非 鋒 亦 遠 下 下 知,黨 曲 ·, 甚 |渉患 非 恐 群 惠 所 亦 禍 敢 獲 安 貪 有 全 以 恃 保

> 群 小 計 較 短 長 曲 直 爲 世 間 高 人

> > 長

者

心,死 聞,伏候勅旨 臣不任祈天請 疑,别加陰中也。干 使,或除一重難邊 不勝大願。 檢會累奏,只作 今來奏狀,乞留 伏望 而後已。 聖 若朝 慈, 命戰恐殞越之至。 惟 親 察 郡,臣 廷不以臣不才,猶欲 中不出 不 嫌 臣 願在禁近,使黨人猜 回 至 犯 避,早 天 誠 不敢辭避 ,以保全臣子,臣 威,謹俟 特 賜指 除 報國 謹 録· 郡。 揮 斧鑕 執 Ż 驅 所 政

有

眼 君 盡言無 貼黄。臣受聖 香字 寬赦 臣 不 大,又涉 ·密,《 隱。 不勝戰恐之至 必 周 致 知 易 不 當 最 恭  $\Rightarrow$ 所 深,故 途 ",進退 戒, 怨 怒, 故 敢 惟 谷 親 愈 披 書 爲 露 奏狀。 身災。 肝 肺

### 撰上清儲祥宫碑奏請狀

請者 宫記 准 旨 勅 左 差臣 朝 元 祐 蓋 奉 六年 郎 上 撰文並 清 知 六月二十六 制 儲祥宫,將欲了 誥 書石,今有下項事,合奏 兼侍讀蘇 H, 摊 翰 畢,合用 狀 林 奏。 學士 修 承 近

年月,乞下史院檢會降下。於慶曆中遺火焚蕩。今欲見元建及遺火於慶曆中遺火焚蕩。今欲見元建及遺火一、竊見上清宫,元係太宗皇帝創建,

出 皇太后、皇帝本殿錢物,並乞檢會降下。 蓋成就。 錢物數目,及係是何庫 方議修蓋。至元祐中,蒙内 一、今來上清儲祥宫,係 今欲見先朝所賜錢物并 錢支撥,或係 神宗 出 今來 錢 皇 物 帝 内 修 賜

不然。

及二聖賜錢修蓋成就意指,乞賜頒示。一、今欲見神宗皇帝賜名修宫因依,

更 立 碑,仍 無銘,未委今來爲碑爲記 有 臣 銘 竊 文,於體 見 朝廷自來修 爲 宜 , 乞降指揮。 建寺觀 若只作記 即 是

姓名,乞檢會降下。

一、准

·勅差臣·

書

石,合書篆額人銜位

右謹録奏聞,伏候勅

### 進單鍔吴中水利書狀

宅,而 蓋理之當然,不可復 聞議者多謂吴 朝 奉 郎 元 居民 祐 知 六年七月二日,翰林學士 制 與 誥 水争尺寸,以 八中本江 兼 侍 讀 以 海大湖故地,魚龍之 蘇 人力疏治。 軾 狀 故常被 奏。 承旨左 右 水患。 是 臣 殆 竊

甚,而 ,今年雖爲淫 臣 蘇 到吴中二年, 湖、常 雨過 三州 省大 常,三州之水,遂合爲 雖 爲多 水 雨,亦 害 1稼,至 未 十七 至 過

耳,而近歲特 老皆言,此 年不退之水,非 、太湖、松 患 江 甚。 所 今年 與 從 海 蓋 來 人事 積 渺 未 雨 然 遠 所 無 不修之積,非特 不過四五 能 辨 獨 致 也 蓋 十 因 年 父

天

時之罪

也

噎 成,公私漕 里積 挽路 夏 不敢 非 東,官私船舫 潮 松 去,海口 隨 不快,江水不 秋 不知爲挽路, 水 江. 建是 石壅土築爲挽路 漲水之時 鯁塞故也。 常 以 三吴之水,瀦爲太湖,太湖 而 欲淤塞江 人 常 上,日積 海。 運便之,日葺不 橋,植千 通 ,皆以篙行,無陸挽 故 海 快,軟緩 橋 以松江入海, 自慶曆以 吴中 路 水 不已,故 上水常 柱水 日 乎? 而江水 少水患。 兩 中 而 潮, 一,宜不: 高尺 海 無 已,而松 來,松江 自長 力,則 口 清 潮 太湖之咽 湮 餘 激,隨 昔蘇 之水、溢 濁 橋 甚 者 、況數 圃 [始大 海 挽 一礙。 汇. 江 丽 之 始 路 古人 州 輒 Ž 築 艱 喉 滌 而 爲

> 不復積,水 以浚海口, 如此,而未得其詳 丈,水道松江 别爲千橋,橋谼各二丈,千橋之積,爲二千 橋 餘,泥沙復 中 口 挽路固不可去,惟有鑿 多 水 不 患。 知 患 海口既浚,而 積,水患 江 近 可 ,宜加迅駛。 水 H 以 艱 議 少 如 噎 者, 衰。 故。 雖 江水有力,則泥 但 挽 暫 臣之所聞 今欲治其本,長 然後官 欲 路於舊橋外, 通 發 快, 民 私 不 浚 一, 大 過 出 治 略 沙 力 歲 海

親 可 供 所恃,歲漕都下米百五十萬石,其 繳 知水者考論 故 口 按行, 、愍惜。 連 餽 陳 召問之,出所著《吴 進上。 不可 其 舊聞 曲 或差强幹知水官吏考實其言, 常州 乞下臣言與鍔書,委本路監司 折 伏望聖慈深念 其 則臣 八書,疑 **一**, 而 宜 興 十年九澇,公私 言 縣 可 ĬĖ. 中 進 施用,谨繕寫 得 水利 士 十二三耳。 兩 單 浙 ·鍔,有 之富 凋 他 卷, 且 弊, 水學 一 本**,** 財 國 臣 躬 賦 用 與

勅旨。 上利害。臣不勝區區。謹録奏聞,伏候

### 録進單鍔吴中水利書❶

爲不 鈞曰: 所從來 之原。 故 知 求 於汪洋之陂,視之茫然,猶擿埴索途 嘗歷覽地形之高下,耳未嘗講聞湍 縣,又間出使者,尋按舊 常、湖也。 切 於三州,逾五十年矣。 十常減其 其 而 有 觀 末 力 可  $\equiv$ 然而 究之。 治也。 「水之患,天數也。」按行者駕輕舟 而 ,州縣憚其經營,百姓厭 州之水,爲患滋久,較舊賦之人, 「三州之水,咸注之震澤,震 五六。 不知其 朝廷 西州之官求東州之利 然有知其 間有忠於國,志於民,深 屢責監司,監 以日月指之,則水爲害 本,詳於此 所謂三州者,蘇、 二 而 **|迹,**使 圃 不知其二, 講 司 略於彼。 其出力, 每 明 流 利 督 目 之 州

> 去五堰 之所以洩荆溪之水,東入於震澤也,❸今 江之水,或遇五六月山 於宜興之荆溪,由 堰爲艱阻,因相爲之謀,罔紿官中, 人,由宣、歙販 水、銀林二堰、直趨太平州 所以節宣、歙、金陵 州之田。」此知其 是震澤之水,常溢 三州之水,東灌蘇、常、湖也。」此又知其 自慶曆以來,吴江築長 之水,東入於松 由宜興 偏者耳。或又曰:「宜興之有百瀆,古 7,五堰 |而西 「溧陽 既 賣簿木,東 廢,則宣、歙、金陵 江 荆溪而 九陽江 而不 縣之上有 偏者 由 堤 水暴漲,則皆 泄 松 也。 横 人震澤,蓋上 ir,以 人二浙,以 江 之衆水,由 蕪湖,後之 以 截 五堰者,古 或又曰 至壅灌 至 江 於 流 九 以 海 陽 Ŧī. 廢 分 由

<sup>●「</sup>進」、原脱、據《七集・奏議集》卷九補。

❷ 「於」,原作「二」,據《歷代名臣奏議》、《天下郡國利病

江

沃水於人,不去其 吴江 絶,視者恬 衆竅,以水沃 也,荆 不泄,是猶 下又有吴江岸之阻,而震澤之水,積而 堰,東至吴江 詳,攻之則易破。 以鍔視其 加 其 則 九 也 也 宜 堙 9,傍通 .岸,不疏諸 百 足也。 竅 陽江之水不入蕪湖 塞,而 興 溪 不可去,蓋治之有先後。 瀆 塞,恬然安視而 三者之論 之水自然無 颠 非 然 有 咽 太 所 今上廢五 不 其 人 湖 喉 岸,猶之一 存 可治,五堰非不可 猶不謂之已死。 焉 衆瀆, 瀆,以泄震澤之水,是 П 也,百瀆則心 者 、手桎,不解其足縛,不 ,未嘗參 ,沃而不已,腹滿 桎其手,縛其足,塞 四 患。」此 + 則絡脉 堰之固,而宣、歙、 九 已,誠何心 身 、 反東注震澤, 條 究 也 亦 ·, 疏 迹, ~<del>,</del>得 衆竅也,吴 也 一<del>,</del> 五 知 了震澤 今不 此 且未築 之既 堰 自 其 復, 百 哉? 而 則 西 瀆 其 偏 則 首 Ŧī.

池

江

腹

則

時官又 異矣。 田,皆 海,蓋 中,邑尉阮洪,深明 耕之日,歲歲 自 歷 早 田 熟無 爲大 吴江 竊視熙寧 古者所以 之數,則 之田 中 年不 死。 去百 熙寧八年迄今十四年,其田 水,洪屢上書監司,乞開 患。 ,尚十年之間 岸已 震 魚遊鼈處之地,低汙之甚也。 雖去 遇旱,皆爲 瀆無多遠,而田之苗,是時 無 何 澤 可見矣。 :哉? 留 泄 八年,時雖大旱,然連 自吴江 前 欲具驗之,閱三州歲賦所人 吐納衆水,今納 意 震澤甚 西來衆水 "; 五 訴潦,民 疏 蓋 堰 | 築岸 導者,苗卒 泥 百 ,熟有五六,五 宜興 其 且以宜興 邇 沙 瀆及傍穿小 廢 益 ·已後,十年之間 入震澤 民 堙 、水利。 已久 力 塞,與平地無 悴。 圃 歸 難 百瀆言之。 即 不 而終歸于 乎 以 方是時, 未 百瀆 吐 堰 ,港瀆 而 稿 私 亦皆 有 死 Ž 其 口 州

水旱 監 司 ·皆不 九 允 條 其 · 可不 請 年 遂 開 鳩 大 也 熟 工 於 食 此 百 利 之民, 瀆 之驗,歲 疏 墳

荆溪 百川 田 致 運 東 則江,岸西則震澤。 澱,中 溪。 河,横 夫吴江岸界於吴松 人震澤,其他溝瀆澱 皆以昔賢 宜 震澤之水,常溢而不泄,浸灌三州之 ,遂築北隄,横截江流 南 興 . 莫 不 每至五六月之間,湍 , 其勢然 昔范蠡 所 早則 則吴江岸之東,水常低,岸西之 百 、震澤,注于江,由 利 荆溪,東北 趨 名 通 海。 非 呼。 所 也。 流 鑿 止 自西五堰之上 百 又有孟 , 與 其 蠡 自慶曆二年,欲便 透湛瀆 江、震澤之間,岸東 瀆 塞,其名 江之東則大海 宜興 而 河,遇大旱 江歸于 五六十 涇 릲 流 之西 (,東南: 洲 峻急之時, 不可 滆 東 海,地 一,衆川 蠡 里。 湖 則 接 縷舉。 運 之水 則 罨 有 也 泂 傾 由 渗

覽也。水,不下一二尺,此隄岸阻水之迹,自可

茭蘆 耶 ? 流 然後以吴江岸鑿其土爲木橋千所,以 後,水勢遲緩,無以 蓋未築岸之前,源 江 賦,反損三 由 以 叢 而茭蘆生,茭蘆生則水道狹,水 處,今爲民居宅 又覩岸東江 液,沙 洩不快。 生,沙 尾昔無 是歲增 之地,遷沙村之民,運其 今欲 泥 漲 茭蘆 舊賦不少。 |州之賦,不知幾百倍耶? 泄震澤之水,莫若先 雖欲 漲 成 尾與 塞 壅 田、桑棗場圃。 震 村。 海相接之處,汙 而 障流水,今何致 流 澤之水不 滌 又江 東下峻急,築岸之 蕩泥 昔爲湍 雖然,增 岸之東 **泥沙,以** - 積,其 所 流 漲 開 道 吴江 奔 自 至 澱 之泥 邑之 江 狹 增 此 湧 可 築 茭 通 尾 得 積 縣 則 之

黄汀 衆 涇 低。 卸 古有泄水入江瀆一十 之北偏,乃江陰縣也。 海,則三州水患必大衰減。❷ 常州 蜆、安亭二江,使太湖 隨橋谼開茭蘆爲港走水,仍於下流開 開水面二千丈,計一十一里四 爲橋十所、計除占閣外、 餘谼道。每一里,計三百六十步, 條,各長二丈,除首尾占閣外,可得二 糧 三丈,每三十步一橋也。 二丈五 水 堰 瀆涇、❸曰 運 皆以古人名或以 港 堰 上自丹陽,下至無錫運 (瀆、日 運 尺, 每 日梨溶 橋 横 支子港、日蠡瀆、日 1東函 用 梁三條,各長六尺, 耐 港、 港、 水 曰 土 姓稱之,昔皆以 曰北戚 四 水 蔣 其地勢自河 一木棒二條,● (條) ·由華亭、青龍 瀆、 可開水面二十 千條橋,共 曰 氏 河之北偏, 曰 港、日 歐 十步 孟 牌 瀆、 瀆、 運 而 柱 日 泄 五. 白 曰 漸 里 丈 河 碑

> 之糧 居 溢 隄 十 江 尺之水足 岸,則 矣。 四處立 丽 船 今名存 不 不過 制,將 制水入江。 爲 可 五 石碶 卧門,每 濟於岸北 而 以 百石, 實亡。 見灌浸江 勝 五. 百石之舟。 運河止可常存 若 今存者無 無 隄 陰之民 防, 幾,二 則 以 田 水 先 其 五 民 汐 築 浙

昔 士余默,兩進三 人之智,以至敗 始欲以爲利, 田,爲百姓所 走 運河之水,北 熙 寧中,有 、訟,即 而 提舉沈披 事也。 州 適足以害之,此未達 下 水利,徒能備 江 罷提舉,亦嘗 中,遂害 切見近 公者, 輒 日 江 去 陰 陳 錢 五. 1被罪。 功力 之民 塘 卸 進 古 堰

0 0

•

<sup>「</sup>棒」、《歷代名臣奏議》作「棒」。

養"文。 「三」,原作「一」,據《七集·奏議集》、《歷代名臣

書》改。 「涇」,原作「洷」,據《歷代名臣奏議》、《天下郡國利

治 日 謂 河 乃 走水入江 水衝 運河之下, 不 張 不言措置水之術。 可 北 瑣 了,嘗開 此 寔進 函 治 江 功 通 下 細 河 則 之, 湖 力 也 之事 涵 策 爲 江 又豈 一, 是 甚 管 海 其言然則 狀,言,吴江岸爲 利 陵 陰 見函管,但函管之中皆泥 則草可刈 0 大, 故 昔治平中, 至 知 則 用長梓木爲之, 止 何 今常州有 然余 道 無 末 江 可。 不 爲 無 堙塞之處,泄 錫 前 ,雖三尺 可 知 法 默 然矣, 不 也,置 若 本末。 易復,遂已。 沈披 度以 蓋古之所創 雖 知本 未 提 東 能 四 能 雖言 童子 西二 在 制 刑 阻 耶 言 處 也 惟 開 中用 運 元 蚪 水之患,涇 置 有 得 故 河底 吴江岸, 函地名者, 江之水, 門 積 郖 切 又覩主 道 積 銅輪 ";涇函 今 先 中 見 知 水, 沙; 下,暗 事 泄 如 開 運 他 在 簿 函 此 而 州

名 存 欲 之港,北 北 溪,其夾苧干,蓋古之人亦 五 南 進 口 湖東入滆湖, 宜 堤 水 可 運 皆豪 依 至宜 興縣 入常州之運 瀆、白魚灣、高 堰 以 防, 三縣之界, 泂 吏,皆 而 作 民 茅山、 實亡,累 興,北 開 北 西有夾苧干 田 湖 入大 管 耕 通, 偏 不 韋 兩 柅 水 植 一, 此 知 東至 薛步 江。 北 泄 至金壇,通接長 丽 入江,百 河 各開 利 有 不 人 滆湖之水入大吴瀆、 泄 今 江 梅瀆 便,惟 今 一 十 由 · 行 運 滆 知 Ш 河 瀆,在 陰 水 運 利 河 水,直入 湖 四 低 姓由 上 河而 利 元 一分 以 便 及武 瀆 恐 爲 下 金 豐 者 应 田 注 開 之二,爲 及白 之 是 郖 所 壇、宜 之間, 之 條 大 獻 進 塘湖 田 門 緣 宜 以 之港 「鶴溪, 江 兩端 議 縣 此 泄 興 河 田 朝 興、 河 彼 自 之 金 長 西 四 下 患 隄 也 條 荆 孟 滆 接 塘 塘 築 而 西 積

干通流,則西來他州人震澤之水,●可以相視,又爲彼豪民計搆不行。儻開夾苧相視,又爲彼豪民計搆不行。儻開夾苧江東及兩浙兩路監司相度,及近縣官員令曾長官奏請乞開,朝廷又降指揮,委

澤也。 廬 丐殍,鬻妻子以償王租,或置其 熟,積空頭之稅,或遇頻年不收,則 之,今人争棄之。蓋積年之水,十 港 鍔熙 多 昔云有三萬六千頃,自築吴江岸,及諸 信知昔爲民田,今爲太湖也。 日丘墓、街井、枯木之根,在數里之間, 數里,清泉鄉湖乾數里,而其 殺其勢,深利於三州之田 傾也。 而逋。 瀆 堙 寧 致 塞,積水不泄,又不知其愈 以是推之,太湖寬廣,愈於昔時。 八年,歲遇大旱,切觀震澤 敗闕者,比年尤甚。 鍔又嘗見低下之田,昔人 至於酒坊,處在水鄉,沽賣 也。 太湖 皆緣水 地皆有昔 田 八争售 即震 捨 饑 無 廣 水 其 退

> 也。 百 視,蘇、秀二州 注,反灌 以謂若 塞,將欲疏鑿以 熙寧間,檢正張鍔命屬吏殿 原,今爲汙澤,今之水不泄 銘於水穴之中,今猶存焉。信夫昔爲 間,豈即水穴以危亡 古之葬者,不即 渰 下 闸 ][[ 之間,❷亦多丘 田 東流則有 若反灌民 不 海 開 收 民 ,古人開 故 海 田 也。 口 田,古人何爲置諸 常,西流則有時 海 諸 快 鍔謂 高 墓,皆爲魚鼈之宅。 鍔又嘗遊 流 浦 口 諸 山 水。 慤曰 , 則 諸浦瀆,爲 海 魂耶? ,則於平原陸 浦 東 慤相視回申 所以 風 下鄉,切 「地傾東南 如 駕 丞劉慤 古 嘗 海 沙 得 因 浦 通 也 泥 東風 耶 百 水 唐 野之 見 ? ][[ 倒 雍 相 高 昨 埋

<sup>「</sup>渰」,原作「啽」,據《天下郡國利病書》改「西」,原作「由」,據《七集・奏議集》改。

<sup>,「</sup>快」、《天下郡國利病書》作「決」。案: 似以「決」爲

八三八

吴江岸 岸之阻 勢難 湍 無倒注 勢然 雖 雖 信 流 致 以 浩 其 也 西 急,泥 之患 , 諸 如 蕩 阻 流 絶, 此 滌 凡 浦 風 然 江 沙泥,設使今日 沙自然滌蕩,隨流以下, 而今乃有之。 百 雖 息 湖 猶有説。 暫 Ш 則 諸 有泥 湍 其 浦 流 流 港 緩 沙之壅,然 亦 蓋 勢 慢,緩慢則 復 蓋昔 一以昔 亦 開之,明 歸 于 視諸 同。 無 海 百 吴 日 其 川 江 浦 其

注 起 雖 會。 者,蓋有深意 口 又聞秀州青龍 一海潮 意 激 湖 曲 海 蓋古之人 而 泥 而 諸 宛轉, 泥 洶 沙 港 皆直之,故或遇東風, 沙 隨 湧 浦 不 無害 倒 流 以謂 以以 鎮 深入也 勢皆如 直 注,則於曲折之間 爲 人 I東流 上,不復 水隨 海諸 七 十二 此 也,若遇東 地 浦 後 ",古有 勢東傾 會曲 所謂 有 人 阳 不 今日 海 明 折 七 入海, 干 風 宛 凡 潮 古 有 開 臨 駕 轉 所 倒

> 之時 先成 成圍 圍。 幹官 欲乞 及開 江, 民 田 運 水,先開江 睫之間,而人 宛轉之勢,不可 圍 泂 明 一, 且 岸。 朝 員,分布諸 , 則  $\mathbf{H}$ 所 昔郟亶嘗欲 通 日 次疏 一 十 四 次開導臨 有創 廷指 茜涇。 圍 水當 淹浸 復 夫水 尾,去其 合者 吴江岸爲 以狹水道,當春夏滿 [處之] 揮 橋 有 湧 廬 行 水既 下 疏 縣 所不知。 不 此 行 江湖 兩 舍 於地 使 通 則 復 也 泥 **矣**, 門 泄 浙 民 河 也 0 千橋; 海 轉 沙 不 石 中,未能 矣,方誘 就 港 今海 此不智之甚 圍之上,非止 諸 越數月,其 運 [碶隄 芝蘆 置 深水之中,●疊 今欲 夫 縣 司,擇智力了 郖 利 浦 、防,管· 遷 門 次置 洲 民 泄 害 昔 切港 利 流 以 積 沙 \_ 掛 H 築田 常 浩 水 水 上 州 於 曲 也。 之 壞 急 州 Z 眉 而 折

復合。

奏

<sup>● 「</sup>昔」,原爲空缺,據《七集·奏議集》、《歷代名臣

況措置 其江 能 因監 自吴江 也。 合而 度,不 各言某 蘇、常、湖 名,亦布其 湖溪海圖》 有 通 幾 司 鍔又覩 爲 在 商税,不爲難事 相視 華亭及青龍。 東至青龍,由 耶 河 規 ? 圖 某 諸 規 一二耳。 秀州 ,恐走透商税,遂塞此一江。 瀆 縣,各畫溪 本,但 堰 而 則 通某 塞 言也。 青 纖 温 龍鎮 可 悉若視於指掌 縣某 青龍泄水入海。 欲見其 流,其害實大。 **夫籠截商税利** 觀 河 今所 有安亭江一 其 處 溝 大 ,俟其悉 ハ略 詳,莫若下 畫 港  $\stackrel{\textstyle \sim}{=}$ 啚 ",港 之間 瀆之 州 條 又 江

下 湖 官 愿出 竊 之水 | 吏未 聞 一瀆,一 錢,乞開安亭江。 近 入運河,由運 其 與施行。 日華亭、青龍人户,相率 二瀆在塘 名白 魚灣, 近又訪得 П 河入 見有狀· 瀆之南。 名大吴瀆 一十四處 宜 興 在 陳 本 又 西 狀 有 郖 泄 滆 縣 情 滆 湖

> 常州 先自 海口 矣。 比 囓去諸浦 溝者 則泥 上,則水皆趨下,漫滅下 上水 浦 瀆名  $\pm$ 緷 與 覿 不 河 法湍流 先治 諸浦 江 一 十 其勢理然也。 ,水囓之; 沙又合矣。 叫 奏 高 今若俟開江尾及 江 尾 開,今開之,不逾日,或遇東 請 郖 梅 兩 四 海 下,則上之水無不流,若先 沙泥矣。 同 門,在吳瀆之南。 峻急,則自 開 瀆 處 處 П 時 海 分泄 亦 之野 諸 睴 口 嘗觀《考工 泄 善防者,水淫之。」蓋 浦 功 諸 凡欲 故今治三州之水,必 滆 積水,❷最 門,築 浦。 疏鑿吴江岸,及置 則自 疏 湖 然 道 疏 吴 之 下水 鍔 堤制 通,必 ,而不 然上流 江岸爲橋 水 切謂 近 |記》日:「善 爲 泥 聞 水 先 運 沙囓 ·可施 自下 海 知 東下, 泂 蘇  $\Box$ 功 丽 去 謂 與 諸 州 由

<sup>「</sup>比」、《歷代名臣奏議》作「此」。「在」、《天下郡國利病書》作「准」。按,作「准」,屬

岸東一 費,或係官錢,或係食利私力,期之 及諸縣,抄録諸道江湖海一 之海 不可 浜自古有名者,及供上丈尺料 盡可資食利户之力也。 瀆,及諸縣凡有自古泄水諸 申港、下港、黄田港、利港,宜興之塘 吴瀆、塘口 水入江。 故半可以資 日 有先後,則上水奔湧東下,衝 十四四 戸, 7開也。 口諸浦、安亭江、江陰之季子港、 觀 三州 村之 處 若開江尾 合開 同日 開莢苧干、白鶴溪、白 之 ]門,并築一 瀆、宜興東蠡河已上,非官 之民,憔悴之久,人人樂開 若宜興之横塘、百瀆,蘇 民 《食利户之力也。今略舉 開鑿,同 開 州 疏吴江岸爲橋,遷吴江 地 諸 溝 使爲昔日之江, 日 浪演,不 . 疏放。 莫若先下三 十四 切諸 溝港浜瀆,❶ 之 必 1魚灣、 條堤,制 全藉 損 若 工 港 以 或 在 力 瀆 州 放 施 之 頭 州 官

> 太湖 溢 及諸港浦 以節之。 亦不 傾。 水,嘗慮走泄入於江 切通江湖海故道,未嘗堙塞,故運 熙寧、治平間,廢去望亭、吕城二堰,然 堰、蓋爲丹陽下至無錫、蘇 或 開 不制,是以創 丽 浚 不泄,二 及西來衆水,無吴江 古人創三堰 未 妨綱運者、❸ 畢溝 謂 今自慶曆以 切堙塞,是以三州之水,常 「昔人創 港,❷以故須同 堰 堰 雖 以節之,以通漕運。 ·,所以慮運 廢,水亦常溢 何耶?」鍔曰:「昔之 望亭、吕 湖之間 來,築置吴江 岸之阻,又一 日 河之水東 州, ,是以置 決放 城 -, 去堰: 奔 地 河之 形 牛 堰 東 下 自

議》、《天下郡國利病書》改。下同。) 「浜」,原作「濱」,據《七集・奏議集》、《歷代名臣

<sup>「</sup>浚」,原脱,據《天下郡國利病書》補。

據《七集・奏議集》、《歷代名臣奏議》補。「妨」,原作「放」,據《七集・奏議集》改。「者」,原脱,

見 反耶? 注入運 運 今也置 尚存泥 丽 運 且古之廢 河之西口,有古西津堰,今已廢去久矣。 監司,就長 南通荆溪。 橋,去西津堰。 行,此灼然之利害 小,則運 利 常 河高 河之水也。今因吴江岸之阻,衆水 溢 圃 不復, 一 堰 ,倒注運河之内,是以 於荆溪,是以創 不見害也。 橋 中 河之内,今之與 今若泄 [河之水,再防走泄,當於北門之 鍔以 · **●**咸謂古爲橋於此也。 可也。 廢堰,以 橋置堰,以 橋東市邑中創 則 初開鑿市街,乃見昔日 謂古無吳江岸,衆水不積 運 蓋嘉祐中邑尉阮 其利害蓋如此也。」 泂 湖之水 通 今若治吴江岸泄 將 也。 荆 防走透運河之水, 見 橋 古 溪 則 又若 涸 置 ,何利害之相 ,則溪水常倒 圃 一堰 堰,以 橋 創橋廢堰 宜 糧 使 興 運 洪 尤 防 又運 橋 運 F 創 不 宜 河 市 可 先

> 利,出於人之未到。 古之賢人君子,大智經營,莫不除害 堰與塘爲無益,則古人奚爲之耶? 不達古人之大智,顛倒穿鑿,徒見其害 不可不復也。 水,則塘亦不可不開以滀諸水,猶堰 旱歲,今自三州之水,久溢而不泄,則 而爲無用之地。若決吴江岸泄三州之 是猶堰之爲堰也。昔日置塘滀水,以 之所創,有何益耶?」鍔曰:「塘之爲塘 其塘之外皆水 古之人停滀水以灌 嘗植苗 塘圩,或三百畝,或 或又曰: ,徒牧養牛羊畜放鳧鴈而已。 「切觀諸縣 此亦灼然之利害矣。 ,塘之中未嘗滀水,又未 溉 Ŧī. 高 後人之淺謀管見 民 百 原 田 畝 陸 ,爲一圩。 野之鄉,皆有 以今視之, 興 塘 苟 Ż 防

泥」《歷代名臣奏議》作「地

之水。 瀆,意欲取梁溪之水以灌運 運 者,古人豈無意乎? 由橋 鍔切 又不 若廢 之曰:「今運河不通舟楫,切覩 錫,因見將軍堰,既不渡 旱涸,不通舟楫。 即接太湖。 瀆不越百步,堰雖有,亦不渡船筏,梁 有小堰,名曰單將軍堰,自橋至梁溪,其 以不如古者,●凡如此 運 뻬 以鍔言爲狂,終則然之。 河,去梁溪 莫 觀 知 青 而 見 而 昔熙寧八年,是歲大旱,運 南下, 無錫 反 龍 其 安 狹 知 利 昔所以爲此堰者,恐泄 縣城· 亭江 水 遏 無 也 則有 道 百步之遠,古人置 内運河之南偏有小 若吴江 以 州之水,反 ,徒知不漏 小瀆,瀆南透梁溪瀆 是時 遏百川。 也。」 因 鍔 船筏,而 語 岸止 自 遂率民 與 河。 以 商旅之税, 今之人所 武 邑宰 知 將 爲 千之 林 重 開 欲 泂 車 此 焦 是 過 運 堰 便 瀆 無 溪 河 又 糧

> 年矣。 與圖 害。 鍔今日之議,未始增廣一溝一瀆,其言 之微意,其間 也。 水通 十二 亦久堙塞。 姑蘇之水。 蘇州患在積水不泄,咸上疏言仲淹走泄 導,以泄積水以入於海。當時諫 害,凡一 嘗見蘇州之茜涇,昔范 [符合。 流,舟楫 今茜涇自仲淹之後,未復開鑿 每覩 溝瀆,皆有微意,而今人 車梁溪之水 若非觀地之勢,明水之性 鍔存心三州水利,凡三十 一溝一瀆,未嘗不明古人 蓋不知其 曲折宛轉,皆非 往 來。 以灌 信 (利,而 夫 古 運 仲 河, 淹 徒然也 反 經 官 命 五. 以 味之 誉 不  $\perp$ 日 知 開 利 河

反」,原作「返」,據《天下郡國利病書》改。

<sup>■「</sup>運」,原作「道」,據《七集·奏議集》、《歷代名臣

國利病書》作「戾」。 國利病書》作「戾」。

執 則 事 無 者上之朝廷,則 以 見古人之意。 庶幾三州 今 并 圖 一以獻, 憔悴之 惟

民,有望於今日也。

貼黄。其圖畫得草略,未敢進上。 乞

下有司計會單鍔别畫

通青龍鎮,又開青龍鎮安亭江 、先遷吴江 、先開吳江縣江尾茭蘆地。 .沙上居民,及開 白 蜆 江

、先去吴江土爲千橋

通海。

石碶并築堤,管水入江。 、先置常州運河 蚪 門 十四所,●用

走泄西水,入運河,下궠門入江 一、次開莢苧干、白鶴溪、 瀆、大吴瀆,令長塘湖、 滆湖 白 魚 灣、 相 塘

條,東入太湖。 一、次開宜興百瀆,見今只有四十九

一、次開蘇州茜涇、白茅、七鴉、 浦及茜涇。

福

Щ

一、次開江 陰 下港、 黄田 春申、季子、

竈子諸港。

諸 、次根究諸臨 、次開宜興東 港瀆,並皆疏鑿 西 江 [蠡河 湖海諸縣,凡泄水

者, 伐楚,始創此河,以爲漕運,春冬載二百 堰 而 相傳,未始有 石舟而東,則通太湖,西則人長江,自後 知始末利害之議完 以世之所爲 而 究伍堰之利。 伍堰水利。 置牛於堰上,挽拽船筏於固城湖之 未究伍堰以西之利害。 以東三州之利害。 自春秋時,吴王闔閭用伍子胥之謀 昔錢舍人公輔爲守金陵,常 伍 廢。 雖知伍堰之利,而不知伍 .堰之利害,與鍔參究,方 至李氏時,亦常通運, 也。 鍔知三州之水利 公輔以爲伍 一日,錢公輔 堰

941

一」、《七集·奏議集》作「二」。

八三四

下,而 五 還之多,可以置官收税 江寧,又當增修高廣,以 銀林堰南則通 之,然後江東兩浙可以無大水之患。 則諸 道,而 泛漲 開淘之際, 處 西下,自 置者 税。 今若開深故 而水勢遂不復西。 側 上之水不 堰 地 所以不 勢, 則園 一十有 堰 自是河 其河· 又嘗設 奔衝 盡 分 白銀 可 自 永 須 東來,河之不治,愈可見也。 頭、王母、龍潭三澗,合爲一 说道,而 入於荆溪,而由分水、銀林 可不復也。 去 道 監 堰。 西 堰 林 隨 矣。 建平、廣德,北則通溧水、 澱 司 堰 以 壩 逐 塞,堰 存留銀林、分水二堰, 東,地 往來舟筏,莫能 至東壩十六里有餘 以 所欲存二堰者,蓋本 及遇春夏大水,江湖 置 處 一西,地 廨 地形之高下以濬 埭 宇, 今莫若治五堰。 俟商旅舟船往 形 如前之利。 低狹,虚 形從 從 以 西迤 收 東 往 通行, 邐 迤 務 來 此 東 灑 添 之

> 答曰:「 池、 之側 者乃服。 耶? 比之未復,十須殺其六七耳。」 迹究 爲干 旁穿於太湖者。 瀆之故道 堰 廣德、溧水之水,苟 / 於荆 也。 橋, Щ 水 「由伍 使 歸 難者曰:「雖復伍 ,與夫蘇、常、湖三州之有故 東 溪, 太 太 下乎?● 堰 湖 平 自 而 之蕪 雖 之 餘 東注太湖,則 水 不可縷舉 Ш 東 湖,下治吴江 澗 復堰 復堰,使上之水 入於海中 之水, 堰,柰 無 益 有 而 寧有幾 宣、歙 也 何 概 之 伍 治 可 堰 以

む。「伍」,原作「五」,今從《七集・奏議集》。下「五」字「伍」,原作「五」,今從《七集・奏議集》。下「五」字

### 蘇軾文集卷三十三

#### 奏議

### 辭免撰趙瞻神道碑狀

書者。 墓 廢學,文 深,不可不撰。 范鎮撰墓誌,蓋 狀》,●蓋爲光曾爲亡 碑、士大夫所 撰 奉 碑,不敢 故 郎 中 知 元 右 散 祐 制 臣 大 誥 六年七月日,翰林 鄙 固 平生 夫 兼 辭 陋 共 同 侍 爲鎮 及奉 ,然終 不不 知。 示 知 讀 稱 爲 樞 一母程氏 蘇 與 . 詔 非 近 人子所 先臣 人 密 揷 撰 本 撰 院 狀奏。 日 司 意。 行 趙 撰 學 洵 撰埋銘。 馬 以 狀、埋銘、 令司 瞻 平生交 士 光、富 況 欲 神 准 承 馬 勅, 臣 顯 道 旨 光 老 契 又 揚 弼 碑 左 其 病 等 至 爲 行 墓 并 朝

#### 再乞郡劄子

謹 親

録奏聞

',伏候

之意。

伏

望

聖

慈

别

擇能

者

特

許

辭

全之計,實深爲朝廷求安静之 覲,屢以血懇,頻干一郡,非獨 其末乃治亂之機,甚可懼也。 怒愛憎,互相攻擊,則其初爲朋黨之患, 朝 朝 奉 廷以安静 郎 元 知 祐六年 制 爲 誥 兼侍 福 七月六日,翰林學士承 ,人臣以 讀蘇軾劄子奏。❸ 和睦爲忠。 臣自被 理。 顧 衰 命 而 若 命 事 爲 臣 旨 保 喜 有 面 聞

碑

0

0

<sup>「</sup>丘」「1,7%を重要、JE "一長兄」「「1,7」「盆)引蘇軾所撰《眉州小集》此文有「臣近」二字。「准勅」上,宋洪邁《容齋隨筆·四筆》卷六《東坡作

字。「近日]上,《容齋隨筆・四筆》引蘇軾文有「只因]二

原作「奉」,據《七集·奏議集》改。「左」,原作「先」,據《七集·奏議集》卷九改。「奏」,

於臣 致 朝 則 排 權 轍 臣 報,未嘗 進 中, 軍 而 疾 難 T,故怨 取,豈 撃。 易 狂 不合刺 賈 程 盡 則臣 誣 不報 必 轍 無 孔 頤 易,頤之死黨,專欲與 頤之姦,形於言色,此 言 沉 臣 **欧得**罪 觀 不早賜施 須 既 由 文仲,令以其 者 一雖自 進 臣 復 弟 扇 其意 備 不已。 安 配 日 退, 兄 轍 有 臣 結黨 位 静 杭 顧 忘 弟 漏 意 與 執 易亦坐 趣,不久 在 州 無罪 臣。 最 泄 賈 與,再三論奏,煩 記 行,使臣終不 政,進退之間,事 皆 其 X 今既擢 密 深。 易 憶 人顔章等,以 臣愚 口 ,中無所愧,而 其後召爲臺官, 私 命,緣此 本 吻, 小 去。 必 臣多 意論事 無 怨。 意,不 貢 須 臣 嫌 八頤報 臣 而 風 難 言臣,并及 之 怨, 剛 而 免被 再 易 紀綿 憲,付 丁,爲文 早衰 早 易 編之罪 貶 乃於 怨。 只 此, 關 瀆 劣, 豈勞 迴 志 於二 人 知 因 聖 國 言 避 以 見 又 仲 在 無 謝 因 廣 臣 聖 丽 所 雄 易 論 必 心 德 素 表 所 碩

> 郡,此 進 之 眷 愛,亦必悔之。 咋 待 獎與之意 疏 即乞留 則 中, 伏 似 不 庶 乞檢會前奏, 終。 以 保 竊 全臣 惟 天 子。 速 地 除 父 母 取

乞更賜詳覽施行。 貼黄。臣前在南京所奏乞留中一狀,亦

進 明 所損不細矣 又貼 而 退。 出 知 ,天下必 黄。 若不早與 獨 受聖 臣 從 謂 眷, 乞賜 來 臣 一郡,使臣不免被 進 因蒙聖知,故遭破 用, 保 不 緣 全,令得 他 以 中 壞 理 外

作謗議 遂蒙付外。 庇,不肯降出。 又貼黄。 大臣之類 今臣若更少留 只如經筵進朱雲故 皆言 臣未 ,中外傳笑,以 考其所 屢 請 臣 有 杭 尋 ·; 必 章 州 言,皆是羅織 有 以前,言官 疏 須 奏狀,乞賜 言 謂 捃 事 臣。 聖 拾 ·, 云 世 似 乃 是 數 施 聖 入人造 此 有 以 離 行, 曲 此 無 間

死 既 亦 若聖慈於臣 嫌之請,便與 事 (騰 謗 郡。 ¬, 雖 未 有 能 出 餘 則朝 聖 以以 臣。 補 罪 明 報 矣。 謂一 廷 洞 萬 眷 終亦 照 必如 一聖私 眷不已,不行 郡,以全二聖始終之恩。 有 伏乞痛 ,而使浮議 難 無 此 違 臣,曲行庇蓋。 而 其 何如今日因 賜 黨 意 與 閔 縱 上及聖明, 其言,則又 既 察,早 未 衆 、責降, 臣 執 除 臣 規 奏

#### 乞 將 米劄子 上 供封 斛 郖 應 副 浙 西 郡 接

伏見浙 湖、常三郡 左 於市井,父老皆言,耳目未曾聞見,流殍 朝 奉 元 西 祐 郎 諸 知 六 水通 郡 年 制 七 二年災傷,而 誥 爲 月十二 兼 一,農民 侍 讀 日 蘇 栖 軾 今歲 翰 於丘 劄 林 大水,蘇、 子 學 墓 奏。 士 丁,舟栰 承 旨

施

而

之勢,甚於 熙

救,無 力必 鹽。 官物有限 年,親行荒 副,可謂 所能辦也。 寇,或得豪猾, 爲業,百十爲群,往來浙 爲大 饑饉 州 人既無食,不暇販鹽 正使來歲 視 行餘策,而 億萬之死 變故 十餘 不及,中路闕 官司以其不爲他盗,故略而 盗,而宣、歙之民,勇悍 臣 所吝惜。 聞 仁 ,饑民無 **、豐稔,亦須七月方** ,未易 萬 熙寧中,杭 政,只用 聖勤恤之至矣。 恭 米 未 也。 爲之首帥 惟二聖視民 凡守臣監 價不 度量。 數 絶,大悮 窮,若兼 不 他 出糶常平米一事 一, 則 州 踊,卒免流 如 郡 吴人 併力 死 ,則非復巡 中 此等失業,聚而 司 者 今既 饑 行借貸俵 然臣在浙 如子 以兵仗 所乞, 見新穀。 .; 雖 五. 一意,專務 民,不免拱 多, 號 秋 + 殍。 不問。 柔 餘  $\blacksquare$ 檢縣 苟 頀 以 更 更 散, 弱, 萬, 不 蓋緣 中二 有 販 不 應 則 尉 爲 私 間 手 鹽 口

有貧 米 (民,無 不 絶, 錢 可 則 糴,不免流 市 價平和 殍,蓋亦有 人 受 多賜 限 縱

之類,候出 頭 所貴錢貨流 指揮發運司官吏於轄下諸路 運 在外,合用若干石,人急遞奏聞。 米斛,酌中數目,直至來年 以 汹 杭 完 常理度矣。 西 司 踊 州 汹 供錢 價 諸 , 限 一兩 ,死者不可勝數,變故之生,恐不 ,朝不謀夕,但官場一旦米盡,則 日糶三千石,過七月,無 用 及 郡 昨 收 解 糶 Ħ 量 糶有餘,方得施行。 買 通,不至錢荒。 内擘畫應副,須管接續 得 添 賣,不管少 金 日内,●約度浙 欲乞聖慈速降指揮,令兩 杭 水脚錢 銀 還充上供及 州監税蘇 出 有闕 賣,及賣 堅書 所 七月終,❷除 絶, 西諸郡,合糶 米 封 封 有 似此計置 可 樁 仍 樁 報 候到, 糶,人情 〔錢物。● 到 貸 只 起 臣 米 依 發 可 市 云 脚 赴 年 見 地 即 浙 復 價

> 進 惟 安慰人心,破姦雄之謀,亦使蓄積之家,知 副浙 不久官米大至,自然趁時出賣,所濟不 已 監 下 易 年七月終, 雖 谎 有指 望 司 赤子也。 應 是 聖明,深愍一方危急,早賜施行。 西諸 副 數 出榜曉諭軍民,令一路曉然,知朝 揮 目 郡糶米,直至明年七月終。 浩 ,令發運司將 但令浙 則雖天災流行,亦不能盡 如蒙 瀚,然止於糶賣,不失官本 西官場 施 行,即乞先降手詔, 上供封 糶 米不絶,直至 樁 斛 剅, 不惟 害陛 應 廷. 來 似

貼黄。臣去歲奏乞下發運司,於豐熟近

9 0

收」、《續資治通鑑長編》作「支」。

<sup>「</sup>日」,《續資治通鑑長編》作「月」。

鑑長編》改。 「終」,原作「中」,據《七集·奏議集》卷九、《續資治

鑑長編》作「并」。

揮,發運司 事無由集。 遵禀之罪,朝廷未嘗責問。 出糶,所濟 錢,盡數收糴,猶可得 施行 去年若用貴價 而 方之民,得被 發 州 運司 軍 仍 糴 賜 以本路米貴爲 稍有闕悮,必行 今來若行臣言,即乞嚴 不少。其發運司官吏,不切 米 封樁 五 收糴,不過 實 + 錢 萬 惠,所下 百百 石。 百餘萬石,則今年 萬 詞 每 重責。 ,不肯收糴 貫,令糴米。 蒙聖慈依 號令,不爲 習玩號 **到七十足** 所 切 貴 指 奏

#### 乞擢用程遵彦狀

朝 廷 郎 用 兼 知 元 制語 祐六年七月日 ,故常不免偏 人,以行實爲 兼侍 讀 蘇軾 取。 先, 翰林學士承旨 以才用 狀 而 奏。 端静之士,雖 爲急。 右臣 左 竊 謂 朝

> 亦以敦 舉 慈特賜採察,量材録用 觀。 碌碌衆中,未嘗求人。臣竊惜之。伏望聖 史所傳孝友之士,始不能過。 臣與之同僚 如未出。 既被出,孝愛不衰,歲時伏 遵彦甚宜其妻,而母不悦,遵彦出之。 當各 五年矣。 於自 二年,備得其實。 事 郎前僉書杭州節度判官廳公事程遵彦,吏 有 周敏 過 加 舉所聞以助樂育之意。 獻,朝廷莫得而知之。 人 甘伏朝 厲孝悌,激揚 事 ,學問該 (之行,應務之才,又皆藏 身爲僕妾之役,以事其母 而母卒不悦,遵彦亦不再娶,十 母孝謹,有絶人者。 典。 洽,文詞 謹録奏聞 今替還都下,未有差遺 風 ,非獨廣搜賢之路 俗。 雅麗,三者皆有可 '臘所以事姑者' ,伏候勅旨 若後不如 如臣等輩 伏見左朝 母性甚 器 待 ', 雖 時 前 妻 散 固

❶ 「十」、《續資治通鑑長編》作「百」。

#### 乞外補迴避賈易劄子

今來 天威 思念 不爲 又曾 臣 旨 自 左 不至。 甘被分明之罪,不願受曖昧之譴 兩 杭 朝 ,得罪分明,不避權要,獲譴曖昧, ,不寒而慄。 兀 具 州 祐 奉 〈劄子, 六年 召 郎 還 而天聽高遠,不蒙回照。 知 以 七月二十 制誥 乞留 來 然臣 七上封章 兼 中 計之已熟。 侍 - 省覽。 讀 日 蘇 , 乞除一郡。 翰林 軾 傾瀝肝膽 劄 若干忤 學 子 退 士 奏。 臣 伏 承

今又 還 以 法 在 成 外 乞放 路 傾 臣 刺 臣 慈 并 臣 聞 罪 配 買易 採 到 顔 顔 闕 只 納 章 章、顔益 如 購求臣 施 以 前 浙 行 來 以此見易之心,未嘗 者乞放顔益,已蒙 西 累次奏論 而 水災,臣在杭 罪,未有所獲。 事,必欲 易扇摇臺官安鼎 詞 收 意 拾 州 懇 施 ;砌累, 只 有 及替 切。 行。 日

服,寧 何人,敢不迴 政 今日令臣以 後,朋黨益 官吏言災傷者,與聖意大異,而執 寇賊,意外之患,何所不至。 旨,更不敢以實奏災傷,則億萬性命,流 姚 封 廷,乞 在 其 公論奏,則行 擘 言 7駮,諫 易等所 動,偶 「溝壑。 私 非,然畏易之狠,不 劃救 忿,苟可 違二聖指 僶俛 加 並 非其黨, 官論 考驗,治 傾。 %濟,非 衆 行下。 文 親 非 "; 羽 避。 下 以 奏,方持 字, 給事 嫌 揮,莫違賈易意旨。 不 其言, 傾臣,即 翼 身不足顧惜,但恐傾 猶肯爲陛下腹心 其 善去,中 若不早去,不過數 以 顯是 丁 中中 成 尤 謂 寧,而易等方 就 者。 范 敢 其 浙中 威勢已 П 不行。 祖 不 議 非細 外 邪 宰 禹, 顧 之人 觀 官吏,承 相 陛 故 易等但 成, 望 諫官鄭 以 方生 下 賴 也 一,於 耳目, 欲 上 指 政 給 日 朝 望 臣 下 揮 不 臣 相 靈 行 務 事 加 Z 是 È 懾 執 風 墜 依 快 顧 潰 知 朝 中

前 事 不允,計 末。 來 體 (早賜) 窮 有 施 事 所 行, 害。 迫, 臣 須至盡 臣之大意,止是乞出 本 木 敢盡 述本心 言 ,不敢有 只 (爲累 隱 章

即 臣 非 子,不勝幸 無 伏望 故論 聖明 説 是非。 察其 甚。 。 至 取進 特賜留 誠 止 止 是欲 中 ·省覽 得 ,以保 外 補

### 辨賈易彈奏待罪劄子

今月 左 諫 觀 丞 朝 推 等 三日 私 趙 奉 兀 究 互 祐 事 君 郎 及臣 六年 論 錫言、秦觀 , 見 弟 知 制 兩 八 浙 令親 尚 月 災傷,及賈易言秦觀 兼 書 初 侍 情 來 右 四 讀 王 見 丞 日 蘇 遹 君 轍 軾 翰 往 錫 爲 劄 林 |見君| 臣言, ,稱被賈易 子 學 · 奏。 士 錫 御 承 事 史

臣愚惷無狀,常不自揆,竊懷憂國愛

朋 誨。 間。 錫,從來傾 保之訓。 或 與臣 臣爲罔上。 錫,以道義交游,每 獲罪。然受性於天,不能 民之意,自爲小官,即好 車騎臨 |愛民 友之義,盡言無隱 一言老 近日 臣自 之 過, 銘鏤 後 臣 事。 繆 心,以 君錫 兩 召 獲 非 肝 乞問 聞 次見君 才,當 赴 忠 尋有手簡 肺,何日忘之。」臣 闕 誨 義 相見論天下 君 益 見君 一此言責 /相許, 錫, 1錫,凡 , 諄 僭 盡 錫崇 若 諄 ,故敢以 謝 議 改。 開 有 所 づ, 切 朝 臣,其略 政殿 與言,皆憂 誘, 事 政 望朋 臣 句 既 莫非 士 初 與 屢 門, 及私 見 云 友 無 趙 以 君 師 教 即 疑 君 此

給事 處官 災傷,乞考驗虚 於七月末間 議 論 中封 , 吏, 觀望 鋒 又 秦 起。 觀自少年從 臣 三風旨! 諫官 因弟轍與 實愛重其人,與之密 實,行遣其尤甚者,意令本 「論奏。 了,必不 臣 臣言賈易等論 敢實奏行下, 學 臣因 文,詞 [問弟] 釆 轍 熟。 絢 却爲 浙 西 近

來,親 正字, 辭恩命,以全 傷,致朝廷不 所言,則官 論,雖蒙聖恩極力拯救 有溝壑之憂。 力不足,未免必致流 希、提刑 聖聽。」又弟 不敢不行。若不 此 汝 ,更言何事 既 又實告以 見 備 衆 今又爲賈 甚於 水 馬 人 位 :吏畏懼臺官,更不敢以實言災 執 瑊及屬吏蘇堅等書,皆 災 心 轍 復盡力救濟 政,因 進 貧 臣 知 適會秦觀訪臣,遂 賈易所言觀 因 退。 所 其 狀,及到 易 行, 言秦觀言趙 非。 自 所言。 何 殍。 即須群起力争, 即 見。 。 行此文字?」 , 猶恐去熟日遠, 不 若更行 京後, 臣 臣緣 臺官文字 則億萬生齒, 知秦觀 私 一以此 事 君 得 新 因 下賈易 錫 欲其 數次 往 議 交代 自 極言災 薦 轍 論 兩 舉 喧 自 云 等 力 及 便 物 奏 林 得 浙 瀆

謁 丞。」臣 又是日,王 知 遹 谲 與君 亦 來 錫親 見 臣,云: 自 來 密 有 少 事 因

> 合輒 令傳語 錫,欲其一言以救兩浙億 因 國 過 又忝論思之地,不 災 具在,可 錫言事,及 所舉秦觀 壑,略無一言乎?」臣又語適説 密 人,宜 重 家機密,不過行 君錫,遂至於此,此外别無情理者 傷、公爲 行 與人 熟 右臣 朝 君錫, 相 覆 爲朝廷惜之。臣所令王遹 典。 言, 既備位從官,弟轍 ,已爲賈易言了。此人文學議 知,議 按 與 中 至煩彈奏,見已家居待罪,乞 也。 秦 大略云: 丞, 取進止。 觀 論 免時 坐視 臣本爲 所 出數日,無人不知。 及之。 言, 時語 臺諫、給事 一方生 止於此矣。 見上件事 萬 又欲以 及 以 '生齒,不 國 臣是 靈, 與君 事。 忠 與 陷 中 親 ', 皆 錫, 爲 告 趙 二人 於 耳 兄 君 故 非 論 君 溝

#### 辨題詩劄子❶

仍

逢

大有

年。

山

寺歸

來聞

好語,野

花

啼

鳥

謳 家。」 憂懼 百姓 往常 在 有 言臣 有欣幸先帝上仙之意。 左朝 今月七日,見臣弟轍 請 歌 以 南 因 吾君之子,出 歸 ●其言雖鄙 父老十 州 京 依,合具陳述。 於元豐八年五 奉 兩手加 因 元祐 耕常州, 至 聞 郎 五月 是時 先 六年八月初 知 數人,相與道旁語笑。 帝遺 制 굸 額 初 新經大變,臣 誥 ,❷云:「見説好箇 蓋 俗 間,因往 詔,舉哀掛 兼 將 於至誠。 此 不 月一 侍 老 臣於是 與 典,然臣實喜聞 生已覺都無 八日, 臣 讀 馬, 臣今省憶 日題詩 蘇 揚 言,趙君錫、賈易 而淮 軾 翰 成一歲三 又是時, 州 子之心, 服 劄 林學 竹 了 湯州! 浙間 子 事 當,迤 西 月六日, 此 少 其間 奏。 土 詩,自 僧寺, 年 今歲 所 臣 孰 百 承 在 初 姓 官 見 不 邐 旨

> 罪。 所貴今後臣子 仙 詞,公然誣罔。 事理明白,無 敢復書壁上以示人乎? 之當塗僧 亦欣然。」蓋 ,以及兩月,決非「山 取進 咋 舍壁上。 喜 ',不爲仇 人不知。 聞 伏乞付外施 此 臣若稍有不善之意,豈 語 ,故竊記之於詩, 寺歸來」始聞之語 而 (無故 又其時去先帝上 君錫等輒 行 加以惡逆之 ,稍正國法。 敢 挾 書

#### 奏題詩狀❶

元祐六年八月八日,翰林學士承旨左

「一人一、《賣資台通監》是編》乍「旬」。此文,《七集•續集》卷九重收,題作《辨謗劄子》。

0

❷ 「一人」、《續資治通鑑長編》作「有」。

「年」下、《七集・續集》原校、 一作「帝」。

集》卷九收此文,題作「奏狀」。 「奏」上,《七集·奏議集》卷九有「再」字。《七集·繪

寺 朝 留 劄 奉 軾 題 子 郎 具 詩 知 留 制 軾 首 題因 誥 芫 ,八月八 兼 豐 依 侍 八 實 讀 年 蘇 封 日,三省 五 軾 聞 月 狀 奏。 日 同 准 於 **|**奉聖旨 奏, 揚 州 尚 書

行。 日 早 謹 具 右 録 劄 臣 奏聞 所 子 有 奏 ,伏候敕旨。 前 聞 件 訖 詩 留題 乞檢 因依, 臣 會 降 付 = 已 於 省 今 施

## 申省論八丈溝利害狀二首

無 縣 義 郎 · 難 衆 由 枯 修 知 流 縣 相 河 潁 所 兀 爲 · `; 及 界 度 州 祐 陳 開 免 以 可 蘇 六 劃 開 致 淘 否 年 軾 東,江陂 陳 溝 者 利 九 狀 事 州 平, 中 害。 申。 月 中 明 滿 日 地 河,並 鎮 溢 外 内三件,係欲 右 築 龍 横 以 軾 有 岸 啚 出 西 不 今看詳, 閣 之患 如 件: 涉 地 學 汴 潁 頗卑下之 土 所 「欲乞自 泂 州 開 前 左 例, 地分, 是 件 太 朝 不 康 田 李 奉

刑 欲置 子 而 無 力費 堤岸之費。」軾 要去 道路 又一 築岸 水。 處。 來 有 間 ; 李 細 足 地 丈溝首] 積 會 横 件 云: 如汴 津 國、公私 党遗能 相 觀 處 雖 遇夏 勢 水 處 貫 密學 别 驗 渡, 臨 下愚人亦 採。 南 溝 如 無 創 泂 秋 尾 傾 港 次 打 意 立 可 立課額,以 蚦 盡 「八丈溝 其 漲 有 河 量 度 洶 考 開 津 置橋梁,欲乞於合該縣 流 不 兩 今看 横 溢 餘 地 閉, 口 洶, 渡,小 論 納 人潁 下 知其 更 貫 勢,具 議 之 衆 雖 自 加 詳, 大 甚 未 首尾三百餘里,當往 類 論 其 至 河, 枝 不 有 流 小 無 網 見 立課額,積 雖 議者 八 小者, 的 蔓 歸 可 可塞,今義修 溝 妨 小 其 别無 多 丈 顯是大 粉 確 置 頭 也 利 瀆 可。 欲 溝 飾 事 こ 軾 去 並 郖 極 亦 兩 興 利 所 附 件 所見猥 門 處 多 只 有 而 下 (大役, 段 久,少 申 害 一, 並 今看 是 義 無 歸 遇 間 狂 鎮 羅 修 其 乃欲 窮之 頭 係 或 田 下, 提 勞 助 濟 來 去 自 間 於

謹具申尚書省。謹狀。

又

修之後 之患 本緣 進士皇維清,既 水占壓之處,人 種之地,多作陂 種,動皆五六 郎 今皆爲民田, 知 ,何不乞於府 |收取,盡 羅朝散於府界疏道 潁 /情騒 兀 上三縣 ,陳州水患 州 祐 百五 蘇 六 動 年 軾 ",爲害不 爲陂塘, 十年以上,與産業無異。 , 惟 或已起 十四四 狀 九 塘,不惟所占田 户 知修復陂 月 申 有古 ,自然衰減 界元有積水久 别 日 里溝渠。 無詞 移爲永業,或 小。 則三縣之民,失業者 右 陂 軾 ~積 塘 圖 説, 塘, 看 體 水所 閣 詳陳州 今 · 更 頃 訪 兼 可 學 I地,元 畝 得 不消 來 致。 亦 來 以 不 萬 維 陂 朩 弭 租佃 左 水患, 今來 糜 塘 係 堪 横 朝 既 積 耕 若 流 耕 汝

> 羅 施行,所以 月,則三縣農民 論 欲 具利害申奏次,謹具申 行下逐縣 件省司文字,訪聞得 三縣 朝 夫 有害無 + 依 錢 農 散等所欲會議利 七 羅 米 民 萬 朝 勘 以 産 貫 散 更不 利, 興 業 石 擘 會古陂頃 畫 必 , 開 陂 敢行. ,必大驚擾。 難 塘, 知 溝 起 施 下勘 民 夫 凡幾千百頃 之後,又别 顯 -尚書省 害, 軾見行 行。 畝, 間 + 是 會。 己 八 附 及 軾 稍驚 萬 起 會 其 自 其 謹 事 税 羅 承 奪 李 凝,若 相 請 領 朝 又 萬 用 驗, 密學、 決 佃 得 散 别 壽 錢 更 上 議 破 筡 米 年

### 奏論八丈溝不可開狀

州 郎 及 本 李 知 路 承 潁 元 之、府 提 州 祐 刑、 蘇 六年 插 界提 轉 狀 + 運 奏。 户 司 刑 目 `, 至潁 羅 臣先 龍 適、都水 啚 奉 州 閣 朝 與 學 監 臣 士 所 左 令 差 議 知 朝 陳 官

方 得 詳,難以 可 前 丈 指 來,候到任 溝 揮 利 會議 逐 害 官前 尋申 臣 見 以 來 得 到 會議。 尚 的 任 書省乞 確 之 利 初, 進 害 指 呈,奉聖旨, 一, 别 未 揮 知 具 逐 利 (申省) 官 害 未 之

所

矣。 事,而況一八丈溝乎? 以 河 歷 下入於淮 通 諸 此 暮 旬 ,則皆横 水 若准一 退,數 彌 驗之,若淮水 臣今來到 但遇 月,不 不免漲 ,淮水一漲 日之間,千 流 淮 減 爲 水 任 尺 害 漲 已 不漲 寸。 ¬, 下 則 溢 兩 雖 月, 溝 冒 潁 百 但 復 , 則 百 田 河 體 溝 一淮水 旁 港, 廬 下 問 皆 開 潁 口 得 壅, 百 朝落 上 河泄之足 壅 潁 溝, 時 逼 無 遏 州 一則潁 收 城 益 亦 不 境 縮。 郭 於 須 得 内

潁 創 受患, 引 府界積 且陳之積 使 則 朝 彼此均是王民,臣亦不敢深 廷 (水,以 卹 水,非陳之舊 陳 爲 丽 陳 不 患。 卹 潁 今又欲 也。 欲 使 乃 潁 移 是 之於 人代 羅 滴

> 至於 令南 臣書 丈河 至 附 於潁 貫八 遠 而 江陂,水道 下,今潁 害,恐非 之受患,必倍於陳 州 但 會 巨 羅 者數百里,近者五七十里,皆自 界 恐 奪汴 萬貫 以 此 流 適欲 河。 萬 ,乃云:「若疑之,只塞次河、江 下 潁 興 可 億 州 流 河 朝 石 议 亦無 己 大役, 縱 也 河,雖至 其間二水最大,一名次 而 之災,若 深闊,勢若建 行於南,八丈溝行於北 廷之本 乎 使 八丈溝奪併而東,此 ,何足爲慮。」雖兒童 被 南,其勢皆可 ? 臣 淮 曲 雖 愚暗,全不 水 愚知其不 成, 復起夫 意 上 田 逆 也。 廬 下 流 圃 水 之患 ~ 气气 城 況 又況潁 百 以 併 郭 十八萬 可 奪併 萬 曉 南 官私 在 圃 事 傾 潁 糜 而羅 猶 妼 陳 一之見, 河, 溝 入潁 北 州 費 與 欲用 北 皆 州 陂 水, 瀉 八與三 適 錢 適 被 高 但 則 泂 相 不 五 與 勿 水 南 潁 受 其

狀訖 凡 遏,可得 身深淺,淮之漲水 五 教 佃 上,計會本州 度利害,口 羅 狀 不敢上瀆 平 五千八百一十一竿,然後 步立一竿,每竿用水 練使史昱等,令管 適、 1,所有 ,繳連申奏,並 -打量, 勃以一 崔公度、李承 歷 껪 觀 見也。 争勝 逐竿細帳,見在本州 見地 爲不可開,然皆不曾差 數 聖聽,只具史昱等相 逐縣官吏,子 年 負,久 形 以 並 略 高低,溝之下口有 的 來 之以 取到 具下項要切利害 押壕 實 諸 圃 平量見高 高下丈尺,是 人議 不決。 逐 爲可開 細 寨,自蔡口 縣官吏保明 地 打 論 使案收管 0 面 量,每二十 臣 ?,曾肇 驗到 高 下尺寸, 胡宗 已 壕 下 逐 無 致 至 選 寨 T、 陸 愈 節 淮 差 臆 用

寨用 相 度 Ê 水 八 三縣官吏文狀稱 臣 平打量地 丈 到 溝時 任 之 ,只是經 初 面 高 便取 下 羅 馬 是實。 問 行過 適 得 崔公度 汝 不曾 切詳 陰、 當 差 萬

> 從 尚 驗 量 稱: 顈 用水平打量,見的實丈尺,必不謂之約量 定 即 尺,至黄堆 顯是 利 等 云:「淮水 五尺。」又云:「 萬 有 得 是臆度高下,難 八丈溝 是 害 建 貫 漲水 丈 每 陳州水面 全 可 石 議 八 蔡口 清 一然疏 年 否,及 丈 元 起 下 内 八 淮 /溝 大 至黄  $\Box$ 不 夫 尺 水漲 逆 漲 口必無壅遏。臣竊詳適若曾 [,與淮 如 知 流 五 下 淮水 ,不過四丈。」適只以此,便 (堆口 口 + 何 地 比 寸 痕 而 . 岸 爲憑信。 兼 計 八 水面 面 壽 高 面 看 至 至 料 高 萬 一, 行 下, 州 約闊 詳 除 淮 水 得 下 約直深十丈有 淮 將 羅 不 上 面 夫 河水面高 今據史昱等打 用 二十餘 盡 溜 溜 百 適所上文字, 功 錢 分折 , 其 分丈尺,及 錢 如 米 糧 勢必 望。」又 與 二丈五 何 `除外, 數 地 丈 須 面

<sup>「</sup>論」,原作「諭」,據《七集•奏議集》卷十改。

見於目 不 欲 意 尺。 畸。」今量得 州 值 時 平 可 漲 欲 一,横 苗 餘里。」今量闊處,不過三里。 而 水漲 臨 水 淮 適又云:「黄堆 稼 後 流 到 易,適 前者,適固不肯以實 之小 面 止 無遺 於數百 淮 不過 Ž 四丈五尺。 闊 顈 類矣。 猶 則 百 四 與溜分之多,則以意增之, 見 里間 以 以 里 丈。」今驗得漲 將 意 意減之。 内 羅適 口至淮 來 , 但五七日不 增 雍 八 三事皆虚 損; 遏 丈 言也 面 溝 不 此皆有實狀, 「淮水 直 其 行 遇 他 深 痕 淮 適 ,乃是適 退 利 五 又 水 面 害不 丈三 丈 云: 水 漲 闊 則 有 相 大

年潁 流 懼 瓦溝之類 實狀 河 丈溝水南 江 若 漲 己 八丈溝不能 溢 陂 具史昱 水 、次河深闊高下丈尺,其 ,皆可以 痕,直至 入潁 等狀 河,及其餘 東流 回 州 奪八丈溝,不 内。 城 力 却 門 臣體 爲次河、 脚 溝 下 驗 水 ·, 公私 得 如 勢 令 每 東 必 泥

> 得 丈溝 八丈溝已先漲矣,安能 潁 江 漲,後潁 漲 分外, 必其常東, 既 地有 水之就下,兒童知之, 北,但卒歸 州 陂 不奪八丈溝 詩,潁 河 陂安能奪八丈溝 云「萬折必東」, 城深患。 等 稍 大小不相侔,八丈 水已來,萬 水 更 落 受陳 所 河 河 而 奪 而 亦 此豈足信哉 於 能 圃 落。 自 州 東 南 而 羅 行 漲 折 南 耳,非謂 適、 水, ,則是水: 方潁河之不 帶 滿,不能受水,則 必 1 潁 而 胡宗愈等皆云: 和東,必 則潁 積 南?」臣 泂 此 適等不必其就 奪諸溝而 1 水 (溝必 必 有 則 稍 不 河已先落矣, 然之 適又云"「方水 無回 時 是 折 常 加 謂 潁 而 -受水 而 、數尺, 理 先 東。 奪之理 八 河 行於西南 常 也 / 丈溝 潁 於 次河 東也 也 自 及 河 下 必 常 則 而 比 而 天 爲 年

古 溝 還 創 價 據 開 錢 史 處 昱 或係官田 了, 計 等 打 取 量 民 地 到 田 <u>一</u>十 雖 羅 數 適 目 七 П 不 頃 易 4 丽

七萬 料,全未是實數。 取 未 疏 羅 車 水興功 葼 令慢平,溝身既 惡,合用 滴 贯石錢米,必是使用 元 未曾計 料丈尺間 **※**兼 稍 人錢 地 樁 形 ,土薄水淺,地 '; 必 其一十八萬 糧 高 深 數 有水泉,又 ,溝面隨闊 下不等,而 内。 不足。 又 看 人夫及三十 難 溝 脉 驗 則 沮 底須合 爲 得 適 倒 洳 地 所 填 開 性

區 所奏,一 史,鄧 本 實 餘 之詳矣。 溝,●正與今日厭 安 (狀,了然明白。 路 更 謹録 潁、 轉 有 右 艾本 運 不 八丈溝利 處看 壽 伏望聖慈指 奏聞 判 便 爲 之間 官 事 陳、 詳,即見八丈溝不 、伏候 朱 節 百姓驚疑之心。 水患多之意不同,勃 ,未易 害大略, 具上件三事 項 勃 乞早賜果決不 勅 間 申省狀 揮,將朱 旨 田 悉數,兼已略見於 良水 内。 少而 勃申 可 及考之前 開指 不勝區 狀 開 開 事 與 Ë 丈 其 玾 臣

貼黄。據崔公度狀稱,取到壽州浮橋司

若淮 狀,照 公度 漲乎? 何保 泛漲,並 之時,淮 然不大,便定永遠 看詳崔公度所 水 所言,必非實 得今後淮水與諸 驗 小,則 又, 臣問 得 水 積 比 昨 水 陳、 來 常 爲 言,顯是只將是年 年大 五 、害,並 潁諸 得 事 六月 (利害, 淮 小, 河 泂 間 不 潁 永 未委崔 顯 水永不一時皆 ÷ 間 陳、 無 見自是諸 淮 農 漲 潁 水 溢 民 公度 淮 州 之理。 父老, 之事 水 大 如 偶 河

貼黄。 據數 汝陽 申 縣 上,其 羅適計 官 吏,只計 疏謬例皆如 料八丈溝 料 尺。 :要開 此 深 適 亦 一丈,而 不 知

恐商 貼 年 豪户,妄生異議 中 黄。 賈 無一兩月,其餘月分,皆係水小。 舟船不復過潁 胡 宗 愈、羅 今勘 適等皆言 州 會蔡河 故州 城裹居民 水 丈 漲 溝 成

國志・魏書》卷二十八《鄧艾傳》作「陳項」。「陳項」,原作「陳潁」,據《七集・奏議集》改。案、《三

八五〇

顯是巧説 至水 七尺,潁人何緣 八尺,除大水 面 據 羅 落時 丈五尺,而 適 圖 ,厚誣潁 溝 序云, 漲 口 時,溝 八丈溝 八丈溝 去 過 人,以伸其私意。 蔡 憂 泂 舟 П 上 止 水 方與 船 於 口 面 不 地 岸 乃 乃 蔡河 ·入城 去 面 高 蔡 上 相 下 開 泂 通 丈 深 水

#### 奏淮南閉糴狀二首

泂 當 泂 種,不肯放過 縣 得 奉 憲狀,伏 並 欙 來膀内只 朱臯鎮,有望 晚稻一十六石,於九月二十八 郎 頭 知 不曾聲 兀 所 潁 祐 為今年旱傷,稻苗全無,往 由 州 六年十一月日 等欄 説 蘇 説 河 輔 欄 來 欄 河 截 狀 截 當時 截 欄 稻 奏。 糴 稻 種,有 頭 種 場 寄 所 據 粳米,不得 龍 在 由 今 來 汝 圖 悮 陳 等 陰 閣 向 欄 不 日 縣 學 春 郎 Ė 住 到 淮 百 士 布 鋪 過 被 憲 固 姓 左 南 種 内。 望 淮 稻 始 糴 朱 朝

申乞施行。

賣 秀州 地分 納力 興販 斛 須至奏乞指揮者。 不 客旅等,稱説 市少米因依。 糴 放 報。 **蚪,米價** 條 路 得津 ,及災傷 」到,雖遇災傷,官司 不行。 税 放 監 等 **金** 解到及以柴炭草木博 勝税 賦 兼 行 臣 司 處 .般 體 斛 及 尋 有 翔貴,本 尋勾到 百姓例闕穀種,見今在 錢,注 爲 粳米過 問 備 光 地 郖 舊 分,並 官 得 州 録 ,不得欄截,至今未有 例 是淮南 其楊 本州今年,係秋田 朱 糴 固 둜 亦 觓 州 |始縣 上供 淮南界,是致 憲 免。 舊 右檢 示依條 信等 蚪行 見闕 狀 官場收糴,出 收 不 及 並 粳 臣 税 得 會《編敕》,諸 供狀 人楊佶等,取問 軍糧,亦是 檢 米,違 朱 免納 頃 處 禁止。 糴 坐 臯 在杭 依 糧 稱 敕 鎮等 舊,即 在 力勝税錢 食者,並 問問 條 條 市 州, 又條,諸 市 文 災傷 禁 得 貴價 絶 施 處 牒 少米。 一賞錢 親 災 興販 船 少 行 請 淮 見 傷 販 免 斛 車 在 收 檢 依 回

闕米,農 弊,違條立 驚疑 於官 户,爲害不 ~,各務 並 無 民 所益 少。 藏 闕 賞,行閉糴之政。 蓄 種 今來淮 斛 依 **剪**,不 若非朝廷 舊 收 南官 糴 · 肯 不 出 嚴賜 吏, 行 糶 致 致 本州 又 徒 指揮 襲 餓 使 城 此 損 百 即 市 流 姓

户必致失

所

行下 錢。 係災 違 轉 條禁止興 運 ,使災傷農民,早行耕種。 傷 、提刑司,行 伏乞備 所貴逐路 地 分, 販 録 不 官 臣 斛 得 奏及 司 下 邷 違 過 逐 稍獲 條 開 淮 州 收 縣 坐 玽 納米 並 <del>,</del>不 敕 濟。 勘 條 得 會轄 謹録奏聞 穀力勝 仍乞速賜 更 指 似 揮 H 淮 税 如 前 西

又

奉 郎 知 兀 祐 潁 六 州 年十 一月日 蘇 軾 狀 奏。 臣 龍 近 圖 爲 閣 光 學 州 固 左 始 朝

> 轉及光 仍乞勘 其 穀 揮 種 斛 佶 朱 縣 提轉 淮 力勝去訖,仍已令本州一 過 等 憲 朱 淮 收 狀 鬼 南 市 州縣 州 ", 致 糴 鎮 稱 監 闕 固 稻 官 司, 食。 本 如係災傷 是 並不 種 始縣朱臯鎮等處,放行 吏 州 淮 ,不令過 違 不得違 己 收 南 條 具 糴 官 禁 地分 事 軍 場 止 條 淮 由 糧 糴 本 禁 ,不得違條收 聞 不 米 面移牒淮 及 州 止 行, 奏, 乞嚴 立 取 汝 販 及農 賞 賣 到 陰 禁 行 縣 米斛。 觓 南提 賜 民 止 人 百 郖 五 指 闕 米 姓

渡,回 所 以 拽 載 淮 、赴官、 席 外, 下 南西路提刑司 小加賞 來到 ,犯人出賞 惟朱臯鎮官 有 運米斛 依法 米數,却 碩 錢 施 以 不滿 錢 貫。 行。 上,滿一席者 7指揮出 更坐 回 勾 [報依應施行 貫,每 犯 欄 若 碩, 到 人,備賞錢 1或夜 前 牓云,如 本州縣牒:「 即勒白 來, 席 間過 加 加 並 於本 仰 日 有 ~渡,一 貫。 任 地 細 貫, 元 所 便 民 分 其 碩 每 捉 過 准 渡

至 逐 朝 來。」切詳 供 今年爲潁 本 鎮 南 懷 米 處 處官 廷 家 州 立 收 解。」又於今月十五 並 狀"「爲本庄 出 再奏,乞賜指揮者 糴 |賞勾欄,不令過淮。| 臣又 寄居官 敕 勾 並 吏,亦未 條 到納税及供家喫 追勘 被 若係 州 明明 逐 州 本 米貴,各令人於本庄取 户,皆言: 出 斷 他 、縣、鎮,若 處官司 不熟,遂 敢 牓 人 似此 示, 以 捉 此, 日 到 禁絶鄰路 立賞禁 「有田 肆 C,據汝 角 典田 至 行 非監司公然違 其 米 本 乖 經 在光 土 四 親 - 戾之政 鎮 陰 歷 止 一碩 得 餱 縣 自 不 地 被被 錢, 州界内, 糧 不 米 體 百 敢 分 ·, 放前 納 於 問 朱 姓 放 勾 背 税 即 得 鬼 淮 楊 過 當 須

之勢。 中 多 指 餓 是 揮 '', 亦 死 違 右 臣 百 熙 條 蒙 寧 竊 餘 <del>立</del>. 施行。 中,張 萬 見近年諸 賞 閉 羅,驚 靚、沈起 今來淮 臣 任 路 動 杭 監 西 首 人 州 司 户,激 提 日 行 刑, 每 ,累乞朝 此事,至浙 遇 既欲 成 米 災 貴 傷 狂

> 物,爲 乃 有 糴 上 户本家庄 是王民,而 行重賞,令人捉拽勾 廷《編敕 未之前聞。 編勅》「雖 不 官 條及臣 敢公出牓示,立賞禁 赴 伏 米, (國斂怨 了 官 中 望聖慈詳 》條貫,不 自合依 一課,亦 己 獨絶 遇災傷,不得禁 其 坐條 賣之理 一**,** 無 逐州、 不得 其 市 ...酌,早 甚於 關 敢違監司 餱 直 牒,並 ? 縣、鎮官 糧,禁其 般 欄 立 此 絶 取喫用,違法 .賜 收 今 定 問 不 糴 乃 優 乖 止 況 明 取 (布種 價 施 吏,亦明 淮 戾 提 顯是 販 门, 則 行,寧 施 出 南 指 賣 刑 行,少 牓 一,以 揮 强 司 斛 京 人 害物 示 買 違 知 至 郖 明 户 西 官官 免 有 均 知 嚴 豈

勅 官 旨。 吏 恣 行 農 民 無 告。 謹 録 奏 聞, 伏 候

# 乞賜度牒糴斛蚪準備賑濟淮浙流民狀

兼壽 有 或云二三十人,頗 劫 農 者皆云 皆 家,六安縣故 不 云 城 士 不 處贓皆數千貫 施 . 許 民 時 굸 市 左 申報者。 :米斛 自 州盗 中,時 助 已 有 朝 元 鄭饒、李松等數 此 教 煎 壽 祐 奉 色人。 一賊,已 州 (家,霍 過淮北。 榆皮,及用糠麩 郎 六年十二月二十五日 今秋 有 來。 知 鎮打劫魏家,賊徒皆十 扶 兼潁州界亦有惡 潁 漸 廬、濠、 丘 見淮 尋取 挈 ,申報官司,多不 州 昌 襁 有 縣 因 蘇 熾、安豐 善 褓 騎 此 問 西 人,皆老姦 軾 壽等州皆饑,見今 7,體問: 如 鄉 提 得 馬 狀 雜 流 城門 刑 者,器仗甚 鎮 奏。 馬 民 司 打 縣 得 賊 齒 出膀立賞, 者。 守把者,亦 劫 木場 臣 士人 龍 逋 Ŧ 盡 莧煑食。 謝 近 圖 、遇、陳 問之, 實,亦 餘 解 鎮 (南來 閣 因 打 元 出 學

> 矣。 不言, 如 民。 熟不 獲。 徒黨 無 之勢也。 官無以濟之,則横尸 北來,則潁州首被其 流入潁州 和 立 左。 此 名 臣 熟,蓋 事 浙西、江 臣又聞 稍 近日 號 倉卒無 目 , 臣不敢避張 衆 與官 . 夜計 界,縱 所以 雖 未 如 淮 已敗獲,深 東既 備 可 王冲、管三之流,便不易捕 吏鬬 須至先事奏乞。 南 慮,勢不 不能爲大害,但 知,若麥不熟,必大 自秋至今,雨雪不足, 别成意外之虞, 非 敵, 布路,盗賊 (患。● 豐熟地分,勢必 皇過當之罪,若 方 恐 可緩。 若流 淮 欲 結 南 集, 若至 群起 饑 謹 民至 群 盗 民附之 其 規 一、必 一類, 二 不止 時 有 條 罪 流 隱 相 饑 件 大 元 然 丽 徙 應 而

四 千 餘石 勘 通 本 紐 州 元 常 糴 平 價 斛 每 蚪, 郖 見 計 管 粳 百 米

萬

) 「首」,原作「有」,據《七集•奏議集》卷十改

是有 時 價,若將召募工役及依 相 丐人給米斛,不得過 户,又緣 糶,亦未能 價 雖 立 賴 又緣常平斛 又條許常平 所,必無錢 上件三色,●並 餘 未蒙施行,❷所 法 官本,只可令增,不 常 而 度,不惟饑 每 文 石 平糶米 盡 出無收,今後常平本錢,日 有 常平錢 郖 通 計 畸 流 紐元糴價 臣 七十二文 收 大段 觓 民 , 所救 剪本 知杭州日,爲見 民羸弱 米, 既 買 郖 一 係 豆 非 官 平. 法,元只用糶糴以準平市 召 有本州見管常平 元糴 只 活 每 米; I募饑! 土著,將 減 萬三千 許 有 所限之數兩倍。 不 聚 市 郖 價 糶 可 畸。 散 可 乞丐人例給 價, 計 民工役,及許 高 令耗。 雖 糴 ·勝數。 不常,難爲工 五 総縦 餘石 來無 依條 小麥二萬 兼 外,不得 浙 + 流 依 西 耗 四 許 緣 民 以 條 通 饑 觓 不 文 曾 催 轉 此 量 紐 與, 有 支用。 饉 Ė 到,臣 奏乞 知 依乞 索; 貸 臣 徙 五. 減 元 一役, 常 則 今 失 糴 出

> 來 終不 實事。 貫 春 補 乞丐人 貼 乞檢會臣前奏施行 立法禁止 募饑民工 又, 貼黄。 填。 黄。 量 斛 敢 減 郖 以 今來常 乞自朝廷詳酌,特賜裁 (給米之數行下,皆是空文,無 若蒙 價 翔 流 一役,雖 雜支,則數日 出 貴 元豐以 民 「糶,及 時 行下户部,不過檢坐常平 之故, 出糶 平官本, 有 前, 召募 減耗,却 輒 乞費 常用 濟 而 饑民 有出 |本州 盡,深爲可惜 用, 將 常平錢 無 工 處 寬剩 百 留 一役,並 收,若不 姓 以 息 米 進 錢 召 益 依 條 備

八十文,小麥三萬三千餘石,估 及禁軍闕額粳米三千七 文, 菉豆二千一百餘 一、勘會本州見管封樁 石,估定 百餘 陝 石 西 每 定 軍 估 郖 每 定 兵 郖 每 請 六 邷 受

<sup>「</sup>未」、《七集·奏議集》無。疑《奏議集》是。改。案、以下有「小麥、粟米、菉豆、豌豆四色」之語。「上件三色」、原作「上三件色」、據《七集・奏議集》

豆可 粳米 米年計不足,今將轉運 條,許估定價 流 五. 文,粟米三 充 民 以奏乞擘畫錢物、盡數兑糴、準備 千 軍 糧 百 外,其餘 餘 百百 例 出 餘 石 糶 石, 估 小麥、菉豆、粟米、 估定 定 除勘 司錢兇糴 每 每 郖 會 **卧九十文**, 六 本 十文。 州 E 一件封 軍 賑 豌 樁 粳

苦。 欲乞 斛 若饑斃道路,臭穢薰蒸,饑 來 道,萬一扶 前 郖 年 直 貼 )特賜 却 件 黄。 弱者既轉 春夏必有流民。 ,如蒙施行,乞依今來估定價例兑買 候有 右臣伏望聖慈,愍念淮浙累 無 麥、粟 流 度 所有逐 老携幼、坌集境 流 民 牒 民 溝 自當封 到 米、菉豆、豌 壑, 色估定價例 白 州 道 則强者必聚爲寇盗 ~, 委 Ш 逐旋支給 椿 潁 **,**度牒價錢, 臣 民 内 州 豆 出賣,將錢兑 正當 同被災疫之 並是在 理難 兀 賑 [色,封 歲災傷, 南 濟 斥遣。 别 市實 北 樁 孔 如

> 朝 廷 間 昏,書寫不謹,伏乞恕罪。 所以今來親書奏狀,貴免泄漏。 限,中路闕絶, 先馳,則恐引惹饑**民** 貼 黄。 指 揮 難 臣 應辨。 若 謹 録 不 奏聞 預作 則 若不 死者必衆,反 伏 擘 ,併來本州 密切奏論 畫 候 陳乞,則 勅 如蒙 了,官物 施 爲深害。 臣以 至 倉 此 卒之

目

望 蘇、湖 採 退 猶 陳,致朝廷不信臣言。 深慮本路及逐州,各有檢放賦稅元未奏 第,問得皆有本末,非是風傳道路之言。 見監司 又貼黄。臣所奏濠、壽等州 尚 欲 臣 言 土 根究其事,行遣言者。 似此蒙蔽 水災,可爲至甚,而臺官賈易等, 州縣 城 過作準備,則 門, ,例皆諱言災傷。 習以 而 知 州 成 黄 臣 風 方幸 履 在 己 伏 蘇 災傷 甚 杭 奏 望 只如今年 州 州 秋 積 盗 日,親 種 水未 賊 次

作不下司文字,付臣措置

### 八五六

## 乞將合轉一官與李直方酬獎狀

得 仍更用尖刀割斷脚筋,其餘 松稱管四 榮、尹遇等,亦是群黨劫殺,累至與 等 郎 殺,不敢申報 稱大大王 饒、李松等數人,不住 得脱,不 吏鬭敵。 人,只因偶然言及 人,尋已捉獲凌 嘯 敢聲張舉哀。 本 知 潁 聚 州 元 祐 舊 爲 州 改 是時 ,鄉村畏懾,●不敢言及。 七 蘇 寇。 出 陳興 前 摊 年 悪 非 Ē , 賊, 自 狀 以 已 稱二大王,鄭饒稱 遲處 ', 結 朝 月 奏。 百 致 丽 遇 廷 日 姓 被 集 等 斬 訪 又 元祐二三年間 臣 蔡貴、莫諲 殺之家,父母妻子, 驚劫人户。 龍 陳 ";惟 自 即 聞 有 欽 圖 到 時 以 陳欽、鄒 尹遇一名漏 之弟 閣 割 任以 被 名捕 學 取 殺 士左 陳 了, 内 、董安三 頭 僥三, 來 尹 此 補 縦被劫 髪, 興、 文 遇 等 盗 訪 朝 安 李 自 尹 鄭 網 數 官 間

> 人。 内,强 憂懼 甲 殺 等家,❷皆一二十人,白晝騎 鬭 ,其餘兵仗弓弩並 傷者 敵, 其 尹 賊 内 不可勝 甚 遇等聞之,即欲 多,打 次射殺弓手。 數。 劫 每次 魏家、謝 全。 打劫 累 商 兼 次 馬於鎮 量應 解 。 皆 近 與 元、 日 用 捕 和 壽 施 市 盗 金 居 州 助 中 官 貼 民 劫 界 教 紙 吏

吏,責 去處。 窟 謂 家 丘 而 才幹,自出家財 豚開順 穴 衆 步,比陳興等去處更遠二百里。 直 賊之中 方親 離州界最 臣 限收 内陳興、鄭饒、李松等,見住 度 事 場。 領弓手五人,徑往成家步 捕 勢 ', 唯 遠 尹遇 迫 ,募人告緝 尹遇 有汝陰縣 ,遂分布弓手,捕 切 即 最 名,在壽 差 爲 職 桀黠 尉李 知得逐 員 州 監 直 難 霍 勒 方, 捉 捕 直 捉 . 索 Fr. 賊 捕 衆賊 又其 方 州 素 縣 窟 盗 以 成 霍 有 官 尹

「懾」,原作「攝」,今從繆刻《七集》。

0

② 「魏家謝解元」、《七集·奏議集》卷十作「魏解元」。

近喜快 馬。 至地 遇 捕 近 頭 衆弓手皆人, 驚起, 彀弓駕箭欲發, 直 等二人與直方持鎗大 去之時 ,直方親行,故後九日 故 捕 了**,** 先 直方步行百餘 直 捉衆賊,内陳 頭,衆皆畏懼 方母 ,母子泣别 九 日 年九十六,只有直 方始就 獲。 興、鄭饒、李松三人以 獨 ,往返五 不前 里,裝作販牛小客, 擒。 尹 呼,排户 遇一 獲。 方徑前親手刺倒 獨弓手節 直方本與弓手分 一百餘 名,以 既獲之後、遠 方 而 里,騎殺 人。 地遠 級 子。 尹 程 難 遇 既 地 玉

所

勸激矣。

須至奏陳

者。

陳狀 饉 甚, 衆所 口 言,若不盡 第,母 嘯聚, 備 有城郭 爲 子二人相須爲命,而能 王 憂 説 爲 法根勘,萬一減 冲、管三之流 畏,若不以 害 逐 鄉 轉 賊 村 甚。 凶 人户六 惡 , 以 時 多年 百一 此 捕 死 知 而 獲, 爲害, 十七 刺 涿 直 配, 因 賊 以 方 人, 詣 之 桀 忠 即 以 以 黠 不 進 須 敢 饑 之 走 臣

> 者,不 盗 激 直 方不 親 官 可同 手 偶 · 蒙 擊 샜 旌 刺,以 日 掩 異,則 丽 獲 語 + 除 矣。 忠 數 一方之患 義 饑 膽 彼皆坐 寒之 決 方略之臣, 比 民 該 號 之尋常 賞 爲 典, 劫 而 賊 捕

衆 身謀 賞,故躬 忠 然後多遣弓手,續於三十日内 是致後獲。 方,爲見衆賊之中 餘黨者, 名,即却 三人須至差人,無由躬親。 窟穴深遠,衆不敢近,須至 義激 獲盗一半以 ,即須躬親 右檢準《編敕》節文: 却先 發,以 應得 通計 親 養陳興等三人,遂與上條 出 既是尹遇須至 界,專捕 上 人數,同 除 上,能分遣 先往近處,捕陳興等三人, 惡 一條,同 唯 爲先務,而不 尹 尹 躬親 躬 遇 遇 親 人於三十 一躬行 「諸官 一躬親 最爲宿奸老寇 若使直 法。 法。」今來李直 名 , 則 出界捕 員 只緣 暇 捕 以 方先爲 計 尹 陳 H 躬 致 遇一 直 興等 内 所 較 親 捉 差 恩 方 帥 獲

五八

臣

寇,而 若 下 於賞 體 致 上條,通 得 念尹 ,直方無緣該得第三等恩賞。惟望 刑部定奪, 先 伏 格 直方 遇 後 望 有 計 捕 朝 等若 礙 儒者, 人數,許 0 廷 獲之數,不盡 考 詳 不 則 之法 酌 能捐 以 有 , 只緣直 同 時 意,顯 司 . 躬親 軀奮 捕 須 應法。 獲, 至執 是 命, 法,爲第三等。 方先公後私 該 必 忠義 説不 文計 欲乞比附 爲 嘯 可 盡 聖 析 聚 嘉 毫 群 恩

不改 援。 别 直 所,臣豈不愧 有 以使 直 方 之幸,且 而 方 轉 勘會 母年九十餘 行。 臣 又慮 人,不爲空言無實者。 充賞,不 將此 臣 若 一免後 朝 見今於 萬 見僚吏。 恩例 廷惜此恩例,恐今後妄 一爲賊 人援例, 庶朝 惟 ,只有一子,因 與直 少 法 酬 合 所害, 以此將 其 方,循資酬 轉 勞, 朝散 廷易爲 使 於臣 亦使 臣 臣 郎 其 合 督迫, 老 獎。 亦 臣 轉 情 施 母 今後 願 有 爲 莫 失 泣 乞

> 本合候 不 姓名 弟。 逐賊 貼 又貼 是 凶 盡 管 以 黄。 惡之實,與 勝大 · 黄。 此  $\equiv$ 未 臣言爲信,更當行下監司 願 死 尹 臣 火 遇等結案了 賊欲得遠近畏服,故詐 中有 聞奏,庶 所 奏爲 謹 論 直 録 奏,皆 汝 名 方捐 奏聞 陰縣 强 可 賊 以覆按 伏伏 軀 有 聞 尉 實 奮 奏,又恐朝 候 李 쓌 激之狀 管 勅 直 施行。 可 四 體問 方 以 是 捕 稱 覆 管三 僥三 廷未 故 獲 逐 按 人 賊 及 强

惡賊人, 乞依《編 敕 第  $\stackrel{\cdot}{\equiv}$ 等 恓 賞 候

敕旨。

特

賜

指

揮

#### 奏 議

#### 乞賜 光 梵寺額狀

經。 見老 本西 潁 淳 四 白 郎 有 上 中 五 馬 知 · 取經 [域僧 一十間 村, 光景,頗著 亡没,里俗相與漆塑其身,造塔供養 佛陀 潁 元祐七年二月日 州 令復還 有梵僧佛陀波利真身塔院舍,約 波利用其言,往返數萬里,以永 ,元無敕額。 蘇軾 而還,至今流布,而佛陀波 唐儀 狀奏。 靈 鳳中遊五臺,禮文殊師利, 西域 驗,不敢具述。 了, 取 臣伏見本州 父老相傳佛陀波利 龍 佛頂尊勝陁 圖 閣學 士左 潁 臣於諸 利 羅 朝 上 於 尼 縣 奉

> 敷奏,乞一 登 聞 老 時 以 民 見 父 開霽,人情翕然歸向,詣臣陳狀,願 凍 唐人所立《尊勝石幢 佛 老之言頗合。 餒 陀 無所,祈禱境内諸廟未應。 波利爲言,臣 勅額 庶幾永遠不致廢壞。 今年正 即 刊記》本末,與所 . 遣 月,大雪過度, 人費香 禱 聞父 得 須

謹 賜 録 本 奏聞 院一 右謹 ,伏候勅旨。 具如 勅額 前, 如蒙 欲 望 開 聖慈 允,以 曲 光 從 梵 民 爲 欲 特

至乞奏者。

### 薦 宗室令時狀❶

朝 奉 郎 元 祐七年五 知 潁 州 蘇 月初五日, 軾 以狀奏。 右臣 龍 圖 聞之《詩 閣 學 士左

文、《七集·續集》卷九重收,題作「舉趙德麟狀」。

0

子弟也。 卿 試。 自建 向之文,天下以爲口實。 人,邦家之光,社稷之衛也。 曰 行純 然顯 治民,不及宗子,雖有文武異才,終身不 略如道宗、孝恭,文章如白 未 天下共之,故增立教養選舉之法。❸ 二十年,出入中外,漸就器使,而未見 士皆周、召、毛、原,非王之伯叔父,則其 州 有 數; 0 聞 隆以來,望累聖執謙,不 備 節 以 神宗皇帝實始慨然,欲出其英髦,與 適 大聳 (麗, 志 度判 稱先帝意者。 ,博學經史,手不釋卷,吏事通 懷 不 逮至兩漢,河間、東平之德、歆、 而以功名至宰相者,有九人焉。 德 宜。 官廳公事令時,●事親篤孝,内 勸之耳。 維 節端亮,議 寧,宗子維 臣嘗見其 臣伏見承議 夫豈無人? 論 而唐之宗室,武 所 與賀者,不可以 城。」宗室之有 ·私其親,幹 著 英 周之盛時,其 發,體 述,筆力 郎 蓋 行之 兼 有卓 簽書 朝 國 雅 衆 廷

> 也。 健 臣 臣 風動宗室,勸示海内,6成先帝之意,不以 察,召致館 肺腑,已蒙試用者乎? 甘伏朝典。 人微言輕 博貫子史, 使其生於幽 閣,養其高才, 而 蓋清 謹録奏聞,伏候勅旨。 廢其請 遠, 廟 猶當擢 之 也。 瑚 伏望聖慈特 若後 而遂其遠業, 璉 用, 明 不如 而 堂 況 之 所 賜 近 杞 以 考 託

0

0

增」,原作「争」,據郎本、《七集・

奏議集》改。

令七

6 0

<sup>「</sup>隆」,原作「興」,據郎本、《七集・奏議集》改。集》卷十、《七集・續集》改。

<sup>「</sup>簽」,原作「僉」,據各本改。集•續集》亦作「增」。

議集》作「于」。「勸」、《七集・續集》作「觀」。「示」,郎本、《七集・

# 處行下狀論積欠六事并乞檢會應詔所論四事一

困,農民日益貧,商賈不行,水旱相繼 既富 上聖之資,而無善人之効,臣竊痛之。 于兹,仁孝慈儉,可 者,其不及聖人遠甚。 日 : 朝 奉 「善人教民七年,亦可以 而教,然 郎 兀 祐 知 七年 州 後可以即戎、古之所謂 五 蘇 月十 軾 謂至矣。 狀 六 今二聖臨御,八年 奏。 日, 龍圖 即戎矣。」夫民 而帑廩 聞之孔 閣 學 日益 善人 士 以

爲市易所破,十無一二矣。 其餘自小民以哉。今大姓富家,昔日號爲無比户者,皆矣,何暇舉首奮臂,●以營求於一飽之外積欠所壓,如負千鈞而行,免於僵仆則幸以,皆曰,方今民荷寬政,無它疾苦,但爲以,皆曰,方今民荷寬政,無它疾苦,但爲

爲 則天下悦服、雖有水旱盜賊、民不思亂、此 食,急之則爲盗賊之所憑藉 民幸免之弊,特以民既乏竭,無以 者,❸並與除放。 盗用,及雖有侵盗而本家及伍保人無家業 加鞭撻,終無所 已來,每有赦令,❷必曰,凡欠官物,無侵 白圭、猗 上,大 吏卒,文符 捐虚名而 率 頓,亦化爲 皆 收實利· 日 有 至其門,鞭笞日加其身,雖 積 得,緩之則爲姦吏之所蠶 欠。 祖宗非不知官物失陷、姦 也 篳 監 門圭竇矣。 司 督 ,故舉而放之, 守令,守 爲生,雖 自 祖 令督 欺 宗 有

從寬厚。凡今所催欠負,十有六七,皆聖務,登極赦令,每次郊赦,或隨事指揮,皆自二聖臨御以來,每以施捨己責爲先

<sup>● 「</sup>舉」上、《續資治通鑑長編》有「矯然」二字。

通鑑長編》改。)「赦」,原作「敕」,據《七集‧奏議集》卷十一、《續資治

<sup>)「</sup>伍」、《歷代名臣奏議》作「五」。

所取 窮已。 巧詆 皆爲姦吏食邑户,此 嗟乎,聖 百錢,謂之破限。 類,蔓延追擾,自甲及乙,自乙及 業,❸或雖非 胥教令供指平人,❷或云衷私 舉行恩貸,而積欠之人,皆鄰於寒餓 無獲矣。自非有力之家,納賂 令上爲監司之所 所 ",使不 貸 ,蓋無虚 有監催 有所得,若一旦除放,則此等皆 矣。 矣。 每限皆空身到官,或三五限得 其間貧 人在 衷 千百 丽 日,俗謂此等爲縣胥食邑户。 放。 上,使民不得爲 官 困 私,而云買不當價,似 掃地, 迫 吏刻薄 家, 官之所得至微, 監司 下爲胥 何道 則 無可蠶 以 縣 也 催 與 中 這擅買 聖恩異, 吏之所 欠 -胥徒 陛 請 食者, 爲 下 財, 丙, 了, 抵 職 赤子, 舉 圃 業, 使, 欣 胥 無 當 何 舞 此 則 徒 有 之 物 縣 賂 欣 文 丽 肯 寥

利 息 商 須今年索去年 (販賣 例 無 現錢,若用 所 賣 了, 明 年索 現 錢, 今年 則 所 無

> 税,較 市房廊 共 盡 聖恩隆厚,何以加此。 凡積欠皆分爲十料 所益,而 曉官吏,孰敢違者。 放 商賈自然不行,此酒 已 賒,然後 倚閣者方得依十料指 亦 知 殘 依 行,而 破,中民 + 不 其所 盡 所以日 料 計 民 轉運司窘於財用,例 實。 算得 欠,與依 有追擾鞭撻之苦。 吏卒 又 雖無明文指 空也。 有積欠, 行 乞覓,必 催 實 所以 彼 税課 諸路連 (檢放 納 揮, 此 通計 而 誰 通 逐縣 不肯分 餘皆併催。 有司 利 揮 敢 無異,於官 濟 不 年 所 賒 例皆拖欠 而以喜怒風 以謂 近日詔旨 以 肯放税,縱 水旱,上 賣物貨 五 今富 料 年 日 虧, 少取。 有旨 而 户 1 足。 先 兩 下 城 則

<sup>「</sup>供」,原作「通」,據《續資治通鑑長編》改。「財」,《續資治通鑑長編》、《歷代名臣奏議》作「

<sup>「</sup>當」下、《續資治通鑑長編》有「官」字。

料」、「一料」皆同。疑作「科」是。

户 既 未 納 足 則 追 擾 常在 縱 分 百 料 與

在

涕。 災流 不信其言,以今觀之,殆有 鄉。」臣聞之孔子曰:「苛政猛 若豐年舉催積欠,胥徒在門,枷棒在身,則 人户求死不得。]言訖,淚下。 父老,皆有憂色。云:「豐年不如凶年。 麥如雲。臣每屏去吏卒,親入村落,訪 潁移揚,舟過濠、壽、楚、泗等州,❷所至 並 以至虧欠兩税,走陷課利,農末皆病,公私 壓,日就 見 以 ,百倍於虎,而人畏催欠,乃甚於水旱。 困。 兩 夏麥既熟,舉催積欠,故 又所至城邑,多有流 行,民雖乏食,縮衣節口,猶可以 浙、京西、淮 以此推之,天下大率皆然矣。 頃 窮蹙,死亡過半。而欠籍不 知 杭 州, 南三路之民,皆爲積欠 又 知潁 民。 州,今知 注甚者。 流民不敢 臣亦不 官吏皆云: 於虎。」昔 揚 水旱 州 除,● ·覺流 臣 生。 殺 常 問 歸 天 麻 自 所

> 礙者, 住催 欠爲 旨,謹件如左。 理合放而 行者,臣即 成乎? 臣自到任以來,日 民間,百 理,聽 臣 臣 天下言之,是常 亦 内已有條 於條未有明文者,即且令本 候指揮。 指揮本州一面除放去訖。 不敢住催。各具利 姓何由 安生,朝 州 貫 其於理合放而 有 除放,而 催 二十餘 吏 以 廷 卒 檢 官 害 萬 政 吏 虎 於條 줆 何 下 本 奏取 州 其於 肯 Ŧi. 州 聖 有 積

數 内 未 承 納 買 界小 净利 除 封 見 場 准元祐一 投狀承買 過日 數催納。」上件條貫,止爲過界有 欠,其間界滿,無人承買場務,只 務 37,可以 ·錢,亦許比第四界以前三界 五 年 場 分界,見得 五月十四 務 第 五. 界已後,見欠 最 日 小一界錢 勅 節 文:

作 奏議集》改。

奏議集》改。

納, **條**: 以 又 限 納課 爲見 净 官 不 界,見得 勒 無人投狀 無人投狀承 爲 察,保 利 無 分 同 Ŀ 均,故於元 敗闕,不易送納 見 <u>一</u>十 活人只依減定净利錢數送納。」臣今看詳 仍具減定錢數 錢,即 议 · 無 人投狀,依 利,及過日錢,若委因 共 無人承買 諸場務界滿未交割者,●且令依 相 H 上 沽 明 人投 小 一,無 度, 本 體 權 所差官與 數 買,經縣 認 量 停 再 狀 州 祐六年春 人 場務,比之有 所 減 納 前再減 閉 投 減 再 申 以 定 , 反不 過 訖 出 狀 節 差官 提 奏。 不 榜,限 净 自 本州縣保明 日 次, 承 刑 該 出 陳 利錢數,令承 錈 買, 頒條 減 該 依 司 「榜。 申 上 數 定 自 事 上 差官 前 委 條 州,本州差官, 界滿後至停閉 者 季 貫 出 條 人承買者, 敗闕,或 是 出 若 除 榜。 内,别立 召人承買。 除 與 即 申 難 榜 減 放 放 本 提 以 及 無 限滿, 認 州 五 舊認 於 朝廷 刑 出 如 朝 由 送 年 日 減 縣 分 理 尤 司 納 狂 分

> 定數 定净利 見 行 却 數不 停閉 既云 利錢 催 詳條 惑。 立 開 更 下 納 承 此 沽 屬 追 ,既已見得臨 同,緣皆未 數送納條 貫 日減定最 指 只緣官吏多以 買 「自界滿至停閉 兩 介,所 用逐 錢數送納」,即是分 人 縣 場 條 揮 承認 ,其界滿 務,皆合依 以諸 聖 應界滿 次虚數 恩 送納 貫多 小錢數送納,雖逐 處元只 寬厚,敕 有人承買,不免更減,終非 停 無 敗 爲 禾 刻 者 闕 閉 條 日,見開 人承買,只依 薄 定 施 ··, • • 施行 日 無 行。 聚斂 就 1 語 人承 所減定數, 小 詳 明 依 逐界 臣已指揮 爲 送 臣 備 上 沽 指定合 買 心, 細詳 納 條只將 岚 次減 通 應 場場 八只依 減 比 又 無 有 務, 上條 豈 依 定 定 不 就 可 人 臨 州 臨 減 净 細 無 口 疑

<sup>「</sup>交」上、《七集・奏議集》有「足」字。

之「停閉」亦同。

慮 者 己 減 停 録 諸路路 「, 即 定 前 閉 行 前 剩 錢 日 給 亦 數 納 所 還 人承 有 爲 定 過 所 似 額 最 錢 剩 買, 催 此 小 本 錢 施 納 嗧 即 行未盡 數 州 係 除 爲  $\exists$ H 上 一條,● 額 依 如 如 處, 催 已 應 有 納 納 各以 施 欠 行 過 乞聖旨 内 負 無 當 訖 未 欠 即 限 停 負 將 深 所 閉

明 朝 千九 元無 雖 赦 赦 文 係 勘 以 無 會 除 頭 勘 除 前 百 大 前, 可 一、准 二十貫 欠 會 放 赦 放 主 江都縣 見欠 催 , 見 去 負 , 均 前 虚 元 理,或全家逃移,鄰 記。❸ 欠 逃 有 祐 今無 及干繫人者,並特 蠶 負, 石,内 移 人户積欠青苗錢 搔 五. 鹽 • 年四月九日 擾。 却係 處 臣 一千五 和 催 四千九百 買 已指揮本 臣 (青苗) 大 理 己 赦後 百二十五貫石 不 指 錢 明旨: - 免逐 揮本 逃 ·州,依上 貫石,係 里抱 物,元 斛二萬 與除 移 州 時 認, 行 未 是 更不 放 應 有 件 大 四 或 大

> 買 行 官吏保明,並 (青苗 下,欲 I錢,但 乞聖旨 與 見 除 指 今逃 放 揮 應 移 大 無 赦 處 前 催 欠 理 負 蠶 本 鹽 和

者,乞更賜行下免罪改正 除 貼 有 黄 放,臣 户,合依聖旨 似 此 大赦 勘會上件 一今來 前欠蠶鹽 方始 除 朝旨,經隔二 施 放, 行 而 和 官 買 深慮 吏不 青 苗 諸 年 爲 錢 州 施 逃 不 軍 移 行 亦 爲

産業 欺 宅條 錢 計還 折官 (數,相兼收贖,如 弊, 施行。 雖已估計倍納 物買撲場 元欠官錢,數足,即 亦准此。」此乃祖宗令典,雖 、檢准《 係十保干 熙 務少欠課利 寧編敕》:「諸 過 入官,許 係人 十 ·年不贖 給還 産業、雖 元 以 無 或 所 主 依依 欺弊者, 貼 收 持 煕 納 欠 填 子 倉 人 利 欠 所 庫 其 田 紐

<sup>「</sup>即係上條」、《七集•奏議集》作「即依上件.

<sup>「</sup>盡」下、《七集・奏議集》有「去」字。

<sup>) 「</sup>朝」,原作「條」,據《七集・奏議集》改。

課 緊 候足給還,或貼納錢收贖,如過 其産業估納 字,因此立法 於《編勅》內 庫 務 利微細,❷卒填所欠官錢不足,看詳 利,●折還係 多 法 (急,却 欠折官 ,並係 是作弊,拖欠合納課 利依條自合逐月送納, 年十二 許 人户情愿實封投狀,抱認勾當, 准 便乞依 月 物 折欠 內 入官,以所收子利,准 删 陪填 元 ,<br />
諸主持官物欠折無欺弊者 去「買撲場務少欠課 抵 兩 數 事 條 田 浙 體不 將 數 産 轉 産業 物 足 運 利 同。 業。 便 即與公人主持 司 還 須至官司 奏, 在 今相度欲乞 竊緣 官 買  $\bar{+}$ 折 年 撲之. 所 拘 ]買撲 因 欧利」八 欠數, 不 收 催 出 元 贖 子 倉 其 場 花 豐 逼

准 元 豐三年 九 月二十 ·八日《 明 堂 數

通

計

償

足

),給還

抵

産

, 其

前

欠

入負,並

有欺

´', 仍

以

所

估

納

抵

産

子

利,准

折

准

此

内

剩

納

過

錢

(數,仍

給

還

所 以

剩

依

填欠

田 弊

宅法,係

+

保干

繫人

産業

雖

元

絹 折 舉行 是除 米及 勘 臣 錢,及鹽 除放。」是時轉運 務 數,及二年以 絹 州 已請官本,不合一 赦 元 《書》節 今看 縣 豐元 錢 和 會 出限罰錢,并免 尺。 絹 放 却 和 赦 預 元 至 書内 買 豐 行 預 詳 兩 年以 文 博絹 買 重。 紬絹 四 催 税、沿納錢物。 鹽 内 年 理。 紬 六 前 前 即無見欠 蠶 米 開 等,係已請官本,並 中書批 絹已請官本除放之文,因 兩 只如江 夏 誤 鹽錢絹 · 及 和 桂 1、元價: 至元豐 司 支雇 例除放。 秋 役 申 府界及諸 租 及 預 都 狀 中 T 食水利罰 (常平: 税 錢 買 八年登 縣 書 指揮,逐 事,鹽 後來尚 П ´; 并 紬 稱 每支鹽 中書 鹽 ·絹,并 息錢 十文五 路 ;,見欠 沿 錢 本至 極 人户 書户 納 年蠶 夫 并 批 · · 六 不 赦 買 不 鹽 狀 係 7 一分足, 兩,折 一輕,所 除 書, 部 (撲場 以 鹽 博 云: 特 見 口 放 錢 仍 此 絹 户 鹽 與 欠 亦

利 竊緣」、《七集・奏議集》作「逐年」。 作 例

麥上 起 時所支官物實直 於條未有 所支鹽斤兩 納四 至低。 前 口 折 錢 絹 八分足,比元價 特 錢 見 鹽錢絹既爲有官本,難議除放,即合據 色,所以人户愈覺困苦。 (者,每 百八十三文足。 數,並 欠丁 賜 增 五文。 尺, 指揮 起 又有 價 鹽 · 口 鹽 明文。 錢數 權 ,依此除 7倉省. Ŧi. 實直價錢催納,豈可將折色 今來既 住 斤 錢 盡 + 催 買 一爲官本 Ŧī. 及鹽博絹 臣已指揮 加 作官 理,聽 鹽每斤二十八文 不除 兩 又將錢折麥,所 耗 放 文 及 本, 納 脚 催 放 候 錢三百 分 L納,其 本 米 顯是於理合放 剩之類,一文至 ,即須催納絹 朝 臣今看 足。 州,應登 之類,只 旨 因  $\equiv$ 其 伏 折 + 估麥 足 支 詳 望 色 據 極 已 鹽 增 當 赦 絹 價 丁 多 文 納

應内 准 特與 元 外 欠 祐 除 市易錢 元 放。」續准 年 九 人户 月 六 元 見 祐二年二月 日 錢 明 堂 百 赦

伏 官 勅 物 貨 下 太府寺搭息出賣指 雖 納 人 茶,令搭息出 市易 契勘得本 覩《明 用物貨等抵請及見錢變易,本州 准市易上界牒准 (抵請 望 吏 除 帛見欠官本 ,本州爲是元管勾官司 外, 契勘得逐户名下見欠各只是二百貫 户,仍不曾結保,致有二百九十八户 日 一聖慈 放。 百 貫 違 抵 都 堂赦 共拖欠下官錢計一千九百餘 即即 法 當 係 矜 州舊係開 所 批 賒 以 【與市 書》 上件人 狀: 渦 下, ,於元豐二年五月 賣,其本 事 特許 節 易舊法 其 並特 體 太府 文,諸 知 人 É 不 揮,致人户亦不 封 鄭 依 户 所 同, 與 府界管城縣 ·州自合 寺牒支降 州 許 赦 除 元 欠 路 張 人結 以 除 不 違法賒散,不 放。」臣 物 人户,見欠市 璪 此 放,庶 知 帛 劄 依 保 未 以 有 價 條 到 敢 賒 却 後, 此 自 日 使貧 賒 疋 引 曾 許 貫文。 到 違 本 用 帛 用 賣 節 金 人 臣 除 以 赦 銀 物 與 户 散 因 次 縣 伏

勅, 已降 所 糯 旨 并 運司 + 賒 違 今勘 朝 下者,並與除放。 户,許將息罰 令户部指揮, 霑恩,須議 法 均 法者 申。 旨住 施 元 日 賣,今來 米 賒 被 當難 係 轉運司牒: 散 聖 狀,契勘本路市易欠錢,除依 指 行 勘 即 過 經官司違法賒欠,已依上 澤 罷 外 會 又 揮,二百貫文已下除放,其 與未罷 賒借 元 以 錈 内 續 不該 指 Ĺ .外見. 依赦 物 户 准 有 八户若 諸 充 揮。 并 以 部 元 未 除放。 「准尚書户部符 折 路 己 前 欠市 除 看 又續 府 承元 祐三年 不量 一前 外, 契 十月二十五日 放 并 詳, 界 勘,官私違 依 易非 見欠錢二十貫文已 以 豐 准 縣 切緣本因官司 | 與蠲 條 住 都 後 四 元祐四  $\dot{+}$ 罷 賒 省 違 人户 有 年 放,顯 賒 請 月二十七 批 法 入户於 五 請 !賒請· 狀、依 事 ·,據 年 法 月 項 抵 體 條賒 奉聖旨, 外 見 赦 後 + Œ 除 當 淮 不 户 教朝 獨 違 路 來 放 市 南 月 虧 同。 日 部 易 違 日 初 不 法 係 轉 人 本

> 明文。 前 亦 户,見欠二百貫以下除放。 賒欠,❷本司疑慮,未敢一例除放申部者 項 祐三 欠錢 元祐 見 務 外,❸見欠二百貫以 本部看詳,《明堂赦》云 法賒借,見欠二十貫文以下除放,今來 後 人 欠 差 止云官私 户,從初徑於市易差出勾當人等頭 年十月二十七 不 出 所 人 元 · 及 二 今據所 P 年九月六 計 降 **、,見欠二百貫文以下** 置 朝 一變易 違法私 白 旨 貫 申 施 符, 日《明堂赦敕》,止言市 及 勾 行 日 當 下除放 放 ,無至違誤。」臣 本司 朝旨,亦止言官司 + 人 人户 ·貫以 等 内外欠市易錢人 主者 ~,即無 頭 許將息罰 及近降朝旨 下, 下 詳 ·除放,并 賒 今詳 似 此, 借錢 此 充 窠 所 物 依 名 折 前 違 元 降

·私放」、《七集·奏議集》作「賒放」。

0

又」、《七 徑」、《七集・ 「勅」,原作「赦」,據《七集・ 集 奏議集》作「經 奏議集》作 「文」(案: 連 上

强 貫之限 此 罔 慮。 泣 民爲官 日 貪 錢 抵 限 放。 詳,元 司 應内 一、銜荷 生支節,析文 降聖旨及都省 當 功 請 切 百 結保 官司 領 發德 於 止放二十貫以 赦 外 祐 當時 法 賞, 原聖意、蓋爲 貫 或 恩德 文簡 即 元 所 搭息不搭息之類 依 然 以 徑 音,特與 位 市 年 設 是 陷 有 條 下 於 易 改 易 九 法 識 時 賒 者,便合依 曾未 勾 (破敕,妄作申 明 何 務 月 批 陷 元 欠負 賣 當 白 .[ 已恨所 錢 六 狀 除 躬 民 (,或違 半年, 7, 元不 下,其 人名下分請 不 क्त 日《明 指揮 放。 祀 窮 赤 與 易務 百 明 民, 放 子 , 應官 É 盡 赦 法 貫 (堂始 但 分别 皇天后 於差出 堂 36錢,本 無 不 俵 請 有刻薄臣 放,更立 除 以 無 赦 係欠 寬, 知, ",致有 散 下,並 放 不 見 司 書 士, 户 , 違 鼓 既 緣 勾 上 亦 爲 更 市 及 當 法 上 舞 帝 奸 知 利 實 無 不 易 有 於 與 11 賒 頂 百 所 聞 之 臣 疑 除 務 無 拘

明矣。 監,不 六 並 理。 立上 改不 帝矣。 撻,困苦理 之人, 詐立 百貫 竊 惜此,但知計 不滿二百 反 於官 百 是實 日 爲 下 仰料二 項條 行之 貫 赦 今來歲月已 以下,豈 賒 虚 ·求訴 所繫 伏望聖 司 欠, 以 請 書 語 請 約 貫 理 下 者 聖至仁至 極、若非 私 必 免 應 非 至大 ·, 並 領 ? 下 僥 有 以  $\bar{?}$ 内 非 析 不以官 獨 或 慈 ||倖除 賒買 却許 防情弊, 外欠市 必 不 錐 |徑於 失 私 人,人户各蒙監催 以 特與舉行 圃 除 是 相 信 刀之末,實 本身實欠,豈肯七年 此觀之,凡今日欠户, 明,已發 放 人 俗吏小人 刻 當 放 私 計會爲 於民,亦爲 **| 勾當人名下分請** ~,以此 姓名,分破錢數, 薄臣寮出 時 違 易 一文,使宗 一時指 法 錢 議 元祐元年九 者, 不 人 德 人分減之人 更 曾 可 八户,見 違 揮 煩 音 失 痛 意 不 法, 一、不爲 朝 祀 爲 信 除 愍。 枷 阻 爲 省, 赦 及人 欠 難 放 朝 於 文 錢 月 被 别 F 鞭 無 追 廷

八七〇

並 祀 與 赦 除 書之語 放 **~**; 所 貴 以答天人之意 復 收 窮 困 垂 死 之民, 稍 實

明,但 行。」臣· 使 省 賞課利省房没官等錢物,若不 部看詳,人户見催逐年拖欠下夏 之吝,别生支節,謂之申明。 因 欠負 前 分爲率,每 將 已出 大之 别 料 災傷分料 後累降催 八 府 展 並 取 月 界諸 係欠負,無不 政、多 分十 一今看 閣 之令,不 聖 准 旨。 理納之數,自不該 日 完祐. 路 年 料 詳 納 展 批 被 人户,應見欠諸般欠 隨 上項 催 欠 臣 閣之數,聖恩寬大,詔 狀 盡 有 六年五月二十六日 夏 一嘗謂 (負分料 納,元不曾分别係 指 司 施 、指揮 秋料各帶納一分,所 揮 該者。只因户部出 行 巧 二聖 依依 ,屯膏反汗 説 ,明言應見 展閣指揮 事 所 即 理 上條。」致 其略 申 位 務 係 施 已來,所行 因 秋 丁更不 ··, 皆 負, 行 爲 云: 欠諸 **※** 租 與 聖 艱 語 此 即 尚 傷 税 不 分 類 書 許 腻 本 納 係 般 施 有 + 不

> 省批 倚閣 敕權 此 即 比舊 年五 也。 災傷者,亦許權住催理。 指揮,分十料 租 足而又遇災傷者,權住催 欠負,並只依元祐五年五月二十六 指 賦 雖 者, 揮,反 遇 月二 狀 住 尚 稍 催理。 宝寬,又 災 指揮,乞不施行 不 檢會元 熟 亦分二年作四 (傷, 亦 十五日聖旨 能輸,豈 更不 日, 却 施 内人 祐 分 易,欲望 衝 須 行。仍每遇災傷, 作 敕 改,前 能 催 (户拖 節 更納 納。 年 文:「諸 指 料 欠兩 一特降 後分料 四 揮 所有户部 理。」今來元 送納,未 舊 水旱之民, 料 ,雖分爲 欠? 脱税,不 一里旨, 送納, 災傷 展 閣 應諸 足 顯 申 係 依 日 若 倚 指 十料 災 聖 祐 是 元 納 閣 丽 揮 遇 緣 年 租 般

數 謂 皆不肯依限送 貼 黄。 不 官 · 然。 吏 議 等 者必謂若如 編 · 第 勅》 責 納 劉 明 兩 有 税,僥倖 此 催 令佐至 税 施 末限 行, 分料 今 衝 ,不足分 後 替 臣 百 録 以 姓

拖欠。 惟 非災傷之歲,檢放 事、司户 押官降資。 有逃移,必無納足之理 若朝 與小 廷不恤,須得 條貫 處 差遣, 不盡 至 重 典 實 **一,**誰 押勒 併 者,何緣 敢 催, 停 違 則人户 慢。 孔 過 有

此

不

並

恩並 産 奏: 曰:「元豐四年,杭州揀下不堪上供 欠者,亦合依鹽當錢法,●只納官本。」其 給贖。」其二曰:「積欠鹽錢,聖旨 行之命,爲有司所格沮,使王澤不得下 萬 鹽場監官本價錢,其餘 四 「臣先曾具奏,朝廷至仁,寬貸宿逋 許給還,或貼納收贖。 事。」其一曰:「見欠市易籍納産業, 八千二百九十疋,並 曰:「登極大赦以前人户,以産當 事司執文害意,謂非 爲籍納、折納之法,使十 、臣先知 杭 州 日,於元祐 貧 並 抑 而有司 與 乏不在 勒 除 有八 配 放。 五 已 賣 车 妄出 九 和 許 此 與民 數。」 酒 止納 九 不 而 聖 流 提 見 該 月 四 新

> 連奏去訖,經今五百餘日,依 乞檢會前奏四事,早賜行下。 八日,三省同奉聖旨,令蘇 住鞭 已於元祐六年正月九 諸 論 合 乞檢會前奏,●一處行下。 處,稱不曾承受到 依 奏,自經一百八 答,催 今年四 納 月九日聖旨除放。」然臣 至今,尚欠八千二百 日,●未蒙回 上件 日, :奏狀。 輔 前 備 尚書省取 别 録 未蒙施 具 元 降指揮 十二月 八狀,繳 、聞奏。 餘貫 行。 會 具

到

大, 有 數年之後,百姓愈困愈急,流亡盗賊之患, 大臣,早賜果決行下。 四 不可勝言者。 事,止是揚 如此六事、四 右謹 件如前。 州、杭 伏望特留聖意,深詔左右 事者多矣。 州 今所陳六 所 臣伏見所在轉 見。 若今日不治。 事及 竊 計 天 前 下 所 陳

鑑

長

伏」、《續資治通鑑長編》作「復」。

伏

臣

錢」、《續資治通鑑長編》作「之」。 作「經今」,據《續資治通

八七

七二

者,與 死,感 意。 勅 結 裁,仍乞朝廷差官三五人置 明條或於條有礙者,●並權住 條 見 月 催 旨。 絶。 室完 詳 除 行 内 諸 僚 下 録 刑 放,許 欠負 逐路 今狀及元 具 7 般 蓋 恩 免罪改 自此 兩 復, 如 欠 函 絶,内依條 委 皆 徇 此 敕條,出 負 安撫鈐轄 無 人 以 義 詣 商 了, 不 則朞年之間 (科名户眼,及元欠因 漏 始 催 7,不能 正訖奏。 賈漸 異 逐 祐六年正月九日所奏 落,保明供 也。 欠爲 業, 司 妨本職 自陳, 榜曉示。 合 通, 司,委自 所 默 臣 先 I放而 其於理 己, 居 身 務 酒 ",置司 限 使 遠 税 謹 申, 疲 州 不 然。 逐 如州 言 逐司選 録 增 民 局 催 縣 取 復 合放 仍備 司 深,罪 羡,公 奏 尚 看 理,奏取 有 於 縣 索 臣 以 依, 有生 聞 詳, 失 差 逐 恤 而 不 録 愚 四 私 舉 當 與 應 州 轄 伏 立 未 季 限 欲 民 寬 行 見 萬 限 敕 内 依 係 有 下 爲

> 符: 祐 特與減免三分外,若猶有欠,并上二等 興,生意 減 尋蒙聖恩 候今年秋熟,●隨秋料 户,如不可 乞特與除放。 傷,今來若納錢尚有欠,必是送納不前 望聖慈許將去年 貼 三二分已下者,係本户 事 負 黄 條貫 件 年七月二十 臣寮 元不 本 稍 應破詔旨,其 送 上 州 還 下 例 相 近 下 正 其餘納錢 户 減 度可 准 去 部 四 成放,則 檢放不 當 轉 歲 惠 日 否 災 運 送納。」其言至 養, 本 臣 勅 並 已是 傷 見欠人户,亦乞 司 · 部 盡 寮 節 顯 助 乞特與展限 人 牒 却只 所 文 秋 是 之蘇 户 坐 七八 災 税 聖 乞 檢 元只收 放 傷 農 准 慈 息, 、分災 欲 免 帶 坐 户 事 切 實 元 伏 行 部 初

熟」、《續資治通鑑長編》作「稅」。

刑一下 其」,原 泰」、《續資治通鑑長編》作「貸」。 作「具」,據《七集·奏議集》改 續資治通鑑長編》有「司 一字。

即户 同。 部 臣今來 而户部不欲,雖蒙 必無施行之理。 所 論,若非 朝 行 廷 下, 特賜指 與不 <del>行</del>下 揮,

使盡 放。 又貼 利害甚 並係民 有限,恐人情未安,故奏乞法外支給, 多,而所放災傷,多不及五分支破,貧 賜詳 又貼 是於法外施行,使官吏畏憚不敢盡 之後,轉 差官覆按指 州差官計 外拯濟於既流 流 之前,此道路共知,事之不可 實檢放,流民不應如此之多,與 近日淮 黄。 黄。 覽 多 心 運 臣今所言六事及 會 1、伏望聖慈少輟清閑之頃,特 准 邦本,事 司 揮 令佐 南 條 更隔 轉 ,檢放災傷税租,只 之後 臣在 同 運司爲見所在 關安危 州差官覆 檢 ,曷若依法檢放 潁 即即 州 無轉 見逐 **兼** 舊所言四 按虚 其間 運 流 州 司 實 欺 實 民 更 檢 是 事 其 糧 别 倍 檢 顈 放 本 節

> 也。 欠負。● 又貼 黄。 臣忝 居 京 侍從,不 師 所 置 敢不 局 因 具 令看 實 以 詳 聞 畿 内

### 再論積欠六事四事劄子

不已者, 而 下初無此心,則臣亦何敢必望此 朝 曰:「以不忍人之心,行不忍人之政。」 六事,及舊 沮 屢不聽,亦 奉 也 郎 元祐七年六月十六日, 知 蓋 揚 所論 由 州 可以 陛 蘇 下 四 軾 止 -實有 事上奏。 劄 矣。 子奏。 此 然臣猶 心, 龍 臣 丽 臣 啚 聞之孟 爲 孜 政,❷屢言 已 閣 孜 臣 具 學 子 强 若陛 積 士 所 聒 子 左

0

<sup>「</sup>又貼黄」至「欠負」十六字,原脱,據《七集・奏議集》

理也。 急於財 文字 也。 於此 者哉 者,其數不貲,實似可 足計 看詳 録聞 始奏云, 餘日 壓,自古至今,豈 何道 望 何 到 足 數 太 矣。 目 降出 若非 奏。 平 以 較,所惜陛下赤子, 9 ,略不施行。● 也 竊 經經 助 利,未可行此。 於 觀 臣又竊料大臣必云今日 則萬 初不見臣此疏,遂奉聖旨,令臣 意謂 陛下 以此 前所 即 朞 經費之萬 涉歲 願陛下深 仍却作熟事 月。 位之始, 無施行之理 知 此 留 論 月,積欠之在户部者累毫 積欠之事 奏朝 意 四 有 今者八 臣既論 心,痛與 事,不 行 發政 思其 F 惜。 仁政八 臣謂 進呈,依例 日困 而 臣 故。 年, 施 指 ·爲不 r, 大臣 夕行,今又二年 臣人微言輕,不 奏不已 若實計 願聖主 化,天 積欠之在户部 揮 丽 日 年而 若非 切, 民 急 西邊用兵 只 未 」, 執 下聳 益 送户 作常 欲 特 州 無復 丽 民 積 貧 欠 縣 施 經 政 此 英 生 催 部 行 所 程 别 乃

斷,早賜施行。

年米 收糴 糧無 收 縱 來 州 其勞費殘弊,必不至若今之甚 臣 州 患,若於一二年前,上下疚心,同 官吏得人,十年之後,庶 皆無土可 曰:「制治 年拯 使 日,預先奏乞下發運 竊 ,人死過半, 貴 雖 種,有 顆 度此三州之民,朝廷加意惠養 濟饑 糴 稍 訪 粒 圃 作田 發 貴 聞 尚 于未亂,保邦 種無牛,餓死之餘,人如 運使王 ,而比之次年春夏,猶爲甚賤 民,聖明 浙 勝於無,而觀執 致 [塍,有 雖 西 次 積 饑 年 覿,堅稱米 水  $\coprod$ 疫 拯 垂察,支賜緡 稍 司,多糴米斛,以 無 大 濟失備 于未 退,露 人 作 可完復。 了; 有 所 危。」浙 貴 也。 ,上下共 出 見,終不肯 不糴 力拯 湖、 無 泥 臣 錢 了, 仍 鬼 糧,有 含書 田 知 西 秀 百 濟 % 備 杭 須 萬

❶ 「略」、《歷代名臣奏議》作「各」。

<sup>「</sup>看詳」,原作「詳看」,今從《七集·奏議集》卷十一。

累 前,莫待如浙西救之於不可救之後也。 氣,必復致水旱。 加 爲 而 來夏 監 歲 君 不 % 司争言催欠,使民 父 詰 田 惜 傷 問 一熟,民於百死之中,微 民, ,近者十年, 小人 類皆如 淺 欲望聖慈救之於可救之 見,只 此。 反 遠 思凶 者 淮 爲 + 南 朝 年。 Ŧī. 東 廷 六 有 西 惜 怨嗟之 生意, 年 諸 錢 矣。 郡,

後 疲 事,令諸路安撫 與權 始獲 西 積 民, 也 諸 欠最多,累歲災 住 般 一麥,浙西未保豐凶 臣 仍更别 催 敢昧死請内降手詔 欠 洗 理 負 瘡 ~,●不 痏 年。」使久困之民,稍 賜指 鈴轄 則猶 問新 傷,流殍 揮 司 ,行下臣所言六 可 舊,有無 推 望太平於數年 類講求,與天 應淮 相 云:「訪 屬,今來 南東 官本,並 聞 知 西、 淮 淮 四 飽 特 南 浙

后 枝百世 伏 覩 詔 一、天下大慶。 書, 以五月 + 《孟子》有 六 日 册 言 立 皇

> 疆之福。 官者乎? 者不知幾 民,流離道路,室家不保,鬻田 以 是 滸 「《詩》曰: 王也。 至于 啃 時也,内無怨女,外無曠 ,岐下。 今陛 千萬 臣 若親發德音,力行此 『古公亶父,來 不勝拳拳孤忠,昧死 人。 下膺此大慶,獨不 爰及姜女, 天監 不遠,必 朝 夫。」 聿 走 來 馬。 事, 質 一言。 · 念 積 此 爲子 胥 字 :宇。]當 所 周 率 孫 全 以 欠之 之 西 活 所 無 輸 水

### 論 法

進

法者 所 左 朝 ,聖代之猛 奉 元 祐七 郎 時 知 權 揚 宜 七月二 州 指 政 蘇 揮 也 軾劄子奏。 ,天下之所駭 自 七 陛 日 下 龍 即位, 臣 圖 了 古 今 之 竊 閣 首 謂 學 倉

淮 東」,原作「京」,據《七集 南東西 諸郡累歲災傷」句,作「東」是 奏議集》改。 以 上

楚、泗 終不 錢 爲治 生者, 但 此 政 過,若不得人 近 見倉法已罷者,如轉運、提 事,豈可以小小利 稷之利。 報 之權衡,輕重 今。 而人主報以鈞石之刑也。今倉法 此 |信倉部小吏,妄有陳請,便 法可 銖兩乎? 不留意於揀擇監 日 法 · 肯 稍稍復行,若監司 徒,滿十貫刺 也。 蓋不得已 ...轉 朝 但 特以 選 段倉 其 廷 自有 凡爲臣子,皆當爲 擇 間 不 爲 相 雖行軍 天道報應,不可欺罔,當 **蚪子行倉法,綱運敗壞,執政** 欲 有 强 丽 治也耶? 刑罰 報 遽 要劇之司,胥 存 明發運 害而 ,未有百姓造銖兩之罪, 配沙門島,豈 奪 留 司 已來,皆 **十**令,: ¨, 非 其 ,而獨行倉法,是謂 得人,胥吏誰 輕爲之哉? 使, 作過 謂 今者又令真、揚、 受,故 刑司人吏之類。 此 以 稱 行 陛 愈甚。 吏 猛 罪 辦 倉法,臣 下 非 仰 政 且 集 立 · 重 惜 不 以 口 重 因 法, 其 今執 臣 滿 敢 非 鈞 恃 禄 循 作 此 社 礕 所 竊 石 百 以 至 爲

未喻也。

疑者。 深刑, 全活六 過 之政,必須却 度,多方沮難,決無行 以至商賈通 丽 歲 能 使 捐 今來 但恐 頑 路 六 轉 押 綱 百 運 所 綱 稍 奏, 執 行,京師富庶,事理 萬 司 送户部,或却 人員 數千、牽駕兵士數萬人免陷 政 石 違 只 F 法 不樂臣 使臣 是 供 所 申 理。 斛 收 數 明 郖 糧 以 百人保全身計 令本 不 綱 元 疏 大失 税 外 祐 明甚,無 錢 路 輒 編 陷, 監 議 勅 萬貫 又能 司 已 口 不 相 行

言,但可以上益聖德,下濟蒼生者,臣 施 即乞將此劄子留中省覽,特發德音,主 此得罪,萬死 報,銜恨人地,故貪及未 行。 臣 一材術 若以臣 短淺,老病日侵, 無 言爲 悔。 妄,即 若陛下以臣 死之間,●時 乞并 常 此劉子 恐 言爲 大 恩 雖 進 張 不

<sup>● 「</sup>未死之間」、《永樂大典》卷七千五百十六倉字韻引

### 論綱稍欠折利害狀

破敗 將押赴 年間,皆致富 於揚子縣置十船場,差專知官十人 時, 食,養活衆人,私用 左 費不及五 船,每船載一 大國不可以 朝 劉晏爲 ()魄運 船場既 奉郎 元 河陰,每造 祐 知 七年七月二十七日 亦不關係 百貫。 江 興,執事者非 揚 千石,十船爲一綱,揚 贍。 淮 小 州 道 轉 絶 蘇 或譏 凡五十 一船,破錢 理。 運 不窘,則官物 軾 使,始於揚 狀奏。 凡所 其 枉 餘 一**,**須 一費。● 年 創 一千貫 臣 龍 ,船場既 置, 有 牢 州 聞 圕 餘 固。 須 州 造 唐 閣 謀 不 剩 曰 代 而 差 轉 學 數 無 乃 經 軍 衣 實 運

船 ,分造五百石 至咸通末, 有杜 船 二隻,船始 侍 御 者 敗 始 以 壞 千 而 旲 石

> 即 料 堯 ,實數估 卿 時凍餒,而船場遂破,餽運不繼,不 者, 爲揚 給,其錢無復寬 子院官,始勘 剩 會 , 專 每 知 船 官 合 久遂 + 用 家 物

有

黄巢之亂

士,而 也 事 以 至微 船 可 欺 可 丽 ',安危所出,願常不 以經久不敗矣。 此 吴堯卿不過爲朝廷 四 謂 隱之資,以今之君子寡 ()而餽 知天下之大計, 每隻剩 疏繆之極矣。 百隻,五年而 劉晏以千貫造船,破五 敗於寒陋之小 運 破 不繼,以 五 百 然晏運 貫 一更造,是歲造八十隻 ·與寒陋 人 歲寬四 未嘗不成於大 7,是歲失四 貽 也。 天 見淺聞者論之, 四十萬石,當用 下之大禍 百貫爲干繫 萬 小人謀之,則 國 貫 家 [萬 耳 財 ·, 得 貫也 用 度之 大 臣 失 人

臣竊見嘉祐中,張方平爲三司使,上

「枉」**,**原作「柱」,據《七集·奏議集》卷十二改。

0

論

京

師

軍

通

下,不 私 意,乃 惟 能 非 廢 理 刻 格 制 剥 敕 敗 監 壞

祖

司

然

奉

行,

莫

敢

誰

何。

此

豈

小

達之地 儲 項云: 虧,朝 重兵以立國 石,而以欠折六七 非 廷無 今之京 折會償填,發 如 糧綱到京,每 也。」臣 四 雍、 所措手足。」 耳,兵恃食,食 百 洛有 師,古 五十餘萬石,而 以 此 山 所 知 運 河 歲 謂 萬石 嘉 因 司 小 之 陳 祐 書 侍 險 不 留 爲 復 以 不 足 州 宗 取 事 哉! 法 聖旨,公然行 郡 度,而人臣 謹 靡

四 恃 抱 下六七萬石,皆以 運,漕運 欠折之多,約至三十餘萬石。 前,歲運六百萬 至於此 [策,内 認,非祖宗之舊 也 訪聞去歲,止運 与特 恃 運法之壞,

出。 年以來始 檢,與兒戲 析文破敕。 十九隻船皆 時皆通 員,❸未委 綱 梢既皆赤露,妻子流離,性命不保 按 而 行 無異。 不 綱三十 如 點 須 苟 勒留 何 住 檢 以 隨 訪 收 岸 隨 -隻船, 住岸,●一船點 船 税,行之數年,其弊乃 伺 聞 船 點 候,顯是違條 得諸州多是元 爲 檢得。 丽 名,公然 税務監官 三十隻船 檢,即一 勒 舞法 祐 留 不 點 渦

皆如 丐,散爲盗 下有缺文。② 人,徒流 於拆賣,❶質妻鬻子,饑 此。 又臣到任未幾, 可 不可 朝 坐觀 賊。 乃金部 廷之大計,生 勝數。 竊計 而 不 便 救 敢 京 而 衣 所斷 耶 師 糧 私 ? 民 意 及 罄 痩 糧 之大 緣 伶 於 創 輒 綱欠折 `俜,聚 折 立 問 河 會, 病 此 諸 之 )於吏。 條 郡 如 爲 船 干 乞 臣 例 車 繋

盡

奏議集》無此

0

<sup>「</sup>下有缺文」,郎本卷三十六、《七集 拆」、《七集·奏議集》作 :「折」。

監 》作「所 郎本、《七 集 奏議 「那」、《續資治通 鑑長

通」,原作「遍」,據郎本改。

雖 不 臣恐今後欠折不止三十餘萬 繼 加 刀 ,其患豈可勝言 鋸 ",亦不 能 禁其 攘 竊。 石 此弊不 京師 軍 革 儲

物貨 緡,而 限量 糧 命 致綱梢皆窮困骨立,亦無復富 揚、高郵、楚、泗、宿六 錢 錢四千七百餘貫。 檢收 檢,❷緣此爲姦,邀難乞取,十倍於 綱 萬 千六百貫耳。 餘石 税錢 ,拆賣船板,動 税,至六年終,凡三年間 委令搭載,以此專仰 揚州税務,自元祐三 所在 顯是金部 ,利害皎然 税務專欄因 萬貫,而 折長: 與 使 以 令朝廷 (轉運 净盡 淮 金部 州 補短,每 南 年 軍 攘取 司 事 十月 失陷綱運 轉 違 所 路言之,真、 共 運 商 官官 敗 條 `, O 得不過 收 歲 大賈肯以 司 1米,無 À 刻 官。 許 不過 糧 始 (剥,得 獄 米 綱 **令** 行 點 萬 收 復 税 點 遂

言緣倉司蚪子乞覓綱梢錢物,以致欠折,今來倉部並不體訪綱運致欠之因,却

狀,然相 乞歸 必 若不受賂,必無寬剩,引 輕生不畏重法之人,所支錢米,決 揚 其 遂 須多方密 輕齎,密行交付。 養其家,不免乞取。 星散,雖别行召募,未必無人,然皆是 州 逐 然之理也。 立 農。 處 法 轉 般 令真、揚、楚、 郖 度得此法必行, 行重賂,不 臣雖且 倉 子,仍只存 **蚪子四十人**,皆詣 多方抑按曉 其 (押綱 待求乞而 既冒深法,必 留 泗 轉 面 則見 半。 綱 般 決 梢 倉 難 今朝 諭 等, 後 並 臣 命 7 ,納。❸ 行 陳 下 行 退還 知 須 不 子 用 狀 之 倉 專 重 能 浮 必 即 邷 賂 贍 致 其 此 浪

前 小 節 中 臣 非 細 利 並 觀 無 害之大本。 近 倉 日倉 法, 部 亦無今來 所 何者? 立 條 約 倉 部 自 皆 所 熙 是 立 寧 枝 條 以 葉

<sup>「</sup>欄」,原作「攔」,據郎本改。

<sup>] 「]、《</sup>續資治通鑑長編》作「斛」

稱,隨 物,事 務,非 吏,爲 緣路 薄 刻 仍 申 是自擅 爲名,違條 備 蓋 約 約 九 檢 東行 明元 船,不 剥 取 收 之吏,不 運 坐元祐《編 是 税 官 問 朝 兵 司 准 臣 船 理 歲 下。 爲條 官 梢 金 祐《編敕》不 司 廷 免 運 所管 本 點 以 灼 部官 吏, 捐 敢 勒 住 六 敗壞 州 致綱 然。 檢 遵守《編敕》法 未 并乞廢 救制 商 百 擅 依 一**,** 無 及 令住岸點檢 岸 ,不過檢 吏不 税之小 敢 倉 萬 隨 梢 行 伺 綱 臣 由 便 岩 部 飽 胸 情 曉示今後 候, 運 已 罷 得 取 行取 、發運、 臆 罪 暖,愛惜 勒 取 聖 近 例 欠 以 顯 得 利 施 取 令住 旨 折 責 日 誤 行 有 勘。 去訖 行。 度,不 倉 以 擅 不 小 船。 得 或 下 轉運 更不 違 岸 養 過 部 而 文 身命,保 本 計 礙 庶 其 害大 條貫 隨 起 活 欲乞朝 其 州 敢 諸 其 得 使今後刻 司 及 請 七 船 緇 餘 税 違 州 指 税 以 臣 嚴 發 萬 倉 梢 務 尋 軍 務 隨 全 揮 法, 法 運 賜 廷 狀 税 非 官 船 已 點 而

而喪百。

點檢 行 假 豈 諸 宗 而 重 른 倉 事 敢 路 以 來, 權 指 法 非 臣 令自行 ? 揮 謹 聞 理 東 張 特置 如左。 具《 刻 東 此 南 緇 剥 南 大計 元 事 運 發 餽 邀 最 祐 如 運 運 難 ? 昔 編 爲 其 司 自然辨 ",專任: 敕 監 時 簡 所 炎 要, 許 但 司 係 州 元 或 發 集 金 獨 其 輩,皆 運 郡 計 部 在 責。 豈 及 使 至 朝 擅 假 得 諸 大, 能 選 廷 行 朝 場 約 隨 留 廷 用 故 束 船 意 重 既 袓

檢 諸 非 罪 檢 ", 雖 納 新 理 至京 搜 錢 税 有 錢, 檢,并約 綱 准 下 透 及 鎖 漏 元祐《編敕 如 糧 通 違 有 津 喝 綱,緣路 禁之物,其經 違 門, 無 限 名税錢者, 准 如 此 限内 不 諸 得 綱 無故稽 歷 勒令住 運 處 各徒二 船 更 栰 留 岸 죾 到 年。 及 點 岸

一、准元祐三年十一月十九日尚書金

留住岸 錢, 部符: 事 自 理。 合依例饒 事 若或别 理甚 0 ,若是隨 省部 明。」 潤 無 收 看詳,監 船 税 納 點 物,自不得依例喝 税 檢得 錢,即 糧 委有税物名件 綱運 無 不許納税錢 雖 不 得 税 勒

附 船 工自 以 陷 之末,罷市易務、導洛司、堆垛場,❹議 之患,二利也。 有 少, 船 失, 載 場之費,三利 五 賈必 物貨,官不點檢,專欄 利。 須 爲家,既免折 右謹 師 獲未 赴 利 酒税課利 祖 件如 務量納税錢, 綱 漸通行,而 宗 也。 必減於今日, 梢 以 (前者。 飽暖, 來 梢工衣食既足,人人自重 也。 省徒配 (),通許 皆虧、 賣 ,❸又常修完,省逐 今八年,略無 押綱綱梢,既 惜身畏 若朝廷盡行臣 綱運 以 之刑,消流 房廊 四利 防告訐,積 無由 法,運 邸店皆空, 攬載物貨 也。 乞取, 與 元世賊 自 絲毫之 餽 言, 客 少 然 元 不 成 旅 盗 曹 梢 處 大 何 以 必

> 成風。 乞盡 也。 五. 之罪,乞賜重 失商 免征 京 此策,東南商賈,久閉乍通,優其來必倍 窘逼,轉運 而 商賈全然不行,京師坐至枯 利 師 淮 理施 可可 臣竊見近日官私 税 税, 公私數年之後,必復舊觀 南 若朝廷以 轉運司 以 而 而 行, 脚錢 朝 司督迫,諸路税 京 少有違戾,必罰 行 行 師 陰收其利,數 責罰。 而 又輕,故物 坐 臣言爲非,臣不敢 夕見 獲 富 例皆輕玩國法,習以 若以臣言爲是,即 也。 庶。 務日 貨 涸。 謹 年 自 無 通 録 導 赦 以來,官用 急一日,故 流 今若行 深,緣路 奏聞,伏 洛 ,則所陳 此 避妄言 司廢 五 利 則 臣 雖

0

**0 0** 

<sup>「</sup>三年」、郎本、《七集・奏議集》作「五年」。

<sup>「</sup>兔」,原作「貌」,據龐校改。「依例喝免」,《續資治通鑑長編》作「違例約日

<sup>「</sup>折」,郎本、《七集·奏議集》作「拆」。

<sup>「</sup>洛」、原作「洽」、據郎本、《七集・奏議集》改。

閉」,原作「閑」,今從郎本、《七集·奏議集》。

스

候勅旨。

舊法 深。 者須 足於用 今。 無跳 欠折 訪得 貼 乞取,勢須宛 十人去訖。 、取三兩貫,方肯收受。 若蚪子不免取錢,則舊日行 伏乞朝廷 深 愈 面,●兵梢未免偷盗,則欠折 多,若蚪子果不取錢,則裝發 知綱運 ,必致闕誤 本州 己 〈轉託人,減刻隔洛,爲害滋 ' 其蚪子所行倉法,臣又 具 次第,人皆云行倉法後, 詳 (轉 酌,早賜 事理,申乞依舊存留 般 倉 **蚪子二十人**, 然不敢當 廢罷, 用 必 且 甚於 依 面 更 體 貫 不

捉搆 監門小使臣,支與驛券。 約,所行倉法,支用錢米不少。 又貼黄。臣今看詳, 又支 合乞取之人,先支官錢五 如 此之類,費用浩大。 係 省 上供錢二萬 倉 部今來 又許諸 然皆 貫, 召 示 + 起 又 色 得 募 貫 人 添 請 爲 告 綱 差 條

> 甚大。 萬貫,❷ 乞,不過減 害之要。 使 行之數 却 綱 淮 梢 南 飽 《年,必 轉 暖,官 運 無 司 物 違 所 條 補 自 完 收 税 臣 其 錢 利 所

### 乞罷轉般倉蚪子倉法狀

州 然體 揚州 揚 乞罷 十七 奉 時 州 郎 般 訪 歸 轉 轉 真、揚、楚、 日 知 元 般倉 具 倉 得 農 般倉 揚 祐七年八月一日 狀 衆 **蚪子已竄却一十二人,深慮逐** 州 蚪 臣 情 邷 奏 蘇 雖 子四十人並曾詣臣投狀,乞 未 子依舊存留 論 軾 泗 安, 且 狀 綱 轉 抑 奏。 梢欠折 般倉 惟欲逃竄,兼訪聞 按 曉 右 龍 **蚪子倉法**,並乞 利 諭,退還 臣 四十人。 啚 害,内 近 閣 於七月一 學  $\pm$ ~其狀, 今來 左 泗 朝

<sup>) 「</sup>銭」,原脱,據《七集·奏議集》補) 「蚪」。《續資治通鑑長編》作「斛」。

仍乞 及 壞綱 轉 運 廷 力,兼恐 揚 詳 般 運。 入 州依舊 酌 謹録奏聞,伏候敕旨。 倉 急遞 郖 多是浮 先賜 其逐一 子 存 行 漸 施 留 下, 次 浪 行 轉 利 星 廢 貴免蚪子 輕 般 害 散 罷 犯 倉 已具 轉 重 别 郖 般 法 子 行 (前狀。 星 四 倉 之人,愈見 召 散,住 干 募 郖 人爲額 子倉法, 只乞朝 必 是 綱 敗 費

### 乞罷税務歲終賞格狀

月二 朝 所乞,並從元 貴各肯用 不支給。』本司 節文:『賣鹽并酒税務增 奉 十三 年六月二十四 郎 元 祐 知 一日敕: 心,趁辨 七年八月初 揚 州 豐賞 相 蘇 ●「陝西轉 度,欲且 軾 課 (格,依 [日敕: 狀 利。 五. 奏。 日 剩監專等賞錢, 户部狀欲 『賣 依舊條支給, 施 准 運 龍 鹽 行。 元 圖 司 及 祐 閣 奏。 三年 學士 依 税 檢 會 准 本 元 司 更 所 敕

> 觀焉。 究厥 或 南,體 俗、 維 計 甚,商旅 嘗不由 監官,雖 氂』者。 」右 酒 鹽 鹽 官 四維,四 É , 掊斂刻剥, 與專欄秤匠 官 所 年 務 務 朝 有增 專 年 增 終 由 專 廷綱維,此 訪 所得毫末 此 一,不獨 終 數給半氂。」及檢會 副 課 匠,年終課利 維 爲卑賤,然縉 爲之不行, 得 進。 剩,而 課 秤 利 臣 不 諸 利 子 增 張 聞之管仲: 以 處 若使此等 税 額 增額,計 官 國 財 税 有識之所共惜。❷ 之利 計 務專欄 吏刻 用 務, 乃滅 其 窘 增額,計 所 紳士人公卿胄子,未 間 门; 而 自數 急, 虐,不 增 木 所 「禮義 課利,雖 亡。」今鹽 顧 年 數 元 所 增 轉 年 敗 豐賞 終 給 廉耻,決壞 處分錢,民 數 爲 運 所 來 課 廉耻 者 公給二 増敷給 司 少 小刻虐 格格 利 氂 天 衰。 臣 酒 增 ; 迫 至 下 税 國之 氂 酒 日 淮 風 務 務 賣 何 四

<sup>「</sup>二十三」、《七集・奏議集》卷十二作「二十四

<sup>「</sup>惜」,原作「昔」,據《七集・奏議集》改。

具論利 場務 爲勸 致, 罷諸路人户買撲土産税場。 臣既親被詔旨,輒敢仰緣德音,推 下歌舞,以致深山窮谷之民,皆免虐害。 先賜廢罷。 況祖宗以來,元無此格,所立 乞詳察上件條貫於税務施行,尤爲害物, 養士節,即乞盡罷上件歲終支賞條貫。 以蓄聚私家之囊橐。若朝廷憫救風俗,全 爲刻虐,以希歲終之賞,顯是借關市之法, 蓋緣有上 獎。 增虧賞罰,各以明備,不待此條,●方 臣竊見今年四月二十七日敕,廢 以 件給錢充賞條貫,故人人務 候敕裁。 謹録奏聞,伏 命下之日,天 廣聖意,

「待」,原作「詩」,據《七集・奏議集》改。

### 蘇 軾 文集卷三十五

#### 奏 議

#### 歲 運 額 斛 以 到 京定殿 最 狀

乞明 及其 也。 綱 淮 痛 奉 糧 梢 郎 行 人餘條約 若朝 此 貧 綱 知 兀 此利害之根 發 困 運 祐 揚 無 廷每 運 事,則期年之間 欠折 州 七 益 貧困之由,起於違法收税。 使,責 是 年八月五 蘇 一,則倉 利害。 矣。 聞 軾 狀 以 源, 臣 部 事,輒 奏。 虧 愚 前 竊謂欠折之本, 日 而其他皆枝葉 羸 欲 日 右臣近者 公私 龍 立 乞 所 而 圖 盡 立 一法,法 爲 閣 之賞罰 賜 **蚪子倉** 所害,十 學 寝罷 論  $\pm$ 出 出 奏 左 小 姦 節 去 於 江 朝

> 以 辦 也 事 權 丽 助 其 耳 目 則 餽 運 大 計 可

> > 得

丽

使 實 數 在 發 歲 數爲額, 今諸路 路 運 爲 課 何 常以 謂 雖 使 額 不 也 有 轉運 议 復 萬 而發運 到 虧 抱 今者折欠,盡 般 京之數爲 司 鸁 認 疎 歲運 其數, 而 虞, 司獨 爲 斛 之賞 發 不以到京及 但 額,不當 ],皆以 運 得起 以 割 使 折 ? 不 會償 發數足, 任 到 蓋 府 其 發 發 界 運 責 運

住 殿罰 發運 實數 矣。 剩 夫 蚪 弊害,其 之 取受交裝不公。 司 則 而 器。 錢 滯 取 米。 爲 , 則 司 非 三日 額,此 四 歲運 發運 略 理 五 曰 曝 有 諸 諸 曰 額斛, 何義 使 五 揚。 場 在 押 自 務 京 綱 然竭· 也? 計到 如 日 曰 及 排 使 此 諸 府 臣 岸 力點檢矣。 之 發運 京欠折分氂,以 界 臣 司 倉 人 類 諸 員 作 欲乞立法,今後 專 了, 皆 司 作 蚪 倉 弊,點檢 人更作 -弊,減 作弊, 作 可 弊,多 凡綱 得 附 刻 出 雇 運

也 縦未 盡 去,亦賢於立空法而 人不 行 者

有所赴 乎? 千餘 然作 罪 不 點檢,逐州住不得 朝 此等必不能 點檢諸色人作弊,杖以下罪,許決,徒以 其間諸色人 送所屬 官 得過十日,以船 :弊,以 里 兩 何 臣欲乞朝 謂 訴,而諸 員爲句當,綱運 面 假 施行。 發運 歲運 作弊侵欺 去 以 離 事 廷選差或令發運使舉辟 色人 到 使二人,止 權 綱 爲 過 京 使綱梢 運 而 八常有 廨宇,常在道路, 五 數足,及欠折分氂 綱梢於百里之外, 助 而遠赴訴 日 自真州至京,往 其 所畏忌,不敢 使臣人員等, ,至京及本 耳目? 在 真、泗二 也,況千里 蓋運 司 專 州, 公 爲 上 切 住 來 京 則 路

益 伏望朝廷留 行 處 此二 詳 酌施 者, 行。 則 念餽 所 臣 謂 運 忝 人存政 事 備侍從 大,特賜 舉, 懷 檢 必 有 大 所 有 前

> 見,不 之至。謹録奏聞,伏候勅旨 敢 不 盡 屢 瀆天 威, 無 任 戰 恐 待 罪

論 貼黄。 復入,空綱 行,●不惟綱梢自須投 之理也。 商賈不行,公私 來,始於法外擅 **浅載**,則 司 聞 既 祖 不 而商賈坌集於京師,回路貨物,無 宗以 陰 商 不 得 收 税 點檢、今後東南物貨、盡入綱船 點 臣 商 有 來《編 前 檢 其利,又自 攬載,所獲商稅必倍,此 税 虧。 指 奏乞舉行《元祐 所 揮。 「爲害。 立 失多 敕》,皆不許 只 隨 因 竊 矣。 船點檢一條,自 導洛 元祐三年十 務納税, 慮 今若依《編敕》 議者 臣 司 以謂 編 既 點檢,當 必 如前狀所 廢 敕 謂 而 不然。 S 月 錢 錢 由 施 此 後 轉 時 糧 糧

運

不

自

攬

綱

綱

### 申明揚州公使錢狀

外 方始依が 轉運 敕》,諸 錢,即亦是撥係省官錢充數。 務,係百 諸 朝 逐 賣 年趁辦 、收使。 净 米 醋 雜 使 奉 即係 收簇 本 司。 錢。 錢,承買 額 郎 元 錢 新 州 祐 錢 知 官 姓納净利課利錢承 今契 E 并 條 當日以 檢會 七 一千九百貫外,二千五 揚 每 1監醋 認納百 項 認 年 使 州 年 者 勘 額 納 八月初 當當 庫, *Ŧ*i. 蘇 務,本 聽 醋 錢 冒 賣醋錢二千 日 千 軾 其 許 庫 姓净利課 撲 貫文,除正賜 狀 初定額錢 千五 所 六日 每 以 净 奏。 庫 收 年 本 利 願 醋 酤 百 庫 課 認 右 龍 買, 貫。 息 賣 利等錢承 酒 利 五 納 後來公使庫 臣 圖 日 到 錢 錢 糟 其 元 百 勘 百 閣 六百 檢 外 並 造 額 錢 本 貫 會 貫 學 准《 聽 諸 醋 人 並 州 並 本 士 0 買, 編 額 醋 係 州 般 歸 左 額 酤

> 錢,只 望,三 貲 減 若 准 蚪 每 百 不 外 敕條雖許公使 數 貫 得 兼復 貫。 ~;更 ,是致積 絶,方之他州,天下 路 得錢之實。 不 折, 不 蚪 以 息 來,常 申 下 不 舟 党豈有 一年之間,八 、與真、泗等列 又難 況今現行例册 車, 過五十文足, 明 八九十文足,本州之費 累 每 年 額 年 爲 木 年 歲 無 外 只 接送知 諸 及 將例册 月 不 庫買撲 竊 收 元 愈 般 由 易守 闪 使之理? 到 深 逋 郡 立 此,使客 揚 (州,實 隨 自元祐 (醋務, 欠, ,元修定日 額 · 所 無。 ,臣,將 一般,比之楚州 於 千 六 積數 米 錢二千 東 約 價 爲 南 丽 七 逾 計 雜 四 迎之費, 頻 如 高 每 揚州 百 逻, 多, 七 年後 實 數 此 五. 下 造酒 年 八千 ~;
> 用 爲 餽 隱 切 逐 公 百 獨 即 至 來, 都 使 送 年 用 相 貫 而 度 糯 少 無 顈 之 不 不 增 相 千 酒 米 額 繼 額 是 每

「本錢」、《七集·奏議集》卷十二作「本分」。

錢 課 白 言 伏候敕旨 償,會藩 錢因依,既是於係省官醋務 欠負,只乞檢 有 貫元 援。 生例 相 利 則 錢,及更不用 添 州 之難。 今來亦 支用 額錢,即乞逐 事 郡 ,體,不致大 負 違法之責 會見行條貫,并當 不 雖天下諸郡 如 敢輒乞增 此 錢 年更不 收買官糟 段 即 衰削 積 創 添 年 比 有 送納 錢 之 額錢,及 陳 欠 内 揚 乞 謹 負 庶 日 買 撥 録 州 漸 得 撲 一千 元 則 奏聞 賣 定 蠲 可 净 實 朝 還 醋 利 五 難 額 放 狂

錢七千 當八路 貼黄。 使不足。 貫 П 勘會本 使客 而 本 州 數倍 州 與杭 止 於杭 有 州 五 事 州 千 體 貫, 杭 般, 顯 州 是 公 本 支 使 州

又,贴: 本 州 委無遺利可 黄。 准 條 ··, 雖 收,須至奏乞。 許 公使 庫 收 遺 利 緣

### 乞罷宿州修城狀

内公事 郎 須 展 見 東 至奏陳,謹 築 將零壁鎮改作零壁縣 路 新 外 鈐 除 兀 而 城 祐 轄 兵 七 部 兩 被 改 年 事 召 尚 真 鎮 九 《條件如 書蘇 作 各有 過 月 縣 所 日 軾 ,又係兵部 利害, 部 後 狀 龍 然,及本 宿 奏。 啚 州 既 閣 係 州 體 臣 學 所管 臣 見 訪 近 士 自 前 准 得 左 所 任 朝 本 淮 朝 部 旨 州 南 以

偁狀 鎮 敕 及知州周 意欲置縣,增添諸般營運,妄有陳 省 依 Ĺ 陳 奏、依 P 稱 狀,乞改零壁鎮 致朝 、零壁鎮 狀 ,看詳得元只是本鎮官勢有力人户 廷信 一秩别行 稱 舊爲鎮。 所 憑 人户 有 奏請,却欲置 , 許令置縣。 置 靳琮等,先經 後來 《爲縣。 縣 費 有 用 轉 却準轉 縣, 臣 情 運 一今體 願 使 狀。 本 仍 路 運 自 張 取 尋准 使 備 得 修 及 捎 朝 錢 本 等

百二十 零 是 符離 盗 領本 催 納 置 虹 鎮 看 賊。 縣 P 本鎮 É 詳 納 三千 縣 壁 . 始議 時 縣 尉 鎮 不 用 有 輸 人 出錢,深爲不便 豪民 ,各係水路,本不須添置 烟 守 納 行 八 錈 里,至蘄 而 户 火盗 · 把 兵 置縣 本 百 員,弓手六十人,在本 詞訟、去縣稍遠。 四 ,縱使盡 出 鎮 五 靳琮等私自 辦 十餘 賊 士八十人,及京 ,只爲本鎮居 五 去虹縣六十里,至符離 H 縣 ,别有監 十 件 行催 貫,其餘未納 餘 錢 百里,即 貫,至今年八 物、深 納,亦恐 爲 一務官 計 然未 民 爲 非 却 却 |曾被 朝 鎮足以 不 員,又已 地 使 官 置 錢 使近 縣。 易。 数,認 遠 月 縣 驚 用 員 時,本 終, 劫 不 下人 又 委 縣 彈 元 及 只 至 移 專 料 懕

城 以 在 城 城 外。 小 一、宿州自 謂 爲 之草 病, 本 朝承 市 兼 唐以 者甚衆,豈 諸 平百 處 來 似 餘 此 羅 年 城 城 可 小 狹 人户安堵, 人 小 (多,散 展築 居民 在 不 多

錢,亦 奏請。 築外 骨 利 踏 城已 隨 多有 來年 工。 及 七萬 意 城 搔擾不 捐 百 物 即 謂 害 所 逐 外城 已蒙朝 壞 頹 園 春 料 有 城 恐 近 費公 |恐 召 耗 小者 而 . 興工。 或或 一,合用 況 宅在 細 年 毀,若待 餘 有 壁 使 基 宿 + 周 I 盗 猶不 募不 私 更 書 居 其 址 州 外 廷 秩 ,每夫用 賊 用 錢 民 支 里有 改 間 ,合起遣 臣 奏 痛 土 竊 行,官 在數。 扇摇 五年畢工 磚 六千九 賜 論 葬,若家 體 傷 脈 據 萬 ,其費 事,深 訪 抵 餘 存 疎惡,若 過 此 九 以 七十省錢,召 當息 得 ,役兵及雇 殁,已 不 吏避罪,必行差雇 人 説 爲 千 斷 元 百 户大 不 一,則東 官官 知 害仁 危語 貧 餘貫 運 錢 只 家 · 貲。 本 無 路, 上 不 世不, 是 暴 墳 政。 州 了, 約 並 力 用 萬貫 城 宿 以 又七十 露 遂 有 墓 夫 · 察 有 未了 磚 州 動 緣今 募 便 父 五 共 奏 何 六 ^,遂與 了, 欲 豪民 砌甃 朝 祖 年 乞 致 急 千 雇 五 廷 省 取 畢 夫 棄 切 九 來 西 展

八九〇

可 以 覆 驗

却於已支賜一萬貫錢內,量新置縣合用數 之命 數,乞與放免。 目,特與支撥修蓋了當。 而 `,猶可止罷。欲乞速賜指揮,更不展築, 展城一事,有大害而無小利,兼未曾下 ,兼構築廨宇,略已 右臣今相 度 謹録奏聞,伏候敕旨。 Ê 件改鎮作縣 其人户未納 見 功,恐難中輟。 事 ,係已行 到錢

### 乞 擢 用林豫劄子

古今之通患也。 賊,幹邊鄙,興利 之病,古今所同,朝廷每欲治 郎 介胄之士。」所用 守兵部尚 古人有言:「寬則寵名譽之人,急則 元祐 七年十月日,龍圖閣 書蘇 非所養,所養非 臣 .... 除 一伏見承議郎監 劄 害, 子 常有 奏。 臨 財 學 臣 汉賦,●除 :所用。 事 竊 士 乏人之 東排 謂 左 才 朝 用 岸 盗 難 奉 此

> 典。 量材擢 略。 所至 試之盤錯之地,必 司 林 豫,自 其人 有 取進止。 用。 用。 勇於立事,常有 爲布衣,❷已有奇節,及其從 其 若後不 在漣水,屏 顯利器。 如 所舉,臣等甘伏朝 爲 除 伏望聖慈特與 國 群 盗,尤著方 捐軀之意。

#### 乞賻 贈 劉季孫狀

宗 郎 以 守兵部 孤 朝 ·趙元昊寇,❸延州危急,環慶將 軍來援,衆寡不敵,姦臣不救,平 元 祐七年十月日, 尚 書 蘇 試載狀 奏。 龍 圖 右 閣 臣等 學 士左 官 竊 劉 遂 聞 朝 戰 平 奉

臣

火議》改。

<sup>0</sup> 0 「布衣」,原作「在不」,據《七集・ 財」,原作「才」, 奏議》改。 奏議集》卷十二、《歷代名 奏議集》、《歷代名

從 歸。 寒餓,行路傷嗟。 州,今年五月卒於官所。 禄 性 博 壽,卒無 望 替,不蒙收録,豈 忠義死事,聲迹相接,四十年間,而 此,死未半年,而妻子流落,又哀其 政,至於忠義 季孫仕至文思副 孫、季孫等七人。 官其諸子慶孫、貽 殁,竟駡賊 小賜,盡 多知季孫者,如 好異書古文石刻,仕 通史傳,工詩能文,輕 朝 廷 臣等實與季 寒之 特 顯者。 於藏書之費。 詔 不食 )憂,亦 有 勇烈,識 家事 司 而 朝廷之意哉? 使,年至六十,篤志好學, 孫相知,既哀 諸子頗: 孫、宜孫 死。 優與 加訪 今者寄食晉 使 狼 人 詔 膊 問,必 者 近蒙 宦 狽 知 贈 利 2贈,以 以 四 ,賜第易主。 有異材,而皆不 家 、昌孫、孝孫、保 忠 侍 爲 重 無 + 朝 義 得 中,賜 餘 有平之風。 義,練達軍 州 甔 其 廷 死 振 其 今執 年,所得 父平 才氣 擢 子 其 曾 旅 大 之子 妻子 孫 妻子 知 政 櫬 隰 以 如 無 欲 淪

> 在 道,不爲 孫 京 雖 師,乞早賜指 跨 小 歷歲月,朝廷猶 補 季孫之子三班 揮。 賜 謹 存恤 録 奏 借職 於 (聞, 伏 獎勸 璨,見 候 之

勅旨。

州,無 貼黄。 女婿兩房,並已死 十人,節級一人,般至京師 本家欲扶護 由 季孫 般 歸 歸葬 身亡,合得 京 師。 日 盡。 即 欲 與差得力厢軍 乞指 送還 其喪柩見在 揮 人爲般擎。 .· 晉 州, 候 晉

## 論李直方捕賊功効乞别與推恩劄子

再

知潁 左 松等,皆宿姦大惡,爲一方之患。 朝 州 奉 兀 祐 日 郎 守兵部 七年十一 爲 有 劇 尚書 賊尹 月初 蘇 遇、 四 軾 日, 劄 陳 興、 子 龍 奏。 圖 鄭 而汝 閣 臣 學 陰 先 李

「死」、《七集・奏議集》作「使」。

九二

例 慈,特賜 多,恐非 免 獎。 朝 著。 餘 躬 縣 三人,而直方躬親,後獲尹 只 磨勘 試 散 有 黨 親 有 尉 取進止。 後 郎 不 直方先公後 持 直 所 李 恩 來朝 應。 轉 一官特與 直 刃 方 在 檢 所 例 朝 广分遣 方 會前 以 至輕 刺 臣尋 旨,只與直 子, 散郎 ~, 本 激 倒尹 奏 勸 i, 其間 相 以 直 真 私,致所差人先獲 弓 捐 遇,又能 進 須 `手,前 方,比 别與 事 官 軀 爲 士及第, 由 以毫髮微 方兔試 除 命 、推恩,仍 聞 所 患之士 附第三等循 · 而 後 遇 奏,乞以 多 貴 捕 出 能 母 餘 一名,與 獲 家 年 奮 乞許 勞 竊 , 功 財 九 難 不 伏 得 緣 陳 臣 緝 顧 十 爲 臣 望 者 選 資 合 賞 興 効 身 餘 格 援 更 聖 甚 轉 酬 筡 額 知

# 乞免五穀力勝税錢劄子

元祐七年十一月初七日, 龍圖閣學士

錢,致 珠 親 夫 連 車 之直。 五穀 賤之價: 物 積之家,日 世 無之弊法,使百世之下,書之青史,曰:「 不 臣 末皆病。 法令,始· 左 病之。 盡 金 見累歲水災,中 税 聞 朝 而 力勝税錢,自皇宋某年始。」臣竊 奉 五. 穀 商賈 餓 載 止 自先王以來,未之有改也。 穀 郎 太 死 有五穀力勝税錢,使 米人 廢百王不刊之令典,而行自古 臣 ,使豐熟之鄉,商賈争糴, 賤 守 夜 災傷之地,舟 不 以 於 頃 兵 則 濤 行之 法 市 市,不了 在 部 傷 祠 活 震,太貴 尚 黄州,親見累歲 ; 願逢 人,法 咎 民之家有錢 此皆 書 也。 兼 鹽茶之費; [官收 **後**競荒。 車 侍 行 則 臣 輻 讀 無 傷 聞 (商賈) ·輳,以 蘇 五. 窮。 末。 又在 以 無 穀 軾 穀熟, 物 穀,被服 不 0 劄子 力勝 今陛下 壓 而 以 是 與 浙 太 爲 近 面 起 以 西 税 聖 收 所 農 歲

酪。

<sup>■ 「</sup>茶」、《七集·奏議集》卷十二、《續資治通鑑長編》作

也。 揮? 北雇 衰。 法 則 又計 每 法,如一路災 免收税, 亦免,而穀所從來,必自豐熟地分,所 地,不必盡 無大饑荒。 力勝税錢一條,只行《天聖附 耗,❶爲害如此,❷何似 者,皆失業破 蓋 郊州 遇 所 路一 今元祐《編敕》雖云災傷地 糴 船 只 費 災傷,捐 須 則豐 亦然。 如 是盡削近日弊法,專用《天聖附令》 本 運 數 則商 州之外,豐凶不能 水 去 千 米 凶相濟,農末皆利,縱有水旱, 煩陛下出捐錢穀,如 年 脚 以 萬 雖目下稍失課 産, 傷 金帛, 賈 雖 浙 救 貫 官 亦 則 比 西水災,陛下使江西、湖 錢 蘇湖之民,蓋 石 無所告訴。 自不行。 散倉 鄰 今之法,小爲通 · ; 而 不 路 貨,而 削去近 餓殍 免 廩, 税, 利 流 自元 相 客船 議 與 日 ,而災傷之 令》免税 救 亡,不爲少 百餘萬 一州災傷, 者或欲立 分 近 所 其 八未爲 花以 官 被 雖 歲 立 疎, 過 之 Ŧī. 私 差 有 來, 良 而 指 多 穀 費 雇 例

指揮,乃爲通濟。謹具逐條如後。

## 《天聖附令》

者,並免力勝税錢。 諸商販斛蚪,及柴炭草木博糴糧

食

者,並准此。 農具者,並免收 及疋而將出城,及陂 諸賣舊屋材柴草米麪之物及 税。 其買 池 取 魚 諸 色布 面 木 非 販 帛 鐵 易 不 爲

### 《元豐令》

魚非貨易者,准此。 與力勝稅錢。舊收稅處依舊例。 與力勝稅錢。舊收稅處依舊例。

「私」,原作「司」,據《七集・奏議集》改。

0

鐵長編》改。 「爲害」,原作「其實」,據《七集·奏議集》、《續資治

#### 八九四

### 《元祐勅》

爲農 諸 災傷地分,雖有舊例 者,並免納力勝 興 賣舊材植 販 具者,並 斛 郖 或柴草斛 及 免 ,亦免。 以 税 收 柴 錢。 税。 炭 舊收 蚪 草 布 并 木 税 帛 處依舊 麫 博 不 及 糴 及 木 糧 例 端 鐵 食 虰

疋,並

捕魚

非貨易者,准此。

計。 德,收結民心,實無窮之利。 無相通,易爲振救,官私省費,●其利不可 有税,所得未必減於力勝。 流,不載見錢,必有回 大段失陷,何也? 今肆赦甚近,若得於赦書帶下,益見 右 臣竊謂: 若行臣言,税錢 五穀無税,商賈必 貨。 見錢回貨,自 而災傷之地,有 取進止。 亦 必 大 不 聖 勝 皆 通 至

# 奏内中車子争道亂行劄子

元祐七年南郊,軾爲鹵簿使導駕。 内

奏。 謁中道。❷ 道 中 司,嚴整仗衛, 太皇太 亂 朱 紅 行 入,上在 於 車 后。 乾 子  $\dot{+}$ 明 明日,中 自皇后 餘 寺 太廟,馳 前 兩, 有 以 使傳 軾 張 下,皆不 遣 於 紅 命 Τ 車 蓋 申 以 中 草 復 敕 疏 迎 有 白 此

官,職 蘇 西 時、汾陰、后土,而趙昭 龍 齋宫,改 言婦女不 時揚雄待 試輸 王母欣 圖 [閣學士左朝奉郎守兵部尚書 元祐七年十一月十三日,南郊 在 服 鹵 然 奏。 ·當與 詔 簿。 通 而上壽兮,屏玉 承 天 臣謹按漢成帝郊祠 明,奏賦 齋祠之間 准故 冠 絳 事 紗袍, `,郊祀既 以 儀 也。 諷,其 常從在 女而 教坊鈞 臣 成,乘輿 略 今備 却 屬 甘泉、泰 曰 : 虙 兼 鹵 車 妃。 位 侍 簿 一間 還 夏 想 讀 使

「私」,原作「司」,據《續資治通鑑長編》改。

字上,有「公舊註」三字。「元祐」至「中道」,郎本卷三十六爲題下注文,「元

仗衛 服。 嚴恭 禮。 敢不奏。 勾陳 樂還 人施行。 ,争道亂行,臣愚竊恐於觀望有損,不 寅畏,度越古今, 今車駕方宿 、豹尾之間乎? 圃 内,然後后妃之屬,中道迎 況方當祀事 乞賜約 取進止。 束,仍乞取問隨行合干 齋太廟,而内中車子不 未畢,而中宫掖 竊見二聖崇奉大祀 四方來觀,莫不悦 謁, 庭 已 非 勾 避 在 典

## 再薦宗室令畤劄子

郎 奏。 曉宗室,成先帝教育之志。 行,若出寒素。 趙 令時, 朝 臣 令畤今已得 元 前任 奉 祐七年十二月二十二日, 郎 儒 潁 守 學吏術,皆有 州日 兵 意望朝廷特 替在京,若依前 部 曾論 尚 書 兼 薦 侍 本 過 : 至今未 讀 州 與 僉 蘇 龍 外 恭 判 軾 圖 蒙 任 以 儉 承 劄 閣 差 施 風 篤 議 子 學

取進止。
遣、臣切惜之。欲乞檢會前奏、詳酌施

行。

# 論高麗買書利害劄子三首

子奏。 指 敕 買名件外,「其《策府元龜》、歷代史、太學 詳。」臣尋指揮本部令申都省 書,①請詳 館伴高 書省,今來未敢支賣,蒙都省 准元祐令,諸蕃國進奉人買書具名 翰 揮。」尋准都 式,本部未敢便令收買 林 侍 元 麗 臣 讀 祐 近 人使所牒稱 學 批 八年二月初 准 主 印 省 造 都 左 批 省批 一,供赴 朝 狀云:「勘會 奉 日, ,人使要買國 送下國子監狀: 郎 當所交割。 禮 `,伏乞朝廷 部 端 尚 明 送 前 除可 書 殿 禮 次 件 本 字 蘇 學 部 詳酌 令收 高 申 監 監 軾 + 看 尚 檢 文 准 兼 劄

● 「書」、《七集·奏議集》卷十三作「字」。

八九五

人使 人使乞買書籍,正月二十七日 **,**許收買。其當行人吏上簿者。」 到 今 來 闕 都監 曾許買《策府 本部 並 不 檢 會 元 體 送 龜 例 禮 **>** 并 部 所 指 有 北

朝,其 不在 及淮 今使者所至, 填,❸此二害也。 而 契丹,則契丹安肯聽其來貢,顯 什物,攪撓行市 實,民之膏 皆是玩好無用之物, 之利,而有五 貫,而修飾亭館 焉。 浙兩路賜予餽送燕勞之費,約十 盗糧,此 臣伏見高麗人使,每一次入貢 (實爲 虜足以 除官吏得 利 血 圕 害 ,度其本心,終必爲 此 制 1, 不可 騒 書 害 高 其 修飾 一害也。 Ш 也。 麗所 動 沙 川 死 而所 不陳 行 餽 命,而 亭館, 形勝,窺 高 得 市 遺 費皆 麗 也。 賜予,若不 所 ,調發人船 外 我不 ´', ❷ 並 民 至 測 所得 爲慕 是借 力 一差借 是 能 北 虚 暗 帑 無 故 虜 貢獻 寇 分遺 廩 絲 之費 有 人 餘 朝 用。 兵 馬 之 毫 赔 萬 廷

> 此 黠之虜,以 幸今契丹恭順,不敢生事,萬 招 欲 復 來其 渝 有 五害也。 盟 善 一,先以 與國,使頻歲 意 哉哉 此藉 增 置 口,不知朝廷何以答之? 此 塘 四 入貢,其 泊 害 爲 也 中國之曲 曲 慶 曆 甚於 異日 中, 、塘泊。 有桀

物。 催促進發,●不令住滯。 途 却其所進 日 接 因其餽送 徐事 待其改書稱用 臣 心知此 件,不令過當。 金塔,不爲奏聞。 書中不禀 五. 害,所 年號,然後受之,却 以 朝 及近歲出知杭州, 仍奏乞編 熙 廷正 及 寧 畫一 中 朔,却 通 處置沿 判 退 杭 其 州

0 0 0

● 「却」,原缺,據《七集•奏議集》補。

作「倍」。

<sup>「</sup>闕」,原作「闕」,據《七集·奏議集》改

治通鑑長編》作「暗損民力」。「暗」、《歷代名臣奏議「暗有陪填」,《七集•奏議集》作「倍有培費」,《續資「遺」,原作「遣」,據《七集•奏議集》改。

裁節 擅 並 并 猾 蒙 附 乞删 舶 僧,并乞依祖宗《編勅》,杭 帶外 其 往高 朝 事 除 廷 元豐 夷入貢及商 麗,違者 庶幾漸次不來,爲朝廷消 八年九月内創立「許舶客專 施行。 徒二年,没 皆是 販 一條。 臣 明 人 素意欲 財貨充賞。 州 已上事 並 | 久遠 稍稍 不 許

弊官吏,●並不蒙都省略行取問。❷ 小。 寺行 文字,内有《策府 市動 館 國子監知 陳 在 伴 深,奉 中 軒等不待申請 京 鋪 所 今既備員禮曹,乃是職事。 謹 以具 行 書 人 ·按 館 其 舖 舍 小 申都省,乞不施行。 鋪 不 ,以資吏人廣行乞取 人陳軒等申 國之陪臣,有損 ·便,申 設,以待人使買賣, 漢書》,東平王宇來朝,上 元 ,直牒國子監收買諸 龜》、歷代史及敕 禀都 ·乞盡 省 國體 送下 數 其 差 近者 兼 · 禮 部 不 今來 乖 弊 勒 害 惟 方 亦 相 因 只 作 不 抑 徘 見 國

> 者乎? 以謂 不宜 之初,謀臣 《太史公書》有戰國縱橫權 違失,而求 或反經術,非聖人,或明鬼 今東平王幸得來朝,不思制節 疏求諸子及《太史公書》,當時大臣以謂: 諸侯朝聘,考文章,正法 · 得 賜 在諸侯王家,不 東平王骨 而 奇策,天官災異,地 諸書,非朝聘之義 況 海 肉至親,特以 外之裔 可予。」韶從之。 夷,契丹之心 度 譎之謀,❸漢 備 神,信物 非 也。 形 位藩臣,猶 謹 阨 理 度, 諸 不 塞 臣 子書 怪 以 了, 皆 腹 興 防

高 徒 麗 以 契 可 臣 分丹故 聞 與 ? 即 河 也 北 権場之法亦可 榷 場,禁出文書, 今高麗與契丹 廢。 何異 其 兼竊 法 ? 甚 聞 嚴 若

不

<sup>0</sup> 乖」下、《七集 奏議集》原校: 作「多」。

<sup>0</sup> 問」,原作「間」 據《七集• 奏議 集》改。

議》改。 有」,原作「不」,據《七集·奏議集》、《歷 代名 臣

數 後 以 事曲 損。 雖上 行遣 都省 又以 來不賜《御 與,若便以 以 龜》,與《御覽》何異。 策府元龜》及《北史》,竊以 (爲罪; 了, 其 無 東 一從,❷ |簿薄責,●至爲末事,於臣又無絲毫之 吏人 臣 止 先 平 人敢逆其請。 麗 患 非爲此 是乞賜詳 帝 王 使 愈 乞賜《 故 上 遺旨 官吏苟循其意,雖 稍有裁 深 覽》聖旨 爲例,即上乖先帝遺旨,下與 簿 事 奏論,所惜者,無厭之虜,事 不與。 書罪 爲 太 所 酌 詞 平 以 節之意,便行 指 異 ! 使意得 御覽》, 須 却之。 揮,未 今歷 同,深爲不 臣雖知 至 臣 極 竊 代史、《策 謂 志 先帝詔令館 八爲過 近日 論 謂 動衆害物,不 前次本 前 满 仍 無 詰 次曾 便,故 罪 當 復 其 責 具 可 ~, ❸今 今來 來 便蒙 不 許 府 愈 申 今 當 買 元 伴

並 不 得發舶往高麗,蒙已立條行下。 、臣任 杭 州 日 奏乞明 州 杭 州 今後 今來

合處置事件知

後

知此條。 半 降 納 往 數 根 高 究,即 指揮 來海 年 年内令繳納條前所發 麗 敢有執用,並許人告捕 ·, 海 使 一、今來高麗人使所欲買歷代史、《策 丁出榜 外,雖有條 却搭 而徐 外 稱 無 是 積猶 附 不 條 福 聞 閩 建、兩 前 執 知 商 發 貫, 前 ,據陳軒所 徐 舶 浙,緣海 實與 條 積 公憑 舶 公憑, 臣 ,依法施行 無 船 竊 奏語録,即是高麗 同。 影 謂 人 州 如 立 貢 縣, 庇 限 欲乞特 條 私 與限 己 滿 及 商, 經 行 不

府 貼黄。 元 龜》及《敕式》,乞並不許 准都 省批 狀指 揮,人使 ||收買 所 買 書

便。 爲 史》,前次已 籍,内有《敕式》,若令外夷收買 看詳 未 委 都 有體 | 敕 省本爲《策府 式》 例,故以禮 有 何 元 體 部 龜 例 並 八事體 及《 不檢 北 不 概

<sup>0</sup> 原 作 據《七集· (議集))改

事事」,原作「事必」,據《七集·奏議集》改。 原作 「點」,據《七集・ 奏議集》改

令買?

薄,朝 搔擾公私。 打造不出爲詞。更不令收買。 高麗使朝辭日數已迫,乞指揮館伴,令以 本是禁物,人使欲以 禀都省。 百貫,●欲於杭 廷重 一、近日館伴所申乞爲高麗使買 切慮都省復以爲罪。 工難其 竊聞近歲西蕃阿里骨乞買金 事,節次量與 州 粧 粧 佛、臣未敢許, .佛爲名,久住杭州, 應副。今來 切緣金薄 已申 金薄

觀德。 狀臣已收住不行。 曲 譜。 副 兼 塔 貼 ",即須 黄。 自來館伴虜使,若有 、近據館伴所申、乞與高麗 若朝廷特旨爲抄寫,尤爲不 臣謂鄭衛之聲,流行海外,非所 曾 臣前任 密奏聞、元只作臣私 面説諭不行,或其 今陳軒等事事 杭 州,不受高麗 所求請 事 曲從,便爲 ",不可 體 意拒絶。 所進 使抄 便,其 大,即 應 金 以 寫

使悦己而怨朝廷,甚非館伴之體。申請,若不施行,即顯是朝廷不許,使虜

簿。取進止。
罪,則臣乞獨當責罰,所有吏人,乞不上患,則臣乞獨當責罰,所有吏人,②不上意,不干僚屬及吏人之事。若朝廷以爲有龜》及《敕式》,乞詳酌指揮施行,❷並出臣龜》及《敕式》,乞詳酌指揮施行,●並出臣

不許。 使其 無禮 臣 爲壽,晏子不與,又欲奏成周之樂,太師 鄭商人,子産終不與,曰:「大國之求,若 貼黄。臣謹按《春秋》: 小國也。 欲 亂其禮,而晏子知之, 臣范昭觀政於齊,昭請齊景公之觴 以節之,是鄙我也。」又: 晉平公 昭歸謂晉侯曰:「齊未可伐也。 而晉之執政韓起欲買玉環 晉盟主也,鄭 欲亂 其樂 於

- ●「薄」、《續資治通鑑長編》、《歷代名臣奏議》作「箔」。
- ② 「施行」、《七集·奏議集》作「事」。

八九九

過界。 罪 從 臣 擅往契丹,本國 之。 陳軒 欲設 之陪 飄過。」乃是與 束,恐不穩便。 寫鄭 而 太 又據 等 此 臣 衛 師 關 不 知遵禀,而 切緣 知之。」 事 事 曲 也 利害,不敢不奏。 乖 軒等語録云: 事 以 譜 戾 私 嘗探朝廷深淺難易乎? , 其 爲 乃敢干 倒 往 闔 今高 請 丽 王捉送上國,乞更嚴 一褻慢 置 軒 北界,條禁 中狡商巧説 ,惟恐失其意,臣 軒乃答云:「風 之甚 -朝廷求日 乃 麗 这甚矣。 使, 歸 乎? 咎 契 高麗使 於 至 買違禁 丹 安知非 風,以 詞 之黨 重 臣 理,許 , 海 忝 訊 言 物 備 竊 薄 外 賜 海 黠 不 而 侍 其 陪 令 順 約 商 惑 虜 傳 我 而

免上

一簿者。

臣所

낈

區

許 樞

依

密

院

同

奉

·聖旨,所買

薄等

事

准

尚書省劄

子

月

+

日

省

劄

子

奏。

臣

沂

奏

論

高

麗

使

所

買

書

籍

及

金

書 學 蘇 士 軾 兼 甚, 邻北 雖 山 而 妨 文字流入諸 湾,便 買 用一 防 積 史》, 於 千 意外之患。 可再乎?」今乃廢見行《編敕》之法 高麗, 百 時失錯之例,後日 徒二年,則 已是失 部 國,有害無 丽 有 雲布於契丹矣。 司 錯。 前 不 來許買 法意亦 敢 古人有言 復執 利。 復來,例 《策府 可見矣。 則 故立此 中國 臣 元 愈成熟 不 龜》及 重 之謂 知 書 此 籍 謂

翰

林

侍

讀 祐

學

,士左朝

奉郎守

·禮部

尚 殿

元

八

年二

月

+

五

日 端端

明

又

例收買、金薄特許收買、餘依 區論奏者,本爲 係文字,不問 書籍,曾經 交易,罪 敕 止 書 奏, ×, 籍 爲 收 有 輕 諸 吏 吏人 買 仍 高 無 者 以 者

熟鐵

及文字禁物與外國使

人

收買,臣竊惑之。

檢

會元祐《編

上

簿

也。

今來吏人

獨 假

免上

一簿,而

契

丹之與

國

不可

以

書籍,非

徒二年。

看

詳

此

條

, 但

虞人 亦有 害如此、《編敕》條貫如彼,比之皮冠與旌, 冠 子韙之,曰:「守道不如守官。」夫旌與 事 ,於事未有害也,然且守之。今買書利 於 間 伏望聖慈早賜指揮。 以旌,不至。 中 矣。 國 得 爲穩 臣當謹 日 便 : 「招虞人以皮冠。」 乎 守前 ? 取進止。 議,不避再三論 昔 齊 景公田 皮 孔

訖。亦合奏知。符下高麗人使所過州郡,約束施行去又貼黄。臣已令本部備録《編敕》條貫,

又

元祐八年二月二十六日,端明殿學士

例 竊緣 故。近又檢坐見行《編敕》,再具論奏,並 事。 兼翰 但檢坐《國朝會要》,已曾賜予,便許收買。 不蒙朝廷詳酌利害,及《編敕》法意 麗人貢,爲朝廷 等,奉聖旨,依 麗九經書、《史記》、兩《漢書》、《三國志 化四年、大中祥符九年、天禧 軾 晉書》、諸子、曆日、聖惠方、陰陽、 其 無 劄 ?子奏。 有害,雖百 例 臣 今准敕節文,檢會《國朝 林 而 侍 所論奏,所計利害不輕 發也。 讀 臣 學 前降 近再具劄子,奏論 士左 例不可用也。 事 五害,事 誠無害,雖 指揮。 朝 奉 郎 理 臣 守 灼 而 前所 禮 Ŧī. 無 會 然, 本 要》: 年 例 部 況《會要》 高 非爲有 非 論 曾 地 亦 麗 尚 施 可 ; 復 奏 理 賜 買 書 行 高 書 高 細 淳 書

<sup>「</sup>使」、《七集・奏議集》卷十三作「所」。

<sup>) 「</sup>一項指揮」、《七集・奏議集》作「有一項」。

<sup>(</sup>上)。 「敕式」、《七集·奏議集》、《歷代名臣奏議》作「敍

朝,動 敵人 麗 遂成定例,所以須至再三論奏。 之類,皆不蒙朝廷省察,深慮高麗人復來, 於接續許買,蕩然無禁也。又,高麗人人 雖曾賜予,乃是前日之失,自今止之,猶賢 臣 皆當 所憂者,文書積於高麗,而流於北 人已發,無可施行。 行《編敕》耶? 周知 施 |獲所欲,頻歲數來,馴致五害。 行也。 朝 Ш 廷 川嶮要邊防利害,爲患至大。 以 臣 備 爲當檢行《會要》而已? 只乞朝廷,詳 檢 閲 取進止。 非 如 論 編 兼今來高 此 敕 演,使 **\sqrt{** 事 如此 當

謂 與人使交易,豈是 書,復許接續收買。 貼黄。今來 其已有,反不復禁,此 朝旨,止爲高麗 外 國都 譬《編敕》禁以 大不可 未 有 己 熟 曾 也 鐵 賜 耶 煷 予 鐵 此 ?

#### 繳 進 免 五 榖 力 勝 税 錢 議 劄 子 連 元 七 年

 $\dot{+}$ 

一月劄子

決行。 德之事 蓋謂 述仁 故 祖 其狀矣。 今日 瞻望聖顔,歡 不以言。 劄子奏。 翰 事,尋以上進訖。 武 菻 之意。 月七日,曾奏乞放免五穀力勝 此事出於《天聖附令》,乃仁宗 · 廟 侍讀 復見仁宗皇帝。 元 祐 尋蒙降付三省,遂送户部下轉 即 人人至深,及物至廣,望陛 竊揆聖心,必有下 去歲 八 臣 學 須行其實事, 兼奉聖旨,催促祖 年三月十三日,端 聞 士 呼鼓 應天以實不以文,動 扈 左 從 朝 舞,或至感泣,皆云不意 奉郎 南 臣 臣尋與范 郊,親見百 愚竊謂 乃可 守 禮 ·酌民 動 陛 部 禹 明 民。 所編仁 下既 祖 尚 殿 言, 姓父 禹 民 書 學 税錢, 代盛 欲 運 主張 上 具 以  $\pm$ 蘇 宗 行 趈 兼

進 不然,即乞留中,更不降出,免煩勘當。 所 慰答民心,即乞只作聖意批 子繳連進 相 止 ·捐者小,所濟者大,可以追復仁宗聖政, 度 了, 必 無 星。 行 理。 伏 願 謹 聖慈特賜 昧 萬 死 出施行。 詳 再 覽。 録 前 若謂 來 取 劄

臣昧 穀力勝税錢,仍於課 饉,宜令今後不問有 無不通,豐年則穀賤傷農,凶 近乃著令許依例收税,是致商賈 貼 意若曰祖宗舊法,本不收五 上合聖意,有可施行,欲乞内出指揮,大 黄。 死以聞,無任戰 臣所乞放免五穀力勝 汗 無舊 額 待罪之至。 内 例,並不得收 除豁此 穀力勝税錢, 年則 税錢,萬 無 一項。 ❶ 遂成 利,有 饑 五

# 上圓丘合祭六議劄子❷

元祐八年三月日,端明殿學士兼翰林

奏。 合祭,允當天地之心,不宜復有改更。 親祀郊廟,神祇饗答,實蒙休應,然則 廟饗典禮聞奏者。 禮畢,集官詳議祠皇地祇事,❸及郊祀之 侍 讀 學士 臣伏見九月二十二日詔書節 左朝 奉 郎 臣恭覩 守 禮部 陛 尚 下近者 書蘇 文,俟 軾 圓 至 劄 歲 郊 丘 日 子

時陽位 亦 以 百神莫不 是大不然。冬至南郊,既祀上帝,則天 丽 可 類 不 謂陰 求 祀 臣竊惟議者欲變祖宗之舊,圓丘 也 神, 地 從也。 ,夏至祀地於北郊,陰 位矣,至於從祀上帝,則 ,不過以謂冬至祀天於 則 陽 古者秋分夕月於 時 陽位,不 可 以 時 求 陰位 南 以 西郊, 陰 郊、陽 冬至 祀 也, 也 地 天

<sup>「</sup>類」の原鉄、據《七集・奏議集》卷十三補。

奏議」。「上圓丘合祭六議劄子」、《七集‧續集》卷九作「郊祀

<sup>「</sup>夕月」,郎本卷三十作「祀月」。 「祠」、《七集・續集》作「設」, 原校: 一作「祠.

《豐年》,則天地各 也。 多黍多稌,亦 之豐年秋冬報也,曰:「秋冬各報,而 間,●自上 望 過 命》也。」是大不然。 此乃合祭天 古者祀上 柴,祭上帝 祇,豈有此理哉? 帝六宗 《詩》之序曰:「昊天有成命,郊祀天 而 一於山 矣。《書》曰:「肆類 可也,歌於冬亦可也。 , 烝 界 祖 從 祀 而 上 月 獨 山川 川,徧於群 帝 於 略 一帝而及 帝 而 南 妣 也。 地 地 則 群神,莫不畢告,而獨不告地 合祭於圓 郊 ,以洽百禮,降福孔皆。」歌 有 并 衹 ,經之明文,而説 高 議 祀 ,豈有此 望,祭山 Щ 神。」舜之受禪也,自上 者 廩, 萬 祀,而皆歌《昊天 武王 《豐年》之詩曰:「豐 Ш 地 不 · ❷ 必 衹 丘 於上帝, 禋於六宗 以 克商,庚戌,柴望。 《昊天有成命》之 矣。 , 獨 億及 理 爲 Ш 無南 一 哉 ? 以 疑 也。 何 秭, 爲不可 者 今皇 以 北 爲 乃 臣 地 明 郊 一日之 有 之别 皆 之? 以 以 也。」 地 於 车 成 比 知 則 祇

> 瀆乎? 焉。 康,夙 祭乎 魯,諸 岱 也? 曰: 曰: 明 靖之。」終篇言天 已。」周有天下,則 三望。』《左氏傳》曰:「望,郊之細 今祭地於北郊,歌天 詩 也。」●又或曰:「分野之星及 也、未有歌其 日 「郊祀天 「三望,太 ? 歌天而不歌地,所以尊上帝。 臣以 夜基命宥 侯也,故 嶽、瀆 昊天有成命 此知 地也。」《春秋》書:「不 詩書 猶得 山、河、海。」或曰: 郊之細,及其分 周之世,祀 密,於緝熙,單厥心, 所 而 經 郊之細,獨 從祀 不祭,祭其所不 不及地。 而不歌 二后受之, 籍散亡,學者各 · <del>,</del> 而 上帝 地 地 頌,所以告神 不 祇 党,豈有 及 野 則 成王 也。」説者 Щ 「淮、海 故其序 Ш 五 地 不 郊, 歌也 III以 嶽 得 祇 此 肆 不 也 意 其 合 猶 在 理 敢 四 丽

日 郎 本作「月」。

<sup>0</sup> 岱」,原脱,據郎本 `原作「目」、據郎本、《七

地合祭久矣。 其真。臣以《詩》、《書》、《春秋》考之,則天其真。臣以《詩》、《書》、《春秋》考之,則天推類而已。王、鄭、賈、服之流,未必皆得

祭於圓丘。❷ 宗合食於太祖 之明驗也。 《水經注》:「伊水東北至洛陽縣圓丘 叫 爲重壇,天地位其上。」此則魏世合祭天 魏郊天之所,準漢故事爲圓壇八陛,中 陛,中又爲重壇,天 廢。 上。」此則漢世合祭天 合祭故事 不足法。 建 郊 武二年,初制 「有虞氏禘黄帝而郊譽,夏后氏禘黄 光武皇帝 鯀,郊之與 議者乃謂合祭天地,始於王莽, 臣 唐睿宗將有事於南郊,賈曾 竊謂禮 謹 以始祖配享、蓋有事祭、非 親 親 , 締 於郊 按《 廟,皆有禘,禘於廟,則 郊 《後漢 誅莽者也,尚 當論: 地 兆 地之明驗也。 位 於洛陽。 書 其 則地祇群望皆 其上,皆南 是 祭祀 非 ",不當 爲圓 采 志 用 鄉, 又 ₩; 壇 元 以 以 祖 議 地 又 大 按 西 八 始 爲 0

> 驗也。 於圓丘,皆合祭。 是月二十日,合祭天地於南郊,自後有 祭,禮將有闕,其皇地祇宜於南郊合祭。」● 二月敕曰:「凡所祠享,必在躬親,朕不親 土位 祀 郭山惲等皆以曾言爲然。❸ 也 皆 **《三輔** 南 面 故 則漢嘗合祭矣。」時 事 此則唐世合祭天地之明 祭 於圓 明皇天寶元 丘. 褚 無量 事 年

爲用 古者 周禮 一歲祀天者三,明堂 今議者欲冬至祀天,夏至 也 臣 請 言 周 禮 饗 與 帝 今 禮 祀 者 地,蓋 一**,** 四 之别。 時 以

0

據郎本改。書》有《祭祀志》,今諸書多作『郊』,疑傳寫之誤。」今書》有《祭祀志》,今諸書多作『郊』,疑傳寫之誤。」今「祭」,原作「郊」,郎注云:「《前書》有《郊祀志》,《後

<sup>「</sup>食」。「象」,據郎本補。《續資治通鑑長編》「祭」作

<sup>「</sup>無」,原作「元」,據郎本改。

作「如」。「於」、郎本作「加」、《七集・奏議集》、《七集・續集》

於古 禮樂爲政事,能守此,則天下服矣,是故 内,朝諸侯,出爵賞,必於太廟,不 繁,兵衛甚 禮,❷親祭如彼其多,而歲行之不以爲難, 此 而已,天子所治,不過王畿千里,唯 爲易,其故何也? 今之禮,親祭如此 廟,乃祀天地。 宗以來,三歲一郊,必先有事景靈,徧饗 室,建隆初郊,先饗宗廟,並祀天地。 Ш 五 迎 過周祀 方 物 行之,率以 者 氣  $\prod$ 萬里,皆聽命於上 社 ,皆天子親 日 日 也。 五,祭 ,稷五祀及群小祀之類,亦皆親祭, 力 以 有 簡 滋 用用 多 爲 地 不 太祖皇帝受天眷 常。 一,有 能 祭 者 此國朝 財有節,而宗廟在 給。 其少,而三歲一行,不 也。 二,饗宗 古者天子出 加 至於後世 無 一,機務之繁,億萬倍 侕 之禮 自 損 又朝 秦漢 廟者 以至於今, 也。 日夕 ,海内爲 命,肇 议 入,儀物 四 來,天子 夫周之 止 以 大 月 凡 ·造宋 齋 時 門 自 四 此 以 太 歲 祭 不 真 祭 之

> 禮也。 年 周 不當祭於圓丘,此何義 自宰相宗室以下至百官,皆有 下至文武 復 禮 日 如 郊,非 也。 而 此皆不改,而 祭 之 太 簡 優賞諸 官,皆得 周 廟 禮 也。 非周 也。 軍 蔭補 ·, 非 今所行 禮 獨於地 先郊二日 也 周禮 也。 親屬, 皆 也 祇 郊 非 非周 賜 而 而 則 自后 賚 肆 告 曰 禮 禮 赦, 原 周 妃 也 周 以 非

爲不 能 能 寒,而北至常山,亦今之寒暑 四嶽,五月方暑,而 宣王 行之乎? 如舜也。 |薄伐玁 可祭乎?」臣將應之曰:「舜一歲 議者必曰:「今之寒暑,與古 **夫周已不能行** 狁,六月出師,則夏至之日, 周所以十二歲一巡者, 南 至 一衡山 舜 之禮 也,後世 一; 十 一 而 無異 月 唯 而 丰 方 洲 何 而

- ❷ 「周」,郎本作「古」。 「祀」,原作「禮」,今從郎
- ❸ 「日力有」,郎本作「力有所」。

之繁簡 定 非 月出師爲比乎?」 同 不能 可 得已。 故 以 也。 代之禮,爲三歲常行之法,豈 行 則異。 周 夏商之禮,周 且吉父爲將,王不 之禮 宣王以六月 是以 乎? 有虞氏之禮,夏商 天之寒暑 出 有所 師,驅 不能用。 親行也。 逐 雖 同 可以六 狁, 今欲 時 有 丽 蓋 禮 所

不能 也。」 鄭氏注 攝 久矣,若親郊之歲,遣官攝事,是無故 《周禮 故之禮也 疏曰:「有故,謂王有疾及哀、慘,皆是 祭 然則攝事非安吉之禮也。 歲歲親祭,故命有司 議者必又曰:「 三: 大宗伯》:「若王不 亦有故事。」此非 「王有故,則代行其祭事。」賈公 夏至不能行禮 行事,其所 臣 與 之所 後世人主, 則攝 , 則 位。一 知 從 而 遣 也。 用 來

可以再郊。」臣將應之曰:「古者以親郊爲議者必又曰:「省去繁文末節,則一歲

藏,猶 大輅 情豈不失望!」 能 備,事地則簡,是於父母有隆殺也。 常禮 兵,異於前世,自唐之時,未 以爲繁文末節 王者父事天,母 甲具裝,人馬喘汗,皆非夏至所 大輅,日中而舍,百官衛兵,暴 風 繁文有不 年再賞,國力將何以 歲歲親 雨之虞,陛下自宫入廟出 恐不足,郊賚之外,豈 動,必有賞給,今三年 無 祠,❷天子出郊,兵 能省也。 繁 文。 而一切欲省去 事地,不 今世 若帷 給 以 城 可偏也。 親 幔 郊,冠通天,乘 可 衛 有軍賞,猶不 乎? 郊 分 屋,盛夏則 復 郊,傾竭帑 不 露 而與之,人 能堪 加? 可簡省 於道,鎧 大 事 或 禮 天 豈 家 也。 若 則 養 得 有 則

卷五。原文云:「若王不與祭祀,則攝位。」伯》此文,見《四部叢刊》初編影明翻宋相臺本《周禮》「不與」,郎本作「有故」。案:《周禮‧春官‧大宗

<sup>● 「</sup>歲歲」,郎本作「歲一」。

此 祭地 則 疏 疏 。此 顧 典 闊 於 議 響,非 禮 事 者 天,自 又 必 愈 獨 非 又 速,欲 所以爲禮 祭 日 臣 古 地 之  $\equiv$ 復古 未 而 所 有 不 知 年 也 祭 天 而 六 也 背 年 祀 (),是因 古 一祀天 三年一郊, 天,又三年 益 遠 事地 者, 如 祇 丽

圓丘 至,以 祭天,先地後天,古無是禮 變禮之權耶? 此 事之患。」此又非 之祭,易夏至方澤之祀,則 者 勞費之患,尚未免 ,何獨不可。 議者必又曰: 神州 爲欲舉 代 方澤,不知 從 若變禮從 周 臣之所 + 「當郊之歲,以 禮 月親 也。 也 此 知 祭 權 周禮之經耶, 今以 也。 可 地,十一 丽 而 以 可, + 夫 免 十月 歲再 月易 則 合 所 方 月 以 暑 神 親 抑 夏 議 舉 州

衹 望 於 方澤, 祀。」此 議者必又曰:「當郊之歲,以 上不親郊 又非臣之所知也。 而通 爟火,天子 《書》之望 夏 至 於 祀 禁 地

> 今所在 秩 川 在 見 周 境 地 之處,俛 禮 内 学之四 乎 而 不 在 望,《: 崱 四 見 郊者,故 春秋》之三 地,而云望祭,是爲京 遠 望,皆 望 而 祭 謂 也 山

年間 故徧 當歲 再郊,而遣官 則必不能親往,二 起,不能易也。 所得,已多於漢唐矣。 是故參酌古今,上合典禮,下合時 丘 欽崇祭祀,儒臣 郊 官攝 方澤皆親祭之爲是也 郊,當行 於三日。 编,今不能歲 ,尤與古戾,唐 此 六議 事 又不能 則 者,合祭可不之決也, 是 郊 攝 於一 此皆因 天地皆不 禮官,講求 地之歲 事 今並祀不失親 子,是長 者孰 偏,是故徧於三年當 亦 歲之中, 不 **一**, 而 一時制 天地宗廟之祭,皆 爲 能 不 親祭也。 蓋 暑雨 重 損 如 親 宜,雖 再舉 乎 以 益 古 事 祭, 非 時 不 地 本 大禮 宜 不可 可親 茅 也。 若 而 夫 夫分祀 朝 一, 較 北 知 祖 漢 '\*;是 復 其 之 郊 郊 宗

安,不可輕動,動之則有吉凶禍福 聖相承,唯用此禮,此乃神祇 也。 行之理。伏請從舊爲便。 慮,三也。 大衆、舉大禮、一也。軍賞不可復加, 天地,決非 而爲三,有三不 當郊之歲,祀天 自有國 凡此三者,臣熟計之,①無 今世之所 以來,天地宗廟,唯饗此祭 可。 地宗 能行。 夏至之日,不可 廟,分而爲三 議 所歆 者不 ",不可 ()祖宗 耳。 過 欲 所 可 不 於

響,以敉寧上下神祇。❷ 袓 施 陛下詳覽臣此章, 咎,著於史策,往鑒 廟。 今正禮,本非權宜 建 行,實爲無窮不刊之典。 隆、神宗熙寧之禮,無更改易郊 成帝用丞相衡之議,改郊位。 昔西漢之衰,元帝納貢禹之言, 如有異論 則知合祭天 甚明 即即 不獨 仍乞下臣此章 須畫一 ,可爲寒心。 初郊之歲, 顧陛下謹 ,解破 人地,乃 皆有 臣 祀 所 守 毀宗 伏 所 廟 太

> 與 取 今軍 陳 不 六 止 可施行。 國之患。 議 19,使皆 屈伏, 不可 所貴嚴祀大典,早以 固 上 . 執 合周 ,●更不 禮 • 論 下 時定。❺ 當 朩 今可 爲 當

先廟後郊,亦三代之禮也。⑤ 未,祀周廟,庚戌,柴望,相去三日。 非三代之禮。 原廟,先一日享太廟,然議者或亦以 太清宫,朝享太廟,亦如今禮,先 黄。 唐 制 將 臣謹按: 有 事於南郊, 武王克商 則 先 日 朝 爲 告 則 獻

周」,郎本作「典」。

固執」、《續資治通鑑長編》作「但執周

也」下,郎本、《七集·奏議集》、《七 |旨令集議官詳議聞奏」十一字。 集

#### t.

 $\overline{\circ}$ 

## 請詰難圓丘六議劄子

取

進也

止

通

若

議

不

通

敢

不

廢

前

説

以

從

衆

者,則 難 明 議 令集議官 臣 以 適 軾 兼 説 必 相 反 開 劄 , 明 刊 時 翰 子奏。 詰 之日,若 有 覆 異同之端。 之典,然臣 之宜 林 元 著可 其論 非 所 難 詰 侍 祐 聖 集議 敢自是而 河,則 讀學 擇, 八 難、盡此 否之狀 朝 亦自 可 臣 年三月二十二 考禮 得 所 是 而 近 聞 土 見 人 不 非 欲望 丽 然上合三代六經, 奏論 奏。 左朝 "; 不 各自 之本 定也 六議之是非, 不同,即 可 敢必以爲是 求 聖旨 否,終莫之決。 勝 得 圓丘合祭天地 竊慮議者各伸 奉 意哉? 爲 也,蓋 但 郎 今奉聖旨, 行 一議,但欲 日 · 須 守 下,令議 畫 禮 欲從 端 説,不 心故發 臣 丽 部 明 一今欲 難 取 爲 長 尚 殿 其意, 遂 雖 但 者 六 臣 其 萬 非 丽 相 書 學 聖 云 其 取 通 與 議 世 蘇 獨

乞改居喪婚娶條狀

之政 娶有二 喪 娶之法者,所 以 正 臣 子 祖 臣 侍 丽 孫居 婚 ,王道之本也。 孟 伏以 伏 所重徇所輕,喪三年,爲二十五 父母、父母 讀 人夫喪 ′,亦有適 會,鄰 見 學 元 十五月之遲,此色之輕者也 喪者,聽尊長 士左朝 祐 元祐 人子居父母喪,不得嫁娶,人倫之 而 八 於 年三 貧乏不能 老疾 五 一時從宜 害 禽犢,此禮之 奉 年 大 月 郎 **永** ,謂於法應贖者。 也。 守 日 が頒條 一者矣。 子論禮、色之輕重,不 自陳,驗實婚娶。 禮部尚 自存 端 近世 貫 明 重 然 殿 並 始 諸 書 者 聽 立 不 學 民庶之家 無人供侍 蘇 也。 立 女 百 士 月 軾 居 居 日 兼 ?,使嫁 狀 父 喪 先 釋喪 外 王 林

勅旨。

揮,削去上條,稍正禮俗。 哉 ! 論及此事,不敢不奏。 立法。臣備位秩宗,前日又因邇英進讀, 官吏,妄有起請,當時法官有失考論,便爲 爲當世之病乎? 臣謹按此法,本因邛州 曰,男子居父母喪得娶妻,自元祐始,豈不 記禮之變,必曰自某人始。 色廢禮耳,豈不過甚矣哉。《春秋》禮經, 父母矣。今使之釋喪而婚會,是直使民以 不虞之患也。今又使男子爲之,此何 權 娶之法。既已害禮傷教矣,然猶 而 冒行者,以女弱不能自立,恐有 男年至於可娶,雖無兼侍,亦足以 伏望 謹録奏聞,伏候 使秉直筆者書 聖慈特降指 或 可 義 流 以 養 也 落 從

## 蘇軾文集卷三十六

### 奏議

## 奏馬澈不當屏出贸

明、防 皆得 右 有 准 侍 令官吏看詳可 ·讀學士· 位 本部看 太學條,三學生凡有進獻文字及書啟贊 進狀,許直於所屬官 員 , 並 先 經 至於投獻書啟文字,求知 元 壅蔽,古今不易之道也。 獨 祐 左朝 緣 ·詳,諸色人苟有所見公 八 年 本 長貮 奉 否方得投進之文,所以 应 監 郎守禮部尚書蘇軾狀奏。 月 起 看 日 請 詳 · 遂立上 端 可否,違者出學。 明 司 殿 投 **|| 學士** 公卿, 條, 下, 本 私 因 曲 即 兼 利 此 生 或 達 無 害, 防 子 聰 更 林

> 其所 據。 略》有 賜 與 此 十二月内 施 謹 理,固 者皆] 當愛惜 九月内,太學内舍生馬澈進狀,論《禮部 子産不毀鄉校、魏相去副封之意也。 所當容也。 顯 行。 按澈所 人常事 施 删 進 此乃 行。 除 見上 屏出 人主所欲聞也。 疎略未盡事件,蒙朝廷送下本 狀,乞行下有司看詳,如 不 本部尋下本監 而 檢舉上條,其馬澈已屏出學。 論 學。 謹録奏聞,伏候勅旨 内舍生員之優者,教養之官,所 條 行,仍乞依舊令馬澈 其所論,亦當下有司詳議增 今乃先令有司 今 乃 ,文指雅馴,考驗經史,皆有 無益有害,欲乞朝廷詳 若 論 使 本監長 列 朝 勘當,准 若不當理,亦人 政 看詳去取, 得 貢 失,使 先 回 充 有 行看 申,己 可 内 其 . 舍生。 `采, 乞 酌, .. 詳 去年 甚 言 非 以 於 損 援 韻 主 違

## 正 陸贄奏議上進劄子❶

其不幸,仕不遇時。● 以 如賈誼,而術不疎。 不離於道德。 才本王佐,學爲帝師。 間,不必皆從於己出。 進於醫手,方多傳於古人。若已經効於世 竊謂人臣之納忠,❷譬如醫者之用藥,藥雖 明天縱,學問日 心欲言而口不逮,以此自愧,莫知 臨劄子奏。臣等猥以 林 通天下之志。 希哲、吴安詩、豐稷、趙彦若、范祖 侍讀學士左朝 諫之以忠厚。 元 祐 八 年五 智如子房,而文則過; 新,臣等才有限而 三代已還,一人而已。 月七 奉郎守禮部尚書 德宗以猜疑爲術,而 上以格君心之非, 德宗以苛刻爲能,6 日,端明殿學士兼 空疎,備員講 伏見唐宰相陸 論深切 於事 道 蘇 情,言 所爲。 6 無 讀 禹 軾 聖 但 諬 顧 同

> 先。 勸之以 西閣 謂進苦口之藥石,鍼害身之膏肓。 惜名器以待有功,如此之流,未易悉數,可 人心,改過以應天道 用人聽言之法,治邊馭將之方, 6罪己以 用其言,則貞觀 但 德宗好聚 .使聖賢之相 推 私相告言 誠 財, 德宗 可 而贄以散 契,即如臣 好用 以陛下聖明,必喜贄議 得 ·●去小人以除民 而復。 兵, 財 而 主之同 臣等每 爲 贄 急。 以 使德宗 消 時。 退自 至於 兵 患 收 爲

0

論

盡

8

君」。

坡此文之稿,以下簡稱爲《稿》。 衮《梁谿漫志》卷六《蜀中石刻東坡文字稿

文」、《稿》作「學」。 納」、《稿》作「獻」。

仕不遇時」《稿》作「所事 暗

能」、《稿》作「明」。

治邊」二字、《稿》先寫「馭兵」、塗去、注作「治民

道」、《稿》作「變」。

久可致三代之隆」。 "必喜」至「同時」、《稿》作「若得贄在左右 則 此 八 年

蘇 賦 文 集

隅,如見贄面,反覆熟讀,如 뎶 發聖性之高明,成治功於歲 議,稍加校正 今之精英,實治亂之龜鑑 昔 言幽遠,末學支離,譬如 史、諸子百家,非無可觀,皆足爲治。 陛下能自得師,莫若近取 二而推擇。 區 相 馮 之意。❸ 條 唐 晁 論 金董 頗、 取進止。 ,繕寫進呈。**②** 如贄之論,開卷了然。 之對,則孝宣 牧之賢 ·●則漢文爲之太 山海之崇深 諸 臣等欲 與贄 願陛 以致 月 贄。夫六 臣等不 言。 中興。 下 ·置之 取 必 其 聚 難 但 經 息。 勝 能 坐 古 聖 若 奏 以

#### 辨 黄 慶 基 彈 劾劄子

惡,盡言孤立 箚 翰 子 林 侍讀 奏。 元 祐 八年五 學 臣 主 自 一,爲累朝人主所知,然 左 少 月 朝 年 十 奉郎守禮 從 九 仕 日 以 端 來 部 明 以 尚 殿 剛 亦 書 學 褊 蘇 士 此 疾 兼 軾

> 於義 罷黜 明知。 及强買姓曹人 臣。 並言臣有妄用 李定、朱光 須至出 庭、趙挺之、賈易之流,皆以 爲 見 疾於群 李定、舒亶輩 前後相 其 不可不辨。 此。 人矣,然其 然小人非此無以深入臣罪,故其計 小,其來久矣。 庭、賈易等舊説 傳,專用此 今者又聞臺官黄慶基復祖 田 類州 謹具 · 等。 所 間 演讒,及 官錢、失 畫 有 雖 術, 齃 知 自 如 元 臣 朝 朝廷上下, 熙 左。 祐 人 亦以 子之大節者 廷 誹 寧、元 尹 以  $\overline{\mathbb{E}}$ 謗之罪 真 來, 此 察 갩 誣 死 豐 朱 所 姦 罪 間 述 共 誣 光

述罪 逐大 狀,非 奸數人,所行告詞,皆是 、臣先任 臣 私 意 中 所 書 敢 舍人日,適 增損 元降 内吕 值 詞 恵卿 朝 頭 廷 了, 所 自 竄

- 馮 唐 論」、《 (稿)作「漢
- 0 不勝區區之意」《稿》作「 繕」、《稿》作「編」。

任

區

報之心」。

區 謂古 悛; 宰予爲孔子高弟,而不害孔子之聖。 輔郡 先朝 先朝 别 如 頭 朝 前 誹 之忠,蓋 加 轉 孔 解 所 旨 事 執 之純 貶 謗指斥,不 今如鯀爲堯之大臣,而不害堯之仁, 子之聖,不信宰予。 盛 爱 涉 節 政 説,令天下曉然,知 有 繼有 躁輕 無, (責授散 其略曰:「先皇帝求賢若 德之累。 録 先朝,不 則 尚 蘇蘇 臺 始以帝堯之心 矯 自謂無 深惡其人,皆先朝本意 '碭 疑 臣 諫 誣 頌 Ш 改 安 所 官 ,德音猶在。」臣之愚意,以 一之貶。 亦矯誣之甚 劉 過,稍畀重權。 敢 無所忌,故特於告詞内 至於竄 言惠卿 安置,誅 ()負矣。 減 誼 落。 反覆教 唐義問等告詞 逐之意,則已見 罪惡降下 是惠卿之奸, 今慶基乃反 發其 罰 然臣子之意 姑試 至 乎? 重。 (戒,惡 宿奸, 復陳 伯 **示及** 則 - ,既是 鯀 其 餘 當 又況 指 罔 謫之 從 而 時 不 所 上 善 於 詞 以

> 言也。 子誹 淵, 是慶基 之,臣恐陰中之害,漸不可長,非獨爲 盛於趙挺之,而 口 勞來安集」 似此羅織 動 謗指斥 如履 筆 文致 矣。 薄 附 四 何 人言 冰。」此幽 孔 字,便 會 人乎? 子作《孝經》曰 極 「, 則 於賈易。 以 成 云是厲 天下之人, 更不 王之詩也。 此風萌於朱光庭 臣 罪。 今慶基復宗 王之亂 只 : 如如 如 不 其 知 臨 敢 臣 間 若 孔 師 深 開 有 丽

以 漁 人,皆似此罪狀,其事 訶 覆驗。 謗訕指 」、「怨讟」者,意亦指言師 元 百 端 不是臣 、慶基所言臣行陸師閔告詞云: 斥乎? 顯是當時掌誥之臣,凡有竄逐 行,中 四 作。」亦謂 書案底,必自有主名, 慶 基 非 以 獨 之謗 他 臣 閔 人之 也。 訕 而 指斥。 詞, 所謂 己, 何 移 名 之 侵 此 侵 可

「臨」,原作「履」,今從《七集・奏議集》卷十三。

臣罪,其欺罔類皆如此。

此 州任内公使庫 賞,令人告捕 見蒙 尚 <u>|</u>可覆驗 **書省** 慶 基 勘 所 强 所 會 言 惡 少貧 一次,然 賊 臣 妄 人,及 下行人錢物, 用 所 潁 用 逐 州 急將 皆 官 是 錢 還 法 情 外 理 前 此 如 知 支 事

賴,依 備 令依 申 斷 照 後 來 條 任 人 會。 遣 位 來 臣 買 尚 專 田 書省 公 處昏 之 侍從,不欲與之計 轉 得 鍊 地 法決訖,其 臣愍見 運 後 盡 姓 副 慶基 分,却許 司 賴争奪。 及牒本 曹人一 理 使 年州 差官 根勘 日 所 小 言 縣 姓 罪 民 田 路施 勘 契田 ŏ 方與 臣强買 曹 廢之中,託 臣即時 無 依 得 仍 人將 知 舊合是臣爲主 行。 姓 地。 便具 斷 較 意 曹 常 還 曲 元 牒本 今慶 人招 後 州 在得財。 、狀申 價 直 來 親 宜 此 收贖, 一故於 路轉 基乃 服 姓 識 興 事 尚書 非 曹 投 縣 元 運 仍 招 牒 狀 理 臣 係 姓 省。 司 亦 服 既 臣 昏 却 依 曹

> 户 本 部 縣 斷還 可 以 本人, 取 索案 顯 驗 是 誣 罔。 今來 案 見 在

罪,此 覆 刑蔣之翰妄有按舉。 驗 事已 一、慶基 ]經刑部 所 部定 言臣 (奪,不) 公案 在 潁 是失 具 州 在 失 刑 人 人 部 尹 却 是 真 可 提 以 死

黜 以 不 其 名節爲重 能 人。 盡 右 知 臣 竊 臣 料 不 又今來 須至 慶 當 基 上 朝 所 煩天聽。 以 廷 辯 已 誣 論 知 臣 但 其 者 取 、姦妄, 人臣之義 非 進 止 , 臣 而 罷 既

### 謝宣諭劄子

蘇 兼 軾 翰 劄 林 元 子 院 祐 ·奏。 ● 侍 八 年五月二十 讀 學 臣 士 伏 左 准 朝 今月二十二 四 奉 日 郎 守 端 禮 明 日 部 殿 弟 尚 學 門 書 士

墜,便

須刻骨,豈

一獨書:

[紳。❷

庶全

螻

蟻

之

**豈復有今日哉?** 

謹當奉以周旋,不敢

失

題

辨利害於疑似,●則臣已下從二子遊久矣,

之以恕,至仁而照之以明,察消長之往來,

長,而兼有昔人之短。

若非陛下至公而

行

爲之扼腕,千古爲之流涕。

臣本無二子之

識寡,好善闇

人,是以遇鍾會之禍。

當

時

不屈

,是以遭路粹之冤。

西晉

嵇

康,

多

而

何

贖。

伏見東漢孔融,才疏意

廣,

負

軾

生犯

患,垂老困

讒,非二聖之深知

雖

百

死 氣

覺自

零。

伏念臣才短數奇,性

疎

少

/慮,半

孫。

委曲保

全,如愛肢

體

感恩之涕,

7,令臣

且

須

省事者。

天慈深

厚

了, 如

訓

子

下

侍

郎

轍

奉宣

聖旨,

緣

近

來

衆

人

正

相

捃

屏營之至。

謹奏。

軀,以報丘山之德。

臣

無任感天荷聖激

切

試

## 廣 貢舉出題劄子

浩博 經傳 聽。 賦論 兼翰 又須不犯見試舉 得於子史書出,所取者狹,雖聽於經書 禮》、《禮記》出詩賦 於經書出,而不犯見試舉人所治之經者 劄 雜出於九經、《孝經》、《論 院,分經引試 出 如謂引試治《詩》、《書》舉人,即聽於《易》、《春 子奏。 ,有可選 題,於子史書出。唯不得 林 詩賦論題。 元 侍 祐 八 讀 年五. 學 臣伏見《元祐貢舉敕》:「 擇,久而 論題之類。」臣竊謂自來詩 引試治《易》、《春秋》舉人,即聽於《周 士左朝奉 月二十六 可 人 以 所治之經。 不窮。 就 郎 别 (日,端 守 經 語 於老莊子出。 今詳上條 出 禮 》**,**注 如是 題 部 明 中 尚 殿 在 文字 諸 書 學 至 賦 一, 止 秋 如 京 亦 詩 蘇 如

原 作 辯」,據郎本、《七集 奏議集》卷十三

原作「肯」,據郎本、《七集 奏議集》改

蘇 軾 文 集

非 史並 之風,不爲無補。 以 稱 外 録 人 中 不 賦 朝 本 F 州 全之文掩其 下 全 廷 經 所治之經,但須於所給印紙 九 論 出 軍 待 題 恐 舉 經、《論語》注 只 文,並 土 ,許於九經、《孝經 X 非 作 が所記 之意,本只以 經 場 注 久 所不知以 均 取進 引試 八之法。 疏 中雜 不得漏 正 更 即 無 出 爲 工 臣 須 \*<u>`</u> 進 拙 可 落 今 回 更 避 退,於忠厚 爲 相 避 論 則 不 題 一兼足 度, ~, 只 去取,不 避 語 本 目 經 見 欲乞 下 如 以 試 與 備 子

#### 申 唐 正 一史狀

防 翰 同 五朝 劄 顧 林 侍讀 子 臨、趙彦若狀申,昨 元 寶訓 祐 奏: 學士 八年八月 》,將 三臣 左 欲 每 朝 旬 了 + 奉 獲 畢, 九日 郎 侍 准 守 自 經筵 來多 禮 内 端 降 部 明 用 竊 宰 殿 尚 前 見 臣 書 學 代 進 吕 蘇 士 正 讀 大 軾 兼

> 讀,即 已鈔 治。 乞指揮 事 史 讀 ? 進 迹 節繕 鈔 取 讀 未審 進 讀 節 謹具 竊 寫,稍成 講官 岸 成 與 謂 篇 (申尚  $\stackrel{\sim}{\sim}$ 其 同 奉御 五朝 (間有不 遇讀 將 書省 卷帙,❷於將來 漢、 寶批 寶訓》並 日進 唐 足 伏候敕旨 依奏。 上 正 呈敷 |煩聖覽 史 進 内 演, 爲 右 開 可 復 軾 庶 講 以 者 等 裨 間 日 進 進 聖 今 讀 日 欲

#### 朝 辭 赴定 州論事狀

狀奏。 塞。 亂之極,至於近臣,不能自達。 兼 天地交,泰。」其 翰 至治之極,至 林 元 侍 祐 右 讀 臣 八 學 年九月二十六 聞 士左朝 天 下 詞 於小民,皆 . 治 曰:「上下交而 奉 亂 郎 日, 出 新 於 能 知 端 《易》 下 定 自 明 情 通 州 殿 其 之 曰 蘇 學 志 通 大 軾

0 上, t 集 奏議 》卷十三有

帙」,原作「秩」,據《七集·奏議集》改。

河二 國之形 同。 明 君 謂 通 則 衰世昏主之事,●只如唐明皇, 耳 也。 皇不知,馴致其事,至安禄山 也 不 鮮于仲通以二十萬 而 交, 又 ,而天寶之末,小人 自 明皇猶 上下不交,則 曰 已具矣,可不 [壅蔽 丽 : 天 下 天 則 以 地 爲 無 其 不 邦 忠 漸 交, 雖 畏 臣 至 人全軍陷没於瀘南 於此 夫 有 哉 八在位 否。 無 朝 此 也 無 廷 邦者,亡 其 下, 下 中興 臣 君 他 反,兵已過 詞 不 臣 下情 情不 刑 曰 敢 措之 復 國 而 通 不 之 引

蔽爲 者祥 路 以 除 帥 論 安 爲 奏,陛下 執 撫 急 除 非者,以 上殿面 政 臣 務。 使,沿邊 之後,聽政 在 臺 經筵,數論 諫 亦當 臣雖 辭, 外,未嘗 爲 而 重 垂簾之際不得不爾也。 垂 不肖,蒙陛下擢 陛下 之初,當以 地,此爲首冠,臣當悉 意 此 龃 聽 事,陛下爲政九年, 獨以本任闕官迎 納。 群 臣 祖宗之法, 接,然天下 通下情、除 爲河 北 ·木 雍 邊 今 西

> 聽政 闕官 也 見於此矣。 之士,皆謂 衆,不過  $\overline{?}$ 衆 ·; 自 之初,將帥 爲 臣 詞, 若 有 陛下厭 伺 更支十 轉 降 候 禈 旨 E 不 使 拒 殿 聞 日 · 得 權 **"**,不 臣 糧,有 人言,意輕邊 攝 不 面 , 無 過更留 令 上 天顔 何 所 不 闕 殿 干 而 可 事 事 去 日 此 其 何 有 迎 本 而 兆 使 識

行健, 得 祖 遠 謂 政 下 震,相見乎離。」夫聖人作 (,此朝 聽政之初,不行乘乾 小臣,欲求自 親 宗臨遣將 近。 殿,於臣之私 臣 君子以 l備位 廷有識所以驚 方當 講 帥 自 故 讀, 戍邊,不 通,亦難矣。 强 事 日 不息。」又曰:「帝出 别 侍 而襲 無 . 得 帷 疑 出 利 行 幄,前後 丽 震 而 害 見而 垂簾 憂 萬 見 《易》曰:「 慮 丽 物 離 於聽 也。 不得 行 之道 覩, 五 年, 已 今陛 況 政 臣 之 天 平 疎 可

卷十四改。 《卷十四次》七集·奏議集》 《衰」,原作「哀」,據郎本卷三十四、《七集·奏議集》

九二〇

不得對之故,便廢此言,惟陛下察臣誠心, 始者本俟上殿,欲少效愚忠,今來不敢以 於今月二十七日出 始,天下屬 加採納 目之際, 門 所 損 非 聖 敢求登對 德 不 小。 然 臣 臣 已

無心 盡之。 之形,5 譬之。 往 能 明,• 寄於動,而立觀者常静故也。 水濱之立觀者常見之。 然後應物而 不過數年,自然 %法令, 敗之? 故也。 兩宫間,❷寒心者數月,終身不敢復 處静 古之聖 雖國 夫操舟者常患不見水道之曲折, 何則? 黜 而 漢景帝即位之初,首用晁錯,更 削諸侯,遂成  $\perp$ 若人主常静 一人,將 作,故作無不成。 觀 有所未盡 動,則 知利害之真,識邪正之實, 弈者有意 有 萬物之情,畢陳于前 爲 而 也, 而無 何則? 七國之變。 於争,而 必 袖手旁觀者 心,天下其 臣敢以 先 弈碁者勝 操舟者 處 旁觀 晦 景 小小事 而 孰 者 常 負 身 而 觀

> 壽 雖盡南山之竹,不足以紀聖功,❸兼三宗之 恨,陛下 實 遲速 正,以三年爲 聖智絕人,春秋 悔 切未有所爲,默觀庶事之利害與群臣 變而復安。 於立 相爲 兵 兵。 (,然後 ,不足以報聖德 連 如孝文帝者,不可同年而 武帝 安危小異,然比之常静無心,終始 事,未有不悔者也。 富民侯。臣以 禍 結 ·亦無 應 ,三十餘年 即位 物 武帝之悔遲,故幾至於亂。 期。 而 悔,上下同享太平之利。 未幾,遂欲用兵 作。 鼎 盛。 俟得利害之真,邪正 此知古者英睿之君,勇 -,然後 由 使既作之後,天下 臣願 此觀之,陛下之有 景帝之悔 下 語矣。 虚 哀 心循理,一 鞭 痛 撻 詔 今陛下 速,故 四 之邪 夷 Ż 則 無 不 雖 室

0

明,

原

作「光」,據郎

令七

兩」,郎本作「東

<sup>0</sup> 足」,原作「是」,據郎本、《七集·奏議集》改。

爲 惟 憂太早,●不患稍遲,亦已 明 矣。

廟 安 輒 恐急進好利之臣,輒 藥、覬萬一之利 中醫。」雖未能 治 穩 進 ,冒死進言。謹録奏聞 之利,天下幸甚。 ,實無大病。 萬 此 臣又聞爲 全之策,勿爲 説,敢望陛 政如用藥方,今天下雖 盡除小疾,然賢於誤服 古人云:「有病不治,常 而 得 下 不救之禍者遠矣。 悪 深信 勸 臣 藥 陛 不 ,伏候敕旨。 所 下 古 勝 誤,實社 語 輕有改變, 忘 且 身憂 守 國 稷 中 未 之 宗 故 醫 臣 惡 得 大

### 乞 降 度 牒 修定州禁軍營房狀

伏 侍 見 悉 讀 定 數 學 元祐 年之間,持仗人庫,前後盗銅 州 士 請舉一二。 左 八 近 年 歲 朝 十月 軍 奉 郎 政 日 不 知 如甲 端端 嚴 定 邊備 州 明 仗 蘇 殿 庫子 軾 學 小 士 狀 弛 軍人 鑼 奏 兼 + 事 翰 張 不 林 臣

> 軍城 之類,未易悉 庫 有逃亡,聚爲盗賊,民 人百餘户,明出 税,住坐者 面 字 百餘 `監官明 《寨人户 軍 件,銀二百 人田平等,二年之間,盗 知 採研 百 數。 ´¨; 並 八 牌 禁山 不 + 是致法 膀,召軍民 五十餘 申 餘 舉 家。 開 令不 種 兩, 城 又 爲 賭 单 有 行, 恣 田 博。 有 帳 帳 一、公然 意 開 設 設 典 若此 櫃 什 什 賣 H 坊 起 物 物

院次。 等四 侵耕已 軍 逐次舉覺,依法 全、田平等,皆以 峻治,但 民 自 + 臣 開 到任 成 此 家 因事行 櫃坊人,出 稍 永業者,别 陳首改業 知 以來,備 有朝 勘 法 付獄 斷張德等九人。 廷法令,逃 無 作 見其 榜 按治。 所貸捨。 其 召 擘 餘 Ţ 事 劃 告 並 處 侵斫 然 走 捉, 軍 置 其 衰 出 其 多 禁 欲 申 「州界。 少 王京 山 樞 件 驟 密 年

原作「旱」 據郎本、《七集 奏議集》改

不安居

<sub>Մ</sub>

盗亦稀。

使孫貴 甚者 負。 枷 計 困 飲 體問 外 蓋 號,例皆暗敝,妻子凍餒,十有五六。 諸 材 ,輕生犯 博 項 造 植 庇 誉 根 己 怯 踰濫 身既不 得、蓋是將校不法,乞取斂掠、坐 風 ,無以警衆 臣 動 椽 **~**,到 勘 贓 弱 雨 檢 近 柱 不 去訖。 令所 九十 誉 法,靡所不 非 據 得。 人工因循,多是兩 腐 ·正,難 三事不 四 惟 爛 逐 辟 人 革 箇 久 官 之儀等又點檢得諸 幕 貫 弊。 不修 月 大半無 以 回 官 · 禁, 雖 八 ?,前後斂 戢 申 · 至。 李之儀、 百文。 已體 **一章**,蓋 下,是致 瓦, 上禁 若 量 掠 是 上 牀 一 椽 不 已送司 得 元 小 軍 諸 按 雲 敏 屋 初 翼 發 無 軍 創造 損 灶 理 指 其 不 放 臣 誉 偷 徧 壞 院 貧 之 然 債 太 尋 軍 地 往

絲 毫 無 臣 貸 既 目 即 覩 須恤 媮 弊 其 理 有 合葺 無 同其苦樂。 治 犯 法之

> 之中, 估見的 聞 到,更合修 修營房間 營,逐一檢計合修去處,具合用材 官石异躬親 李巽、錢春 可 如後。 '身居· 上漏下 確錢 大厦,而 架 卿、 蓋營房一十六間 材 再行 數。 濕,不安其 木 劉世孫將帶 使士卒終年 等 覆 仍差本司 檢到 並 同 ';除與 外, 家? 準 又據 處 謹 備 逐 輒 於 匠 具 勾當 本 將 偷 已 料 畫 徧 官 差 所 地 供 詣 檢 檢 將 破 料 合 奉 官 屋

估 共 十文省。 定 到,計 四 州 住 營馬步 使價錢 泂 百 北 第一將, /禁軍 七間,據合 萬七千六 人 指揮 檢計 到本 百 苚 合 九 材 行 將 貫 植 修 下 物 蓋 百 料 誉 所 房 管 紐

州 住 誉 河 馬 北 步 第 /禁軍 將, 指 檢 揮 計 ''**,** 合 到 本 行 修 將 蓋 下 誉 所 房 管

定

文省。到,計使價錢一萬五千五貫二百八十一到,計使價錢一萬五千五貫二百八十一共三千七百二十間,據合用材植物料紐估

估到,計使價錢五百五十八貫 十八間,並合添井眼 振武第四十五指揮,合行 一、檢計到不隸將下 ,據合用 所管 修 煮 材 定州 一百六十 誉 植 房 物 誉 料 百 步 紐 軍

七十四貫六百一十二文省。六間,據合用材植物料紐估到,計使價錢更合修蓋第一、第二將下諸軍營房共一十更合修蓋第一、本司准備勾當供奉官石异檢料,

文,欲乞就整支降。

賦窘 房,不可不於今年秋冬便行修蓋 捍,所屯兵 雖當 路要重,而定武控扼强虜,又爲 迫,必 破 右謹件如前。 係省錢、又緣 《難支破。伏望聖慈深念河朔 馬 ,理當加意葺治。 臣竊 河 北轉運司,近 謂 件合用錢 其上件 河北 欲乞特 年 屏 爲 財

> 磚瓦 本,繳連在前。 軍合蓋營房間 有逐將及本司 出 本司召人出賣,一面置場 貼黄。 聖 將前項檢計 道數外,計剩錢 今來所乞上件度牒一 ,和雇人匠,節次 斷,支賜空名度牒 勘會度牒每道見賣錢二百貫文, 到的確 架材 准 謹録 備 五. 植 奏聞 勾 十二貫二百五 物 不 當 物 料錢數,契勘合用 百七十一道,❷係 百百 ·住修 ,伏候勅旨 料等細 官石异 和 七十 買 蓋 材 檢計 數文 施 料 行。 '; 燒 道 十八 狀 到 諸 造 所 四 委

「五百」、《七集·奏議集》作「三百」。

錢二百貫」六字。 集·奏議集》補,並據以删去本段末自注注文「每道「每道見賣錢」至「上件度牒」十七字,原脱,據《七

#### 九二四

# 乞增修弓箭社條約狀二首

猝。 既 肅,斂掠乞取,坐放 大壞,不庇 儀、孫敏行 據 用,武藝軍裝,皆不逮陝 諸 狀 兼 大率貧窘,妻子赤 坐食,理合富 居安慮危,有國之常備,事不 例 先 節目 郡 奏。 翰 皆飲 違法 林 元 今者河朔沿邊諸軍,未嘗 軍政 邊 臣 院 祐 博 切 不 侍 防事勢,三五年間必 八 親 風 少 公,則 兒 年 逾 讀 入諸 雨 强。 弛, 濫 北 學 十一月十一 虜 士 將 露饑寒,十 誉,按視 體 軍 債負 臣 三事 久 左 驕卒惰,緩急恐 問 政 近遺 和 朝 其 無 西 ,習以成 · 不 正 奉郎 、故、蓋1 緣修 河 曲 日 所 河東遠甚。 朔 ·, 有六七, 折 素講,難以 辟 知 端 舉 審知 無警急 無 出 一是將 幕官李之 雖 定 風 明 事 征,終 是 所 州 殿 屋 不 禁 校 禁 沿 以 將 蘇 學 軍 校 軍 车 軍 不 舍 應 然 口 邊 雖 軾

> 之道。 賊 不 已覺衰 免 寒餓 臣 少,年歲之間,庶革 既 自 到 輕 任, 犯 法,動 漸 次 申 輒 嚴 逃亡, 此風 軍 法 此 逃 豈 軍 久 安 盗

喘汗。 兩陣, 也? 論 小 作,使耐辛苦, 輒 實、形格 兵,止以 致生事。 寇, 也。 與 妻拏泣别 然臣 猶 驕惰既久,膽力耗 即 臣 壯 當 勢禁之道耳。 須 臣觀 岩嚴 竊謂沿邊禁軍 専用 雜 國 威 用禁旅,至於平日保 ~;被甲 祖 則 加 丽 極邊土人,此古今不 宗以來沿邊 訓 此 消 聲 練,晝夜勤 ·持兵,行 敵謀,蓋 先 若進取 -緩急終 馳, 北 雖近 數 要害,屯 所謂 習,馳 深 虜  $\widetilde{+}$ 礻 戍 疑 里 可 境 先 畏 短 用 易之 備 交鋒 聲後 聚 驟 即 或 坐 便 重 何

其 晁 曰 錯 徙 與 遠 漢 方 文 以 實 帝 畫 廣 虚 備 邊 策, 其 二 曰 不 過 制

<sup>●「</sup>正」、《七集·奏議集》作「止」。●「猝」、原作「狩」、據《七集·奏議集》卷十四改

甲 於官 遇 賊 事,謂之頭目。 相推 衡等, 賊 殖其 山 爲弓箭社 邊 刀 以 戰 鞍 有 及 來無 州 坂,飲食長 得 + 備 ,虜甚畏之。 府。 馬 緊急,擊鼓 本土强盗 擇家資武藝衆所服 家、砥 其 軍 餘 敵 專務 (用,卒 ,常若寇至, 所得,故 萬 自澶 ·,不論家業高下, 分番巡 寶元、 整 招 礪 技 無 刺 淵 其 緝 不 帶弓而 集衆,頃 與北 元 成 宣 講 人 蕃 慶 邏, 獲,其當番 昊復臣。 功。 漢 毅、保捷二十五萬 唇 蓋親、 和 者 鋪 虜 以 (熟户弓箭手,所 中,趙 非 鋤, 范仲淹、劉滬、种 屋 同。 者爲: 來, 戚墳墓所在,人自 刻 相 道。 户出 佩 可 百姓 今河 元昊反。 望,若透漏 私立 人皆有重罰 社 劍 致千人。 頭、社 藩 圃 自 朔 賞罰, 樵,出 籬 相 西 既 路 副 又 專 以 屯 成 北 自 嚴 録 結 被 封 世 兵

一十餘人,在兩界首不住打劫爲患,久不體問得元豐二年,北界群賊一火,約

賞罰,奏得仁宗皇帝聖旨,見今具 以 帥 箭 申 並 冉 趕 昇 敗 爲 定 社 奏 冉 萬 趁 及 獲。 朝 爪 州者,如 人户 長 昇 射 捉 廷,並 牙 中 行 有 亦 殺 耳目 · 驍勇 賊 冉捷 北 斫 直至: 頭 平 到 韓琦、龐籍皆加意拊 已於班行 笑,部! 之用。 敢戰,緩急 徐 軍 第二 北界 德,冉 大 悲村 賊頭 領社人, 地 而籍又增損 内 捷 名 本 (賈貴。 .安排。 可 趕 北 社 用。 上, 當 與 頭 北 斫 山 目 本路 先 存 循 獲 峪 賊 冉 其 朝 此 内,被 其 首 鬭 萬 約 名臣 保 知 弓 束 冉 明

旨, 月四 甲 並 熙 寧七 義勇之類 應 看詳 日聖旨, 昨於熙寧六年行保甲法,準當年 兩地: 年, 上 供 一件兩 再準正月十九日中 ,●並依 强壯弓箭社並 輸 人户,除元 次聖旨 舊 存 留外, 除 有弓箭 兩 行 地 更不 一廢罷。 書劄 供 社 編 輸 子 十一 村 排 强 又 至 保 壯 聖

● 「並」、原脱、據《七集·奏議集》補

勢決 弓箭 呼,勞費失業。 寅 向 本 夜 前 件 不可 防 用 及 社 指 依 托 命 14 兩 揮 舊 廢。 捉殺。 顯 置弓箭 外 丁以上人户 公私 盗 見弓箭社實爲邊防要 但 賊 今雖名目具存,責其實 相 以兼充保甲之故,召集追 社 見今州縣委實全藉 ,並皆驅使弓箭社 承,元 ,其餘並 兼 充保甲,以致 不 廢 合 罷 廢 罷。 只 (用,其 此 逐 是 雖 等 捕 今 有

不

逮往日。

北 皆 甲 祖 以 使 盡 鞍 賊 州 如 有 其 業 備 用。 豈 之何 縣 北 馬 Ш 甲 臣 産、官 竊 賊 敢 逐 馬, 與 驚劫 近日 輕 處 謂 、陝西、河 以驗禁軍弓手,❷皆不得力。 今 皆 犯 陜 無絲毫之給,而 河 有弓箭社 邊 霸州文安縣及真定府北 人 西 朔沿 寨,如入無人之境。 户 河 ,捕盗官吏,拱手 東無異,苦樂相遼 邊弓 東弓 人户致命盡 箭社 箭 手, 捐軀捍邊 。 皆 官給 是 相 力 臣 一,●未 人 良 向 户 則 己 田

> 畏,無 以 晝 百 别 具所乞立法事件 後,更敕將吏常加 極 設賞罰,以 戒 生戎心 立 訖 夜巡邏,盗邊 十八村六百五十一火,共計三萬 面 邊州定、保兩州 飭 + -條 1,輒復 七 本 由 縣 目。 路 生 人。 ,而事皆循 將 示懲 拾 事 寨,内管自來 欲乞朝 吏, 用 若朝 勸。 小寇 龐 \*; 有 申 ,安肅、廣信、順安三軍 籍 -嚴 利 拊 廷 廷以 今已密 舊,無 來即 舊奏 無 賞 循,使三萬餘 立法,少 如 罰 害 左 團 約 爲 所改作,虜 擒獲,不 較 結 切 加 束 可 意 行, 弓箭 取會到 賜 拊 可 優異,明 加 人分番 立 至 一千四 社 循 增 法之 不 忸 五 本路 其 損 疑 怵 百 謹

事 有 件 除 同,須至 一、看詳 見可施 少 嘉 行外,有當 有 祐 增 四 年 損 龐 今參 時 籍 事 起 體 請 與 到 已 今 獲 下 來稍 項 朝

<sup>) 「</sup>驗」,原作「驕」,據《七集・奏議集》改。) 「樂」,原作「藥」,據《七集・奏議集》改。

箭社 、選擇强 行 體 人 例,不拘物産高 P 壯 但 一丁,充弓箭手。 係 久 來 團 下,丁 結 地 分, П 衆寡,並 並 依 見 每 今

一一奏聞。 貼黄。所謂軍政不修,皆有實狀,不敢

連在前。 又貼黄。所有龐籍奏得聖旨,已具

録

繳

人户。 萬等不 殺 又 %北賊, 貼 黄。 係 係熙 前 兩 項所奏元豐二年冉萬 地 寧六年朝 供輸,是合行 旨廢 罷 廢 後, 罷 地 兼 等 分 冉 捉

乞且 雖似 又貼 法之初,人心不安。 黄。 亦止一丁,所以今來不敢增損 二 切 不均,緣行之已久,下等人户無 並 選 社 有物 仍舊,若上户添差人數,即 高强人户,與下等各出 長、社副 力或好· 録録事各 又緣保甲法 X 材 事 一名 藝 衆 丁, 所 爲 詞。 頭 恐 推 雖

> 盗 切 服 賊 提 者 舉閱習 方 時不得 得 差 武藝,務 補。 勾 集 農 令精 事 餘 暇 熟 齊 委 頭 如 目 常 無

捕 每 報盗賊。 充急脚子,並輪番 百 捉 人 社 者 者選二人,不 及 ,並申官乞行嚴斷 百人以 如探報不實,及稽留後時有 上,選 滿 一月一替。❸ 少壯 五 十人者 者三人, 選一 專令探 不 滿

每次罰 到,●及到而不入賊者 急脚子勾唤。 火,地理稍遠,不聞鼓 須聲鼓勾集。 逐社各置鼓 錢一百。 一面,如有事 若强盗 若尋常社 如 社 入村, 聲去 ,並罰錢 内 内 虚,即 聲 故 兩 及盗 鼓 村 鼓 不 貫 勾 火 共 到 賊 (急差 )唤不 爲 "; 並 如

<sup>「</sup>法」,原脱,據《七集・奏議集》補。

❷ 「社長社副録」、《歷代名臣奏議》作「長社副:

<sup>「</sup>輪」,原作「輸」,據《七集•奏議集》改

<sup>) 「</sup>聲鼓」、《歷代名臣奏議》作「鼓聲」。

犯者,並送所屬嚴斷。三經罰錢一百,一經罰錢三貫,而各再

折充。 免一 支錢二十貫。 如不足,並社衆均 更支錢二貫。 仍與免户下一 如 能 年。 捉 如獲竊 獲 無差徭可免者,各更支錢十貫 强 盗一名,除 如兩 以上 盗一 年差徭。 備 次 一錢,用社内罰錢充, 名,除依條支賞外, 捉 依 獲 如三次以 依 條支賞外,更 前 (支賞) 上,更

乞行勘 棒 錢二百。 弓箭不堪 П 逐 社 條。❶ 占各人 内單丁及貧不及辦者,許置鎗 斷 若全然不置者,即申 一施放、器械雖有而 ( ) 置弓一張、箭三十 内一件不足者,罰錢 不 ·精,並 隻、刀一 送所屬, 了五百。 五百。 及桿 罰

抄 逐社每夜輪 上當 ,仍本縣 巡人姓名。 每季給曆一 差一 十人,於地分 有 不 道, 到 委本 者,罰 内 社 往 錢 頭 來 巛 目

> 遣。 因 勒 百 依 便 點 其所 條 如 檢 限 本 外 給 捕 地 不得非 曆,除 分 捉 失賊,其 限 每季 滿不獲, 時 取索 ,納换 當 巡 及 送 人 官量 知 委 佐 本 下 事 社 行 鄉 監

百文。 本社頭目及鄰近同保之人,違者罰錢三弓箭社人户,●遇出入經宿以上,須告報

者 給絹 社 |減 内 半,並以 遇 ´', 更 捉 殺 給 賊 係省錢充。 錢 盗 十貫 因 鬭 付其 致 死,除 被 依 傷 條 官 重

管,須 社 給破使,即 内 所 遇 納罰錢、令社長等同共 社 木 會 得衷私别作支用 合行酬賞者, 方 得 封 記 支 主

已上並是龐籍起請已獲朝旨事件。便點集器械,非時不得亂有糾集搔擾。

社

内

遇

豐

|熟年,只得

春秋二社聚

會,

因

<sup>「</sup>户」,原脱,據《七集・奏議集》、《歷代名臣奏議》補「桿」、《七集・奏議集》、《歷代名臣奏議》作「捍」。

衷私施行,今參詳增損 自 煕 寧六年聖旨廢罷,後來 《修定。 民 間 依 舊

似,以 顯無 憂恐。 守禦,又免教集之月,村堡空虚以生戎心, 深爲 應弓箭人户,今後更不充保甲, 來弓箭社人户 本爲恐其因循,武藝生疎,緩急難用。 司不 數者,即 每遇 守護 此 (守望,常帶器 勾上,❷村堡空虚, 巡 :妨礙。 患苦。 敢放心,以致化外賊 冬教,内有本社弓箭人户見係保甲人 檢縣 骨 戦闘 一、弓箭社人户,爲與强虜爲鄰, 又人户勾集彌月,諸般費用 肉墳墓,❶曉夜不住巡邏 須 勾 尉,全藉此人爲耳目肘臂之用。 爲 而使人户稍免無益之費,專心 臣竊謂 生,寢食起居,不釋弓馬, 上 既處邊 械 ,其勢無 月教閲。 保甲 即皆生心窺伺,公私 塞, 人户,每年冬教, 盗 與北人氣俗 由 其稱捕 ,既知逐社 I生疎。 仍免冬教, ~探伺。 不少, 盗, 欲乞 各自 出 相 今 官

> 公私 却 令充本社守闕 安 枕 爲 利 不 頭 淺。 目 其 減 罷 保 正 長,

並

動

小利 箭社 十六文,所獲 到本路州軍所免折科錢物數目,●比 價 輒 苦樂不同,❸理 大 例,每歲剩費錢七千九百九十八貫 人户,並免兩税 罰錢科罪及均出賞錢,顯 、弓箭社人户,既 可行無疑。 精 鋭 合稍 可 折變科 ·用民兵三萬餘人,費 加 任 優 透漏 配。 異。 見與其 失賊之責 欲乞 今已 之 取 應 餘人 和 五. 會

買

欲乞立定年限,每勾當及三年, 膽之人,責 、弓箭社頭目, 以 齊 衆保 境 並 是 亦 鄉 須别 村 有 如 加 無 旌 透漏 力 勸 心

臣

<sup>0</sup> 户」,原脱, 護」 原 據《七集・奏議集》、《歷代名臣奏議 奏議 集》、 歷 名

户」,原作「之」,據《七集・ 奏議集》改

目」,原作「日」, 奏議集》改

限,亦 以常格論賞者,即委自本司奏乞録用。 相度。 免本户 及三年 申安 私 撫 罪 與比類 差徭 無 情 如 司 委 給 重 E 與 者 件 是卓然顯效,雖 施 1,委本 内别有功勞者,委自安撫 公據,公罪杖 過 行。 犯,仍與保明給公據, 縣令佐及捕 若更有大段勞 以 未及 下 盗 聽 上件 官保 贖 績, 年 與 又 明 難 司

所管 處 不至 移易 奏請 托 自相 屬 有 社 ·之處,行之已久,北虜不疑。 田 並 官司 團 田 張 五百八十八村爲定。 地分及增添團結去處,永遠只以 各據户眼 、弓箭社地分,本係人户私下情 地, (皇生 産 結,皆是緣邊之人衆共 是因舊略加約束。 常切 者,不得緣 亦許 事。 鷽 收入差充弓箭社 定差,或外來人户 如本地分内人户分 此 帶免别 所貴事事循舊, 今來不 相約要害 處 所以 户。 折 典 可 若 /今來 買 煙 更 龐 願 有 防 兩 到 析 籍

> 本社 貼 充保甲而不充弓箭社人户者,今來 差充,其弓箭社 虚名 黄。 一内人户,更不 「, 即 保甲 非幸免。 - 法,須 一丁以 是 充保甲,只是 主 户 上 並 兩 丁 差 即 以 減 無 上 所乞 罷 方 始 重 己

廷欲知其實。 户,元是有 十九村係兩 又貼黄。 人户並是一心捍邊可信之人。 過來計會本縣收衆户抱 弓箭社五 些小 地供輸人户。 虚 名 百 税 八十 賦 八村, 脚 勘 自 供賦 來 北 切  $\vdash$ 内 界 慮 件 有 其 差

冬教, 不惟使人户競勸,亦所以 有武藝膽力出衆之人,即 緩急易爲驅使。 即須委自安撫 、今來既立 法整齊弓箭 今來會到 司 逐時差官按視, 致朝 須 與 社 轄 廷 例 下 及將帥 人户及 物 兩 激賞 州 恩 内 免

本路 每年 件錢 賞,合用錢一千五 軍弓箭 數既 數 回 破五千貫。除上件錢數外,其餘並 今來既免冬教,即 . 易庫見在錢貼支。 與安 多 社 ',上件錢數微少,支用不足,欲乞 人 撫司,●爲上件激賞之用。 户 兼 充 百 八十二貫七 保 保甲司 甲 者 却 每 年 合 百 出 冬 八 備 十 教 以 但

之利 止是 保之 衆緩急可恃。 不足於守, 役,虜自是入寇。 五千九百餘人,分屯八州軍,若有警急, 可 教 保。 相 間, 有得於官,每歲所獲,按賞例物,不 一月 右謹 一月之費,一旦驅之於戰 傳,結髮與虜戰。 山 惟弓箭社 件 開 武藝無緣 而沉戰乎? 如前。 臣竊謂保甲皆齊民也,集 Ш 平, 見今本路只有戰兵二萬 人户 臣竊見西山之下,定、 無 精熟,又平時 陂 , 所處皆必争之地, 若朝廷許依臣 論者或以保甲 塘 之險, 守死 無 澶淵之 地 絲 所 償 之 尚 毫 教

> 者也。 地圖 乞,少 聞 隨狀進呈。 教所省按賞例物數目,繳連 數,及免折科每 事件,兼取會到本路 廷 罪免役,歲以 將 ,伏候敕旨 加恩意 有 面,帖出 今録白 以 伏 優 五. 異 則此 望 到 接 年和 十 其 聖慈詳 嘉祐四 連 人, ·緡賞 邊 兩州三軍弓箭 買 萬餘 面 費 其 既 年 酌 及逐 用錢數, 尤 免 人,真. 雇 施 異者 在 折 行。 籍 社住 前 科 奏 遠 謹 坐 仍 并 獲 深 社 間 録 畫 免 火 聖旨 去 可 致 復 奏 覤 到 冬 恃 朝 贖

庫 千九百九十八貫五 貼黄。 錢 司 、貼支保甲、❸按賞錢爲五千貫,令安 支用計 所乞免折 費 錢三千 科 十六文,所乞以 却 行 四百一十七貫二 和 買 剩 費 回 錢 易 七

<sup>1: 。「</sup>司」下、《七集・奏議集》有「爲上件錢數與安撫司

<sup>「</sup>異」、《七集・奏議集》作「免」。

<sup>「</sup>貼」,原作「帖」,據《七集•奏議集》改。

利 酌。 戴,願效死而不可得矣。 錢,與本路被邊州軍添雇 遠必大段得力,更賜擘畫錢 若朝廷深念北邊事大,此三萬餘人, 近 弓箭社人户,並與免役。 就,或於近裹 於用,未足以起士氣,但臣不敢多乞耳。 百 五 地 一貫二百六十八文。 無害,經久可行,保明文狀在本司 一十二文,共計錢 州軍官吏,相度利害,尋皆供到有 又今來所乞事件,先已密切下本路 州軍 - 趱那 一萬一千四 所乞至微,恐不贍 寬 則人情 諸 更乞朝 剩 色役 物 免 役六 應副 百 翕 廷 訖。 然 詳 其 色 歸 成

户

利 害,於今月十一日入遞去訖

北

背落草 昨差往 燕京 頭 平軍申據勾當事人李堅等體探得❸, 火,●約百五十人,❷不住打劫。及又據北 亦 近年不熟,是致 北人契丹四哥探報,北界爲 靼、朮保之類所叛,破軍殺 未 家丁往招州以來,收殺术保等國,及爲 君市等村乞食,切慮來南界别作過 可見其 人訪問事宜,雖 東北 見 臣自到任以來,不住令主管衙 的實,然去歲之冬霸州文安縣被北 应 西北路去者兵士并百姓等,近有 + 略。 白 ·餘人、馬二十匹、見在狼 浮 大抵 圖 朔、易、武州皆有强 虚實 淀東惡 北 虜近 難 明,然前後參驗 山 將非 歲 差發兵馬 内有强 多 爲小 賊 前 國 賊 山 北界 及 近據 引 犯。 . 達 西 逃 兼 到

林

侍

讀

學

士

左 朝

奉郎

知

定

州

蘇

摊

以狀奏。

元

祐

八年十一

月日

端明殿

學士兼翰

雖

右臣近奏乞脩完極邊弓箭社條約

,已詳具

又

<sup>0</sup> 「百五十人」、《七集・奏議集》作「五百十人」。 淀」、《七集・奏議集》卷十四作「碇」。

<sup>0</sup> 申」,原作「中」,據《七集・奏議集》改。

箭 已去,臨去説與舖兵:「 賊 打 賊 手 六 劫 於 殺 七 去 及婦女七八人,及捕 人 近 年 十人,劫 劫 又訪 八月、今年二月兩 物 朝 聞代州 掠本 廷 己 堡居 知 胡 我只在你地分裏, 其 谷寨 盗官 人財 詳 次 莎 被被 及 會合、北賊 物、殺 泉 北 真 堡 賊 定 傷 有 群 府 北 衆

事 生事 及吾: 未 捕 民 盗 鄰 小 T,名 必 盗 無由安居,亦恐更生意外之患。 賊充斥, 境多故,實中國之利,必 或 獲,而 境。 官 以此 不張 調發 臣 更加 吏帶領兵甲,曉 再 若邊臣 數事參驗,顯見北 皇,其、 居民先受其 虜自不 頻併,民 !三思 意 拊 實 坐觀,不先 慮, 循 能制,其餘波 不堪 可 激 惟 用。 勵 、擾,又 夜 有 命, ,其人決 出 整葺 無渝盟之憂, 若早 聚爲 虜見今兵困 事 入巡邏, \ 或緣 設 末 · 獲 弓 盗 備, 、流,必 可 若 箭 朝 此 賊 使, 社 引 則 督 則 施 惹 賊 邊 迫 延 於 雖

> 奏聞 明 賊 特 望 賜 ,伏候敕旨 風 知 詳 酌,檢 畏 不 敢 會 於 前 地 奏, 分 早 内 降 作 指 過 揮 伏 謹 乞 録 聖

其詳。 胡谷寨 貼 黄。 本路 主。 副 家 總 書 管王 報 光 光祖 袓 臣 有 所 男, 以 備 見 知 任

## 乞減價糶常平米賑濟狀

待

更

來打赤岸

村。

食 難 累 放 以 會元 侍 ~,秋税 上。 既 路,雖只是雨 讀 施 有人户披訴乞倚 行。 祐 學 紹聖 非 只緣有 士左 八 内定州只放二分。 河水災傷,即 年,河 元年 今體問得春夏之交,人户委是闕 一朝奉郎 IE 司 水爲 北 月 出 諸 日 閣,又緣已過 知 納之吝,不 路並 害、然其 每 定 端 事 州 明 係 只依《編敕》 蘇 殿 自 災 實 軾 學 臣 傷 與 亦 狀 士: 條 到 盡 及 内 奏。 兼 限 任 實 五. 定 翰 · 致 檢 分 州 勘 林

揮,欲坐觀不救,恐非朝廷仁聖本意。

惟所 必也 萬户 五萬 以 既 放 願 健 不肯及時還納,多是拖欠,指望 法,不煩奏請 集 吏, 免。 木 免 見朝 煩 與 下,每户 示 户。 得聚集饑民。 盗賊 費浩大,有出無收,而此聲一 之外人户更不沾 石五 失陷官物。● 鞭 臣 亦不過收得十七,其 撻 以 欲 又欲抄劄饑貧,奏乞法外 願 廷昔年 此愚 **蚪**,入口,未必能 人户請納,耗費 便 借 追 疾疫,客主俱斃。 .貸兩石,官破 將 呼 請 常平 民 遣 又體 使吏卒因 使賑 生心僥倖,每有借 兼約度得本州自 例散貸,後來節次 以上二事 斛 問 惠 濟,不問 得 蚪  $\widetilde{+}$ 借 房店宿食, 緣 鞭 泂 ·萬 濟 失陷三萬 貸 北 又況 爲奸 撻 活 石 `,既皆不便, 。 雖已 驅 1,不過 倚 人户 沿邊人户, 、賑濟。 布,饑 催 家,而 准條 ,畢竟又 閣放免。 第四 点貸,例 高 倚 有 石 濟 不 下, 閣 口 築 成 得 Ŧi. 過 得

> 條,不 以此 石斛蚪 便,不 本 接之際,必致大段流 見管常平米二十七 人受賜,古今之法,莫良於此。 只 有依 無 百四文,比 勞抄 與 在市,自然壓下物價,境 條將 人收 減 劄。 價 常 糴。 出 平 勘 糶 在 若 斛 會 市 萬餘石,每卧衮紐 郖 殍。 深恐今年春夏新 不 寶直 給 依 别 納 價 作奏請,專守本 尚多 煩 出 費 糶 了; 但 二十二文, 内百姓, 但 即 以 得 官 本 數 到 핅 元 州 簡 萬

直,如 仍 紐 將 惟 常 平米依 給 所 價 本 與貧 (錢上 給 路 伏望 委是價 諸 不 |減錢 民 ·廣,而 條借貸,必 聖慈愍念,比之本 州 曆 軍 高 頭 出 見管 給 出糶不 糶 納 令每日零買,不得令近 不得 常平米,契勘 驅 須 陷 催 行,即許 之弊、 減 失三萬餘 過十分之二, 州 亦 將 每蚪 多 在 十 了, 特 於 र्गा 萬 衮 實 許 非 石

糴,兼 謹 活。 司 九 紐 比 九 管常平數目三分之一 上人 約 録奏聞,伏候敕旨 酌,早賜施行。 萬 Ż 計 萬 八户頓日 束, 借貸 又却 石 石 虧 利農末,爲惠不小者。 米在 元本官錢 覺察轄下官吏,所貴人沾實惠。 得錢準備將 買 失 陷 (興販 市,則一境生靈,皆荷 '",猶 仍 如以爲 一萬八千七十二貫文。 爲省費,而本州 限 。● 約度定州 來豐熟物賤,却行 不 十分之二,即本 得糶 便,即乞行下本 右伏乞朝 過 本 聖恩 裹外 合 州 糶 縣 廷 出 州 收 全 得 見

ff、。 間,合行出糶。伏乞速賜指揮,入急遞 貼黄。 契勘在市米價日長,正是二月

# 乞將損弱米貸與上户令賑濟佃客狀

紹聖元年二月日,端明殿學士兼翰林

人。 下定州,將兩界見 之本,若客户闕 傷,亦甚闕食,難以 聞民 餱糧,其上等人户,雖各有田業,緣 厢軍次米帶支。 弱,不堪就整充厢軍人糧支遣,❷ 儉、劉受界元豐三年米,皆爲年深 侍 陳惡。兼聞本州管下村坊客户,見 百石,比至支絶,更須三五年間,顯 昇界熙寧八年糴到軍 朝旨,於法外減價出糶常平白米 臣 契勘本路州軍災傷闕食人户,雖 讀 間闕乏,少得見錢糴買,尚有 學 今點檢得定州省倉,有專副 左 度,欲望朝 朝 奉 食流 今契勘得 郎 在 賑 知 陳 散,主户亦須 濟。 定 ·糧 白 廷詳酌 損 州 白 況客户乃 逐次止帶 蘇 米,及專副 米二萬餘 軾 特降 每月 賑 狀 杲榮、趙 荒 八今實闕 夾 饑 見 已 濟 廢 主 值 轉 支五 只 雜 困 奏 户 災 至 梁 充 損 之 訪 准

❶ 「目」,原作「日」,據《七集・奏議集》改

③ 「厢」、《七集·奏議集》卷十四作「上

米充 依此 土 户 送納十分好白米 令上 分給 録奏聞,伏候敕旨。 壤。 闕 保借。 一件兩 借 軍 食,優加賑濟,又使官中却得新好 貸 如以爲便,即乞速賜指揮行下。 糧支遺,及免年深轉至損壞,盡 等 與 入户 候向 鄉 村 入官。 去豐熟日,依元糴例並 ,據客户人數,不限 第一等第二等主户喫 不惟乘此饑年,人 石 郖 用 謹 **令** 爲

勘會。 俱便。 貼黄。 問上户, 失陷,與尋常賑貸一例支與貧下 賜指揮,入急遞行下。 交之際。 納 免守支積年化爲糞壤。 費 (力事體不同。 今來已是春深,正當春夏青黄不 今來所乞借貸,皆是臣與官 若失此時, 願得此米以濟 可以發脱上 則人户必不願 乞早賜行下。 件陳米斛 引、公私 更不下有司 畑户, 乞斷自朝廷,早 將 户 來 請,不 I 吏體 往 必 無 復

## 蘇軾文集卷三十七

### 奏議

乞

降

度

牒

修北嶽

廟

狀

監 門宇牆垣,久已疎漏破損 旋 造 向 侍 此 司 奏請,止曾完葺 年深,屋宇頹 伏見定州曲 讀 屢值 小修補 奏陳乞給 ,止令依條以施利 學 紹聖 災歉 元年三 左 朝 後 [陽縣 賜錢 施 奉 弊。 來 月日 郎 利 É 劉奉世又乞依薛向例 北嶽安天元聖帝廟, 或降度牒修完。 知 微 殿 自 一, 端 定 錢物 (薄,只 熙 ,自餘諸 州 明殿學士 寧間 充 前後累 蘇 了得 用。 軾 因 因 殿 狀 搋 緣近 有 守 及 兼翰 年 皆 守 廊 臣 逐 歲 准 臣 廡 薛 建 右 林

> 壞。 謹録奏聞,伏候敕旨。 促,務要早令了 恐於 元 慈特依定州所乞數目,給降度牒,付 依令出賣,收買 費滋大。今據定州 出賣,應副 廟有銀器 道,賣錢支用。 錢三千三百餘 廟,亦不蒙朝廷 於安撫 係 仍令本州 事 朝 廷 司 體 回 給賜 有損 修造。 千三百餘兩,别 易 通 息錢内支錢三千 ( ) 況所費錢數不 以備供神之物,若行 貫, 乞降空名度 人材植 · 畢, 上 (允許。 如 判 庶得 朝廷不許降 兩 申檢計到 員 副 臣 深慮摧 廟宇 更互到彼提 朝廷崇奉之意。 契勘 稍 無 合用 使用 多 度 完,不致破 上 壞 貫 牒 ′,欲望聖 件 牒 日 工 助 ?;欲乞 銀器, 多, 操催 + 本 即 料 修 賣 州 本 價 五 嶽

伏 弊陋,理當完葺,蓋所用度牒道數至少。 備 貼 望特賜指揮施行,庶稱朝 黄。 有祈禱 臣伏以朝 多獲感應。 廷崇奉 五嶽, 今北 廷尊事嶽 禮 嶽 極 廟 廟 見 嚴

#### 之意。

### 上皇帝書

十月。 十五 今月 象,四象分爲十二月,十二月分爲 則冬至矣。自太極 五月、爲六月、爲七月、爲八月、爲九月、 生,陰生則夏至矣。 月、爲四月。 而乾之陽復矣。 方。」説《易》者曰: 中復,先王以 一候爲 陽來 一月、爲十二月、爲正月、爲二月、爲三 日。 初 臣 而坤 復 軾  $\overline{\mathcal{H}}$ 氣,分爲 也。 五日爲 謹 日 一之陰極 南 昧 至日閉關,商旅不行,后不 謹按《易・復卦》: 至, 死 再拜皇 二十四氣。 文武 矣。 分爲二儀,二儀 候,分爲 坤,六陰之氣 乾,六陽之氣 陰極則 百僚 帝陛 入賀 七十二候; 下。 上 陽 陽極 爲 生,陽 三百六 也。 雷 日 分 也 所 臣 則 在 月 爲 以 伏 星 四 生 爲 爲 陰 爲 省 地 賀 以

九爻曰 動,可 伏之下 之氣升 奉 也 閉 事者 也 於是 息,一 氣,十 不 也。」言陽氣方潛於下,未可以用也。 忽,則邪沴之氣干之矣。 生也,五陰在 辰 若 勞 圃 户 不出 也。 日閉 天道 方事 所 后者,凡居人上者謂 呼 用之於身,則冲 以 户 爲 \_; \_ 由 降 其氣至 嗇養而 而 Ш 不省,則視聽收 也。 關,商旅不行,后不 ,如此之密,用之於國, 方者,事也。 以 潛龍 而 吸, 成形,故能天 Ш 關 上,五陽在 草 利心 晝夜 闢 不可以發宣。 微,其兆 勿用。」孔子曰:「陽 木 惟 也。 ·鳥 不動,則 與 潤 和 天 也, 門 商旅者,動 伏,而 蟲 能 絪縕,可 而 故於冬至 而 户不 之 地 魚 地 全 不 外物 不 群 省方。 相 不 能 天 竭。 發 故《乾》之初 開 后, 通, 地 陽 出 則 也 感 以 以 昔 則 所 差舛、 安 静 而 初 此 關者 在下 陽之 消 利 先 以 干 陰 生 不 而 於 應 陽 不 陽

疆之福。至日以獻。伏乞聖慈留神省覽,實社稷無羲、神農、黄帝、堯、舜皆得此道。臣敢因

## 任兵部尚書乞外郡劄子

延。 揮 乞候過南郊,依 州及緣路附遞 `,爲已差充鹵簿使,●大禮 臣 伏乞檢會累次奏狀,除 臣 取進止。 以此 向 在 揚 不敢堅辭,尋於南 入文字辭免,准聖旨 州,蒙恩除臣今任。 前除 臣 郡。 日迫 臣知越 今來已過 京附 ,不許遷 劄 臣於本 **E**遞奏, 州 子 郊

## 辭兩職并乞郡劄子

允。 續 臣 准 近 閣 奏 門告報,已除臣 乞 越 州 伏 蒙 端 聖 明殿 恩 **愛**士 降 詔 不 兼

> 若越州無闕,乞自朝廷除授。 待有勞之士,豈徒 加,不獨於臣有 求 聖慈特賜追寢,仍乞檢會前 翰 知 外補 所 林侍 措。 讀 實欲 臣 學 本 士 自 以 守 非 便,而 禮 寵 内 據之羞,亦恐朝廷 部 禄 愧 過分、 尚 榮名驟 ",必致 書。 奏,除臣 衰 聞 取進 人言。 進 病 命 有 悸 止 兩 恐,不 郡。 加,故 伏望 職 無 以 薦

### 第二劄子

能,被 除 讀 更 蒙 臣 學 寧,顧臣 陞擢,兼帶 士守禮部 臣近奏 此 郡。 光 何人,敢守微意。 寵。 蒙降詔不允。 乞辭 尚 欲乞追寢 兩 免端 書 職,近歲 恩 命, 明 殿 新 仍 聖恩隆厚,天旨 學 肵 命,令臣 但本緣請外, 乞檢會前奏 士 無,有 兼 翰 且. 何 林 依 绺 侍

- ●「使」,原作「仗」,據《七集·後集》卷十三改。
- ❷ 「臣」,原作「官」,據《七集・後集》改。

臣。 虚 信 則 朝 力 受 舊 授。 使 此 可 非 廷 報 供 備 非 臣 稱 職 職 有 吏 取 獨 數 名, 所 開 士 猶 則 進 在 能 邊伐國之謀, 用 可 即 臣 咋 伏望 臣 辨。 少安。 乞除 命, 更 分 不 義 朝 無 若欲 敢 臣 當然 廷 所 臣 請 於此二者擇 失亡,則承乏之際, 保境 郡。 求 非 重 ,亦朝廷名器不 敢 深 難 若 安民,宣 自 人 邊 朝 敢 謂 郡 廷 知 戰之帥, 二以 \$ 必 泛兵,若 一布威 臣 欲 處 爲 杰 臣

### 辭免兼侍讀劄子

伏 縱 益 侍 之學, 望聖 敢 復 讀 祇 空 者 臣 受。 一慈追 疎 近 已集大成,非 臣 准 取 寢 以 竊 閣 進 迂 成 位 門 愚,本 止 命以 禁 告 林 報, 授 臣 無 已 能 學 孱 降 難 者 術,出 微 久 告 所 處 命 所 而 口 從吏役 有 除 仰 告 況天 臣 望。 命 兼

### 赴英州乞舟行狀

恃 竊 出 送 此 作 得,隨手 有 理 臂緩 道 下愧平生, 成疾,兩目 謪 少今已 了,資用 入,不 此 陸行, 伏 加 守 不久長。 深弱,六 思 無 爲 道 嶺 臣 盡 念得罪 命 瘳。 軾 南 耗 日 行 肯 不 塗 言。 小 繼,英 盡 悸傷 昏障,僅 而 十之年,頭童 次 前 夜 窮 加 而所負罪名至 郡。 木 譬 滑 去,雇 奔馳,速於 以 道路之費,囊橐已空。 近 以 將 血 州 來 州 准 素來不善治生, 如 沉 臣 氣 分道 ,三改謫 誥 接人,卒 中 人 尋 ,臣之衰 ,憂隔飲食, 而 命, 流 買 火 自 路 齒 失 社任 馬 急 落 聞 重 (舟,抱 豁, 命 之資, 未 兩 治 危 左 命 Ŀ, ·, 聖 裝, 職 能 疾 已 亦 手 丽 所以 至 孤 病 礻 來,憂 恩保 굸 追 無 疾 禄 浮 一, 定 極 恩 如 所 病 臣 賜 疾 夜 矣 官 義 此 從 州 若 本 所 病 悸

蓋

之德,下及昆 而行, 欲置之死地,所以 嶺表,亦所甘心,比之陸行斃於中道 刻於舟中,畢餘生於治所,雖以 衰,氣息僅 食,不至大段失所。 家屬數人,前去汴泗之間,乘舟泛江,倍道 骨肉,令長子帶往近地,躬耕就 道,則非仁 不疑 千 經筵 終付 衰 餘 病之餘生,犯三伏之毒暑,陸 常常爲 之舊 里,則僵 郡。 加憫惻 至南 雖罪累之重,不足多惜, 臣 羈 屬,必無生還之道。 聖不殺全育之意也。 康 豈期 蟲 鬼 軍出 仆中途,死於逆旅之下 意 一, 以 臣無任。 列則 欲 聖 輒 全 臣 主 陸赴任。所貴 猶 爲 臣切揣自身,多 其 曾經親 至仁至 有 舟行之計。 性 間 命 矣。 一明,尚 近 乎? 任 食,臣 恭惟 然尚 輒已 瘴癘 而死 走炎 使, 醫 敢 臣 念 亭 ·, 理 聖 只帶 分散 望 必 死 延 病 藥 非 若 八 天 葬 於 早 粥 晷 其 四

堪。 於義 所以 邊警,事權雄 眷隆異,而自早衰多難,心力疲耗,實非 舊有薄田 陋,在臣 赴任,到 宜,易於爲 進 越 爲 但以求 ?無嫌。 止 施 州一次。 臣 臣 强 自 從 彼 安 拜 去 在常州宜 仕 政。 便。 少加 伏望聖慈察臣至情,特賜改差 州得 命。 歲 以 重,禄賜優厚。 又以 蒙 則公私皆便, 來,三任浙 完葺 及近者蒙恩知定 `州,若便辭免,是有揀擇. 今復念,定雖 恩召還, 老病 興縣,久荒不治,欲因 以 以 爲歸 日 即 中 加,切於歸休, 若辭定乞越, 臣不勝幸甚 時 計。 粗 重鎮,了 奏乞越州 知 州, 越雖 土俗所 雖 胼 無

取 臣

#### 九四一

## 再薦趙令時狀任兵部尚書日

考其 與臣 其 官 謹 施 大 賜 臣 所 行。 具 廳 、聞奏。 人 觀覽,必有可取 詩 無 養,必不肯同衆人奔走干 公事 右 文三軸進 緣得知其 其人近已替罷,旦夕赴 臣 才,亦足以 昨 趙 知潁 令時,乞置之館閣 星。 州 所學,●今繕寫趙 副 曾薦 ,然後付之三省近臣, 神考教養宗子之意。 伏望聖慈清宴之暇, 簽 書 謁 闕 本 至 朝 州 集平日 恐政 今未 見。 節 度 府 計 判

### 論浙西閉糴狀

高 唯蘇 下 並 本路今歲 損 湖 已 、常、秀等 具 不 熟,初 事 由 州 聞 水 出 奏 後 米浩瀚 去 草,早 訖 晚 勘 俱 會 數 本

> 得杭  $\bar{\Xi}$ 米斛 沛。 閉 私 陳宥往秀州抄録到所出榜示二本,其 民 雖 諺 謂 路 人告捉,立定賞,多 承受本司指揮,依舊閉糴。 具牒蘇、秀等州,不得閉糴。 蘇、秀等州 亦 販 云:「上鄉熟,不抵 之上 糴 ?,全無· 闕食,見今粳米已至八九十足錢。 出 州米行人狀稱,因 例災傷,而 訪聞逐州 本司 如有諸色人擡價買米 輸 鄉, 境,是致杭州常平省倉糴買不 京 米船 商 無 所産 師 旅 緣 例皆 販運 到 止 微 自 蘇、秀等 州 絶。 薄, 杭 者至 閉 以足 下 糴, 不 睦 逐 認 鄉 若 了 州 五十貫。 以 是 州 官私之用。 嚴 商 逐 東 尋差識字公人 本 見今立賞 鍋 所産,終是 旅 販 立 訪問 州 莊 衢 粥。」蓋全 往 不 賞罰,不許 官吏 所食。 行 别州 兼 逐 米 堅 告 取 大略 州 今來 問 許 雖 仰 捉

● 「大」,原作「太」,當爲「大」之誤,今正。

此合 外,●須至聞奏者 不 已,公私 係 本 司 窘乏,盗 知 管, | 賊之類, 除 己 牒 轉 何 運 所 不 提 有 刑 以 司

之 ? 行,米 失措置 杭,杭 糶。 惟務 之流 時不 罕聞。伏望仁 念今來浙中雖 得,斃於道路,不 危,有停塌之家,亦皆深 年 則 民有衣被 處置乖 所 熟,亦是本路監司郡守如張靚、沈 右本司訪聞得浙中父老皆言,熙 伏 貴不已,農 明 州又禁米不得 兩浙災傷,人死 漸 在閉 望 年 聖 成災 災 方,助成災變,既 糴。 慈深 八傷,公 羅 未 . 聖 (患,所 ·是大段凶年,只恐官 痛 可勝數。 紈 夫 蘇、秀等州 以 》, 戴佩 加 私 闕 熙 過浙 哀 大半。 憂不小。 並 食,春夏之交 寧之事 憐, 竭,不 藏 珠 東,是致 流殍之變,古 固惜, 金,而 曲賜過 無 當時 米 爲 方略賑濟, 知 若商 斛 鑑 何 不 米 既 人 雖 慮, 無 嚴 以 旅 吏 不 肯 心 不 寧 係 賜 待 カ 不 有 體 今 出 驚 到 起 可 天

> 所貴 之於 指 揮 未 杭 本 路 危 、睦、衢、婺等 監 仍乞指揮 司,多方擘畫,安之於 速行 州 不 止 至 絁 全 逐 然 州 未 乏食 閉 動 糴。

### 再論閉糴狀

謹

録奏聞,伏候勅旨

賞 秀等 截 數 朝 年 乞,至今未奉指 换 閉 擘 目 廷 以 撥,只乞稍寬轉 畫,多 '州,見今米商 (支賜錢米,或於他 糶 至廣。今來本路 來,京東、河北、 本路災傷, 亦爲逐處税務承例違 方数 揮。 本司 卹 全不通 運 數内一事 淮 司 已於 % 兩次 年 路 南 傷 行, 等處 額上 截 '´̈; 不 十 一 、奏聞。 撥 不 敢便 條 月十 |供,使得 災 斛 唯 收 斗賑 傷, \望支賜 米 逐 湖 竊 州立 日 斛 並 見 救 力 奏 轉

■ 「司」,原作「同」,當爲「司」之誤,今正。

九四三

上條放 城郭、 柴炭 販。 力勝處,指 合施行上條,已牒諸州 舊例,亦免。」本司看 云: 此分説,有虧欠折遭責罰,須至奏請 税 草木博糧 檢會元祐《編敕》: 錢 舊收税處依舊例。 鄉村 免,至年終比 爲 外,深慮逐處稅務自來收 致 課額。 商 食者,並 旅 算 詳,本路見今災傷,正 今來雖係災傷,合依 計 較日,轉運司不 一 免納· 施行, 脚 「諸興販 即災傷地分,雖 錢 力勝税錢。」 本 仍散牓 重 斛 斗 無 者 · 容 米 轄 及 由 斛 如 下 有 以 興

依 勝 揮: 免力 録 舊。 奏聞 勝 項税額 右伏望聖慈愍念本路災傷及 轉運 ,伏候勅旨。 所貴 條 貫,係 司 權 商 將來年 旅通 免,比較 今來合行 終比 科 場 罰 務 較 亦 候 H 免 件 將 除 罪 來 ' ', 特 前 米 豐熟 責 斛 賜 件 指 放 謹 日 力

# **乞允文彦博等辭免拜劄子**元祐二年

敢。 允彦 進 延 者,傳命而拜,非 後 拜之文。 亦 曰 : 子賜齊桓公胙曰:「伯父耋老,無下拜。」公 八十 無下拜」者,拜於堂上 對 英 無 入 ※明文。 「天威不違顔咫尺。」下拜登受。 /博辭 不 鍾繇以足疾 朝 臣 拜 拜, 免 近 君 止於臨 祖宗 奉 拜 避 命 蓋是臨 君前 免 聖旨 詔 舊 拜 書 時 乘車 (乘車 例 朝見也,然且 批答。 坐再至。」所謂 今又 傳 時 撰 如吕 優禮 賜 宣 ·, 豈 就坐,疑若不拜 ,非不拜也,然且 文彦 不 准 臣謹按《禮經》: 足爲法。 · 拜。 端之流, 内 無今後遂 ·博、吕公著今 降 不 今來彦 指 免。 拜 揮,撰不 加 君 老病 所謂 馬 周天 不 然然 博、 命 復 燧 不

敢 爲非常之恩。 典禮,兼恐 眷不已, 見,不若允其 公著 度越古今, 不 盡 今後免拜指揮,自是 遇其 所 彦 無 有 朝 所 博、公著終不敢 可 臣 不 請。 議者。 見,●間 忝 允 備侍從,懷有所 批 若聖恩優閔 答,臣 或傳 但 臣 朝 是 宣 廷 未 當。 有 不 優 敢 拜,足 老臣 賢 司,合守 撰。 以 <sup>2</sup>見,不 貴 臣 以 取 眷 愚

御寶批: 依奏,修撰允所請批答入進。

谎

## 乙允安燾辭免轉官劄子

五人 則爲 群 禄 西 樞 臣 大 一、委寄 進 待臣子之輕。 ,專於禮義廉 夫劄子 臣 用, 今月 至 故加遷 ,降韶 八 重 日 不許。 准 豈 秩 耻 今朝廷豈以 内 肯見人擢用, 以慰其 批 若使受無名之寵, 安 臣 竊 燾 心 謂 辭 執 免 人主之馭 政六人, 即 燾位 轉 以 右 冠

> 取 即 伏 先 懷 爲 進止 乞 望聖慈,從其 知 朝 明 義 既 故 降 事 無 臣欲奉 ,亦是一時 授受之名, 指揮,苟於 、所請。 命草詔,不 誤 僅 義稍 若除 以 恩 姑 安, 受 知 今 息 敢 别 燾 所 之 不 有 力 政 以 撰 緣 爲 辭 縱 故, 進 詞 有

辭

免

## 乞允宗晟辭免起復恩命劄子

愈哀。 允。 復恩 恩命,已 謹按宗晟飭行有素,持喪中禮 命 臣 一今日準 且曰:「念臣執 劄 四不允。 子。 中 奉 書 聖旨 而宗晟 省批 喪 送 報 送到 學 確 親之日短 士 然固 宗晟 院 守 降 , Ø 辭 了; 致 其 詔 免 所 辭 不 起

- ■「遇」,原作「過」,據《七集·内制集》改。
- 「禮」,原作「書」,據《七集・内制集》卷九改。

之朝 宗 , 臣未敢撰。 晟 國 了,宜聽 臣忝備禁從,不敢不言。 親,顧不美哉。 之日長。」出 未經祥練之變, 亦當差官權攝, 新守。 取進止。 于 至 因 若以 以風 且 誠 須 無 可 其 宗正之任, 厲宗室,庶皆 金 謂 從吉,復 革之虞,孝 所有不允詔 純 恐 以 臣 難 命 守 謂

## 代張方平諫用兵書熙寧十年

必亡。 而 色者 臣 此 聞 必 理之必然者 好 死。 兵 猶 賊民之事 好 色也。 也。 非 傷 一, 而 生 之 事 好兵 非 者

之患。 禍 勝 也 也 ,享安全之福。 夫惟聖人之兵,皆出 變遲而禍大, 後世用兵,皆得已 是以聖人不計勝負之功,而 其 不 其不 勝 於不 而 勝 不 也 也 ·已,故 · 得已, , 則 深 變 無 戒 其 速 意 故 用 丽 勝 其 外

> 必有盗 任 已,不敢用也。 則 庫 外 蓋以平民 由 兵之禍。 ·之報。 其咎者。 用 空虚 士 騒 淾 兵。 動 久役,有潰叛之志。 賊之憂; ,外則百 怠於道 何 無 上則將 至於興事首議之人,冥謫尤重。 故 是 以 緣 姓 路 帥 聖人畏之重之,非不得 兵 興 窮 死傷 者,七十萬 **擁衆,有跋扈之心,下** 而死,怨氣充積,必有 師 匱。 愁怨,其終必致 萬, 饑寒逼 變故百出, 費千 迫,其 則 水 府 内

者。 擒 墳土未乾,天下怨叛,二 患,被於四 可 '滅亡之酷'自古所未嘗有也。 勝數,臣今不敢復言。 秦始皇既平六國,復事胡越,●戍役之 自古人主好動干戈,由 海。 雖拓 地千里,遠過三代,而 請爲陛下言其 世被害,子嬰 敗 而亡者,不 漢武

<sup>《</sup>七集·奏議集》卷十五、《七集·續集》卷十一改。「胡」,原作「吴」,據郎本卷四十、《文粹》卷三十四、

兵於寬仁之後,故其

勝

而

僅

存。

| 豈爲善之報

也哉。

由此

觀之,漢、

怨言 故 無好兵之心,天地鬼神諒其有不得已之實 以萬計,而海内晏然。 安、涇、原、麟、府之間 士 也。 惰偷,兵革朽鈍,元昊乘 國無 昔仁宗皇帝覆育天下,無意於兵 遺 患。 何者? 兵 敗者三四, 休事已, 間 天下臣 竊發, 庶 丽 所 西 知 民 喪 腡 其 無 動 將 延

此指,多言用兵。 來,繕甲治兵,伺 憂深思遠之心。 今陛下天錫 候 勇智,意在 其始也 樞臣 鄰 國 |當國 一,弼 群 富 論 臣 臣 强。 者 執 百 或 寮,窺見 即 無 命者 慮 位 以

之禍

,物理難逃。

不然,太宗仁聖寬厚,

人,幾

至

刑

/措

而

一傳之後,子孫

淦

武氏之難,唐室凌遲,不

絶如

線。

蓋

用

兵

滅突

厥、高昌、吐

谷渾等,猶

Ħ.

未

厭親

駕

遼

東。

皆志在立功,非不得已而

用。

其

後

踵。

唐太宗神

武

無敵、尤喜

用

兵,既

已

破

强

國,威震萬里。

然

而

民

怨

盗

起,亡不

旋

事夷狄。

煬帝

嗣

位,此心不衰。

皆能

誅

滅

身之恨,已無及矣。

隋文帝

既

下江南,

繼

長於兵,與之終始。

帝

雖

悔

悟

自克,而

殁

尸數萬,太子父子皆敗。

班

固以爲太子

年,死者無數。

及巫蠱事

起,京師流血,

天等,其春戾太子生。

自是

師

行

元之間

[',兵禍:

始作,是時蚩尤

旗

出 向

遂使侵尋及於諸國,歲歲調

發,所

成 不

承

文、景、

溢

之餘,首

挑

匈

奴

兵

連

勝則變速 而禍小。 不可不察也 之興,當 (利,慮 大,不 不 讀

九四

弊腹 使陛 渝瀘。 之人,斃於輸送,貲糧器械,不見敵而 奮於功名。 爲耻 無功 祖宗 累月。 禍於熙河,章惇造釁於梅 以吏士無怒敵之意而 怨,邊兵背叛,京師騷然,陛下爲之旰食 之實元、慶曆之敗,不及十一,然而 議 等,陰與之協力,師 山之謀,韓絳效深人之計, 持 餘 難 萬 心 ,力欲求勝,以稱上心。 ,感悟聖意。 下受此虚名 積累之厚,皇天保祐之深,故 之識 從微至著,遂成厲階。 ī, 而 然此等皆戕 人暴露 何者? 取空 故沈 在 瘴 臺 用兵之端,陛下作之。 虚 起、 毒,死 而 諫 然淺見之士,方且 無 賊 徒喪敗,財用耗 忽於實禍 之職者 劉 不直陛下也。● 用之地, 已降,俘纍老 彝,復發 者十一 山,❷熊本發 陳升之、吕公弼 既 無 而 於是王 獻 而 以爲武 於 勉 五六,道 薛 替 安 强 使兵 天怒· 屈 向 納 南 砥 弱 韶 以 難 尚 忠 爲 功。 礪, 困 於 搆 敗 出 是 者 賴 人 Ż

> 陛下喜於 出 爲 天意難測,臣實畏之。 於 用 洮 兵 (之意) 州 勝,必有輕視 矣。 必 今師徒 且 一少衰。 克 四 捷 夷 圃 凌侮敵國之 鋭 李 憲 氣 方盛 之 師

復 以

不 轉 者甚苦。 牛羊、刳臠魚鼈以 婦之哭聲,陛下必不得而 狀,陛下必不得而見也。 於遠方之民,肝腦屠於白刃 餉,流離破産,鬻賣男女,薰眼 旋 忍食, 於 捷 刀匕之間 奏,拜表 且夫戰勝之後,陛下可 而況用人之命,以爲耳目之 使陛下見其號呼於挺刃之下, 稱賀、赫然耳目之 ,雖八珍之美,必將投筋 爲饍饈,食者甚美,見 聞 慈父孝子孤 也。 '得而 , 筋骨絶 折 譬猶! 臂自 觀 知者 耳 I經之 於 屠 臣 食 而 殺 寡 餽 至 凱

0

怒」,原 作 七集• 奏 t

史・章惇傳》亦作「梅山」。 原 作 「横山 」,據郎本、《七集 郎注謂梅山在潭。 宋

全。 歎,至於慟哭而不能自止也 將在於此。此老臣 隨作,民窮而無告,其勢不 京東、河北,尤不可言。 善其後矣。 内府累世之積,掃地 乎 一供殆盡,百官廩俸,僅 人,萬萬不逮。 不可救,而 邊事方深,内患復起,則勝、 (而未) 使 唐之君 陛 辦,以此舉動, 且饑役之後,所在 下 況 將 所 而數年以來,公私窘乏, 卒 在 一所以 無 既 將 餘 若軍事一 勝之後 吏 强 終夜不寐,臨 州郡 雖 而 羅軟 爲大盗 府 有 能繼,南 庫 智者, 盗 禍 征税之儲 凡庸,較之 充 賊蠭起 廣之形, 興,横斂 ,無以自 亂方興 實 食而 無以 郊賞 , O 如

之舉 天之所向,以之舉事必成, ,水旱癘疫,連年不 歉之間。❷ 事 且 必敗。 臣 聞之: 蓋天 今自近 凡 心 歲 舉大事 解 向背之迹,見於災祥 日 、民死將半。 蝕星 , 必 天之所背, |變,地震 順 天 天心 心。 山

> 深遠。 之議; 勝,祀 漢祖 命。 保疆 恭 之向 臣 帝者,非不知兵也。 之迹,深察天心向背之理,絶意兵革之事, 顧 赦於父母者。 以安二宫朝夕之養,下以濟四方億兆之 順静思,引咎自責,庶 興 |破滅 懦 則臣雖老死 責 睦鄰,安静無爲, 漢 今陛下深居 奴 ,私竊以爲過矣 配 不已,譬如人子得 西域請 可 群雄 、婢,恣行**箠楚,以此事親,未** 天。 以 故臣 見 ,遂有天下, 吏, 然至白 矣。 溝壑,瞑目 九重, 則出謝絶之言。 願陛下遠 蓋經變既多,則 而 固 登被 陛 幾 社 而 過 下 可 於地下矣。 一稷長 輕議 圍, 於父 覽前 方 解。 光武百 且 則講 久之計。 討 今乃紛 世 戦 興亡 慮 此 和 有 惟 患 親 見 有

然人臣納説於君,因其既厭而止之,

<sup>「</sup>庫」,原作「軍」,據各本改。

<sup>○「</sup>歉」,原作「斂」,據各本改。

右大 親 武,勢不可 地 誠見陛下聖德寬大,聽納不疑。 達,度量過人,未有能勇於奮發之中,舍己 盛 從人,惟義 凡 則 見 下,亦有以 人 有 易 也,雖布衣賤士,有不可奪,自非智 臣未嘗一言,臣 好勝之常 用 血 爲 兵之害, 氣之倫,皆有好勝之意。 力 回,臣 是 迎 藉口矣。 聽 其 心望 必將哀痛 者也。 方 非 一於陛 鋭 茅 亦將老且 知 而 惟陛下哀而察之。 下,且意陛 今陛 折 悔 而獻言不已者, 之, 恨,而追咎 下盛氣於用 死 則 見先帝 故不敢 方其 難 下他 爲 識 氣之 功。 左 以 於 H 特

### 代滕甫論西夏書

言。 似可 愚忠 施行, 一、上補聖明 近者因 臣 幼 無學術,●老不 惟陛下財幸。 病 求醫 萬 了,偶悟 , 而肝 讀 臣近患積聚,醫 肺枯 事 書。 推之有政 涸 每 ,卒無可 欲 披 竭

> 下 一 鄙 尚 陛下 終非 悟近 年而 木之上,以 之快,而易終身之憂。 磨治半年而 患,●終身之憂也。臣私計之,終不以 云 以 : 切 爲 臣 月 日臣 聖明,將賢士勇, 愈。❸ 然中年 據病,當 於 非 子 丽 事 萬全者。 愈者 僚獻言欲 深愛君 車輪覆井,而 愈。 陛下愛民憂國,非 下 也。 , 初不傷氣 父欲 以 俗言彭 用 其 月而 後, 兵西方,皆是醫人欲 何 出 勢 遂用其言,以 亦 後敢 往 萬 愈。 祖 下一 ,體力益完。 未 而 全之道 觀井,自 觀。 必 不克,❺ 若不下 衰,積衰之 特 不 此言 · 成。 如 也。 彭 係 善 而 一月 雖 大 以 然 藥 臣 因 半

0

0

而」,原脱,據郎本

<sup>●「</sup>幼」,原作「素」,今從郎本卷四十。

奏議集》卷十五「月」亦作「日」。「月」,即本、《歷代名臣奏議》作「日」,下同。《七集

奏議集》「年」亦作「月」。「年」、郎本、《歷代名臣奏議》作「月」、下同。《七集

<sup>「</sup>衰」,郎本作「聚」。

可畏,有甚 祖之觀井,然後爲得也 而 一於井。 兵者 凶器 故臣 願 動 陛 有 下之用兵, 存 亡,其 陷 如 人

其 國 若操者,可謂巧於滅 遂平之。操曰:「彼素畏尚等。吾今急之則 征烏丸,討袁尚、袁熙,尚、熙走遼東,或勸操 田 之,紹既未可以 滅袁 曰:「吾方使公孫康斬送其首。」已而果然。 争,不及八年, 紹 合,緩之則自相圖。 丽 豐 以十倍之衆,大敗於官渡,僅以 操斂兵不追者,何也? 以速。 而立袁譚,則成敗未可知也。 也 氏,最有巧思。 臣 竊觀善用兵者,●莫如曹操。 小兒不知。 紹歸國 譬如小兒之毀齒,以漸 而袁氏無遺種矣。 一舉蕩滅,若懼 益驕,忠賢就戮,嫡庶 請 其勢然也。」遂引兵還。 //國矣。 若不以漸, 試 爲陛 所以 滅國、大事也。 下論之。 而 緩紹 向使操急 脩政 摇撼之, 其 後 身免。 而 而 北 亂 用 並 破

> 夏,如曹操之取袁氏也。 則 毁齒 以 殺 兒。 故 臣 願 陛 下 之 取

> > 西

首連 年而 之勢也,法當緩之。 清野以抗王師,如左右手。 族所篡,以意度之,其世家大族,亦未肯 則吳越相救,❸如左右手。 陛下之秋 築蘭、會等州 陛下使偏 臂爲此族用也。 不敢近。 方元昊强時,謀臣 也。 師一 兵法有之: 此真千載一 出,已斬名 今者主弱 今乃合而爲一 猛 臣强,其國 將, 王,❷虜僞 時,天以此賊授 此正同舟 今秉常 同舟而 盡 其 智 雖 力,十 遇 内 遇 堅壁 爲 亂 風 風 俯 母

今天威已震,臣願陛下選用大臣 宿 將

原 作「自 歷代名臣奏議

<sup>0</sup> 己」,原脱,據郎本

篇》曰: 吴」,原作「胡」,郎本作「吴」,郎注引《孫 相 救也如左右手。」據郎本改 「夫吴人與越人相惡也,當其同 舟濟而 子• 遇風 九地

哉 ? 有也。 爵秩 賞。 黨與。 保境,不煩城 千人,置一將以護諸部,**②**可使數百年 通 必 有敢 欲求全,及王師之未出,争爲先降,以 之聲,聞於數百里間 不出境。 上,號稱百 有權 西 域故事。 , 棊布錯峙, 務使相 陛下因 攘其地、掠其人者,皆斬。」不出 賊 均 其 有 且 所 願陛下斷之於中,深慮而遠計之。 多出金帛,●遣間 力敵内自相疑者。 下令曰:「尺土吾不愛,一民吾不 畏 萬,蒐乘補 能 服 加 分號 不過於要害處築 以 者 分裂之,即用其 地與衆降者,即 使 運,豈 ,外爲必討之勢,而 兼 卒,牛 帥 仇 非萬  $\overline{H}$ 使辩 酒日 如漢封呼 路。 人情不遠, (酋豪,命以 一城, 全之至計 士離 至 聚 以 重 対之。 二年, 面 屯 韓 邀 壞 金 兵 内 數 邪 重 其 實 鼓 境

天下安、社稷固否耳。陛下神聖冠古,動臣非攘地效首虜,無以爲功,爲陛下計,惟夫人臣自爲計與爲人主計不同。❸人

須爲社 以 劉洎諫唐太宗 容舉 至者也。 氣内損,形神外勞,初 至道無文。 湯不足過也。 有言:「省功不如 名,履危犯難,以勞聖慮,臣 天地等壽,則 ,然自念舊臣,譬之老馬,雖筋力已衰,不 不言爲德。 意 稷自愛。」人臣 ,皆是 臣 且多記則損 竊慕之。 竹帛不 功 議者不知出 曰:「皇天以不言爲貴,聖人 老子稱大辯若訥,每莊子言 德 省事 可勝紀,而 但能 雖謫 雖 愛君,未有如 ·<br />
●省事不如清 心,多言則耗 不覺,後必爲累。6 守在外,不當 措 此,争欲急於功 竊 太 不 山之安, 堯、舜、禹 取 洎 之深 心。 古人 妄 벮

據郎本改

訥」,原作「納」,據郎本、《七集

奏議集》改

<sup>● 「</sup>出」,郎本作「發」。「帛」,原作「粒

❷ 「部」,郎本作「族」。

<sup>「</sup>功」,郎本作「官」。「人臣自爲計」,原作「爲人臣計」,今從郎上

<sup>□ 「</sup>累」,郎本作「慮」。

堪致 遠, 愚而憐 而 涉 (意。
● 險 阻 不勝 一, 粗 識 幸甚 道路,惟陛下 哀

#### 代 滕 甫 辯 謗乞郡狀❷

劉

父。 所憂有甚於窮窘,若不號呼於君父,更將 嚴畏之心。 發於中,言無所擇。 赴於何人。 然 臣 聞 而 疾 人 人臣之所患,❸不 痛 情 伏望聖慈 則 不 呼 問 父,窮窘則號天 賢愚,莫不 豈 少少 以號呼之故, 加憐察。 止 於疾 畏天 中謝 痛, 謂 蓋 而 無 丽 情 嚴

在

蒙深知於聖主,肯復借交於衆人! 肖,允蹈斯言。 愚,積成仇怨。 其君者,誅之,如鷹鸇之逐鳥雀也。」 君者,事之,如孝子之養父母也。 心,生而自許。 臣本無學術,亦無 但信道直前,謂人如己。 昔季孫有言: 「見有 自離 去左右,十有二年, 材能,惟 有忠立 見無禮 任其蠢 臣 禮 於 雖 義 於 其 之

> 浸潤之言,何所不 縱罪人,若快斯言,死未 有。 至謂 塞責 臣 陰 黨 反者,故

成於三人,投杼起 臣之賦命至薄,積毀消骨,巧言鑠金,市虎 太宗,而臣之遭逢,亦古人所未 照察,愛惜保全,則陛下聖度已過於宣帝、 禍者,何可勝數。 誅 人言,●至時雖 場惲。 上,更何憂虞。 洎。 竊伏思宣帝,漢之英主 自古忠臣烈士,遭時 太宗,唐之興王 欲自明,陛下亦難 而臣 於屢至,儻因 但 念世之憎臣者 獨蒙皇 也 也 得 一帝陛 君 以 疑 有。 屢赦 單 以 而 似,復致 下始終 片 不 詞 多,而 日月 免於 言 而 殺 而

憐其意」,郎本作「矜其志」。

Ø 0

凡禮《宋代文史叢考》有專文考之(學苑出版社)。 此文實爲蘇軾作。 王銍《四 「人」,原作「今」,據郎本卷四十、《七集・奏議集》卷 六話》卷上謂此文爲其父萃所 萃所撰乃另一文,見《四六話》, 代撰。 孔

致」、原作「至」、據郎本、《七集・ 奏議

0

0

十五

\_ 改

罪

以及今無事之日,少陳危苦之詞。

無幾,究前日之異恩。 風波之間,怖畏成 僥求,更思録用。 之日,而乃毁訾不忌 相。 小 言,有辱天眷,此臣所以涕泣 臣受知於陛下中興之初,效力於衆人 舊,則所至便蒙異待,人亦不敢交攻。 之士,稍與貴近之人有葭莩之親,半面 朝,爲臣終身之累,亦可悲矣。凡今游 元 稱 郡 臣。 朽之餘, r,稍近 老臣 臣 今臣既安善地, 與反 崔 主 一, 追 導, 造,源休之甥也,而 仰瞻天日之表,然後退伏 墳 公者,義 敍 墓 乃 一漸謀歸 始終之遭逢,以 王敦之弟也,而 疾。 但患難之後,積憂傷心, 同路 又忝 ,踐踏無嚴 或乞移 敢望陛 人。 休。 清班 而自傷者也 獨於 不 異 臣 下憫餘生之 **手** 託 日 廢 淮 寬 鄉 復 浙 敢别有 臣 其 害 田野, 大之 間 /未遇 鄰 得 何足 Ż 之 況

> 激切屏營之至。 其志、察其愚而赦其罪,臣無任感恩知

## 代李琮論京東盗賊狀元豐□年

也。 之意者,殆土地 今朝廷清明, 民,殆已成俗。 逢徒黨,青、徐妖 奸,至有飛揚 而 ,彭城人, 京東尤甚 漢高帝, 右臣伏見 跋扈割據僭擬之志。 沛 四 自來河北、 黄巢,宛朐人; 不獨 自昔大盗之發,必有釁端 風 方無虞,而此等常有 賊,皆在京 氣習俗使然,不可不 穿窬祛篋 項 羽,宿遷 京東,常苦 東。 椎埋 朱全忠, 凶 發 近者李 盗 塚之 不軌 愚之 察 劉

第十六册「□年」作「三年」。 五無「□年」字。商務印書館萬有文庫本《蘇東坡集》 五無「□年」字。商務印書館萬有文庫本《蘇東坡集》卷十

父老,區區

志

願,永畢於斯。

伏

願

陛

下

傳 别 勝數。 中,私出怨言,幸災伺隙。 無 既 條制,掃除腐 力心膽, 山 小學, 立 用 以改業,而其樸魯强 之書,各懷不逞之意。 字號,以 其餘 故凶愚之人,常以此 無由 實亦過人。❷ 歷代豪傑出於京 復踐場屋,老死田里,不入彀 爛,專取學術,其秀民善士, 收 三路舉人,而 [悍難 加以 臣每慮及此,即 近年改更貢 朝廷雖 化之流 藉口,而其 此 東者,❶ 等 自 敕 ,❸抱其 以 有 不 鬼 世 材 口

雄 其 道 流」。 姿, 班 作使,御失其道 固 曹 一則向 使 操 亦論 揚雄有言: 而 是知人之善惡, 韓、 惜其「不入 曰:「子,治朝之能 劇孟、 之奸猾,盡是忠 彭不 則 御 遇漢高, 郭 於 解 天 得 其 下 之 道 本無常性 (道,則 狙 德 流 亦 良。 詐 荷 臣, 與 咸 天 盗賊 有 放 亂世之奸 故 作 下 絶 縱 許 若 敵 狙 何 於 異 子 御 詐 將 末 之 得 面 咸

爲

**冷寒心。** 

亂 盗 如 臣 卒伍庸材,而能於六七十年間與 事明之。 黨固不可盡也。 以下,可謂急矣。 指督捕盗賊,所至以 去,而其材自有可用。 因 ,雖憲宗英武,亦不能平。 |賊自消,而豪傑之士可得 竊嘗爲朝廷計,以 其 材 自天寶以後,河北 丽 用之。 若朝廷 而盗賊 何者? 謂 軍興從事 昔漢武嘗遺 窮其黨而 因 不爲 其 而 (材而 觀其 諸鎮 其 使。 少衰者, ,斬二千石 黨 (朝廷 去之,6不 用之, 主 相 不 請 繡 帥 미 相 以 衣 唐 則 其 直 勝

集

奏議

「京

姿」,郎本作「資」。

臣奏議》改、 臣奏議》改。 東」原作「東京」、據郎本、《七集・ 亦」,原作「以」, 悍」,原作「桿」,據郎本、《七集・ 餘」, 原作「於」, 據郎本、《七集。 據郎本、《七 奏議集》改。 奏議集》、《歷代名 奏議集》、《歷代名

謂」,郎本作「爲」。

事。 告,怨忿思亂。 羨慕向 朝,而 穎,皆庸人無遠慮,以爲河北 流,薦之於朝,❷冀厚與 輩,於是盡 相與 而克融等作亂,復失河朔 克融輩久留京師,終不録用,饑 出 河 進 力 北始平。 好 了, 革 丽 籍 亂樂禍之人,背公死 輔 ·其亂 軍 之也。 會張弘靖赴鎮 中 心。 總 宿將名豪如 知 至穆宗之初 爵位,使北 而宰 河北之亂,權 相崔植、 既 ,❸遂遣還 平,天 黨 朱 劉 方之人, 克 之 杜 寒無 融 下 在 總 幽 無 元 之 此

等棄 其 棐。 棐,告獲妖賊郭進 河北 是李逢之黨,配在桂 理 東 甚 西 而 京 豪傑之心。 今陛下鑑唐室既往之咎,當 職 明 東 不 司 州 用 ,●及徐、沂、兖、單、潍 臣 郡 即 願 如 作賊,收而 臣伏 陛 棐、岳者,不 等。 下 州,豪俠武健,又過於 ·精選 見近日沂州 竊聞棐之弟岳 青 用 之,即 口 鄆 勝數。 收 、密、淄、 兩 百 帥 捉 京 姓 了, 乃 東、 此 程

> 每 競勸。 無 皆爲我用。 爲進身之資。 其人數,酬 大奸,隨 於朝,所 召 加 猾之士,或有 州 容足之處矣。 而勸獎,使 曉兵,或家 搜羅 貢舉之外,别設 濮知 獲 即 得 録 盗 以 縱有奸 州 一二十人,即 用。 以 富 官。 武 賊 但能拔擢數人 告 於財 力 諭 歷觀自古 量 若只是 捕 以 ,或多權謀,或 雄 輕 使 自 而 此 嘯 重 效。 此科 好施,如此之類 意 此 聚,亦自無徒。 酬 尋常 耳 輩 奇偉之士 賞。 籍其 使 目 了; 則 歆 則 陰 劫 向之遺 艷 徧 若獲 姓名 通 求 (賊,即 地 其 知 部 一; 如 利 盗 真 以 紨 内 材 然 賊 仴 周 累 盗 聞 數 豪

京東東西」,郎本作「京東西

背」,原 作 皆 據郎 t

<sup>0</sup> 0 之」,原脱,據 郎本

弘」,原作「洪」,避清高宗諱、 《舊唐書 》卷一百二十九、《新唐書》卷 據《歷代名臣奏議》 一百二十

行此 不 朝廷 害爲賢。 見 處、戴淵 由 聞,不敢 策。 此塗出 隨 材 之流,皆出 試 而 臣 \ 瘖默。 況 也。 用 雖 以捉 非 ,異日攘夷狄,立功名,未 非陛下神聖英武,不能 職 謹録 事 賊出身,有何不可。 於 ,而受恩至 奏聞,伏候勅旨。 群盗,改惡修善, 一深,有 所 必 若 決 不

# **代吕大防乞録用吕誨子孫劄子**元祐元年

私,惟 之日, 嘗 忘朝廷之意。 有 極 一觀前 不撓不回之節。 與 陳 之同 甚貧,諸子仕於常調。 讜 臣竊 云朝 召司馬光面託後事,無 後 論 諫臣,●忠勤 官 見故御 致忤時 廷 「備聞 憂傷 事 猶 史中 **E論議**, 宰,繼 憤 雖處散地,未嘗一 可 疾,以 救,願公更且 忘身,少見其比。 丞吕 死 切出於至誠,而 [誨,忠 外 致 欲望聖慈特 藩。 (殞没。 一言及其家 於先朝, 臣等 竭 日 臨 力。 睗 皆 終 有

臣之後,取進止。奉聖旨,吕由庚除太常寺太祝。❷矜憫,優加贈典,録用諸子之才者,以旌名

## 代宋選奏乞封太白山神狀

之號。 應公。 在祀 試 拱手,以待饑 官莅取。 採之道塗,得於父老,咸謂 加 |典。❸ 禱 伏 請,必 自去歲 迨 至 見當府 臣 案,唐 皇 與 饉 獲響應。 百姓數千人,待於郊外, 九月不雨, 郿 朝,始改封 , 粒 天寶 縣 食將絕,盗賊且興。 太 八年! 白 尋令擇 山 侯, 徂冬及春,農 此 詔 雄 Ш 而 封 日 鎮 舊 加 Ш 有湫 齋 以 神 戒, 方, 濟 爲 風 民 民 載 臣 神

0 0

<sup>「</sup>諫」,郎本、《七集・奏議集》卷十五作「議」。

改。 [由],據郎本卷四十一、《七集‧奏議

<sup>《</sup>七集・續集》卷九改。「祀典」,原作「典祀」,據《七集・東坡集》卷三十四

足亞五岳,若賜公爵,尚虚王 既至之日,陰威凛然,油 功,實未爲過。 左降,揆以人意,殊爲不安。 封爵未充,使其昔公而今侯,是爲自我而 神雖幽,報答甚著。臣竊以爲功效至大, 周飫。破驕陽於鼎盛,起二麥於垂枯。 蓋,既日不散,遂彌四 色慘變,從東南來,隆 否,特賜指揮者。● 伏乞朝廷更下所司,詳 隆 方,化爲大雨,罔不 獵獵,若有驅導。 雲蔚興,始如車 且此山崇高, 稱,校其有 鬼

「者」,原脱,據《七集・續集》補

#### 太常少卿 趙 瞻可户部侍郎

蘇

| 軾文集卷三十八

制 敕

#### 中 兼侍 講傅 堯俞可吏部侍郎

挺然 堯俞 尊 ; 聞 宰,益修厥官。 未嘗言。給事黄門,未究其用, 君子所以難合,而朕 仁人之言,置之講席, 一 節 ; ,博學篤行,❶ 敕。 以經術用,則 可。 以 懷道不試,十年于兹。 德 董正治典,以 望 久 進, 議 亦 聞 、難其人 論 於世。 則 正 風 非堯舜之道,蓋 而 俗 稱先帝復古 焉。 名器 歷 厚 事 具官傅 往貳 重 圃 远世, 朕欲 朝 太 此 廷

> 焉 自 之論 以 事,輔以儒 中外紛然,朕益厭之。 利之臣,言政而 順,則財可 香老 秩宗,擢 理財 可。 舊 理財 也, 貢 得 德 術。 郑計。 圃 居 必 正 此 忠義之節,白首不衰。 不及化,言利而不及義。 理,民可 辭 繼之以 官者,蓋有盍徹之意 ,禁民爲 將使四方之人, 具官趙瞻,明於吏 正 得而正。 辭。 非 日 名 正 義。 自 知予 頃 而 先 功 王

博 學 篤 行 作 行 郎 Ξ +

九

0

改。

坡大全集》此文有「誥」字。 ·郎」下,《永樂大典》卷七千三百零三郎字韻引《蘇·

# 王克臣可工部侍郎依前龍圖閣直學士

以舊 奉朝 典。 奮自 成 官。 是軍 服 爾 其 官 ·繕治之勞,内以全予恭儉之志。 儒術 謁 器 有事 才有 國之備,凡 敕 開 ,仍兼内閣之重。 0 餘裕, 于斯, 而司 朕 蔚爲 常懼 承 空長 先 聞 所在 仰于百工 當識朕 不 帝之 人。 貳,艱於其人。 稱 見 · 丕業, 而何 歷帥 稱 意 勉率厥職,外 者 敢有 比 諸 居 具官王克臣, 乃以諉于冬 其 由 藩 加焉 宛丘, 常佐 宫 爱命 室 可。 以 爾 事 惟 而

# 祥符知縣李之紀可廣西提刑

朕 赤 縣 視 其 具 而 地 官 廉平之稱,達于 如户庭, 李之紀。 視其 近 自 民 畿 加 甸, 了, 是 家。 遠 用 命 至 爾 海隅。 賦 爾。 政

朕側。往惟欽哉。

按

刑

嶺

表

,其一乃

心,

毋

或

鄙

夷其民,

如

在

# 知楚州田待問可淮南轉運判官

試 民。 才,往悉乃心,毋使厥聲減於治郡。 中,民以告病。 于劇郡, 吏民 異 敕具 時 吏或 官田 不更郡 待 以爾端: 宜 問 之。 縣 朝 静敏恪,悃 其 廷 而 取 任 即 刺 材 本 舉 道 必 愊 以 始 剛 可。 無華 究 柔 於治 爾 失

# 兩浙轉運副使孫昌齡可秘閣校理知

福

州

明 以 之稱,達于朕聽。 民 理 服, 敕 乃 具官 宜 難 之。 以力 孫 朕方 勝。 龄。 閩之會,其民 復 今命爾 爾 文館 奉 使吴 之職 爲 守 越 智巧,易 惟寬 而 廣 廉 丽 平

# 才之路。遂以命爾,往惟欽哉。可。

## 知徐州馬默可司農少卿

守,剛 能已試於外者,其以告我 大農,毋忽朕命 有聞。朕方選擇循吏,人爲卿佐。 敕具官馬默。 而不犯,明而 爾以博學强記,宏毅 不 苛,歷試 而 力行之,往佐 中外,藹 凡 爾 所 然 有

# 兩浙轉運副使許懋可令再任

郡縣,均通有無 朕 之俗,必易爲功,庶無新故更代之勞,而 通,吏事詳敏,歷年于兹,民便其 上下相安之美。 方蠲理煩碎,以安養其衆,非得循吏察視 敕具 (官 許 懋。吴越之人,凋敝 勉修前業,無怠日新。 ,則民何賴焉。 以爾儒 政。 久矣。 既信 可。 紨 精

# 新淮南轉運判官蔡朦可兩浙運判

視郡縣 朕方 且 東南富庶,比於西蜀,而機 臣之子,進以 静,則民不媮。 蠲 敕具官蔡朦。 理 ,均通有 煩 深碎,以 儒 術,歷 無,則民 可。 安養其衆,非得循 吴越之人,凋 佐 漕府,治辨 何賴焉。 巧過之。 以 敝久矣。 有成。 惟寬 爾名 吏察

## 司農少卿范子淵可知兖州

尚勉求效,以蓋往愆。可。 朕惟水土之政,與郡縣異,其觀汝于牧民。 汝治河無狀,耗國勞民,積歲而功不成。 救馬電試以事,而收其所長。有司言

#### 故 樞 表 夀 安 密 閶 縣 副 君 使 崔 包 氏 拯 男 可 太 特 常寺太 封 永 嘉 祝 郡 繶 君 之妻 仍 封

異其 撫養 若崔氏者, 婦。 惟汝之功。 人歌之。 焉。 所 孤弱,使我嘉祐名臣之後,有立於世, 夫亡子夭,惸 敕 居, 崔 可。 韓愈幼孤 氏。 可謂兼之矣。 昔衛世子早死,共姜自誓,詩 風 汝甲族 曉郡 然 ,養於嫂鄭,愈喪之朞。 無 或 之 歸 使薄於孝悌者 遺 其改賜湯沐,表 而能 孤、大臣 誓 死不嫁, 之 有

#### 皇 叔某贈 贈 蔡州 婺 觀察使追封汝南 州 觀 察 使 追 封 東 侯 陽 侯 皇 兄

敕。生分竹符,所以廣恩於宗室,

之思。 車,即 屬既尊于中外, 某等生于高明,克自 宗,夙被麟 有士人之風; 没享茅社 封其地。 庶其有知,服我休命。 趾 所 之化。 以 寵綏其子孫。 忠孝著聞,蓋服祖宗之訓。 爰疏五等之貴,以 禮當極 國 [抑畏。 有常典,我其敢忘。 於哀 恭儉寡過,綽 樂。 眷予盤 慰 命 九原 以 石 之 廉

## 士奫可西頭供奉官

者。 加 能 朕 誦 敕 習文 何愛一官,不以成其志乎? 具官士 (法,以, 奫。 求自試,蓋 汝宗室子,生于安逸 亦有 志於士 可。

## 童湜可特敍内殿崇班

年。 而 敕 能 具 祗 官 畏 童 以 湜。 蓋 前失,既 汝 奉 法 不 更大告 謹 坐 稍 廢 復 歷

# 汝舊。往服厥官,益敬無怠。可。

征役,

而

重

以

飢

汝往按

視

如京

東之

政,以寬吾憂。

可。饉

# 謝卿材可直秘閣福建轉運使

增重 利。 民 釋此大邦,付之一路。 仍進 奉使不擾,力行古人之事,庶幾循吏之風。 之,惟愛身者爲能愛民,惟知義者爲 以 悦,朕不汝忘。 勸 於使權。 以爾臨事有守,信道不回,治郡有方, 功興事 敕具官謝卿 也。 無輕遠人,謹 將以觀士之所守而 材。 可。 先王設官制禄, 視 直於書府,俾 貪 吏,政成 能 進 非 退 知 特

## 趙偁可淮南轉運副使

刑平賦簡,所部以安。今淮南之人,困於之民,至今稱之。推文登之政,達之齊魯,敕具官趙偁。汝昔爲文登守,而海隅

# 吕温卿知饒州李元輔知絳州

其爲養民一也。 日 郡, 計 可。 敕 不足,歲計有餘。 吕 其深念之。 温 卿 等。 夫安静之吏,悃 監 服于朕訓, 司 今自部: 郡 縣, 使 其 者 職 以 愊 了,移治 永終 無 不 華 同

### 王誨知河中府

存,勉思古人,以紹前烈。可。方唐之盛,世有賢守,風流未遠,圖像具郡,所至安静,吏民宜之。河東吾股肱郡, 救具官王誨。汝以名臣子,老於治

### 邵剛通判泗州

汝官于上庠,既習其説矣,其往試之。可。在泮獻囚。」獄訟之事,固儒者之所學也。敕具官邵剛。《詩》云:「淑問如皋陶,

## 荆王揚王所乞推恩八人

授,以旌其能。往服休恩,益敬無怠。可。月積其勞。給事王宫,既勤且久,增秩改具官某等。或以方伎世其學,或以歲

## 西頭供奉官張禧得三級轉三官

功, 所從 敕 具 官 來 張禧。 尚 矣。 疆埸之政,以 爾 既 應格 則 賞 虜 隨 計

可。

### 鮮于侁可太常少卿

朕命。 此。 術,達於人情,其孰宜之? 御今,智足以應變,强足以守官,深於經 議 而民服。朕選建卿士,付之禮樂,意在 君臣之名分,上下守之,有死不易,則國安 而晏子太師折衝於樽俎之間。 郊 彼己之子,●邦之司直。」往修厥官,無斁 論,必稽焉。 廟之度、服器之數而已,國有大政事、大 非我老成之人,學足以通古,才足以 敕具官鮮于侁。 可。 昔魯秉周 奉常之職,非特以 禮 《詩》不云乎, ,齊不敢謀。 國之典常, 於 治

### 范祖禹可著作郎

往祗 後世 之所謂益 際,所以興壞治忽之由,一歸於東觀。 著作之任,顧不重歟? 有司之常事。 作,皆史事也。 厥官 朕苟 無 敕具 所考信。 (官范 , 無 有 友者,奮筆於其間,則善惡貿亂, 過, 曠 至於廊廟大議,君臣相與之 乃職。 祖 今左右史獨 猶當直書, 汝既任其事矣,益進 禹。 可。 左右 非得直亮多聞,古 脯 起 書已行之政, 況 居,東 其餘 乎? 丽 專 則

### 孫覺可給事中

若其不明, 承祖宗。 敕。 朕 未堪多難之憂,常恐不聞其 雖臺 聞 明 |諫亦 主 失職。 在 凡 朕以沖眇 侍 從 皆得 ▽, 重 過。

> 不言, 請 陽 小 事 爾抗章伏閣之志,施於還詔 以遺朕,天下 下 不違仁; 一乃心,以稱朕意。 閲 補; 至執 城之直詞,固 矧兹封駮之重,任 月于兹。 職固當爾。 藝,猶當 間 自 處 謂之 以 西 卒採 孝 懷 省,遷之東臺。 盡 具官 Œ 聞, 蕭 規 群言, 人。 生之雅意。 出 參 孫覺,行不違道,言 豈. 以忠顯。 黄散之間。 屢告嘉猷,固 必 以遂 批 諫 敕之間。 臣, 而 前 先帝 覺 命。 重 而 違 方 後 知 其 以 其 進 所 無 論 非

# 皇伯祖克愉可贈忠正軍節度使開府儀

同三司

賢。雖設官以董其私,置傅以導其學,而敕。國家蒙累聖之餘澤,眷宗室之多

❶ 「眇」,原作「渺」,據郎本卷三十九改。

九六五

告具。 獨慰九泉之思,亦將勸庶邦之義。 持滿矜高,蓋得諸侯之孝; 不言之際,遽兹永逝之悲。 於大有之賢。 悼。具官克愉,忠厚以爲質,禮敬以自文。 支之茂,蔚爲邦國之華。 材,皆湮没 重以吏事,責之懿親。 奉朝請。 賁以旌旄之寵,仍兼將相之榮。 而無傳,故嘆息之何及。 雖有間、平之盛德,歆、 小心自將,没齒無過。 青衿而 不幸云亡, 惻然永 日月有時, 窀穸 履信思 服簪 可。 /纓,白 尚賴· 向 順,合 方朕 之 異

## 蕃官兀埿常等十二人覃恩轉官

秩,以 矧兹 臨 敕具官某等。 廣異恩。祗服寵靈 御之初,豈 有 錯 中 居 **一,益堅守禦。 可。** 外之異。 吾圉,世 一濟其 各 1從遷 忠。

#### 高 密 氏 封 郡 康 王 國太夫人❶ 宗晟 建 安郡 王 綽 所 生 母

孫

君。 坐上 特推 況屬 豈惟擢秀於閨門,固已流芳於宫閩。 以 南琅琊之貴。爰改封於樂土,俾正位於小 因 勸 親 以 服我休恩,介爾眉壽。 ,有伯仁仲智之賢, 於異數。 籍至近,賢王篤生,欲大慰於慈心,宜 能 敕。 賢; 教 愛, 母以子貴、《春秋》之義也。 賜高年之爵,以助養老。 廣愛以 孫氏 四德純備,五福 及民。 持節洛濱、皆汝 可。 封節婦之間, 薦 朕方 舉觴 而

「康」、原脱、據郎本卷三十九、《七集・外制集》卷上

0

### 左侍禁李司可供奉官

副

使劉

琯知恩州

先。 旅, 有成勞。 以鷙 爾久練武 勇 試于一州, 祗服朕訓。 軍 爲 國 上 經,本由 異 容,兵 承流 才選,屢更煩 民異道。 宣 化,以 可。 忠孝 治 使,克 戎 爲 振

# 皇叔叔曹贈洺州防禦使封廣平侯

爰假 終。 之臣 知,服我休命。 常德,以没元身。 具官叔曹,生於高明,力自修 ,則必親賢之屬。 敕。 麾之寵,就分五等之封。 官至持節,爵爲通侯。 可。 乃眷 豈云虚受,維 衡漳,夙 非 爲重地。 飭,克有 庶其有 我勳 以 勞 飾

官,以勸吏士。可。何以懲艾。爾能奮命,破走犬羊,何愛一何以懲艾。爾能奮命,破走犬羊,何愛一敕。蠢爾裔夷,憑嶮竊發,不時討擊,

## 張汝賢可直龍圖閣發運副使

漕者, 惟欽哉。 知義利之分者。 史,號稱敢言,奉使江表,罪 羨財以幸恩寵,而民受其病。 丽 已,非以求赢 敕具官張 所以均節諸路之有 、汝賢。 也。 是以命爾。 至俗吏爲之,則多 朝 廷於 無 ",使歲 人斯得,庶幾 寵之新 南 以爾昔 方復 課 置 爲 時 收 都 御

九六七

### 狄諮劉定各降一官

爲先。 官。 以更赦,置之閑局,而公議未厭。 利,使民無所致其忿,至欲賊殺官吏。 肆其下,曲法受賕,收聚毫末,與 往思厥愆,服我寬政。 敕具官某等。 今乃不然,煩酷之聲,溢于朕聽,公 奉使一路,以卹民 可。 (農圃 其 削 奉 朕 争 法

### 范子淵知峽州

得以 愧 可以 横費之財,猶可以力補, 不可成之役,驅無辜之民,置之必死之地。 [於民,而於汝則厚矣。 復生。 赦 敕具官范子淵。 原也。 此議者所以不汝置,而朕亦不 夷陵雖小,尚有民社。 汝以有四 可。 而既死之民,不 限之財,興 朕有 必

0

### 事郎● 宣德郎劉錫永父元年一百四歲可承

孝 景; 孫。 吉人,莫享上壽。張蒼仕秦柱下,❸而 答爾百年之故老,乃吾六世之遺民。 有其人,乃今親見。 可 • 敕劉元年。❷ 思邈生隋開皇, 尚齒教民,三代之義。 何 愛 而及唐永淳。 命、慰其 自非 至漢 古

歲可承事郎制」。
(以下簡稱《彙考》)卷十作「宣德郎劉錫元年一百四(以下簡稱《彙考》)卷十作「宣德郎劉錫元年一百四(以下簡稱《彙考》)卷十作「宣德郎劉錫元年一百四(以下簡稱《彙考》)卷十作「劉「宣德郎」至「可承事郎」、《七集・外制集》總目作「劉

0

上敕承事郎劉錫」。

「敕劉元年」,郎本卷三十九無「年」字、《彙考》作「臣

● 「可」下、《彙考》有「特③ 「仕」、《彙考》作「事」。

#### 叔 頗 男旼之可三班借職

怠。 以 獲 可。 官。 敕旼之。汝父 其思所以克家事母 無 禄早世,緣母之請, 者,惟敬毋

#### 鮑耆年京東運判張 峋 京西運判

無冤民,以稱朕意。 者爲朕耳目而已。 進之漕屬,以究其用。 縣,而守令之賢,不能人知 敕具官某等。 爾 朕惟 可。 長 其 百 使上無惰吏,下 其實,獨賴部使 姓之命,寄於 郡, 以才良聞。 郡

#### 李周 可太僕少卿

敕 具官李周。 僕臣 正,厥后克正。」

> 以望爾者,豈特車工馬政 《魯頌》。 不回,臨事有守,通 見於《周 書》。 朕命此 思 職,亦難 無 練 邪 世故,灼知民情,所 而已哉 思 其 人。 馬 斯 臧。 以爾秉心 可 形

於

### 范純禮可吏部郎中

事。 小進之,益觀其能,往欽哉。 用,驥騄不可以 天亦維相之,使世有人以任我樞 明德秉哲,以左右我仁宗,俾配德 今汝獨在外計,朕惟瑚 敕具官范純 小試。 禮。 嗚呼, 命以天官之屬。 可。 維 璉不可以 乃 機將帥之 於堯舜 顯 考, 其 褻 克

#### 余希旦 可 知 維州

職,亦云久矣。 敕具官余希 肆余大眚,罔不更新。 旦。 爾 本 以才選, 坐累失 北

九七〇

生。可。每名邦、民朴而富、往務忠厚、以安其

### 王晳可知衛州

節,名在循吏,而久不治民,朕甚惜之。 哲 宜。可。 行之麓,民 , 篤老不衰者, 今幾人哉。 敕具官王晳。 朴 訟 簡,守以 凡我四 朝之舊, 安静, 以爾 莫 好學守 經德 如 汝 太 秉

### 郭祥正覃恩轉承議郎

可 國,覃及方外,浹于有 無 敕具官郭祥正。 增 秩之 寵。 祗 生。 朕丕承六朝,陳錫 服 矧余通 休 命, 永肩 籍之臣, 四

心

可。

### 王崇拯可遥郡刺史

實。 爵,然非親賢勳舊,不在此選。 省,出分虎符,兵民所宜,選寄滋重 石,魏晉以來,皆牧守之任。 言爾,累勞當遷。 可。 敕 具 官王崇 拯 益修厥官,以 刺 史 〉漢官, 今雖 爾 人 以 秩 應 直 爲 六 有 禁 司 勇 百

# 潮州澄海第六指揮使謝皋可三班借職

惟廉與慎,乃克有終。可。一旅,極矣。今乃以去惡之功,獲補武吏。 敕謝皋。汝自什伍,長積勞累,遷至

### 克鞏遥郡防禦使

皇

伯

仲

郃

贈

使

相

之器。 高明, 稱; 服我休命。 爲,寵均三事之臣; 罹此 有常典,我其敢忘。 古之道也。況於死 閔凶。 敕。 退省其私,有爲善之樂。 克自祗畏。出就外傅,聞 豈云虚授,維 親 慰我永懷,豈無異數。 म् ० 親 以 藩 生之際,恩禮之重 王室,賢 皇伯具官 以飾終。 玉節牙璋,坐享專征 賢 1仲郃, 以 庶幾有知, 云何不淑, 尊 衮衣赤 好禮之 朝 生於 廷, 國

### 士暇右班殿直

之惟艱。祗服朕訓,乃克終譽。可。汝宗室子,始名而禄。得之非艱,守

則朕與汝皆無愧,豈不休哉。有進秩,必付有司,考其歲月,察其行義,授,以速人言。得之惟艱,乃罔後悔。凡朕於宗室,無所愛也。然猶不欲虚

### 劉奭闍門祗候

至矣。 則恤 , 無 其 惟 忝 將何以報之。 我神考,篤 孤。 厥祖,以世其家,成汝之志,可 將 使 識 于將 朝 可。 (帥,生 廷 之儀,習軍旅 則 厚其 寵,死 之 謂

九七

### 土安石贈太傅

之興。 朕 老,邈在大江之南。 樵,不亂群於麋鹿。 篤,古今所無。 屬熙寧之有爲,冠 以己意, 孔、孟、晚師瞿、聃。 間,靡然變天下之俗。 絶之行,足以風動四 行其言。瑰瑋之文,足以 非常之大事,必生希世之異人。 方臨御之初,哀疾罔極。 時,學貫千載。 告終之問,在予諒闇之中。 敕。 浮雲何 朕 糠粃百 式觀古初,灼 有,脱屣 方需功業之成,遽起 智足 家之陳 群賢 究觀規 進退之美,雍容可觀。 罔羅 方。 如遺。 具官王安石,少 以 而 見 六藝之遺文,斷 藻 達 迹, 用 模,想見風采。 首 乃眷三朝之 其道,辯 天意。❶ 飾 屢争席於漁 用。 能 作 萬物; 使其名高 於 .新斯. 胡不 信任 期 歲 足以 Щ 將 之 林 學 之 卓 有

> 服我休命。 以 能 年 -,爲之 違天, 師臣之位,❷蔚爲儒者之光。庶幾有 涕。 贈 可。 膊 哀 於 戲。 榮之文,豈 死 生用捨之際 不在我。 孰

#### 楊繪知徐州

得。 忘。 彭 簡 臺 丽 疎 城大邦,吾股肱 諫 易輕信,失之匪 朕 於 可。 詩人所謂「豈弟君子」者,繪 何 防 敕 以直 疾 患 楊 焉。 繪。 圃 諒 密於慮 聞。 先帝龍興 士有 郡。 人。 言 拙 國 雖 於謀 一; 其 政成民悦,朕不汝 坐廢十年, 陶然自 (,首擢) 無 (自爲 身而 功, 用爾。 効於今日。 計 巧 庶幾焉。 則 )於治民 過矣 置之

<sup>「</sup>師」、《七集·外制集》作「帥」。 「意」、郎本巻三十九、《七集·外制集》卷上作「命」

### 陳薦贈光禄大夫

存者。 忠守道之士,知朕意之所予者。可。 淪喪未幾,風烈如 難爲愛君; 薦,剛毅木訥,器遠任 成,人物改謝。 而追榮之典,猶足以寵綏其子孫。 我神考于東宫。 敕。昔我英祖博求天下之士,以 朕惻然傷之,永懷其人。 周旋藩 顧瞻在廷一二臣外,罔 二十餘年之間,山 在。 重。密勿左右 輔,以卹民爲報國。 雖死者不可復作, 且使朴 具 官 以以 陵 輔 陳 有 既

# **口穆仲京東提刑唐義問河北西路提刑**

始罷 令,使不得營私 賦泉之令,復征 敕。 先帝立 ൬ 法 害民者 更制 徭之法,凡先帝之約 ,所以 一<del>,</del> 可 謂 約 至 束 矣。 監 司 朕 守

> 所復病。 朔,皆天下 爲政,或直亮多聞,志於仕道。 束,當益 申而嚴之。 以爾穆仲等,或端 · 重 地 也。 使 往修厥 出 力從 静 官,稱朕意 有 加 政之民, 守,敏於 京 東、河 無

### 沈叔通知海州

焉。

可。

以生矣,其肯自棄於惡。 聚剽掠,此吏不稱職, 今選命汝。 責,有不順成,荒 敕。 朕嗣 惟往安之,非勝之也,民 位 政 以 **公**畢舉。 來, 備災無 通 可。 商 丽 海 惠農,施舍已 素之過也。 濱之民,群 <sup>2</sup>苟有

### 孫向保州通判

舉能,既復其舊矣,則達政之吏,可以有敕孫向。一郡之寄,在汝守貳。察姦

九七四

觀來效。可。爲。爾通練民事,既試有勞,其從所請,以

## **鄧闢朝散郎**監邕州慎門金坑❶

亦至矣。法當遷秩,以答久勞。可。瘴霧之鄉,上幣所出。累年於此,勤

## 荆王新婦王氏潭國夫人

哉。 禮。 以 藹然,刑於宗族。 《詩》美羔羊、蓋鵲巢之功致。 之賢,從可知矣。 含章不曜、能使君子、樂且有儀。 稱 富貴而能恭儉,俯仰極於孝慈。 可。 我叔父之德,爲内命婦之法,豈不休 敕。 《易》稱 其改封 中饋,爲家人之正吉; 王氏早服 大國,象服是宜。 師傅、習聞詩 婦德有常, 則内助 令問

### 劉庠贈大中大夫

庠等輩,不過數人。方當召用,命不少假。 使九原而可作,雖百身其何贖。 出人二紀。英祖神考,實知其人。而剛毅 賁于其柩。 朴忠,學不少貶。肆朕嗣位,疇咨故老。 官劉庠、才備德博、器遠任重。 逝矣,歲不我與。 士既 難進 敕。 國 而易退,時亦難得 雖知無益,以塞餘哀。可。 以 求 古人之歎,復見于今。具 賢 爲事,士 而易失。 以 逮事三朝, 得 式章異數 時 爲 日月

#### 李琮知吉州

敕李琮。汝以久遠無根之賦,使畏威

不汝深咎。 事矣,而汝猶自言,若無罪然。 聞之惕然。 懷賞之吏,均之于 富,甲於江外。 使民安汝,朕則汝安。 遷于一州,往深念之。 使吏覆視,皆如所 無辜之民。 聞。 朕惟更赦, 民 以 廬陵之 既正其 病 可

### 高士良可文思副使

來效。 課以歲月, 敕高 士良。 於 法 當 汝閱習民兵, 遷。 往 服 寵 技 靈 藝 一<del>,</del> 益 超等, 思

# 皇叔叔遂可贈懷州防禦使追封河内侯

宗之澤 具官 位 而 叔 有 敕。 遂,性於忠孝,文以禮樂。 歸 而 生于富貴 全之美,始終之義,有足賢者。 服 師保之訓。 而 無驕逸之患 克有令聞,以 ,終于禄 蓋蒙 没 祖

> 勸於宗室,下以寵綏其子孫。可。 元身。是用爵之通侯,官以持節。上以

惇

# 並遠州團練使揚王子孝騫等二人荆王子孝治等七人

涕。 奉侍兩 樂?」●王言:「爲善最樂。」帝大其言, 意。太皇太后 送列侯印十九枚,諸子年五 二聖不同,同歸 從其請,出就外宅,得孔子遠其子之 義,不許二叔出居于外,蓋武王待周召之 之,著之簡策,天下不以 昔漢 敕某等。 宫,按行 明帝問 先皇帝篤兄弟之好,以 嚴朝廷之禮,以 于道,可以爲萬世法。 新 東平王:「在家何等 第, 顧瞻懷思, 爲 私。 一歲以 義制恩,始 今王諸子 潜然 上悉帶 恩勝 意。 因 爲 出 朕

❶ 「等」、《文鑑》卷三十九作「業」。

以 助 有 性 爲邦家光。 其 成人之風,朕甚嘉之。 于 、爲善之樂。 忠 孝 ', 漸 于禮義 可。 尚勉之哉,毋忝乃父祖, ,自勝衣以 其各進 上 一官,以 **頎然皆** 

## 吕公著妻魯氏贈國夫人

故動 婦。 年不永,禄不配德。 具官吕公著,故妻魯氏,名臣之子,元老之 必形諸外。 子有「麟趾」之仁,則内德之茂,從可知矣。 可。 協 庶幾爲女史之光,非獨 所資者深,故志存乎仁; 敕。 于禮。環佩穆然,閨門化之。而降 婦 視其夫有「羔羊」之直,●相其 人之德,如 其改封大國,正位 玉在淵 慰其夫子 雖 所見者大, 不 可 而

### 仲暹可遥郡防禦使

行。 之無愧。 事,無所施其才, 無 過難。 日月其邁,爵秩當 敕 仲 凡我宗室,皆有位著。 可。 暹。 居貧 而刑 賤 而 于 遷。 有聞易, 厥家,有以考其 朕不爾 雖 處 不 富 私, 任 貴 以 服 而

### 司馬光三代妻❷

### 曾祖政太子太保

君子,有種德於百年之前,而待報於數世故其發也難。發之難,故其報也大。古之敕。《書》曰:「皋陶邁種德。」種之遠,

- 「羔羊」,原作「羊羔」,今從《七集·外制集》卷上。
- ) 「司馬光三代妻」,郎本卷三十九作「贈司馬光三代」。

朝。 不試 尚 至於曾孫,其德日 曾祖某官某, 食其報,以康乃後。 者。 ,遺其子 退有事于家廟,其致朕命,詔于有神。 昔聞 孫。 篤 其 行有 語 躋。 天不吾欺,再 聞,信於鄉 可。 衮衣繡 其 裳,進位于 國。 某官 世 丽 懷 某 顯 道 故

其

#### 祖 母 薛氏温國太夫人

顯。 母, 以孝慈,緯之以 曾祖母某氏,專静 于子孫; 君之禮,以隆其 而自 可。 君子之孝,至於尊祖,以及其妣,用 敕。 祖 詔 朕自 而 于 以 隱 绀 上,非予丞弼之家,莫 通 恭 家 德之報,可質于天地。 穸。 籍之臣,皆有以 儉。 有守,柔嘉維則。 可 翟茀副笄,●尚 謂 使清白之訓,不 至矣。 某官某 竉 綏 經之 服 獲 其 我 墜 故 褒 邦 父 享

### 祖炫太子太傅❷

涕而 哉。某官某故祖父某官某,篤學力行, 況其父祖墳墓之所在, 予寵章,以慰民望。 慶,在其子孫。 配前人。 羽 拜者。 旄,聞其 敕。 仕道 朕 錫命之寵,豈特以慰其家而 有 車馬之音 元 難 風 臣 進,止於 流未遠,英烈 可。 以 , 則 德 望其 深稽首 媚 一命。 、草木、蓋有 于 上 而 如在。 下, 聚觀之。 無疆之 追 流 見 歆

#### 祖 母 皇 甫氏温國太夫人

惡之報,各以其類。凡今富貴壽考,光顯 敕。 夫天人之際,若 不 可 知 ; 丽 善

0

0

翟」,原作「藋」,據郎本卷三十 碩人》有「翟茀以朝」之句。 九改。 案,《 詩 衛

集》卷上。 「炫」,原作「泫」,今從郎本卷三十九、《七集 外

庶幾幽壤,服我寵靈 世之後,莫之與京。 子,以大其家。而餘澤方茂,福禄 于世 著于閨門。 之者也。 察其父母大父母, 某官某故祖 好禮慈儉,刑于姻族。 愍册追 母某 可。 一榮,國 氏,令德孝恭 未 有不仁 未究,再 有常典。 始生賢 而 得

## **父池贈太師追封温國公**

本所自。 朕既采民言,俾秉國成。 其世,篤生異人。不求而名自章,不言 閔之行。 人自信。 用,止於侍從,德澤之施,極於方鎮。 世範,言爲士則。 世,必有達者。 古人而無疑,質諸 敕。 皆曰 事我仁祖,爲時名臣。 命以師 朕聞 盛 君子之子,宜爲天下之用。 某官某故父某官某,德爲 臣,祚之大國。 德之士,必與天合。 躬蹈險夷之節,庶幾顏、 鬼 神 丽 而淵 不慚。 源之深,推 使人知有 而儒術之 雖 天厚 考之 不 而 當

道之士,雖没有無疆之休。可。

### 母聶氏温國太夫人

夫, 德,庶幾令名與子俱傳於天下。 者。改封大國,正位 之士,以濟於艱難。 顯親揚名之故歟? 某官某故母 以淑女,●嬪于德人。 以 湮 不 表見於世。君子之欲得 見名節。 滅無傳,何可勝數。 慈和 古之烈婦,著在 嚴翼,以成其子。 若夫令德懿行,秀于閨門, 其遺風餘澤,蓋 一小君。 恭儉 獨 上史册, 賴 位 公信順, 子孫 使朕 行道 非 非 獨 可。 党,豈非 聶氏,早 之賢, 有 以 得 以 憂 名世 有 相 存 其 以

### 故妻張氏温國夫人

敕。夫婦之好,義同賓友。 懃瘁相成

▶ 「女」,繆刻《七集》作「艾」。

德寂 從 以 聞 寵章,慰其永逝。 於 我 女士,不勤姆師。 其 艱 元 寞之宅。 事 難之中, 老,辭 ,惻然傷之。 寵居約。 而 始終之際,無愧古人。 死生 其正名於大國,以從 歸于德門,克有令問。 契闊 具官某故 遊神清 於安樂之後。 **安某氏** 净之庭,守 我 了, 少 姑 有 朕

#### 張 恕將 作監丞

於九原。

可。

其 子,篤學好禮,敏於從政。 家,推擇其 至 而 求,有不可得。 可 爾 朕惟 克 子弟,庶幾似之。 遠 人材之難,長育之無 猷, 是以 無 忝 訪之元臣大老 試之匠 乃 父, 以爾名臣 事,以 以 之 朕 觀 之

#### 趙 濟 知 解 州

矣。考之清議 也 官不浮,則民 可 敕 使 敬之戒之,毋失朕命。 趙 南 濟。 面 不日 了, 求 古者官有常 服。 也 汝宜,尚畀 汝長 可 使爲百乘宰。 西師 ,歷年於此 城, 有 定 定

雍

而

#### 李承 之 知 州

貴 曹參爲齊,問治於其師蓋公。 勞,所見者大。 可 野 官李承之,生于甲族,世 以大度長者勝,難以 千里,生齒億萬, 敕。 净 丽 朕 民 東 自 肆予命汝,尹兹東土。 定。」汝師其 齊魯之國, 商農阜通,儒 細謹 一爲名 法 河 言, 公曰:「治道 臣。 吏治也。 岱 立間 則予汝 俠 屢試 雜 有 昔 具

嘉。可。

### 韓維三代妻❶

### 曾祖處均燕國公

怵惕 新封。 之朋。 遺風之自。 成。 文而靖,既直且温。 某曾祖某、潛德不耀、久而自彰。 億事仁祖,始參大政。 史,❷古 唐 諸 豈惟嗣世之賢,實賴積善之報。 温之兄弟,同 濟其美。 逮予纘嗣之初,繼受艱難之託。 可。 仰以 無擬倫; 漢諸袁之父子,四 是用因上公之舊秩,開北 增廟室之光華,俯以慰烝 盛矣曾孫之貴,蔚爲 , 時並 眷予世臣,有若韓氏。 旋觀純德之全,尚 篤生三子,咸秉 列三省。 世繼出五公; 天祚 著在圖 嘗之 國 具 之 允 壽 厥 官 國

## 曾祖母李氏燕國太夫人

以禮; 沐之舊。 政,責任兹始。❸ 後昆,丞 氏,育德名家,作嬪良士。 秉義久而不忘者乎? 直之賢,内有鳴鳩均一之助,亦安能 德,弼亮三世,非其淵 敕。 可。 弼我國家,以 蘋藻之薦,敬而 朕惟 公卿之家,有能 余亦何愛大國,不以易湯 源深長,外有 無斁於世。 具官韓維曾 有儀。 珩璜之節, 父子 用 能 今 其 祖 羔 躬 使其 動 母 奕 羊 履 必 李 世

### 祖保樞魯國公

敕。朕方圖任股肱之臣,以光大祖宗

<sup>● 「</sup>韓維三代妻」,郎本卷三十九作「贈韓維三代」。

<sup>(</sup>任],郎本卷三十九作「在」。集》卷上。

以 責成。 阜之封,增 兹 我神考之休烈。遺風未遠,故吏尚存。 厚,見于子孫。 官某祖某,躬履仁義,著迹鄉黨。 報貽謀之德,下以勵移孝之誠。 纘承,繼用耆哲。 不如 可。 與其 我。 用 廣 寵 寵 是以 斯 師 ·禄厥躬,不若尊大其祖。 志 或佐我仁祖之盛 臣之贈。 推 |沛恩 以 朕既恭默 及 命,褒顯前人。 爾 服我休 私。 思道,垂 人之念祖 小命,益· 一明,或 肇新 積累 大 曲 拱 逮 相 具 深

## 祖母郭氏周氏贈魯國太夫人

於世 維 師 雖 妣 長 有過人之才,絶 (我百 ,咸追錫 敕。 今余輔 德稱 辟。 古者 選闡 休 婦 願 臣父子兄弟,先後 命, 推 人爵因 俗之行,不得 ,化及宗黨。 , 肆予· 鴻恩,光顯先烈。 寵嘉之。 其夫,貴以 所託,不表 允蹈家人 相 具官 以其子。 望,以 維 考 祖

> 之正, 獲。 新命。 之封,❷以 國封之貴,及孫 居有 熾韓氏之胄。 鵲巢之福 而 大。 翟 庶其 衣之盛 兹用錫 有 知 爾 由 服 周 子 我 公 而

### 父億贈冀國公

禄終身, 材,進由直 用慨然,想見其人。具官某故父某少禀異 儀刑見於子孫。 老成,與聞當年之大政。❸ 德業傳於父老, 之選,率多慶曆、嘉祐之人。 疚,如種梓漆,以備器 得 士之盛,不 敕。 而 朕聞仁宗在位之久,有同 道。 減武、宣。 不 ·疵,富貴奕 出爲循吏,人爲名卿。 名在國史,像在 用。 如儲藥石, 凡 世,而 今中外文武 而 況 原 天不 一時之 成、康, 廟。 以 待疾 朕

<sup>● 「</sup>用」,郎本卷三十九、《七集·外制集》卷上作「思」。

<sup>)「</sup>封」,郎本卷三十九作「履」。

<sup>「</sup>年」,原作「時」,據《文鑑》卷三十九改。

設。 篤 封大國,益著隆名。 北 土之藩輔。 朕欲賁其 子 翼 輔 家 可。 爾,而 兩 朝 庶 貴已窮於人爵。 使昭陵之老臣,永 旌 旄 交馳 了,棨戟 改 互

## 母蒲氏王氏贈秦國太夫人

以貫 某氏,族爲士望,●德爲女師。 也。 濟艱難之功。❸ 夫,嚴敬以成其子。❷ 嗚呼,此亦仁之至,義之盡矣。 及其親,天也。 (幽明,褒大之訓,可以表後世,禮也。 得志行道,澤可以及天下,而富貴不能 慎 終 追 雖不能及,而追榮之典,可 宜推異恩,以報舊德。 遠,仁也。 使朕獲老成之佐,以 顈 恭儉以相其 具官某故 親 揚名, 可。 母

### 故妻張氏同安郡夫人

蛇, 省察其 朕 私,有《召南》之風焉。 登 進 元 臣 專 以 德 選 抑 退 抑 食 威 委

> Ш 有物則,行應圖史。 官韓維妻張氏,生 儀 顧之憂,專任仰成之寄。 河之象。 惟 德之隅, 祗服明 非 内 于 命,佑我老臣。 有 宜疏湯沐 冠 相 族,作配 可。 貮, 何以 之封, 君子。 及此。 俾 以 無 稱 言 内 具

### 故妻蘇氏永嘉郡夫人

寵 以朝、哀哉若人、命之不淑。 人,動以 故妻某氏,少以女士,秀于閨門,來嬪德 以賦彤管,而史氏所以傳列女也。 況仁 于事,有言語文章之美,而不得聞于人 以 訓詞,庶幾采蘩之遺芳,不與宿草 而不壽,賢而 敕。 禮 法。 人有 而不得 德行才 不禄 與君 者乎? 智之能, 子偕老,翟 其改賜湯沐, 此詩 圃 具官某 不 得 八,而 而 . 弗 所 施

<sup>▶ 「</sup>汝」,原作「汝」,入此以、。● 「士」,郎本卷三十九作「世」。

❸ 「功」,郎本作「初」。 ❷ 「敬」,原作「敏」,今從郎本。

共盡。可。

毋

擾

獄

市

稱

朕

意焉

可

## 趙濟落直龍圖閣管勾中岳廟

不忍 于 理。 爲 敕趙 其退處散地,以勵 而 汝爲 濟。 之。 有司言汝罪惡有 朕 惟 羞 風俗。 汙 搢 就,小 紳, 可。 重 置 ·人有 汝

#### 王 彭 州 知 婺 州 孫 昌 鑙 知 蘇 州 岑 象 求 知

則明。 無難 吏民宜之。」其悉乃心,施于有政。 孫昌齡、岑象求改云:「端静有守,悃愊無華、奉使歷年, 不 法之久,不失仁恕,折獄之多,滋識 可 易,惟 立 敕 郡無大小,民無剛柔,事無繁簡, 也,惟公則 具 (官某。 公而 虚 爲吏 無 威。 莫不欲威 適 明 而 不可 不治。 作 不侮鰥寡 而 也,惟 以 明 情傷。 爾 用 政 虚 威

## 一子韶主客郎中周尹考功郎中

記,老而能學。 要之郎官,天下之清 爲。各率其職 人,而無所輕重於其間。 敕王子韶等。 ,而用其長,朕將觀焉 以 爾尹 事有繁簡,才有所 選 果藝 也。 以 爾子 朕有所 而 達, 韶 知 博 擇 無不 於其 聞 可 宜

## 蔣之奇天章閣待制知潭州

地。 且 剖符分憂,一 昭 具官蔣之奇,少以奇才,輔之博學,藝於從 使 回 于天。 民 爰登秀傑,以 敕。三后在上, 遺文在 見侍從之出守,知朝廷之念遠也 乃眷 掛名於其間,遂增重 藏 備 書之府,因 顧 問。 下, 雖 持 炳若 爲 於所 節出使 育材之 [雲漢, 莅。

間。 嘯以 政,敏 終日。 務安斯民,以 而 有 功。 謂 使之治 湖 稱朕意。 湘 之遠,在余 劇 於 可。 方, 庭户之 固 坐

## 皇伯祖宗勝贈太尉北海郡王

畏。 九原之思,蓋將勸庶邦之義。 之美。始終之際,中外所賢, 隆,加之死生哀榮之極,則朕豈 窀穸告具。 爵,而無驕佚之譏; 其人哉! 元 勳 忠厚以爲質,禮敬以自文。 盛德, 敕。 夫以三公之位,冠諸侯王之爵 具官宗勝,生于 備物典册,以將余哀。 有不 能 兼。 考終天命,而 非我父兄 ,高明, 可。 日月有時, 以此授非 貴 親 贵 有 克 賢之 獨 窮人 自 歸 慰 抑

#### 劉 内侍押 有 方 可 班 昭 宣 使 依 州 刺 史 内 侍 省

司,皆曰應法。 怠之色。 砥礪廉隅,有搢紳之風, 言。具官劉有方,少知忠恪 之地,受有名之賞。 官,内外雖異,愛無 歷歲滋 朕 爲天 往服新寵,朕不汝私。 下 久,積勞當 ※差等。 -父母, 則上下相安,人 祗畏簡書 皆欲其 推一心 ',晚益 遷。 考之有 以 處 詳 一無戲 無 無 馭 可。 練。 間 渦 百

### 宋滋可右侍禁

乎? 官 義 ,不以慰死者之意,且以爲吏士之勸 不旋踵者,以朕爲能卹 敕宋 可。 滋。 疆埸之臣,所 其孤 以 也。 奮 不 何愛一 顧 身、

### 鞠承之可秦州通判

蓰。 在養民。 宿 兵之衆,有損 無忝所知。 軍 敕鞠 政 承之。 雖簡,民 有司 擇 可。 行前, 自恢 材, 事 爲重。 E 而 復 遠輸之勞,至相倍 汝可使。 西鄙,秦爲内 監郡之職,專 往辦乃

### 文及可衛尉少卿

能,而退食休沐,下車里門,澣衣子 非搢紳之美談,而當世之榮觀乎? 周廬宿衛,職親 劇,衆以爲宜。 敕文及。汝三公子以才行 而務簡。 圃 師臣 執 雖未足以 謙, 重違其 聞 濯置 究觀汝 含。 可。 詩。 豈 要

#### 李 杲 轉 可 廣 卿 運 東轉運判官 副 可 京 使 楚 西 潛 轉 可 運 副 廣 使 西 張 轉 公庠 運 副 可 使 廣 旲

東

然,視其後者而鞭之。可。然,視其後者而鞭之。可。然,漢于朕聽,其往視之。夫治民如牧羊急者樂刻,襲文吏之故態。汝以才能治務求厥中。而寬者喜縱,忘先帝之約束,

# 童珪父參年一百二歲可承務郎致仕

其輿尉。今汝黄髮鮐背,以上壽聞,其可下,問百年者就見之,而絳縣役老,趙武讁 敕童珪父參。 古者天子巡守方岳之

孫。 使 與 可。 編 户 齒 乎 ? 0 往 以 忠孝, 教 而 子

## 單可度可三班借職出職

平。可。無大過,有足嘉者。往祗寵命,益務廉無大過,有足嘉者。往祗寵命,益務廉敕單可度。在官滋久,更事亦多,而

### 智誠知宜州

惟汝嘉。可。 之以不戰,消患於未萌。則民受其賜,予不武,不勝爲患。惟爾守臣,威信兩立,勝不武,不勝爲患。惟爾守臣,威信兩立,勝

### 張仲可左班殿直

信之賞,其可忘乎? 可。勇爵,以勸追胥。爾能奮身,以除民害,必勇爵,以勸追胥。爾能奮身,以除民害,必赦張仲。歲之不易,盜賊屢作。爰設

# 張誠一責受左武衛將軍分司南京

「父没而不能讀父之書,以爲手澤存焉。」云乎:「行有死人,尚或墐之。」《禮》曰:之狀,論者紛然。方議其罪,而悖德隱惡,之狀,論者紛然。方議其罪,而悖德隱惡,不。朕甚傷之。乃者姦言詖行,蠹國殘民一。朕甚傷之。乃者姦言詖行,蠹國殘民一。朕甚傷之。乃者姦言詖行,蠹國殘民一。於甚傷之。乃者姦言詖行,蠹國殘民

問,汝亦何顏以處搢紳之列乎? 可。今汝之所爲者,何爲至此極也。縱朕不

#### 陳侗知陝州

夫人 弟孔懷,願爲一郡,以卹幼 分義,不妄附麗 者,鮮矣。 高選也。 爲九卿貳,出爲二千石,此亦搢紳之 陳 汝益勉之。 侗。 以 爾 士臨 出 以干進取。 人册府幾二十年,安於 利害之際而不失故 可。 孤。 死喪之威,兄 朕甚嘉之。

#### 傅燮知鄭州

樂易之政,屢試 繕完之勞,民既告 御民,强敏以御吏,稱朕意焉。 敕 傅燮。 鄭 有 廢 聞。 病,而 爲 邑,復爲右 往 吏亦 任 其 勤矣。 可。 事,寬 輔。 信 以 經 以 爾 誉

#### 除 吕公著 食邑實封 特授 餘如故 守 司 制元祐三年 空 同 平 章 应 1月四日 軍 或 事 加

夫守尚 國人皆 於昭 心 在焉。 衆。 郡 舜不談,昔聞其語; 百户吕公著,訏謨經遠,精識 開 陵。❶ 國 三年有成,百揆時敍。 既得天下之大老,彼將安歸, 門下。 公食邑七千一百户食實封二千三 書右僕射 宜告治朝,以孚大號。 曰賢,夫然後用。 蓋清净以 仁莫大於求舊,智莫良 兼中書侍 寧 以社稷爲悦,今見其 民,2亦勞謙 今朕一舉,仁 郎上柱 維乃烈考, 造微。 金紫光 國 ጢ 東 禄 於 非 以 平 得 相 堯 大 智 至 用

- ) 「於」、《文鑑》卷三十六作「予」。
- ❷ 「寧」、《宋大韶令集》卷五十七作「臨」。

莫能 百户,餘如故。 寄安危。 遷平土之司,釋文昌之任。 於象賢。 丁 時 空同平章軍國 遊廟堂。於戲。大事雖咨於房 失此三益之友,而閔勞以萬幾之煩。 果 ,因至都堂 凡我儀刑之老,多其賓客之餘。 雖莫望於前烈; 斷 罔俾斯人,專美唐世。 而乃屢貢封章,力求退避。 重 事加 一議軍 仍一 德無逾於郭令, 國 食邑七百户 月三赴經筵 事。 作召公考,固 毋廢議 喬 食 可 丽 非 特 裴 實 論 , 是 日 授 朕 封 度 無 如 在 司 亦 時 用 晦 重 易 武

除 故 兼 門 大 制元祐三年四 下 防 侍 特 授 郎 太 加 月 中 上 四 H 柱 大 或 夫 食 守 邑 尚 實 封 左 僕 餘 如 射

名; 門 下。 輔 相 有德 朕聞 天子有道 其 (才不 미 得 其 而 德 見 不 미 故 得 漢 而

> 若古有 吏八 寵 宜 得 果 郡 清 賜紫金魚袋吕大防,❷造道純深,受才宏毅。 明聽朕言。 之期。眷予元臣,咸有 思,將啓承平之運; 無可載之勳。 之文、景,紀無 而 . 心 藝以 開國 數 能 升左輔之崇,兼綜東臺之務。 坤爻六二之動。 百而致; 益 而省事,不求 訓 惟公乃心,何遠之有。 達,有孔門三子之風, [公食邑二千二百户食實封 隆。 ,無競維 得 位 中大夫守中書侍郎上柱國 當時 可 裴垍 ·
> 書
> 之
> 事 與時, 人。崔公建中之風 安榮,後世 智名與 久踐右闥, 元和之政,以薦士三十 民亦勞止,願聞 憂責彌 德 ; 勇 唐之房、 功。 可特授太中 稱 蔚爲名 咨爾百 重。 直大而方 加 頌。 賦 天 三百户 於戲。 了以除 進 維 予欲 休息 秩 臣。 汲 顈

上」,原脱,據郎本卷三十八、《文鑑》卷三十六

補

<sup>◆</sup>十字。
十字。
十字。
一「事」下、《宋大韶令集》有「仍令所司擇日備禮册命」

大夫守尚 百户食實封三百户,餘如故 書左僕 射兼門下侍郎加 上 柱 國 食

#### 除 范 邑 會 中 純 **封餘如故制**元祐三年四月四日 書 仁 特授 侍 郎 進 太中大夫守尚 封 高 平 郡 開 或 書右僕 侯 加 射

郡開國 朕命。 如 金 服 思 長孺直諫 臣 輕 魚袋 测則 E奉己 得 孟子之敬王,退若蕭生之憂國。 袓 重 門 下。 之遺 其 人主無 范純仁,●器遠任重,才 伯 中大夫同 若根 丽 人,付之以 加 食 不 迹,永懷慶曆之元臣。 守死節 邑九百户食實封二百户 · 在 本 朕 爲 惟 彊 民 圃 知樞 固 朝 日尊。 政。 則晉文無復憂色; ,則淮南爲之寢謀。 廷之盛衰,常以 則 密院事上柱國 精神 使天下聞風 咨爾在 折 周識 衝。 廷,咸 /輔相 强 朕覽 明 故 賜紫 諫 高 丽 蔿 觀 平 聽 朕 心 進 汲 爲

> 書右 數。 加 思古人,以 危。 予欲藏於百姓,●以汝爲惜民之蕭曹。● 坐論 以 忘,喜臧孫之有後; 來宣。 食邑七百户實封三百户 於戲。 僕射兼中書侍 予欲守在四夷,以 西省,進貳文昌; 雖兵政之與聞,❸疑遠猷之未究。 稱朕意。 時難 得而 郎進封 可特授太中大夫守尚 戎公是似,❷命召虎 汝爲偃兵之姚 易失,民難 增秩益封,兼隆異 , ●餘如故。● 高平郡開 安而 國 宋 易 勉

郎

六作

按《詩

• 江

<sup>1210</sup> 漢》「肇敏戎公」,「公」通「功」。 ·政」、《宋大韶令集》作「柄」。 公」、《宋大韶令集》卷五十七作「功」。 郎本「戎公」作「我

藏」、《宋大韶令集》作「安」。

惜」,郎本、《文鑑》作「息」。

侯」,原爲「公」,據郎本及題目改。

餘」,郎本作「勳」。

#### 忘朕訓

#### 除 苗 揮 使 授 勳 特 封 授 食 武 實 泰 (如故制)元祐三年七月十二日 軍 節 度 使 殿 前 副 都 指

行。 之概。 師 驚。 濟南 察留 侍衛 威,以 既蒙先帝之遇; 義,有烈丈夫之風; 百户苗授,早以 榖 爲 Щ 於戲。 祗 以 郡 後 親 深尹, 迪師中之吉。 順 薦揚邊圉,益著勞能。 扈 下。 開 持 軍 미 殿 爲 國公食邑二千八 節 步 用, 愛克 寓軍政 武,古有 巖, 軍 福 出 副都 州 總 異材, 肅將 諸 厥 汝 元 遂拜大將,無復 於國 其夙 軍 指 答於爾 威罔功,兹 戎, .成言。 齌 砥 見 揮 事 礪 鉞。 容。 作先 夜 稱 福 使 廉隅,得士 百 在公, 孟 州 威 衆 惟懋乃衷, 予 户 將 聲 《,朕得: 刺 武 略 拔 欲 爲 食 伸 於 史 軍 自 少長有 而 闔 深 實 土 被 H 節 「衆人, 其 外之 戒 軍之 令必 君子 服 封 柱 度 氣 毋 忠 或 觀

**除皇伯祖宗晟特起復制**元祐三年十一月一

日

有成言: 空開 家。 之舊 師 茂,德履方嚴。 史 化 子之重。 軍節度 保。 百户食實封 判 伯臣 大 門下。 府 ,禮有奪情。 典司 宗 儀 雖閨 正 涇 非 司宗,職 同 屬 事 三司 州 予爾私,其聽 曾閔之哀,喪不 籍,克有令名。 門以恩掩義 上 管 二千四 襲餘慶於祖宗, 柱 持 内 不 矧予: 節 國 觀 ·可曠; 百户宗晟 高 涇 察 藩 密 州 處 朕 屏 ,而公侯以 郡 諸 置 命。 漬 之親,實 要絰服 等 郢 王 軍 事 ; 0 皇伯 蹈 食 事 使 客卒業於 ÷ 天資 格 邑 檢 涇 事 祖彰 言 七 州 國 兼 校 漢 純 於 千 刺 爲 口 古 臣 唐

<sup>↑ 「</sup>彰」上、《宋大韶令集》卷三十六補。

「讀」、《宋大韶令集》作「循」。

「聞」下、《宋大韶令集》有「可特起復」四字。

### 蘇軾文集卷三十九

### 制敕

# 姚居簡押木栰上京酬獎轉三班借職

其所運,罕所失亡。可。 敕姚居簡。不煩民力,而辦官事,會

# 賈種民知漢陽軍吕升卿通判海州

汝棄。 流 品品 清濁,各有攸處。 敕賈 往服寵命,益祗厥官。 種民等。 天 下 如 ·有道 種 民、升卿 可。 士 知分義

### 張世矩再任鎮戎軍

于兹。 無改乃舊,益觀厥成。 爾習知邊情,克有武略。 德與法相濟。 處,啓以夏政,疆以戎 敕具官 夫已信之民易治,已練之兵易使。 張 則種落内附,民安其生。以 世 矩。 索。 可。 高 平 賦政之美,歷年 惟威與信並行, 故 地, 夷漢雜

#### 劉誼知韶州

言。 仁。」夫能爲朕牧養遠民惠鮮鰥寡者,必剛 日之報乎? 病,盡言而不諱,厄 不回 敕具官 可。 之 士 劉 孔子 也。 誼 曰:「巧言令色, 窮而不悔,夫豈知 往 汝 昔 服 爲使者 厥官,益 親 信 鮮矣 見 有 汝 今 民

#### 惠 不 得簽書公事 卿 責 授 建 寧 重 節 度 副 使 本 州 安置

君。 輔郡; 賈 言,繼有碭山之貶。 終然孔子之聖,不信宰予。發其宿姦,讁之 從善如轉圜。 規。 刑, 民,率皆攘臂而稱首。先皇帝求賢若不及, 首建青苗,次行助役。均輸之政,自 兵而喜殺。 輕 士有異論。 矯誣 喜 具官吕惠 敕。元兇在位,●民不奠居, 手實之禍,下及雞豚。 則摩足以 尚疑改過,稍畀重權。 ,德音猶 以聚斂爲仁義,以法律爲詩書。 始以帝堯之心,姑試伯鯀 卿,以斗筲之才,挾穿窬之 稍正滔天之罪,永爲 相歡,怒則反 在。 反覆教戒,惡心不悛; 始與知 苟可蠹國以 復陳罔 八己,共 目 以 貪功,好 垂世之 司寇 相 、爲欺 同 噬。 商 害 失

> 下。 典,朕不敢私。 尚寬兩觀之誅,薄示三危之竄。 文,止爲款賊之具。 之韶。假我號令,成汝詐謀。 此,流涕何追。 力引狂生之謀,馴至永樂之禍。**③** 連起 年,始倡西戎之隙。 姦贓 大獄,發其 狼藉, 迨予踐; 可。 横 私 被江 書。 迷國不道,從古罕聞。 妄出 東。 ❷ 祚之初,首發安邊 黨與 新意,變亂舊 交攻,幾 不圖涣汗之 至其復 或 興言及 有常 用之 半天 章。

### 許懋秘閣校理知福州

其人,則靡然心服,不勞而治, 不得其敕許懋。七閩之會,其民智巧。吏得

「元兇」,郎本卷三十九作「凶人」。

0

制集》卷中改。
○ 「被」,原作「彼」、據郎本、《文鑑》卷四十、《七集・

「樂」,原作「洛」,今從郎本、《文鑑》、《七集・外制集》。

在魏闕之下。民之瞻望,顧不美歟? 命爾,長兹劇郡。 南、民用不擾、既 則 紛 然 力争, 久而 雖勞 夫身在江海之上, 信,厥聲藹 不 服。 以 然。 爾 賦 肆 政 可。 而 職 東

## 喬執中兩浙運副張安上提刑

於卹 征 祗厥服。 毗陵,寬而有制,嚴而 南,吏服 主計,則非聚斂之臣, 一,其謹 刑,則 敕喬執中等。 視貪吏,以無害我成法。 其 夫民新脱 非文法之吏。 明,民懷其惠。 賦 夫以 不殘。 泉之弊,以從力役 即刑之道,達之於 以 以爾執中奉使東 牧 以 是以命爾,各 民之意,推之 爾安上賦 可。 政

## 宇文昌齡吏部郎祝庶刑部郎

敕昌龄等。古以人物掌選,而士不濫

於異議 修何飾 以 進 稱 :朕意。 庶以世家用,能宿 經 而至 紨 何哉? 斷獄, 此。 可。 今吾一之以 而民 昌齡以儒學 無怨言。 其業。 格 進, 勉思古人, 律, 嗚 有聞於 呼 而 不 免 何

江 東 安 發 運 建 轉 上 遣 判 提 運 可 鄭 孫 刑 判 兩 州 奕 侯 官 浙 傅 可 利 提 燮 福 建 刑 建 可 可 朝 江 路 江 請 東 轉 東 郎 提 轉 運 劉 刑 運 副 士 知 使 副 彦 常 新 使 州 差 미 福 張 權 建

有,❷幾以富之,閔 役之法,使民出 敕具官某等。 力 閔 以 朕 焉 事其· 姑 如農夫之望歲 罷 上,不責其所無 賦 泉之令,復 徭

有」,原作「者」,今從《七集·外制集》卷中。

<sup>) 「</sup>嗚呼」二字,原脱,據《七集・外制集》卷中補。

意,以 退 於 郡 者 惰明闇,以詔 或已試之效,或近臣之薦。 而 縣 吏,其與幾何。 動 差發之際, 心焉。 不謹,則南畝之民,不困於縣官,而 保民察吏爲本,謹視其廉貪仁暴,勤 可。 若郡縣御胥史不嚴,而監司 賞罰。 吏或 緣 爾以治行,達于朕聽。 朕亦將觀汝所爲而 丽 爲姦, 農民 必能明識 在 朕 進 困 察 貪

#### 奉 議 王 續 知 太 康 縣

焉。 之民,號爲根本,若 以 寬,無失朕命。 爾以才選,往 敕 王 續。 朕 以天 可。 服 厥 近 下 事 者 爲 , 馭 不悦, 吏以 家。 四 方 然 保 何 畿 民 觀 甸

#### 新 差通 韓 敦 立可 判 齊 通判 州 張 齊州 琬 可 衛 尉 <u>永</u> 衛 尉

丞

職,各祗乃事 而 無 求 害 敕 易地, 於公者,蓋未嘗不聽, 具 官某等。 固朕 可。 之所 朕於士大 樂聞 也 矧 夫 以 苟 養 往 便 服 親 其 厥 爲 私

詞

而

#### 兩 浙 運 副 喬 執 中 可 吏 部 郎

者 内 知 命 外,無適不 馭 可。 民 敕具官! 爲 則知馭吏。 天 喬 官 宜。 執 屬, 中。 朕察汝久矣。 故端静 無 士知 易 其守, 愛身 惠和之士,施之 則知 今自部使 愛君 稱 朕

九九五

#### 九九六

## 供備庫使蘇子元可權知新州

歟 勸 氏 而 事 之禍,十年於此矣。朕念之不衰。哀亡 愍存。❶ 君。 敕具官蘇子元。 可。 敬之哉。 不忍以常法待汝, 畀之一郡,以 思所以致此者,可不 嗚呼。 交趾之變,蘇 敬

#### 楊 伋 落 官台符 待 制 知 知 相州孝先知濮 黄 州 崔 . 台符 王孝 州 隆

有數 秋 誰 惡 市 官 井 年之間 l議法有 ?,視民 無 其 辜。 賴 國 譖 如 守 ' ; 坐 家 具官楊伋等,以 傷, 愬公行。 臨 則仁聖在上,姦宄 致萬 六聖一心,簡 御 百 人之禍。 年,哀 若廷 人尉治 患失鄙 死 在 者 獄 上 獄 自消,豈 不 了, 好 不 大之 丽 生

> 政。 之功, 益務循省。 從附下之罰,少 視,冤狀了然。 心, 勉思來效,毋重往愆。 Ó 而 專務巧 竊 乘君 台符改「服我」下云: 詆 子 謝無辜之民。 公議不容,彈章交上 以 之器 成 可。 疑 欲 似之 與 群 往莅安陽,兼 罪。 小 服我寬恩 共 試 分 加 告 修馬 聊 覆 織

### 趙卨摩勘轉朝議大夫

守邊。 文, 著,戎 夏 材,輔之博學。 義所激,不擇地 爲 將 敕。 推轂西陲,遂 蓋疆 婁師德、郭 乂安。 趙充國、馮 埸 未 而安。 虚 論 寧 膺羊、陸之寄。 心 歲 」, 則 元振,儒 奉 大 月 世 具官 對, 以 以 外 名 稍 方觀 趙 爲 者 臣 遷, 高,少 也 重 巾 晁、 姑 恩威 而 而 董之 從 以 而 樂 老 並 宏 忠 於 於

- ●「亡」,原作「忘」,據郎本卷三十九改。
- ❷ 「以」上,原空一格,《七集•外制集》卷中不空,今從。

# 典,收功名於不世,勉及前人。可。

### 趙思明知永静軍

餘事。 易得,而餘事之不可忽,則寡過矣。 城 爲 高 敕 汝以 選; 具官 財用,往分使符。知高選之未 趙思明。 而戎 量 之政,以 武吏之進, 平徭 以 決 守 可。 獄 土 爲 扞

### 鮮于侁大理卿

事累老成哉。 幾 及 尉 回,雖古于張, 而 無 天下復無冤民。 不 不 辜。 知 用仁人,久矣。 敕 具官鮮 義,附勢而不 朕益 可。 于 何 厭 , 佚。 以 之。 不然者,朕豈以刑 遠過。 知法。 流弊之末,至於誦 儒者耻爲 爾 德 是以 惟 罔羅 一,信道 文吏, 命爾 紛張,延 獄 而 之 庶 不 廷 法

## 處厚知漢陽軍賈種民知通利軍

旲

壘,因 久廢爲 宜之,明致朕意,以慰父老。 敕具官某等。 舊 邑, 而 新,務適厥中,平徭 吏民不悦。 漢口、黎陽,控 比詔 可。 有 均 司,修 賦,使民 引江 復故 河,

# 轉運副使白色。

職。 爾 之民,困於邊備,使者之任,不輕付予。 民困於吏,則歸咎吾法。 至於媮。 吏,去薄從忠,務以養民, 儒 若下有幸免之吏,則必有不幸之民。 林之選,號稱秀傑,有能吏之才而不 敕具官某。 夫外 臺 朕修 一按 事, 賦 役 以 朕甚憂之。太原 不失 而寬厚之弊,或 之法、黜 有罪爲稱 聚 斂 之

北

責,以寬吾憂。 忽民事。 任,匪人可乎。 薄,有長者之風 道。 敕唐義問云: 必能深識朕意,以肅吏靖民爲本。● 以爾直諒之節,世其家聲,豈弟之心,不 可。 圃 不 趙魏之地,被邊帶河。 · 媮。 其 服 新 職, 往任其 使者之 以 莅

#### 張問祕書監

事也。 表。 會,問國故事,與民疾苦,足矣,不必勞以 道不亂。朕聞 方,既有聞矣。 可。 敕具官張 優 游 吾 而嘉之。起之鄉間,列之朝 問。 而篤老之年,克己復禮,稱 東 觀,以爲士大夫之 汝策名三朝,宣力 四

### 范子奇將作監

敕具官范子奇。夫以百工之事,較之

失,可以寡過。若予工,●毋廢厥職。可。少休乎。今宫室器用,皆有常法,守之勿重。爾久在外,服奔走之勞,按視之勤,亦一路之民爲輕,而自部刺史入居九卿爲

## 錢長卿比部郎鄧義叔水部郎

以須不次之舉。雖會計溝洫,有司之一爲官求人,以濟無窮之務,亦將爲國儲士,自監郡以上,乃與其選,任益重矣。非獨自監郡以上,乃與其選,任益重矣。非獨敕具官某等。昔漢郎官出宰百里,今

# 事,而馭吏捍災,朕將有取焉。可。

## 林邵太僕丞何琬鴻臚丞

聞達。毋曠厥官,朕不汝遺。可。焉。九寺之屬,近在輦轂,才之所宜,易以之政,官省而歸,復使治民,蓋將因能而任之政,官省而歸,復使治民,蓋將因能而任

### 文保雍將作監丞

君親,豈不休哉!以盡汝才也,而從政之餘,遂及爾私,並事游,而忘其老,朕無愛焉。大匠之屬,未足舟,待以求濟。苟有以燕安之,使樂從吾舟、後以求濟。苟有以燕安之,使樂從吾救具官文保雍。朕仰成元老,如涉得

# 州趙揚知潤州李南公知滄州穆珣知廬州王子韶知·

壽

### 高公繪公紀並防禦使

風,蹈布衣恭儉之節。以爾父士林,早緣某,性於忠孝,文以禮樂。襲故家仁厚之負扆之託。子孫賢者,休戚同之。具官功,尚宥十世。矧先王却狄之勳,而聖母功。鄧訓之德,蓋活千人, 叔向之

之會; 推餘澤,以及後昆。 肺 附 ,●逮事厚陵,没于中年,爵不配德,故 臨寵而懼,庶保無疆之休。 抱能 未 施、當俟可 可。 爲

### 李之純户部侍郎

議。 良。 志。 如節 用,庶無虚授之譏。● 民,不如省事 御民猶御馬,鞭箠不如輕 可 **6** 加加 雖爲有司,不吝出納。 敕。 以爾具官李之純,③屢試以 保國猶保身,藥石不如養氣, 國 自 而民自富; 豐。 朕嘉與庶工,共行 服 車。 我訓詞, 廣求以豐國 宜 故興利以 事,號 膺 以 躐等之 厭 稱 不不 此 循 富

### 穆衍金部員外郎

敕具官穆衍。 士能用其長,以自表見

> 富也。 貨幣之人,所以權輕 後能決其進 者,朕未嘗不 往服朕訓 退。 試 也。 在 以永終譽。 重,通有無,而非以求 此選者,可 要之必觀其始終, 可。 不勉歟 然

#### 孫路陝西 運判

譬之七年之病,而求三年之艾。朕日 敕具 官孫路。 關右之民,困役傷財。

- 0 0 集》作「砭」。 其輕薄附著大材也。」 云,肺附,如肝肺之相附著也。 「藥」、《永樂大典》卷七千三百零三引《蘇東坡大全 漢書·田蚡傳》:「蚡以肺附爲相。」師古曰: 肺附」,原作「肺腑」,據郎本卷三十九改。 説,肺斫木札 郎注曰: 「舊解
- 「具官」、《大典》作「中大夫直龍圖閣知滄州」。
- ·授」,原作「受」,據郎本卷三十九、《文鑑》卷四十改。 可」、《大典》作「可特授依前中大夫試尚書户部侍郎 却追此官,改除修撰河北運使)」。

原注

夜以

思,庶幾其 悉其利病,往行所知,以 民 勇 丽 知 方。 (稱朕意 以 爾出 入秦、雍 可。

#### 蘇 刑部尚書

威、綽之前軌、顯揚君親 與其遂曾、閔之私哀,顧懷墳墓, 罹閔凶,亦既祥禫。特詔虚位,以待老成。 美; 毅,直亮不回。 之人,以清流弊之末。 具官蘇頌,温文 失其守。盗賊多有,獄市紛然。 之士,必以無訟爲功。 西漢之隆,仲舒以《春秋》決獄 朕聞 子産、叔向,愛直得古人之遺。● 可。 帝堯之世,伯夷以三禮折 仲由、冉求、果藝有從政 乃者法 佇聞 嘉猷, 病於煩,官 敷求迪 是知· 曷若蹈 民; 有 遭 之 而 哲 道

#### 一公儀 判 官 夔 州 路 轉 運 使 程 高 夔 州 路 轉 運

王

乎 ? 侵冤。 矣。 告,非獨汝咎,薦者可不勉哉, 耕火耘,與鹿豕雜 然在官者,皆農末也 敕 朕以大 具 使政煩 官某等。 臣薦,故擢用汝。 而吏貪者,此等豈能 居。 · 役 法 正賴良使者, 既 三峽之民, 復,❷民 可。 若遠 知 息 民 遠 察其 無 訴 刀 肩

## 吕由庚太常寺太祝

見 也。 敕 吕由 思其人,行其言,用其 庚。 先 皇 帝 有 賢 平生所予者 執 法,朕不及

- 0 古人」,原作「太古」,今從郎本卷三十九。
- 役」,原作「設」,據《七集·外制集》卷中改。

識朕意 猶 似之。」汝勉之矣,朕不汝忘。 낈 爲 也。 未足 夫《詩》云: 也 而 録其子。 惟 可。 嗚 其有之,是以 呼, 亦 可 以

# 杜訢衛尉少卿鍾離景伯少府少監

靖民; 守,將觀厥成。 皆吾四世之良,往服 守家法。 有素,不 敕具官某等。● 輕用其人。 敷求雋良,養材以待用。 以爾景伯 可 **②** 既敏 以爾訢 朕登進耆老, 九卿之貳。 而 藝,有聞于時。 入服, 官箴,善 益固 崇德 非 更練 爾 以

## 辛押陀羅歸德將軍

庭,躬陳珍幣。 木。 雖 敕具官辛押 在 幽 遠 • 開導種落,歲 靡 陀 不 羅。 照 天 臨 日之光,下被 以 致 爾 梯 嘗 航 詣 願 闕 草

> 益思盡忠。可。 自比於内臣,得均被於霈澤。祗服新寵

### 高子壽三班借職

敕高子壽。程力較績,國有舊

命

以

官,勉思自效。

可。

# 李肩可殿中省尚藥奉御直翰林醫官

爵,用勸良能。無忘三世之傳,庶保十全神, 法有衆科,以助好生之德。故縻好敕具官李肩。醫雖一技,蓋通妙物之

- 「具官某等」、《永樂大典》卷一萬三千四百九十九引
- 少監」十六字。

  少監」十六字。

#### 耿 政 可 東頭 供奉官致仕

雖請 秩,以寵歸休。 老以 敕具 家 官 耿 《居, 亦· 政。 可。 先朝 肇 新 之逮 霈 澤,覃 及庶 各從遷 ょ

#### 喬 執 中可朝請郎尚書吏部郎中

以郡守,選屬列曹。任人之隆,於古爲重。 可言爾資格當遷,其即正員以茂遠業。 敕 喬執中。 漢以郎官,出宰百里, 可。 有

#### 李之純可集賢殿修撰 河北都轉 運使

勞,萃于北方。 敕。 乃者役錢貸息之弊,民兵馬 而天不靖民,河溢爲災,老 政之

卷三十九

制

## 吕大臨太學博士

不勉歟!

可。

外,使士有所愧而不爲,乃稱朕意。 政,而近侍之臣,言汝可用。 化之,其賢於法遠矣。朕方詔有司,疏理學 也。 漢之郭太、符融,唐之陽城、韓愈,士皆靡 不擇人以爲法,而恃法以爲治,可 敕具官吕大臨。 太學,禮義之所 必能於法禁之 可。 乎? 從 然 出

隨,以謹無 其往撫疲瘵之俗,察貪暴之吏。 質,不移於勢。 孰 官李之純。 幼 爲朕勞來安集,使復其舊乎? 奔 走,流 良。 離 治辦之能,當見於用。 道 是用進登書殿,增 朕將酌民言以觀汝政,可 路,十年於此 矣。 重使指。 嗚 無縱詭 以爾 忠厚之 呼, 具 其

# 羅適知開封縣程之邵知祥符縣

之意。 號爲 方豪 卹民之心。 知,求爲可知者。 初 沒,農 難 傑之林, 敕 治。 羅 各服乃事, 適 民未信。 以爾之邵,才力强 等。 而 況市易始去, 逋 賈盗 赤縣 可。 以觀其能。 以 賊之淵。 之衆, 爾適,學行 甚 於 蓋 負 敏,無媮 不 劇 純 尚 自 患不 平平 郡 繁,役 固,有 安 五.

## 杜純刑部員外郎

昔爲士 枉。 移 有守道之長貳,而輔之以守官之僚屬。 而 往 敕 衡 服 師 杜 不 秉節 純 厥官,無 可 以 用 不 毫 法 | 髪 欺 易 回。 如 没汝守。 權 獨 衡, 持 故 Œ 司 以 權 不忍之心, 義 寇之職, 可 ,以直群 以 輕 汝 必 重

行無心之法,則予汝嘉。

可

#### 劉霆知陳留縣

武。 臨政 於用 以以 人。 能此四者,孰不汝知。 敕 具 簡 官 地 決獄 劉霆。 近 而 以明, 易 縣 知 劇 故 故 御 而 吏以 才者樂於 難 可。 治 嚴,去盗 故有司 (自用。 以 難

# 皇伯仲曄贈保寧軍節度使東陽郡王

綬,諸 之恩。 茅土之封。 没見思於姻族。 曄,寬厚寡過,雍容有常**。** 孫,皆享民 侯 豹 祖宗之德,天 尾神旗,守臣之威命, 之 社。 始終之間,哀榮斯極。 寵 勝 章。 既得考終之道,可 衣 有 朝 服 我 地 生不勤於父師 請之奉 龍 並 隆。 光, 以 無 具官仲 闔 施 金 賁 追 及 璽 棺 子 窜 遠 有 盭

#### 杜 紘 右 司 郎 中

朕命。 害,而 要。 非一時 敕 宿其 可。 具 官杜 業。 名 紘。 勝, 往 服 不 士 乃 在 事 此 歷 ·, 益 選。 都 茂 司 厥 爾 ó 德 以 即 文 踐 稱 無 清

#### 皇 城 州 使 西京左藏庫副使王克詢知順 裴 景 知慈州莊宅副 使郭逢知 安軍 階

薦者 無取 知愛 力。 命 焉。 交章,故在此選。 民奉法,馭吏而戢士,雖智勇有 彊敏可任以事者,必試之治民。 可 敕 依 具 前件。 爾等皆以考績察廉,號 官 1某等。 朕 銓 往服 擇將吏, 厥 官,無 稱明 視 潤,朕 失朕 苟 其 練。 不 才

意。

可。

#### 借 職 楊 晟該差使吴奉雲等各轉 官

有足嘉者。 安民夷,各全其 敕某等。 服我爵秩,永保忠順。 向敕 生, 邊臣,增葺城 阚 能 相率獻 堡。 可。 田 出 所以

頀

#### 日大忠 發運 副 使

之輕 聲藹 以 部 爾更練 幾萬里,持 然。 重。 敕具官吕大忠。 使 是以命爾均 世故,果於從政。 農 節出 末 ·俱 一使,未 利 南 發 公私宜· 北 運 有 之有 若 使 屢 按 此 之,以 試 無 其 治 、權貨 劇 (重者· 六 路,所 部, 稱 也 幣 厥 朕

士」,原脱,據《七集。 外制集》卷下補

卷三十九 制敕

# 蔣之奇集賢殿修撰知廣州

夷縱 子。 聲教所暨,聳聞風采。 其於服從畏信,豈不有助也哉 朕既擇其人,復寵以秘殿之職。 觀,知其輟自禁嚴,以 敕具官蔣之奇。 按治 自 領海、 唐以 見朝廷重遠之 來,不 統制 可。 南 使民 . 輕 極 付

# 吴安持知蘇州劉珵知滑州

悍,而 所不及,故所居而民安之。 朕求二郡守, 訪之左右,咸日 而 不 知 可依前件。 敕具官某等。 輕犯法; 止 惟君子爲能,去其 一汝宜。 三吴之俗巧, 兩河之俗朴,●其弊也 往服 朕 訓 己 其 甚,濟其 弊也流, 因 俗 而

## 謝卿材陝西轉運使

信。 者謀之,惟適厥中,以民爲本。 之所用。 古今之通 故以西方之政, 責成於汝。 敕具 官謝 患 治 也。 財者不 卿 材。 朕知汝才知可倚, 卹 治邊者不計 民,惟財之爲富。 可。 往 財, 與 忠厚 帥 惟 守 可 此 邊

#### 李曼知果州

既察之矣。乘傳西歸,平賦役,省條教,以和而毅,如汝曼者乎? 乃者無實之訴,朕惡,察其情僞,宜若易然。又況於寬而明, 敕具官李曼。蜀之人治蜀,知其好

慰父老之望。可。

### 黎珣知南雄州

則予汝嘉。可。守令,民無所赴告。往祗厥官,如在近甸,守令,民無所赴告。往祗厥官,如在近甸,敕黎珣。嶺海之遠,吏輕爲姦。非良

## 張赴再任乾寧軍

哉 ! 甚宜 之。 敕具官張赴。 可。 當 解 面 留, 使者言汝爲政 以 慰民望, (有方, 可不 勉 民

# 皇伯仲嬰贈奉國軍節度使追封申國公

於親,仁故閔勞以事。雖豐功盛烈,不見敕。祖宗之意,仁孝爲先。孝故專篤

### 林邵開封推官

庶幾幽壤,服我寵靈。

可。

纛,錫上公之九章。

維

以勸忠、豈云虚授。

長,使治衆如治寡,以稱所舉。 悉歸之四厢,宜若易辦。 責之詳。 非兼人之資 敕具官 爾 林邵。 材敏素 ,有不能濟。 聞, 天府之劇, 而 今自 以 然夫辦之易,則 舉 可。 用,往 逋 古 稱 負 逃亡, 難治。 助 Ĵź

勢。 輔以 明令終,真《既醉》太平之福。 喪之威,哀歎何及。 於宗室, 信順多助,蓋《大有》上吉之祥; 温 文。 而令名美實,克全於始終。 既克己以 具官仲嬰,少而簡素 歸 仁,亦樂善而 建元戎之六 忘 死

#### 一00八

# 鄧義叔主客郎中王諤水部郎中

月。

爵禄之報,必視首功。

宜從遷秩之

勞,以勸追胥之勇。

可。

樂職之計。可依前件。遠,賓客之事亦重矣。各祗乃事,爲安官已者。通商惠農,水政爲急。而招攜柔已者。通商惠農,水政爲急。而招攜柔

### 王荀龍知棣州

曰汝宜。往悉乃心,朕將觀焉。可。吏,以輔安良民,式遏姦慝。訪之左右,咸里。桑麻之富,衣被天下。● 宜得老成循里。桑麻之富,衣被天下。● 宜得老成循

## 黄憲章獲賊可承事郎

敕具官黄憲章。 勞能之賞,不計日

## 御史中丞劉摯兼侍讀

#### 虙 士王臨試太學録

可 遠 以知汝,亦將考汝所爲而觀光焉。 用,其試之太學,汝勉之矣。 臣 以其所 敕具官王 Ė 臨 朕 觀近臣 初 不汝知也,而 以 其所爲主, 朕既 可。 光論 因光 汝

# 叔克眷贈曹州觀察使追封濟陰侯

化。 非 于厥官。 謂備矣。 富以禄没。享隆名而告諸幽,忠恕之道,可 國家自仁率親,專於教愛。故生無吏責,而 魯、衛,下至應、韓。 敢 雖功名才業不見於用,而恭儉孝悌刑 敕。 私。 具官克眷,以茂美之質,服信厚之 命以廉車,即侯其地。 先王建邦啓土,必先宗盟。 庶幾有知 宗室之子,莫不 ,服我休命。 皆國之舊, 可。 南 上自 面

#### 寇 彦卿 彦 明 左班殿 直 以兄殿直寇彦古永樂成

死事

命,毋忘死者。 何愛一官,不以收 敕具 官寇彦 卿。 恤 土 其 示 家 難 乎 以 身 徇 祇 服 朕 朕

獨

### 駙 馬都尉張敦禮節度觀察留後

當遷。 礪 請,既抱才而 雖緣姻戚之選,不失儒 量。具官張敦禮,少以 之容,可以觀 士節 敕。 進居兩使之間,增 ,以爲國華。 軒冕之來,德量爲稱。 未試, 德; 内若 可。 坐閱歲月,亦久次 固有之安,可以言 經術,秀於士林。 素之行。 重諸倩之遇。 外 日 無 奉朝 充 而 益

### :

## 内人張氏可特封典贊

進掌 爾 執 業,以 ·儀範,以旌徽柔。 張 氏。 待 左右。 朕幼學之初,未 勤勞有 可。 年,恭謹 就 外 傅。 寡 過。

## 故尚宫趙氏可特贈郡君

則。 宜,無愧 備四教之法。 侍 名族之英,掖廷之舊。 御 可。 彤管有煒,既傳好德之芳, 左 敕趙 右 飾 氏。 。 罔 終之典。 匪 淑 先 朝 奄焉淪 人。 差 喪,宜極哀榮。 庶 擇女士, 行應 矧兹六尚 幾 幽 圖 壤, 史,言 以 之選 輔 服 象 陰 以 服 中 ~, 必 教。 是 物 爾

#### 馮 宗 簡 文思 道 右 副 騏 使内 驥 使 侍省内侍 内 侍 省内 押班 侍押 班 梁

異 道以藩邸攀附之勤,惟簡 孝,逮事列聖,出入中外,劬勞百爲。 朕 久,各還所寄,加重其任。 以近習之嫌,而不録其功。 恩。 不 敢以私暱之愛, 敕具官某等。 可依前件。 爵 而輕 禄,天下之公器 用 其 益勵素守, 以 以爾等小心 東朝 賞,亦不 奉 事 以 而宗 之 忠 稱 敢

# 梁從吉遥郡團練使入内内侍省副都知

良寡 君子之風 近習之臣,莫不好善 過。 敕。 焉。 祖宗之化,自家 給事 具官梁從 宫省,知 丽 知 無 **治**,莊重 刑 義,彬彬 不爲。 國。 故 有 服 然 雖 勤 有 左 士 邊 温 右

之政。益勵素守,以稱異恩。可。 徼,克有成績。改錫戎團之命,進助内宰

# 劉有方内侍省右班副都知

强練 私 中禁之嚴。 君子之風焉。 近習之臣,莫不好善而知義,彬彬然有 室,以圖史爲樂。 密。 敕。祖宗之化,自家刑國。 進從王事,以法令爲師, 惟忠與敬,乃稱朕命。 具官劉有方,温恭和 進領右璫之貳,益 故雖左 ग् 退安 親 勤 士

# 康軍翟思知泉州周之純知秀州沈季長知南

建守長,必以學士大夫爲先。孔子曰:「君獲,足以害教化之成,傷陰陽之和。故選敕具官某等。朕惟四海之廣,一夫不

子學道 往行 皆以 所聞 儒 則 術 愛 進,有聞 欽哉。 人,小人 子時 可。 〈學道則 湯使 其深識朕意 也。 爾等

## 馬傳正大理寺主簿

間矣。爾以選用,其勉服此言。可;。書,理官之任也。主簿雖卑,亦有事於其數具官馬傳正。哀敬折獄,明啓刑

# 張之諫權知涇州康識權發遣鄜州

攜來遠,不求邊功, 爾當積穀訓兵,常若卓然有聞。治辦之效,見于已試。朕雖招郡守之責,文武兼綜。以爾等才力之選,郡兵之責,文武兼綜。邊郡之政,兵食爲先。

寇至。祗率厥服,往惟欽哉。可。●

## 梁諝供備庫副使轉出

朝。益務廉平,以答休寵。可。求從外遷,亦各其志。進貳諸使,往齒外救具官梁諝。奉事之久,累勞當陞。

### 燕若古知渝州

其民。 通,賦役争訟,甲於旁近。 争尋常。 方。 官省 巴峽之嶮,邑居褊陋。 敕具官燕若古。 欽哉。 獨渝爲大州, 而 歸, 可。 因以 得 汝 水土和易,商農 向 郡。 毋以 以才選,奉 負 蓋 山 僻遠,鄙 可 臨 謂 谷, 異 使 恩 夷 會 以 東

# 删定官孫諤鮑朝賓並宣議郎

得遷。 也。 律,無徒知之。 令,汝與其議故歟? 歲月之課,保任之數,差若銖 敕 具 今於汝 官 <del>某</del> 可。 等。 獨略之者,豈非以制 廷 見改官, 祗 服朕 命, 法之所 黍, 輒 以 法定 法 自 嚴 不

### 王振大理少卿

聽 詳 則人各有意,無以定一成之論。 不通,無以盡萬變之情, 平奏讞,審於用 ,人法兼用。 敕具官王振。 以 爾出 律。 任法而 入中外,敏於從政, 廷 (尉之事,爾惟副 不任人,則法有 任人而不任法, 朕虚心以

古人,以稱朕命。可。之。夫法出於禮,本於仁,成於義。勉思

#### 李籲宣德郎

其服 謂 領 官屬,亦豈輕哉! 重 其 朕命,益祗乃事。 矣。 議。 敕具官李籲。 爾 民之休戚,國之治亂 以 儒 術,進 朕有 一三臣者,言爾當遷。 可。 以邑政,選而爲之 大政 令,使近臣 成其手,可 總

## 趙思明西上閤門副使

中微 王銘 孫,與 戚。 勳 故文終之後,配 敕 、唐無 太常 乃眷 具 官 極。 裔孫,尚有 , 侑 趙 思 國家 食 明。 清 廟。 佐 漢 遺烈。 國之宗臣, 並 命,元老獨高。 爰自近歲,歎 隆 ; 宜因近侍之 丽 義 梁 公之 同 其 韓 休

## 李承祐内殿崇班内臣轉官

恩榮。 遷。 遂齒 敕具 可。 外 官 朝 李 搢紳之列,益 承 祐。 奉 事 滋 思 忠蓋 累 毋 勞 當

# 蕭士元知隰州趙永寧知永静軍

惟 國 吏自畏。 少 異 私 容 敕 寡 丽 具 祗率朕訓。 官某等。 欲 其 情 則 民 自 文武 爾以 靖。 欽哉。 異用 才選, 惟奉 可。 而 往莅 法 其 循理,則 道 厥 同, 服。 軍

追遠之心。可。請,進陞上閣之貳。勉蹈祖武,副朕懷

人

#### 0 四四

#### 黄光 瑞可内殿崇班

休,永思忠藎。 獲逋寇。 愛重爵賞,必加有功。 敕黄光瑞。 歷年滋久,宜示異恩。 可。 朕覆養華夷,義 以爾昔助 均臣 王 服我 師, 子。 竉 遠

#### 文貽慶 主簿 可都官員外郎居中可宗正寺

究事君親之義。可。● 遠,未稱朕意。 所資者深。聞見之廣,不扶自直。宜近而 今吾太師氏,亦庶幾焉。 慶,子孫多賢。❷ 布列臺省,爲邦之光。❸ 敕具官某等。● 昔江左二老,王導、謝 唐之元勳,汾陽、西平。 其歸服乃 事,同寅協恭,以 爾等才行之美, 皆以積德流

### 皇兄令夬贈博州防禦 使博平侯

魂。 賜茅社。 勤於保傅,没見思於族姻。 故具官令夬,端厚有常,靖恭寡過。 之威,莫先於兄弟。 可。 爵齒之貴,並 服予惇敍之寵, 禮有裒卹,義兼哀榮。 隆 於朝 宜分竹符,就 慰爾永歸之 廷; 生不 死 喪

### 高士永知文州

敕具 官 高 士 永。 自 將 爲守, 非 藝 而

「多賢」、《大典》作「昌衍」。

<sup>0</sup> 「具官某等」、《永樂大典》卷一萬四千六百零七引《蘇 東坡大全集》作「奉議郎管句西京糧料院」。

<sup>0</sup> 「邦」、《大典》作「邦家」。

<sup>「</sup>可」下,《大典》有「特授依前官試宗正寺主簿」。

欲 果,不在 寬,守 此 邊 選 欲 信。 治 兵 欲 汝 嚴, 勉 之矣, 御 吏欲 毋 明 廢 撫 朕 民

命。

可

#### 太 班 殿直文思 太 后 再從: 副使梁惟簡可皇 弟 高 士纘 高士 涺 |城副 미 並 使 左

以 施,無所報塞。 及葭莩之親。 天下 敕 養,無足稱 具官某等。 尚勉忠孝,以答萬 左右奉事之臣,雖 其德者。 朕惟 坤元 故 成 推餘澤,以 物 之恩 0 天 地 可 之 雖

### 范百禄刑部侍郎

於殺、 生,惟 生之知 殺 惟殺之務,則 必必中。 朕哀 敬 則 非 五 玩 俗 深 刑 而 吏之所能,思古人而 ( )期協 Щ 廢法。 失情; 中 朕 道。 欲 讞 情 者 論 法 志 者 於 兩

> 意。 永歎。 亦將庶幾焉。 不冤,汝當務致此者 禮憂國之言; 禄,少以異材, 必能參用經術,折中人情。 試 以 可。 輔之篤學。 事 旋爲争臣,有責 乃 得 吾必也使無訟 其 首奉大對,有 人。 民 具 難 愛君 自以 官 范 芝 爲 守 百

# 朱光庭左司諫王覿右司諫

新 朕 知 己無爲,虚心以聽。 猶且不顧。 昔之諫者,常有不容之憂。 命 亦有拒 不言,汝亦負朕。 敕 盡所欲言。 具官某等。 而不聽 忠義所激,憂患 聽 言 惟 汝等所論、蓋 而不 而 可不 善人 不 用者乎? 從, 勉哉 能受盡 可忘。 然有志之士, 朕 則 無 今朕恭 言。 可。 虚日。 各服 故

鮮于

侁左

諫

議大夫梁燾右諫

議大夫

#### 王巖叟侍御史

樂聞 皆吾 外。 之臣 者乎? 則 可 入館 朕之 孔 則 詭 子 ,其過。 軟? )愆,不 嗚 行 争臣之選也。朕之於事,無 殿,蓋二十年。守道篤志,無所 可 論 詞 金石之節,皓首不衰。具官梁燾,出 敕 呼, 之,否則更之。使天 朕夙 退 仲虺 言 具官鮮于侁,邦之老成,久試 啻 天下之治 則 書之史册,足爲美談。 而 興 不 焚草。 言 喪 夜寐 敢 湯之德 邦 含怒,而況於左右輔 曰:「惟 ,思聞其 亂安危,有不 衰世 曰:「改 一之事, 下 予言 過。 曉 過 然, 必 朕 若乃 厥愆 出 圃 不 無 阿 莫 無 知朕 於 吝 我。 附。 於 進 余 取 弼 此 曰

> 兹復 所 隨,以成我純一之政。 見矣。《易》曰:「大君有命,開 人勿用, 居 争之義,皆有 諫 垣,而 命爾往貳執法,樂於從善,朕志亦 敕 具 必亂邦也。」爾謹 官 能 某。 秉 可行之實。 心 爾 不 以 回,忠 可。 御 史, 視 言 予 維 論 中 屢 事 外, 毋 國 聞 稱 寵 承 家,小 嘉之。 縦 考其 詭 可

#### 錢勰給事中

於封 於門 議 而不反,後世有 論 下。 駮之任,其選尤 · 世 其 先 敕。 出 朝 廷之政, 人 人,典章憲度,博 考慎 述焉。 然後 根 重。 雖 本 於 具 用 布 中書, 官 之天 人 惟 錢 通 均, 前 勰 下, 而 世 文 樞 而 成 學 至 機 詞

其服新 命之富, 加 承流 命,益 者無所議法 而 愈 修 工 厥 一,風 官。 力之優,煩 則惟汝賢。 使爲政 者 丽 難 可。 不 於造 亂。

### 明堂執政加恩

#### 韓維

禮樂具 告帷 聞 垂 維,令德雅望,外爲師表; 德比義,燮和神民,何以致 嚴烈考,以侑上帝。 拱 其 幄。 風 仰 同 敕 o 底於道,朕有望焉。 烈,足以立 舉,天人並 成 朕於 望其容貌,足以 宜修 訪落之初,躬總章之祀。 舊 應。 貪懦之志。 七政軌道 典之常, 非余一二大臣, 此哉? 具官韓 知 可。 忠言嘉謀,入 均 朝廷之尊; ,四海來格。 艱難之際, 被慶成之 同 追

#### 張璪

之表。 明。 寐,惕: 服我 勞百 克有成績。 明命 爲。 衛上 敕。 選建 有 ,永肩一心。 親 之忠,悃款 迨兹配饗之成,宜 懷。 群 具官張 祠 辟,遺 合 永惟 宫, 璪 神 我 四 昭 可。 世。 碩 後 考之烈,高 事 材 人。 上 均 不 應 帝 器 慈嘏之福。 務 濟 之敏, ,俊德自 於艱難 出 明 發 勤 王 不

#### 李 清 臣

釐事。 發爲經緯之文。左右先朝,克有成績。屬 臣,德配先民,才高 四 顯,澤被中外。六成之樂,上格於穹 余訪落之始,共濟艱 簋之黍,下浹於煇 敕。 神人所保,霈 祗奉 · 嚴 禋, 當 難之中。 庖。 世。 肆 澤 行 宜 早以 矧余元臣, 先。 大 賚。 具 迨兹慶 天人之學, (官李 誠 相 壤 通 成 幽

均被 永孚於休,以 慈 告。 宜 疏 稱 井 朕 邑之賜, 意。 可 以 示 臣 工 之

#### 安燾

忠。 眇躬; 有舊 懼 肆眚象魏,謳歌 財害民之警, 燾,奮自儒 ,若涉冰淵。 章。 迨兹慶成, 敕。 蓋 與民同休,居寵無愧。 於皇 術,爲 左 右之助, 烈考,屬 乃者饗帝合宫,風 均 持守法度,有送往事居之 聿 時 歸。 名臣。 被慈告。 實賴將相。 惟天人之應,萃於 余大器。 燮和 井邑之賜, 兵 可。 (戎,無 雨 具 官 · 夙 時若。 夜 國 傷 安 祗

#### 范純仁

天,陟 越 恭默無言之中,緊辟公顯 ,肆予汝嘉。 敕。 配 文考。 朕 出 一款真 具官: 禮樂 (室,還 范 具 純 舉 祀 相之賴。 ·, 華 仁,慶曆 合宫。 夷 駿 祗 名臣 率禮 奔。 見 之 弗 昊 方

> 敬毋怠。 宥 成大享之勤。 謨 家 密之地, 猷 ,熙寧正 靖深,兵 可。 諫 可 (革消: 之士。 降福 無勳邑之加。 伏。 孔多,推恩宜廣。 著績 領 西 使 往服 奉 祠 授任 之 寵 章,益 Ħ, 中 矧予 助

#### 吕 大 防

重; 轄,手 直聲。 隆,益增 均受帝祉。 此釐事之畢,匪我冲人之能。 位,百工 可。 敕。  $\equiv$ 被遇 疏磐 一在廷。 府之議、於焉 井 朕有 賦 錯 裕陵,愈彰 具官吕大防,擢自英祖,休有 之 之煩。 事 鬷假 總章 衍。 無言,各率其 取平。 六事 服 忠 升值 我 力。 所 休 神考。 入總文昌之 宜 瞻, 命 思與群公, 加 思 倚 勳 職 四 伐 以 輔 之 爲 迨 厥 在

# 韓忠彦黄履並特轉朝請郎

敬

了, 以

保厥家。

可。

既累日

以

當遷,

非

無

名

而

虚

授。

益

務

忠

需不 祗服新命,益修厥官。 術。 不爾 之信 朝,有宗臣之餘烈。黄履: 人踐臺省,休有老成之風; 次之舉。 私。 典朕三禮,識古人之大全, 臣 敕。 ,猶以歲 具官韓忠彦, 頒然異材 考績之法,三代共 可。 日而敍 出 進。 尚勵有爲之心,以 更藩垣,遂無東顧之念。 受材宏深,秉德純固。 电。 率循 雖余 奮 其 歷 舊, 事 以 左 儒 四 右 示

# 皇叔祖克愛皇叔仲虢並遥郡團練使

有司。 故宗室之英,雖不任事,而 敕。 爾具 以 朕 爾具官克愛,篤 官仲號,居寵 不 以 親 廢 法, 而戒,好德不 行 亦 歲月 有 不 常,率履 (之考,必付 以 義 掩 回。

### 王獻可洛苑使

之事 志。 虎 義之府, 臣, 也。 म् 敕 謂 具官王獻 禮樂德之則。」 汝以詞學進,而 汝 可 用。 可。 往 ^ 傳》不云乎: 禦侮扞城,亦 服 以武 新 命, 幹聞。 以 成 肆 儒 詩 予 汝 者

## 陳次升淮南提刑

憂之。 於來歲。 病 其往按視。 之也 敕具官陳 汝 譬如 今 吾 自 省 百 刑 負 里 淮 次 獄 升。 重涉遠,未知 長 甸 了, 以 之民,夏旱秋 均力役,督盗 **奉** 才能 秋》 選 書 所舍。 爲 [無麥 水, 賊 朕 耳 禾, 朕 望 去姦 i E ° 熟 甚

10110

吏。使民忘其災,以稱朕意。可。

### 杜純大理少卿

守道 朕敬 哉 此 流 選。 子 孫。 純 而 敕 可。 畏之, 固,不 杜 靡 苟非 純。 不 有 以 久難 其人,災及草木,身任 治獄 進退榮辱 初 其人。 得其道,仁 終 之 以 實 '抑揚其 爾用 難。 及 幽 心,故在 法 可 平直, 其 顯 勉

## 郭晙開封府司録參軍

守,朕將觀焉。可。有足嘉者。往隸天府,總攝群掾。毋易汝事,●以陷無辜之人,坐失厥職,秉義不回,數具官郭晙。汝昔爲獄官,不撓於職

### 林希中書舍人

髣髴。 爲先。 博聞强識,❷篤學力行。 微,異端所汩。 代積衰之氣,繼 音, 色其精微; 逮聞正始之議 號令以之重輕,風 可以觀政。 敕。 故難其 務究所學,朕將觀焉。 文章 期 論。 人,不以 之變,與 欲 兩 而況誥命之出,學者所師。 配昔人,使天下 後祖 俗因 漢 往踐 爾雅之文。 而厚薄。 輕授。 宗之舊,必以 綽有建安之風流 外制,爲朝廷 時 盛 可。 衰。 具官林希 識 而大道 本朝 礕 典 訓 常潤 革五 刑 如 之 詞 八 中

● 「職」,繆刻《七集》作「執」。

卷二十九亦作「學」,龐校據羅考校改爲「聞」。

# 司馬光左僕射追封温國公

説,亦 粤惟先 言責; 元。 方甄 眇 乃 不 官司 遽興殄瘁之感。其於卹 死 躬, 心 肯枉尺而直尋。 勤 (`人皆輕於百身。兹大享於合寢,仍 於小斂。 無不 事, 明於流品; 馬光,超軼 敕。 而慭遺之悲 涵六經。 庶幾選於衆 肇稱毖祀。 朝, 翊 坐 在王室,不起何以 我英祖,以安危治亂鑒古今。 致股 延登近弼。 師 不 逮事仁宗,以論思獻納任 肱 絶塵,應期降命。 垣 **,●**天不得於 口 雖未 而舉 制法成治,永振惠 或 紬繹新書,優游卒歲。 一品,降之九原。 ,用安社 虧 泉陶。 方事 能求 典,豈限 方予 慰蒼生。 獻 稷 老; 諸野而 激濁 可 訪落之初, 爲 彝章。 而 悦 蹈履 潜否, 揚清, 惴 於黎 得 顧 開 傅 惟 九 具 國 慄

> 於温 念 爽,歆此 涕 用 用 泗 以 寵 旌 無 靈。 直 、從,想 德 可 ţ 特贈 話 納 言之猶 温 棺 國 以 襚 在 · 式 勸 具 惟 英

### 張繢除宣德郎

之科 静,特俾遷 繇是選。 特授宣德郎 温伯,與東西省從官列上奏狀。 ,以網羅天下之豪 敕太學 而沉默恬淡,安於冗散。 秩。 ,依舊太學博士。 博 士 益務 張 繢。 (敦毖,將有試焉。 後。 祖 宗設 間 得 督 朕 偉 學 嘉 良 乃 土 文 冲 鄧 學 可

●「憖」,原作「憨」,義不通。《左傳》哀公十八年:

前

官

### 孫覺除吏部侍郎

弗作, 噫,法 東臺, 可 給事 天官 特授依前 中孫覺,文學論議,燭 四 除擬之間,賢愚同滯。 敕。 之室閡者更,吏之不虔者逐。 甄 久從 銓 序 自 有 踐 總覈人物。 官試 國 歷。 倫 家 吏部侍郎。 還 服 選掄之慎,委寄 政 我 文昌 澄 訓 清 詞, 知 將 以爾朝請 流 本 以 尚有大用。 밂 ·原。 致 未 治 7益隆。 財文 見 諫 郎 省 試 其 而

#### 曹旦知南平軍

軍 服 部 摩邊 族 而 居 敕 成,備 散 供 處 備 田 叢 庫 預 而 篁 副 不 食。 谿 使 虞。 谷之阻,與 曹 樂生惡死 日 静 而緩之,彼自 西 南 魚鳥群。 ,情無甚異。 瀘 夷,諸 馴 卉 種

> 權 擾 知 南 往 平 服 軍 吾 事 訓 以 稱 人 知 可 '特授依

### 吕和卿知台州

之未 爾 前官差權知台州 臨 以 海 易 仕 雖 敕 乎 優 小 承 ? 議 而 邦 學 郎 往欽 而 誠 尚 有 7; 知 書 用 民 金 勵,毋忽 戒 社之 部 夫牆面之煩 員 重 外 吾訓 朕 郎 豈 吕 , 製 輕 和 可 之。 卿。 錦 依

# 陸佃禮部侍郎充修實録院修撰官制的

爾 司 朝 咸用. 奉 郎 專達。 試吏部 文昌 天官之選,目 侍 卿, 郎 陸佃 位 次 "; 方 八 座。 色 頒 實 以 繁。 各有 先 朝 以 典

於久勞。

官 代 事 國 試 體 大 雖 禮部侍郎依舊充修實録院修撰官。 · 益 典 稀 ′;纘 簡 思 修 明 目 筆 力 練 削 可 以稱 周。 勢難 恩休。 而典章文物,動 兼 綜。 可 春 特授 官 宗 依 伯 關 前

#### 龍 朝 朝 啚 議 閣 請 大夫 大 直 夫 學 士 試 户 朝 請 部 大 尚 夫 知定 李 常 州 並 蔡 磨 勘 延 轉 慶

擾。 修。 朕 外 動 敍 臣 何 静。 總 勤 遷,未彰於異數 之後,吏治有餘。 敢 連 勞,貴 咸以侍從之選,而 財 賦 帥 後 歷 考 之權。 所 年應格,稽法當遷 而 賤 存, 具官李常 議 無 黜 綱目具 間 均大計 陟, 矧 應股肱之良。 舉。 夫 干 奮 之盈 今所 圃 城 由 内 命秩之寵,差 ., 四 具官蔡延慶, 疏 同 虚 六 方,安静不 遠,深自刻 有司以言, ,司鄰邦之 官之長, 積 雖 日 慰 尺 而

## 朝奉郎孫覽除右司員外郎

弛之則 鉅 所 以 心 낈 ,以待來 細 爲 責 未 奉 任 足 畢 使 盡 爾 以 北 廢。 陳 効 者 盡 於前 方 其 可見也。 爾 治 1 昔既 若網 泂 也 而 稱治辦矣,勉既 夫分治六官,事 而寘之都司。 在 備 綱。 邊, 任 振之則舉 亦 重 吾之 厥 無

# 朝奉大夫田待問淮南提刑制

又命 日忘 盗 民 所 疾苦。 爾 也 遂使 揚、 按 楚 間 州 視 春 縣 起 刑 夫察貪暴,謹 旱 爾 辟 犴 秋 於 獄 水, 徒 充 山 以 陽守,參領漕事 滿 民 爾 追擾,均 艱 習其 朕憂之, 於 食, 風 俗,知 有 未 漸 始 起 吏 今 爲

朕意。 盗賊,此荒政之急也。勉勤其職,以稱

# 朝散郎殿中侍御史林旦淮南運副使制

往視之。 重 惟得良使者,因事施宜,爲若可賴。 徙,達於朕聽。朕惟救荒之政,行之略盡。 郎官以才任御史、習於揚、楚之俗,其爲朕 廪,發吴楚之漕以 被其困。 淮甸之民, 均徭薄斂,禁暴戢姦,無使斯人 薦 (拯其急。 罹 饑饉。 乃者詔 猶以 乏食 發倉 爾由 流

#### 蘇 軾文集卷四十

#### 内 制 赦 文

明 赦 文元祐元年九月六日

疚。 權 緝 足以慰天下之心。 幾大同,光嗣成美。 乂。② 三垂之兵靡警,③萬邦之年屢豐。 繼成,思有以迪先王之烈; 之典,莫大承天。 熙百度,和樂四 歲之祠。 而 門下。 永惟置器之重,惕若臨淵之深。 從變,祭無以卑 惟 聖人之德, 兹肇禋 朕以 方。 仰繫母 深惟六聖之制, 而 屬子訪落。 廢尊。 賴帝貺 眇 無 眇 以 慈,總攬政 之身, 煢煢在 加 紹志述事,未 顧言總 臨 孝 一, 海 喪有 必 承明 寓 帝 體。 躬 庶 寧 以 王

> 於後。 兹禮。 古重宗 勝 奠玉路寢。 嚴父,孔子謂 心。 丽 冕之章。備庶物之微 配之,既右烈考。 於獨斷,畀予冲人。 之文,斥衆言淆亂之蔽。 一天。 革顯慶之兼尊, 悽愴之意; 風馬下,孝奏而 我享維 包舉儒術 涓選吉日, 裒輯 祀。 神之弔矣,燕及 天,下武 以 周 教 僾然出户,如聞 公其人。 ,咨諏縉 於時 諸 日 侯之孝, 月光。 遵遺教於前,著成法 式 ,追三牲之養。 隆永徽之專配。 夙 文王 上 紳。 嘉與 齋輅之駕,被 儀。 追 惕然履 (皇天; 一之典; 惟先猷 以 刺六經放 奉罍 四海,靈 歎息之聲。 得 萬 **」琳宫,** 霜,詎 誰 大孝 國 成 其 游 承 逸

元

<sup>0</sup> 年明堂赦天下 明 海寓」、《宋大韶令集》作「浹富 堂 赦 文」、《宋大韶令集 百二十 五 元

垂」、《宋大韶令集》作「陲」。

顧」、《宋大韶令集》作「欽」。

之踰 於熙 英,屏翰之雋。 蓋禮盛者文縟,澤大者流長。 諸夏。❷ 秩 祜 年; 事,敢專饗於閎 賚 我思 云云。 唐 成,●侍臣 室施仁,固 協恭致治,以 於戲,漢庭祀 休。 助 予惻楚。 以 宜 (輔邦家 御 布洪 帝,著於即 尚賴文武之 門之吉日。 恩, 既 以 迄 阼 朁 成

## **赦文**元祐二年十月十四日 西京奉安神宗皇帝御容禮畢西京德音

太息而流涕。 山 宇,粲龜洛之仁祠。 之游。祗遺輔臣、往嚴像設。 陵,未忘弓劍之慕; 川改色,方貢祥而效珍, 門 下。 云云。6 崇德措刑,終成神考之志。 朕以寡昧, 於戲,好生育物,既 宜施雷雨之澤,以答神 **醉表一臨, 陪京增** 益廣宗廟,以 仰繼聖神。 父老縱觀 敞鳳臺之仙 推 資 文 奉 顧瞻 爾 母 人之 衣 可或 重。 有 冠 Ш

衆,宜體朕懷。

德音 赦文元祐三年六月

復。 常寒之罰,咎在朕躬。 夫失職,商旅不通。 之太和。 淺。 連月,降雪異常。 心,奉若天道。 之慈訓,荷先烈之永圖 凜然祗惕,若履淵冰。 潔精致禱,神眷未孚。 門 下。 蠲苛去煩,夙夜願治。 朕以 常慮一夫之失所,以 眇 今春已來,久陰不霽。 躬, 比屋之間,凍餒 獲御 惟 四載于兹,涉 日兢 克己自持,協 思所 大器。 说兢,以 乃 以 自去 傷 慰 仰 彌甚 圖 萬 安 道 聖 夕 消 物 后

「祜」、《宋大韶令集》作「祐」。

「夏」下、《宋大韶令集》有「可大赦天下」五

「云云」《宋大韶令集》無。

8 9 0

●「云云」、《七集·内制集》無。●「休」、郎本卷三十七、《七集·内制集》卷六作「心」。

無應。 災祗戒,聿修信順之誠; 和。 天人之助。 興,人咨胥怨。 宜均涣恩,以召善氣。云云●。 切慮四 咨爾中外,咸體 方獄犴,冤滯尚 鬱成繆盭之變,以干陰陽之 朕懷。 正 事布 多。 和,庶 於戲,遇 工 役 獲 煩

#### 内制韶敕

## 集官詳議親祠北郊詔

聖休德鴻緒。 禮、未及施行。❷ 官攝事 以合祭不應古義,先帝乃詔定親祠北郊之 而宗廟之饗率如舊制。 合祭天地于圓丘。元豐間,有司援周制, 室 ,而地祇天神久未親祀 敕 門下。 ,惟三歲一親郊,則先饗 今兹禋禮,❸奠幣上帝,裸鬯 國家郊廟 是歲,郊不設皇地祇位, 朕以 時 祀祖宗以 ,矧朕方修 寡昧 清 嗣 廟,冬至 來,命 郊見 承六

> 故 歲廟饗典禮聞奏。 前降指揮,集官詳 祀,則修元豐六年五月之制。 司 天地之始。 擇日遺官奏告施 事,設皇地祇位,以答並貺之報,仍 其冬至 議親 故兹詔示,想宜知悉。 日南 行。 祠 郊,宜依熙 厥後躬行方澤之 北 郊事及郊祀之 俟郊祀畢,依 寧 令有 +

# 太皇太后賜門下手詔二首元祐三年七月

八日

鞠育之恩,雖典册以時奉行,而情文疑有來同,天地並應。 而皇太妃以恭儉之德,敕門下。 皇帝嗣位,于兹四年。 華夷

云云」、《七集·内制集》無。

6 9 0

<sup>「</sup>及」,郎本卷三十作「之」。

<sup>「</sup>禮」,郎本作「祀」。

令褒崇皇太妃韶」。「太皇太后」至「二首」、《宋大韶令集》卷十七作「太后

\_\_

惟《春 尋。 開具聞奏。❷ 養,以慰人子之心。 未 稱。 如於典故有褒崇未盡事件,令子 秋》之義,母以子貴。 皇帝以祖 考之奉 宜下禮 尊 無二上。 部 其 太常 推 天 寺 下 丽 討 細 之 吾

## 一|元祐三年閏十二月十四日❸

民。 下責望之重。苟有利於社稷,吾無愛於髮 又損,以示必行。 人。已詔家庭之恩,止從母后之比。今當 蔭補私親,舊無定限。 身,率先天下。永惟臨御之始,嘗敕有司。 之數,無以澄清取士之源。吾今自以 弊之極,實萃于今。 上有久閒失職之吏,則下有受害無告之 故命大臣,考求其本。 敕門下。 官冗之患,所從來尚矣。 夫以先帝顧託之深,天 以闕計 自惟薄德,敢配前 苟非裁損入流 員,至相倍蓰。 眇 流

> 四 識 膚。 今後每遇 分減一。 此 誠 矧 此 聖節大禮生辰合得親屬恩澤,並 恩私 各忘 皇太后、皇太妃準 内顧之心,共 ,實同毫末。 成節 此 忠義之士,當 約 之制

# 趙州賜大遼賀興龍節大使茶藥詔

然,徒馭勤止。 宜加寵錫,以示眷懷。 敕。 卿肅將慶幣,遠涉川途。 風埃浩

趙州賜大遼賀興龍節副使茶藥詔元祐元

年十月六日

敕。卿將命夙興,犯寒遠涉。駕言·

未

「尋」、《宋大詔令集》作「論」。

- ❷ 「奏」下,《宋大韶令集》有「故兹昭示想宜知悉」八字。
- ❸「二」、《宋大詔令集》作「太皇太后減聖節大禮生辰親

息,軫念殊深。特致恩頒,以嘉勤瘁。

#### 賜 皇 宗正事宗景 叔祖 建 雄 上 軍 表 節 辭恩命不 度 觀 察留後同 允韶 L 元 祐 元 知大

年十月九日

悉。 徼福文考。 休,義不當避。 朕初執珪 敕 宗 景。 大賚四海,始于親賢。 幣,祗見上帝。 國有常典,爾無固辭。 省 所上表辭 免 恩命事, 嘉 與百 皆神之 具

# 賜皇叔祖宗景上表辭恩命不許韶元祐元

九日

我 衛, 悉。 懿親,實維顯 煇炮翟閽。 或 敕宗 家 有大祭祀,必 景。 相。 覽所上表辭免恩 無有遠邇,畢蒙惠澤。 祗率舊典,毋須固辭。 均 '慶賞。 命事, 邦甸 侯 矧 具

## 里骨加恩制告韶元祐元年十月十五日 賜新除檢校太保依前河西軍節度使阿

朝命。 肆均介福,徧暨多方。❶ 敕 特加寵渥,用獎忠嘉。 阿 里骨。 朕涓選 卿世 靈 辰, 撫 奉 侯封 承 宗祀。 一, 夙 虔

# 太皇太后賜故夏國主嗣子乾順韶元祐元

年十一月十六日

往助襄事,式昭異恩。葬有時。緬懷孝愛之深,想極攀號之戚。。不可以,一次爾守邦,貌然在疾。日月逾邁,祖

● 「方」,原作「芳」,今從《七集·内制集》卷一。

10110

|元祐元年十一月十六日

寢食。

霧,跋履山川。

宜頒錫於珍芳,庶輔安於

榮,蓋亦同其憂患。 爲存没之光。 臨遺行人,往喻至意。 惟 我列聖,眷 爾 念爾哀疚,惻然顧懷。 有邦。 且致奠賻之禮,以 非 徒 極 其 寵

趙州賜大遼賀正 日 副使茶藥韶元祐元年十

眷寵。

馳之久,適丁寒沍之辰。宜錫珍良,式昭

月十九日❶

敕。 卿抗旌出境,夙駕在塗。眷言跋

至和。 涉之勞, 宜適興居之節。 式頒良劑,以 輔

**趙州賜大使茶藥詔**元祐元年十月十九日

敕。 卿遠飭使軺,講修鄰好。 蒙犯風

趙州賜大遼國賀太皇太后正旦大使茶

藥 記元祐元年十月十九日 敕。 卿恭講鄰歡,遠勤軺馭。 言念驅

**趙州賜副使茶藥詔**元祐元年十月十九日

良勤啓處。 敕。卿遠持使節,來慶春朝。 宜示眷懷之異,式頒劑和之良。 方此冱寒,

「元年」,原作「七年」,據《七集•内制集》卷一改。

#### 賜 **乞致仕不許韶二首**元祐元年十月二十日 鎮 司 上 江 柱 軍 國 節 康 度 或 使 檢校 公 判 太 大 名 傅 開 府 韓 府 絳 儀 上 同 表 $\equiv$

之虞。 園,其實何異。 不動聲氣。 悉。 遽欲即安。 强食自輔,體我至懷。 卿 黄髮在 四 韓 世元老,國 絳。 風采所及 尚分北顧之憂, 廷,未敢 矧今艱難之際,日 覽所上 之長 自然折衝。 言病。 表 陳乞致 城 勿起退 端 豈宜獨善, 笏 仕 軒冕丘 有冰淵 事 垂 歸之 7,具

## | | 元祐元年十月二十日

悉。 不 ·得 功 謝 敕 成 韓 卿 身 絳。 退 出入將相,垂三十年。 省 人臣之常。 所 上 表 陳 乞 壽 致 考 仕 康 豈以 强 事 一,有 小 具

> 親近 吏民 郡, 丘 園之請,朕未欲 藥餌,以副中外之望。 瞻 尚 師 勤 尹之儀刑, 元 老。 徒 聞。 得 蠻夷 君 其省思慮 重 識 一, 卧 漢 護 相 ,時寢食 之風采。 方。 使

# 侍郎吕公著生日詔元祐元年十月二十七日賜 金紫光禄大夫守尚書右僕射兼中書

❶ 「郡」、《七集・内制集》卷一作「物」。

#### 賜 新 **恩命不允韶**元祐元年十一月四 除 依 前 中 大 夫 守 中書 侍 郎 日 大 防

久,而 貢 惟允,人無間言。 西省,蔽自 敕 歷試 大大防。 中 外,勤勞百爲,蓋有年矣。 朕 卿敦大直方,任 心。 亟服新命,毋煩朕訓。 雖與聞政 重道 事 爲日未 遠。 擢

## 韶元祐元年十一月六日 賜新除御史中丞傅堯俞辭免恩命不允

法。 茹 廢大任。 一朕以 才 敕 服 難之歎,古今共之。 堯 (卿有樊仲之風,是以擢卿 俞。 與其拘文以自疑,不若直己而 乃事,無煩固 《詩》云: 一辭。 剛 亦 豈以 不 吐, 小嫌 爲中 柔 亦 行 丽 執 不

#### 賜 正議 允 記元祐元年七月十三日 大 夫 同 知 樞 密 院 事 安 燾乞 退 不

固非 官,無煩再命。 忠孝。進無不得,退以何名。 責,難以家事爲辭。 之樞機之謀,外之疆場之議。 矯激。朕之不許,亦豈空文。 敕安燾。 卿才當其位,義不 而況並 奉 既當身任 君 卿之所求, 辭 親,兩 亟還 勞。 厥 其 全 内

# 賜韓絳上第二表乞致仕不允韶元祐元年十

一月十四日

之側 守 艱難之際,不 ·歸意。 乎? 敕 韓 絳。 **豈朕不善西伯之養,** 三復喟然,未喻厥指 辭中外之勞。 朕 以 眇 躬,求助諸老。 胡爲累章, 圃 無人子思 朕意 不 確 以

### 其少安。

#### 賜韓絳上第三表乞致仕 不 . 許 韶元

祐元年十一月十四

而樂丘 懷歸 付之重乎? ,誰任其 敕韓絳。 園,天下所共知也,獨不念先 勉徇大義,勿復以言。 事。 君臣之義,憂樂同之。 卿之高識雅度, 輕 帝 軒 苟 託 冕

賜 新 恩 命 除 不允韶元祐元年十月十 依 前 光 禄大夫刑部尚 七日 書 蘇 頌

辭

來。 不奪其志。 心司 還成命,聽服常僚。 煩力辭。 寇, 卿而不能,誰當能者。 敕蘇 期於無刑。 蘇頌表云: 頌。 又推才難之故,千里以 卿 所有誥命,未敢祗受。 篤 自循朽邁, 於仁心,深於經術 朕惟孝處之深, 敢冒優除。 亟服 乃 事, 伏望 待 其 年 毋 用 收

賜 新除落致仕依 前光 禄 大夫范鎮 (赴闕

詔 元祐元年十月二十日

譬之麟 諸老,非 皤然在位, 敕范鎮。 鳳,能 敢 必以 則 朝 服猛 夫有德 事 廷 諉 鷙。 尊 也。 嚴,奸宄消伏。 君子, 朕虚 苟 得黄髮之叟, 懷 以 精 前 席 神 折衝 卿 致

形器

之表,

而卿自處於繩墨之内,未爲

得 於

朕意不易,卿

無復辭。

於非

常之遇,

則必有無窮之報。

朕待

卿

敕

韓絳。

功成身退,人臣之常禮

至

四 内

制

詔

#### 皇 帝賜 駞 回 故 韶元祐元年十二月二十四 夏 或 主 嗣 子 乾 順 日 進 奉 賀 正 馬

乃眷忠勤,良深嘉歎。歸時事。惟此充庭之實,率皆任土之宜。歸時事。惟此充庭之實,率皆任土之宜。不故夏國主嗣子乾順。遠奉王正,來

# 太皇太后賜故夏國主嗣子乾順進奉賀

**正馬 駞回韶**元祐元年十二月二十四日

誠 再閲來章,式 宰 旅 韶故 修 夏國主嗣子乾順。 此 嘉忠節。 效 牽 一之禮 致 其乘 述 職 服之良。 春朝

## 免恩命不允韶元祐元年十二月二十五日 賜觀文殿大學士知潁昌府韓鎮上表辭

常,毋煩謙避。 逮受顧命。均此介福,非朕敢私。國之故廣帝親之澤,覃及中外之臣。惟我老成,敕韓縝。朕躬祀總章,始行嚴配。推

# 表乞致仕不許韶元祐元年十二月二十九日賜鎮江軍節度使判大名府韓絳上第二

懼,夫何倚伏之虞。尚體至懷,少安厥位。歸。矧卿德望並隆,神人所相。焉有滿盈之豈有體力未衰,蕃宣所寄,亟圖自便,遂欲言求舊。雖已挂冠而謝事,尚俾安車而造朝。救韓絳。爲國無强於得人,用人莫先於

## 乞致仕不允韶四首元祐二年正月一日 賜觀文殿學士正議大夫知河南府孫固

怙。❷ 視民 詞館 引年求避,此疎遠小臣之事,非所望於卿 出入二府。 也 如子, 尚體至意,勿亟懷歸。 ,付以留籥。 敕孫 屬任之意,豈輕也哉! 固。 君子可以忘勞。 德望並隆,中外所服。 視國 使士有矜式,●民有依 如家,忠臣 卿被 可以忘老, 釋位謀安, 遇三朝, 故起之

| | 元祐二年正月一日

歎。矧欲辭位而去,遂安丘園哉! 三川子。每惟圖任舊人之意,常有越在外服之眷舊學,用之西樞。朕即位二年,未見君救孫固。卿英祖所擢,以遺神考。乃

優游卒歲,可以忘老。 重鎮,務舉大體。簿書期會,則有司存。

|||元祐二年正月二十五日

前詔,以慰中外之望。何!卿既自爲謀,亦爲乃后謀之。勉遵並隆,如卿者有幾。無故釋位,其謂朝廷並廢,如卿者有幾。無故釋位,其謂朝廷

四元祐二年正月二十五日

浩然懷歸,若不可復留,何哉? 勉徇大以尊禮慰藉其意者,自以爲無失矣。而卿敕孫固。 朕永懷三宗,追用其人。所

- □ 「士有」下、《七集·内制集》卷二有「所」字。
- 「民有」下、《七集・内制集》有「所」字。

〇三六

## 義,毋違朕志。

# 一偏州不允韶元祐二年二月賜新除樞密直學士知定州韓忠彦乞改

辭 文。 差擇循 爲。 俯仰今昔, 敕 忠彦。 良。 卿庶 朕嘗覽閱古之圖,觀宗臣之 有概 幾焉,勉 於心。 副 會中 朕意,何 Ш 一闕守, 以

#### 賜 州 樞 不 密 允韶 直 學 士守 兵 部 尚 王 存 乞 知 陳

君子 牧 石之節,終始惟 而 疾 出 厚風俗也,豈以 敕 也。 處, 王存。 朝廷之大事,而 姑安厥位,以稱朕意 卿 <del>--</del> 出入四 職 六卿之長,所以 事煩 朝,更涉 風 簡爲輕重 雨寒暑 夷 嶮。 哉 倡 膚 理 九 金

**尚書左丞李清臣生日韶**元祐二年二月二

賜

十四日

恭,民亦宜於愷悌。膺我慶賜,永綏壽祺。王國之彦,蔚爲廊廟之華。神既聽於靖敕清臣。春之方中,月復幾望。篤生

朝 不 **允韶**元祐二年三月十三日 散 大 夫 試 御 史 中 丞 傅 俞 乞 外 郡

賜

藩 流未 實効以酬恩,朕亦將考所言以責實。 朕 郡 方 밚 虚 ,豈所望 敕 堯 己,樂聞嘉猷。 賊盗將熾 俞。 哉 負 中外之望、居得言之地。 財財 力靡敝。 乃者 1水旱 卿 連歲,民 既欲 偃息 圖

### 使韓 絳茶 賜 鎮 江 **首**元祐二年三月二十七日 軍節度使充集禧觀 使

韓

絳

赴闕

詔

江 元祐二年三月 軍 節 度使充集 禧 觀

韶

賜

鎮

眷倚。 之節 宜加存問, 敕韓絳。 調適爲 且 難。 錫珍良。 春夏之交,寒燠 眷予元臣,久勞于外。 勉蹈至 相珍。 和, 以符 起居

賜保 年三月二十一日 寧軍節 度使馮 京告敕茶 藥記元祐二

之重 宜省思慮,近藥物。 敕馮京。 擁髦而 東。 卿以 蒙犯氛埃,徒御 篤老,久勤 勉遵時令,以副眷懷。 外服。 良苦。 留籥

> 民事; 遲卿言還,及此初夏。 閒居,固非所望。 望之重,天下聳聞。 敕 韓絳。 不若歸安闕下,式瞻儀刑。 卿擢, 嘉猷入告,夫豈不能。 自祖宗,輔翼 與其置之一方,勞以 (先帝。 請老 德

元祐二年三月二十 七日

釋負 酌處其中。 人臣謀,則老者當逸。 亟還朝著。 荷 敕韓絳。爲天下計,則賢者常勞。爲 |於留 奉朝 籥 所 請 以慰雅懷。 於琳宫,所以系民望, 今 朝 廷待卿之意, 勉及清和

# **賜尚書刑部侍郎范百禄乞外任不允韶**元

静。

秦又舊

治,

吏士服習。

卧

護諸

將,

無

以易卿。

祐二年三月二十九日

當。 例 益修厥官,以稱朕意。 況公卿之間,議有異 中。」古之有司,與天子相 曰 在中 辟 ,爾惟勿辟,予曰 而卿遽欲以 敕百禄。 書,與在 成王命君陳:「商民 有 此 司, 去位,非古之道也。 同, 一有, 固宜審 而不盡其説哉! 口 爾惟勿宥,惟 否蓋 處,歸于至 如 在辟 此,而 其 厥

改授宫觀小郡差遺不允韶元祐二年四月 賜龍圖閣直學士新差知秦州吕公孺乞

三日

邊有備而民無擾。以卿耆老練達,德宇淵敕公孺。朕顧懷西方,思得賢守,使

賜 彰化 正 事宗晟 軍 節 上表 度使 乞還 (開府: 職事 儀 同三司判大宗 不 允 **泊記**元祐二

年四月十五日

以親辭職耶? 其益修厥官,以稱吾意。爲宗人之法。古之爲政,孰大於此,而欲弟,施於有政,是亦爲政。」卿以膝下之養,兼,施於有政,是亦爲政。」卿以膝下之養,,惟孝晟。《書》云:「孝乎,惟孝友于兄

閒,庶盡色難以終養。伏望特降睿旨,俾從素願|宗晟表云: 所生之母,已踰耄年,宜還職事以投

酒,德度之美,刑于中外。朕方慶瓜瓞之倫。所治雖簡,而所寄甚重。卿爲宗室祭敕宗晟。古者庶子之官設,而邦國有

# 賜新除尚書左丞劉摯辭免恩命不允詔

韶二首賜故夏國主嗣子乾順進奉謝恩馬駞回

爾茂,而

欲

觀

麟

趾

之

應。

益

勵

厥

職,

無

棄

嘉歎。 之實,備形述職之心。乃眷忠勤,不忘寇世臣。思報之深,復承來价。載閱充庭韶世臣。思報之深,復承來价。載閱充庭詔故夏國主嗣子乾順。臨弔之重,以

||元祐二年四月十七日

附 賻 民, 襄 事。 詔 惟 故 禮 繼 夏 陳 國 可 方 主 以 物、來奉謝 嗣 定 國。 子乾順。 勉 終 章。 向 誠 遺 惟忠可 節, 行 人,往 以 以 副

眷懷。

右不宜其左,能於昔不能於今,豈有是哉!之效,見於事功。廊廟闕人,以次遷用。宜其敕劉摯。朕昔聞卿言,今任以政。已試

命不允韶元祐二年五月二十六日 賜新除中大夫守尚書右丞王存辭免恩

是富貴卿也,其何以辭。思。居天下之樂者,同天下之憂。朕非以無逾卿者。夫享天下之利者,任天下之無逾卿者。夫享天下之利者,任天下之無逾卿者。朕歷選百辟,試之以事,惇

#### 賜 集 司 韓 禧 絳 觀 **乞致仕不允韶二首**元祐二年六月 使 鎮 江 軍 節 度 使 開 府 儀 同三

四日

朕心。 時聞 待元老。 民之利病,蓋 嘉言, 敕韓 絳。 冀疾病之有間,得雍容 以 /輔不 向以宏才,卧 方之安危。 逮。 告老之請, 朕 護北道。 方虚 而 造 懷 殊 凡斯 非

1 | 元祐二年六月四日

之美。 精 節家庭。 神折 敕韓絳。 勉自輔養,期於少留。 衝,非 於卿 以筋力爲禮。● 元老在位,邦之榮華。 同告老之安,❷而 游神道 國 有 館,擁 含賢 徒以

#### 賜 新 允 除 韶元祐二年六月十二日 試 吏 部 侍 郎 范 百 禄 辭 免恩 命不

辭爲。 選。 輕授。 官之亮, 士之失職 簿書繁重,條格紛委。 敕 卿 百 圃 有 禄。 而無告者多矣。 濟之 應務之敏, 夫以天官之貳,治夏 以 通。 而行之以勤,有守 往 朕難其材 行其 苟非其人,則 志, 一、不以 卿 何 之

陳州不允韶元祐二年六月十三日賜新除吏部侍郎傅堯俞辭免恩命乞知

堯俞。連蹇三黜,栖遲十年。士無

敕

❷ 「同」,原作「圖」,今從郎本。 ❸ 「筋」,原作「觔」,今從郎本卷三十七。

1148

譏。 引微 賢愚 於期 之在 有 報 一網羅。 年之内。 國未遂之歎,亦將使朕獲用 疾 ,爲國太息。 勉復舊曹,以全大節。 以自言,指便郡而求去,豈獨 朕所以 天下 如珠玉之在 - 拭目 拔卿 ,欲觀所爲。 於久廢之中 泥土 賢不 ·, 用 終之 於 麟 丽 卿 乃 卿 鳳

# **賜同知樞密院事范純仁生日韶**元祐二年六

日 **①** 

賜 載 ,以介壽祺。 嘉 敕 誕日之臨 范 純仁。 豈 卿 獨 天 私 資 門之喜。 文 〈武,世 濟勳 宜膺 慶

## 祐二年六月二十四日 賜新除知樞密院安燾辭免恩命不允詔元

敕安燾。人才之難,從古所歎。圖任

之寄。 不改疇 知無不爲,乃所望於卿者。 以 何 補 舊,爲國之常。 於國哉。 昔。 懃勞靡懈,望實 徒以 任之既 卿 以 愈隆。 瓌異之資,荷艱 久,則責之宜 卑以自牧,亦 雖 云超 專, 難

# 一州不允韶元祐二年八月二十二日朝議大夫試户部尚書李常乞除沿邊

賜

懷; 曷若 體 何往 有後先。 劍疾鬬,蓋孔門之事。 此意,姑安厥官。 非 盡瘁事國,幹心膂之憂。 敕李常。 然自以尺箠而 ·. 報。 與其 雖 在泮獻馘,亦儒者之常。 願受長纓而往者,卿之本 自請捍邊,已癬疥之疾; 鞭之,吾有餘力。 雖然,義有輕重, 苟推是心, 尚 理 挺

■「純仁」,原作「仁純」,據《七集·内制集》卷三改。

#### 賜 拜 著 太 自 韶元祐二年八月二十五 師 今後 平 童 λ 軍 朝 貮 凡 重 有 事 拜 文 禮 彦 博 宜 並 宰 特 相 與 吕 免 公

日

其 禮 卿而 以 惟 爲故 鍾繇 禮 ; 四 對於延英,●詔使毋拜。 專 稱 卿 朝之舊,德隆而望重,任大 른 朕意 與公著而已。 昌公著韶即改云: 事。 有爲之報 今後人朝,凡 敕彦 耋老無 方資其 足疾乘車就 而唐司徒馬燧, 博。 下 略 蓍 朕 ·拜 聞 龜之告,豈 無 有 書 坐,自爾三公有疾,以 几 益 拜禮,宜 於《 一之儀。 杖 亦以 今吾耆 以 春 優賢, 秋 責 並 加 毋 老 \* 以 特 或固 憂深 老大臣, 病 免。 筋力之 惟彦博與 魏 著 自 乏 太 力, 卿 傅 典

> 賜新 頌 一辭免恩 除 兼 侍讀 命不允韶元祐二年八月二十七日 依前光禄 大夫吏部尚書

蘇

煩固 選。 懷於至言 解。 以爲直亮多聞之益,宜莫如卿。 敕蘇 頌。 ,豈曲從於遜 朕惟 左 右 避。 正人之求, 亟 服 乃 甚 事 方虚 難 毋 其

賜 守 册 禮畢 司 空開 隨 班 府 稱 儀 賀免赴 同三 司 **韶**元祐二年八月二 致仕韓絳乞受

十七日

請 爲 覲 絶俗之高 内 敕 韓 廷。 絳。 在臣子之誠心, 愈篤愛君之意。 卿 脱 屣軒冕,頤 卿爲 神 喜聞册 丘 盡節; 園。 不

## 筋骸之末禮,吾所未安。

顧

# 賜宰相吕公著乞罷免相位不允韶元祐二

年八月二十八日

矣。卿起就位,復何疑哉!! 亟拜之禮。而彦博執謙不回,朕既從其請卿不强起,孰卒吾事? 近以二老之故,削既俘,士氣益振。長轡遠馭,方資老謀。既俘,士氣益振。長轡遠馭,方資老謀。

賜前兩府并待制已上知州初冬衣襖韶元

祐二年九月七日

在笥之珍,以示維藩之寵。服之安燠,體敕元發。歲將墐户,工告始裘。宜頒

我眷懷。

(太師文彦博乞致仕不允韶元祐二年九月

十日

賜

不再,卿其少安。 無懷禄之嫌。大義苟安,細故可略。朕命執謙之心,信於天地。勉當委重之託,初執意,順以以為,

\_

足而爲 公議。 高 請之故, 而 爲請; 敕彦博。 解。 丽 廢將成之功。 斷之於中,義 稱德則鄙力,卿 論 道 則 忘 年, 有 體君至懷,以慰 :不易。 卿 不可 不 可 豈 以 以 以 力 年既 屢 不

## **乞知應天府不允詔**元祐二年九月十六日 賜龍圖閣直學士尚書工部侍郎蔡延慶

以稱朕意。 世病。膚理微疾,行當自痊。勉安厥官, 是游刃肯繁,尚不辭難, 退食委蛇,豈當 之效,藹然有聲。今若予工,宜有餘力。 之效,.

眷存。

**賜尚書左丞劉摯生日詔**元祐二年九月二十

俊輔,休有令名。膺我寵章,以介眉壽。 敕劉摯。律協應鐘,辰集析木。實生

至懷。

# 趙州賜大遼皇帝賀興龍節大使茶藥詔元

祐二年九月二十七日

傳之勤,適此風霜之候。宜加寵賚,以示敕。卿鄰歡載講,使節甚華。永言郵

趙州賜大遼皇帝賀興龍節副使茶藥詔元

祐二年九月二十七日

物之嘉,以輔寢興之節。宜膺寵錫,尚體敕。卿載馳遠道,良苦祈寒。豈無藥

賜太師文彦博生日韶元祐二年九月二十九日

敕彦博。陽月載臨,剛辰協吉。篤生

門之慶。往膺寵數、永錫壽祺。元老、弼亮四朝。允爲廊廟之華、豈獨閨

# 安禮乞知陳潁等一郡不允韶元祐二年十賜資政殿學士太中大夫新知成都府王

月一日

行。時近藥石,勉事道路,稱朕意焉。必能肅遏慢吏,扶養小弱。卿雖微疾,强爲朕勝弊。惟朕左右信臣,明而不苛,寬而有斷。吏肆。徭役新定,農民在官。馭之無方,將不吏肆。徭役新定,農民在官。馭之無方,將不

# 合茶藥韶元祐二年十月七日沿路賜奉安神宗御容禮儀使吕大防銀

明 無 所 敕大防。 不 臨 而 於赫 躔 次 神考,如 必 有所舍。 日 c在天。 肆 予命 雖光

> 慕之外,嘉歎不忘。 爾,祗奉此行。禮既告成,勤亦良至。

> > 感

# 王安禮銀合茶藥詔元祐二年十月八日賜資政殿學士太中大夫新差知成都府

之。 近爲意也。 寄,甚難其選。 聲藹然,朕豈欲其遠去哉。 民,以稱朕意。 矧余良臣,擢自神考。 敕安禮。 勉事 朕求治如不及,用 知卿篤於忠義,當 道路,慎疾自愛。 出入中外,厥 特以全蜀之 人惟 不以遠 往安吾 恐失

# 趙州賜大遼賀太皇太后正旦大使茶藥

韶元祐二年十月十七日

之勞,良極軫懷之意。往頒珍劑,以輔至和。敕。卿久勤軺傳,遠犯風埃。眷言行邁

### 〇四六

#### 趙 州 賜大 遼賀 太皇 太 后 正 旦 副 使 茶 藥

記元祐二年十月十七日

寒,尚懃行役。 敕。 卿遠乘使傳,來講鄰歡。 往加問勞,式示眷懷。 屬此沍

趙州賜大遼賀皇帝正旦大使茶藥詔元祐

年十月十七日

事之重,遂忘行役之勞。 敕。 卿遠慶春 朝,篤修鄰好。 既極歎 公嘉,宜· 永惟 申 使

問勞。

趙 賜 大遼賀皇帝正旦 副使茶藥 記元祐

二年十月十七日

敕。 徂歲向晚,修途苦寒。 方趨造於會

0

龍圖」《七集·内制集》卷五作「寶文」。

朝,未即安於舍館。

往加恩錫,增重使華。

**賜宰相吕公著生日詔**元祐二年十月十八日

如陵之壽。 我良弼,實惟兹辰。 敕公著。 宜頒寵數,以示眷懷。 卿三世將相,四朝耆老。 茂膺維嶽之靈,永錫 賚

賜 新除 允韶元祐二年十二月四日❶ 龍圖 閣直 學士李之純辭恩

次,不以輕授。 非獨以寵 無所訴。 實於世,典領其事,非有德君子,雖 敕之純。祖宗之文章與典謨訓誥,並 朕專欲以德安之,故内閣之命, 卿,抑將使蜀人知朕用卿,蓋以 蜀遠而人懦,窮困 抑塞,至 積勞久

命不

## 德選也。其深識此意,勿復固辭。

# 賜太師文彦博乞致仕不允詔二首元祐二

年十二月二十五日

耶 ? 朔荐 力自 尚能 未可以即安也。 康, 飢,公私枵然。 勉留,以 敕彦博。 今御戎之策,未有定議,京東西、河 視聽 輔不逮。 不衰,步 卿 自去歲以 方與二三臣圖之,卿 趨 近者神明所相 加健,乃欲 來,數苦小 求 疾, 去 體

1 元祐二年十二月二十五日

也。 稷爲悦,而不當以居丘園爲樂也。 極 品,書考四十。 固當以國爲家,以天下爲身,以 敕彦博。 卿 歷相三宗,名聞四 自 載 籍 以 來, 朕方待 未之 夷。 安社 聞 位

卿而爲政,請老之言,所未欲聞。

# 賜外任臣寮進賀太皇太后受册馬詔敕元

祐二年十二月二十六日

馬韶敕元祐二年十二月二十六日

賜

外任

臣

寮進奉賀皇

太后皇

太妃受册

君盡禮,因物見誠。乃眷忠勤,不忘嘉歎。敕曾布。❷典册告成,宫闈之慶。事

● 「曾布」二字、原脱、據《七集·内制集》卷六補。

)「曾布」二字,原脱,據《七集•内制集》卷六補。

戴主之誠,遠效充庭之駿。

載嘉忠藎

良

極歎咨。

# 賜保寧軍節度使知大名府馮京進奉賀

**端午節馬韶**元祐二年十二月二十六日

忘嘉歎。 庭之駿足,慶中火之良辰。乃眷勤誠,不庭之駿足,慶中火之良辰。乃眷勤誠,不

# 賜資政殿學士知鄧州韓維進奉謝恩馬

韶元祐二年十二月二十六日

在庭,儀多於物。載惟忠蓋,良極歎咨。敕韓維。廟堂均逸,遠不忘君。 駔駿

# 恩馬韶元祐二年十二月二十六日賜檢校司空左武衛上將軍郭逵進奉謝

敕郭逵。惟卿耆老,漸就退閒。不忘

**賜中大夫守尚書右丞王存生日詔**元祐三

年正月四日

之慶,豈惟閨庭。寵錫之隆,庶延壽嘏。敕王存。卿以宏才,與聞大政。誕日

賜試户部侍郎趙瞻陳乞便郡不允韶元祐

三年正月十三日

遠引之計,於義未可,蓋難曲從。 育俊乂,待其成材。 士,孰非華髮之良? 則堂陛自隆,國 敕趙 瞻。 朕褒 顯耆舊, 有所恃。 庶前後 而卿以 相繼,朝不乏 取 康强之年,爲 方今在廷之 其 宿 望,養

## 11 元祐三年二月十五日

## **首**元祐三年二月十五日**●**

賜

皇

|伯祖宗晟辭免起復恩命不許詔四

屈爾私,以成吾志,不亦可乎?信,力行禮義,以身先之,蓋未易齊也。少殊。位不期驕,禄不期侈。非卿允蹈忠之惻然,欲從所請。而宗子之衆,才性各之則然,欲從所請。而宗子之衆,才性各

## 1 | 元祐三年二月十五日

孝,非所聞也。勉從朕命,勿復固辭。夫聖人以孝弟爲從政,而卿以從政爲非乎,惟孝友于兄弟,施於有政,是亦爲政。」而朕以徇私忘公,爲未盡美。《書》云:「孝而朕以徇私忘公,爲未盡美。《書》云:「孝献宗晟。卿以强起就位,爲未便安。

## 四元祐三年二月二十二日②

如翟方進、房喬之流,皆以儒術致身,不免有,可以義起,而況漢唐之舊,故事具存。敕宗晟。 君子之於禮,雖先王未之

- 「二月」、《七集・内制集》卷九作「十二月」。
- ) 「二月」、《七集・内制集》卷九作「十二月」。

極

近臣 於釋 服乃事。 麻之故,而廢閨門之政乎? 止於治親。 奪 哀 喪,君子不以爲過。 而 謀國。 譬猶父兄,訓敕子弟。 近歲 夏竦、晁宗慤,亦以 今宗正之事, 卿其勿疑,亟 豈以衰

**龍節并冬至正旦馬韶**元祐三年二月二十 賜保寧軍節度使知大名府馮京進奉興

五日

多儀克舉,屢歎不忘。之會,因物效誠。乃眷元臣,實勤典禮。之會,因物效誠。乃眷元臣,實勤典禮。歲時救馮京。震夙之祥,旅庭稱慶。歲時

**賜外任臣寮進奉謝恩馬詔敕**元祐三年二月

二十六日

敕。銜恩思報,因物致誠。效兹乘服

易外壬五寮進奉興滬布力惠充召政元族、歎咨。

賜外任臣寮進奉興龍節功德疏詔敕元祐

三年二月二十六日

歎嘉。 之誠,來獻後天之祝。永言忠蓋,良極 敕。誕彌之慶,中外所同。畢輸衛上

**免恩命不允韶**元祐三年四月六日 賜新除守司空同平章軍國事吕公著戰

於義兩得,夫復何辭。使卿獲居勞逸之間,而朕不失仰成之託。丘園,卿之素志。今於二者,酌處其中。丘園,卿之素。委重元老,朕之本心。歸安

# 侍郎吕大防辭免恩命不允韶元祐三年四賜新除太中大夫守尚書左僕射兼門下

月六日

涣號 以 卿 德 已 敕 望兼 大防。 行 僉言惟 重 端揆黄門之任,虚 才術有 .. 允。 餘,故授之不疑。 務稱朕命, 之久矣。 何 以

辭爲。

侍郎范純仁辭免恩命不允詔元祐三年四賜新除太中大夫守尚書右僕射兼中書

月六日

於心 厥 苟 官 然 而 而 敕純 以稱朕意。 不貳。 輕 授也 仁。 成 哉 國之安危,寄於宰輔。 命已出,豈容復回。 試之以事而不移 ', 斷 往 朕豈 Ź 修

鎮三上表乞致仕不許斷來章韶元祐三賜觀文殿大學士光禄大夫知永興軍韓

年四月七日

用引年之常禮。宜安厥位,毋復言歸。望兼重,體力猶强。方資禦侮之壯猷,焉私。蒙國士之知者,有非常之報。矧卿德私。蒙國士之知者,有非常之報。矧卿德

鎮三上表陳乞致仕不允斷來章韶<sup>元祐</sup> 賜觀文殿大學士光禄大夫知永興軍韓

三年四月七日

固無懷禄之嫌, 而朕固留,宜有志歸之以方面之安,略其筋力之禮。如卿屢請,敕韓縝。朕體貌諸老,儀刑四方。假

〇 五 二

少安。 樂, ● 意。 未逾 今中外 坐 無事 嘯 之樂。 、民物 小康。 朕 命 不 顧 恐安車 易 卿 其 之

也

卿既任其事矣,今以次遷,

無足辭

者。

賜 新 侍 韶 郎范 元祐三年四月七日 除 太 純 中 大夫守 仁 再上 尚 劄 書 辭免 右 僕 恩 射 命 兼 亦 中 允 書

政 宰之任,非卿而誰。 見徐公之有常。 (西樞,論不阿 敕 純仁。 卿 世。 奉 參以衆言,蔽自朕志。 事先帝,義深愛君。 屢執謙 昔聞汲黯之不奪,今 詞,殊非所望。 右 與

賜 新 **免恩命不允韶**元祐三年四月七日 除 依前中大夫守中書 侍 郎 劉 摰 谿

治不 同,至於因時 敕 劉 摯。 朝 廷設三省, 立政 昭德塞違 建 丞 其 弼, 實 雖 所

> 賜 新 除 依前 中大夫守尚書 左丞 王 存 辭

免 恩命不允韶元祐三年四月七日

務。 遷,顧僉言之咸允。 更 敕 練 王 愈久,開 存。 卿學足以經邦, 益居多。 國之常典,何 以 積 才 以 足 日 辭 以 爲。 而 稍 應

賜 新除中大夫守尚書右丞胡 恩命不允韶元祐三年四月七日 宗 愈 辭 免

之積。 官 入滋久,操守 ,毋替朕命。 敕宗愈。 歷試而用,亦自群言之公。 不回 卿昔· 在諫 雅 望在 垣,首 人, 開 既 正 往 非 論。 祗厥 日 出

## 無足辭。

# 書樞密院事趙瞻辭免恩命不允韶元祐賜新除依前中散大夫充樞密直學士簽

年四

月七日

兼文 豈以 矧羌 官,勿違朕命。 武。 此 戎叛服之無常, 敕 趙 柄,輕授其人。 歷試 瞻。 朕惟本兵之地,司 吅 用,衆言 實邊鄙 以卿望重 I允諧。 安危之未決。 縉 命吾 往踐 民 厥

賜新除門下侍郎孫固辭恩命不允詔元祐

一年四月八日

隆 先 可 使 帝 昔冠 朝廷之增重。 舊學,存者幾 敕孫 西樞,今貳東 固。 朕惟三朝老臣,義同休戚。 人。 矧卿 意其 省。 德望 風 衆以爲允,義 索著 采之聳 ,寄任已 聞

## 韶元祐三年四月八日 賜新除試御史中丞孫覺辭免恩命不

允

之憂哉. 不諱。 法,實允僉言。 嘗遇事以 敕孫覺。 固 無觀望難言之病,豈有 建言,志在 載閱來章,甚非所望。 卿三居諫省,皆以 以 卿 行義以 直 諒 多聞 達 道 而 喪 直 聞。 失 朕 擢 名 開 爲 節 納 執

## **燾辭恩命不允詔**元祐三年四月八日 賜新除右光禄大夫依前知樞密院事安

大, 綱修 撝 謙 明, 敕安 則久勞遷秩, 恐 中 難 一燾。 外 回 寧輯。 於 卿 謀 成 國之重,歷 命。 亦理之常。 夫圖. 往 任共 服 休 年于 政, 雖 竉 所憂者 固 兹。 以 執 於 紀

眷懷。

# 恩命不允韶元祐三年四月十日賜新除中大夫守尚書右丞胡宗愈辭免

明試以功。」朕得之矣,卿其勿辭。非獨能言者也。《書》不云乎:「敷奏以言,奉使指,而民宜之。入治天官,而吏畏之。敕宗愈。卿更涉夷險,踐敭中外。出

三年四月十日書樞密院事趙瞻辭免恩命不允詔元祐賜新除依前中散大夫充樞密直學士簽

所以稱而已。 授。卿之自視,何愧於斯。祗服厥官,思耆老久次,悃愊無華,則樞機之任,不以輕耆起久,,団謂難矣。自非

## 赴闕詔元祐三年四月十二日 賜新除翰林學士朝請大夫知制誥許將

相。 殿 厥職,佇聞嘉猷。 則 酌 方國,則修儒術以 雖於卿爲舊物, 民 敕許將。 (言以 廣 卿 上 敏 聽。 而 實當今之高選。 飾 好 待 吏事 學,達於從政 命 ; 北 門, / 備顧 號 亟踐 稱 問 出

賜 新 册 禮許 除 司 韶 空 元祐三年四月十三日 同 平 章 軍 或 事 吕 公 免

請 自損以信君父,卿 ,益彰謙德之光。 敕公著。 多儀 之美 以隆 勉徇所陳,不忘嘉歎。 志。 輔 弼 再閱誠言之 國 之 彝 典;

#### 賜 正 恩 議 ·**允韶**元祐三年四月十五日 大夫 知樞 密院 事 安 辭 免 遷 官

命

身率群臣,使廉 時 褒陞, 豈待 敕 安燾。 功閥。 卿國 耻 相 [之雋 先 丽 能 名器 輔 力辭 位 位 益 冠 龍命, 重。 樞 庭。 欲 勉 從 以 以

來請

,以篤此風。

### 賜 新 恩 · 命不 允 韶 元 祐 三 年 四 月 十 五 日 除中大夫守尚書右丞胡宗愈辭 免

行 莫能去。自古以然 而 寵,求之而不可得,君子以寵爲憂, 卿固辭不已,朕甚惑之。 事,參之公議,而 敕宗愈。 朕之用卿,蓋 ,卿何疑哉。 斷 自朕 夫小人以位爲 心, 聽 其言, 可 謂審矣。 推之而 考其

#### 賜 册 新 禮 除 **允韶**元祐三年四月十五日 司 空 同平 章 軍 國事吕 公著辭 免

備,古之道也。 親拜,亦漢之舊。 勉從所乞,以成其美。 敕公著。 册祝於廟 今卿遜避不居,自處 事大 則 惟 禮 周之典。 重 一,禮重 以約 則 臨 樂 朝

# **賜許將辭免恩命不允詔**元祐三年四月十八日

來自 副 所望,其可曲從。 虚 懷 西 敕許將。 南,固 而乃退托 知民之利 進 以 經 無 能 術,當告我以安危, 病。 ,力辭舊物。 渴 聞 讜論,少 既非

#### 賜 進 河 奉 西 回 軍 **韶**元祐三年四月二十二日 節 度 使 西 蕃 邈 川 首 領 呵 里

陲。

期寵

禄於有終,

知大恩之難

勿

使

部 意。 已指揮熙河路更不出兵。 誠,願洗心而效順。 場,乃爾世功; 陰連 後底平,河南綏 出 弗能禁。 爾,嗣長乃師。 之隆,用能保爾子孫黎民之衆。 本與夏賊,日尋干戈。亦惟 族外, ,及上京進奉。 偏 庶能改過,未忍 師 夏賊,約日盗邊。朕愍屬羌之無辜, 敕 而問 阿 住 恣其 里骨。● 尼罷 罪。 招 所爲,遂據洮 而承襲以來、强酋外擅、爾 元惡 納。 服。 叛君 爾 惟 爾 宜約束 依舊 加兵。 父而從仇讐,豈其 朕惟率酋豪 一俘獲,餘黨散亡。 爾祖先,世 既 知 許 及除 悔 城,以 恃我朝廷爵 種 般 果因 類, 朕復何求。 次 Ë 篤 犯王略, 物 肆朕 往 共 招 圃 忠孝。 保邊 來 納 以 捍 買 到 貢 本 山 疆 命 秩

> 賜 來款,復爲虚言。 新 充 龍 除 依 畵 前 閣 待 朝 散 制 大夫 傅 堯 守 俞 尚 辭 書吏 免 恩 命 部 侍 不 允 郎

**詔**元祐三年五月二十三日

陽。 便,殊戾所期。❷ 言還,慰我虚佇。 雅意本朝, 敕堯俞。 夙望所在,舊疾既 寧久安於馮 往修厥官,務 徒得君重, 翊。 稱 雖 朕 暫屈 平。 命。 復 求 於淮 及兹 自

『戻」、《七集・内制集》卷八作「異」。集》卷八改。重」、原誤刊作「骨」、據郎本卷三十八、《七集・内

## 允韶元祐三年五月二十七日 守尚書右丞胡宗愈乞除閑慢差遣不

賜

亦何嫌而避位。祗服乃事,毋自爲疑。之美職,付以大邦。朕既無負於聽言,卿輔政之臣。朕方馭衆以寬,退人以禮。加輔政之臣。朕方馭衆以寬,退人以禮。加許風聞,猶當核實。豈以無根之語,輕揺

## 韶元祐三年六月九日 賜尚書右僕射兼中書侍郎范純仁生日

更誕日,永介壽祺。體我眷懷,受兹寵錫。敕純仁。卿河嶽之靈,神明所相。載

# 賜正議大夫守門下侍郎孫固生日韶元祐

三年六月二十三日

老之祥,神人攸相。載更良日,益永壽祺。敕孫固。卿圖任之舊,縉紳所推。難

## 申以寵章,式隆眷遇。

三年六月二十三日

賜正議大夫知樞密院

事

安燾生日韶元祐

敕安燾。桑弧告慶,降哲輔於兹辰,

壽乃親。

綵服拜嘉,冠榮名於當代。

祗服朕命,益

一〇五七

#### 賜 龍 府 曾 圖 布乞 閣 學 除 士 河 閑 東 慢 路 州 經 郡不 略 使 **允韶**元祐三 兼 知 太原

年七月二十一日

聲。 將 知難避整,夷狄亦然。 敍,人誰易卿。 素定 望 而去矣。 而況二年于兹、諸將所服。 ,難以應猝。 敕曾布。 勉卒乃事,毋忘朕言。 將 夫擣 不久任,難以 卿屢試劇 虚攻瑕,兵家常勢, 卿若有以待之,彼 郡 貴 o, 成。 事 所 既 臨 謀 即 有

#### 賜 進 河 奉 西 回 軍 程 節 記元祐三年八月三日❷ 度 使 西 蕃 邈 川 首 領 ζpj 里 骨

爰因 貢 敕 阿 飵 里 益著 一骨。 誠 卿 屢款 心。 塞 再 省 垣,願 忠 勤, 終 臣 良 深

嘉歎。

# 賜皇叔改封徐王顥上表辭免册禮允詔

**一首**元祐三年八月二十日

朕所以 之福。 膺盛 爲 善最樂,不知軒冕之榮。 禮。 敕 極 勉從其意,嘉歎不忘。 顥。 褒崇之心,而將使卿 而抑損之志,逡巡 卿 大雅不群,自 不居。 既殿 得詩書之富 庶幾獲 大邦,宜 雖莫 謙 冲 稱

|元祐三年八月二十日

册,蓋有常儀。 謙四益,當克永年。 敕顥。 錫 Щ 而卿深懼 土 田 二,以 以 三命滋恭,固 滿 昭 盈 令德。 過 形抑畏。 備 物 典

- ■「劇郡」、《七集·内制集》卷九作「而用」。
- ❷ 「程」,原爲空格,據《七集•内制集》卷九改。

厥官。

後。 曲 成美志,以 勸 事 君 宜依所乞。●

#### 賜 知 渭 州劉 昌祚進 奉 興 龍 節銀 韶元祐三

一月六日

不忘 嘉 辰 之獻 褒歎 敕 昌祚。 壽, 納 卿 貢篚 禦 侮 以效珍。 邊 庭、馳 神魏 載省忠勤, 闕。 會

#### 賜 皇 [元祐三年十二月五日 伯 袓 宗晟 辭 免 起 復 恩 命 不 允 韶

首

墨衰 安,則吾豈敢强所不欲。 義,非有食稻衣錦之嫌。 從政,見 敕 宗 晟。 於魯史。 夫要絰 服 永惟 若非 勉從前詔,往服 徇 出 使卿居之而 國 於 忘 孔 家之 門,

## |元祐三年十二月五日❷

所以 報宜 服屬 何國。 異於常人。 之隆,爲宗室祭酒。 敕宗晟。 義無所愧,何以辭爲。 卿 故奪情非以私 德 爵 與 齒, 任 獨 皆天下 高 卿 於三世, 而服 ·達尊。

#### 賜 正 議 大 大夫知 鄧 州蔡 確乞量 移 弟 碩 允

詔 元祐三年十二月九日

譏 ; 得罪,事 廷之典。 敕蔡確。 以情内恕、詩人有將毋之念。 在 及觀 有 司。 來請,有概予心。 以義責備、《春秋》有 難以 貴 近之親, 重違 丽 失 兄弟 碩之 教之 廢 朝

0 宜依所乞」四字,原脱,據《七集・内制集》卷 九

五」,原作「二」,據《七集。 内制集》卷九改。

0

〇五九

急難之詞,以傷人子奉養之意。

#### 賜 四日 使及 知 渭 賀 州 劉昌 端 午 節 祚進奉謝恩并賜 馬 韶 元祐三年十二月二十 月俸公

因物見誠。再省忠勤,良深嘉歎。新渥於公朝,謹舊儀於令節。抗章來上,數昌祚。卿執德宏毅,秉心恪恭。拜

# 獎諭韶元祐三年閏十二月一日 賜端明殿學士銀青光禄大夫致仕范鎮

鄭衛之音,已雜華戎之器。●間存作者,●有莫能致。魏、晉以下,曹、鄶無譏。豈徒海之上,往而不還, 聘先生於齊魯之間,秦漢以來、《韶》、《武》僅在。散樂工於河秦漢以來、《韶》、《武》僅在。散樂工於河

志。 位。 帝移風易俗之心,下 士大夫論其法,工 之在廷。❸ 如音,以律生尺。 猶 有 究觀所作,嘉歎不忘。 惟我 典 刑 四 君 臣 朝之老,獨知五降之非。 然銖 同觀,父老太息。 覽詩書之來上,閱 黍之一差,或宫商 師 有司考其聲,上 慰老臣愛君 憂 方 國之 追 之易 詔 簨 審 先 學 聲 虡

## 待制傅堯俞乞外郡不允韶元祐三年閏十 賜朝散大夫守尚書吏部侍郎充龍圖閣

二月十四

日

卿出領郡章,人佐治典。席未暖而輒去,卿大夫有爲之際,亦士君子難得之時。而敕堯俞。卿望重本朝,進由公議。方

奠」,原作「冀」,據《文鑑》改。

<sup>●「</sup>字」,原作「亨」,蒙《文鑑》卷三十一改

❷ 「存」,原作「有」,據《文鑑》改。

政何時而報成。小疾行瘳,姑安厥位。

興龍節馬一十匹并冬節馬二匹韶元祐賜保寧軍節度使知大名府馮京進奉賀

三年閏十二月十八日

奉賀冬馬一匹韶元祐三年閏十二月十八日賜泰寧軍節度觀察留後知相州李珣進

# 賜中大夫守尚書左丞王存生日韶元祐四

年正月四日

時良臣,生我王國。宜膺寵賫,以介壽祺。敕王存。在《易》之泰,與物皆春。於

吕公著上表陳乞致仕不允詔二首元祐賜龍圖閣直學士正議大夫權知開封府

四年正月五日❶

宜安厥官,以稱朕意。 猶壯。遽有引年之請,殊乖圖舊之心。❷ 背之老,未敢即安。矧卿體力不衰,髮齒 敕公著。朕鷄鳴而起,志於求助。鮐

- 文内同。
   「著」,郎本卷三十八、《七集·内制集》卷十作「孺」,
- 「舊」,原作「篤」,今從郎本、《七集・内制集》。

0

之請。公議未可,卿其少安。治,談笑而成。方觀報政之能,遽有歸休風, 出入四朝,蔚然難老之狀。浩穰之風, 出入四朝,蔚然難老之狀。浩穰之

## 假將理詔元祐四年正月十二日 賜濟陽郡王曹佾在朝假將百日特與寬

喜。宜特與寬假將理。●軫念良深。推予賜告之恩,期於勿藥之言朝請之勤,思見儀刑之老。謝病既久,言朝請之勤,思見儀刑之老。謝病既久,善敕曹佾。卿賢戚莫二,德齒並隆。眷

# 表乞致仕不允詔二首元祐四年正月十三日賜光禄大夫守吏部尚書兼侍讀蘇頌上

其少安。 東蘇頌。吾聞有志之士,以身殉道而 大,年僅及而輒退, 則已試之才,吾莫得 世,年僅及而輒退, 則已試之才,吾莫得 即不安其位,豈吾有愧於古哉。夫難進之 卿不安其位,豈吾有愧於古哉。夫難進之 與不。 為揚多士,方資崔、毛之德, 與而盡用矣。激揚多士,方資崔、毛之德, 與而盡用矣。激揚多士,方資崔、毛之德, 與不安其位,豈吾有愧於古哉。夫難進之

十補。
●「宜特與寬假將理」七字,原脱,據《七集•内制集》卷

「徇」。 ❷ 「殉」、《七集·内制集》卷十作「御」,郎本卷三十八作

益壯 求筋 求 寐 論 去,公議未安。 哲 徐公之奢儉,莫見子文之愠喜。 之心。 力之常禮。 士,體貌元臣。 敕 蘇頌。 惜日 卿 歷 矧卿方膺難老之錫,宜 有爲,古 勉爲朕留 事 方貴德齒之達 四 朝, 人所 允有 以慰人望。 重 朕既 德。 尊 引 年 勵 豈 寤 徒

賜 第 二 光禄大夫守 表 陳 乞致仕不 吏部尚 · 允韶 書兼侍讀 元祐 四 蘇頌上 [年二月

二日

用。 卿 以 銓 成 綜之精,談笑而辦。 德 敕 而朕乃以引年而聽 蘇 遺 頌。 後 人。 夫天以多士寧王 方使 壽 其去, 考 勉思 康 **承疆**, 職 國 可 事, 乎 以 而 以 究 祖 其 稱 矧

> 細。 蕭俛一時之偏詞。 銓 衡 委蛇退食,以慰士心。 敕蘇 ,有山公晚年之故事 頌。 天官之任,老 卿其總攬 ; 成 簿書煩 綱 所 條 宜 闊 雜, 略 坐 獨 執

新 除權 禮 部 尚 梁 辭免恩 命 不 允 詔 元

祐四年二月三日

望。 請 衆以爲宜 補 成命不易,其速造朝。 外,朕不 敕梁燾。 加 恨其晚。 · 得 已 卿出 加 處以義,進退以禮。 聽 而卿 其去; 又固 辭,豈朕 今兹選用,

所

朕心。

〇六三

## 四日下院● 任官例祗赴六參不允韶元祐四年六月十賜宣徽南院使充太一宫使馮京乞依職

之風; 望,尚 事。 宜遵前命,以副眷懷。 敕馮 而卿篤恭 復懃請。 丽 京。 僕 人僕 盡 朕以卿耆老厚德,重 雖抑抑自警, 亟拜,非 禮 ,自同於有司。 朕待子思之意。 知卿有衛武 既朝朔 煩 以 庶

# 賜右正議大夫守尚書左僕射吕大防生

日韶元祐四年六月十五日下院

壽祺。 均 庭之慶,亦朕 《 既 敕 醉》太平之福。 大防。 所同。 股肱之良, 適《 膺予寵錫, 斯干》獻夢之辰, 與國 爲 重 介爾 家

# 國史修撰不允韶元祐四年六月二十三日賜翰林學士中大夫兼侍讀趙彦若辭免

1 完

下院

能,殊非所望。 地; 敕彦若。 官宿其業, 祗膺成命,毋復固辭。 卿 已奏殺青之書。 學世 其家, 宜 居 自 載 筆之 託 不

# 尹致仕文彦博温溪心馬韶元祐四年七月賜河東節度使太師開府儀同三司太原

二日下院

鴃舌,知獻厥誠。朕以張奂拒羌之獻,不敕彦博。惟我宗臣,名震夷落。狼心

●「下院」二字、原脱、據《七集・内制集》卷十補。下四

文同。

如旅 其馬今以賜卿,至可領也。 獒昭 德之致。● 已敕 邊 | 吏答| 賜 所直

## 賜 夏國主進奉賀坤 成節回 韶元祐四年七月

二十二日下院

雖遠, 載惟忠恪,宜有寵頒。 敕。 亦執贄以來同。❷ 節紀誕彌,慶均臨 嘉與朝 照。 臣,咸 眷守邦之 稱 壽

## 賜 皇 伯祖宗晟辭免恩命起復允終喪 制

終,五詔不起。與其貪明哲之美,以 俛從誠守,良極歎咨。 言釋位之久,實有乏才之憂。 敕宗晟。 不若執孝弟之純,以風勵宗子。 朕寤 寐雋賢,燮和 而三年未 中外。 緝 熙

> 孝之全。言念篤誠,實增屢歎。 損益之變,權以重輕。 奪志難於奪帥。 敕宗晟。 夫衰麻之哀,達於上下, **俛聽終喪之守,以成致** 雖事 君均於事親,

吅

## 賜 新授樞密直學士趙卨進奉謝恩馬詔

因 物見 敕 趙 誠,臣子之雅志。 卨。 論德進律,天下之公議, 爰陳駔駿, 以效

驅

馳。

體乃至懷,極於嘉歎。

- 獒」,原作「熬」,據《七集·内制集》卷十改。
- 來同」,原作「同嘉」,今從《七集·内制集》卷十。

一〇六五

賜 八日 新除龍圖閣直學士依前中散大夫陳 安石辭免恩命不允韶元祐二年十月十

閣之拜,衆以爲宜。無復固辭,以遂成命。 朝、敷歷中外。❷ 號稱良能,不見過失。書 耆老守節,朕必有以寵綏之。卿逮事四 敕安石。夫士出身從仕,少壯陳力,

「敭」,原作「剔」,據《七集•内制集》改。 集·内制集》卷五補。 「直」及「元祐二年十月十八日」九字,原脱,據《七

0

一〇六六

## 廷。 宜錫徽章,以 昭異數。

蘇軾文集卷四十

内

制

敕

書

#### 賜 南 平 王 李乾 德曆 日 敕 書 元祐元年十月

八日

王正之賜,以 敕 乾 德。 爲農事之祥。 眷彼海隅,被 予聲教。 勤 卹遠民,以 宜 有

開

詞嗣歲。

#### 賜 新 除 依 前交趾郡王李 乾 德 加 恩 制告

敕 書元祐元年十月十五日

布 湛 恩,徧暨 敕 乾德。 一諸夏。 朕躬 執 卿 珪 世綏侯服,欽順 幣 大饗帝 親。 朝 頒

> 賜 外任 臣 寮 曆 日 詔 敕 書 元祐 元年十月二十

八日❶

予共理,頒此 敕 7成書。 勉劭農功,毋違時 令。

韓絳。

朕申命日官,逆推嗣歲。

眷

#### 賜 侍 衛 親 軍 馬 軍 都 虞 候 劉 昌 祚 進 奉 賀

明 **堂禮畢馬敕書**元祐元年十一月二十日

以分符之重 敕劉昌祚。 ,特修效馬之儀。 大事告成,多方同慶。 載念勤 誠, 汝

不忘嘉歎。

0 「十月」、《七集・内制集》卷一作「十一月」。

## 賜外任臣寮進 奉 興 龍 節馬韶敕書元祐二

年四月十三日

外服之良,來效右牽之禮。言念誠恪,不 忘歎嘉。 敕韓縝。誕彌之慶,遠邇攸同。 眷惟

祐二年五月十日❶

風。 來修任土之儀,遠效充庭之實。 敕彭允宗等。❷汝族居裔壤,心慕華 載惟

懃悃,良用歎嘉。❸

**賜溪洞蠻人彭允宗等進奉端午布敕書**元

賜權陝府 敕書元祐二年六月二十八日,爲築蘭州西荆堡, 西路轉運判官孫路銀絹獎諭

成,下同

使虜無可乘之便,民有足恃之安。乃眷忠 衿要,繕完保鄣。 敕孫路。 宣力計臺,悉心邊政。 訖 用有成,不愆于素。 相視

勤,不忘嘉歎。

賜知蘭州王文郁銀絹獎諭敕書元祐二年六

月二十八日

敕王文郁。 汝以禦侮之才,當專城之

0 0 「允」、《宋大韶令集》卷二百四十作「元」。文内同。 「等」下,《宋大韶令集》有「省所進端午節溪布三十疋

0 「嘉」下、《宋大韶令集》有「故兹昭示想宜知悉」八字。 事具悉」十四字。 藎

身先士卒, 百堵皆作,三月而 則安能以一時之役,成無窮之 成。 非 :威服 民 夷,

利。

達于朕聽,良用歎嘉。

#### 賜 新除 李 乾 德 制 誥 敕 書 元 祐 二 年 七 月 八 日 依前静海軍節 度使 進 封 南 平 Ŧ

心。 高爵隆名,極其榮顯。 天,豈吝膏澤。 其思盡忠,以稱恩禮。 敕。 朕子養兆姓,囊括四荒,譬之於 卿守藩滋久,事上益虔。 庶緣天寵,●以服民

## 賜 外任臣寮進奉坤成節銀敕書元祐二年七

爰因 ,良極歎嘉。 敕劉 載誕之辰, 昌 祚。 遠 汝承 致 同 流 寅之禮。 外服,雅 意本 眷惟 朝 忠

## 賜 西南羅藩進奉敕書元祐二年九月三日

風,來修職貢。 汝世爲要服,時款塞垣。 載惟忠恪,良用歎咨。 志慕華

#### 賜 諸 初冬衣襖敕書 路 知 州職 司 等并總管鈐轄至

使

臣

霜露之戒寒,待衣裘而卒歲。 敕馮潔己。 王事靡盬,日月其除。 宜加寵 錫 屬

以示眷懷。

# 賜諸路蕃官并溪洞蠻人初冬衣襖敕書

敕 瞎 氊。 職在捍邊、志常 面 内。 屬此

0 天」,郎本卷三十七作「王」。

|0七0

冬衣襖都敕賜諸路屯駐駐泊就糧本城諸員寮等初

捍城之勞,普均挾纊之惠。 敕汝等。 久勤外服,屬戒祈寒。 爰念

書元祐二年九月二十四日 賜 外 任 臣 寮 等 進 奉 坤 成 節 功 德 疏 詔 敕

> 賜 無量 朝 奉 **壽佛敕書**元祐二年九月二十四日 郎 通 判 梓 州 趙 君 奭 進 奉坤 成節

之世。永言忠愛,良用歎咨。 期乃后,享無量之年, 吾欲斯民,同極樂

敕趙君奭。

相好妙嚴,衷誠

傾

盡。

汝

臣等銀合茶藥敕書元祐二年十月七日 沿路賜奉安神宗御容押班馮宗道并内

忠勞亦至。特加存問,尚體至懷。祠宮之告具,驂日馭以遄征。往復之間祠宮之告具,駿日馭以遄征。往復之間救馮宗道。逮事有年,追遠不懈。屬

## 卷四十一 内制敕書

## 德疏等獎諭敕書元祐二年十一月一日 賜五臺山十寺僧正省奇等進奉興龍節功

良極歎咨。因彌月之辰,來獻後天之祝。永言懃至,因彌月之辰,來獻後天之祝。永言懃至,敕省奇等。清涼之域,仙聖所游。爰

# **賜外任臣寮曆日敕書**元祐二年十二月四日

答忠誠。●

平秩之功。 若舊章,式頒新曆。凡我承流之寄,共成善敕韓縝。朕肇修人紀,祗畏天明。欽

# **賜于闐國黑汗王進奉登位敕書**元祐二年十

二月十一日

敕。● 卿守藩西極、慕義中華。遠聞

# **賜于闐國黑汗王進奉示諭敕書**元祐二年十

二月十一日

重譯之言,深亮勤王之意。 益隆褒賜,以敕。●卿遠馳信使,來效貢琛。 載詳

■ 「敕」下、《宋大詔令集》卷二百四十所録此文有「于闐

如别録想宜知悉」字。「咨」下,《宋大韶令集》有「回卿賜銀(原注: 缺)具

0

0

所差來人亦各賜衣帶想宜知悉」二十四字。 「誠」下、《宋大詔令集》有「今因阿保星回賜卿銀絹其

0

### 賜 外任臣寮進奉興龍節馬敕書元祐二 一年十

二月二十四日

旅 庭 稱 敕 劉永 慶, 因 年。 物物 見 汝 誠。 職在 乃 眷 蕃宣、義 忠勤,不忘 均 '休戚。

嘉

歎。

賜 溪洞彭儒武等進奉 興 龍節溪 布敕 **書**元

祐二年十二月二十八日

遠修任土之宜,來備 敕彭儒武。 汝 世 充庭之實。 能保境、志在觀光。 載 催忠

恪

,良極歎嘉。

賜 保 并 到 州 任 尃 馬 練 敕書元祐三年正月七日 使 潞 州 總管王寶進奉

闕

充 庭之駿,以 敕王 寶。 將衛上之誠。 汝以選掄,出分憂寄。 再省忠勤,良 來效

知乾 寧軍 内殿 承 制張 赴獎 之 諭: \_ 元 祐

三年四月十八日

賜

深

語歎。

得其人,則公私賴之。使者列上,有 (時聞。 敕張赴。 歲月既遠,予猶汝嘉。 横流之災,所在蒙害。 故 兹 司 惟 羧 不 吏

諭

想宜知悉。

以

1180

## 賜于闐國黑汗王進奉示諭敕書二首元祐

三年五月一日

垣,恭修壤貢。忠誠遠達,褒歎良深。敕。卿恪居蕃守,申遣使車。來款塞

\_

之餘。載省忠勤,不忘嘉歎。庭,尚識漢儀之舊; 織皮在篚,聊觀禹貢庭,尚識漢儀之舊; 織皮在篚,聊觀禹貢敕。卿守土西極,馳誠中華。璧馬充

### 賜于闐國黑汗王男被令帝英進奉敕書

函,亦馳貢篚。載惟恭順,良極歎咨。敕。汝世敦忠厚,志慕聲明。遠附奏

## 賜五臺山十寺僧正省奇已下獎諭敕書元

祐三年六月十八日

供,以慶誕辰。再省恭勤,不忘嘉歎。敕。清涼之峰,仙聖所宅。爰修

净

### **示諭武泰軍官吏軍人僧道百姓等敕書**元

祐三年八月十八日

擢爲宿衛之長,寵以節旄之榮。惟爾邦敕。朕以苗授賦材勇嚴,馭衆整暇。

人,當諭朕意。

進奉賀冬馬敕書元祐三年閏十二月十八日 賜殿前都虞候寧州團練使知熙州劉舜卿

敕劉舜卿。職在分憂,忠存衛上。屬

一0七

不忘嘉歎。此秦正之旦,遠輪冀産之良。再省忠勤,

年閏十二月十八日 賜**外任臣寮進奉興龍節馬詔敕書**元祐三

篤,良極歎嘉。 爰因彌月之晨,來效充庭之實。● 眷言勤 報劉舜卿。汝忠於衛上,遠不忘君。

**賜西南蕃莫世忍等進奉敕書**元祐四年正月

二十一日

敕莫世忍。汝守土遐陬,歸誠北闕。

嘉歎。 梯山修貢,款塞觀光。言念忠勤,至於

**賜五臺山十寺僧正省奇等獎諭敕書**+月

二十五日下院❷

供,爰慶誕彌。念此恭勤,至於嘉歎。 敕。異景靈光,久聞示化。寶祠净

内制口宣

**雄州撫問大遼國賀興龍節使副口**宣元祐

元年十月六日

疆兹始,授館少安。申命撫存,式昭眷獎。有敕。卿等遠犯風埃,久勤軺傳。入

↑月」、《七集・内制集》卷十作「六月」。「實」、《七集・内制集》卷十作「禮」。

# | 余懷。仍分廐庫之良,以助子孫之壽。

元年十月六日

趙州

賜

大遼賀

興龍

節

人

使茶

藥

 $\Box$ 

宣

元祐

塗甚阻,風霧可虞。特示至恩,往頒名劑。有敕。卿等遠飭使軺,來陳慶幣。川

允批答口宣元祐元年十月十日 賜正議大夫同知樞密院事安燾乞退不

眇躬,倚注彌重。宜安厥位,毋庸力詞。●有敕。卿被遇先帝,勤勞有年。逮于

**賜宰臣吕公著生日禮物口宣**元祐元年十月

十六日

國之華,豈獨閨門之慶。故命爾息,往宣有敕。朕之元老,生以兹辰。實爲邦

相州賜大遼國賀興龍節使副御筵口宣元

祐元年十月十八日

以示至恩。言四牡之勞,宜享加籩之禮。式頒寵數,言四牡之勞,宜享加籩之禮。式頒寵數,有敕。卿等遠馳信幣,來慶誕辰。眷

趙州賜大遼國賀太皇太后正旦使副茶

藥口宣 元祐元年十月二十八日

以喻至懷。 言夙駕之勤,方次中塗之館。宜頒靈劑, 言夙駕之勤,方次中塗之館。宜頒靈劑,

●「庸」,原作「重」,據《七集·内制集》卷一改。

### 一〇七六

# 趙州賜大遼國賀皇帝正旦使副茶藥口

特頒良

(劑,以

輔至

和。

雖

極

輿

論

未安。

毋

復

懷

歸

以

勤

北顧

宣元祐元年十月二十八日

念沍寒,想勤跋履。特頒名劑,以示眷懷。有敕。卿等逖修鄰好,方次州封。言

# 雄州白溝驛賜大遼賀正旦人使御筵口

此沍寒,益加調養。

示

至

懷

方

成。

丘園

歸

宣元祐元年十一月二日

# 藥口宣二首元祐元年十一月九日 賜鎮江軍節度使判大名府韓絳詔書湯

有敕。卿德望之隆,中外所屬。誠請

一元祐元年十一月十日

休,難遂雅意。特頒珍劑,以一有敕。方面重寄,無逾老

**辭免恩命不允斷來章批答口宣**元祐元 賜新除依前中大夫守中書侍郎吕大防

年十一月十一日

選,無以易卿。宜即欽承,毋煩退避。 有敕。大政所關,西臺爲重。朕難其

# 眷勤勞,良深軫念。特頒燕衎,以示惠慈。

### 允斷來章批答口宣元祐元年十一月十五日 賜新除中大夫守尚書右丞劉摯辭恩命不

之間,臣主無愧。速起視事,副朕所期。有敕。卿嘉猷屢告,清議所歸。授受

# 賜正議大夫同知樞密院事安燾乞外郡不

體我眷懷。

**允斷來章批答口宣**元祐元年十一月十六日

亟還視事,毋復固辭。以禮,退當以義。今兹求退,其義安在? 有敕。卿職在樞要,表儀百官。進當

## 班荆館賜大遼國賀興龍節人使赴闕口

宣元祐元年十一月二十一日

有敕。卿等抗旌遠道,弭節近郊。乃

### 班荆館賜大遼賀興龍節人使到闕酒

果

言行李之勞,宜有燕休之賜。受兹芳酎,有敕。卿等肅將信幣,來慶誕辰。眷口宣元祐元年十二月初一日

### 雄州賜大遼賀正旦人使迴程御筵口宣元

祐元年十二月六日

履冰霜,憇休館舍。宜有燕私之寵,以旌有敕。卿等出疆繼好,已事言還。跋

來往之勤。

1011

### 問臣寮將校口宣元祐元年十二月七日 賜河東路諸軍來年春季銀鞓兼傳宣撫

頒,以 方踐 有敕。 更於春令, 昭眷遇。 汝卿等 諒 率 從 履 事 於天 邊 陲,服 和。 勤 特 師 有 律 匪

使副相見傳宣撫問口宣元祐元年十二月九日送伴正旦使副沿路與賀北朝生日并正旦

犯風埃,想勤跋履。勉加鞭策,即造會朝。有敕。卿等方冬出使,涉春在途。遠

**驛御筵口宣**元祐元年十二月十一日 賜 大遼賀正旦人使正月一日入賀畢就

此方春之旦,宜均既醉之歡。爰命燕胥,有敕。卿等遠飭使軺,來修舊好。屬

### 以昭眷寵。

子錦被褥等口宣元祐元年十二月十六日 就驛賜 大遼賀正旦人使銀鯋鑼唾盂

盂

用示寵嘉。言行李之勞,方兹舍館之定。宜加頒賚,言行李之勞,方兹舍館之定。宜加頒賚,有敕。卿等遠馳信幣,來慶春朝。眷

班 荆館 宣|元祐元年十二月十九日 賜 大 遼 賀 正 旦 人 使 却 回 御 筵 口

往伸燕餞。 改轅於北道,暫弭節於都門。益重眷懷, 有敕。卿等遠達使辭,載嚴歸駟。方

### 宜錫燕私。

# 相州賜大遼賀正旦人使却回御筵口宣元

祐元年十二月二十二日

轅北道,弭節近藩。宜錫宴私,以彰眷寵。 有敕。卿等歲首奉觴,禮成復命。改

## 就驛賜大遼賀興龍節人使迴程酒果口

昭於異數。

宣元祐元年十二月二十四日

宣元祐元年十二月二十五日❷ 賜 **大遼賀正旦人使朝辭訖就驛御筵口** 

陛見以告辭,將駕言而反命。載嘉勤勩,有敕。卿等來修舊好,克備多儀。既

### 班荆館賜大遼賀正旦人使迴程酒果

口

宣元祐元年十二月二十八日

卒聘事,豈無燕私。宜就錫於加籩,蓋式有敕。卿等遠會春朝,恪修鄰好。既

**撫問熙河蘭會路臣寮口宣**元祐二年正月二

十五日

念劬勞,實分憂顧。特加存問,以示眷懷。有敕。卿等服勤疆場,賦政兵民。言

「勤」,原作「徒」,據《七集・内制集》卷一改。

「使」下,《七集•内制集》卷一有「正月六日」四字。

0 0

### 撫 **恐問資政** 殿學士 知揚州 王安 禮 |元祐

一年正月二十七日

流亡,肅遏寇盗。 有敕。卿久去廊廟,出臨江淮。 遠惟勤 瘁,特示撫存。 綏懷

賜 皇 **生日禮物口宣**元祐二年正月四日 叔祖保信軍 節度使安康郡 王宗隱

以示恩私。

育之令辰,有匪 有敕。 卿屬尊望重,德厚慶隆。 頒之故事。 克膺壽祉,永 方誕

服

寵光。

賜 生日禮: 皇 叔祖昭 物口宣元祐二年二月二日 信軍節 度 使漢 東郡 王 宗 瑗

有敕。 卿 爵 協既 隆, 德望 斯 稱 載 更

> 寒節就驛賜于 闐 國 進 奉 人御筵 宣 |元祐

誕日,胥慶家庭。

式侑燕私,以資壽祉

二年二月二日

兹改火之辰, 有敕。 汝等觀光上國,述職遐方。 想有懷歸之念。 宜頒燕

賜 皇叔祖寧國軍節度使華原郡王宗愈

**生日禮物口宣**元祐二年二月二十七日

彌之旦,光膺積慶之餘。 有敕。 卿 望重宗盟,德 隆藩服。 特示寵 颁,永 載協

誕

綏壽祉。

1188

### 方兹仰成,倚以爲重。退老之請,所未欲聞。

### 藥口宣元祐二年三月二十八日

賜

新

除保寧軍節度使馮京告敕詔書茶

途,以答民望。往頒珍劑,昭示眷懷。 有敕。全魏之寄,舊德爲宜。勉即征

茶藥口宣元祐三年三月二十八日

賜

鎮江軍節度使充集禧觀使

韓絳

詔

民事,久勞元臣。既飭還車,宜頒珍劑。有敕。卿德齒俱高,誠請彌確。重以

尚

加調養,以副眷懷。

## 賜太師文彦博乞致仕不允批答口宣元祐

二年三月二十九日

有敕。卿德望冠於累世,風采聞於四夷。

## 賜宰相吕公著乞退不允批答口宣元祐二

年三月二十九日

注意,實所仰成。宜體朕心,姑安其位。有敕。卿柱石本朝,蓍龜當代。方兹

## 賜交州進奉人朝見訖就驛御筵口宣元祐

1189

二年四月五日

涉修途,觀光上國。宜頒燕勞,以示恩私。有敕。汝等恭持方物,來款塞垣。冒

## 宣撫問口宣元祐二年四月十七日白溝驛賜大遼賀坤成節人使御筵兼傳

有敕。卿等肅將慶幣,遠涉修塗。風

埃浩然,徒馭勤止。 宜頒燕衎,以示眷懷。

**賜尚書左丞李清臣乞退不允批答口宣**元

祐 一年四月二十七日

體國,謀豈先身。 有敕。 卿綜轄樞 往喻至懷,少安舊服。 機,雍容廊 廟。 義 當

賜 集 司 ·韓絳到闕生餼口宣元祐二年五月十二日 禧觀使鎮江軍節度使 |開府 儀 同三

老成,渴聞 有敕。 [嘉話。 卿力辭繁劇,歸即燕安。 特頒牢醴,以 / 勞驂騑 想見

班 荆館 筵 **口宣**元祐二年六月二日 賜 大 遼 或 賀 坤 成 節 人使 到 闕 御

有敕。 卿等肅將慶幣,垂及都門。 遠

> 涉暑塗,想懃行李。 式頒燕衎,以示恩私。

賜 護 **佾生日禮物口宣**元祐二年六月九日 國軍節度使檢校太師濟陽郡王曹

彌之日,豈無燕喜之私。 有敕。 卿世濟勳勞,德隆藩戚。 膺我寵頒,永增壽祉 屬此誕

賜皇弟山 **佖生日禮物口宣**元祐二年六月十八日 南東道節度使開 府儀 同三司

臨誕日,宜厚寵頒。 有敕。 卿以棣華之親,襲瓜瓞之慶。 服我異恩,永膺介福 載

就驛賜 大遼 賀 坤 成 節 使 副銀 鯋鑼錦被

褥 等口宣元祐二年六月二十八日

有 敕。 卿 等 遠持 慶幣, 來 講 鄰 歡

徒御少休,舍館既定。首膺寵錫,當體

眷 懷。

## 生日禮物口宣元祐二年七月一日 賜皇伯祖彰化軍節度使高密郡王宗晟

流長之慶,有嘉震肅之辰。宜示寵頒,以有敕。卿德茂宗枝,望隆公衮。推本

綏壽祉

### 筵口宣

賜

知

樞

密院事安燾已下罷散坤

成節御

妙果於三乘,祝慈闈之萬壽。宜膺寵錫,有敕。卿等忠存體國,義切戴君。結

公示眷存。

口宣 元祐二年七月八日

爰敦射事,以 有 敕。 卿 佐賓歡。 等 致 命 或 宜 寶, 旌 審 固之能,式 出 游 禁

厚珍良之賜。

賜大遼賀坤成節人使生餼口宣元祐二年

月八日

含館 初定,徒馭實勞。 有 敕。 卿 等 遠 涉 修 宜錫 塗, 餼 來 牽 陳 慶幣。 昭

寵數。

❶ 「國寶」,原作「寶鄰」,據郎本卷三十七改。

七

# 相州賜大遼賀坤成節人使却迴御筵口

宣元祐二年七月八日

言近郡,少憇旋車。宜示眷懷,往頒燕俎。有敕。卿等遠涉歸途,再離秋暑。駕

### 瀛州賜大遼賀坤成節人使回程御筵口

宣元祐二年七月十日

次邊城,少休候館。宜頒燕俎,以勞歸驂。有敕。卿等抗旌來聘,已事言還。方

## 賜大遼賀坤成節人使内中酒果口宣元祐

二年七月十一日

執贄以造廷,亦展幣 有 敕。 卿 等遠 馳 而 使傳,申 成禮。 講 宜 鄰 加 歡。 寵 錫, 既

### 以示眷存。

### 賜太師文彦博已下罷散坤成節道場

香

**酒果口宣**元祐二年七月十一日

昭殊眷。 聞之獻壽 有 敕。 嚴 卿 法法會 翊 贊大猷,倡 以 薦 誠。 先多士。 宜 有 寵 颁,以 方慈

場香酒果口宣元祐二年七月十一日賜知樞密院事安燾已下罷散坤成節道

以 慈闈之獻 昭殊眷 有敕。 壽 卿 嚴 等 法 同 會以薦 竭 忠 嘉,助 誠。 成 宜 孝 有寵 治。 頒

## 坤成節就驛賜于闐國進奉人御筵口宣元

祐二年七月十一日

式旌忠恪。 誕彌之稱慶,均燕衎以示慈。祗服寵嘉,誕彌之稱慶,均燕衎以示慈。祗服寵嘉,

道場香酒果口宣元祐二年七月十二日賜殿前都指揮使燕達已下罷散坤成節

用 祈 慈 有 敕。 壽 既徹梵筵。 卿 等 同 罄 純 宜有寵 忠, 力 修 頒 了,以 勝果。 昭

眷遇。

賜 宗暉 皇 伯 祖 已 下 鎮 · 罷 南 散 軍 坤 節 成 度 使 節 道 開 場 府 儀 香 酒 同 果口 三司

宣 元祐二年七月十二日 ●

慈壽,仰扣佛乘。 既畢梵筵,宜加寵賚。 有敕。 卿表率宗盟,助成孝治。 祝延

散坤成節道場香酒果口宣元祐二年七月賜平海軍節度使駙馬都尉李瑋已下罷

十二日

會,宜示寵頒。 誠, 稽首佛乘,共祝無疆之壽。既成法有敕。卿等乃心王室,同輸欲報之

● 「府」,原作「封」,據《七集·內制集》卷三改。

**一** 八

# 賜皇叔揚王荆王醴泉觀罷散坤成節道

**場香酒果口宣**元祐二年七月十二日❶

勝緣於西竺,祈壽嘏於南山。宜有寵頒,有敕。卿等德冠邦家,義兼臣子。修

以成法會。

## 雄州撫問大遼使副賀坤成節口宣元祐二

年七月十二日

涉暑途,實勞驂馭。特加存撫,式示眷懷。有敕。卿等抗旃修好,馳傳及疆。遠

### 班荆館賜大遼賀坤成節人使回程酒

果

口宣|元祐二年七月十六日

此少留,逝將言邁。宜頒餞斝,以寵行驂。有敕。卿等講成聘禮,歸次都門。復

**賜皇叔揚王顥生日禮物口宣**元祐二年七月

十九日

臨載育之辰,永錫無窮之慶。宜膺寵數,有敕。卿屬尊魯、衛,德重間、平。每

以介壽祺。

● 「罷」,原作「散」,據《七集·内制集》卷三改。

### 足食、想極賢勞。宜有寵頒,以彰眷遇。

## 來章批答口宣元祐二年八月五日賜新除知樞密院安燾辭免恩命不允斷

孚,僉言咸穆。宜即祗受,毋煩固辭。 有敕。卿以舊德,簡在朕心。成命既

茶銀合兼傳宣撫問口宣元祐二年八月賜熙河秦鳳路帥臣并沿邊知州軍臣寮

十日

此盛秋,勞於警備。宜加寵賚,以示眷懷。有敕。卿等夙分邊寄,深識虜情。屬

撫問口宣元祐二年八月十日賜熙河秦鳳路提刑轉運茶銀合兼傳宣

有敕。卿持節宣風,久分憂寄。調兵

鎮茶銀合兼傳宣撫問口宣元祐二年八月觀文殿大學士光禄大夫知永興軍韓

賜

十日

之重,緩御實勞。往諭至懷,仍加寵賚。有敕。卿釋政廟堂,均勞方面。兵民

物口宣元祐二年八月十六日賜皇弟武成軍節度使祁國公偲生日禮

震肅之辰,特致壽康之祝。其膺寵錫,以有敕。卿棣華襲慶,桐葉分封。載臨

介神休。

一〇八七

# 府儀同三司荆王頵生日禮物口宣元祖賜皇叔成德荆南等軍節度使守太尉開

二年八月二十日

乃眷良辰,實鍾餘慶。 宜膺異數之禮,永有敕。卿以名世之傑,居叔父之親。

錫無疆之休。

賜宰相吕公著乞外任不允批答口宣元布

二年八月二十三日

安,卿當畏去。純忠所激,微疾自除。 有敕。全德之老,朕所仰成。大義未

答口宣元祐二年八月二十八日 賜宰相吕公著乞罷相位不允斷來章批

有敕。卿之在位,爲德與民。朕

意不

移,徒煩屢請。速起視事,毋復固辭。

寧郡王俣生日禮物口宣元祐二年八月二賜皇弟定武軍節度使開府儀同三司咸

十八日

《斯干》之祥,宜均《既醉》之福。祗膺寵有敕。眷予母弟,誕慶兹辰。載詠

數,永錫壽祺。

# 朝拜禮允批答口宣元祐二年八月二十賜太師平章軍國重事文彦博辭免免入

八日

前命。君之禮,忘屈身之勞。重違嘉言,特寢君之禮,忘屈身之勞。重違嘉言,特寢有敕。卿勳德愈高,謙恭不伐。盡事

問犒設漢蕃將校以下口宣元祐二年九月熙河蘭會路賜种誼已下銀合茶藥及撫

二

俘凶渠、備見忠力。各加犒賜、用示眷懷。有敕。汝等受成元帥、問罪種羌。既

賜保静軍節度使檢校司空開府儀同三

司建安郡王宗綽生日禮物口宣元祐二

年九月二日

之既深,紀門弧之多慶。宜膺寵錫,以介之既深,紀門弧之多慶。宜膺寵錫,以介有敕。位隆將相,德重宗藩。方秋律

壽祺。

**撫問劉舜卿兼賜銀合茶藥口宣**元祐二年九

月二日

秋,得雋戎落。特遣勞問,❷仍示寵頒。有敕。卿翰屏西服,威懷種羌。嚴兵

盛

● 下「免」、原爲空缺、據《七集·内制集》卷四補。

) 「特」,原作「落」,據《七集•内制集》卷四改。

### 賜 陜 府 西 路 轉 運 判 官 孫 路 銀 合茶 藥

|元祐二年九月五日

嘉歎。

犬羊自

遁,亭候無

虞。

爰

念勤勞,不忘 望,示以形勢。

義所激,戰守有方。

掎角相

興,想勞心計。 有敕。 汝以職事,出按邊防。 宜加寵錫,以示眷懷。 屬此軍

### 賜 陝府西路轉 **合茶藥口宣**元祐二年九月五日 運 司 勾當公事 游 師 雄 銀

鹽,周爰咨謀。宜有寵頒,以 有敕。 汝以儒臣,習 知疆政。 旌懃瘁。 王 事 靡

賜 涇 臣已下銀合茶藥兼傳宣撫問口宣元祐 原路經略使并應守城禦賊漢蕃使

二年九月五日

有敕。 戎虜逆天,無故犯順。 汝等忠

### 賜大遼賀正旦人使白 | |溝 驛 御 筵 并 撫問

宣元祐二年九月七日

言郵傳之勤 有敕。 卿等遠馳 少樂燕嘉之賜。 華節,冒履薄寒。 往 申 寵 問 眷

式示眷存。

### 賜太師文彦博乞致仕第 表不允批答

宣元祐二年九月九日

之成,非卿莫可。 有敕。 朕上承慈訓,下 來請雖切,朕意不移 酌 民言。 秉國

一〇九〇

### 涉 郵途,實勞啓處。 特加 存間,以 示眷懷。

### 賜 太師文彦博乞致仕不允斷來章批答

宣元祐元年九月十

之間,輕重所寄。 有敕。 卿望 重百辟,威聞四夷。 毋煩屢請,朕命不移。 進 退

### 白 . 溝 ; 驛 傳 宣 撫問大遼 賀 興 龍 節人使及

賜 御筵 口宣 元祐二年九月十二日

卿等遠馳信幣,來慶誕辰。念此 宜加燕勞、●以示眷存。

# 沿路撫問奉安神宗御容禮儀使吕大防

**已下口宣**元祐二年九月十二日

### 鄭 州

有 敕。 卿 等恭持使節 ", 祗事 祠宫。 遠

> 鞏 縣

涉微凛,勤勞遠塗。 有敕。 卿等出使别都,展儀 體此 眷 [懷,宜 原 加 廟。 調 衛 衝

西 京

祠之重,率禮爲勞。 有敕。 卿等暫去闕庭,服勤 已事遄歸,式符眷遇。 郵傳。 奉

賜熙河路副總管姚兕等銀合茶藥口宣元

祐二年九月十四日

蕩虜境,宣明國威。 有敕。 卿 以武 略過 特示寵頒,以觀來效。 人,忠義思報。 焚

0 加」,原脱,據《七集·内制集》卷四補。

一〇九一

### 一〇九二

### **撫問秦鳳等路臣寮口宣**元祐二年九月十八日

賜

皇

弟

鎮寧

軍

節度

使開

府儀

同三司遂

惟忠蓋、想極劬勞。屬此早寒、各宜厚愛。有敕。卿等緩馭兵戎、布宣條教。眷

畢押賜禮儀使已下御筵口宣元祐二年九西京會聖宫應天禪院奉安神宗御容禮

月二十一日

眷元臣,往嚴盛禮。宜均燕衎,以示眷存。有敕。卿等既成原廟,復奠神游。乃

二十二日 **賜嗣濮王宗暉生日禮物口宣**元祐二年九月

以示眷懷。

日,篤生賢王。受兹多儀,永錫難老。 有敕。流澤之深,積慶之厚,嘉此良

一日**❷** 字郡王佶生日禮物口宣元祐二年十月

日,流慶方來。往致予言,以爲爾壽。

有敕。

乃眷賢王,惟予介弟。

篤

生兹

趙州賜大遼賀興龍節使副茶藥口宣元布

有 敕。卿

漸邇於中邦,方少安於候館。往頒珍劑,有敕。卿等久懃軺傳,遠涉風埃。既

●「弟」,原作「帝」,據《七集·内制集》卷五改。
●「筵」,原作「容」,據《七集·内制集》卷四改。

# **賜太師文彦博生日禮物口宣**元祐二年十月

五日

慶佳辰。河嶽之靈,宜享喬松之壽。往頒寵數,以河嶽之靈,宜享喬松之壽。往頒寵數,以有敕。卿勳在廟社,名聞華夷。允儲

沿 路 班 宣 |撫問 馮 賜 宗 奉 口宣元祐二年十月七日 道 安神宗御容禮儀使吕大防 并 使 臣 已下銀合茶藥 兼 傳 押

此寒凝之候,眷言往返之勞。式示寵緩,有敕。卿等祗率官常,往嚴像設。屬

特

加

優錫。

遼賀正旦人使相逢撫問口宣元祐二年十接伴大遼賀興龍節人使送伴回程與大

月十七日

申問券。霜之凝冽,歷川陸之阻修。宜示眷懷,霜之凝冽,歷川陸之阻修。宜示眷懷,有敕。卿等並駕使軺,遠敦鄰好。屬

特申問勞。

風

趙州賜大遼賀太皇太后正旦使副茶藥

**口宣**元祐二年十月十七日

念此 寒 有 凝 敕。 艱 卿 於 等 涉 遠 履。 馳 使 特 傳, 申 寵 方 次 錫 州 封。

眷存。

# 趙州賜大遼賀皇帝正旦使副茶藥口宣元

祐二年十月十七日

喻我至懷。 言夙駕之懃,宜有中途之賜。受兹珍品,言夙駕之懃,宜有中途之賜。受兹珍品,

#N無引之養星與富安息リーで記言:

年十月十七日 **雄州撫問大遼賀興龍節使副口宣**元祐二

式示眷存。 惟授館之初,益喜造朝之近。往申問勞,惟授館之初,益喜造朝之近。往申問勞,有穀。卿等恭修鄰好,遠慶誕辰。眷

之深。

**雄州撫問大遼賀正旦使副口宣**元祐二年十

月十八日

念乘軺之久,欣聞入境之初。式示眷存,有敕。卿等遠會春朝,篤修鄰好。言

往申問勞。

**賜諸路臣寮中冬衣襖口宣**元祐二年十月十八日

臣,何以卒歲。往均安燠之賜,尚體眷懷有敕。霜露荐至,衣褐未周。念我遠

上人耳 **賜宰相吕公著生日禮物口宣**元祐二年十月

有敕。卿仁以庇民,忠以衛上。誕彌

尚副眷懷。言乘傳之勞,未遑退食之佚。勉加輔

養,

冬季傳宣撫問諸路沿邊臣寮口宣元祐二

之日,慶慰良深。

往錫寵章,以介眉

年十月十八日

兹寒沍,想各康强。特示眷存,往申勞問。有敕。卿等守禦邊疆,憂勞夙夜。屬

撫問知河南府張璪知永興軍韓鎮口宣元

祐二年十月十八日

綏御,寬我顧憂。屬此寒凝,勉加頤養。 有敕。卿輟自廟堂,出爲師帥。勞於

冬季撫問陝西轉運使副口宣元祐二年十月

十八日

有敕。卿等歲事將畢,農工既休。永

冬季撫問諸路沿邊臣寮口宣元祐二年十月

十八日

此勤勞,形於軫念。往加勞問,式示眷存。有敕。卿等分憂久外,並塞早寒。眷

賜資政殿學士新差知成都府王安禮詔

**書銀合茶藥傳宣撫問口宣**元祐二年十月

二十七日

祖宗以來,式輟鈞衡之舊。與衆同樂,非有敕。卿西南之寄,古今所難。蓋自

卿孰宜。

# 賜于闐國進奉人進發前一日御筵口宣元

祐二年十月二十九日

祗服恩私。 嘉慕義之誠,宜有勞還之澤。往頒燕衎, 有敕。汝等奉琛來覲,已事言歸。式

## 班荆館賜大遼賀正旦人使到闕御筵口

元祐二年十一月四

日

有敕。卿等夙抗使旌,少休郊館。乃

以旌懃瘁。

眷川途之邈,載惟驂馭之勞。特賜燕

私,

### 班荆館賜大遼賀興龍節人使酒果口宣

元

祐二年十一月九日

此寒凝,久於衝涉。宜膺就賜之禮,以示有敕。卿等遠乘使傳,方造都門。屬

勞來之恩。

### 班荆館賜大遼賀興龍節人使御筵口宣元

祐二年十一月十一日

喜使華之近,特申郊勞之儀。服我恩私,有敕。卿等遠犯苦寒,來修舊好。載

少留燕衎。

## 相州賜大遼賀正旦人使御筵口宣元祐二

年十一月十六日

式示眷懷。 冰雪之嚴凝,念車徒之勤勩。往加燕勞, 有敕。卿等篤修舊好,少憇近邦。屬

### 節道場香酒果口宣元祐二年十二月一日 賜皇伯祖高密郡王宗晟已下罷散興龍

兹法會之成,宜有匪頒之寵。宗暉以下同。藩。● 志存忠愛。先期誕月,歸命佛乘。逮有敕。卿等以義重宗藩,駙馬改爲戚

### 場酒果口宣元祐二年十二月一日賜知樞密院事安燾已下罷散興龍節

道

工,方兹燕喜。宜有柔嘉之賜,以成豈弟有敕。誕彌之慶,綿宇所同。矧我臣

賜濟陽郡王曹佾罷散興龍節道場酒果

之驩。

口宣 元祐二年十二月一日

誠覺苑,增祝壽山。宜有寵頒,以昭厚眷。有敕。卿義重戚藩,❷望隆耆德。歸

■「駙馬改爲戚藩」六字、原脱、據《七集·内制集》卷六

) 「義」、《七集·内制集》卷六作「位」。

補

一〇九七

### 賜 道 殿 場 前 都 香酒果口宣元祐二年十二月一日 指 揮 使 燕 達 已下 罷 散 興 龍 節

以旌勤意。 誕彌之紀慶,修净供以祈年。 有敕。 步軍副都指揮使苗授以下同。 卿等志在愛君,忠於衛上。 宜有 頒寵, 屬

### 賜 場 知 香酒果口宣元祐二年十二月一日 樞密院事安燾已下罷 散 興 龍 節道

畢力,●延釋梵以祈年。 有敕。一 彌月之祥,敷天同慶。 申以寵頒,助其愷樂。 協股肱之

### 賜 太師 宣元祐二年十二月二日 文彦博 已下罷 散 興 龍 節 酒 果口

以

旌眷遇。

有 敕。 卿等 以 弼 亮之重,勤 勞王 家。

> 眷存。 因 | 誕慶之辰,修崇法會。 宜頒芳旨, 以示

### 賜大遼賀興龍節前 日内中酒果口宣元

祐二年十二月二日

華 ; 錫,以示眷懃。 有敕。 奉幣造朝,復歎威儀之美。 卿等 抗 旌 就 館 已觀 就 車 騎之 加

寵

賜 大遼賀興龍節十 日内中酒果口宣元祐

二年十二月二日

禮儀之閑習 有敕。 卿等奉幣 宜寵錫之便蕃。 講歡,造廷 受此珍甘, 稱壽。

「協」、《七集·内制集》卷五作「眷」。

一〇九八

祐二年十二月二日 賜**大遼賀興龍節朝辭訖歸驛御筵口宣**元

休賓館、將整歸驂。特示至懷,更頒嘉燕。有敕。卿等使事既終,陛辭而復。少

### 蘇軾文集卷四十二

口

宣

賜 大 遼 賀興 龍 節 人使 瀛 洲 回 程 御 筵 

宣元祐二年十二月二日

候館之少休, 有敕。 卿等已脩舊好,復改北轅。 眷歸途之尚邈。 往 頒 派 組, 雖

以 示 至懷。

相 . 州賜· 大 遼賀興 龍 節 使 副 御 筵 宣 元祐

一年十二月四日

休夙駕之勞,式示加籩之惠。 有敕。 卿等犯寒遠道,弭 節近邦。 服我寵 少

以增使華。

相州 宣 元祐二年十二月四日 賜大 遼賀興 龍節 使 副 却 回

御

筵

轅北道,弭 有 敕。 節近邦。 卿等聘事告成,還車言邁。 眷言行役之勞,宜有 改

燕私之寵。

賜大遼賀興龍節人使射 弓例 物 宣元祐

二年十二月六日

佐賓歡。 能。 終日射 有敕。 侯,於是觀 卿 等 懷 四 方之 禮 志, 宜 申 挾 寵 五善之 錫,以

100

# 班荆館賜大遼賀興龍節人使回程御筵

口宣 元祐二年十二月六日

寒遠涉,軫念良深。少憇近郊,復陳燕豆。有敕。卿等已事言旋,改轅兹始。冒

# 賜諸路臣寮春季銀鞓兼撫問口宣元祐二

年十二月八日

此寒凝之候,永惟緩馭之懃。式示眷存,有敕。卿等各竭乃心,久勞于外。屬

### 撫問知大名府馮京口宣

往加勞問。

愛,想勞綏御。屬兹寒沍,益務保頤。 有敕。卿以元老,卧護北門。 寬我顧

## 賜大遼賀興龍節人使朝辭歸驛酒果口

宣|元祐二年十二月八日

寒遠道,良用軫懷。宜有寵頒,以旌勤瘁。有敕。卿等已事言旋,指期夙駕。歲

## 賜大遼賀興龍節人使班荆館却回酒果

口宣元祐二年十二月十日

餞於館,以華其歸。仍有寵頒,式昭厚眷。有敕。卿等聘事已成,征驂言邁。往

### 班荆館賜大遼賀正旦人使到闕酒果

宣元祐二年十二月十日

有敕。卿等遠脩鄰好,來會歲元。久

\_ 으 =

驂 涉 騑。 道 塗**,** 少 休 郊 館。 宜 頒芳旨, 以 勞

就驛賜 大遼賀興 龍 節人使宴口宣元祐二

年十二月十一日

鄰,往就舍館。 有敕。 佳辰紀慶,聘事告成。 同兹衎樂,服我惠慈。 申 敕臣

就 驛 賜大遼賀興龍節人使宴花酒果口

宣 |元祐二年十二月十一日

臨 遣 重 有 臣, 敕。 往 卿 頒 等 燕 遠 俎。 勤 使 仍 傳, 加 寵 來 慶 錫,以示 誕 辰

至懷。

賜大遼賀正 旦 使 副 銀 鈔鑼 等口宣元祐二

年十二月十一日

有敕。 卿等通 兩國之權,不遠千里。

異眷。

驅

乘之傳,來慶三朝。

宜有寵頒,以昭

相州賜大遼賀 正旦 人使却回

御

筵

宣 元

祐二年十二月十四日

北轅之首路, 有敕。 卿等復理 犯西陸之餘寒。 歸鞍、少休輔郡。 往致恩勤, 念

宜留燕衎。

·道」、《七集·内制集》卷七作「冰」。

# 賜大遼賀正旦人使却回雄州御筵口宣元

祐二年十二月十四日●

以示至懷。言往復之勞,已次封圻之上。宜頒嘉燕,言往復之勞,已次封圻之上。宜頒嘉燕,有敕。卿等遠勤郵傳,冒涉冰霜。眷

**賜大遼賀興龍節使副鯋鑼等口宣**元祐二

年十二月十八日

遣使勞來,宜敦於主禮。 往加優錫,以示有敕。 卿等解驂授館,方講於鄰歡。

眷懷。

賜大遼賀正旦人使生餼口宣元祐二年十二

月二十四日

敦主禮,以犒馭徒。往錫餼牽,少紓勞瘁。有敕。卿等郵傳遠勤,舍館既定。宜

旦使副相逢傳宣撫問口宣元祐二年十二送伴正旦使副沿路與賀北朝生辰并正

月二十五日

寒苦之倍常,知勤勞之加舊。勉驅郵傳,有敕。卿等銜命出使,徂冬涉春。適

來造會朝。

●「十四」、《七集·内制集》卷六作「二十四」。

# 賜大遼賀正旦入賀畢使副就驛酒果口

眷懷。

之篤脩,念使華之少駐。

式頒珍異,以示

宣元祐二年十二月二十六日

行慶賜,以樂春朝。往致甘芳,式華觴豆。有敕。卿等既覲闕庭,少安館舍。宜

# 賜大遼賀正旦入賀畢使副就驛御筵口

宣元祐二年十二月二十六日

往頒燕豆。東風之協應,喜上日之同歡。宜就驛亭,東風之協應,喜上日之同歡。宜就驛亭,東風之協應,專上日之同歡。

## 賜大遼賀正旦使副前一日内中酒果口

宣元祐二年十二月二十七日

有敕。方興嗣歲,既餞餘寒。喜鄰好

## 賜大遼賀正旦却回班荆館御筵口宣元祐

二年十二月二十七日

下及徒馭。
《改轅之始,少留帳飲之歡。●往推恩懃,《金改轅之始,少留帳飲之歡。●往推恩懃,

## 賜大遼賀正旦朝辭訖歸驛御筵口宣元祐

二年十二月二十七日

假壺觴之樂,曷爲徒馭之華。服我恩私,有敕。卿等寓館久勤,趨庭告去。不

少留宴衎。

❶ 「帳」,原作「張」,據《七集•内制集》卷六改。

### 大遼賀正旦朝辭訖歸驛御筵酒果口

賜

宣元祐二年十二月二十八日

以 此 將寵遇。 寒 凝之末, 有 敕。 卿等聘 眷言往 事 返之勤。 告 成,歸 車 錫 夙 此 駕。 2珍芳, 屬

賁飾。

### 賜 大遼 宣 |元祐二年十二月二十八日 賀 興 龍 節 人 使 雄 州 回 程 御 筵口

此 冰 霜之候, 有 敕。 卿 眷言來往之勤。 等 聘 事 既 成,歸 途 宜錫 尚 邈。 爽 私, 屬

少紓行役。

二月二十九日 **賜大遼賀正旦使副春幡勝口宣**元祐二年十

之在館、屬春陽之肇新。宜有分頒,有敕。剪刻之工,風俗惟舊。眷

以增

皇

賜大遼賀正旦使副射弓例物口宣元祐二

年十二月二十九日

矢既均,禮儀卒度。宜加寵錫,以侑燕歡。 有敕。卿等出遊禁籞,觀藝射侯。弓

瀛洲賜大遼賀正旦人使回程御筵口宣

元

祐三年正月五日

有敕。卿等來修舊好,遠冒初寒。涉

## 賜宰相吕公著上第二表乞致仕不允批

答口宣<br/>元祐三年三月二十九日<br/>
●

老,圖任共政。無故而去,於義未安。 有敕。朕以沖眇,垂拱仰成。卿以耈

## 賜宰相吕公著乞致仕不允斷來章批答

**口宣**元祐三年四月一日

右手,可須臾離。雖屢形於懇詞,必難移有敕。卿望重縉紳,義均休戚。如左

於朕意。

## 著誥口宣元祐三年四月七日閣門賜新除守司空同平章軍國事呂公

坐論,以副仰成。體朕眷懷,服此明命。有敕。卿正位三公,具瞻多士。式資

**閣門賜新除宰相吕大防范純仁誥口宣**元

祐三年四月七日

宰司,同陞揆路。祗承明命,仰副眷懷。有敕。朕稽參衆庶,登用俊良。並建

●「第二表」、《七集·内制集》卷六作「第一表」。

### 輔 實實 慰具瞻。 宜速拜嘉 ,毋煩 鎌避。

### 賜 新 范 純仁辭免恩命不允批答口宣元祐三 除 尚 書左僕射吕大防尚書右僕射

年四月十一日

之選,中外同然。 有敕。 卿望 重縉 毋或固辭,以稱朕意。 紳,才兼文武。 弼 亮

政東臺、實慰輿議。

賜吕公著辭恩命上第二表不允斷來章 批答口宣 元祐三年四月十三日

臣,共爲民表。 有敕。 卿 以全德、式符具瞻。 欽承明命,佇聽嘉謨。 宜 與 師

賜范純仁吕大防辭恩命上第二表不允 **斷來章批答口宣**元祐三年四月十三日

有敕。 卿以宏材,久與大政。 擢升宰

> 賜 新除門下侍郎 來章批答口宣元祐三年四月十四 孫 固 辭免恩命不 日 允 斷

有敕。 卿 金華元老,●西 祗膺成命,毋復固辭。 樞舊臣。 與

賜劉摯辭免恩命不允斷來章批答口宣元

祐三年四月十四 日

貳,❷無以逾卿。 有敕。 稽參衆言,蔽自朕志。 亟踐厥官,毋煩固避。 西臺之

元」、《七集·内制集》卷七作「雋」。

臺」、《七集·内制集》卷七作「省」。

# 賜王存辭免恩命不允斷來章批答口宣元

祐三年四月十四日

次升,義無足避。 有敕。 卿純忠許國,雅望在人。官以 其承休寵,以副 眷懷。

賜 胡宗愈辭免恩 宣|元祐三年四月十四日 命不 允斷來章批答口

彙進 ,胡爲力辭。 有敕。 卿雅望在人,純忠許國。 宜體至懷,即膺成命。 既以

賜趙瞻辭免恩命不允斷來章批答口宣元 祐三年四月十四

日

舉,非卿孰宜。 有敕。 朝 廷 亟服休恩,毋煩固避。 用人,議論先定。 不次之

0

「兩」、《七集・内制集》卷七作「西」。

賜河北 臣寮將校口宣元祐三年四月十八日● 兩路諸軍 秋季銀鞋兼傳宣 撫 問

言勞勩,想各平寧。 有敕。 卿等憂寄之深、疆事 體我至懷,受兹時賜。 **下靡盬。** 眷

宣詔許内翰入院口宣元祐三年四月十九日

之命、儒者所榮。 有敕。 卿拔自循良,老於文學。 往祗厥司,以究所藴 禁林

### 白溝驛賜大遼賀坤成節人使御 **| 筵兼傳**

宣 |撫問口宣元祐三年四月二十二日

言徒御,久犯風埃。 有敕。 卿等遠涉暑途,來 往賜燕娱,少休行役。 陳 慶幣。 眷

**賜大遼賀坤成節人使生餼口宣**元祐三年五

月十日

馭久勞,館宇初定。 有敕。 卿等肅將鄰好,來慶誕辰。徒 宜頒委積 以以 示寵 章。

賜安燾乞退不允斷來章批答口宣 元祐

年六月一日

隆,仰成彌重。 有敕。 卿 以舊德,首冠西樞。 宜安厥位,以卒輔予。 雅望既

> 賜 北京恩冀等州 **特支兼傳宣撫問口宣**元祐三年六月十四 運 判 盤 丞等 銀 合茶 脩河官吏 藥 並 及都轉 兵 級 等 運 夏 使 藥 日

兹暑雨,深軫予懷。 有敕。 卿等夙夜河壖,暴露野次。 往示寵頒,少慰勞苦。 屬

撫問保寧軍節度使 銀 合茶藥口宣元祐三年六月十四日 知 大名府馮京 兼賜

有敕。 河役方興,吏民 在 野。 暑 雨

之際,綏御爲勞。 膺此寵頒,尚加慎護。

0 民」、《七集・ 内制集》卷八作「士」。

### 吕大防生日禮物口宣元祐三年六月二十 賜大中大夫守尚書左僕射兼門下侍郎

二日

朕命。受兹休寵,永介壽祺。紳之望,允爲河岳之英。今遣爾甥,往致神之望,允爲河岳之英。今遣爾甥,往致有敕。乃眷良辰,篤生元輔。豈獨縉

大寧郡王佖生日禮物口宣元祐三年六月賜皇弟山南東道節度使開府儀同三司

二十二日

之壽。 宣分戚庫之良,以致喬松慶,華萼相承。宜分戚庫之良,以致喬松有敕。乃眷賢王,篤生兹日。本枝之

### 賜大遼人使賀坤成節入見訖歸驛御

**口宣**元祐三年七月八日

安館舍,往錫燕觴。 式示眷懷,且旌勞勩。有敕。 卿等初柅使車,已陳慶幣。 退

## 賜大遼人使賀坤成節入見訖歸驛酒果

口宣元祐三年七月八日

休行役之勞,宜示眷懷之異。式昭寵數,有敕。卿等趨庭致命,就館即安。少

往錫甘芳。

●「二十二日」、《七集·内制集》卷八作「二十三日」。

壽 山 ,克成梵供。 宜 加 寵 錫 以 示眷

### 班 荆 館 賜大遼賀坤成 節人使 回 程 御 筵

宣 元祐三年七月八日

轅 而 北,弭 有 敕。 節少留。 卿等使 事 就錫 畢 陳, 燕嘉,式 還 車 載 昭禮遇。 啓。 改

玉 津園 |賜大 遼 賀 坤成節 人 使 射弓例 物

宣元祐三年七月九日❶

有 敕。 卿 等既 陳慶幣,復展射侯。 豈

獨 娱 賓,亦將觀 德。 宜 有珍良之錫,以 旌

審

固之能。

賜 殿 前 司 罷散坤成節道場 香酒果 **宣** 元

祐三年七月九日

有 敕。 卿 忠 存衛上, 義 切戴君。 爰祝

> 賜 宗 室 開 府 儀 同 司 以 下 罷 散 坤 成 節

道 場 香酒果口宣元祐三年七月九日

藍法供,虔祝壽祺。 有敕。 卿以令德懿親,共 既徹净筵,宜 輸 加 誠 寵錫 悃。 名

賜 馬 步 軍 司 罷 散坤成 節道 場 香 酒 果 П

宣 元祐三年七月十二日

脩法會,亦既告成。 有 敕。 卿等共 罄臣 宜有寵頒,以旌誠慤。 衷, 力祈 慈壽。 爰

0 袁 」,原作「國」, `據《七集•内制集》卷八改。

# 賜知樞密院事安燾已下罷散坤成節道

場

香酒果口宣元祐三年七月十二日

以示眷懷。 法會之有成,祝聖齡於無極。宜加寵賚, 有敕。卿等忠存廟社,義篤君親。嘉

道場香酒果口宣元祐三年七月十二日賜皇伯祖嗣濮王宗暉已下罷散坤成節

慈闈之永壽,成法會於兹辰。宜有寵頒,有敕。卿等爲國懿親,助我孝治。祝

以精忠悃

賜皇叔揚王醴泉觀罷散坤成節道場香

**酒果口宣**元祐三年三月十二日

眷。● 力祈壽嘏,祗扣佛乘。 既徹净筵,宜有敕。 卿等以周邵之親,躬任姒之

膺寵眷。

**酒果口宣**元祐三年七月十二日

賜太師文彦博已下罷

散坤:

成

節

道

場

香

於梵宇,祝壽嘏於慈闈。宜有寵頒,以助有敕。元老在廷,百官承式。啓法筵

燕喜。

●「眷」へ「養」。●「眷」、一作「養」。底本原校一様」。底本原校

\_ \_

## 班荆館賜大遼賀坤成節人使回程酒果

相

州

賜大遼賀坤成節人使却回

御

筵口

宣

元祐三年七月十三日

**口宣**元祐三年七月十三日

惟勤勩,良極軫懷。往錫宴觴,以華歸騎。有敕。卿等遠飭征驂,少休近郡。載

瀛洲賜大遼賀坤成節人使回程御筵口

宣元祐三年七月十三日

轅北道,弭節邊城。宜錫燕觴,少休行役。有敕。卿等遠聘通歡,言歸復命。改

成節道場香酒果口宣元祐三年七月十三日 賜護國軍節度使濟陽郡王曹佾罷散坤

祺,告成法會。宜加寵賚,以助燕私。 有敕。卿以耆德,首冠戚藩。虔祝壽

雨方作,徒馭實勞。宜有寵頒,以昭眷遇。有敕。卿等致命言還,改轅伊始。暑

**首**元祐三年七月十六日 就驛賜大遼國賀坤成節人

使

宴

口

宣

Ī

念勤勞,宜加旌寵。特頒燕喜,以示眷懷。有敕。卿等遠馳使傳,來會誕辰。言

1 | 元祐三年七月十六日

遺輔臣,往頒燕豆。仍加寵賚,以示眷懷。有敕。卿等肅將慶幣,來舉壽觴。臨

### 賜 新 苗 [授辭 除 殿 免恩命第二表不允批答口宣元 前 副 都指 揮使 武 泰 軍 節 度 使

祐三年七月二十日

帥 節 有敕。 "實允 愈言。 卿早 練武經,晚著邊效。 矧以次遷,無煩懇避。 進持

**撫問 秦鳳路臣寮口宣**元祐三年七月二十四日

場之重,綏御爲勞。 有敕。 卿等久 以選掄,出分憂寄。 宜示眷懷,往宣指諭 疆

閣 . **門賜新除徐王誥口宣**元祐三年八月十二日

大邦,實諧群議。 有敕。 卿望 隆尊屬,德冠宗藩。 往服朕命,以爲國華。 改殿

### 賜 皇叔 新封 徐王上第二表 辭 免 恩命 日 不

允 .**斷來章批答口宣**.元祐三年八月十五

彭之壽,罔愧元王之賢。 有敕。 朕始升徐方,以胙叔父。 毋復屢辭,亟膺成命。 庶幾大

賜太師文彦博乞致仕不允斷來章批答

宣元祐三年九月五日

歸,恐失民望。朕命不再,公其少留。 有敕。 耆老在位,華夷聳觀。 若聽公

相州賜大遼賀興龍節使副御筵口宣

|元祐

三年十一月六日

薄風霧,少休車徒。 有敕。 卿 等將命鄰邦,服 宜體眷懷,式同燕衎。 勤 郵 傳。

### 賜 皇 伯祖宗晟辭免起復恩命不允批答

宣元祐三年十一月十日

愛親 有敕。 ,則王事爲家事。 官不可曠,禮有從權。 勉遵舊服,少屈私誠。 苟愛君如

賜 皇 中批答口宣 元祐三年十一月十八日 |伯祖宗晟辭免起復恩命不允斷來

暑之一變, 有敕。 宜忠孝之兩全。 卿哀慕未衰、懇辭彌切。 勉從朕 言,起 既 寒

服乃事。

賜 駙馬 **香酒果口宣**元祐三年十月三十日 都尉李瑋已下 罷散興龍節道場

有敕。 震夙紀辰,邇 遐同祝。 乃眷戚

> 藩之重 寵 錫。 預 脩 净 供之嚴。 亦既 告 成,宜膺

節 殿前副都指揮使苗授已下罷散 道 場 香 酒 果 П 宣 元祐三年 + 月二

興龍

賜

十日●

慶。 預嚴净 有敕。 會,以 卿等以衛 薦壽祺。 上之忠,屬誕彌 及此告成,宜 之

加寵 賚。

賜 **龍節道場酒果口宣**元祐三年十一月三十日 權管勾 馬 軍 司公事姚 麟已下罷 散興

有敕。 卿等率職周廬,歸誠梵宇。 共

0 制集》卷九補。 「元祐三年十一月二十日」十字,原脱,據《七集•内

致延鴻之祝,出於忠愛之深。宜錫珍芳,

以助燕衎。

興 龍 酒 果 節 口宣元祐三年十一月三十日 尚 書 省 賜 知 樞 密 院 事 安燾 己

誕辰之薦壽,脩法會以告成。錫以珍芳,有敕。卿等任重樞機,忠存廟社。屬

助其

(燕喜。

賜大遼賀興龍節人使生餼口宣元祐三年十

二月一日

馭有華、舍館方定。宜往餼牽之錫,以旌有敕。卿等遠持慶幣,申講鄰歡。徒

郵傳之勤。

賜濟陽郡王曹佾罷散興龍節道場

香酒

果口宣元祐三年十二月一日

無疆之壽,故脩最上之乘。既徹净筵,宜有敕。卿寵冠戚藩,望隆舊德。將祝

膺寵錫。

道場香酒果口宣元祐三年十二月一日賜皇伯祖嗣濮王宗暉已下罷散興龍節

之供,慶兹虹電之祥。宜有頒分,以成燕喜。有敕。眷我宗英,乃心王室。修彼龍天

節道場香酒果口宣元祐三年十二月一日賜皇叔祖同知大宗正事宗景罷散興龍

有敕。乃眷宗英,祗率藩服。慶誕辰

燕喜。 而薦壽,脩净會以告成。宜有分頒,以助

## 賜皇叔徐王罷散興龍節道場香酒果口

宣元祐三年十二月二日

誕慶之紀辰,仗佛乘而薦祉。 助兹宴喜,有敕。卿望隆周、召,德邁間、平。 屬

錫以柔嘉。

## 賜文太師已下罷散興龍節道場香酒果

口宣|元祐三年十二月二日

供,祗薦萬齡。宜有分頒,以助燕喜。有敕。乃眷師臣,身先百辟。有嚴净

## 賜樞密安燾已下罷散興龍節道場香酒

果口宣元祐三年十二月二日

天之供,共祈箕翼之祥。宜膺寵頒,式助有敕。樞機之臣,社稷是衛。夙設人

燕喜。

## 班荆館賜大遼賀興龍節人使到闕御筵

口宣|元祐三年十二月五日

霜露之嚴凝,●念車徒之勤瘁。宜伸燕衎,有敕。卿等遠將鄰好,至止都門。屬

以示眷懷。

●「露」,原作「霧」,今從《七集·内制集》卷九。

### 七日賜大遼賀 興

宣元祐三年十二月五日❶

賜

大遼賀

興

龍

節 人 使 朝

辭

訖 就

驛

酒果

膺兹寵錫。 征途之勞瘁, 迫徂歲之沍寒。 體我至懷,

有敕。 卿等畢事告旋、指期言邁。 念

### 賜 大遼 宣元祐三年十二月五日 賀興 龍 節人使朝 辭 訖歸 御 筵

歸途之云遠,復賓館之少留。 有敕。 卿等聘事告成,陛辭言邁。 體我眷懷, 念

共兹宴喜。

宣 有敕。 **元祐三年十二月五日** 卿等柅車就館,布幣造廷。 龍 節 人 使 内 中 酒 果 П

玉津園 賜 大 遼賀 興 龍 節 人 使 射 弓 御 筵

式示眷存。

欣鄰好之脩,

復歎使華之美。

就加寵賚

既

宣元祐三年十二月五日

以旌命中。 娱賓於靈 有敕。 囿 卿等使節有華,鄰歡載講。 將觀德於射侯。 宜有寵頒,

既

「十二月」、《七集・内制集》卷九作「十一月」。

## 相州賜大遼賀正旦人使御筵口宣元祐三

年十二月六日

以重使華。 有敕。卿等春朝畢會,鄰聘交馳。屬

班 荆 館 賜 大 遼 賀 興 龍 節 人 使 回 程 御 筵

口宣 元祐三年十二月六日

晚歲之嚴凝,念征途之悠緬。往頒嘉燕,有敕。卿等告辭中禁,改乘北轅。屬

可復少留。

十日賜大遼賀興龍節人使内中酒果口

宣元祐三年十二月七日

鄰好之脩,亦見使華之美。宜膺寵錫,有敕。卿等造廷稱壽,率禮可觀。豈

以示至恩。

惟

班 荆 館 賜 大 遼 賀 興 龍 節 人 使 却 口 酒 果

**口宣**元祐三年十二月七日

埃浩然,徒馭勤止。宜膺寵錫,以示恩華。有敕。卿等改轅北路,供帳都門。風

瀛洲賜大遼賀興龍節人使回程

御

筵

П

宣元祐三年十二月七日

有敕。卿等回車北道,弭節邊亭。使

一 一 力.

事已終,歸驂少憩。 往頒 燕衎、益厚眷存。

賜皇弟普寧郡王俣生日禮物 口宣元祐三

年十二月七日❶

之相輝,祝椿齡之難老。 宜 同慶喜,往致

寵頒。 有敕。朕之介弟,生以兹辰。 眷棣萼

> 趙州賜 大遼賀正 旦使副茶藥口宣元祐三

年十二月十日

歷山川,久蒙霜露。 有敕。 卿等遠脩舊好,屬此沍寒。 宜有精良之賜,式彰 載

軫念之懷。

相 州 宣 元祐三年十二月九日 賜大遼賀興龍節人使回程御筵口

眷言 · 勞 有 敕。 勩 良 卿 極 等 顧 夙 懷。 駕 歸 往 軒, 錫 燕 少 休 嘉 ",以 ·旁郡。 旌

恩眷。

0 王, 與此文題下所書「七日」不合,疑此文仍應屬俣,「普 應改「咸」。今仍其舊,附校於此。 王似生日禮物口宣》一文,文中有「月亦既望」之語, 此、「俣」當爲「似」之誤。然本卷別有《賜皇弟普寧郡 百四十六謂燕王俣,神宗第十子,哲宗朝,封咸寧郡 ·侯」、《七集·内制集》卷九作「似」。案、《宋史》卷二 楚榮憲王似,神宗第十三子,封普寧郡王。據

「十二月」、《七集・内制集》卷九作「十一月」。

# 趙州賜大遼賀太皇太后正旦使副茶藥

口宣元祐三年十二月十日●

此歲寒,勞於行役。宜膺寵錫,以示眷存。有敕。卿等遠馳四牡,來慶三朝。屬

興龍節尚書省賜宰相已下酒果口宣元布

三年十二月十日

鄰,共兹燕喜。宜加寵賚,以示眷懷。 有敕。誕彌之慶,中外所同。眷我臣

就驛賜大遼賀興龍節使副鯋鑼等口宣元

祐三年十二月二十二日❷

言授館之初,宜有勞來之禮。往加寵錫,有敕。卿等肅將鄰好,遠涉寒塗。眷

以示眷懷。

### 玉津園賜大遼賀正旦人使射弓例物

口

宣元祐三年閏十二月三日

中,曾不出正。宜旌審固之能,膺受珍良中,曾不出正。宜旌審固之能,膺受珍良有敕。射以娱賓,抑將觀德。發而命

之賜。

**撫問知大名府馮京口宣**元祐三年閏十二月

八日

有敕。卿等夙分重寄,言念久勞。歲

↑ 「十二月」、《七集·内制集》卷九作「十一月」。

月」、《七集·内制集》卷九題注作「十一月」。使副銀鈔鑼等口宣》等改。下二「鈔」字同此。「十二「鈔」,原誤作「鈔」,據本書卷四十二《賜大遼賀正旦

0

=

眷懷。 律云周,●王事靡盬。益加輔養,以副

祐三年閏十二月八日 冬季傳宣撫問河北東路沿邊臣寮口宣元

凝,歲聿云暮。宜加厚愛,以副眷懷。 有敕。 疆埸之守,職思其憂。 霜露既

等口宣元祐三年閏十二月十八日 賜 大遼賀正旦人使銀 鈔鑼唾 盂子錦被

體我至懷。言跋履之勤,宜有珍華之賜。受兹異寵,言跋履之勤,宜有珍華之賜。受兹異寵,有敕。卿等遠將鄰好,來慶春朝。眷

雄州撫問大遼賀正旦人使口宣元祐三年閏

十二月二十五日

犯風埃,實勞徒馭,欣聞入境,良慰眷懷。有敕。卿等肅將慶幣,來會春朝。遠

賜大遼賀正旦人使正月一日就驛御筵

口宣 元祐三年閏十二月二十五日

館之安、昭我惠慈之眷。往陳燕豆、以樂有敕。使華遠至、春律肇新。即卿舍

佳辰。

■「律」、《七集·内制集》卷九作「聿」。

### 賜大遼賀正 旦人使 内 中 酒 果 П 宣 |元祐三

年閏十二月二十五日

醪珍實,以薦新春。 有敕。 卿等瑞節華軒,來脩舊好。 膺此寵頒 ,體予異眷。 醇

班荆館賜大遼賀正旦使回 程御 筵 一口宣元

祐三年閏十二月二十五日

改轅於北道, 宴行 有敕。 卿等使事告成,旋車言邁。 暫 弭節於都門。 昭示眷懷, 方

少留

賜 于闐國進 奉人使 正旦就 驛 御 筵 宣 元

祐三年閏十二月二十五日❶

有敕。 重譯遠來,觀光戾止。屬人正

> 之改律 燕喜。

樂天敍之發

宜示寵

休,

눛

同

雄州賜大遼國賀正旦人使回程御筵兼傳

宣 撫問 口宣 元祐三年閏十二月二十五日

言長道,遠犯餘寒。 有敕。 卿等已事告歸,柅 宜錫燕喜,以旌勞勣。 車 ·少憩。 眷

瀛洲賜大遼賀正旦人使回 程 御筵 宣 元

祐三年閏十二月二十九日

以旌勞勩。 脂車於北道,復弭節於邊城。 有敕。 卿等已聘言還,犯寒遠邁。 宜錫宴嘉

0 「二十五日」、《七集・内制集》卷十作「九日」。

### 二二四

## 班荆館賜大遼賀正旦人使却回酒果口

言勤

動,良

極

軫懷。

往致朕言,

各宜尚

慎

宣元祐四年正月一日

以寵歸軒。 鞭轡之方勤,涉冰霜之餘凛。宜陳燕俎,

### 使御筵口宣元祐四年正月一日 正月六日朝辭訖就驛賜大遼賀正旦人

共兹宴衎。 近臣之往勞,庶遠道之少留。體我眷懷, 有敕。卿等使事告成,陛辭言邁。命

### **撫問鄜延路臣寮口宣**元祐四年正月八日

有敕。卿等分寄邊陲,輯寧吏士。眷

撫問 鄜延路臣寮口宣元祐四年六月十一日

下院❶

兹靖安,時乃忠力。特加勞問,以示顧懷。有敕。卿等各膺器使,祗服邊陲。眷

## 賜右正議大夫守尚書左僕射吕大防生

日**禮物口宣**元祐四年六月十一日下院❷

● 「下院」二字、原脱、據《七集・内制集》卷十補。下文

同。

② 「十一日」、《七集·内制集》卷十作「二十一日」。

### 賜 皇叔徐王顥 生日禮物 口 宣 \_ 元 祐 四年六月

二十一日

載臨 誕 有敕。 日, 永集邦家之休。 乃眷賢王,實爲社稷之衛, 臨遺使車,往

致眉壽。

爾壽昌。

### 就驛賜大遼賀坤成節人使銀鯋鑼等口 元祐四年六月二十三日下院❶

暑長途,方即安於舍館; 有敕。 卿等遠勤使節,展慶誕辰。 精金良幣,宜往 畏

致於恩私。

賜 皇弟大寧郡王佖生日禮物 口 宣 |元祐四

年六月二十五日下院

金幣展親,往致友于之愛。 有敕。 桑蓬示喜, 復 臨 膺予寵賚,俾 載育之辰

班 荆館賜大遼賀坤成節 國信使副 到 闕

酒果口宣元祐四年七月四日下院

館舍之未安,宜驂騑之少憩。 以示眷懷。 有敕。 卿等抗旃 遠道,解 鞅近郊。 式頒芳旨, 念

0 「下院」二字,原脱,據《七集‧内制集》卷十補。 以下二十五文並同。

自

此

# 賜馬步軍太尉姚麟已下罷散坤成節道

少留

山

川

. 一 流 而 。 。

近

,忘徒御之久勞。

往

致

眷

懷

**場香酒果口宣**元祐四年七月四日下院

與函生,同躋壽域。往頒芳旨,以勞忠勤。有敕。卿等誕辰祗慶,法會告成。嘉

**賜大遼坤成節使副生餼口宣**元祐四年七月

七日下院

明我眷懷。● 有敕。卿等抗旜暑路,弭節驛亭。眷

**筵兼傳宣撫問口宣**元祐四年七月七日下院 雄州白溝驛賜 大遼賀坤 成節 人使却回御

有敕。卿等飛蓋西風,改轅北道。喜

玉津園賜大遼賀坤成節人使射弓例物

口宣 元祐四年七月八日下院

審固之能。 矢娱賓,亦將觀德。宜有珍華之賜,以旌有敕。卿等圭璋致命,既已講歡。弓

香酒果口宣元祐四年七月九日下院賜殿前都指揮使以下罷散坤成節道場

褒優。 之協恭,設人天之妙果。宜均寵錫, 有敕。誕彌之慶,海宇攸同。嘉

將帥

以示

● 「明」、《七集·内制集》卷十作「服」。

### 賜 皇 伯 祖高密郡王宗晟以下罷散坤成

**節道場香酒果口宣**元祐四年七月九日 下

慶賜。 之妙供, 有 敕。 祝 難老之昌期。 眷我宗英,志存忠報。 嘉 此精 誠, 脩等 均 其 慈

賜 同 **節道場香酒果口宣**元祐四年七月九日下院 知樞密院事韓忠彦已下罷散坤成

供,慶續千齡。 有敕。 嘉我樞 不有寵頒,曷旌忠報。 臣,義 均 體。 脩 兹 净

相 州 宣 元祐四年七月九日下院 賜大遼賀坤成節人使却 回 御 筵 

有敕。 鄰好既成,使華有耀。 眷 邦 畿

燕喜。

之漸遠

郵

傳

之方

勤。

服

我

恩

私

少

賜大遼國賀坤成節使 副 時 花酒 果 口 **宣** 

祐四年七月十日下院

茂恩。 斝之醇, 有敕。 復致瓜華之侑。 鄰歡 既展,賓館 少將至 歸休。 意 宜 其服 命

醆

賜 平海軍節度 **散坤成節道場香酒果口宣**元祐四年七月 使駙 馬都尉李瑋已下罷

十日下院❶

誕辰之均慶,嘉法會之告成。宜示褒優, 有敕。 卿等義重戚藩,志同忠報。 屬

0 「十日」、《七集・内制集》卷十作「九日」。

特 加 寵 賚。

### 坤 成節尚書省賜宰臣已下御筵酒果口

宣 元祐四年七月十一日下院

日之臨 既 畢祗園之會。 宜頒芳旨,以 助

有寵頒。

燕私。

坤

成節

知樞

密院事

韓忠彦已下尚

書省

御 賜

筵 同

酒 果

П

宣

|元祐四年七

月十二日

有 敕。 忠存柱 石,誠 貫人天。 共欣 誕

> 賜徐王罷 散 坤 成 節 道 場 香 酒 果 口 宣 元祐

四年七月十二日下院

塞於祗園 有敕。 薦椿龄於崇慶。 卿親賢莫二,忠孝實兼。 喜成法會,

饌蒲

宜

賜 大遼賀坤成節人使朝辭 訖 歸 驛 御 筵

П 宣 元祐四年七月十二日下院

燕俎,臨遣輔臣。 有敕。 卿等已聘告歸,少 式示異恩,以 /休就 ※ 回 館 馭

即

頒

班 荆 館 賜 大 遼 賀 坤 成節 人 使 回 程

御

筵

口 宣元祐四年七月十二日下院

燕喜。

於梵供,

益

表見於忠誠。

宜有寵

頒,

以 肅

同 成

有

敕。

脩佛勝因,祈天永命。

既

有敕。 卿等方事回轅, 聊兹弭 蓋 念

· 途之尚永,加秋暑之未衰。往錫燕嘉,

少休徒馭。

征

## 酒果口宣元祐四年七月十二日下院 賜宰相呂大防已下罷散坤成節道場香

脩西竺之儀 有敕。 卿等竭 仰 獻 南 誠 山 衛 之祝。 上,體 國均 宜 膺 休。 寵 恪

以示褒優。

## 賜大遼賀坤成節使副内中酒果口宣元祐

四年七月十二日下院

有敕。卿等來陳慶幣,克講鄰歡。載

服我恩私。

嘉遠

2聘之勤

宜示寵綏之意。

頒兹芳旨,

### 賜大遼賀坤成節人使朝辭訖歸

驛

酒

果

口宣 元祐四年七月十二日下院

上謁辭,言還有日。宜加頒錫,益示寵榮。有敕。卿等遠敦使事,率禮無違。既

坤成節就驛賜阿里骨進奉人使御筵口

宣元祐四年七月十四日下院

慶賜之恩,共樂亨嘉之會。往頒燕俎,有敕。汝等來脩貢篚,適遘誕辰。宜

咸極歡心。

均

### 瀛洲賜大遼賀坤成節人使回程御筵

口

宣 元祐四年七月十四日下院

有敕。鞭轡既勞,封疆漸邇。雖勤歸

念,少憇暑途。服我恩私,式同燕喜。

望

在

## 坤成節就驛賜于闐國進奉人使御筵口

宣元祐四年七月十四日下院

遘誕辰,宜均慶澤。 欽承恩渥,共樂燕私。有敕。 汝等奉琛遠至,授館少留。 適

班荆館賜大遼賀坤成節人使回程酒果

口宣元祐四年七月十七日下院

此暑途,少留歸馭。往頒燕俎,式示恩私。有敕。卿等奉璋來聘,弭節言還。眷

免不允批答口宣 賜新除守司空同平章軍國事吕公著辭

有敕。朕圖任元老,以表四方。以卿

### 賜皇弟普寧郡王似生日禮物口

宣

日,篤生賢王。宜厚寵頒,以介多福。 有敕。歲將更端,月亦既望。實以兹

副

蘇軾文集卷四十三

### 内制批答

# 不許批答二首元祐元年十月八日賜正議大夫同知樞密院事安燾乞外郡

循其舊,以卒輔予。 下,父母之邦。退食問安,孰便於此? 勉大於功名,養志不專於甘旨。而況魏闕之大於功名,養志不專於甘旨。而況魏闕之求去位。未喻厥意,聞之憮然。夫榮親莫求去位。未喻厥意,聞之憮然。夫榮親莫求去位。未喻厥意,聞之憮然。夫榮親莫求去位。無過之。卿以應務之才,居本兵之

> 朕何賴焉。 邊情。寄託之深,義難引去。亟求自便,冰淵之懼,當務同濟。卿練達兵要,灼知次,孝之至也。而況艱難之際,一日萬幾。

### 不許斷來章批答二首元祐元年十一月**●** 賜新除中大夫守尚書右丞劉摰辭恩命

所望於卿者。成命不再,可無復辭。大言大利,固當安而受之, 小行小廉,非不我與,難以智求。道之將行,豈容力避。 覽表具之。道有行藏,時有用捨。歲

❶ 「辭」下,《文鑑》卷三十三有「免」字。

\_\_\_

元祐元年十 月

事 ; 穫,疾不愈,朕何望焉。 富貴卿也。 省表具之。 言如藥石, 勉卒成業,何以辭爲。 以愈 政 如 疾爲 農耕, 所以用卿者,非 成功。 以既 若耕 穫 爲 苡 不 能

### 賜 太師 文彦博乞致仕不許批答二 一首元节

|年三月二十九日

自至。 名,而 之際,損益非輕。 如珠在淵。光景不陳,而草木自遂。 恩,生民之故也。● 逸就勞者,豈有求而然哉。凡以先帝之 卿 有厭於富貴。 魯穆公無人子思之側,而長者去 出入四世,師表萬民。 昔西伯善養老,而 卿之在朝, 其所以忘身徇國,捨 如玉在山, 無 羨於 去就 太公 功

> 異此。 藥餌 有 卿自爲謀 間 時 則善矣,獨不爲朝廷惜乎? 遊 廟 堂。 家 居之樂, 何

以

|元祐二年三月二十六日

職。 安,孰敢不盡其 效,於斯可見。 之事,尚能起李靖於既老, 元老,實望其以身率百官。 法度未定, 以燕安之際,不能用裴度於未病。治亂之 而天下有識之所望也。 中夜以 朕修身以 陰陽未和,民未樂 思,方食而歎。 承六聖,虚 朕意如此,卿其少安。 力。 此聖母冲人之本意 昔唐太宗以干戈 己以聽四 雖不敢 卿猶 而穆宗、文宗 生, 未 吏未 以 輔 即 事 於 諉 稱 而

## 賜宰相吕公著乞退不許批答元祐二年三月

二十九日

思厥職,以答民望。 子,昭假 道,不當求去我也。 災,不德所召。 矣,豈以卿之私意 誠,坐屈群策。 卿才全而德備,積厚而 無 贏。 大命近止,無棄爾成。」勉 卿當助我,求所以消 既以天下公議而 而 《詩》不云乎: : 聽其 八去哉。 施 博。 「大夫君 水旱之 用 明 於 復之 亮 此 篤

## 賜宰相吕公著乞退不允批答元祐二年三月

二十九日

卿之自信,亦豈一日而成功。常暘之災,歲計有餘。朕之用卿,期於百姓之既富,,用賢之功,必要之久遠。日計不足,

逸,何以塞民言。各思其憂,少安厥位。過於股肱,何以答天戒, 卿若釋政而安

天以警朕。

夙夜祗懼,與卿同之。

朕若

歸

## **賜尚書左丞李清臣乞退不允批答二首**元

祐二年四月十八日

既同於戚休,身豈輕於出處。遽欲引去,選,用於神考。逮受顧命,弼予冲人。義卿以方聞之舉,擢自厚陵。禁林之

||元祐二年四月十八日

聞之惻然。

姑安厥常,以助予治。

勉留輔予,益祗厥服。畏慎,不見過失。力求引去,爲之惘然。忘舊人。而卿博學多聞,通練古今。小心忘舊人。而卿博學多聞,通練古今。小心

# 帝御正殿復常膳不允批答元祐二年四月賜文武百寮文彦博以下上第一表請皇

深戒。 告病。 母。 勉正 實惟 厥咎,豈徒見之空言。 冲人。 是以坐不安席,食不甘味。 一厥事。 朕即位二年,水旱繼作。 欲徇來請,惕然未寧。 既延及於無辜,復貽憂於文 毋重朕之不德,以答天之 而雨不 一崇朝, 其一乃心, 致災之故 實欲深念 農猶

十九日

皇太后復常膳不許批答元祐二年四月二賜文武百寮文彦博以下上第一表請太

十二日

旱暵之罰,自冬及夏。天之降災,如

有秋,雖復常其未晚。 自赦。其交修不逮,務盡厥誠。期兹歲於等以膚寸之澤,遽欲即安,覽之惕然,未敢雖力行罪己之文,尚恐非應天之實。而卿此其久。則夫致災之道,豈一日而然哉。

帝御正殿復常膳允批答元祐二年五月二賜文武百寮文彦博以下上第五表請皇

永思其終,無忘納誨。 下,畏天之威。矧兹旱災,咎在不德。而 下,畏天之威。矧兹旱災,咎在不德。而 所,畏天之威。矧兹旱災,咎在不德。而 联以寡昧,膺受多福。常欲損上益

●「以下」,原作「已下」皆改「以下」,不另出校。

# 皇太后復常膳許批答元祐二年五月二十賜文武百寮文彦博以下上第五表請太

九日

流亡。 勉徇 不 時 應。 來章,猶虞後患。 德 益務交脩,以裨不逮。 積 雖蒙膏澤之報,僅 無素,民罹其災。 其 謹 視 救 精 盗 焦 誠 一賊,懃 枯之餘。 莫 ?通,禱 卹

# 請舉樂不許批答二首元祐二年六月一日賜文武百寮太師文彦博以下上第一表

間,母子之愛,粗畢三年之制,●遂講八音今窮髮之表,尚餘流涕之民。而況宫庭之窮之悲。先皇帝天覆四方,子養萬物。至樂,自中而形外。夫有莫大之戚,則有無樂,日中而形外。夫有莫大之戚,則有無

意。三復太息,難於黽從。禮,篤於愛君,徒欲亟舉舊章,顧未深明吾之和。所未忍聞,非不欲作。卿等謹於率

### |元祐二年六月一日

憂。 哀既 乃悽 涕。 餘。 以爲 丽 不樂,古人非以求名; 知禮。 未 未報昊天罔極之德,常懷終身不忘之 耳之聲; 欲從衆言, 履其位惕然而自驚,用其物潸焉 禮之至者無文,哀之深者無節。 泯 樂 朕以宗廟之重,勉蹈先 何從 干 亟舉備樂。 戚羽 生。 旄, 再 琴不成聲,君子 閲 皆泫 而金石絲竹 來章,徒增 目之具。 帝之 圃 故禫 出

❶ 「粗」,原作「僅」,今從郎本卷三十七。

# 請舉樂不許批答二首元祐二年六月四日賜文武百寮太師文彦博以下上第二表

### | | 元祐二年六月四日

禮自克。 及,非以過制爲賢; 喪三年以爲極亡,則弗之忘矣。」誠 朕 少遭 觀過其黨,聖人許之。《禮》曰 閔 凶, 僅 而 畢 創巨痛 祥 禫。 深,不 雖 俛 重違 能 就 以 企

國老之忠告,姑欲盡人子之至情。

## 表不許批答元祐二年六月四日賜太師文彦博等請太皇太后受册第二

失之者,鮮矣。」卿等以是輔我,顧不美哉。本心,非獨遇災而一發也。孔子曰:「以約樂也。損已裕物,畏天檢身。此吾平日之善,臣聞聖人以天下爲憂,未聞以位號爲

# 請舉樂不許批答二首元祐二年六月九日賜文武百寮太師文彦博以下上第四表

之餘。中夜以興,方食而歎。將不堪其憂日,無游觀聲技之念。矧艱難之後,哀疚吾之本性,以清净寂寞爲樂。雖在平

忠告屢却,愧歎兼深。者,豈有意於樂哉。雖欲勉從,未能自克。

1 | 元祐二年六月九日

朕意。 逾制; 故欲行 誠確然, 鐘鼓以導和,羽籥以飾喜。 適於口體之宜。今衰麻之除,莫敢 其言 開 而琴瑟之御、則有未安。卿等忠 喻至矣。 ൬ 未能。 惟反求諸心而弗得, 推之人情,當 譬之飲食 識

# 受册許批答元祐二年六月九日賜太師文彦博等上第三表請太皇太后

期於寡 同 若固 吾 過 上 違 順 典禮之常,恐莫慰天人之望。 卿等以爲 帝 則,下 ·
酌民 協氣既 言。 應,群謀愈 處以 無 心,

亦豈敢自必。勉從故事,以副嘉言。遇災而懼,昔者非以爲謙。聞義則遷,吾

## 命不允斷來章批答二首元祐二年六月十賜新除中大夫守尚書右丞王存辭免恩

日日

復云。過謙之詞,反已成之命。亟服乃事,宜無自朕志。豈有僉言既穆,朕志不移。而用自朕志。豈有命言既穆,朕志不移。而用

||元祐二年六月十二日

何疑哉。難。吾之用卿,計已審矣。卿之自信,又患,事君非難於辭寵,居寵而無媿之爲患,寡國不患於無人,有人而不用之爲

### 賜 新 來章批答二首 元祐二年六月二十四日 除知樞密院安燾辭 免恩命不

下; 以義、孰爲輕重。 請宜不允,仍斷來章。• 卿以是事上,豈不賢於逡巡退避也哉。 所 覽表具之。論材考德,聖人所以公天 難進易退,君子所以善一身。權之 訓兵論將,威懷戎狄。

| 元祐二年六月二十四日 0

食浮於人,上下交病。 成命不再,卿毋復辭。 於卿之自爲謀也。思而後行,有出無反。 覽表具之。 德稱 所乞宜不允,仍斷 朕之爲天下慮,甚 其服,臣 主 俱榮;

### 賜新除檢校太尉 三司致仕韓 絳 辭 守 免恩 司 空 依 命不允批答二 前 開 府儀 同

**首**元祐二年七月七日

民。身任安危,位兼將相。永惟三宗眷遇 言惟允。宜從中外之望,罔徇謙冲之私。 之重,宜極一品褒崇之榮。 臣,必厚其禮。 國家尊異耆老,砥礪 而況卿出 人四世, 廉隅。 成命既孚,愈 凡致 師 表 萬 爲

補,「章」下,石刻另行書「無起控」三字。 所請宜不允仍斷來章」九字,原脱,據三希堂

0

0 三希堂石刻有此文。此文列上文之前。 "所乞宜不允仍斷來章」九字"原脱"據三希堂石刻 「「反」字不是「及」字,且子細點對,切切。」共十 「章」下,石刻另行書「無起控」三字,

又另行

似石刻之文字,乃原初之草本。

無以 敢忘斯義。 猷入告,卿其不易此心, 道,終不忘君。其在丘園,豈 慰朕 朕惟耈老成人,雖 心 命秩之數,典册之文,不如 而答民望。 一或謝 國 大事就訪,朕 有常典, 事。 一殊廊 耄 廟 卿 期 此 亦 稱

### **首**元祐二年八月二十七日 賜 太 師 文 彦 博 辭 免 不 拜 恩 命 許 批 答 二

苛禮。 陳,義不可奪。 皇峻,股肱逸 卿 而卿深執恭巽,力守典 義 重股 而元首安。 肱,望隆堂陛。 勉從其意,愧歎於中。 故 出 刑 陛 異 廉 恩, 確 遠 特 則 自 鐫 堂

> 嘉歎。 可略, 不悖,義有 分,以不拜爲未安,禮之節也。 朕優禮師傅,達 古之道也。 1重而 難移。 卿 謹 德齒之尊, 嚴 勉循所陳 朝 廷, 道 並 明 以 君 ",不忘 亟 行 臣 拜 之 丽 爲

### 答二首元祐二年八月二十七日 賜宰相吕公著乞罷相位不許斷來章批

道 既成矣乎,其未也? 成功,況其下者。 也,三年有成。」夫 而易之,豈復成器哉! 孔子曰:「苟有用我者,春月 今卿助 以 譬如 聖 一人,猶 我爲治,自 玉人雕琢玉,中 待  $\equiv$ 年 而 以 膩 已 爲 後 可

卷四十三

内制批答

### | | 元祐二年八月二十七日

豈不 母在 使百姓富足,四夷乂安。 無意於功名,獨不惜此時乎? 臣,猶欲畢命自效,而卿乃以小疾求去,縱 臣主俱榮哉 位,正身虚己,仰成輔 古者君臣之間,率 常 千 然後謝事歸老, 弼 載 勉卒乃事, 雖 遇。 疎 遠 今聖 小

### 批答二首元祐二年八月二十八日 賜宰相吕公著乞罷相位除一外任不許

乏非 道 應物,道無窮 才。 夫以才御物,才有 澹然無我, 百度惟 卿篤 ĪĘ, 而 可 於愛君,必能建長 物 事 以寄枉 既就 有 盡 盡 3緒,民 而 直 凡今之患,所 物 立權。 無 亦 窮 小小康。 二年 久之 以

力乎! 豈復勞心於鑒物。心且不勞,而況於良食自輔,爲國少安。譬如止水之在槃,至於微疾之屢攻,此亦高年之常理。卿其

### |元祐二年八月二十九日

自疑。 右之老,先自求於便安。 退以爲節。 今中外執事膂力之畢陳,視吾 馭六馬之憂,有抱火措積薪之懼 何以責其盡瘁。 士,協於一心。 朕以天下之大, 而況 邊鄙 卿若無事 朝夕以思,彌縫其 勉輔 未寧,兵民多故。 知爲君之難。 不逮,期於有成。 而引去,人將 則夫疎遠之臣 二老臣 闕。 相 而 正 有 予左 顧 賴 朽 以 進 凡 多

## 賜宰相吕公著辭免不拜恩命允批答二

首元祐二年九月一日

而卿得畏威之道。勉從其志,嘉歎不忘。安,而以拜上爲泰。使朕不盡養老之意,卿執德惟一,守禮不回。不以坐論爲

||元祐二年九月一日

孔子事君盡禮之義,曲從其請,以儆惰媮。强所難。而卿深執謙恭,力求避免。深惟君之視臣,譬之手足。方責其大,不

### 答二首元祐二年九月八日 賜 太師 文 彦 博 上 第 一 表 乞 致 仕 不 允 批

省表具之。卿之求去蓋數矣,言不爲

禮 之私欲。 冕,亦古人之一節,而非聖賢之高致, 情 不 少貶其私意以徇天下乎? 耆老以重朝廷,蓋天下之大計,而 不相喻,朕甚 不爲不盡,而卿終莫之亮。 切,而朕終莫之從; 與其使朕屈公議以 一疑之。 夫樂 朕之留 從卿,曷若卿 É 君臣之際, 卿 園 亦 而 非 至矣, 厭 冲人 軒 尊

||元祐二年九月八日

卿以 也; 也; 享其樂,二也。 於朝會、勞於應物、一 之上,猶有足樂。 也。吾方盡養老之道,隆禮 英傑之資, 覽表具之。 弼亮四朝,更涉 名冠天下,進退之間 開 而吾之所以必留者三: 卿之所以欲去者二: 則夫卿之欲 物 也; 成務,世不可闕,一 變故,謀無 '; 爲 以 功成身退,欲 法者 優 國 及賢,廟 休 遺 策,一 戚,三 可 口 疲

\_\_\_

### 而吾之必留者,蓋不可易也。

## 賜太師文彦博乞致仕不許斷來章批答

**二首**元祐二年九月十一日

道而 社 稷; 相慶。 推誠 徇國,不能從我於艱 歸,其義安在? 無疑,不能 覽表具之。爲君 搢紳莫不競勸,父老至於涕流。 毋使庶人之議,及於朝廷。 起卿於安佚; 宜思一身之樂,輕 難。 難,爲臣 召用之初,中外 一不易。 非卿忘 非吾 中 於 身

### ||元祐二年九月十一日

將交病,人亦何觀。朕之望卿,無以異此。鎮,動摇不安,江河之流,行止自便,則物鎮, 開物成務,如江河之流。若山嶽之鎮, 開物成務,如江河之流。若山嶽之

宜守不移之志,以成可大之功。

## 答二首元祐三年二月二十八日賜宰相吕公著上第一表乞致仕不允批

位,以副朕心。 德望之隆。 廷,豈無豪傑之士。 定,抑亦民既信而功易成。 輔朕躬,允有一 自拱把,至於棟梁。 一日之力。 省表具之。古者世臣,譬之喬木。 卿 卿擢自仁祖,迨兹四朝, 雖欲歸,勢未可去。 德。不獨卿 傑然群材之中,夫豈 猶當養以歲月, 無 方今布 心 宜安厥 而 在 事 待其 朝 自

### | | 元祐三年二月二十八日

不求備以取人,則房喬之比, 其經遠而覽表具之。卿三世將相,一時蓍龜。

||元祐三年三月二十九日

不可。 於樸 求歸 爾位 歲艱民貧。 無 競,有謝安之風。 斵 ,不復爲國之長 政在元老,人無異 告老之請,吾未欲聞。 ,而遽易於工師。 天步雖安,國是未定。 慮 用 能 詞。 人其 方今官冗 寧 輯 胡爲厭 謂 我 何, 家, 若方勤 財匮 勢必 靖 丽 共

# 來章批答二首元祐三年三月二十九日賜宰相吕公著上第二表乞致仕不許斷

節 安,雖百請 社稷,則常 惟 覽表具之。 久勞 卿 體 節 而 思逸,亦老者之至情。 何益。 國,豈待多言。 **湯輕** 難進易退, 宜安厥位,勿復此 身繫安危,則至情 苟大義 固 君子之常 然 之未 心存 辭。 미

> 身; 予欲知利害之輕 爲。 義,勿復有云。 此心,雖老猶壯。 予欲識人物之忠邪,故 覽表 孰若優游 人具之。 廟 重,故以卿爲 宰 堂,兼享其樂。 與其輕去軒 相 不 自 用, 以 權 卿 冕, 人主 衡 爲 益 獨 水 敦此 善其 鏡 不 苟 明 自

### 免恩命不許斷來章批答二首元祐三年 賜新除依前中大夫守中書侍郎劉摰?

月十二日

退不叛平生之學。 樂告以善,勇於敢爲。 雖不 留 省表具之。 於 儻來之物, 卿蹈 未嘗爲枉 丽 道 進不求當 有志於 深遠, 尺直 守節 行 世之名 可 尋之事 之仕。 淳 固

一四三

四

夫豈 踐 乃 有見 事 得 忘義之嫌哉 毋 復 過 辭 往

元祐三年四月十二 日

違朕 愧於允蹈 欲究觀心術之微,宜擢居政本之地。 苟無 任。 行其言,遂授以政。 命。 歷 省 陳治道之要,以 表 八具之。 , 豈不賢於力辭。 朕 歲月未幾,紀綱 纘 服 立太平之基。 之 初 往服官箴,勿 卿言 略陳。 朕欲 責是

賜 新 除 依 前 中大夫守尚書 左 丞 王 存 辭

免 恩 命 不許斷來章批答二首元祐三年 应

十二日

用。 以 省表 卿 以具之。 忠 義 開 夫志 濟 何 大 施 有遠略,器 不宜。 今 博 以 無 次 近

> |元祐三年四月十二 日

之業。

遷,何足辭

也。

益

堅

無倦之意,

以

觀

可

久

奥; 於英才,復以時 省表具之。 位次有敍,所 而遷 夫 以尊 陛 用。 簾 朝廷。 之增, 庶幾 華 朕 所

以

堂

既

樂 隆

得

賜 新 仁上第 祐三年四月十二日 除守尚書 表辭免恩命不允批答二首元 占 僕射兼中書侍郎 范 純

生。 德 付千鈞; 而 當之爲不智,有其材 故宰相之任,非所以寵 覽表具之。 夫有烏獲之力,然後 有和、扁之功,然後 而辭之爲不仁。 人臣 可 也。 以 無其 寄 미 死 以

寵卿。祗率厥常,毋廢朕命。

國

非

以

稱天下之望。若卿之才德,亦可謂稱矣。往思其憂,以

||元祐三年四月十二日

何辭乎! 一章而可以終身行之者歟? 則盂,以爲一言而可以終身行之者歟? 則太復起,不易斯言。卿將書之紳,銘之盤人復起,不易斯言。卿將書之紳,銘之盤先天下之憂而憂,後天下之樂而樂。」雖聖先天下之憂而憂,後天下之樂而樂。」雖聖

# 二表辭免恩命不許斷來章批答二首元賜新除司空同平章軍國事吕公著上第

祐三年四月十二日

之衛藜藿",以積賢爲寶,如珠玉之茂山省表具之。夫國以得人爲强,如猛獸

豈可 則孫 則淄 川 國 計 之重 同 青慙 湛 權 日 然 回 可可 服 而語哉 顧 無 ,知朝廷之有人, 無復辭 , 歎張昭之不在。 爲,物自蒙利。 朕之用卿,意實在此。 故 得 崔 蜀 失之效 使 公發議 抗 詞

一元祐三年四月十二日

寡昧,不敢庶幾於仁祖, 有臣。」夫父子君臣之間,光明盛大如此。 召公是似。」唐之雅曰:「惟西平有子 服勤於世官。 爲邦國之華。再省來章,具陳先烈。 載之簡策,被之金石。 省表具之。周之詩 祗率厥常,毋違朕命。 豈獨閨門之寵,足 而卿忠孝 無 曰 予小子 -,當念 ,惟我 雖朕

四五五

### 賜 新 防 **|| 首**元祐| 上 除 第二 守 尚 表 書 三年四月十二日 辭 左 僕 免 恩 射 命 兼 不 門 許 下 侍 斷 來 郎 章 吕 批 大

恭。」夫既 者,正爲此也。 今之大計,朕之所以中夜不寐,輟食太息 禮樂之歎 人也。 務踐 省表具之。 以 斯 願卿 陰陽 言,憂此三者。 責其君,而不以身任之者, 慨然當古人之重,略世俗 風 孟子曰:「責 卿 雨之憂。 有 夷 狄 盗 此三者,誠 賊之虞, 難於君謂 之 之 非 當 廩

|元祐三年四月十二日

義 ; 器 禄 省表具之。 丽 朕 辭 所不 大就 · 敢授 小 夫任 君子之自 以 賢 私 使能,天下 則勞謙 守 也。 退 之公公 惟 避, 名

> 朕 至,以 敢不勉。 豈 得 致稷契伊吕 必行 請事斯語,永觀厥 其意。 德業之隆。 所 謂 唐 虞三代信任之 成。 若卿之言

卿

賜 新 仁上 除 一**首**元祐三年四月十二日 第二 守尚 表 書右 辭 [僕射 免 恩 命 兼 中 不 書 侍 來 郎 范 純

之弊。 有大志 仁義; 則 其才德有偏。 獨 治郡,子元不 以 太平可望, 見君子勞謙之光,亦因 省表具之。 、似其 功烈無 旋爲 先 而 帥 如爲將。 取 如卿昔在朝 小節 人。 守, い 誠 如 卿以 專行羊祜之威信。 可 苟 (明哲, 略矣。 推 (卿言。 非獨文獻不足、蓋 此 廷,首談 [以知前 心,施於有 自 夫次公減 託 不 孟 世 能 軻 用人 之 於 非

惟卿篤於憂國,明於知人。灼見朕心,宜 難 ; 在此位。 食不御。 之意,必有臨事乏使之憂。 朕用慨然,當 公。長短不遺,輔相之責。 名器,出於獨 省表具之。自昔先帝之世, 及朕嗣位以 思得英雋之老,共收文武之朋。 往任天下之重,毋事匹夫之廉。 斷, 來,專用德選。 而 長 育 苟無爲國養人 成就,實在 雖 屢 歎 爵 群 才 禄

賜 新 免 除 恩 依前正議大夫守門下侍郎孫 命不 許斷來章批答二首元祐三 固

年四月十三日

舊 省表具之。 與聞 機政,有已試之功。 卿奉 事先 帝,有勸 固 非 學之 躐 等

卷四十三

内制

批答

之遷,

獨

恨 用

卿 之 晚。

勉 循

大

義,

毋

事

元祐三年四月十三日

勵 乃 頃 於初心,尚何辭於新命。 日 由 聞其語。 近 省表具之。卿向自西樞,出 輔,入侍燕閒。 既見君子,無踰老臣。 昔有 未 識之 殿 思,今 藩 當益 屏。

賜 新除中大夫守尚書右丞胡宗愈辭免 恩命不許斷來章批答二首元祐三年四月

十四日

毋 回,是故可以大受。丞轄之任,非卿孰宜。 有 復固辭,以就遠業。 庇民之意,上有愛君之忠。 省表具之。卿自天官,擢 度其不以利 領風憲。下

1 | 元祐三年四月十四

H

||元祐三年四月十四日

知人之美。深體此意,往祗厥官。用,如卿幾人。方觀卿謀國之良,以成朕厚者多乏於用,强濟者或涼於德。有德適厚者多乏於用,强濟者或涼於德。有德適

賜 新 批答二首元祐三年四月 除依 樞 密 院 前 中 事 趙 散 大夫 瞻 辭 充樞 免 +恩 四 命 密直 日 不 學士 允 斷 僉 來

功之未晚。古人之事,將見於卿。道,無失斯時。苟能遇事而必爲,則亦立則君子之用舍進退,蓋亦有時矣。勉行其則君子之用舍進退,蓋亦有時矣。勉行其於用。如卿之言,結髮從仕,而白首遇合。

任,固 逝將: 以 雅望既 力求於退避,夫豈有意於進取哉。 省表具之。 難 越 隆,公議所在。 卿以 卿 用 人。 挺 然 往踐 孤 方將度才而授 忠,白 厥官,毋 節。 違

朕志。

批答二首元祐三年五月十八日 賜正議大夫知樞密院事安燾乞退不允

以朕大烹優賢之資,豈不能助卿養志之猶煩箠策之馭。翻然求去,義有未安。夫羌酋款塞,少休烽燧之虞, 而夏童跳邊,

四八

休哉! 具。足以毋廢子職,●而能兼爲國謀,豈不

1 | 元祐三年五月二十八日

以副吾意。
之久,❷未可以親庭歸養爲詞。勉安厥官,之久,❷未可以親庭歸養爲詞。勉安厥官,臣,懼有傷財玩寇之患。卿當念先朝委任欲兵民兼利,戎夏兩安。自非宿業更變之欲兵民兼利,戎夏兩安。自非宿業更變之

賜 新 苗 批答二首元祐三年七月十九日 授上第一 除 殿前 副 表辭 都 指 免恩 揮 使 心命不 2武泰 軍 許 節 斷 ·來章 度 使

以久次用人,欲其深練於事。 疾,豈所望哉。 省表具之。 速即乃官,毋復退 試材以 (舊,謀 帥 而 卿 避 尤 辭 艱 以 錮 故

| 元祐三年七月十九日

然固辭,未喻厥指。往祗朕命,毋曠乃官。告多士,以長萬夫。朕豈輕用其人哉。確善覽表具之。環衛之嚴,節制之重,誕

乞致仕不許批答二首元祐三年九月二日 賜太師平章軍國重事文彦博上第一表

也。 也。而衛武公百年,猶箴儆於國 鉞, 我老耄而捨我。」此左史倚相 猶未告老。 今卿壽考康寧,而退托衰病, 覽表具之。昔師尚父 此諸葛元遜 九十, 所 所以 日 : 「 以 屈 秉 誨 引 申公 無以 張 旄 昭 杖

「毋」,原作「母」,據《七集•内制集》卷八改。

② 「任」、《七集·内制集》卷八作「重」。

一四九

乎? 姑安厥官,以答公論。去,獨不念天下之士有如彼二子者議其後

||元祐三年九月二日

猶庶 子之心爲心乎? 亦未聞成王以老而聽其去也。 即位,天下曠然。 子挾而維之,目見正色,耳聞正言。 在前,召公在後,畢公在左,史佚在右。 幾成王之治。 覽表具之。 朕聞之,成王之政,周公 勉卒輔朕,無愧前人。 卿雖: 未聞四子以 老矣,獨 朕雖不 老而求退, 不能以 德, 日 四 四

# 表辭免恩命不允批答賜新除守司空同平章事吕公著上第一

無職事,而孔子所謂天子有争臣七人者,三省表具之。夫司空之官,自唐以來,雖

慎寢食,優游廟堂,爲朕謀其大者。 大計,非此元老,將安取斯。 卿其省思慮,公首當之。 朕欲聞仁人之要言,與天下之

# 辭免恩命不允批答二首賜新除守尚書左僕射門下侍郎吕大防

既用之不疑, 朕敢乎哉 毋斁朕命 主付之宰相。 省表具之。 夫天以斯民付人主,而人 1 如卿瑰姿偉望,宏毅 而 若不得人,爲慢天之所付 卿 自 疑 何也? 往 一脩厥官 開濟,朕

\_

帝用卿於 祖宗之意矣。 覽表具之。 西 師。 孔子曰: 自 則 朝 英 廟 廷 「吾之於人也,誰 擢 待卿之重,蓋出 卿於言責,而 毁 於 先

屢試矣。卿而不宜,其孰宜之。誰譽,如有所譽,其有所試。」若卿者,可謂

### 

同喜。

辭之堅也。 以爲得養老之禮,而不失用賢之實,卿何今卿議政而不及事,勞心而不及力。吾自老者謀之。自堯舜以來,未有易此者也。

# **生獲鬼章文武百寮稱賀宣答詞**元祐二年八

月二十八日

### 太皇太后

擒元惡。安邊之喜,與卿等同之。 種羌叛涣,西鄙繹騷。 首出偏師,遂

### 皇帝

氣,亦寬戍守之勞。靖寇息民,與卿等凶狡就俘,羌戎一震。既增吏士之

## 批答宰臣以下賀生獲鬼章表月二十八日入内高班蔡克明傳宣

取

八

### 太皇太后

相一心之助。封章來上,嘉歎不忘。 犯順,神人棄之。雖廟社無疆之休,亦將國家偃兵息民,函養中外。鬼章無故

### 皇帝

息之有日。再閲來奏,嘉歎於中。力,本無意於邊功。既狂狡之就擒,知休力,本無意於邊功。既狂狡之就擒,知休

### 内 制 表 本

### 皇 帝 爲冬節奏告永裕陵神宗皇 帝 表 本

威神; 邁堯仁,功恢禹 測景,增怵惕於履霜。 伏以曆紀天 望松柏於橋 迹。 八正,史 山、永懷悲慕。 游衣 書 恭 日 冠於原廟, 惟 至。 謚 號皇帝, 感舒長 徒 仰 德 於

### 皇 太后 宗皇 帝表 殿 夫 本 人 爲 冬節 往 永 裕 陵 酌 獻 神

齊覆 已 之辰,無復 邈; 載 伏 以一 望西陵於銅雀、涕慕空深。 德 冒 稱觴之慶。 陽來復,萬物懷生。 1華夷。 從 恭惟 南 狩 於蒼 謚 號皇 空臨 梧 一帝,道 神 觀 游 祲

親

### 帝 爲 正 月 日 奏 合金 裕 陵 神 宗 皇 帝

皇

表 本の

增慕,悼日月之不留 堯牆之悲。 貫百王,澤涵 伏以始餞餘寒,復 饋奠莫由,馳誠罔極。 .萬宇。 Ö 永瞻帝所之樂, 興 恭惟謚 、嗣歲。 號皇帝, 望寢園 坐 起 道 丽

### 太后殿 宗皇 帝 夫人 表 本 爲 年節往永裕陵酌 獻 神

皇

功施無 饋 稱 奠; 觴 伏 外, **,**無復萬年之壽。 以 葦 望衣冠於原廟,空極 德洽有生。 桃 在 户 , 徒 隨 講 鼓 恭惟 漏 朝 凉流。 於寢 謚 之 儀 號皇帝, 園 莫 椒

柏

0 Œ 月」《七集·内制集》卷二作「十一月」。

# 帝爲神宗皇帝大祥内中奏告表本

帝爲三月一日奏告神宗皇帝旦表本

配 謁 生之遂茂。 天立極,如日載陽。 寢 園,古有薦鮪之禮。 伏以既成春服,時 光靈愈遠,涕慕空深。 仰餘澤之旁流,●致 方襖洛之初; 恭惟 謚號皇 祗

### 皇 帝爲 表 本 神 宗 皇 帝大祥往永 裕 陵 奏 告

澤浸 以 城 長 森 存 ; 函 奠,莫訴哀誠。 列,遽興 伏 生, 以 寢 示 慶 廟 民 垂 拱矣之悲。 告 有終, 悵神游之安在。 後 成, 裔。 永 配 動 恭 天 廓 無 惟 然 極 謚 之 一、奉謨 號皇帝, 感; 恭 訓 柏

> 莫 見**;** 睿明照 深,華夷所共。 有 期 伏以 蓋 世 而 追 一,神智自天。 威顔咫尺, 凜然常存。 迫先王之禮 號 罔 極,實抱終身之憂; 雖 清 恭 廟 惟 肅 謚 雍 號 悲慕之 了,瞻之 皇帝, 祥

禫

### 皇太后殿夫人 陵酌獻表本 爲 神 宗 皇 帝 大 祥 往 永 裕

化刑 邁 草木何知,徒興 一,祥 夷夏。 伏 而 以 廓 飈 然。 天 馭 地之運, 恭 上 悲於霜露。 惟謚 賓, 日 號皇 固 以遠 代謝於陰陽; 帝,道始家邦, 莫親饋奠,惟 矣。 隙 駒遄

餘」,底本原校: 一作「陰」。

Б.

極哀誠。

# 帝表本十月朔本殿夫人往永裕陵酌獻神宗皇

凛 ; 期,瞻懷靡極。 紀地,堯則惟天。 場,思艱難於王業。 雨 仁及萬彙, 霜 隕 籜, 感閉 永同挾纊之温 威加四夷,尚餘 恭惟尊謚皇帝, 塞 於天時; 肅物之 省奉 收 禹 潦 無 滌 功

七日**●** 祖太宗神宗皇帝表本元祐二年十二月二十 永安永昌永熙永裕陵忌辰奏告宣祖太

經世,威靈在天。每更不樂之辰,尚有遺之臨,感深於臣子。恭惟謚號皇帝,文武伏以卜年之永,恩浹於華夷, 諱日

7之慕。山陵永望,雨露增懷。

章懿章惠章獻明肅皇后表本元祐二年十明孝章淑德懿德明德元德章懷章穆永安永昌永熙陵忌辰奏告昭憲孝惠孝

二月二十七日

仰徽音之如在。載瞻園寢,想見衣冠。后,道應圖史,德參聖神。顧明發之永懷,渭北之游,極望思於原廟。恭惟謚號皇代以《周南》之化,刑恭儉於多方,

集•內制集》卷六補。此下二文並同。
●「元祐二年十二月二十七日」十一字,原脱,據《七

### 永 裕 陵二月旦表本

朝

永裕

太 陵 表 后 本元祐二年十二月二十七日 殿 内 人爲神宗皇 帝忌 辰

燕翼。 禹,功 憂,感 陋漢唐。 追攀罔 深於不樂。 極, 道 慨慕徒深。 蓋 恭 始 惟 於正 被 謚 於 號 無 一家,謀 皇 帝, 方 德 終 貽 齊 身之 於 堯

伏以 百年之思,化

### 永 裕陵正月旦表本

威 功恢 計 吏於原 神 禹 而 伏 迹,德 如 以 在 陵, 賓 出 邁 漢 載瞻園寢,空極 日 湯仁。 儀 於 具 暘 舉。 谷 雖 歲 恭 堯 月 惟 歷 望思 之 謚 方 屢 號 頒 遷 皇 帝, 想 朝

> 之禮; 寢園 武緯 協風 (\*,怵懷 ,徒增感慕。 世,聖靈 伏以 荆山 時方啓蟄,禮 思 在 鑄 於 天。岱 鼎, 濡 露。 遽成脱屣之游。 恭惟 及獻羔。 嶽 泥 金、永講 謚 號皇 感清 帝, 永望 升 衎 中 文 之

## 永裕陵四月旦表本

往躅; 功成不 慐 養之仁,世載文明之化。 伏 以 宰,德範 感慕 秩 日 南 躔 郊 昴、畢,卦 之政,空守成規。 無 窮。 執 直 恭惟 炎帝之 乾、 離。 謚 衡,莫追 號皇帝, 祗望寢 物 蒙長

Ŧī.

### 永 陵 十月旦表本

政; 園,益增感慕。 世,厚德載時。 陵,祗循於漢禮。 伏以戒寒墐户,倏及於秦正。 厲兵講武,敢忘經國之謀。 休老勞農,追述養民之 恭惟謚 號皇帝,懿 永 前 望 文 晦 寢 緯 行

## 永裕陵十二月旦表本

明,但覩乘時之迹, 謚號皇帝,至仁無外,全德難名。 待來歲之宜,獻民力以共宗廟之祀。 伏以商正紀歷,大吕旋宫。 急景易遷,永懷何極 昆蟲草木,孰知 論時 文物 令以 恭惟 成 歲 聲

### 内 制 或 書

皇帝達太皇太后賀大遼正旦書元祐元年十

幣。 慈誨,修舊好於兩朝。 遠飭使軺 肅

肇易歲元,❶發新榮於萬物;

仰遵

庶迎壽祉,❷式副願言。❸

仁睿孝天祐皇帝(原注: 孫大宋皇帝謹致書於叔祖大遼聖文神武全功大略聰 肇」上、《宋大韶令集》卷二百三十一有「正月 闕下)」字樣。 日日 姪

0

信使副,有少禮物,具諸别幅,專奉書陳賀,不宣,謹 太原縣開國伯食邑九百户李嗣徽充太皇太后正旦國

「言」下、《宋大詔令集》有「今差朝請大夫右諫議大夫 「迎」、《宋大韶令集》作「凝」。

將禮

## 皇帝賀大遼皇帝正旦書元祐元年十月

永言欣頌,曷罄諭陳。❸好,茂膺五福之祥。 申飭使車,往陳信幣。獻歲發春,●共講三朝之慶。❷ 寶鄰繼

# 皇帝達太皇太后回大遼皇帝賀正旦書元

祐二年正月五日

感懌之懷,言宣莫罄。⑤儀,兼陳於幄殿。 恭因省侍,具述來音。 百年之好,●既講於春朝, 萬壽之

**皇帝回大遼皇帝賀正旦書**元祐二年正月

五日

東風協應,●感徂歲之更新。遠使交

欣懌之深,敷陳罔究。◐

馳

,導歡言而

如舊。

粲然禮幣,申以

書

詞。

●「獻」上、《宋大韶令集》卷二百三十一有「正月一日-----

b 「三朝」、《宋大韶令集》作「二國」。 (原注: 云云)」字樣。

彦、西京左藏庫副使騎都尉天水郡開國侯食邑一千上護軍南陽縣開國伯食邑、七百户賜紫金魚袋晁端予陳」下、《宋大韶令集》有「今差中散大夫行司農少卿→「三朝」、《宋大韶令集》作一二國」

● 「百」上、《宋大韶令集》卷二百三十一有「正月一日

一百户楊安立(原注:

云云)」字樣。

回,專奉書陳謝,不宣,謹白」二十字。 「罄」下,《宋大韶令集》有「今因利州觀察使蕭睠等

●「東」上、《宋大韶令集》卷二百三十一有「正月一日

回(原注: 云云)」字樣。

一五七

# 皇帝達太皇太后回大遼皇帝賀坤成節

**書**元祐二年七月

旨。其爲感懌,未易名言。●交慶寶鄰。已恭致於德音,復欽傳於慈堯,令人,●篤生壽母, 珍函重幣,

## **皇帝回大遼皇帝問候書**元祐二年七月

保護,式副願言。申講於鄰歡。方履素秋,克膺純福。益祈申講於鄰歡。方履素秋,克膺純福。益祈申盡於鄉數,遠勤於使介。尺書爲問,

皇帝達太皇太后賀大遼皇帝生辰書元祐

二年

更祈調衛,以副願言。誨,俾修慶幣之儀。永介壽康,式符頌禱。寒律既周,●誕辰載紀。恭被慈闈之

●「嘉」上、《宋大韶令集》卷二百三十一有「七月日(原-------

(原注: 云云)」字樣。

「寒」上、《宋大韶令集》卷二百三十一有「十二月(原

0

注:

云云)」字樣。

0

願符善禱,永介純釐

# 皇帝回大遼皇帝賀興龍節書元祐二年十月

**一帝賀大遼皇帝生辰書**元祐二年

其爲欣禱,莫盡名言。 慶,永膺壽考之祥。 大吕還宫,●攝提正丑。❷ 臨遣使軺,往陳信幣。 載協誕彌之

皇帝達太皇太后賀大遼皇帝正旦 一十二元祐

誨,遠通慶幣之誠。益冀保頤,永綏壽嘏。 歲律肇新、●鄰歡載講。● 恭被慈闈之

## 皇帝賀大遼皇帝正旦書

好,納萬民於阜昌。 三陽朋來, ●慶二儀之交泰, 申敕使車,肅將禮幣。 兩 朝繼

> 晷刻不踰。 惟信睦之交修、識情文之兩

誕日載臨,⑤,鄰懽歲講。

封疆;

一雖遠,

至。益深雅好,良極欣悰。

注: ·大J上,《宋大韶令集》卷二百三十一有「十二月(原

0

「正」、《宋大韶令集》作「旦」。 云云)」字樣。

注 : 云云)」字樣。

「歲」上、《宋大韶令集》卷二百三十一有「正月(原

6 0 「三」上、《宋大韶令集》卷二百三十一有「正 「載」、《宋大韶令集》作「再」。

月 一日

6 (原注: (原注: ·誕」上,《宋大韶令集》卷二百三十一有「十二月日 云云)」字樣。 云云)」字樣。

一五九

# 皇帝達太皇太后回大遼皇帝問候書元祐

二年十月

欣感之深,敷陳罔究。●來,重以慈闈之問。尋因省侍,悉致誠言。來,重以慈闈之問。尋因省侍,悉致誠言。

## **皇帝回大遼皇帝賀正旦書**元祐三年

再維雅契,良極欣悰。●好,益修奕世之歡。 信幣精華,書詞温縟。好,益修奕世之歡。 信幣精華,書詞温縟。獻歲發春,●方祝永年之慶, 睦鄰敦

# 皇帝達太皇太后回大遼皇帝賀正旦書元

祐三年

永惟欣感,莫究言宣。慶,重領於珍函。⑥省侍之餘,誠言已達。 正歲履端,⑥遠勤於華使, 慈闈申

(原主: 云云) 字篆。

0

(原注"云云)」字樣。

等回(原注: 云云)」字樣。
等回(原注: 云云)」字樣。

査: 云云)」字樣。
注: 云云)」字樣。

● 「悰」下、《宋大詔令集》有「今泰州觀察使耶律净等回

「領」、《宋大韶令集》作「錫」。」、云云)」字樣。」、云云)」字樣。

## 禮。❸ 感銘之素,敷述難周。

# 皇帝回大遼皇帝問候書元祐四年七月

益冀保頤,式符企詠。音,復講久要之信。屬臨素節,允迪純禧。軺車重幣,●已修交慶之儀, 尺素好

# 皇帝達太皇太后回大遼皇帝問候書

使,及兹載夙之辰。

閱詞幣之兼隆,識

情

世睦寶鄰,●申以無窮之好,

歲馳

華

皇帝回大遼皇帝賀興龍節書

文之備至。

願言欣感,難悉究陳。

感懌之深,敷陳罔既。誠,兼致慈闈之問。侍言有次,來意畢陳。遺使爲壽,既欣鄰好之修, 因書見

# 書元祐四年七月 皇帝達太皇太后回大遼皇帝賀坤成節

至,講鄰國之誠言。既達來音,俾修報星火西流,❷慶慈闈之誕日, 皇華北

(原注: 云云)」字樣。「世」上,《宋大韶令集》卷二百三十一有「十二月日

0

注: 云云)]字樣。

0

「俾修報禮」、《宋大詔令集》作「重修賀禮」。

注: 云云)」字樣。「軺」上,《宋大詔令集》卷二百三十一有「七月日(原

0 0

一六二

## 蘇軾文集卷四十四

### 内 制 青 詞

### 集 禧 觀 開 啟 祈 道 場 青 詞 元祐 元年二月

六日

憂,下民安訴。 伏以麥將覆塊,雪未掩塵。 具嚴法會,祗 款閟 嗣歲 官。 之 仰

冀同雲,溥滋新臘。

### 景 靈 **啟道場青詞**元祐二年三月十四日 宫宣光殿 奉安神宗 皇帝 御 容 日 開

肇新,宜神游之降格。● 伏以天鑒不遠,誠感則通。 具嚴法席,高詠 方寶構之 靈

篇。

内安清净之居,外錫烝黎之福

集禧觀開啟祈雨道場青詞元祐二年三月二

十五日

俄頃 眷陰靈之宅,實爲雲雨之司。 流者 朞年; 行而辨。 洞 淵 龍 罔吝天澤,以答民瞻。 王,水府聖 吁嗟之求,詞窮於是日。 衆。 饑饉之患,民 涵濡之功,

集禧觀洪福殿等處罷散謝雨道場青詞

丽 應物,豈間微誠。 德 有愧於動天,敢辭屢請, 霈 雨 以 咸 周, 道 起三 無 私

0 神」、《七集・内制集》卷二作「真」。

## 農於既病。 仰承靈貺,莫報深仁。

## 太皇太后皇太后皇太妃受册奏告景靈 宫等處青詞元祐二年七月十九日

先期以告。 褒顯。● 將奉寶册,率循舊章。 徼福于神, 考,既務極於推崇; 伏以祗是親闈, 篤生眇冲,亦敢忘於 庶幾孝治。 配德祖

### 神宗皇帝御容 **等處青詞**元祐二年九月二十五日 進發前 日奏告諸宫觀

宇,奉衣冠之别祠。 靈,冀垂昭鑒。 敢徼福於群聖,庶流祉於含生。 嵩洛之間,山陵所在。 恭擇良辰,啟行仙馭。 嚴道釋之净 仰叩真

## **隆祐宫設慶宫醮青詞**元祐

疆,錫五福之純備。無任懇禱之至。❷ 永惟慈孝之本,克享天人之心。 介萬壽之無 下照,誠通絳闕之僊。祗率多儀,肅陳菲薦。 伏以長樂告成,光動紫宫之像, 清都

西嶽廟開啟祈雨道場青詞元祐三年七月十

三日

敢以病告,于我有神。閔兹將槁之苗,賜 所急,望歲於秋成。穀既日滋,雨不 以崇朝之澤。 伏以二華之尊,作鎮於西 惟神之德,非我敢忘。 極; ·時霈。 兆人

- 0 0 敢」,原作「政」,據《七集·内制集》卷三改。
- 無任懇禱之至」六字,原脱,據《七集·内制集》卷五

### 内 制 朱

表

啟天皇九曜消災集

### 中 太一 福 道場青 真 詞 室 殿 開

宫

科,仰 祐。 惟恐一夫之困窮。 畏天之威,未嘗終日 難,實賴文母之德。 消禳災診,永 臣 扣神游之舘。 以 冲 眇, 嗣 伏願上帝降祥,衆真垂 底壽康。 承 敢祈昭鑒,下察孝心。 臨 而豫怠; 列 蒞 聖之休; 四載,勤 恭陳 視民 勞百爲。 寶籙之 濟 2如子, 于 艱

## 太妃宫閣慶落成開啟道場青詞

達,錫壽祉於無窮。 嚴。 之私,得伸鞠育之報。 請 伏以良辰襲吉,華構一新。 命上穹,馳 神真 無任懇禱之至。● 落成告備,法 聖。 庶 精 仰 誠 荷 會 之 褒 必 有

### 景靈 宫宣光 殿 奉 安 (神宗 皇 帝 御

容

罷

散

節 琳宫,尚答臣民之望。❸ 朱 伏以馭風雲闕,既參 表元祐二年三月十四日 0 日月之光; 爰開. 法會,

## 集 禧觀洪福殿罷散謝雨道場朱表

真

庭。

願推往聖之心,永錫函生之福。

賜,霈澤以時。 伏以 早暎 爲災,禱 蓋至道之無私,豈不 求 屢 瀆。 賴 · 德 之 神之

0 0 宫」,原作「殿」,據《七集·内制集》卷二改。 無任懇禱之至」六字,原脱,據《七集・内制集》卷十補。

臣」、《七集·内制集》作「神」。

庶

款 弭

真庭。 威咫尺,求聰明于我民, 無不通,宜從臣子之欲。 中太一宫真室殿爲太皇太后消災集福 罷 伏以仁者必壽,信惟天地之心, **散天皇九曜道場朱表**元祐三年 庶同海宇之誠,上集慈闈之福。天 虔遵道範,仰叩 聖壽萬年,定子

### 内 制 疏 文

孫于下地。

更推博施,普及函生。

### 景 **德疏文**元祐二年四月七日 |宫罷散奉安神宗皇帝御容道場功

0

0

伏以肇新寶構,祗奉睟容。● 脩妙供

卷四十四

内制疏文

## 興龍節功德疏五首❸

告成。普冀含生,悉蒙餘祉。

謹 疏 於朱庭,❷結勝緣於净衆。

真游永奠,法會

萬唐虞之壽考。永均介福,下及函生。 天之禄,如川方增。 之因,曷致涓塵之效。伏願皇帝陛下,受 榮之意。 合契,永爲慶喜之辰; 右伏以上帝垂休,●真人誕降。 矧惟遭遇,獲侍清閑。不緣梵釋 奄有漢唐之封疆,倍 草木何知,舉有欣 乾

- 「朱」、《七集·内制集》卷二作「珠」。 君道也; ·醉」,原作「晬」,義不通。案、《揚子太玄經》: 又九五天爲睟天。 作「睟」,義通,今校改。
- 《七集·後集》卷十三此五首後三首之次第爲"「上 帝立子」爲第三首、「候嘉平」爲第四首、「瑞乙來翔
- 「右」,原脱,據《七集·後集》補,本文以下各首同。

爲第五首。

樂延 伏 彼 四 佛 以 願 海 常新。 皇帝陛下,配天 年,錫帝齡之無算, 乘。 之心,莫不 右 伏 仰惟 以 下及海隅,同 無礙之慈,副 王. 欲吾君壽。 之 樂, 而治,如日之中。 固 躋壽域。 寅畏享福, 常 我 以 與 必從之欲。 兹願力,扣 天 下 過 同 周

之欲。 中。 長發 福,過周 願力,祗叩佛乘。 安樂延年,錫帝 \之祥,**●**群心 矧惟扈從之私,獲 右伏 伏願皇 層以 以 候 常新。❷ 帝 嘉 陛 踊 仰惟無礙之慈,副我 平 下,配 躍。 之臘, 下及海隅,同 龄之無 在封疆之守。 華夷交慶,草 天而 協 <u>算</u> 氣充 治 .躊 流 寅 如 壽域 畏享 日之 必 敢 木 從 緣 增 歌

薦多 龍 祉 下 右 伏 集, 伏願皇帝陛下,立民之極,先 以 適 瑞 同 Z 浴佛之辰。 來 翔, 共 紀 爰崇勝因,以 生 商 之 兆 天

> 量 不 違。 集 寧海宇,永庇神天。 福 如 南 Ш 之不 騫, 壽 等 西 方 之 無

書 ; 無疆,如 會 下 1, 曷旌 民 ,普及函 歸 右 多士克生,達 伏以上帝立子,將 ĴП 臣 生。 方至。 子之心。 自 字 延鴻之壽。 五兵 四 伏願皇帝陛 門之耳目。 不 一用,同 開 不 太 平 萬 假 下, 國 之 永均 龍 之車 受禄 天 基 ; 之

### 興 龍 節 功德疏文二首

福

祝 生。 鴻 休。 伏以明<sub>1</sub> 仰企 至 伏 亡,同 星 願 出 皇 而 帝陛下,先天不違,順 符大覺; 佛 前降, 黄 虔 河 脩 清 法 而 會,上 聖 人 帝

審」,原作「蹇」,據《七集·後集》改。

<sup>0</sup> 祥」,原爲墨釘,據《七集。 後集》補

<sup>0</sup> 「周」,原作 據《七集・ 後集》改。

之則。 紀年, 函生。 配 清 西 臺 方 考象,候南 之壽 佛。 極之老人; 更均餘祉 浩 劫 及

景福。 新。 逸》作監,繼迪哲於四人。 民 頌。 者壽,本無待於禱祈。 《既醉》陳詩,具太平之五福, 伏 伏願皇帝陛下,上德不德,日 以長 發其祥, 已 誕 膺於 爰假佛慈, 普願函生,咸 眷 生; 新 以  $\Rightarrow$ 均 又 無 生

## 坤成節功德疏文七首

難忘於祝頌。 順帝之則,固不待於禱 應,占南極之嘉祥。 澤及本枝, 右伏以 天胙大任之德。 功 臣無任懇禱激切之至。❷ 存社 特啟真壇, 稷,●慶鍾高 求 應地無疆 候西風之協 仰祈睿算。 密之門; 一, 亦

> 民 之功,云何可報。 以天下,福宜冠於古今。 木之微。至哉坤元,德既 極。 右伏以慈儉之化, 臣無任。 仰首 雲 無 敢冀 天 超 得 於載籍; 之望,傾 而 (神休, 名, 保祐 心草 永爲 養

無疆,庶群生之永賴。 露之施。 思順,天且不違。 右伏以寶儉以慈,❸地 民心所祝,神聽必臨。 眷惟 臣無任。 江 海之 無 私 ,邦,日 載; 祈 萬 壽 蒙 履 於 雨 信

群方 仰 右 伏 德,執瑞 以 帝 玉 儲 一以來 休, 賓。 遺 寶 恪 龜 修 而 臣 降 子之 · 聖

<sup>「</sup>右」,原脱,據《七集・後集》卷十三補。下六首同。

三字,今據補,不另出校。補。以下六首結尾處,《七集・後集》均有「臣無任」「臣無任懇禱激切之至」九字,原脱,據《七集・後集》

<sup>「</sup>以慈」、《七集・後集》作「與慈」。

觀有道之長。 集,睿算日隆。 致海衆之莊嚴,廣潮音之清净。 誠 大安大榮,永對無窮之問, 虔奉天人之禱。 臣無任 恭惟太皇太后陛 供精 蒲 塞,文演 時萬 下,伏 時 勝 貝 因 多 所 願

伏願 善禱。 疆 假良 之寶運,實華夏之昌辰。 ,等乾坤之久大。臣無任。 威 因,蓋崇睿算。 右伏以 神有截、盡龍象 展祗園之净供,發秘藏之真乘。 玉 勝發祥,金行 恭惟太皇太后陛下, 以 已格鴻休,猶 膽 正候。 依 壽 合天 考無 資 人 庶

月臨 仰祝 疆 臣 子何知 遐 右伏以神聖在御,天地 民銜既富之仁,保邦何極。 齡。 涵 ,佛老有歸誠之法。**●** 岳 恭惟太皇太后陛下,伏願日照 . 峙。 帝簡 好生之德,錫壽無 無可報之恩; 敢緣净供 臣 無任。

> 太后 誠 夕月 俟雲來之養,受禄無 與民同樂。 兹日 、陛下, 伏願享德三靈 既 右伏 望,昭 佛身充 以 臣無任。 星 陰德之致 火 滿 西 天鑒 疆; 流, 隆。 方 聰 一,齊光 屢觀甲子之周 歲 明。 凡我 功 之平 恭惟 兩 有生,歸 曜。 太皇 秩 坐

## 太皇太后本命歲功德疏文❷

與 旁推舜孝,仰叩佛乘。 奉 歲月襲祥,允協重坤之象。 肇臨 下,下順民心,仰 一德音。 Щ 右伏以天人合契,❸輔 而不傾。 盡海宇之無疆, 豈獨 膺天保。 <u>T</u>i. 音六律之旋,再臨 伏願太 集緇黄 配 成 西方之無量 全太 照之明 正 丽 旦,寅 來會。 后 陛

<sup>0</sup> 有」,原作「無」,據《七集・後集》改

右」,原脱,據《七集·後集》卷十三補 太皇」至「疏文」,底本原校: 一作「正旦齋文」。

永與函生,共兹介福。謹疏。●此歲,將推三統九會之復,以卜其年。

## ·景靈宫祈福道場功德疏文

常。 孝治格 願膺勿藥之喜,永保無疆之休。 有假於雲章; 勤 叩上真。 勞 夙 爰即珠庭,❸大陳妙供。 右伏以仁心浹物,❷自然憂樂之同 夜。 天,宜爾感通之速。 恭惟太皇太后陛下,保佑聖 偶 (後 民志下同,自不勞於秘祝 東朝之御、未 庶殫精懇,仰 法音上達,雖 復太官之 神,

## 同天節功德疏文

祈聖壽之無疆 應純乾,實紀誕 伏以 天貽 明 彌之日。 恭惟皇帝陛下,生知堯舜 德 用 昭 仗 遹 法 駿 之聲; 緣之有 桂

> 崇,壽齊箕翼之永。 伏願 罄丹誠。 新。 之資,力致商周之業。 潛憑 人皆樂生,物 勝 用同東土之民,少 力,坐擁休符。 亦遂性。 神功 ?特起, 效華封之祝。 惟 福 時 比 慶節, 岡 聖治日 陵之 共

## 代張安道進功德疏文

至於含識,並 遥梵釋之間; 伏願永證佛乘,圓 憑法力,仰導真游。恭惟神宗皇帝陛下 悃 庶何知,抱烏號而永歎。 誠。 伏以聖神示 故依妙湛之尊,特設清净之供。 暢天和 卜世愈延,跨越 化 成 道 棄黄 果。 屋 不有崇薦,曷伸 儲 以 商 神 上 周之盛。 無 賓 ; 極,逍 庶 凡

「謹疏」二字,原脱,據《七集・後集》補

0

- ) 「右」,原脱,據《七集·後集》卷十三補
- 「珠」、《七集・後集》作「殊」。

蘇軾文集

内制齋文

齊文

復之辰,茂薦往生之福。虔脩净供,仰導人以聖神陟降,釋梵後先。適更來

靈游。●

正 旦 帝 於 齋 文 福 寧 殿 作水 陸 道 場 資 薦 神 宗 皇

净供。 烏 號 而 伏 以 仰頌義堯之德,永追梵釋之游。 永 慕 棄 ,再歷· 黄屋以上賓,莫追 春 朝。 敢仗勝緣,式 風馭; 開 抱

# 在京諸宫觀開啟神宗皇帝大祥道場齋文

勝之緣, 梵釋同游,永錫無疆之慶。帝鄉,陳法筵於净宇。人天來會,共脩最代以密音如昨,新穀再升。望仙馭於

垂拱殿開啟神宗皇帝大祥道場齋文

時御六龍,徘徊宫闕。永同千佛,陟降無邊,聊資於岸栰。有嚴秘殿,恭啟净筵。伏以喪期有數,方歎於壑舟, 法海

人天。

● 「靈」、《七集·内制集》卷一作「真」。

# 道場齋文内中福寧殿下寒節爲神宗皇帝作水陸

憂 之 危。 ,

宜專雲

雨

之施。

庶

幾

慈

愍,

寬

我

冥福。願登大覺,永濟函生。 燧改火,悼喪期之不留。爰啟净筵,以資 伏以甚雨疾風,感春律之將變, 鑽

## 啟道場齋文 景靈宫宣光殿奉安神宗皇帝御容日開

含生。 佛僧, 伏以 導 靈 祠宫夙啟,真室告成。 游 於 梵 釋。 更 推 餘 仗勝會於 祉, 旁 及

## 大相國寺開啟祈雨道場齋文

伏以旱暵既久,麥禾將空。仰惟天人

# 鄭州超化寺祈雨齋文元祐二年四月九日**●**

普賜甘澤。 以不思議智力,大解 蓺,夏苗將空。 伏以常暘 爲災, 天意 脱 未 歷 回,佛 神 時 通。 愈 熾。 慈 時興 i 所 愍。 秋穀 法 未 願

# 鄭州超化寺謝雨齋文元祐二年四月九日**❷**

不宰之功,豈待有爲之報。爰脩净供,少何難於膏澤。旱沴既弭,農民其康。仰惟等慈應物,不倦於禱求, 神智無方,

卷二補。

<sup>○ 「</sup>元祐二年四月九日」八字,原脱,據《七集·内制集● 「四月九日」四字,原脱,據《七集·内制集》卷二補。

達 純 誠

### 十月一 **帝道場齋文**元祐二年九月二十日 日永裕陵 下宫開 啟資薦 神 宗 皇

筵; 臨 徒增霜露之感。 橋 庶集勝因 山永望,莫瞻弓劍之餘; ,仰資真馭。 招延净衆, 崇建梵 陽月 載

### 西 京會聖宫應天禪院奉安神宗皇帝 容禮畢開啟道場齋文元祐二年十月**●** 御

佛。 礙,對越在天, 普願幽明之域,悉登净妙之庭。 原 廟告成, 神游 從世法之有爲,歸 既 奠。 雖 聖 靈 集此 依 之 於 無

勝因,以資仙馭。

### 後苑瑶津亭開啟祈 雨 道場齋文二首元祐

三年六月二日

獨起焦枯於田野,抑將掃疾疫於里間。 苑,祗建净筵。念我憂勞,錫之膏澤。 與含生,永均介福 妙覺之等慈,孰拯疲民於重困。 乏雷雨之施。 六月徂夏,方金火之争; 嗟人何罪,逢歲之艱。 三農望秋, 有嚴禁 自非 非

又元祐三年八月二十日

畿,遠及關 伏以 常暘 輔。 之沙, 豈獨 西成之害,將爲 歷月 于兹。 近 宿 自 都

<sup>0</sup> 「二」、《七集・内制集》卷八作「一」。 ·十月」《七集·内制集》卷四作「九月十九日」。

守,來登梵釋之筵。罔吝膏濡,以興焦槁。之憂。仰止覺慈,必垂善救。普集山川之

冀能仁,曲垂昭鑒。 告足。既解藴隆之患,庶無流潦之虞。仰慈之力,反水旱於屈伸。周澤載濡,農田然以、人民於影響, 覺

福粉壇道場齋文元祐三年七月二十七日顯聖寺壽聖禪院開啟太皇太后消災集

含生。

延梵釋,普施人天。 俾壽而康,非獨輔安以召災于厥身。 敢即仁祠,肆陳净供。 恭大投艱,猥當廟社之寄。 常恐德之弗類,伏以躬儉節用,本嚴房闥之風, 遺

仰冀能仁,曲垂昭鑒。於寡昧,與民同利,固將燕及於華夷。

齋文元祐四年二月五日❷ 景靈 宮宣 光 殿 開 啟 神 宗 皇 帝 忌 辰

道

場

虔設净筵,俾嚴勝果, 庶超真覺,永庇福。屬弓劍上賓之日,就衣冠出游之庭。永慕,蓋有終身之憂。惟是佛乘,庶資冥水惡,蓋有終身之憂。惟是佛乘,庶資冥

日」。「二月五日」、《七集・内制集》卷十作「正「二月五日」、《七集・内制集》卷八作「五日」。

月二十

四

0

0

二七三

齋 文元祐三年七月二十九日 奉

宸

庫

翻

修聖字等庫了畢安慰土地道

鑒,既成乃安。 期昭格,永底純 熙。 爰仗佛慈,以 綏神 守。 庶

伏以貨幣 所藏, 有壞 必 葺 聰 直 之

内 制 祝 文

<del>告</del>天 青詞齋祝文 地社稷宗 廟宫觀寺院等處祈 雨

交,沛然雨雪之賜。 齋居而默禱,庶精意之登聞。 歲,復苦常暘。 伏以 朞 年 ·以來, 疾疫將興,農末俱 願均介福,敷錫 水 旱作 沴。 敢 祈 迨兹 群生。 春 病 臘之 方 徂

> 盈尺之祥。 民其咨,天聽不遠。 興,麥辨就稿。 伏以歷冬不雪,兩 苟利于民,敢忘其報。 分命守土,告于有神 毋愛同雲之澤, 歲之憂。 疾 以成 癘 將

内 中 安於慈氏殿祝文 添 蓋 諸 帝 · 后 神 御 殿告 遷 容

容。 寧, 懼格思之有瀆。 於皇帝考,肇啟 式燕聖靈,永綏慈嘏 别 閟 嚴 祠。 净 方增 字, 祗 築之未 奉 睟

五嶽四瀆等處祈雪祝 文

一七四

奉

### 内 祝文❶ 中 慈氏 殿 告 遷 神 御 於 新 添 脩 殿 奉 安

來復,愾歎息之疑聞。昭格穆清,永綏伏以增築告成,閟嚴有奂。儼衣冠之

燕翼。

## 景靈宫奉安神宗皇帝御容祝文

少答神民之心。乃眷新宫,永垂餘慶。以駿奔,儼人天之景從。願回日月之照,以駿奔,儼人天之景從。願回日月之照,

## 天章閣權奉安神宗皇帝御容祝文

光,已新崇構。下慰華夷之望,仰摹天日伏以唐虞稽古,雖絶名言。文武重

内中神御殿張挂奉安神宗皇帝御容安於秘殿,無盡瞻依。

少

## 祝文中神御殿張挂奉安神宗皇帝

而神人之奉,永有瞻依。悲慕愈深,照臨位,威不違顔。雖天日之光,固難形似,伏以祥祭告終,聖靈改御。愛如在

無極。

# 躬親扶神御别設一祭祝文神宗皇帝大祥祭訖徹饌除靈座時皇帝

伏以俛就終喪,禮當即遠。永瞻陵

- □ 「奉安」,原作「安奉」,據《七集·内制集》卷一改。
- ❷ 「珠」、《七集·内制集》卷二作「殊」。

廟,將徹几筵。攀慕若疑,追懷罔極。

# 太后親詣行禮祝文元祐二年三月十四日●景靈宮宣光殿奉安神宗皇帝御容畢皇

之慶。敢祈昭鑒,下燭微誠。遠,哲命惟新。仰瞻如在之威,永錫無疆伏以奕奕祠宫,巍巍天像。聖靈雖

## 天地社稷宗廟神廟等處祈雨祝文

手溝壑之餘。既窮之詞,其忍弗聽。循省再三,夙夜祗慄。引領雲霓之望,援辜,有荐饑之懼。浹旬不雨,麥禾皆空。惟德弗類,●致常暘之災, 斯民何

# 五 嶽 四 瀆 等 處 祈 雨 祝 文 元祐二年三月十

七日

傷陰陽,延及鰥寡。 苗將秀而不實。 之麥,以蘇垂死之民。而冬不雨以徂 蓋 息肩之漸,神無乏祀之憂。 上帝之心。 相望。 期 年以來,水旱作沴。 已責勸分,公私並竭。 惟神聰明,毋愛膏澤。 顧惟冲昧,有失政刑。 既非下民之罪,亦豈 振 廪同 惟待一熟 則民有 食,冠 感

● 「元祐二年三月十四日」九字,原脱,據《七集·内制

集》卷二補。

⑤ 「元祐二年三月十七日」九字,原脱,據《七集·内制❷ 「惟德」,原作「德惟」,據《七集·内制集》卷二改。

集》卷二補

### 之祥。

# **五嶽四瀆等處祈雨祝文**元祐二年四月十日●

天人之交,應若影響。雨暘不順,咎 天人之交,應若影響。雨暘不順,咎 一天人之交,應若影響。雨暘不順,咎 一天人之交,應若影響。雨暘不順,咎

# 五嶽四瀆等處謝雨祝文元祐二年四月十日❸

敢廢無災之懼, 神終其賜,願必有年蒙膏澤之賜,一拯流亡之餘。我愧于民,己,寧丁我躬。求哀籲天,並走群望。果乃者常暘爲災,歷時愈熾。念咎責

## 神宗皇帝禫祭太皇太后親行祝文

將三月。勉從即吉之典,莫遂無窮之哀。寒暑之變,忽焉再朞, 練祥之餘,復

## 神宗皇帝禫祭皇帝親行祝文

禮,徒有終身之憂。瞻仰聖靈,伏深感慕。既祥之餘,徙月而吉。 迫於先王之

「元祐二年四月十日」八字,原脱,據《七集・内制集》

卷二補

0

0

卷二補。

参二補。

参二補。

参二補。

「庶」,原作「無」,今從《七集•内制集》。

一一七七

## 神宗皇帝禫祭皇太后親行祝文

弗敢過。追慕之至,中外所同。喪期有數,禫月告終。哀雖未忘,禮

# 帝祝文永裕陵修移角堠門户柏窠奏告神宗皇

# 祝文永裕陵脩移角堠門户柏窠祭告土地

# 景靈宫天興殿開淘井眼祭告里域真官

祝文

治以時。諗爾明靈,庶無悔吝。神游之庭,井泥不食。 日辰之吉,浚

# 太皇太后皇太后皇太妃受册奏告太廟

**并諸陵祝文**元祐二年六月十九日◆

先期以告。 褒顯。將奉寶册,率循舊章。涓日甚良,考,既務極於推崇, 篤生眇沖,亦敢忘於 代以祗事親闈,庶幾孝治。配德祖

●「元祐二年六月十九日」九字、原脱、據《七集·内制

# 告遷諸神御祝文●元祐二年八月二日❷西京應天禪院會聖宮修神御帳座畢功

願垂昭鑒,及此良辰。作庶工。既匠事之告成,宜真游之來復。「明詔有司,❸恭脩幄座。暫安别殿,以

奉安諸神御祝文元祐二年八月二日西京應天禪院會聖宮脩神御帳座畢功

奠,復瞻天日之光。庶俾後人,仰蒙餘慶。幄坐告成,允協歲時之吉, 靈游永

容前一日奏告永裕陵祝文元祐二年十月西京會聖宫應天禪院奉安神宗皇帝御

國家推本漢儀,立郡國之廟, 參用

光,少答天人之望。 憲; 唐 並 興靈宇,以 制 ,就佛老之祠。 謹 擇 良 日, 奉神禧。 臨 遣 乃眷洛都,載瞻園寢。 近臣。 閔 惟 冲人, 恭蹈成 庶回 日月之

一日奏告諸帝祝文元祐二年八月神宗皇帝御容至會聖宮并應天禪院前

念彼元臣,昔皆侑食。一新惟肖之像,永釋所館。惟兹吉禘之始,當袝出游之庭。三靈眷命,六聖在天。崧洛之間,仙

★集》無此四字。下一文同,不再出校。 「應天禪院」、《永樂大典》卷二千九百五十一引《蘇東

卷三補。下一文同,不再出校。「元祐二年八月二日」八字,原脱,據《七集・内制集》

0

❸

字上同,不再出校。文神德聖功至明大孝皇帝」四十七字。下一文「幄」文神德聖功至明大孝皇帝」四十七字。下一文「幄」嗣皇帝臣某謹遣某官敢昭告于太祖啓運立極英武睿「頃」上,《大典》有「維元祐二年歲次丁卯月日孝曾孫

陪如在之神。敢冀威靈,曲垂昭鑒。

# **稷宗廟等處祝文**元祐二年九月二十五日神宗皇帝御容進發前一日奏告天地社

0

九月五日❷ **生擒西蕃鬼章奏告永裕陵祝文**●元祐二年

右臂。 董氊方命。 河湟恢復,見于大中。● 呼韓來庭,効于甘露, 廩,❸孰知耘耔之勞。 昔漢武 大獮 自嘉祐末,兀征擾邊。❻ ·獲禽,必有指蹤之自, 於赫聖考,恭行天誅。 憲宗厲精講武,而 憬彼西戎,⑤古稱 命將出 至熙寧中, 非貪尺 豐年 師 而 高

民所云之《祝文》,即此《生擒西蕃鬼章奏告永裕陵祝氏所云之《祝文》,即此《生擒西蕃鬼章奏告永裕陵祝氏所云之「成都石本法帖」,當即西樓帖。 又,費衮氏所云之「成都石本法帖」,當即西樓帖。 又,費衮氏所云之「成都石本法帖」,當即西樓帖。 又,費衮《梁谿漫志》卷六《蜀中石刻東坡文字稿》條,詳校稿與刻本文字之不同。 費氏所云之「石刻」,當亦即西樓帖。 今分别簡稱「洪云」、「費云」,稱洪氏所引之「成都石本法帖」爲石刻,費氏所引之「蜀中石刻東坡文字稿」爲稿。

「五日」二字,原脱,據《七集•內制集》卷四補。

③ 「高」,石刻作「多」。

0

0

「後乃悉塗去不用」。 「後乃悉塗去不用」。 「後乃悉塗去不用」。 「後乃悉塗去不用」。 「後乃悉塗去不用」。 「後乃悉塗去不用」。 「後乃悉塗去不用」。

⑤ 「憬」,稿作「獷」。

「兀」、郎本卷三十八、《七集・内制集》作「木」。

0

網。 而行; 神,曲 争酬未報之恩; ❸ 聖靈在天,難逃不漏之 首犯南川、❸北連拓拔。 策,不以賊遺子孫。 服近而來遠,❸期於偃革以息民。 之冤。☞ 謹當推本聖心,益脩戎略。 擒,初無渭水之耻, 寸之疆,●蓋爲民除 已於八月戊戌,生獲鬼章。6 垂昭鑒。 旋聞偏師,無往不克。吏士用命, 蟊蠈。❷ 而 郅支授首,聊報谷吉 西蕃大首領鬼章 申命諸將,●擇利 遂建長久之 頡利成 仰冀 務在 威

## 西京會聖宫應天禪院奉安神宗皇帝御 容奏告諸帝祝文元祐二年九月六日**⑨**

祀我祖。 於穆神考,陟配在天。有嚴 時 日 協吉, 聖靈其安。 河祠宫, 寵綏 從 後

人,永錫純嘏。

#### 西京 **御祝文**元祐二年九月六日 應天禪院會聖宮奉安神宗皇帝 神

近,顧瞻兩都; 於皇在天,丕冒下土。 宅於嵩洛之間,上聯五 矧此 山 一陵之

0 貪」,稿原作「愛」,後改「貪」。

「蠈」,郎本作「賊」。

川」。費云:「後乃自『與將』而上二十六字並塗去。」 氊之臣阿里骨外服王爵,中藏禍心,與將鬼章首犯南 「鬼章首犯南川」,稿原作「施於沖人,坐守成算,而董

「申命」、稿作「爰敕」。

6 0 争」,稿作「蓋」。

·頡利成擒」至「谷吉之冤」二十字,稿作「報谷吉之 獲」,稿作「擒」。

冤,遠同彊漢,雪渭水之耻,尚陋有唐」。 費云:「後

塗去。」

「來」,稿作「柔」。

0

1 9 「元祐二年九月六日」,原脱,據《七集・ 「元祐二年九月六日」,原脱,據《七集•内制集》卷四補。 内制集》卷四補

一 一 八

天之望。願追梵釋之遊,會聖宮改爲仙聖之遊。永答人聖。有嚴净字,會聖宮改爲真館。祗奉醉顔。

二年十月十日 **天地社稷宗廟諸宫觀并諸陵祝文**元祐 太皇太后皇太后皇太妃受册禮畢奏謝

廟「分命邇臣」句改「分命有司」。無任懇禱之至。●臣,恭致成事。仰祈昭鑒,永錫鴻休。諸神嚴於典册。禮樂既具,神人允諧。分命邇下,孝莫大於尊親。昔首正於號名,今復下,孝莫大於尊親。昔首正於號名,今復至哉坤元,政必先於治内, 養以天

祝文元祐四年二月二十五日♥ 東太一宮翻脩殿宇奉告十神太一真君

於穆祠宫,有嚴春祀。 吏以時而按

# 西路闕雨於濟瀆河瀆淮瀆廟祈雨祝文

仰祈昭鑒,大庇含生。

視,工揆日以脩完。

庶就絜新,永綏靈

御。

常報,我其敢忘。神。願爲三日之霖,大慰一方之望。國有有秋,天密雲而不雨。愧我不德,瀆於有

# 永定院脩蓋舍屋奏告諸帝后祝文

餘,少緩增修之役。仰祈昭鑒,永底燕寧。具嚴净宇,祗奉寢園。眷惟焚燎之

②「二月二十五日」、《七集·内制集》卷十作「正月七補。■「無任懇禱之至」六字、原脱、據《七集·内制集》卷五

日。

# 永定院脩蓋舍屋祭告土地祝文元祐二年十

故皇叔祖昭信軍節度使檢校司空開府

儀同三司漢東郡王宗瑗堂祭文●

二月十日

辰,以興衆役。 伏以向因 遺燼,延及净祠。 爰擇 良

内 制祭文

太皇太后祭奠故夏國主祭文元祐元年十一

月十六日③

宜兹遺使,昭示有神。❷

此閔凶。

無復會朝,載惻予衷。

往奠其

惟王之生,令德孝恭。云何不淑,罹

寢,維以飾終。

0 「十二月十日」五字、原脱、據《七集·内制集》卷

「昭」,原作「韶」,今從《七集・内制集》。

制集》卷一補。 「元祐元年十一月十六日」十字,原脱,據《七集・内

訃音遽至,閔悼良深。

特遣使車、往陳奠

0 0

庶此恩禮,貫于幽明。

順,荷先朝之寵光。惟天難忱,錫命不永。

乃眷外臣,嗣守西服。

襲累世之忠

「堂」、《七集・内制集》卷八無,題下原注:「堂祭。」

0

6

「衷」,原作「哀」,據《七集・内制集》改。

#### 一一八四

#### 故皇 儀 同三 叔 祖 司漢東郡王宗瑗下事祭文❶ 昭 信 軍 節 度 使 檢 校 司空開 府

舉奠觴,往安窀穸。時,義當即遠。哀榮之極,禮以告終。來時,義當即遠。哀榮之極,禮以告終。來嗚呼,死生之變,賢愚莫逃。日月有

## 皇叔故魏王啟殯祭文

之始,寓哀斯文。 逢歲月之良。參酌時宜,遷神郊館。啟殯祖送之儀,哀榮斯極。永惟宅兆之卜,未祖送之儀,哀榮斯極。永惟宅兆之卜,未惟靈襲累朝之餘慶,兼天下之達尊。

## 皇叔故魏王外殯前一夕夜祭文

惟王之生,孝友仁慈。既没元身,舉

## 皇叔故魏王下事祭文

奠莫及,寧知我悲。

遺,日月如

馳。

出次

近郊,寓

此

. 祠。

親

國懷

思。

矧予

冲眇,

義

兼父

師。

天

不

我

雖非永歸,亦可少安。 見,企予望思。 云近郊,寧復旋 惟 靈 出 就 外邸,二年于 返。 矧此告終,月逝日 築室祠宫,既 嗚呼哀哉。 兹。 固既完 遠 日 不 雖

# 故贈太師追封温國公司馬光安葬祭文

嗚呼。元豐之末,天步惟艱。社稷之

□「漢東」、原作「東漢」、據《七集·内制集》卷八改。

共。 **6** 道,太平可期。⑤ 長爲宗臣,⑥以表後世。❸ 衛,中外所屬。● 天若相之,又復奪之。殄瘁不哀,古今所 令於流水之源。歲月未周,❸紀綱略定。母 高當世,行滿天下。❷ 措國於太山之安,下 知之者神考,用之者聖母。 惟是一老,屏予一人。名 馴致其

# 故渭州防禦使宗孺出殯一夕祭文

往奠其葬,●庶知予懷。●

喪之戚,予惟惻愴。 年,遂即長夜。 惟靈飭躬寡過,秉德不回。 哀榮之典,國有故常。 莫克永 死

## 故渭州防禦使宗孺下事祭文

時, 禮當 嗚呼,宗枝之秀,罹此降災。 即遠。 奄臨 窀穸,肆設几筵 日月 往 有

致予哀,來歆此奠。

#### 故聽宣 劉 氏堂祭文

惻然。 没而有知,來舉此奠。

奉侍有年,肅

雍靡懈,今其亡矣,良用

祝文》引西樓帖作「存者有幾」。 「中外所屬」,宋洪邁《容齋隨筆・五筆》卷九《擒鬼章

0

0 「名高當世,行滿天下」八字,西樓帖無。 「歲月未周」,西樓帖作「歲未及期」。

「紀綱」,西樓帖作「綱紀」。

0

天既予之,又復奪之。 「天若」至「所共」,西樓帖作「道之將行,非天而誰。 惟聖與賢,莫如天何。 然其所

6 「太平可期」,西樓帖作「終於太平」。

立,天亦不能亡也」。

0 「長」,西樓帖作「永」。

8 「以表後世」,西樓帖作「與國無極」。

「往奠其葬」,西樓帖作「於其葬也」。

0

「庶知予懷」,西樓帖作「告諸其柩」。

## 故聽宣劉氏墳所祭文

致斯奠。實其窀穸,極爾哀榮。 盡瘁内職,歸全近郊。既掩諸幽,往

## 故尚宫吴氏墳所祭文

全于郊。式榮其終,往致斯奠。惟爾之生,服勤乃事。逢日之吉,歸

# 故尚服劉氏堂祭文六月八日下院❶

謝,良用愍傷。饋奠之儀,哀榮兼至。惟靈選備禁廷,服勤内職。逮兹淪

曲、秋鴈起汾陰。

# **故尚服劉氏墳所祭文**六月八日下院

事,日月有時。念爾永歸,歆予一奠。惟靈服勤有年,罹命不淑。窀穸之

## 内制導引歌辭

## 7年4.5 男爱

奉安神宗皇帝御容赴景靈宫導引歌辭

春色瑣瑶林,雲闕海沉沉。遺民猶唱當時深。龍顔髣髴笙簫遠,腸斷屬車音。離宮帝城父老,三歲望堯心。天遠玉樓

❶ 「六月八日下院」六字,原脱,據《七集•内制集》卷十

下文同。

1294

# 禪院奉安導引歌辭迎奉神宗皇帝御容赴西京會聖宫應天

古,流澤自無窮。 温洛與神崧,蓮宇照瓊宮。人間俛仰成今 迟。渭橋夾道千君長,猶是建元功。西瞻 經文緯武,十有九年中。遺烈震羌

## 蘇軾文集卷四十五

貼子詞樂語

#### 春 貼子詞

皇帝閣六首

其 0

大詔,四海發生心。 靄靄龍旂色,❷琅琅木鐸音。 數行寬

其

信,長與日俱中。 暘谷賓初日,清臺告協風。

願如風有

0

「靄靄」,三希堂石刻作「藹藹」。

歲,合抱是靈椿。 其 四

草木漸知春,萌芽處處新。

從今八千

其

Ξ

蒼龍挂闕農祥正,老稚相呼看藉田 聖主憂民未解顔,天教瑞雪報豐年。 。 **⑤** 

其 五

昨夜東風入律新,玉關知有受降人。

首、《夫人閣》四首、并同。以下《端午貼子詞》亦同。 《太皇太后閣》六首、《皇太后閣》六首、《皇太妃閣》五 「其三」、「其四」、「其五」、「其六」同,不另出校。以下 ·其一」二字,原無,爲眉目顯豁,今加。以下「其二」、

0

0

「老稚」、三希堂石刻、《七集・内制集》卷五作「父

聖恩與解河湟凍,●共得中原草木春。

其

六

不待驚開小桃杏,始知天子是天公。 翰 林職在明 光裏,行樂詩成拜 舞

太皇太后閣六首

其

琱刻春何力,欣榮物自知。 發生雖有

其

象,❷覆載本無私。

小殿黄金榜、珠簾白

玉 鈎。

聲雙日

蹕,春色滿皇州。

其

Ξ

仗下春朝散,宫中晝漏稀。 兩厢休侍

御,❸應下讀書幃。

其 四

春來有喜何人見,好學神孫類祖宗。 五日占雲十日風,憂勤終歲爲三農。

中。

其 五

盡驅南畝扶犁手,稍發中都朽貫錢。 共道 + 年 無 臘 雪,且欣三白壓

春

買。

其 六

傳聞塞外千君長,欲趁新年賀太平。 不獨 清 心 能 省事,應緣克己自 銷 兵。

0 「河湟」、宋施元之、顧禧《注東坡先生詩》作「湟河」。 ·雖」,宋施元之、顧禧《注東坡先生詩》作「須」。

「御」、《七集・内制集》卷五作「衞」。

一一八九

皇太后閣六首

其

動,碧瓦麗朝陽。 寶册瓊瑶重,新 庭 松 桂

香。

消

春未

其

瑞 日 明天仗,仙雲擁壽山。

猗巓

春晝

永, 金母在人間。

其

Ξ

朝罷金鋪掩,人閑寶瑟塵。 欲 知慈儉

其

四

翠管銀罌傳故事,金花綵勝作新年。 仙 家 日月本 ·長閑,送臘 迎 春 亦偶然。❷

其

五

宫中侍女減珠翠,雪裹貧民得袴襦。 彤史年 來不 絕書,三朝德化婦 承

姑。

其 六

共助至尊歌喜事,今年春日得春衣。 邊庭 無 事 羽 書 稀 閑 遣 詞臣進 小

. 詩。

皇太妃閣五首

其

葦桃猶在户,椒柏已稱觴。

歲

《美風先

應,朝回日漸長。

0 帝王后夢日入懷,生武帝於猗蘭殿。 詩》、三希堂石刻作「猗蘭」。 「亦偶」,三希堂石刻作「豈亦」。 猗蘭」,原作「倚欄」。 宋施元之、顧禧《注東坡先生 施注引《漢武故事》,景 據改。

夫人閣 四首

其

翔舞下觚稜。 甲觀開千柱,飛樓擢九層。 雪殘烏鵲

其

Ξ

太史新年瞻瑞氣,●四星明潤紫宫中。 孝心日 ī 奉 東朝 養,儉德應師大練風。

其

四

九門挂 月未 催班,清禁風 和玉 漏 閑。

其 五 崇慶早朝銀

燭下

珮環聲在五雲間

繭館乍欣蠶浴後,禖壇猶記燕來時。 東風 弱 柳萬 絲垂,的皪殘 梅尚 枝。

其

綵勝鏤新語,❷酥盤滴小詩。

昇平多

樂事,應許外庭知。

其

没,猶帶斷冰流。 細雨曉風柔,春聲入御溝。 已漂新荇

其 Ξ

七種共挑人日菜,千枝先剪上元燈。 扶桑初 日 映簾昇,已覺銅瓶暖不冰。

「瞻」,三希堂石刻作「占」。

「鏤」、《七集・内制集》卷五作「縷」。

一九二

其四

雪消駕瓦已流凘,風暖犀

盤尚

鎮帷。

縹緲紫簫明月下,璧門桂影夜參差。

**端午貼子詞**元祐三年

皇帝閣六首

其一

盛德初融後,潛陰未姤時。侍臣占易

象,明兩作重離。

其 -

采秀擷群芳,争儲百藥良。● 太醫初

薦艾,庶草騐蕃昌。

其

微涼生殿閣,習習滿皇都。

試問 吾民

愠,南風爲解無。

其 四

庭槐似識天顔喜,舞破清陰作兩龍。 西檻新來玉宇風,侍臣茗椀得雍容。

其 五

揚子江心空百鍊,只將無逸鑑興亡。講餘交翟轉迴廊,❷始覺深宮夏日長。

其六

一扇清風灑面寒,應緣飛白在冰紈。

❶ 「争」,宋施元之、顧禧《注東坡先生詩》作「深」。

「餘」,《七集•内制集》卷八作「徐」。

願儲醫國三年艾,不作沉湘九辯文。

其

五

太皇太后閣六首

坐知四海蒙膏澤,沐浴君王德似蘭。

其

漸臺通翠浪,暑殿轉清風。 簾卷東朝

散,金烏未遽中。

其

日永蠶收簇,風高麥上場。 朝來藉田

令,菰黍獻時芳。

其 Ξ

舞羽諸羌伏,銷兵萬彙蘇。 只應黄紙

誥,便是赤靈符。

其 四

令節陳詩歲歲新,從官何以壽吾君。

不復巫陽占郢夢,空餘仲御扣河章。● 忠臣諒節今千歲,孝女孤風滿四方。

其 六

外廷已拜梟羹賜,應助吾君去不仁。 長養恩深動 植均,只憂貪吏尚殘民。

皇太后閣六首

其

露簟琴書冷, 琱盤寝餌新。 深宫猶畏

日,應念暑耘人。

0 「扣」、宋施元之、顧禧《注東坡先先詩》作「和」。

其

萬歲菖蒲酒,千金琥珀杯。 年年行樂

處,新月挂池臺。

其 Ξ

翠筒初裹楝,●薌 黍復纏菰。 水殿開

冰鑑,瓊漿凍玉壺。

其 四

應將嬴女乘鸞扇,更助南風長棘心。 秘殿扶 , 疎夏 木深,雨餘 初 有一 蟬 吟。

五

上林珍 木 暗 池臺,蜀 産吴包萬

其

不獨盤中見盧橘,時於粽裹得楊梅。 里來。

其

翠輿黄繖何時幸,畫鹢飛鳧盡日横。 閔楚遺風萬古情,沅湘舊俗到 六

金明。

皇太妃閣五首

其

午景簾櫳静,薰風 草木酣。

誰

知恭儉

德,綵縷出親蠶。

其

雨細方梅夏,風高已麥秋。 應憐百花

盡、緑葉暗紅榴。

「裹」、《七集・内制集》卷八作「窒」。

Ξ

其

不爲祈禳得天助,要令風俗樂時康。● 辟 兵已 佩 靈 符小,續命仍縈綵縷長。

其 四

梧楸障畏 玉 盆 沉 李 日,仍欣麥黍報豐年。 灔 清泉, 金鴨 嘘 空裊

細 烟。

白有

其 五

仁孝自應禳百沴,艾人桃印本無功。 良辰樂事古難同, 繡繭朱絲奉 兩

夫人閣四首

其

肅肅槐庭午, 沉沉玉 一漏稀。 皇 |恩樂佳

節,鬬草得珠璣。

節物荆吴舊,嬉游禁掖閑。

仙 風

隨畫

其

箑,拜賜落人間。

其 Ξ

旋開寶典尋風物,要及靈辰共祓禳。 五綵縈筒秫稻香,千門結艾鬢髯張。

其 四

銅 瓶 下 井欄, 鏗 鍠 金殿發 清

似聞人世南風熱,日上牆東問幾竿。 欲曉 寒。

0 「令」、《七集·内制集》卷八作「隨」。

一一九五

# 内中御侍以下賀冬至詞語元祐二年十月二

十日

#### 皇帝

共 惟 將 恭 至,受命無疆。 衣 黄宫,復來於七日。 慶一陽之節,敢陳 南 惟皇帝陛下,清 四 旦 海之歡心,自識三靈之陰贊。 而 伏以 面,天何言 群陰伏。 月 臨 妾等待! 天統,首 而四時成; 裔夷 明 萬 君道寖長,陽德光 在 奔走,年穀順 歲之觴 罪 躬,仁孝遍 冠 掖 於三正 庭,備 問學 ,西清, 員 ; 成。 物。 如川 氣 亨。 職 豈 方 日 應 垂

### 太皇太后

愚同 並 應。 慶 伏 以消 恭 知君 惟 太皇太后陛下,睿 長 子之彙 有 時 征 候 微 德化 陽 之 明天縱,慈 所 來 加,神人 復 賢

> 陰陽 妾等職參長 來 助於三靈 唐,論德蓋高 儉 浴身先。 ,願天壽之平格。 而 自 化, 振 河 御, 《既醉》太平,當純備於五福。 於任姒。 天 且 嶽 心 以 奉慈 不 不 違。 傾 《大有》 闈 地 成功 無 慶 上吉,方獲 私 陽德之方 己 載 陋 於 漢 順

## 皇 太 后

之驩。 王家。 敢 祥羲易,共 海 陵之祝,庶殫草木之誠 官占物,效歲美於黄雲。 稱觴 宇。 伏 於萬 推美 以 妾等猥 恭惟皇太后殿下,輔 朦 成坤 壽。 國 瞍 風 以微軀,被蒙慈渥。 奏 豈 厚之功。 ,夙茂《周 功, 獨宫闈之 驗 人 方迎 慶 和 南》之化; () 願 佐 自宫庭,澤 於 質同 内 日於三微 緹 治, 室 仰獻 中外 儀 出 刑 均 日 考

九六

内中御侍以下賀年節詞語元祐二年十二月

日日

#### 皇帝

嚴,仰 三朝之 授民 至仁 肇新於歲 時, 無私 伏 ·陶化育。 圖 以 律, ",神武 齊七 儀 刑 宜嚮用於神 海 政 宇來 願 文王,正家而 不 於璣 . 殺。 上 同。 萬 衡 年之壽, 祖述 休。 恭惟 天 堯 人 齊天下。 妾等幸侍禁 帝,曆象 皇 並 永膺百 帝陛下, 應; 方 以 受 順

## 太皇太后

溝壑之中, 求賢審官,拔士茅茨之下。下,化始六宫,風行九有。捐財振廩,救民芒司曆,方布德以緩刑。恭惟太皇太后陛善 伏以太簇旋宫,既贊揚而出滯, 勾

木之誠。禁嚴,粗供婦職。願獻岡陵之壽,少輸草方履端之資始,膺景福於無疆。妾等幸侍

### 皇 太 后

被 順履三陽,誕膺百禄。 慈格於上下; 下,道光潙汭,德配《周南》。 寶更新,燔烈以 餘光。 伏以三元 莫報生成之恩,但祝靈長之算。 資 儀形九御,恭儉聞 興 始 嗣 磔穰 歲。 妾等幸班禁掖,久 恭 以 餞 輔導兩朝,孝 惟 餘 皇太后 於邇遐。 寒; 殿 萬

# 内中御侍已下賀冬至詞語元祐三年十月

十日

#### 皇帝

黄鍾,氣驗微陽之應。德施自上,惠均伏以日合天統,時推建子之正, 律

中

一一九八

慶,萬 於民。 夏。 敢 豈 爲,待此陰陽之定。 獻如 惟至治之祥,自得上天之祐。 觀 壽無疆。 山之祝,庶同 其 伏 來 惟 復,見乎天地之 皇 帝 妾等蒙 陛 雲物告瑞,宫 下, ]率土之歡 被天光,叨 道 配 心 皇 ; 王 1聲協 塵 静 化 婦 以 行 和。 有 無 夷

#### 太皇太后

參女職 祥 **;** 明德 歡 配 正 移 黄 清 之萬壽。 坤 豫 之大 道 儀 明 伏 彤 恭惟太皇太后陛下, 以 而 仰 史 迎 練,儉化六宫。 書 嗣太任之徽音, 燭 奉 何知,莫 化國之舒長。 物。 慈 顔。 慶雲 贊無1 因 驗 可 來 曆 爲之德。 望,共占 復之一 體 道 寰 家 柔静 教隆 光 宇 之 千 和 邃 陽, 平, 以臨 陰 古 密 至 妾 等 治 祝 猥 之 位 閨 無 衣 日

### 皇 太 后

胥悦。 宫闈之 東朝。 節 願 功 先 用,豈忘澣濯之衣。 綵 線 柏 伏 酒以 求賢 無 恭惟皇太后 以 知宫日之初 事。 候 審官, 稱觴,更指椿年 氣 妾等濫 葭 灰, 但有憂 殿下 長。 喜律 塵 宜 女 福 勤 母 品 筒 而 職 禄 之 臨 物 之 獻壽 獲奉 之日 志 四 向 己 海 榮 應 康,樂 慈 躬 婦 掖 顔 儉 應 廷 課

## 紫宸殿正旦教坊詞元祐四年

#### 教坊致語

簪 休 周 之舊 笏 庶 於 工 臣 九 而 聞 王 未 門 行 方在 作。 夏 來 之 車 於鎬 使 時 書 華 於 京 正 遠 莫 萬 集 惟 里。 鄰 加 吉 於 好交修。 將 月之布 人 興 統 嗣 和, 萃 採

膺眷 忝與 九德 知; 盛 臨 以樂太平。 一德之難形。 元 賤 咸事,三年有成。始御八音之和,以 日之會。 命。 傳祖宗六聖之心,我無爲 工,得親壯觀。 法天 恭惟皇帝陛下,躬 人神相慶,夷夏來同。 不度荒蕪,敢進口 地 四 時 之運,民 知輿情之願 履至仁, .號。 日 而自 用 頌,顧 臣等 而 化。 誕

#### 口號

菖葉催 曉 全盛事,振振鵷鷺滿雲臺。● 日自 九霄 隨 耕籍,共喜椒 清蹕 天仗出,春風 聲雷,萬物欣榮意 花映壽 不待斗杓 杯。 欲識 口。 己開。 太平 行

#### 勾 合 曲

慶三朝之會; 上悦天顔,教坊合曲 東風 應律, 登歌下管, 南 籥 在 庭。 願 餞 聞 臘 九奏之和。 迎 春,方

### 勾小兒隊

上奉宸歡,教坊小兒入隊。音,亦回翔而赴節。方資共樂,豈間微情。工師奏技,咸踴躍以在庭, 穉孺聞

#### 隊 名

仙山來絳節,雲海戲群鴻。樂隊

## 問小兒隊

侣,欲陳振袂之能。必有來誠,少前敷奏。六樂充庭,九賓在列。何彼垂髫之

## 小兒致語

臣聞正月上日,萬彙所以更新, 群

「振振」、《七集・内制集》附《樂語》作「師師」。

0

本卷以下各文有補「樂隊」二字者,不重出。 「樂隊」二字,原脱,據《七集·內制集》附《樂語》補。

都場。 還 專,伏候進止。 輸 其有文章,昭然若揭日月。 惟 風 金,奏鈞天之廣樂; 臣 咸》《韶》之韻 皇帝 已 圭璋於鄰使,受圖籍於春 嘉 告 國之琛; 賓 臣等沐浴太 陛下,子 於先春。 四 方於 南極老人,出效萬年之壽。 是觀 來 及此 蹌 九 揚 平, 禮。 有 良 跳毬舞索,戲 鳥 , 天覆兆 詠 辰,設爲高會。 獸 雪方 之間。 歌 安西都護,來 ·朝。 新 占於 歲。 民。 擊 平 未 上 樂 焕 石 敢 鼓舞 恭 瑞 摐 之 乎 自

#### 勽 雜 劇

笑,期有悦於威 金絲徐韻,雜劇來歟 以 雅 以 南, 顔 既 畢 舞 陳 綴暫停,優 於 衆 技 詞 載 間 色 作。

#### 放 小 兒 隊

酒 闌 金 殿, 既 均 湛 露 之 恩 漏 減 銅

白

而

#### 集 (英殿春 宴 教坊詞

袖

以言歸。

再拜天堦,相將好去。

壺

曲

盡

流

風

之

妙。

望

彤

墀

丽

申

祝

整

翠

教坊 致語 中 和 化育

萬

壽排

場

平, 正; 雖 庭。 舜 莫之春; 幸此 麴 六聖之典謨,斟 惟皇帝陛 孝,人已誦於堯言。 糵 北流軌道 聖朝 雪陽春,莫致天 群賢 稍寬中昃之憂,一均湛露之澤。 臣 今樂猶 聞 下, 人 而 興 陶 惡旨酒 和 五 然 乘 古樂,故 則 酌百王之禮樂。 乾 福 化 壬人退而蠻夷服,西 氣 國。 有 於 鼓 和 作,出 太 顔之一笑; 故得 故 故 民 吹六 平, 飭三農於保 心悦 王 既醉 |彝倫 震 · 藝而 道 無 而 得 敍 天 私 以 放鄭聲。 方 酒。 丽 而 音 介,維 獻芹 祚 方將 水 憲 四 旅 平。 於 土 章 恭 時

音。不揆蕪才,上進口號。 塵法部。幸獲望雲之喜,敢陳《擊壤》之負日,各盡野人之寸心。臣猥以賤工,叨

#### 口號

年同此樂,故應相繼得元臣。已正三階泰,玉琯初知九奏均。● 更欲年令下風雷常有信,時來草木豈知仁。璿璣萬人歌舞樂芳辰,長養恩深第四春。

## 勾 合 曲

治世之音。上奉嚴宸,教坊合曲。祥,喜八風之從律。大合鈞天之奏,克諧太平無象,善萬物之得時, 和氣致

## 勾小兒隊

童,亦遂嬉游之樂。行歌道路,聯袂闕庭。斑白之老,既無負戴之憂, 龆龀之

仰奉宸慈,教坊小兒入隊。

#### 隊 名

初成暮春服,來獻太平謡。樂隊

## 問小兒隊

兆,忽隨六樂之和。宜近彤墀,悉陳來 聚戲里間,豈識九重之奥, 成·

成文綴

意。

## 小兒致語

心 以天下,聖人豈私其身。 攬群才,蓋天授之神策; ❷ 皇帝陛下,道隆而 嗣歲之有年。大啓璧門, 而遊豫爲諸侯度。 臣聞春 為陽中,生物各遂其性, 德備,質文而性仁。 方遲日之無事, 肅陳燕豆。恭惟 故飲食盡 澄清庶政, 忠臣 矧 故

- 即「均」、《七集·續集》卷九、《外集》卷二十七作「純」。
- ② 「授」,原作「受」,據《七集·續集》卷九改。

澤,咏歌昇平。 大樂 嘉賓之並 民 獻 九 以寶 敢干宸聽,伏俟俞音 成, 集。 符 固 海 廣 顧 幸以髡髦之微 場千 函 良 於 辰 雜 樂 步,方山立於衆 技。 事之難并, 臣 一等沐 得 參 宜 浴 群 工 膏 臣 羽

### 勾 雜 劇

來歟? 歡, 少 臚 進 傳 群 已 久, 優 之技。 陛 楯 將 緩 更。 調 宜資載 絲 竹 笑 雜 劇 之

## 放小兒隊

沂 陳,示不遺於小物。 水之歸。 清歌 、屢奏, 再拜天堦, 蓋 曲 既 盡 相將好去。 於下 畢 沛 風之 情 ; 和 妙 舞 稍 同 載

### 勾女童隊

燕私之樂,下侍於臣工, 靡曼之觀,

宸歡,兩軍女童人隊。 聊同於俚俗。審音而作,振袂稍前

#### 隊 名

瑞日明歌扇,仙飇動舞衣。樂塔

## 問女童隊

施,集彤庭而有待。欲知來意,宜悉敷陳。工師奏技,侍衛聳觀。顧游女之何

## 女童致語

帝陛 諸。 文武 並 良 故 倉 應,禮樂將興。 辰豈易得哉,亦賢者而後樂 識 庚鳴 齊泰階之六符,走重譯之萬里。 下,温恭允塞,緝熙光明。 妾聞 其大者; 而 聖 蠶女出,游 人 授 民 豈 仁能 以時, 惟 魚 塵 濟衆,堯舜其 躍 土之賤微,敢 王 丽 者 此。 學 靈沼 與 衆 無常師, 伏 春。 同 惟 天人 猶 度 病 皇

間 乾 坤之廣 歌 三終,亦 大。 庶 萬 幾 舞 於頌德。 九 奏,雖未象於成功, 欲 殫末技,少

効寸 誠。

勽 雜 劇

風 斜 御 柳 既 窮 綺 麗 之 觀; 日 轉 劇 庭

槐, 少 進 詼 優 之 戲 再 調 絲 竹, 雜

來歟?

放 女 童 隊

卷,尚觀顧步之餘。 袖 風 回 已 盡 再拜天墀,相將好去。 折旋之妙; 文 茵霞

集英殿秋宴教坊詞

教 坊 致 語

臣 聞 天 無 言 而 四 時 成 聖有: 而 萬 物

> 覩。 呈祥,候秋分而老人見, 陛下,孝通神明,仁及草木。 君子如喜,則必大烹以養賢。● 恭惟 沙而天馬來。嘉與臣工,肅陳燕俎。 以爲福莫大於無事,瑞曷加於有年。 道,守成康之小心。 萬寶之成。吾王不遊,何以勞農而休老 回,亦俯同於衆樂。 壤 臣 近 侯於三夏,諧 等親覯昌辰,❷叨塵法部。 臣之榮觀; ,助矇瞍之陳詩。 清净自化, 庶尹於九成。 驢傳天語,溢兩廡之歡聲。 雖 仰 仰奉威顔,敢進口 華夷來同,天地 屬此 則於 帝 九秋之候, 西夷慕義,涉流 心 宣示御觴, 行堯禹 采謡言於擊 ; 豈 並應。 皇 粲 弟 號。 南 帝 然 不 聳 極

口 號

霜 霏 碧 瓦 尚 生 烟 日 泛 彤 庭 已 集 仙

0 ·烹」、《七集·内制集》附《樂語》作「亨」。

親」、《七集・ 内制集》附《樂語》作「幸」。

蘭 靄 爽氣明宫殿,元祐 靄 秀,從臣誰和白雲篇。 四 多 吉 和聲入管 熙 煕 萬 國 絃。 屢 豐 年。 菊 有 芳兮 高 秋

## 勾 合 曲

## 勾小兒隊

秉翟之儀。上奉威顔,教坊小兒入隊。陳,示四方之同樂。宜進垂髫之侣,來修皇慈下逮,罄百執以均歡, 衆技畢

#### 隊 名

登歌依頌磬,下管舞成童。樂隊

### 問小兒隊

知,人簉工師之末。欲詳來意,宜悉奏陳。大君有命,肆陳管磬之音, 童子何

### 小兒致語

力, 曲 沂水,久樂聖時; 粹。 君德無 幸以龆龀之年,得居仁壽之域。 得萬國之驩心。 廣樂在庭。 下,天縱聰明,日躋聖知。 沐浴膏澤,詠歌升平。 臣 而後天之祝,亦各抒於下情。 願陳舞綴,少奉宸歡。 私 聞 天行 日將旦 占歲事於金穰, 有信, 雖擊壤之民,固何知於帝 而 唱銅鞮於漢濱,空慙郢 群 正 : 陰伏。 得 無一物之失所, 秋 未敢自專, 恭惟皇帝陛 望天顔之玉 圃 清風應律, 萬 詠舞雩於 寶 臣等 成,

候進止。

勾 雜 劇

上悦天顔,雜劇來歟? 停逸綴。宜進詼諧之技,少資色笑之歡。 朱絃玉琯,屢進清音, 華翟文竿,少

放小兒隊

再拜天階,相將好去。庭,曲盡流風之妙。歌鐘告闋,羽籥言旋。回翔丹陛,已陳就日之誠, 合散廣

勾女童隊

集,隱三疊之靈鼉。上奉宸嚴,教坊女童錦薦雲舒,來九成之丹鳳, 霞衣鱗

入隊。

隊 名

香雲浮繡扆,花浪舞彤庭。

樂隊。

問女童隊

緩,忽簪珥之星陳。徐步香茵,悉陳來意。清禁深嚴,方縉紳之雲集, 仙音嘽

女童致語

塵凡。 摹六聖之心,人將自化, 闔清風,理絶庶人之共。 天且 恭惟皇帝陛下,乾健而 不違。 妾聞 仰瞻八采之威,共 鈞天廣樂, 樂兹大有之年,申以宗慈之 空傳 粹,離明而文。 帝 夫何仙聖,靡隔 儀刑文母之德, 慶千齡之運。❶ 所之 游 規 閶

❶ 「共」、《七集•内制集》附《樂語》作「自」。

虞韶既畢,夏籥將興。

妾等分綴以

之歡。未敢自專,伏取進止。 須,審音而作, 願俟工歌之闋,少同率舞

#### 勾 雜 劇

和, 敷? 稍 絃 進 匏 齊 迭 奏, 諧 之 干 技。 羽 畢 金 陳。 絲 洽 徐 聞 韻 舜 雜 樂 之 劇

## 放女童隊

行。 淵 淵 再拜天階,相將好去。 ,復奏言歸之曲 羽 觴 湛 湛, 方 陳《既 峨鬟佇立, 斂袂 醉》之詩; 鼉 鼓 却

## **興龍節集英殿宴教坊詞**元祐二年

## 教坊致語

符祚 漢,實開受命之祥。 臣 聞 帝 武 造 周 已 兆 非 興 天私 王 之 我 迹 有 日

> 之正。 蘭之會, 首太平。 戢之詩,作君臣相悦之樂。斯民何幸, 福。 惟聖 口 齊累聖之仁。夷夏宅心,神人協德。 焕乎有文,日講六經之訓; 而戴后。 七百,方過歷以承天, 在泮,復通 號。 恭惟皇帝陛下,睿思冠古,濬哲自天。 乃 作 瑞 願賡擊壤之音。下采民言,上陳 彤庭振萬,玉座傳觴。 臣猥以微生,親逢盛旦。 神 玉 西域之琛。 主。 旅庭,爰講 仰 止 誕 式燕示慈,與人均 有臣三千,咸一心 比鄰之好; 彌之慶, 述而不作,思 誦干戈載 集 始慶猗 於 卜年 建 丑.

#### 號

口

黑 共 紅雲裏,試問清都侍從臣。 知若 Ш 歸 凜 屬 木 凜 國,給扶黄 初 重 升 朣 旦, 日 月 且 新, 髪 種 拜 蟠 四 嚴 桃 方驚喜識 宸。 莫計 紫皇 天人。 虚在 請吏

勾 合 曲

宸嚴,教坊合曲。 願觀於備樂。羽旄在列,管磬同音。上奉願觀於備樂。羽旄在列,管磬同音。上奉

勾小兒隊

隊 名

兩階陳羽籥,萬國走梯航。樂隊。

問小兒隊

庭,必有可觀之技。未知來意,宜悉奏陳。工師在列,各懷自獻之能, 侲子盈

小兒致語

化。 誕日 聖; 篤生我后。 上帝所眷,錫以聖神之子孫。 自專,伏取進止。 洛書開五 於自然。 廣淵,剛健篤實。 至,傾萬宇以來同 河。若帝之初,達 載臨,輿情共祝。 欲陳舞蹈之意,不知手足之隨。 臣 誦《書・ 聞 福之祥。 歌《詩 生 瞻舜瞳之日月,望堯顙之山 民 無 以 思齊》,見文王之所以 來, 逸》,法中宗之不敢 識 四聰於無外; 臣等嬉遊天街,沐浴皇 文武 恭惟皇帝陛下, 未有 神筴授萬年之第, 之大者,體仁孝 祖宗之仁厚; 孚佑下民, 如川方 未敢 齊聖 康。

勾 雜 劇

散,又陳八佾之儀。舞綴暫停,伶優間作。金奏鏗純,既度九韶之曲, 霓衣合

再調絲竹,雜劇來歟?

## 放小兒隊

再 陳,識天慈之廣大。 拜天堦,相將好去。 遊 童 率 舞, 逐 物 清 性 歌 之 既闋,疊 )熙怡; 鼓屢催。 小 技 畢

### 勾女童隊

諧。 微,●敢 上奉威顔,兩軍女童人隊。 垂 獻 鬟 在 南 列, Ш 之壽。 斂 袂 稍前。 霓旌坌集, 豈 知 北 金 奏 里 方 之

#### 隊 名

君臣千載遇,歌舞八方同。樂隊。

## 問女童隊

能,造彤庭而 摻 撾 屢 作, 獻 技。 旌 斾 欲 前 知來意,宜悉奏陳 臨 顧 游 女 之何

### 女童致語

伏候進 辰,欲 載路。 有; 龍 乏流風之妙, 牡》之章。 昭曠,受命穆清。 動人天,春還草木。 下集,適同浴佛之辰。 妾聞 的均景 四 啃 輦出房 人迪哲, 瑞 妾等 福。 Z 願 而雷 來 幸 輸 庭設 翔, 知享國之無 三后在天,宜興王之世 · 覯 昌 率 動,扇交翟以雲開 恭惟皇帝陛下, 舞之誠。 共 九賓之禮,樂歌 1期,獲 紀 佳 氣 、 生 商 窮。 瞻文陛。 未敢自 充 之兆 庭, 乃眷 凝 和 四 神 聲 良 雖 喜 群

### 勾 雜 劇

陳, 示 清 俛 净 自 同 化 於 衆 雖 樂。 莫 測 於 金 宸 絲 心; 再 舉 詼 雜 笑 雜 劇

#### 來 歟?

### 放女童隊

再拜天階,相將好去。成,曲盡回風之態。 龍樓却望,鼉鼓屢催。分庭久立,漸移愛日之陰, 振袂再

## 興龍節集英殿宴教坊詞

## 教坊致語

古温 隆 同 及 用於何言。 命之符,萃於兹日; 《我民。 星 趨 晷,齊六符而泰階平; 文,乘乾剛粹。 鎬燕,争頌華封。 臣 聞天所眷命, 候南極之祥輝,交 故得六聖承休, 生而神靈。 體 實萬 恭惟 生 知 世 皇帝 北 而 無 河行地中, 靈眷佑。 猶 鄰 疆之福,延 惟三代受 學,藏 陛 之瑞 ۲, 節。 妙 稽 德

> 采民 勾 嘉 以 無 九 萌 私 祥。 疇 八千歲爲春秋。 必達。 言 於 丽 夙設 ,得三萬里之謡誦; 臨照,葵藿自傾; 彝 倫 臣等濫塵法部,獲造彤墀。 九賓於庭,遍舞六代之樂。 E 屬誕 不度蕪音 彌之令旦,履長發之 天有信於發生, 0 敢進 登歌壽斝, 口 .號。 下 日

#### 口號

未消三 争相賀,却笑華胥是夢間 觀 書已獲千秋鏡,積德長 風 務起,壬人不用五 卷 雲舒合 兩 班, 疃 **立**兵閑。 爲 疃 萬 瑞 歲 日 山 相逢父老 映 天顔 臘雪

#### 勾 合 曲

舞,浹和氣於敷天。上奉宸歡,教坊合曲。 笙磬同音,考中聲於神鼓, 鳥獸率

● 「誦」、《七集·内制集》附《樂語》作「頌」。

#### 勾 小 兒 隊

天

聖,陶 人隊。 至化於自 技旅庭,振 然。 歡聲 上 奉 於 皇 無 一威,教 外, 坊 游 小 童 兒 頌

#### 隊 名

壤歌皆白髮,象舞及青衿。 樂隊。

#### 問 小 兒 隊

墀,忽變驚鴻之狀。 跳 踉 廣 陌 初 疑 欲知來意,宜 竹 馬 之遊 ; 一悉敷 合 散 陳。 彤

#### 小 兒 致 語

祝 外 湛 薄 露 戎 均 恭惟皇帝陛下,神武不殺,將聖多能 臣 夷。 恩 聞 流 與天下共享其樂。 咸欣 虹啓聖,非 載 夙之辰,共獻 人力所致之符; 旁行海宇, 無 疆之

勾

雜

劇

候進止。

金絲徐韻,雜劇來歟 弛,豈文武之常行。 樂 且 有 儀, 方 君 欲 臣 佐歡聲,宜陳善謔 之 相 悦 張 而 不

#### 放 小 兒 隊

兆; 猶斂袂以回翔。 末 技 畢 陳, 下 情 再拜天堦,相將好去。 無 壅 既 成 文 於綴

學樂父師。 曼之觀,庶 赴音俛仰, 書於西學。 善,輔成經緯之文。 生德於予, 亦少效於涓 備太平之福。 載臨誕 就 既 列紛紜,雖無殊於 禀 徇 日, 俛答輿情。 法慈儉於東 齊之質 塵。 臣等微生齠 未敢自專,伏 人樂 朝,紬詩 、鳥獸; 非爲靡 告以

#### 勾 女 童 隊

入隊。 路,泛回 飛 步 雪於錦茵。 壽 Ц, 起香 上 塵於羅襪; 奉宸顔,兩軍 散 女童 花 御

#### 隊 名

生商來瑞鳦,●浴佛降群龍。 樂隊。

#### 問 女 童 隊

合,豈草木之無知。 玉座天臨,雖 仙凡之有隔; 密邇天堦,悉陳來意。 翠鬟雲

#### 女 童 致 語

同。 皇帝陛下,睿文冠古,神智無方。 三稱,隱歡聲於靈岳。天人並應,夷夏來 雖云北里之微,敢獻華封之祝。 妾聞千里一曲,變澄瀾於濁 河, 同堯舜之 恭惟 萬歲

> 年。 而無極。妾等幸緣賤藝,獲望威顔。 性仁,而能濟衆; 磬之音。 於庭,欲赴干旄之節, 東海,傾壽斝而未乾, 共欣建丑之正,再覩興龍之會。 未敢自專,伏候進止。 陋成康之刑措,猶待 汗竹南山,書頌 間歌以雅,庶 振萬 桑 田

積

#### 勾 雜 劇

妙, 以 舞 資 綴 暫 載 停, 笑 之歡。 歌 鐘 少 上 悦 闋。 天 必 有應諧 顔, 雜 之 劇

#### 來歟?

放 女 童 隊

立,漸移愛日之陰。 振袂再成,曲 盡回 再拜天堦,相將好去。 風之妙; 分庭久

0 鳦」、《七集·内制集》附《樂語》作「氣」。

# **坤成節集英殿宴教坊詞**元祐二年七月十五日

### 教坊致語

贐 后駿 從而 所難 之咸安,莫知 契天人,德超載籍。 故得萬國之歡心。恭惟太皇太后陛下,道 之仁,常恐一夫之不獲; 帝陛下,文思天縱,濬哲生知。❷ 時育物,必有繼天之功。 使斯民,咸歸壽域。 一聖之朝。 陰靈之既望。 奔。 萬物覩,日月照而 洞 臣 庭 聞視履 修己安民,雖虞舜其猶 寶鄰 九 ' 式燕示慈,與民同樂。 奏,始識 天 通 考祥,既占懷月之夢; 地 帝於是日,誕降仁人。 ДŲ 之何 [牡之歡 共慶千秋之遇,得 知人則哲,蓋帝堯之 咸池之音; 四時行。 力。 方大火之西流, ,航海致重譯 躬蹈曾閔之孝, 三宫交 自然動 病。 力行禹湯 恭惟皇 靈 慶, 風 雲 植 生

> 民 呼 言。 ', 共 獻後天之祝 上瀆宸聰,敢 陳 臣 П 等叨 號。 居 法 部 輒 采

#### 口 號

元祐 歸獻壽,蓬萊清淺半桑田 文母憂勤 三朝 三千牘,樂奏坤 遺 初 老九 化俗,曾孫 門前,又 成 第 仁孝已通天。 (見承 篇。 子平大 欲采蟠桃 有年。 史書

## 勾 合 曲

聞 陳,韻金絲 笙磬之同音。 秋風 協應, 而間 生殿 作。 上奉 宸 欲 閣之微涼; 觀 顔,教坊合曲 鳥獸之率舞, 廣 樂 具 願

### 勾小兒隊

朱干玉戚,本以象功, 白叟黄童,皆

●「濬」、《七集・内制集》附《樂語》作「睿」。●「懷」、《七集・内制集》附《樂語》作「衷」。

上侑皇歡,教坊小兒入隊。 知頌聖。盍命髧髦之侣,來陳舞勺之儀。

隊 名

願同千歲樂,長奏太平謡。樂隊。

問小兒隊

小兒致語

藹瑞 及本枝,天胙太任之德。● 惟皇帝陛下,文思稽古,濬哲在 東朝之歡,率 無 臣 氣之盈庭。 德 聞 丽 功存社稷,慶鍾 能名; -用家 嘉與四方,同 人之禮。 保 祐之功,如 高密之門; 候西風之入律, 以 稱萬壽。 謂 躬。 天之 慈 儉 日 奉 難 之 恭 澤

陳振萬之儀。未敢自專,伏取進止。雖在弱齡,久陶孝治。敢率垂髫之侣,共報。惟流傳於歌舞,庶髣髴其儀刑。臣等

勾 雜 劇

文,少進俳 上樂天顔,雜劇來歟? 鸞 旗 日 諧 轉, 之技。 雉 扇 來陳善 雲 開 .戲 暫 以佐歡聲。 回 綴 兆之

放小兒隊

袂以徘徊。 臨,知下情之無 青衿 旅 再拜天階,相將好去。 進 壅。 雖 末 既 技 成文於綴 而 畢 陳; 兆,爰整 黄 屋 天

勾女童隊

彤壺漏箭、隨雞唱以漸移, 絳節綵

■ 「胙」,原作「作」,據《七集·内制集》附《樂語》改。

髦 聞 鳳 簫 加 自 舉 0 宜 召散 花 之侣 來

陳 隊。 口 雪 之 姿。 上 奉 宸 歡 , 兩 軍 女 童

隊 名

金 風 回 翠 袖 、玉琯倚清歌 樂隊。

問 女 童 隊

密邇天階,悉陳來意。 庭,忽集壽 鳳歌 諧 山之下。 律, 方資燕 低鬟有待,振袂欲前。 俎 之歡 ; 鷺 羽分

女 童 致 語

物。 仲興周,胙本枝於百世。 坤 新。 膺昊穹之成命,席累聖之詒謀。 妾聞塗山啓夏, 永載無疆之德; 恭惟皇帝陛下,舜 來 玉 以天下養,躬持胥 孝自 帛 嘉 辰 於 天,堯 共 萬 、樂、壯 邦 惟 地 浹 觀

> 於儀鳳。 盛 樂之觴。 專,伏取進止。 旦,獲望嚴宸。 願陳 六樂在 舞 庭,百工奏技。 綴,上奉天顔。 藝 雖 愧於驚鴻, 妾等 未 敢 已 親 自 先 逢

勽 雜 劇

風

蓋,

日

槐

歡,必有應諧之妙。 清 羽 轉 暫 回 庭。 舞 、綴,少進詼辭。 欲 資 載笑之

上悦天顔,雜劇來歟

放 女 童 隊

陳,曲 袂以言歸。 八音 盡回 間作,既 翔之態。 再拜天墀,相將好去。 成 望 皦繹 彤 闡 之文, 而却 萬 舞 斂翠 畢

四

兵漸覺腰

無

犢,種

方知福

有

田

彤管

何

書後會,椒花

椿

頌 德

一時編

甲子會逢

朔旦,歲

屋行

看

兩

周

天。

0

消

#### 致 語

壽維 傾 楚南之靈木,莫計春秋。 却狄安邦,襲武烈之餘慶。 仰成之政。 高任 道俗讙謡,天人協應。 孫效誠於兹旦。不煩 月,與元日爲三申。 新。 姒,德配唐虞。 旋復陰陽,配 采民謳於擊壤,效樂語之陳詩。 雖絳縣之老人,難 寶慈與儉,蹈光 五支於六幹, 上推 神后 巧歷,自契真符。❷ 太皇 顧 降慶於當年,曾 臣賤等草茅, 三朝 獻之成規; ❸ 託 太后陛下,功 窮甲子; 之心,下 順 誕彌 履, 布 如 萬 歲

#### 口 號

媧 得 道 自神 仙 , 金母長生不計 年。

意代樂部致詞,似亦可爾。」

稱謂,如此頌美,斷

非坡公自作。

趙瞰江云:

然愚

卷四十

貼子詞樂語

#### 黄 樓 致 語 口 號

之 勞; 樓,適及重陽之會。高高下下,既休 百 ]1] 歲歲年年,共睹茱萸之美。 反 壑,五 稼登場。 初 成 百 尺之 恭惟 畚 鍤

致語」。 齊日 致 語 口 號」、《外集》卷二十七作「太皇太后誕日

0

符」、《外集》作「無」。

獻」、《外集》作「憲」。

神」、《外集》卷二十七作「成」。

6

樓致語」。 ·黄樓致語口號」、《外集》卷二十七作「徐州重陽宴黄 ·兩」、《七集·續集》卷九、《外集》作「百」。 原注"「時水已退。」清盧文弨校"「如此

三 五

之豪傑; 而取 與徐民,長爲佳話 壯觀,破西楚之淫名。 知 府 ·羡材、●因備災而 [學士,民人所恃,憂樂以 鼓鐘殷地、◎竦萬目之觀瞻。 成勝事。 賓客如雲,來四 時。 起 東郊之 度 餘 方 力

賞風月,使君留意在斯民。 尚遶當時國,城郭猶飄 不用游從誇燕子,直將 新柱石壯嚴闉, ●更值西風落帽辰 廣 氣燄壓波 箔 塵。 神。 誰凭闌干 Щ Щ

#### 趙倅 成伯母生日致語口 號 0

敢資於陶母。 雜茱萸以稱觴。❻ 獻香,願祝大千之遐算。● 慶婦姑之同日, 昔年占夢,適當重九之佳辰, 但某叨居樂部,●忝預年家。 殺雞已效於龐公,剪髮 今日

不 度蕪材,上塵口 今朝壽酒泛黄花、鬱 鬱 葱葱 氣滿 家

.號。❸

願得唐兒舞 曲,●莫嫌國 小向豆 .長沙。

### 王氏生日致語口 號

年,喜花枝之未老。 人中五日, 知織 事協紫銜之夢, 歡傾 女之暫來; 海 上三

材」、《外集》作「財」。

·殷」、《七集·續集》卷九、《外集》作「隱」。

「新」、《外集》作「時」。

人生日致 「趙倅」至「口號」,《外集》卷二十七作「密倅趙成伯 語」。 題下原注: 「與其婦 子 百 日 故作

6 「願祝大千」、《外集》作「共祝千年」。

0

·茱萸」、《七集·續集》卷九作「茱菊」、《外集》作「萸

「居」、《外集》作「塵」。

塵」、《外集》作「陳」。

願得唐兒舞一曲」、《外集》作「但使唐兒歌

·日」,原作「子」,據《外集》卷二十七改。 莫嫌國小向長沙」、《外集》作「莫嫌小國問長沙」。

籟。 輒歡。 江月之升樓。 尋香 子以俱仙。 桴,已慕仲尼而航海; 早孤 新玉女之年貌,未厭金膏之掃除。 人女郎,蒼梧 髮之兒。 而來, 苒天風之引步, 聊設三山之湯餅,共傾 ,●潛炊 采楊梅 東坡居士, 鐏 相 仙裔,南海貢餘。 而朝 人 助 相 飛,擘青蓮 逢 歎張 五絲繡鳳,將從老 杯徑 俎 鎬之没 九醖之仙醪。 千峰,笙簧萬 此興不淺,炯 而暮 醉。 憐 興, 萬 謝 返。 · 伏 里 遇 以 乘 長 酒 之 某

太白 爲子壽 水色聊同夜,髮澤膚光自鑑 猶 羅 逃 浮 ,坐看滄海起揚塵。 水仙洞、紫簫 Ш 下已三春,松筍 來問 人。 玉華君。 穿階畫 萬户春 掩 天 容 風

#### 寒 食宴 提 刑致語 號

良 辰 易 失 四 者 難 并。 故 人 相 逢,五

> 邦,締交册府。 間。 可無七字之詩。❸ 不腆之辭,意勤於地主。力講兩君之好,❷ 翊,翁子暫還於會稽。 乎斯民,文章蓋 提刑學士,才本天授,學爲 徑 時乎不 醉。 況 可 中 ·年離· 再 莫逆之契,義等於天倫 其餘 來 欲使異時,傳爲 ,賢者而 合之感, 事。 知 府學士,接 望之已試 人 後 IE 師。 樂 寒 ∾盛事。● 此 食 事 清 於馮 好 業 恭 明 存 惟

斗

按部 留 半道 客意,折花臨水更徘徊。 己 威尤凜,歷 雲間畫鼓疊春雷,千騎尋芳戲 逢 Ш 簡醉,萬人争看謫 下懷仁 |首重| 回。 仙 來。 還把去年 馬臺。 淮西

端」、《七集•

續集》卷九作「瑞」。

0 0

<sup>「</sup>字」、《七集・續集》卷九、《外集》作「子」。 ·力」、《外集》卷二十七作「方」。

傳爲」、《七集• 續集》作「争傳」。

# 蘇軾文集卷四十六

#### 啓

#### 謝 制 **科啓二首●**嘉祐六年

刑。 之於考試,而掩之於倉卒,所以 者。 然而才行之迹,無由 變者恐人才之未盡,故詳於採聽,而略於 制治之要,❸惟有取 司之不公,故舍其平生,而論 言,❷誤占久虚之等。忽從佐縣 時。兹二者之相形 内自顧於無堪, 凛不知其所措 臨軒策士,方搜絶異之材 右軾啓。 今月某日, 人之難。 一而深 ,顧兩全而未有。 知, 蒙 其 恩 用法者畏 爲無私也 日, 授 委之於察 擢 前 隨 恭 件 與 問 有 惟 評 獻 通 官

> 見尤。 不 與 博者又須守約而後取,文麗者 其行己之大方,然後責其當世之要用。 而能 舉 能孝而恭,在官者能 中年輒下明詔,使兩 是賢良茂異之科,兼用 以爲有 屬之風,或因 可 (中書之召命,已爲天下之選人。 而要之於久長,所以爲無失也, '測知之論,以觀其默識之能, 不變,邀之以寵 特於萬人之中,求其百全之美。 弊,魏、晉中正之所以爲多 而 滋 長。 利 廉 制各舉 而能 丽 考試察舉之法。 此 慎 隋、唐進 作所聞。 不 或以 臨之以 回 用寡 姦。 在家者 士之 既已 而 然 又有 患 無 而 所 ता 難 得 每 所

0

六

作

0 0

至」。

謝 制 啓二首」《七 應中

制」,郎本卷二十七、《七集·前集》卷二十 隨」、《文鑑》卷一百二十二作「通」。

微軀,

自今爲許國之始。過此以往

一,則其人之可知。 效其 博通之實。● 然猶使御史得 至 於 以 此 求 丽

不

問

之策

以

去

莫不 之望 甚愧 能 良之 豪而 容。 其 取 私; 其 疵 出求斗升之禄。 家學,爲文不願於世知。 寵 兹 動 厚。 庸 並 奔 人,位爲時之顯處。 ,得而益 人, 舉,不知才力之微。論事 軾才不迨人,少而自信。 人也如此之密,則夫不肖者安得 ,諫官得以考其素。 終用考試,而無倉卒不 是以始由察舉,而無 趨; 末,亦與甄收。❷ 遊。始不自量,欲行其志。 歷觀前輩,由 讀書疎略,而 慙。 議 論 不謂諸公之過聽 此蓋伏 加,多士以爲進 一此爲 然而志卑處高,德 無以應敵。 聲稱 特以饑寒之憂, 遇某官,德爲 陷清 致君之資; 審之 請 治經 近闊, 所 謁 被,四 ,使與群 議 遂竊 公行 急患 獨 取 傳 而 輒 退 方 之 俊 不 於 而 之 蓋 爲

> 未 知 所

又

言發譴 寵。 常欲挺身而許國。 訓,教以修己而治人。 某生於遠方,性有愚直。 心,期以克終之譽。 ;相乘。 伏讀告命, 軾 以 生,事勢宜 不意聖恩之曲 薄 材 親 重 爾。 承 位卑力薄,自許過深, 積震惶。 辭不獲命,媿無以堪。 大問。 雖爲朝廷之直臣 追尋策問之微意 加 幼承父兄之餘 猶獲從吏之殊 論 嘉其愛君之 議 群 起,予

**芻蕘之説,亟收末學,以輔大猷」。** 夫不獲自盡,以爲廟堂之憂,思天下所以太平,必用 集》作「以堯舜之道輔吾君 德爲世之望人」至「亦與甄收」、《文鑑》、《七集 ,以伊周之業爲己任,恐一 此段文字,據底本

效」,

郎本作「較」、《七集・續集》作「考」。

又」,原脱,今補

原校,「輔吾君」,一

閣本作「致吾君」。

賢 ; 恃,以 世將 許 ; 乃由 選懦 容誅。 盡蒭 爲 遠 ; 固 所 策之及此,又念科目之謂 惟 意 非 昔者 次,猶懼 無 以從容而 數子者,頌 薨之 議 不 此 安危之大 一介之賤,所或 制 爲無 開其 因循鹵莽, 此蓋某官 伏以 · 勝。 似,尚辱 太剛則惡 策 西漢之盛,莫如 然 憂 所 不足以 不 國家取 將 圃 興,世 諱 以 自 端端 許 求二者之中,屬之以事 甄收。 明寬 詠 其 紛紜 羽翼盛時,冠冕多 居,則天下誰 則 又有國之所樂聞 切憤 仰 德 猖 人之科,惟是剛 自謂 稱 曰 能 對。 狂 美,而不 厚之 之所恃,以 無 晁、董、公 悱, 感恩至 當。 不審,太柔 不及, 悼 何。 文、景、孝武之 言多迂 爲知士之所 風。 後 某之不 當 罄其平 害。 及 則 深,求報 羈 以 曰 其 孫之對。 爲定論 闊 危 士。 則畏 奮 柔 竊 志 才, 之 發 使 適 罪 時 勤 以 無 所 舉 其 思 不 過 丽 中 豈 ; 制 道

> 不悦。 之榮,竊喜幸會之至。 其 故 時 君 帝 某才雖 不 者 미 好愛文字, 爲之深言, 不逮,時 或 抑 面 無 見 其 容。 聞 群 於 臣 寬 非 亦 懷爵 將 有 禄 所 豈

### 謝館職啓

載 章 下 不 地 得 國 譏 以待之,蓋亦 育 於泰 ,恩均父 積 丽 才之地非一 家 欲舉明 ,退有簡 取 一歲而 易毀,故 弒 擢賢良方 言 Ш 士之門至多 (主於) 一之固。 後成,故 無 師。 書之畏。 取 篋 可 恭惟 櫝 而册 正之士十 謂 錫 大則 代之隆 封 以 至 命 一**,** 而 府處 先 殖 養其 靦 矣。 欲 過 帝 以 顏 興禮樂以 制 優。 有五 其言 待其 就 臨 全 其 知 舉 列,撫 御 最 寶 進 號 長。 莫不 人。 以 高 玉 知 貽 爲 來 楩楠、 範 己若驚 朋 施等天 璠 首 其志 四 觀 來 冠 友 十二 璵 其 之 莫 難 所 豫

笞戎 機。 風 而況 懼。 惷愚,可爲 負賢者所難之任,争四海欲得之求。 以風四方。不知滿溢之憂,復玷良能之舉。 民。 睽,已 會宗伯之選掄,疾時文之靡弊。 前,學師心 與世常疎。 得喪必争之地。 於遠郡,或尚滯留於小官。 廟堂之崇,或已登侍從之列。 有 則 狄之志; 大明繼照,百度惟 已嘗名挂於深文,不 軾之内顧,豈不自知。 隱 欲 ]爲陳 雖曰功名富貴所由之塗,亦 用 操 顈 人歷 數 危慄。 而無法。 迹, 紨 故雖絕異之資,猶 命 試其能,苟敗事必誅無 以 信賞必 有 名重則於實難 馭 是以一 或擯斥於罪戾,僅 窮 自始操筆, 四 達,時有 夷。 新。 罰,有追 自意全於今日。 參賓幕,輒 理財 然 性任 或死 而 重 流副,論 訓 擢居異等, 知不適時。 有 進 述祖宗之 或反 輕 兵,有 己以 有 不 爲 生 其爲 後 蹈 任 高 毁 協 之 流 直 危 之 則 譽 平

> 之長; 遇 冒,有踰等倫。 下,❷亦當知非分以自慙 度 此 志在斯民,仁爲己任。 寵知懼,庶不至於惰媮。 越 太 平 賢 將求多聞,故引涓埃之助。 豪, 可 ·待之日,豈不 曲 收微賤。 欲報無緣,將何望 欲辦大事,務兼尺寸 - 肖兼 縱不能 0 此蓋伏遇某官 容之時。 力辭 一於頑 致此忝 鄙 而 圃 就 乃

# **鳳翔到任謝執政啓**嘉祐七年

伏 州 瞻 尋已交割訖。 縣,便 自到任已來,日 戀,何翅饑 右軾啓。 以與賓 渴。 佐。 軾本凡 違 去軒 前 夜厲 捫 月 十 躬 屏,忽已改歲。 材,繆承選取。 精。 自 四 省, 豈不 雖 到 無 任, 過 · 媿 幸。 人,庶 忽從 契 向 日 風

- ●「歯」,郎本卷二十七、《七集·前集》卷二十七
- 「就下」,郎本作「不就」。

使服 爲要 救之無術,坐以自慙。 優輕酬獎之名,其實不及所費百分之一。 蠲之課。 粟,西赴邊陲。 任僉署一 搜 幾 揚。 寡 勞而 事。 過 既 無怨。過此以往,未知所裁。 破蕩民業,忽如春冰。 局,兼掌五曹文書。 編 蒙 伏 木 最 惟 栰竹,東下河渭, 深之知,遂有自重之意。 昭 大河有每歲之防,販務 文相 惟有署置之必均, 公, 素 所 内有衙司,最 奬 于今雖 庇, 飛芻 有 曲 姑 有 不 輓 所 加

# 密州到任謝執政啓❸

天與愚 兼人之器,以 矧兹願治之辰,方以求賢爲急。 功,久在散材之目。 帶山 蒙恩授前件差 忠,家傳朴學。 負 海 副 厲 號 精 爲 遣,已於今月三日赴 授 更 持節之邦; 非所稱,愧靡 議 化 論 之 止於汙俗,交 懷。 宜得敏鋭 如軾 多 自任 病 無 任

> 罪戾。 鈍、箠 見收。 並採之路。 師 榮,偶及衰 脱 遊 表萬邦。 網 謂之陳人。 羅 策疲駑。 過此以往,未知所裁。 荷恩至 之患, 鈍。 重使一 欲隆太平極治之風,故 然 深,論報何所。 出 雖 此 卒 佐 無望於功名, 夫之不獲,特捐 蓋伏遇某官股肱 無 郡條,荐更歲籥。 毫 髮之稱。 謹 庶少 當 豈 支 鐫 開 元聖, 逃於 那以 伊 磨 兼 雖 朽 寵 收

# 徐州謝兩府 啓熙寧十年

正 千里之疲 地 上,仍叨藩鎮之雄。 春夏旱蝗之際。 形襟要,當東南 移守 泂 民。 中 如 已 軾者才不逮人,學 水陸之衝; 宜 愧 既見吏民,周 招 得一 陞 之異、 時之循 民 更,以 食艱 覽風俗。 臨 難 安

散材疏惡,徒施封殖之恩。 駑,鐫磨朽鈍。 耕,敢復求於善地。 守符 心存吏役,都忘學術之源。 首尾七年。 下一心。 早塵策府,●自知拙 謂苟全之善計。 足蹈危機,僅脱 頑礦悍堅,實費 上酬天造,次答己知 伏遇某官權衡萬物, 直之難安; 然自往來三郡, 謹當箠 、陶鎔之力; 既未決於歸 風波之險; 策 屢乞 疲

高

### 徐州 謝鄰郡陳彦升啓

感懼之素,敷染難宣。 倖。 常荷於兼 信於中朝,予奪公於多士。 之樂,庭無争訟之煩。 託 恩私。 此蓋某官紀綱千里,儀表一方。 受代膠西,甫違仁庇, 容, 祗見吏民,布宣條教。 勉厲自將,或無忝於知遇。 曾何妄 衰罷無術,既 分符泗 (庸,獲此 郡有 議 溪 論 僥 山

#### 徐州 謝執政獎諭 啓

用。

善告。 方。 賜。 於涓埃。 訓詞,益脩吏職。 伏自河失故道,遺患及於東方, 循下策之施。 灑沉澹灾,無補洪源之塞; 流,受害甲於他郡。 録,遽膺褒詔之榮。 兹蓋 事有服勤,此實守臣之職; 以一夫不獲爲己羞,故衆人皆樂 遂緣過聽,致此曲恩。 過此以還,罔知所措 伏遇某官,左右元聖, 敢圖天聽之卑,乃辱璽書之 深自策其駑鈍 聞命惟驚,反 比緣衆力,獲保孤城 增痺 某敢 培薄,僅 身自愧 師 庶有 徐居下 不 功 保 祗 無 補 服 以 萬 可

- 早」,原作「冒」,今從《七集·前集》卷二十七。
- 方」上,原有「民」字,據《外集》卷二十五删

#### 三四四

#### 登 州 謝 兩 府啓元豐八年

譙,山 翼。 閑。 廢逐 之身。❷ 過此以還,未知所措。 鉛,少答非常之遇; 過,而觀過足以知仁。 而德不形,任重而道愈遠。 蓋伏遇某官,股肱元聖,師保萬民。 齊魯之厚,迹皆秦漢之陳。 爲枯朽之榮。眷此東州,下臨北徼。 五 日 軾敢不服勤簿領,祗畏簡書。 之餘,歸田 右軾 顧静樂之難名,笑妄庸之竊據。● 到任上訖者。 川炳焕; 啓。 蒙恩授 已幸。 傳夕烽於海嶠, 迂愚之守,没齒不移。 息黥補劓,漸 前件官已於今月十 特借齒牙, 豈謂承宣之寄,忽 謂使功不 賓出日 鼓 收 策 曲 俗習 蹇 成 角 於 無 如 才 全 此 用 磨 羽 使 清 麗

#### 罷 登州謝杜宿 州啓

私。 儒 高 内自顧其空疎,必難逃於曠敗。 邦,得竊須臾之樂。 雅 風肅物,●雅望應時。 而飾 感佩良深,敷述奚既 桑榆 吏。 晚景,忽蒙 每假齒牙之論,曲 自非明哲,少借餘光。 %收録 既愷悌以宜民,亦 之思, 此蓋某官 成羽翼之 山 海 名

## 除起居舍人謝啓元祐元年,一 作謝右史啓

效 ; 所,付以名藩。 比者 躋 攀近侍,已再被於寵 誤被聖恩,軫 牧養 疲 民 及棄物。 7,曾未 光。 施 禄 起 於薄 既 於 多 貶

0

竊」、《文鑑》卷一百二十二作「濫」。

<sup>0</sup> 

身」、《文鑑》作「材」。

此蓋」二字,原脱,據《外集》卷二十五

益固 四 重 辭 則 辱見慶。 緣 之莫 功 姻好之私 不 增愧慙。 未遂披奉 可微 獲,念圖 此蓋某官德惟樂善,志務達 冷職 ·, 賁 屬春 既 報 但切傾懷 之未 崇 以文詞之美。 候之向 而 能 責 猶 和,宜 方以 爲 重 ° 爲 捧 福 憂, 讀 禄 數 貇 敢

## 謝中書舍人啓

賢。 雖 實爲 范 躬 風,楊綰用 所,未及朞年; 武子 民散而 無有,被寵若驚。 必 雖 風 右軾啓。 先其 ,晉盗可使奔秦。 俗隆替之漸。 薛居州,齊言不能移 可 而 收 直。 淫 蒙恩 修改 拔茅茹者以彙 擢置 用 授前 度。 竊惟 含既 周行, 必欲致治,在於 件 崔琰進而 誠國 人 見, :官者。 遽参法從。 材 好惡自 是之先定, 進退之間 楚; 加 征 起於 廉 一,傅馬 儉成 而 用 積 省 貶

> 衰病。 恐非 此蓋伏 雋良。 之尚在,憐白首之無 卿士之謀。 重 蒙收拾,已出 雕 溝中不願於青黄,❸爨下無心於宫徵。 Щ 民,而未足以成俗。 , 而 7,力追 蟲之技; 圭璋,上助廟堂之用, 林下士,軒冕棄材。 知所趨,勢有必至。 所 未足 將使士知向 以安愚不肖之分; 遇某官,德配 任隆才下,恩重 前 以以 代之隆。 餘論所加,虚名增重。 優恩。 出 安民, 而從仕,有狂狷嬰鱗之愚。 方, 荐履禁嚴,殊非素望。 歸。 前 是以 雖改定法 少而學文,本聲律 民 寬弛賦役,足 今朝廷方講 報 哲, 亦有耻。 輕。 特借寵 登進耆老,搜求 言爲蓍蔡,下 望隆本朝。 充位 **令**, 直 光,以 而 道 知 丹 如 足 當 已,又 圃 軾 以 以 # 誤 同 心 名 者 安 便 >

0

<sup>「</sup>爲」,原作「當」,據《外集》卷二十五改。

<sup>) 「</sup>願」、《文鑑》卷一百二十二作「顧」。) 「傅」,原作「附」,今從郎本卷二十七。

谷。恐懼戰越,不知所裁。不足以解卿大夫之憂。早夜以思,進退惟

# 除翰林學士謝啓●元祐元年

之評; 朽鈍,亦 豈期 配先民, 與 之見及。其爲感佩,難盡敷陳。 愧 %晚節, 并。 叨 奉 踐 雅 望 内自 寵 量 隆 高 復與英遊。 恩,擢 兼 華。 多 顧 容, 士。 於衰遲, 居禁 方脩問之未皇,遽 曲借齒牙之末。 至誠 此蓋伏遇某官, 近。 樂與,共 宜 退 任 逾器 安 (於冗 推 表,憂 移 致 人 散。 兹 物 書 德

# 杭州謝執政啓元祐四年

**颜數四。湖山如舊,魚鳥亦怪其衰殘,大恩難報,終爲有愧之人。到郡浹旬,汗右軾啓。小器易盈,宜處不争之地,** 

景。❷ 相之言。 催科,自占陽城之考, 得保始終。 善而矜不能,與 此蓋伏遇某官,輔世 争訟稍稀, 劇,庶漸即於安閒 軾敢不欽承令德,推本 庶寡悔尤,少償知遇。 吏民習 指步武於夷途,收桑榆之暮 入不 知 顧 其 求 以 、遲鈍。 此意 文 德 姦容獄市 事 備。 愚,亦蒙徼倖。 上心。 君以仁。嘉 雖尚嬰於寵 故令狂直, , 敢 師 政拙

# **潁州到任謝執政啓**元祐六年

惟汝水之名邦,乃裕陵之故國。人醇事邦,輒爲西湖之長。皆緣天幸,豈復人謀。入參兩禁,每玷北扉之榮, 出典二

<sup>□ 「</sup>除翰林學士謝啓」, 郎本卷二十七、《七集·前集》卷

<sup>□ 「</sup>桑」,原作「暮」,據郎本卷二十八、《七集·前集》卷

定州到任謝執政啓元祐

時。 難 海,得同品物之安。 簡,地沃泉甘。 生之可老。 既。 元老廟堂,自有權衡之信, 恭惟某官,嘉 豈惟暫養於不才 感 就經世 佩之私, 茂 ´\*, 抑 餘生江 筆 舌 亦 範 此

# 揚州到任謝執政啓元祐七年

隙輔 瘼,勉盡鄙才。 獄市之清。此蓋伏遇某官,師保斯民, 見吏民,具述朝廷之意, 龜當代。折衝禦侮,已獲萬人之英, 江、淮之衝 獲,足見廟堂之兼容。 擇地 疎,更收一木之用。 丽 要。 安,本非臣子之達節,有求 但未歸田之須臾,猶思 舊游所樂,習俗相諳。 釋汝、潁之清閒,當 軾敢 不爲條教,自然 不益求 報 民 必

> 未亮。 稽之請。歸依之至,筆舌奚周。 安國,既倦北平之遷, 容一介之微。眷此餘生,實無他望。 燮和天人,方遂萬物之性; 地,以養衰年。 逢聖世之休明,未分昔人之憂患。 無成效, 愚忠自信,朴學無華。孔融意廣才疎,訖 長,今以乏人而授。 一障之乘。坐食何功,捫心知愧。伏念軾 燕南趙北, 昔稱謀帥 伏惟某官,躬行周孔,力致唐虞。 嵇康性褊傷物,頻致怨憎。 終成命之莫回,悼此心之 幸此 惷比方回,終有會 四夷之守,忘 之難; 虚受海宇,固 故求散 尺 老如 短 叨 其 寸

#### 一三六

## 謝秋賦試官啓●

無 賤之間,亦因遂闊。 面 用,古風遂忘。 者,亦無 以 以 曲 君 皆出於刑 之所常行 可與言化,通《春秋》者長於治 子在田 用 運 無學古之功; 治民者 爲之防。 儒 諸掌。 伏 之實。 王公大人,顧雕蟲而自笑。 以 詩 施 書 野之間,亦學 ,於六經可 聖人設 於民。 賦 固 使學者皆能明其心,則天下 降及近世 ,故儒術不通於吏事。 不 顧兹媮弊,常竊憫嗟。 終始之意,曾 本 場 文章 於學; 上之人 屋 遊庠校者忘朝廷,讀 下之士有學古之意, 以 後 ,析爲二塗。 爲 之教 備見。 進,挾聲 介有用 政。 而其 示相 人。 本 故 儒之名,而 事爲之制, 所 以 知 沿 技 舊學 凡 蓋三代 以 惟 禮 御 以 樂者 爲 其 王 民 非 無 相 學 所 政 可 法

> 兼容; 將觀 泥於古,不牽於今。 曆書。條任子之便宜,訪成均之故事。 不 之心,●考其 觀其發問於策,足以盡人之材。 聯,付之文柄。 明習政事,而皆有本原, 天下之務; 爲迂闊。 官,才出間 當世之大賢 磊落不羈之士。使天下知文章誠 用法至寬,而犯令者未嘗苟免。 世之系望,上 世,志存 (詩義; 孰拯 旋居要職,又爲儒者之宗。❸ 命題 :生民。 先王之墜 非有苛碎 甚易,而不肖者無 深悲古學之廢,訊 一所深 守持經術,而 曩 典? 在 知。 難知之文 布 講求先聖 衣,能 輟 伏 自 惟 以 所 朝 不 誦 某

0 0

0

<sup>「</sup>鼓」が、二集・曹集》を「書」の、二等、曹集》「謝」上、《七集・續集》卷十有「及第後」三字。

<sup>「</sup>宗」、《七集・續集》作「師」。《七集・續集》原「技」、《七集・續集》作「律」。《七集・續集》原「技」、《七集・續集》原

<sup>「</sup>講求」、《七集•前集》卷二十六作「欲聞」。

所措。 偶緣大 所 辱賢 鹽之間 並 病 於今遂忘。 以 而 自 遊 拙 自 制 (材之舉。 ,不能當世俗之心, 新 顧 庇,粗 ,碌碌於塵埃筆 ··; 知 沛然如假之舟航,臨 力報 聲律 之者 軾才無他長,學以自守。 遂 之末 翻然如畀之羽翼,追逸翮以 一名。 不足以入官。 茅 至於 由 楚之地 方將區 捐 感懼之懷, 舊。 奏籍有名,大懼 長 區 失之者 疇昔 川而獲濟。 雖識 於簿書米 所 不 爲 恩之 固 知 文 因

## 謝監司薦舉啓

前 加 之性, 不 薦 論 猥 ·復周 而去之, 以 愚 自 庸 防 省 虚 識 丽 孤 一過蒙 則爲有 禍 慮 危 福 後。 之機。 加之衰 知 功 動 遇 觸 病。 但知任己 時 既 引 忌,言 免尤 丽 生而 進 之,亦 爲 以 賦 身 直 朴 復

> 畏簡 務掩 望至 心。 過 日不 而 或 此 退 招 足。 以還、未知所措 書,益自修飭。 無 覆於小 重 悔。 顧 歸 主 兹 特矯世俗 自 鈍 知已 過。 非 頑 知 不 深。 其爲政之雖迂,歲 憐其謀身之甚 誰 以 肯 利 ,借之齒牙。 豈云報德,苟不 方將長 收 禄 録 爲 意。 育 伏 而 於 惟 拙 軾 群 某官 敢不 有 進 辱 材, 餘 絶 厚 知 祗 望 時 車 爲 丽

## 謝監司啓二首

優借。 部,實 寵。 足 舊德之賢,當聖 以 未皇盡 感銘 理 近 有賴於庇庥; 此爲過幸,豈復勝言。 財 審 下 車 既 意 先 聲 所 臨 切 以 輒 朝 愧 占 嘗進 之選。 惕 詞 并深 **雪**,公議] 惟是孤 記 不 恩足 啚 同 徒 恭惟 蹤 謙 欲聞 以 光 更 某官 濟法,義 曲 遽 凡緊屬 名 錫 於 以 褒

又

謙光。 真。 徒益 言非 尚 粗免於譴訶。 吏畏民懷,既仰安於明哲, 下風 熾,參對未期。 ,倍仰厚德。 厚 書,固未紓於誠 伏 理財不愆於義,行法不失其恩。 念傾蓋若故,雖 顔 退屬紛縈,遂疎上記。 恭惟 喜抃至深,敷 伏冀精頤,别即迅召。 某官造道 不圖 意。 自 幸會、遽隷 慰 即 陳莫罄。 惟 心勞政 膺 於宿 深,養氣 遽 寵 叨榮問 心; 復,實佩 屬 拙 煩 竊聆 二, 庶 封。 歊 以

## 謝本路監司啓❷

深於卧鎮。 聽,遂分疆場之憂。 多病早衰,屢有 敢緣厚德, 才 江 尚許 無 湖 取 之 兼 請 於 容。 折 伏 誤 惟 愧 恩 某 過 己

> 顧 官 罄瞻依之頌。 流殍之災; 惟朽鈍,得 紳 奉 肅 教 振 隆 條。 臺 中外。 風, 但交欣悚之懷,莫 吏若 承 官 親臨之畏。 一帝 澤、民忘

## 謝監司禮啓❸

之易治,幸衰拙之少安。 代之名臣。 盡 碩德庇民,宏才緯世。 和,今乃四夷之守。 之光, 燕南 趙北, 蒙霧 **豈謂寵榮,曲** 丽 昔 行, 爲 觀 百戰之場; 坐獲 餘膏 累 此蓋 加 朝之命 不知之潤。 疲陋。 所燭,常分無 伏 遇某官, 帥, 顧 地 吏民 皆 利

- 「固」,原作「故」,據《外集》卷二十五改。
- 底本原校: 一作「答漕使啓」。
  ・協本路監司啓」、《七集・續集》卷十作《答漕使
- ❸ 「謝監司禮啓」、《七集·後集》卷十四作《謝諸郡啓》

吹揚之賜。言朽鈍,未遂顛隮。勉加策勵之勤,少答

## 謝交代趙祠部啓

淮陽。 祝頌之素,寫述難周 復,豈罷陋之所堪。 而 物,雅望在人。 雖甚内慙,實爲大幸。 民交慶。 . 行直道。久試蕭生於馮翊 近審 眷此東原,幾爲大澤。 夫何駑蹇之步,偶 新命,屈領此邦。 以博學而濟 望公之來,以日爲歲。 恭惟某官 E 兹糠 雄文,以高 ",猶煩 名實所加 尚呻吟之未 1,清名 粃之先。 長 流熱 ~¨; 吏 才 肅

## 謝吕學士啓❶

遠絶茅衡之棄。矧此國家養賢之地,豈爲文學之選,人才所難。邇無世禄之嫌,

選掄,益登清要。未遑馳問,先辱惠音。益友,文史足用,❷曾不愧於古人。果膺志本爲己,行浮於名。直諒多聞,固可追於儒者竊位之私。某官學古人官,脩身以道。

## 謝王内翰啓

欲求 復先王之舊迹。 有所裁。 之氣。使龌龊者望而 齪,而不能有所爲。 下豪俊之塗; 本朝更制,漸復古 於無度; 右軾啓。 ·倜儻超拔之才,則懼其放蕩,而或至 此聖人所以 欲求規矩尺寸之士,則病其龌 竊以取士之道,古難其全。 精取詩賦,以折天下 元臣大老,皆出此塗。 風。 進士之科, 昔稱浮剽。 網羅天下之逸民,追 不敢進,放蕩者退 博觀策論,以 英雄 開天 而

- ) 「謝」、《外集》卷二十五作「賀」。
- ❷ 「史」,原作「吏」,今從《七集·續集》。

四 方。 悦。 以辱 陟。 走厥 卓爾大賢,自足 遺才,觀其 鑒 聞,安識朝廷之忌諱。 惟 於方圓。 高論,大或出 ,以爲小節之何拘。 内 知己, 感懼之懷,不知所措。 職 眇 軾之不肖,與在下 翰 然 厲 使知大國之選材,非顧當時 執 蓋天下望爲權 事 陋 大綱 精乃 器,雖不 於繩檢; 亦萬一 天 以破萬人之浮議。 之所 小 材 後麗 有毛 在。 苟庶幾無朝 能 軾亦恃· . 風。 執 勝多 衡,故明主 比聲協 神 事 驟 髮之效,少答至 氣 亦 顧 置殊 士之喧 將 惟 横 有 句, (收天 執 Ш 溢 等, 夕之愆, 方將奔 野 委 事 '之所 之見 之黜 實聞 下之 亦 之英 奇 文

### 謝孫舍人啓

慶 士 夫。 拜命 中宸,代言西 竊 惟二聖之心,蓋 掖 以 聳 多 聞 士 中 爲 外

> 遺衰朽 其用。 消。 如清 藜藿 難 而 滅 酬之作。 以 烽 風 無 公卿爲帑廪。 仆 兹爲收 過 學不專於爲己,才已效於臨民。 鼓 見採之憂。 草木皆靡; 辱緘 圃 拾之儲,❷豈特絲綸之任。 以 將 封。 帥 蓋 某官瑚璉之資,●杞 永敦爲好之懷, 樽俎有 籓 炳然白 垣 折 日 衝之恃, 抵 、霰雪自 璧捐 深 金 負 穆 梓 則 不

## 謝韓舍人啓

所僥倖。 之媮。蓋不推恩則 恩,以收天下之望, 天子執法 右軾啓。 而 有 司 責 **越聞**. 推思 實 了; 則 無 古者至 而 失民之望。 所兼 求 有 名 司 容,不 執 治之世,天 , 則 法,以 侵 爲 執 君 君 之權 法 繩 者 子 則 天 常常 有 推

<sup>● 「</sup>拾」、《外集》作「拾」。● 「資」、原作「才」、據《外集》卷二十五改。

下實被

其休功,❷豈

**夫獨遂其私** 

願

6

切,不能自勝

恩如此之厚,惟大臣

執

法如此之

堅。

者九人。

顧兹小才,偶在殊選。

惟天子

推

0

於毀譽。變苟且依違之俗,去浮僞囂譁

罷黜俗儒,動以千計,

講通經術,得

甚遠,將深計於安危, 惟舍人執事,爲時求 嚮者哀憐老儒,故爲特奏之令; 今聖上推不忍之心,使賢愚皆遂其 察,爲臣者又失之寬。 而不惑於多言,故有 至明之法,使工拙不至於相 試之塗。 不敢 司,憂其君而不 君臣之體,夫豈同條。● 辭。 唯所 材,憂國忘己。 此天下所以 況欲選材 自信至明,曾不 利國 司 古之明天子 一, 豈 執法 卹 於 容樹恩 而 詠 (所欲; 憫 而無所 置 私 所 歌 惻 淆。 官 圖 伏 牽 至 連 朋。 之望。❸ 自 過 不 副 孥 謝 去 國 橋公之約。 而 賈 朝 右 1軾啓。 豈謂

坐,又

開別

仁,鼓無盛德。

而大臣

用

是將教

民

丽

圖

任

故天下歸怨

丽 有

忌。

古之良

其

臣

於

禁,行有雍門之悲; 貲之恩,敢懷盍歸 嗟來暮,不聞拔薤之規; 首隆學校之師儒,次訪里間之耆舊。 下馬,空瞻董相之陵; ,蓋二十年。 通判某官,政 宦游歲晚,坐念涕流 自蜀 祖京, 側 之意。 酮 聞 露既 松楸,已 幾 先慈孝,義篤友 四 酹以 尚 濡,空引 常恐樵 意神交,特 千 隻 中梁 里 (鷄,誰 牧 未報 太 行 不

0 續集》卷十。 原作「塗」, 今從《七集· 前 集》卷二十六、《七

校: 休功」《七集·續集》 作「休功」。 作「釣 陶。 七 集 續 集》原

「行」, 原作「山」,據郎本 注謂此處乃用狄仁傑登太行思親 ニ十八、《七集・

鼓舞於民謡。 練冠,莫克垂洟於墓道; 致生芻之奠。 仰佩之深,力占難盡。 父老感歎,桑梓光華。 昔襦今袴,尚能 深衣

## 謝諸秀才啓❶

門,歎賓歡之莫盡。 爲具之疎。即遂願言,❷徒增銘佩。 鹿鳴食野,方主禮之粗陳, 遽辱移書之重,益 驪 駒 在 慙

## 高麗大使遠迎啓

館吳都,將有披雲之幸。 伏審觀光魏闕, 感荷之深,誦言莫既 自忘浮海之勤; 過 承 謙 德, 先枉 授

#### 謝 副 使 啓

之守,得瞻使節之華。 伏審祗率邦常,來修方貢。 首辱緘縢,過 適此 海 形 謙 隅

抑。

其爲感怍,難盡名言。

# 謝高麗大使土物啓❸

及。莫遑辭避,但切感銘。 宰旅,方勞遠勤; 伏審揚聆造朝,弭節就舍。 發私幣於公卿,亦蒙見 歸時事於

謝諸秀才啓」《七集・續集》卷十作《謝 管設

大使

底本原校:

作「謝管設大使啓」。

「願」、《外集》卷二十五作「遠」。 高麗」二字、《七集・續集》卷十無。

#### 謝 副 使 啓

之餘。感佩于懷,愧怍無量 歡,方愧餼牽之陋 伏審舍館 初定,徒馭 曲 敦私好,特班 少 休。 粗 琛貢 接 賓

#### 謝 管設 副 [使啓❶

謙勤。 語 飛觴,深懷不腆之愧。 伏 以徘 感服于衷,筆舌難 徊 弭 節, 必忘 盡 過 靡 承 盬 樂問, 之勤 益荷 笑

## 謝惠生日詩啓二首

文成黼黻。 感,迨衰老而不忘。 蓬矢之祥,雖世俗之所尚, 推仁心而 豈謂某官,意 錫 類,出 一妙語 重瓊瑶, 蓼莪之 以 嘘

> 於南 枯。 無 窮之好。 斗,更借虚名。 攝 提 正於 孟 陬 永惟 已光 難 初 報之珍,但結 度 月 宿

直

#### 又

言 也風 感佩之素,敷染莫周 惟知愧汗。雖大人占《斯干》之夢,喜獲嘉 人之作,燦然華袞之榮。 伏蒙某官, 而弟子廢《蓼莪》之篇,難忘永慕 以某生辰,特貽佳什。 自省庸 虚, 允

0 管設」、《七集·續集》卷十無。

# 蘇軾文集卷四十七

#### 啓

### 賀韓丞相啓

公,全德難名,巨才不器。 曠 臣。 將追 甚。 心 於大安,必有異 而 孰敢争 方 謂莫 向道, 引領以望, 自古在昔,治少亂多。 聳觀,萬 堯 右 舜。 軾 啓。 如公,遂授以政。 類非俗 能 洪 口 伏審 惟 同慶。 人之間出; 惟日爲年。 捐六轡於王良, 上聖之后,眷求 吏之所能。 誕 膺策命,首 天下幸甚,天下 亹 夫天將欲措 付八音 亹申伯之望, 恭以 使民莫不 方陋 冠 昭 坐 一德之 漫唐, 輔 於師 文相 將致 臣 口 世

> 斧之惡 爲 惟 鞭 海,譬之癬疥,豈足爬 方不回而召虎歸。 爾 堂 而授之規摹,積穀堅城,而磨以 所加,膻穢自屏。 赤眉, 國,善調寢興。 種 堂漢相之風。 一人。即日邊徼苦寒,台候何似。 羌之叛命,慨然當宁以 四國,實願周公之亟還; 無煩 鄧 禹之久外。 出入 謹奉啓起居。 淮蔡既 縦復 搔。 三朝,險夷一節 遺 定 種 必 天下是望,豈 一而裴 請 龍 將訓兵擇帥 行。 荒 (歲月。 遊魂 度相,徐 折箠 伏冀 威 0 以 破 聲 沙 蕞

## 賀韓丞相再入啓

喜 面 一辭。 不任人, 伏覩 竊以 詔 則 書 清輕 君 登 臣 庸舊 而憂淺,庸人之所安, 之間,古今異道。 德。 傳 聞 四 海, 任法 歡

措刑 有成 聽其 發其藴蓄,以 隤然而「直方大」。 更練三朝之用舍**,**出 正, 則 公,忠誠在天,德望冠世。 足以知人,强足以濟艱難,勇 任 之懷 方之險夷。 何以首膺民 人 ,而底於至治。 挺然而「純粹精」; 丽 所 凡 丽 ,實倍倫等。 隆 爲 吾 禮。 君 任 所 法 次施 蓋其後 疲民 (望,力報主知。 軾登門 以 則 推 行。 責 系心,有識引領。 心忘己,一 必將 自非 重 最舊,荷顧亦深。 始緩獄 丽 責 量足以 如《坤》之六二, 如《乾》之「中 報 深, 足以 恭惟史館 切不問 以 收 賢 容物, 功,三 裕民, 斷 者之 取 必將 年 相 所 而

## 賀時宰啓

廷 伏 審 上心之所 光 膺 考慎, 尚, 峻 置 陟 郵 宰 傳命,人 司 孚 知聖 號

> 長。 微, 何 已 之愈篤。 以 謀,已完具而可按 試 俗 斗 兩 官 知,合語 繩之約; 異乎求以求政。 勿加。 幸,謂 遐邇争傳,室家胥慶。 而有效,●安見爲 無不可易而善也, 南 漢之詞。 ,直方以大,廣 曠度舉遠。 材無 流 競,凛梁公之一人。 吾 則聖。 此大雅兼持 豈 繄 不可範 相勸 强本節用 昴禀自 靡 不 疎逃, 清心省事,則 吾 凡 貫六經百子之學,焕 博 欣 丽 君 有 而 愉 事而 成也, 殊、偉蕭 以 猶風之靡草 詔 所 而 至 故 良。 愛人。 則貨可 **令**, 顧此 獨 不移,矧清 成王纘要,宜 無功。 一於鼓 進 譬 詠 率 以正 歌。 使若 泥 加 侯之八 法 先 民 歡 之 蓋神 以 聲 逢 惠 可 丽 在 絶 惟 衷圖 使 此 是皆 流 慈 恭 正 尺, 考貽 泉之 識 日之 民 纖 鈞 復 於 以 隨 結 見 某 九 图 任 悉 固

● 「隨試」、《七集·續集》卷十作「還至」。

將殫, 糞朽; 有,儻 鈞 塗流 薄。 助順; 之波臣。 何私,笑流行之木偶, 賴,豈曰自私。 謀則必成。不惡而嚴,匪怒伊教。 有難言,是在精智。 心,老無佞舌。輒忘犯分,顧欲 損己一言,退星三舍。 又況以 圃 惴惴 落,●無復掃門。 以 屏營下情無任。 蚤粗蒙於遴選,比久幸於退藏。 奉法 有變、契同寅之言。 愧明恩之莫報。 在外, 出 消 赫然在上, 豈不降康。 重以傾歲周旋,竊嘗撰屢, 循理之可爲。 蔀見日,去盆望天。 於 萬 天淵靡 伏念某遭時休 彙。 獲 躬 在 詣省庭 蓋 外, 豈賴補息 昔小國, 無 乃利用 滄溟不改,歎 亦戾躍 民社 交則 **惷爾憑生,猶** 了,預百執事 :明,賦 非輕,猶 莫 **、輸誠**; 禹、湯 某愚 安身之何 悵 劓黥,彫杇 如 以 (與, 苟 終成大 彼景公。 末 欣欣。 力之 天 大 有 自 命 賀 承 蕩 雨 衰 好 赤 知

## 賀歐陽少師致仕啓

言 於顏子; 蔽,古今一塗。 後。❷ 至於山林之士,猶有降志於垂 之恩,係縻之於前; 而況廟堂之舊,欲使辭禄於當年。❸ 下之公患,去就君子之所難。 人更相笑。而道不勝欲,私於爲身。 之風。凡在庇庥,共增慶慰。 隆,莫奪已行之志; 而無其心,有其心 伏審 抗抗 存亡進退、《周易》不及於賢人。 章得 是以 謝 用捨行藏,仲 妻子之計,推輓之於 士 而無其決。 釋 流太息,共 位 言 伏以懷安天 還。 世靡 愚 尼 高 天 不知 君臣 獨 智共 老; 眷 有其 難 雖

- 「末」、《七集・續集》作「永」。
- 「禄」、郎本、《文鑑》、《七集・前集》作「福」。二十二、《七集・前集》卷二十七「輓」作「茸」。「輓」、原作「荷」、據郎本卷二十七改。《文鑑》卷一百

何 見。 而 最深,聞道 導引而壽。 若怯,大智如愚。 幾禍 力辭於未及之年,退託 功存社稷,而人不知。 巨材 見其人。 伏惟致政觀文少師。全德難名, 物之得喪,志足以一氣之盛衰。 自 似。 私 非 不器。 喜明哲得保身之全。伏暑向 縱使耄期篤 福之先,脱屣塵垢之外。常恐兹世,不 智足 伏冀爲時自重,少慰輿情。 有自。 以 較其所得,孰 事業三朝之望,文章百世之師。 周知,仁足以自愛,道 老,猶當就見質 雖外爲天下惜老成之去, 至貴無 躬履艱 以 軒冕而榮,至仁不 不能 與昔多。 而止。 難 則孰 疑。 而 闌,台候 軾受知 足 大 節 能 以 圃 勇 乃 乃 見 忘

# 質趙大資少保致仕啓

觀 閭 伏 里 審 一相慶。 抗 章 得謝, 竊 謂 富貴不爲至 奉 册言還。 一樂,功 搢 紳 名 聳

> 忘歸。 恨。 圓,五 笑,綽有餘歡; 民。 大節。 之風,坐致喬松之壽。 無 惟 宜吴蜀之政。才不究於大用,命乃係於生 多矣,狐裘 觀自古之忠賢,少有完傳。 非 致政大資少保,道心精微,德望宏遠。 施不可,尤高臺諫之風, 有 方將深入不二,獨 與時偕行,不可則止。 . 甚難。 福 慕鸞鵠之高翔,眷樊籠而永歎。 歷數當今之卿相, 純 備。 而羔袖者有之。 樂莫樂於還故 當世所羨,非公而 念平生之百爲,絶 遊無 軾 荷知 或寓 鄉,難莫難 錦衣 何。 至若 所臨有聲,最 見故人而 有素, 他邦; 默追粲 丽 百行 夜 誰 貪 無 行 於 禄 口 恭 渾 者 可 全

## 賀文太尉啓

頌之素,敷寫莫窮。

伏審孚號揚庭,臨軒遣使, 出節少

游。 若留 趨 府, 道 圃 加 本天合,德爲人師。 **豈獨一時之盛事。** 遠,故舉富貴而 功業盛大, 侍 北 亮 兩河之草木。 授 民侯,弱! 然後 虜,係 武 無 輿 鉞 緣。 王。 論 齋 所 人 冠而 則 壇 頸長纓; 既奉册書,益 踴躍之心,宣寫難 調 期,斯言可必。 極 伊 若 遇高祖 名 身任休 夷 無。 器 夏 傅之鼎,歸 恭惟 信及三川之豚魚,威 聳 而 約 觀 後 戚,言爲重輕。 留 蔚爲三世之宗臣 束 新 稱; 晚同尚 守文太尉 兵 民聽。 軾 泂 盡 1公, 軌 民 躡 謪 惟 交 松、 官 父,黄髪 德度 方將 慶。 有 喬之 ·, ❷道 流 限 故 威 始 宏 蓋

## 賀孫樞密啓

之瞻。 行,必 伏 種股; 恭惟某官,德充山 審 對 肱之力; 揚 綸綍, 人惟求 進 領 甫之將 樞 舊, 機 允符 八明,氣 道 夷 不 夏 虚

> 之熙。 籌,既 爲。 兆,遂令鳴鼓之稀。 用致非常之命,以 至,徒切下懷。 孟 軻 之剛大。 擁 出王猷之塞; 某限以 節 常 山 聲華 郡 遠 符, 過 圖保 傾 公議益崇,貴名愈白。 長 於 阻 佇觀秉軸, 城之備 衆望 大之 趨 牆 動。 仞 功 更增 業 惟 欣 剸 見 抃 時 繁京 帝 乎 之 載 有 運

# 賀歐陽樞密路代大中公安

之盛節 凡 中 不欣抃。 奉法循令,所以撫民於内者,皆效節於 伏審拜恩王庭,署事兵 秉義蹈忠,所以 實爲天下之殊休。 切以 國家分設二府,紀綱 掉 城於外者,皆受 府。 苟 居下 非 徒儒 百官。 風 孰 者

七

0

<sup>「</sup>文太尉」,郎本卷二十七、《七集•並「舉」、《文鑑》卷一百二十二作「處」。

<sup>『</sup>太尉丈丈』。
「太尉丈丈」。
「文太尉」,郎本卷二十七、《七集·前集》卷二十

之登 迂闊 習世 恭 所長 異。 行其道。 自 以還,文武分爲二職。 制 不 낈 以 知 於 樞 庸 爲 者存乎其人。求其兼 務 蓋 兵 樞 ,助率土之歡 ,而皆有本源 密。 能 擢 密侍郎,名冠當代,才雄萬夫。 近古之制,兵農混 而 某分守遠郡,寓居近畿。 盡 居大位,實快 能 未有不能 其 爲 才, 宰 臣。 詠 ; 賢 文而能 職 所上者係乎其 群 士大夫,皆 講 市心。 雖 明 於 通, 或 幹兵 經術,而不爲 偏 武夫悍卒, 豈復容易。 民 事 以 道 仰 :大賢 爲 未 自 未 得 通 漢 始 有

### 賀吕副樞啓

國, 隆 觀 權 朝 伏 在 廷 審 重 增 用 近 者, 人。 重 膺 無 告 伏 德 所 命 惟 厚 爲 慶 者 而 總 慰 人 輔 ()自服 樞 其 竊 機 才 以 而 古 是 中 以 名 之 外 益 爲 淮 聳

> 終身。 難 兹顯 採。 最 侍郎 天亦 行疇昔之言,庶幾大慰天下之望。 烹桑羊而 恩,當春秋賢者之責。 鎮浮,固已直言而中 改 南 觀於公權。 叛 進伯 哀此風 拜,夫豈偶然。 ,性資仁義,世濟忠嘉。 厭於凡才,上復思於舊德。 國 稱慶無緣。 小人謂之失時,君子意其 先 斬樊噲,公無 玉 流之莫繼 圃 寢謀於長 樽俎可以折 退子瑕,人皆望於 踊躍之懷,實倍倫等。 · 病。 然而 一, 久 孺 愧於古人。 推之不去, 凜 矣 衝 出領數郡,若將 荷三朝 寂 汾陽 ,藜藿爲之不 豈 寥而 復 惟 恭惟 元 門 軾 莫若 兩 清 用 無聞。 老 下; 登 乎 世 節 樞 門 其 之 盡 迨 密 朌 以

■ 「國」,原作「臣」,據郎本卷二十七、《七集·前集

### 賀吴副樞啓

不能 以 詞。 以 素質直之風。 此 也遲,而所被者廣。深惟賢者之處世,皆 速,而所及者廉; 喧繁,總兵權於禁密。 爾之賀。 以爲不久當有非常之聞,是以未 皇,已歡聲之布出。 忠沉厚之量, 以 不 得時爲至難。 明公之至盛,正如大川之方增。天下固 貨 之 勝。 未 伏惟某官 頃 獲之事,盡 聞 逮兹未幾,果已如言。 (軀,以 休 命, ,機略足以 置之於都會,則其 文華足以 畢其能事。 幸而得之,或已老矣。今 擢 付於明公; 委之於樞機,則其成 領 即 上 欲 傳聞 都。 、裁問, 表當世, 應無方, 四 區區之意,言 曾安坐之未 遠, 歡喜 少通 明公宜 釋府 敢 爲 丽 而 輕 勤拳。 有朴 效 有 事 爲 愛 功 也 之 簡

### 賀范端明啓

藏。 子孫歸沐,下萬石之里門, 相 於今日。 士,至誠格物,隱德在人。 爲難言。 之事,聖賢有不能了; 及後昆。 祕閣之嚴,●實遂安車之養。 三老之几杖。 公,壽考百年如 照,浮雲自 重,非人謀之所及。 惟有青蒲之言,尚在金縢之匱。 右 軾 惟天知我,絕口不言。 方其犯雷霆於一時,豈意收 聞命以還,有識相慶。 . 啓。 更延眉壽,永作元龜。 開。 恭承 衛武。 坐使遺 明韶 獨立不懼,舍之則 恭惟致政端 父子之際,古今以 追 弼亮 民,復觀 録舊 君 仍推餘 相乞言,授 竊謂 四 偉事 世 盛 澤, 白 明 發之 功 如 名 死 日 畢 嫛 名 陞 牛

■「閣」、郎本卷二十八、《七集·前集》卷二十七

#### 高 陽 Ŧ 待 制 啓

即 難而 東人之愛; 近之直,重易關防之雄。 白。 揮才謀,更歷事任。 觀 要,聯内閣之高 不辭。 成功,進陟近 恭惟某官,膺天大任,於時有爲。 伏 審顯 簡在聖心 奉恩綸,榮 允文允武, 輔 華。 道能 更 遂益柄任。 公議交俞,貴名 帥 更紓北 有恩 濟 閣。 而 不過, 有 鎮 顧之憂。 威,方結 峻登祕 武 事 垣 雖 發 愈 之

賀 林 待 制 啓

柏; 允, 有識 伏 衆 審 星夜艾,凜 歎 圖 咨。 舊 聖 萬 時 明 木 陞 歲 月 華 與長庚。 寒 法 配 從。 喬 松 斧 僉 藻 於 言 昌 巨 諧

卷四十七

啓

吏。凡閲 惟某官,名重弱 朝 當收之桑榆。 著書已成,特未寫之琬琰; 蓋西漢之餘風; 領袖 後 四朝而後用,獨爲三館之老臣 進。 軾交舊最深,慰喜良甚。 龄,望高 傳 悃 聞 愊 四遠,歡 無華,亦東京之循 晚 節。文章爾 立功何晚,會 喜一詞。 恭

#### 龍 畵 啓

書爲賀,鄙志莫宣。

效 用,言之者但爲名而不爲功。 原,猶或未 方今朝廷之上,號爲無諱,而太平之美,終 乃 傳 不能全; 忠、皆因當世 用 聞 諫諍 邇遐 右 軾 ,竦動觀 啓。 之真才。 臺諫之列,歲不乏人,而衆弊之 去。 伏審 面 豈聽之者徒 用智。 聽。 必能深言,以補 新 改 咸 不務過 謂 職 國 能 歷 家之 擢 容 觀古人之 司 而不能 鉅 大化。 諫 期 福 垣

四三

國其庶 爲虚 常若 以 冗。 練邊 必行。 人,而又加以辯智得君之術。 在僻陋,顧常隱憂。 之譏,固足以免矣; 左師 去之。恐習慣以爲常,遂因循而不振。 功,忠臣愛君之至分。 拳之意,不求赫 能 聽 名。 席未暖而輒遷,踵 著 事 不 ,願續書《諫苑》之篇 必將舉大體 觸 踊躍之懷,實倍倫等。 ·, 深 · 勝 幾。 《争臣》之論。 龍 右尹子革因墳典 軾最蒙深知 語 知 伏惟諫院龍圖,才雄於世,而 饘粥 兵 節過於 赫之名。 驕; 而 而及 不 以爲必得朴忠憂國之 人,而未嘗自異。 論 而 '愧無少補。 阻以 相躡 長 頃持銓衡, 伏自頃 小事 積歲之病,當使誰 而道《祈招》之詩, 此仁人及物之休 安之質。 在外,無 而繼去。 若有待而 ,務實效 (歲,所 言苟獲用, 徒盡 實識 方傾耳 曲 而 更 至 不 官 雖 身 幾

## 賀青州陳龍圖啓

病。 孰逾舊學之賢。而乃力謀退安,示有疾 川之濟。 告,暫優三最之勤 官,文武憲邦,忠嘉致主。 日望蕭公之人。 伏審 揮金故里,雖榮疏傅之歸; 於公自計, 光奉 . 詔 書, 無由追餞,徒切瞻依。 0 爲喜可 往 商夢懷人,方 司 衆謂老成之託 留 量。 憲。 伏惟 雅 漢 意本 徯 恩 某 巨

### 貨彭發運啓

論,克振先聲。 恭承曩契之隆,得與屬城 伏審拜詔十行,觀風六路。 允符公

「優」,原作「憂」,據《外集》卷二十五、《七集・續集》

0

卷十改

之末。 堅之課; 未盡,才歷試 部年兄, 瞻依有素,感慰居多。 士聳英 錢流地上, 佇觀劉晏之能。 而 風,時 愈 高。 推舊德。 船滿潭 伏 中, 用 惟 行 久 發 奏韋 淹 運 而 吏

### 賀王發運啓

抃之深,力占難盡。

交并。 謀 南,欲少蘇於疲瘵; 暫屈分符之寄,已膺側 路之民,表裏大農之政。 維。 伏審榮膺制 凡在庇庥, 豈勝歡 恭惟某官,學術過 檢, 總 無 領 心内外,當益 慰。 席之思。 漕權。● 風聲所 人,忠嘉許國。 暨,忻悚 慘舒 乃眷東 一罄於 六

### 賀蔣發運啓

伏審上計入覲,拜恩言還。擁節東

皇,忽 難宣。 事。 致功名。 華。 用之權輿。 大事因緣於當來世。● 南,上寄一方之休戚, 文,深厚爾雅; 官,受材秀傑,秉德純 雖已 某竄流已久,衰病相仍。 移 書之見及。 得 以斯道而結主知,隨所寓 凡在庇庥,舉增忭 E 法眼藏於大祖師,❸ 展矣東京之吏, 行將入 忠。❷ 欣幸之至,6 考圖 蔚然 一廣内, 踐 躍。 方稱慶之未 卿 悃 西 猶 恭 而 示 筆 一。 金 坐 漢之 作佛 有 愊 惟 將 舌 無 某

) 「忠」、《外集》卷二十五作「中」。

)「袓」、《外集》作「襌」。

「來」,《外集》無。

「行」,原作「固」,據《外集》改。

「欣幸之至」,原作「欣感之幸」,據《外集》改。

二四

#### 四

獲

#### 新 使 張 大夫啓❶

之餘, 究陳。 法造 悰。 民事。❷ 風 馳 一令,久裨於廟謀, 伏承抗: 伏惟某官,早以異 得 列城之雲靡 自聞新 荷 寬 旌 明 入境,揆 命, 之庇。 實 慰 日 材,著聞 矧 宣化承 其 輿 惟 臨 情。 爲 民。 雅 厚幸 流 故 再 美 方 益 惟 績 尤 未 衰 激 節 試 易 朽 之 懽 之 議

#### 賀 提 刑 馬 宣 德 啓

敷宣罔

溢 林,望高朝 恭承榮問, 戴二天之仁; 於縉紳。 奉 命 按 有激懦 論 刑 眷 三吴之疲 衰 治 捧 病自 衷。 行 節 聳 人 私,獨 聞 境。 伏 民 惟 於 某 中 吏民 先 困 官 連 了,才映 日之雅。 相 年 家 慶, 聲 洋 士

> 名言。 蘇, 潦。 抑 亦 咨明 庸 虚 哲 之知 官 布 勉。 厚 恩。 其 爲 匪 喜 惟 凋 幸, 瘵 豈 之

#### 賀 正 啓四首

福。 隆。 **秉德直義。** 類,休有向榮之心。 否終必傾,反復 某限 方當彙 伏 既 以 K 居 物 征 官守,阻候門牆 才無施 壯 元吉之辰,宜享既醉太平之 則 然 老, 後 丽 恭惟 知 肅 天意。 不 役 某官 可, 所 道 以 凡在 ,履信體 瞻 得 成 頌之深 時 含 歲 生之 而 功; 愈

0 賀新 運 使 張 大 夫啓」, 底 本題 下原 本 作

葉運

0 列宿之經躔; 著聞」至「民事」,底本原校: 華使周爰,凜外臺之風采」。 本作「望郎高選,

無階。 咸新。 之辰,必有彙征之福。某官守所繫,展謁 迹難淹於外補,望已隆於本朝。 柏稱觴,燔烈以興嗣歲。 伏以葦桃 頌咏之深,敷寫難盡。 恭惟某官,德治斯民,才高當世。 在户? 磔禳 以餞 在時爲泰,與物 餘 慶此朋來 寒; 椒

# 賀鄰帥及監司正旦啓

祥,宜獲自天之祐。

未遑展慶,徒切頌言。

三陽

應律,萬

寶向榮。

永惟視履之

限,展慶無由。欣頌之深,敷陳罔既。心, 更膺難老之祥,以符民望。官守所鎮浮,❸高名華國。非獨疇咨之用,已簡上交泰,正贊陽出滯之辰。恭惟某官,厚德交泰,正贊陽出滯之辰。恭惟某官,厚德

《七集·續集》卷十題作《賀年啓二首》。「又」、《外集》卷二十五作《賀冬啓》。此文與下文,

0

承上首而言,即此首亦爲《賀冬啓》。「又」、《外集》作「又」者

「浮」、《七集·續集》卷十原校: 一作「時」。

又

二四七

卷四十七

啓

## 賀列郡守倅正旦啓

徒深 服 寵 頌 光 新 咏 曆 ,莫罄敷陳。 既 永惟 頒,群情交泰。 嗣 歲之興,必 享 過 宜 蒙 流 民 (之禄。 問,祗

## 賀冬啓

某恪 莫罄安榮之遇。 德 以 臺觀之黄祲,史書有年。 深 待 守官 醇。 陰 伏以 陽之定。 靖共正 次,阻 候緹室之清宫, 稱 恭惟某官, 直之休,順 詩觴。 共安消 坐 瞽 才猷 告以 馳 獲 傾 天 向 人之助。 傑 長 日 之心, 異,道 之 ; 1

# 賀鄰帥及監司冬至啓

揚中外 占。 實具 征 莫罄鄙虔。 復 來於七日。 周 伏惟 月臨 軾限以守邊,未遑稱慶。 詩之福, 之寄,益推 某官, 天統,首冠於三正, 候微陽之協應, 碩德庇 望 大有上吉,允符羲易之 實之隆。 民,傑 才經世。 知君子之彙 徒云善頌、 既醉太平, 氣兆黄宫, 踐

# 賀列郡知通冬至啓❶

祥,宜擁自天之祐。未遑馳問,先辱惠音。日旋南極,氣兆黄宫。 竊惟視履之

く...。 「冬至」、《外集》卷二十五、《七集・續集》卷十作「賀

0

## 上留守宣徽啓€

收孤 繆樽俎之歡,亦非偶爾。 秋 尉,才高一世,望重屢朝。 都之清净,眷幕府之優閑。 難 塵而 迹。 右某啓。 盡 道德照人,況復終身之幸。其爲感 壯歲效官,復淮陽 敷陳。 不間。 哀憐廢棄之久,誰復肯然, 少 年 衣食有奉,已寬盡室之 遊 學, 卧 伏惟留守宣徽大 體河嶽之兼容, 方 理之日。 再枉辟書 成 都 樂 矧 職 綢 重 留

## 上虢州太守啓

之勝,宜膺師帥之權。凡在庇庥,莫不欣伏審光奉宸恩,寵分郡寄。惟此山河

四十七

六曹而: 松柏 鶯花 抃。 夙  $\equiv$ 御 自 道 灌 在; 功名茂著。 天人之藴,高明窮性命之微。 而 百物常豐。 之親,唐以本支爲尹 堂。 山之況, 府某官,❷學造淵源,道升堂奥。精祲盡 優恩已見遷除。 匪 溉之饒,被女郎雲雨之施。 ,贍給中都。至於 切以 巨賢,不輕假 不謝於三川。 賈島五十六字,景色如 思承道化乎其民。 仰望 侍從。 弘 銅虎暫淹於百里,朱轓聊寄於 農故 |清徽,俯臨民 寶産金銅,充仞諸 魚肥鶴浴,依 前人可考, 地 非總一 守。 韓公三十一篇,風 ,虢國舊邦。 事 故來者 富庶雅 社。 某仕版寒蹤,賓 新命 簡訟 路之轉 稀 同 初。 何疑。 共徯星言 中外屢 稀,瀟 ."澤國之風。 高 未 邑 四時無旱, 周 於二 輸 嘗 有洪淄 分 淹 ,則入 伏惟 灑有 良材 光咸 同 更, 而 姓

- 此文,一見蘇轍《樂城集》。
- 「御」、《七集・續集》卷十作「知」。

一二五〇

豈謂 僚俗 暮之歌謡 此 吏。 時 久仰圭璋之望, 獲依 有隕自天,惟 巨庇。 惟 素 良 恐别 作 欽星斗之名。 膺於綸綍。 牧,已興來

# 與潁州運使劉昱啓●

無任丹懇,倍切馳情。

臨 撫。 感佩之私,筆舌難既 外臺之寄,一 惟 廩禄,顧難繼於賢豪。 乞守符。 對部。 運 使郎中,才簡上心,名高省闥。 衰病 特先蒙 條教 少奉誨言之末,足爲衰朽之光。 倦游,久懷歸意。 蘇 於 闊 右 顧 疎 輔之民。 盼,使增重於吏民。 ,溪湖清遠。 所幸仁明,曲垂 日 聖神寬假,特 望 但 車 一坐糜 -塵,按 暫 屈 伏 於 存

## 杭州與莫提刑啓

愈切。 按郡, 齊民。千佛題 人,才猷簡上。 仰憑多可,或賜曲 竊 寵榮。 罷直禁中,本緣衰 想蒙潤澤之餘。 顧惟 名,昔忝遊從之末; 頑鈍之資,豈任繁劇之寄。 肅高風 全。恭惟某官,德望在 病, 於列 會見有期, 郡,浹厚 分符浙右,更 德於 瞻 三吴

## 回蘇州黄龍圖啓

之鄰,首被風聲之美。亟蒙音誨,良慰望伏審政成京口,詔徙吴都。眷惟疆境

■「潁州」、《七集・後集》卷十四作「京西」。 疑作「京

「存」、《七集・後集》作「鎮」。

思。 揚臺 試以民事。 省,既久簡於上心, 伏惟某官, 仰膺殊用,以協群言。 賦 才敏 , 明, 秉 偃息江 德 仁厚。 一湖,尚 欣頌之 歷 踐

#### 黄州還 回大守畢 ·仲遠啓

誠,口

占難盡。

多士。 眩,撫己汗惶。 勞,敷宣罔既。 固將遷客之忘歸。 王、謝之間,嘯歌自得。 方兹人境之初,遽已誨音之辱。 還,復與縉紳之末。 屢將通問,輒 五年嚴譴,已甘魚鳥 神馳鈴下, 道德襲、黄之右,牢圄 恭惟某官,師帥斯民,表 如 路轉湖陰,益聽風謡之 聞謦咳之音。 豈特居人之安堵, 之鄉; [坐空; 復自疑。 瞻 詠 披 緘 風流 舸 鷩 生 實 儀

#### 回 列 郡 守倅啓

問。● 感佩之至,宣寫莫周。 ,託餘庇以 祗奉 詔 恩,出 少安。 臨 邊 豈謂 寄。 愧 私 非 過 才 形 之 存 難

强

## 答杜侍郎啓

練而益 無愧, 彙征 起懦衷。 文亮達,宏遠清通。 ,朝廷爲之增重。伏惟 伏審薦膺天寵,榮貳 明, 處躬自厚,蹈世俗之所難。 遽承問 用 雖 晚 訊之先,益佩謙光之過。 圃 直道 必 濟。 卿 不回,貫今昔 曹。 兵 自聞 部侍郎,温 士友喜於 休命, 事 愈 丽 實

形」,原作「行」,今從《七集。

五五

#### 答范端明啓

幽 多聞。 德。 音 ; 師,❷雖賢者之事也; 音,至復傾家而 猶憂國,今推所學以及人。 能起之。獨求三代之遺聲,允屬四朝之舊 之成,旋遘五胡之亂。 存否。秦、漢以下,鄭、衛肆行。 觀,自我元臣。 紳雲集於奉常,端冕天臨於便座 金,成之有數。 贊於神明。 , 豈偶然而已哉。 恭惟致政端明丈丈,●耄期稱道,直 伏審參稽古樂,追 天寶之中,遂雜胡部。 進不謀安,昔既以身而徇義, 得《商 竊 制 立鈞 器。 以樂之盛衰,寄於人 出 頌》十二篇於周 獲古磬十六枚於犍 平陳之後,粗 軾本非知音之人, 蓋事關於治忽, 度,施及無 述 豈惟盡力於考 新 道喪久矣, 書。 雖喜三 琢 偉 窮。 石 獲 兹 必 亮 孰 雅 之 壯 退 雍 搢

### 答曾學士啓

誦

詠

於再三,豈發明於萬

空荷

移書之辱。

究觀累日,

喜

愧

懷

徒

論

待次。 成肅雍之化。 傅巖,盡入彀中之選。 御、政化惟新。 生閥閱之家。 明。 伏審 賤如莘野,猶爲席上之珍, 向屈處於下僚,蓋 士林。 祗 奉 固宜首膺寤寐之求,於以 府判學士,天資粹 詔 顧籲俊之無方,豈 伏 恩, 惟 慶慰。 榮升册 而況圭璋之質,近 **血避嫌** 府 恭 ∭ 以 自晦 美,儒 聖 拔 允 賢 神 厭 遠 紨 若 助 而 在 屬 朝

0

之大師。

0

講

郎注: 大」,原作「太」,據郎本、《七集·前集》卷二十七改。 與程秀才三首》之三有「丈丈惠藥」之語。 ·丈丈」,原作「丈人」,據郎本卷二十八改。 正考甫 ,孔子之先也,得《商頌》十二篇於周 卷 Ŧ 十五

### 答王太僕啓❷

辱,益知謙德之光。喜愧于心,踧踖無措。英材。自顧庸虚,獲聯齋舍。忽捧書詞之聿求義訓。豈獨褒崇之盛典,固將樂育於武子之請老,●察少翁之最賢。撫念老成,

# 答新蘇州黄龍圖啓

養而 後。 籓。 帝左右之高選; 聯法從之末,又竊鄰光之餘。 被,惠政已孚。 秀士林,才任國器。學已試 益隆。 伏審 稱首,次公行踐於三 其爲喜幸,宜倍等流。 雖才分闊絕於賢愚,而步武差池於先 銘感之深,筆舌難喻 有 託。 光膺 偃息均勞,叔度莫窺於萬 辱移書之周厚,實借寵於衰 詔 自顧 函, 武林茂苑,江東南之要 妄 移 (庸, 敢 牧 槐。 旲 伏惟某官,文 丽 論疇 金 可用, 潤澤所加 華玉 昔。 先聲 望久 頃 既 所

> 論。 册 下 未 丽 不 豫章雖老於中林,瑚璉終升於清廟。 何患。 ·懷。 皇, 府,以令德正僕臣。 理,問伯始而 伏惟太僕學士,文鳴早歲,學配前 伏審祗奉明緡,特膺異選。 辱 清塗方踐,遠業難量。 書之見及。 可知; 側聞 三篋雖亡,得安世 感佩之至, 除書、大 愧修慶之 以 高 但 慰 萬 才 事 輿 望 切

傳·宣公十七年》范武子請老事,謂「作「文」」「疑傳「武」,原作「文」,據郎本卷二十七改。郎注引《左

0

七作《答王欽臣啓》。

0

#### 答杭 州 交代林待制啓二首

子。 善,可 州。 督府 即 軾偶以庸虚 伏審知府鈐轄待 紀斯民; 谐瞻奉,尤切詠思。 舊 政 己 孚 ,適相前後。 惟 於千里,先聲坐 有 制。 痼瘵之餘,以遺 新 易節旄、光 愧無毫髮之 振於 君 臨

又

符浙 塵,心照已先於傾蓋。 制,宏才緯俗,雅望鎮浮。 繼老成之前 滕大夫之才,豈堪治劇; 右 右 顧此鈍頑,實爲忝昧。 ,更竊寵榮。 軾 啓。 躅。 罷 養痾卧治之所,蒙成坐 直 禁 既尋少壯之舊遊,復 中, 借之餘潤,成 神馳 本緣 伏惟知 衰 方切 楚令尹之 病 此 於 府 虚 望 待 嘯

#### 答彭舍人

政,或許告新。

望見

有期,瞻

依 愈

切

伏審 顯 膺 宸 威 命,進直 「家董 儒館學宫,不關 正百官之治, 一掖垣。 非曉達吏 除 而 聿 目 非 追 於 憲

動 **±**; 厚,所得實 游、夏之淵源,文列馬、班之伯仲。自 伏惟某官,道師古始, 豈止時人之美談。 方,則不足以分省事。 該通經術,則不足以代王言, 政理。惟此六押之任,要須二者之長。 臺省闥,無預於文詞; 三代之隆。用事考言,因名責實。然 騰,輿情欣屬。 時宗廟之華; 犯顔逆指,有古名臣之風。 亟掌絲綸之美。 多。 對策決科,嘗魁天下之 杞梓異材,因爲後 果有真才,來膺妙選。 是爲文士之極任, 璠璵美質, 識造精微。 粤從言 日棟 期 甚

#### 答喬舍人啓

# 答曾舍人啓

老拙自降,有糠粃在前之歎。 惜其晚矣。 進,簡在裕陵之心。今乃援而進之,論者 家。世以文鳴,遠繼父兄之業, 尹之無喜。此蓋某官異材秀出,❷博學名 俗,不害徐公之有常, 惟君子之所爲,固衆人之莫識。 加,中外同慶。 華牋。 伏審 感忭之素,寫述難周。 顯 訓詞一出,皆丹青潤色之文, 恨 膺 伏以取才之道 無 制命,榮進 酬德之言,徒有得賢之 用舍皆天,孰知令 掖 垣。 過蒙寵顧, 自昔爲難。 早緣德 奢儉 風 聲 異 所

> 攸寄。 官,名重儒林,才爲國器。 江湖之上。迨兹顯擢,實慰輿情。伏惟某 興多士,以出異材。眷惟淮海之英,久屈 此,太息隨之。 學術夸浮,則西晉無可用之士。興言及 先; 廢也,取其後而棄其先。❸ 用舍之間,安危 國之將興也,貴其本而賤其末, 某聞人才以智術爲後,而以 文章以華采爲 故議論 慨慷,則東漢多徇義之夫, 元祐以來,真人在位。 末, 深厚爾雅,非近 而以體 用爲本。 道之將 識 度爲 並

<sup>■ 「</sup>其」,原作「真」,據郎本卷二十八、《七集·前集》

五補。「此蓋」二字,原脱,據郎本卷二十八、《外集》卷二十

<sup>「</sup>棄其」,郎本卷二十八、《外集》卷二十五作「遺所」。

代言 世之 亦邦家之慶。 衰 未 病之餘,莫究欣承之意。 時 幾,華 文 國 過蒙疏示,●深服撝 直 著 諒 稱。 多 聞 豈 惟 蓋 古 臺 人 省 謙。 之 之光,抑 益 友。

又

# 答楊屯田啓二首

深經 復此 反復 苦簿書之煩。言之不文,永以爲好。 是邦,蓋大夫之賢者。 間,已是部中受賜 匪 妄 逢迎。 庸 究 術,名重薦紳。 伏 觀, 之 承 稱; 枉 愧 顧 聽其言,信仁人之溥哉, 汗交集。 で, 寵示 文詞深厚,足爲 一人之數。 頃者劍外屈臨百里之 長 伏 書。 欲報瓊瑶之貺 惟 禮 通 豈 判 數 衰 伊幸 過 屯 拙之光。  $\overline{\mathbb{H}}$ 隆 既既 會 , 學 居

> 祈自 益友。 有出處之疎,故臨 履要津。 田,才猷通敏,學術深純。 酒,以樂我嘉賓; 曠官而罷 之珍,將爲清廟璠璵之寶。 行。伏讀誨音,惟知感歎。 重,少副下情。 向者不遺,特蒙枉 謂將繼此 去,則當引分以 而軾早以空疎 而得見,豈 紙 但喜直亮 不能 顧 (歸耕)。 無 加 悵 非 之衰病。 暫臨 多聞,真 伏 意 愧 獨 惘 惟 闕 無 之意。 東 自兹 邊 琴 通 然 州 服, 不 古之 恐 杞 判 侕 瑟 緣 遂 行 梓 屯 有

「服」,郎本作「認」。「疏示」,郎本作「流問」。

0

# 答晁發運及諸郡啓

庇,使 借光華於枯朽。 講 高 付 之未皇,但缄藏之無斁 容,通明畢照。 舊論 明畢照。 邦。 獲少安。 病交攻,已安僻壤; 心,曲敦同 雖 朝高雅 見 致兹疎拙,粗 樂善忘 此蓋 吏民,敢違 望,流風采之聳聞; 膀之好。 勢,稍霽外臺之威; 伏遇某 免曠 餘 人: 條 官,忠厚有容, 寵光 教。 深。 某官忠厚有 漢人 及, 士誦德言. 尚 愧展奉 緣 大

#### 答陳提刑啓

輒 谷,固 明堂杞梓之用 先。 ① 久竄 喜聞於足 恭惟 島 夷, 提 音。 欲通 偶 刑 未 刑 況 書 名 部,才高 清 於 而 未敢 鬼 廟瑚璉 録 ţ , 豈流問 之姿, 時, 逃 望 歸 之 重 空

> 之餘, 吏之風 起 蘇 多 廢。 嶺嶠 士。 難 之民。 流,本 魯諸 助 副 其 吹 羽 儒之德業 源 嘘之力。 翼,借以齒牙。 憐遷客 經術。 涂緣 之無 暫 既 屈 飾 感 歸, 雲 政 且 霄之步,來 刑 但憂枯 墜尺 怍 不 書 漢 朽 知 丽 循

#### 答莫提刑啓

所

芸。

雅俗。 言。 其 情。 剸 容,愍其心勞 爲 煩獄 豈獨 `感怍,未易名言。 此蓋伏遇提刑某官,威肅列城,德懷 右 市,豈 軾 雖 啓。 敦忠厚之風, 在 按 堪老病之餘。 而 得請 臨 愈拙。 之屬部, 江 湖, 故於始至,借以 抑 雖 以增衰朽之重 不忘宿昔之交 賴兹 適 平生之 德 大 而 願 有

● 「輒」、《七集・後集》卷十四作「或」。

#### 二五八

## 答李知府啓❶

之舊; 望,言不寫心。 憂顧。 空詠甘棠之思, 文,望重搢紳,材宜 訓,方入直於禁嚴; 下車,已聞報政。 南之俗,信服已深。 然而日彰,浩若江河,固窮之而益遠。 伏 風猷所暨,謡 審 舟車雲集,惠通秦楚之商。 祗 奉 異恩, 莫展維桑之敬。 軾倦游滋久,寤寐懷歸。 廊 民物子來,氣復 頌率同。 廟。 井絡提封,旋出 遠 臨 譬之金石,蓋 全 恭惟 蜀 悵焉永 奎 知 曾未 岷 府 文 分 於 峨 闍 寶 寶 西

#### 答彭賀州啓

祠 ,拜賜散人之號。 竄 流 海 或 脱 身羈 喜歸 鬼 田之有漸 之林, ''', 悼 洒 掃 國 真

> 臨 豈謂 之無 朽,虚辱品題。 書,借之餘論。 期。 某官,曲敦雅 陋質增華,果已五漿之先餽。 方自 愧 敬佩至言,永以爲好。 温詞曲盡 於 好,深 心 ]顔,敢 軫窮 ,賢於十部 聞 途。 名於左 賜 但 之見 以 尺 衰

#### 答王明州啓

之敬。 之塗,日有榮枯之變。 道不容於群枉,身乃獲於退安。 圖,迪哲而文,剛中莫屈。 利口之言; 簡,曾無頤指之勞; 强食自頤,猶當爲國。 伏審奉詔牧民,涓 風聲所暨,鄰境爲先。伏惟知府 小智自私,誰識仁人之勇。 吏下 坐嘯之樂, 辰 大辯若訥 肅承,皆有 莅 事。 回觀争奪 教 1、耻爲 心服 條 龍 清

む作《答李寶文啓》。
「答李知府啓」,郎本卷二十八、《七集・前集》卷二十

# 答臨江軍知軍王承議啓

蓋將 之高; 怳如昨夢,復見故人。 伏惟知郡 疇昔,曲賜拊 以才稱,進由 諾,又觀枳棘之栖。 多難百罹,流 敦 泮水受成,❶繆膺桑梓之敬; 風 歌詠 義以勵 I 德 選。 存。 風流,近傳邵父之繼。不忘 流俗。 豈獨憐衰朽而借餘光, 淵源 感佩之至,筆舌 師友,舊仰鄭公 承議,居 年半世。 海邦

感

,永好難忘。

# 答丁連州朝奉啓

士。而況清時雅望,令德高標。固以聞名蛙蛇。自疑本儋崖之人,難復見魯衛之生還,自笑音容之改易。久恬颶霧,稍習七年遠謫,不知骨肉之存亡, 萬里

錫。 有力於嘘枯。 歸 丽 起廢之文,猶欲借此言以華其老。 奉,仁無擇物,義有 獨振 自 過情之譽,雖 「慙,蓋 孤 風 欲 圃 遠移一紙之書,何啻百朋之 通 愈厲。 書 知 逢 侕 無 未敢。 時。 固無心於集苑,而 其實 每 而愧 憐遷客之無 豈 謂 于中; 知 窮途易 郡 朝

# 答秀州胡朝奉啓

而行。某待罪江湖,苟安衰病。眷言一於盤根,所居見紀, 政方觀於餘地,不令過矣。某官望推朝論,才映士林。用已試邇,欣謡頌之藹然。緘牘先蒙,❷愧勞謙之邇,依審初見吏民,首行條教。鄰封甚

- ) 「受」、《七集·續集》卷十作「政」。
- ) 「先蒙」,底本原校:一作「見貽」。

五九九

之不遠。其爲欣詠,難盡名言。郡,●幸擊柝之相聞, 矜式百爲,知伐柯

### 答許狀元啓❷

選賢。 誤。 持 ; 過 召,旋興弓劒之悲。 衣,久已格於至治, 遊之流,安敢輕 知不敵,人皆斂衽 廷評,以粹美之質,負傑異之才。 傑之先,而人然後知其貴。 貧賤之辱,所有無以異於今, 而遊上都,以一日而 録 禮 庸 右軾啓。 庸登哲民,以 非所 虚。 富貴之來 稱,塊靡 忽承牋 伏 爲 以以賢 ,豈能爲之損 而 賀問之禮。 自任。 臣子之心,遠邇若 遺後聖。 牘之臨,皆自聽 謂當然。 蓋天下。 洮盥憑几,尚不忘於 俊之士,固 伏惟 先皇帝 雖喜車旌 苟非素 士既望 不 益 狀 將 期謙 自 朝 昔者 未 元 有 聞之 遠方 明 與 居 風 僉 所 抑, 之 求 交 剃 丽 挾

> 時,徒向 即 日 承 已 .] 拜 而 命,計 永 望。 將就 謹奉啓陳謝,不 塗。 念 展謁之 · 宣。 何

# 答王幼安宣德啓

伏櫪 望。 非。 激昂晚節。 漢》之章,被此枯朽之質。欲其洗濯宿 爲 然生還,置之勿復道也。 所 不謂某官,講修舊好,收録陳人。 不 三百指之養; · 有。 馬。 此意厚矣,我心悠哉。 豈獨江湖之相忘,蓋 俯仰 非 頃者海外,澹乎蓋將終焉 粗行平生之志,少慰朋 吹嘘之所及,縱鞭 年,忽焉 杜 門面 如 昨, 已寂寥而喪我。 壁,觀六十年之 方將求田 如焦穀牙,如 間 策以何加。 關 粲然《雲 百 問 罹 友之 偶 何

<sup>● 「</sup>一郡」、《外集》卷二十五作「數舍」。

<sup>) 「</sup>所」,原作「以」,據郎本改。 ) 「啓」下,郎本卷二十七注:「名安世。」

#### 答陳齋郎啓

陋彼 操。 燦然。 幅巾 惟 天資深茂,學術淹通。 闡,溢歡聲於觀者; 有 諸郎之富貴。 藜杖,願爲二老之風流; 之,則似之。 素餐,是聞也,非達也; 久困有司之尺度,退從老 伏 顧此衰羸,實難當捧。 審 祗 膺 寵 命, 欣頌之至,筆舌難周 假道一官, 馳書士友,掞華藻之 榮 經 踐 行 亨 兩 · 塗。 權 凛然遺· 圃 純 伏惟齋郎, 甲 第 輿千里。 於丘園。 ,窮達一 拜 高 慶 直, 庭

#### 答館職啓

之慶,士知稽古之榮。虎觀石渠,極諸儒伏審奉詔明廷,陞華册府。國有得賢

卷四十七

方此賜 造深。 賴安世之默識。 喜衰年,獲 之妙選; 友。奇字可學,知子雲之苦心,亡書復存, 環,遽 温 故爲君子之儒,多聞推益者之 觀 鼇宫金闕,笑方士之遠 承 盛 枉駕。 事。 不試 某官學本自得,道 而用,知賢則深。 沐誨音之已厚,愧 求。 雄 惟

## 答試館職人啟

馳謁之未遑。

以世 抑 辭 則一旦欲用而何由, 報國之功,乃在緩急有爲之際。養之無素, 家求賢之道,必於閒 禄,遂秀儒林。 丽 俗 待其資深 不 伏承 可。 不見之書。 射策 故納之於英俊 丽 玉堂, 黨友增 望重。 非獨 暇無事之時; 方 待以非常,則臨事欲 華,縉紳共 觀 使之業 某官學優而 筆 相從之地,觀之 陣 廣而 慶。 校 材 文 國 天

詞。 通儒 思荒落。職在翰苑,當發策而莫辭, 貴。得士之喜,非我敢私。 文章爲之 一新; 浮於名。詞令從容,議論慷慨。 ,懼品藻之不稱。 永爲巾笥之珍,愧乏瓊瑶之報。 傳 寫都 過 城、紙 煩臨貺,寵 軾衰病侵尋,文 追還正: 墨 幾 於驟 識 始 書 匪

#### 與邁求婚啓

於師傳; 以 石之家 世 姻。 里開 法。 0 之游, 某長子邁,天資朴魯,近憑 賢小娘子,姆訓夙 聊 伸不 篤於早歲。 腆 之幣, 交朋之分, 成,遠有 願 結 無 藝 窮 萬 重

### 與過求婚啓❷

敢議婚姻,蓋侍鄉閭之末, 遂忘門

窮之歡。悚抃于懷,敷述罔既。 庶幾南容之三復。恭馳不腆之幣,永結無公之五長, 而某第三子某,●爲質少文,份承令子弟二小娘子,慶闡擢秀,豈獨衛閥,亦緣聲氣之同。龜筮既從,祖考咸喜。

#### 求婚啓

高閎。 小 餘。伏承故令弟子立先輩之愛女第十四 生有蓬麻之陋; 南荒,尚念子孫之嫁娶。 娘子,禀粹德門,教成家 結縭早歲,已聯 軾長子某之第二子符,天質下中, 祖風綿邈,庶幾弓冶之 昆弟之姻 敢憑良妁, 廟。 親 中郎 往欵 墳 垂白 典

「三」,原作「二」,據郎本、《外集》卷二十五改。

<sup>●「</sup>一藝於」、《七集·續集》卷十作「遊藝之」。

續集》卷十作《謝末婚啓》。 ❷「與過求婚啓」,郎本卷二十八作《求婚啓》,《七集

日。仰緣夙契,祗聽俞音。 之付,豈在他人, 太真姑舅之婚,復見今

## 答求親啓❶

饋,庶幾數馬之恭。 歡。瞻望高門,獲接登龍之峻, 恪勤中鄉評茂著。許敦兄弟之好,永結琴瑟之緒,莫閑纂組之功。伏承某人,儒術飭修,緒,莫閑纂組之功。伏承某人,儒術飭修,

#### 下 財 啓

二姓。 奠鴈之儀。 微,恃臭味之不遠。 夙緣契好, 庶徼福 獲 講 敬陳納幣之禮,以 于 婚 姻。 前人,永交 顧 門閥 歡 之 於 雖 行

# 湖州上監司先狀元豐二年

奉

#### 回同官先狀

[良極。 幸因聯事,得遂依仁。瞻奉匪遥,欣

愉

#### 杭州到狀

餘,託在庇庥之末。即諧瞻奉,預切欣愉。得請支郡,備員屬城。幸兹衰病之

● 「答」,原脱,據《七集·續集》卷十補。

定 州

到 狀

切忻愉。 得請近藩,假塗治境。 即諧披奉,預

# 蘇軾文集卷四十八

#### 書

#### 上富丞相書

者,未嘗不始於戰國、危國。 之人一説而合,至有立談之間 之士,因其貪 而可入也。 之士,因其懼 Щ 可 入,則其 軾聞之。 圃 説 丽 進説於人者,必其人之有 説説之。 説之。 易行。 是故其説易行。 危國之人懼,天下 戰國之人貪,天 何則? 而取 公相 有 間 下 間

知者矣。地方萬里,而制於一姓,極天下得其間而求入焉,則亦可謂天下之至愚無居今之世,而欲進説於明公之前,不

死得 萬。❶ 慕於天下之功名也。 今也處於至足之勢,則是明公無復有所羨 是明公之仁,及於百世也。 狼之患。生得以養其父母,而 百萬人者,出於溝壑之中,而免於烏鳶豺 畏明公之一詞。 而仁及於百世,士之生於世,如此亦足矣。 棄其子、夫棄其妻而自歸於明公者百 也。明公居於山 也,狄人乘間以跨吾北,中國之大不畏,而 公無貪於得,而無懼於失也。方西戎之熾 明公爲之宰。 之尊,而盡天 以 明公人人而食之,旦旦而撫之。 使其子孫葬埋祭祀,不失其故常。 下之富, 四夷不作,兵革不試,是 東,而傾河朔之流人,父 是明公之勇,冠於天下 五帝三代之事 不可以有加矣。 勇冠於天下, 祭其祖 了,百家 此 餘 明 丽

疑當作「掣」字。 二十八改。「父棄其子夫棄其妻」之二「棄」字,羅考●「妻」,原作「子」,據郎本卷四十二、《七集‧前集》卷

明 之書 至 賢人君子,與夫姦僞嶮詐之徒,莫不 之險易,物土之所宜,莫不 公無復 一於曲 其 當世之辯,不能傲之以 (賦之盛衰,四海之内,地里之遠 華 莫不 而 學 有所畏憚於天 咀其英,泛其流 小數, 茫昧 盡 讀 禮 爣 樂 下之博學 怳 刑 其所不知。 而 而 政 盡知。 涉其 不可 之大 源 也 知 小 近, 當世之 者, ·盡究。 則 雖 兵 Ш 自 是 皆 農 111

猶 儆於 抑 史倚 畏於博學,是其果 之士,果不 無 ; 而 以爲未也 貪於得 儀 相 國 名爲天下之賢人,而貴爲天子之宰 日 謂 曰:「昔衛武公年 以爲不足,故其没也,謚 惟 我 德之隅。」」夫 老耄 可以 而無 自卿以下,至於官師,苟 而作詩以自戒。 懼於失,無 而 進 舍我,朝夕以 無間 説 也? ൬ 衛 九十 可 羡於功名, 武 軾 有五 人也? 其詩曰:『 公惟居 也 聞 之日 交戒 猶 之楚左 睿 於 我。」 在 日 天 而 聖 至 抑 下 朝 箴 無

> 觀之。 哉 ? 武公。 天下之士,則士之進説者 嗟夫明公,豈以其 然, 軾將 誦 其 所 至 亦 聞, 足 何 必 而 吅 其 無 明公試 間 間 之人 以 拒

徇 而 犯其 門。 而 焉。昔者夫子廉潔而 偏,夫彼若能全,將亦爲 天下之偏者,惟全之求。今以其全而 制。 用,以爲非偏則莫肯聚也,是故不以其 之門 而責其偏。 人得其偏 其 至 不爲過物之操,孝 君。 於 親,子路忠而 古之聖人,惟其聚天下之偏 小人得其偏,是以聚而 而爲之 夫天下之小人,所爲 貧,公良孺 凡此者,是夫子之全也。 夫惟全者之不可以多有 用者 大人 (得其 何也 犯其君。 勇 而 而 不 ? 全,故能兼受 至 不 爲異衆之行, 我而已矣,又 奔走 一於鬭 徇 大人得其全,小 求合於大 凡 其親,忠 輻 此 ",曾子 而 輳於大 原 各 也 何 憲 丽 勇敢 責 收 人 而 改数 廉 其 求 全 其 之 獨 人

於明公者也。 此明公之所得之於天,而天下之所不可望 不以爲訐,剛健 下之全矣。 是以若此 子之偏 也 巍 廉而天下不以爲介,直而 %巍也。 夫子 明公居其全,天下效其偏, 而不爲强 ,居其 若夫明公,其 全,而收天下之偏 ,敦厚而不爲弱 亦可謂 天下 天

其

誰

日不可。

兵之未 不敢 其功也。 而 而 行也,而有取於世。狡悍之才,非真才也, 爲異者,衆必 習爲中道,而務循於規矩。 貴狡悍之才。 有用於天下。 獲者 至於明公之門,懼以其不純而獲罪 異時士大夫皆喜爲卓越之行,而世 振,財之未豐,天下之有望於明公 軾之不肖,竊以爲天下之未大治, ,其或由 今天下卓越之行,狡悍之才,舉 共笑之。 自明公執政 此古之全人所以坐而 此 也歟? 夫卓越之行,非至 了; 而 士之矯飾 昔范公收天 朝廷 之間 力行 於 收 亦

> 天下之全而 公亦 雖 功於無窮。 人者,是也 下之士,不考其 其 往 《躬爲詭特之操以震之。夫范公之取 覆無行之徒,亦自效於下風 ,其自爲者,非也。 自居,去其短而襲其長,以收 素。 苟可用 者,莫不 伏惟明公以 了; 而 咸 范

幸甚。 篇,貧不 舉之末,而發其猖狂之論。是以 京師。 左右,以爲明公必能容之。所進策論 軾也西南之匹夫,求斗升之禄而 翰林歐陽公不知其不肖,使 能 盡 寫,而致其半。 觀其大略 (輒進) 與 五十 於制 説 至 於 於

#### 上曾丞相書

則 難 以 軾 望其有合矣。 聞 之。 將 有 求 於 丽 其 説 不 誠

世之奇特之士,其處也,莫不爲異衆

引類 世之君子所爲老死而 居其 左 雖其 爲説 將以 以 右 而 摇 下風 手。」 貴 其 曰:「王公大人,不可以 撼 紨 賤 出 售其 當 之闊 嗚 而 也 世。 呼, 推其後,大其聲名而 莫不 ) 身。 絶 果其用品 不 理 遇者,無足怪 爲 不 而 古之君子有 其 怪 可 是説 相須之急,不 化 詭 之詞, 則 也, 無 欲 矣。 則 久 韓 貧 以 比 夫 其 賤 物

實,則 以 而 嘗喜儒,而 賤 彼 不失爲賢公卿。 不可以 則其實必 之説。 之間 ,不之於肆 今夫 亦無 其 !;終不 扣 — 日 扣之 彼是 不 乃 之者急,則應之者 有所 ·失爲 未 急 可 圃 至 而 相 以 mi 無吾也,彼將 不 吾將 明君 一於此 拒, 合,而 願 其 副。今吾以 觀 詞 「衛、 耶?昔 而 以 者 夸 不 道 吾之説 塞 也。 霍未 得 終 其 其 不 者 退 疑。 鬻千 爲 ·嘗薦 歡 可 漢 丽 主 而彼 以行。 其辭 考其 一公大 金之 觀者 高 將 未

> 足以 矣。 此 不 高 繒 呶 歎 小官,而樂於恬淡。 汲者,舉非 者,彼將褰裳疾行而 苟其不然, 無 丽 其無 加 飯 强 焉 加 息 而 '過人',而自視缺然,常若不足。 安於 於其舊之錙 此 糗,若將終身,至於德發 以大臣之子孫, 不 自 也 觀 而 ·可 抑。 其 之,則 以 意於天下後世者,亦安以 主 (尤不可 今也 爲希世之珍,過者 則士之過於其 一人無言焉。 吾 事 其 貴爲天子之少 不 以夸詞 也。 銖 幸 所鬻者可 前 摟取之。 昔者嘗聞明公之 而取天下之高 方其在太學之中, 其度量宏達,至於 坐 非 而 於 前而 急扣 不 五 知 /宰,而 不 能 而 達 故凡 有動 者 顧 言 不可掩,名 之 也 了, 執 求爲 王 第。 皇 於 知 其 公大 自 皇 其 其 言 又 也。 風 視 汲 呶 衣 目 之 才

難 爲 於 凡 通 軾 萬 之 不 佞, 物之理。 難 者 自 難 爲 學 於 故 至 無 不 今, 通乎 私 ·萬 無 私 物 五年。 之 理 難 以

求 其 十篇,而書爲之先。 聽,謬以其名聞。 相之門。今也 悦於世也。 所 觀 惡之,以是自 欲 於吾君吾相者也。 不 所不然者,雖古之所謂賢人之説 萬物之變,盡其自然之理,而斷之於中 無 取。 私,不 雖以 口 故其 信 得 一天子舉直 此 則 也。 言語文章,未嘗輒至 自信 惑 竊 也。 惟所裁擇,幸甚 以 故 己 ,而亦 爲 好 輒 一諫 是故幽居默 與於此者, 則 有 之士,而 以 獻 好之,己 此 0 自 其文凡 兩 知 亦亦 皆 一於公 制 其 處 惡 有 過 有 則 而

不

#### 黄 州 上文潞公書

以

異事 言 典册 ,聖朝之光華 候萬 軾 丽 首冠三公。 再 金縢之書,因 拜。 福 孟 承以 夏 也。 雖 漸 元 熱,恭惟 事 曾 功,正位 有 孫 自 自 顯 京師 之遇,絶 留 兵府, 真 來 守太 轉 古 今之 口 備 示 尉 所 不 物 執

> 賜 九 7.鼎之重 書 教 通 一, 行 草 爛 使 破 甑 敝 帚 復

> > 增

伏讀洒 謝子 及,亦如 答,恩禮 之詞,道疇 不可赦,而猶 絶於聖賢,不得復爲君子乎? 生所存,名義至重,不知今日所 洗 **诗**,終莫 相 産 濯 保。 軾 也。 磨 然,知其不肖之軀,未死之間, 始 聖 有 然私 治,復入於道德之場,追申 得罪,倉皇出 能 加 昔之眷 天 決。 子 可改也? 伏念五 心所念,不暇及 )所以 豈非察其無他,而恕 輒復强顔忍耻,飾 以卜於左右。 貸而 一獄,死 不殺之意 生未 他。 立六日, 犯,爲 抑 分, 遽 雖 但 其不 猶 乎? 辱還 鄙 至 有 顧 己 可 于 罪 陃 見 平

旬

隨。 其 軾 餘 始 就 守 逮 舍,皆婦 赴 獄,有一 女幼 子稍 稚 長,徒 至 宿 州 相 御

0

輒 郎 卷 明刊《文粹》卷三十 四十 一、《七集 四 前 作 敢 + 六 作

多,未 間。 恐此 《論語説》五 卒,圍 退閒暇,一爲讀之,就使無取 託以必傳者,莫若獻之明公。 祥之書,莫肯收藏。又自非一 史符 不 此!」悉取 駡 因先子之學,作《易傳》九卷。 於《易》、《論語 其七八矣。 目 道 書一旦復淪没不傳,意欲寫數本留 念新以文字得 船 有力裝寫,獨致《論 「是好著書,書成何 一、老而 搜取 就 、燒之。 家 到黄州,無所用 卷。 能 、老幼 取 學也。 》,端居深念,若有所得, 文 窮苦多難,壽 比 書。 幾 罪。 事定,重 怖 州郡 死 人必以爲凶衰 語説》五卷。 .) 心,輒 ,亦足見其 一復 得 望 既 代偉人不足 又自以意作 而《易傳》文 命不 ''**,** 而 尋 風 去 理 復覃 怖 遣 婦 可 <del>,</del> 我 吏 女 期。 窮 不 遂 思 發 如 恚

其 止 於竊 人 多 摊 攘 [X] 在 徐 剽 俠 殺 州 不遜 時, 也 見諸 因之以 輒草 郡 具 饑 盗 其 賊 饉 事上之。 恐其 患 憂 而 不 察

> 獻。 訖 之,此則宿昔之心掃除未 此 破 有 而 ,即燒之而已。 事 見 此 旨 軾廢逐 粗有益 之,不覺惘 書 移 湖 本 以 州 至此,豈 於世,既 爲 而 故 止 然 紙 如夢 糊 家 敢 不 所 籠 · 復 復 中事,輒録 藏 篋, 盡者也。 施 言 書, 天下 行,猶欲 獨 既多 得 事, 不 公一 其 燒 亡 公知 本 但 籠 軼 讀 惜

於邑。 去亦 無 黄州食物賤,風 惟冀以 所 歸 時 必老於此 爲國自 土 稍 重 可 拜 安, 見 無 既 期 未 得 臨 紙

#### 上韓太尉書

來,頗能論 衰之迹,與 書,及壯 軾生二十 大,不 著 其 能 有 時 曉 二年矣。 風 習 時事 俗 之 變。 自 獨 七 好 自 八 觀 三代 歲 前 知 世 以 盛 讀

爲西漢之衰,其大臣守尋常,不務

以

門,得爲之執鞭,而 之威權 爲險怪驚世之行,使天下 義士,不容於朝廷,故 其後桓、靈之君,懲往 使其肩披股裂登於匹夫之俎,豈不悲 風 闕 爲直。」而劉歆、谷永之徒,又相 依 其 大略。 口 二, 而 雲之勢,●而安於豢畜之樂,終以 而緣飾之。故其衰也,靡然如 實。 禄 放 不 道 於是天下之士,囂然皆有 儒 位 可動之計 知堂宇宫室之爲安,而號呼奔走 ,故頗用 孔子曰:「惡居下流 一,顧其子孫,各欲樹 術六經之言,而取其近似者,以 元、成之間,天下無事 東漢之末,士大夫多奇節 適 於實 ,低回畏避,以 效。 嚴 刑,以督責臣下。 其自喜,不啻若 故其亡 群起於草野,相 一昔之弊,而欲 - 豪俊 而 私恩,買 也,如人之病 了,公卿: 荷歲 訕 奔 上,惡訐 無用之虚 與 蛟 《月,而 卿 走 彌 能 樹 將 而 不悟 田 相 於 與 忠臣 人主 哉 釋其 相 不 其 力 其 皆 爲 安 循

> 儻矯異,求如 子曰:「上失其道,民散久矣。」天下之人, 常可怪之行,此三代王政之所由 皆自洗濯磨淬,戮力於王 厚,而發之以義。 行,與其風 親 自顛 之君子,剛 公曰:「後世必有 而 ·迹,誠大類此。豈其當時公卿士大夫 而 尊尊。 有 仆。 不爲阿附、苟容之事者,則務爲 昔者太公治齊,舉賢 俗之剛柔 毅 太公曰:「後世 、東漢之君子,惟恐不及,可悲 正 直 故 篡弑之臣。」周 而 以其在 ,各有以致之邪? 守之以寬,忠恕仁 朝廷, 事 浸微 ,而不 ጢ 公治魯 則 矣。」 興 尚 士大夫 敢 也 功 爲 漢 曾 非 之 Ž 周

事

二公同 長 (者,然: 軾 時 自幼時,聞 終不 在 兩 可犯 府。 富公與太尉皆號爲寬 以 愚 非 不 義 能 知 其 及 心,竊 來 京 師 於 道 耐 厚

也

幸

=

<sup>0</sup> 郎 本 卷 四 十二、《七 集 前集》卷二十八

塗,望 與大人最厚,而 道 可 固 是是以 以不見。今已後矣。 不 不喜,豈 能 其 有 願 容 所爲,而 見太尉,得 貌 古 所 寬 謂 又嘗辱問其姓名,此尤 然 大 翹 如 臣 聞 翹 有 不宣。 者 者又 一言,足矣。 容,見惡 敷? 非 軾再拜 示 循 怒 之 太尉 循 中 不 見

#### 上韓樞密書

徒,其 兹矣。 哉! 啓數百言。 及,語意親甚。 明公不以爲過。 ,似稍異於尋常人。 位至台 軾 放人 要當 頃聞明 頓 首上 鼎 有 嚴 軾 甚善。 輔 子 公入西府 輒裂 樞 自 其在錢 陵 於 密 爾不 以 左 去, 侍 懷仁輔 書 右 郎 蓋嘗深言不 復通 日 二 塘時 遺之曰:「 者。」昔侯 門前書生 閣 下。 間 義天下悦, ,亦蒙以 明 者, 公量 軾受. 君房 霸 七年於 爲 諱 爲 書見 少 作 知 足 此 阿 司 賀

> 其 不用,然有位 止 已,故子陵有 待三公者甚 諛 功成志滿,有 得盡言於左 光武,而明公之賢,亦遠 順旨 狂 要領 也 絶 薄。 方是 以 輕人臣之心,躬親 於朝,未若子 右,良不爲過 感發之。 霸 時 世 ;光武 以子 爲司徒,奉 今陛下之聖,不 陵 以 過 陵之獨 爲 布 狂,以 吏事,所 衣 法 取 循 天 職 軾 下 雖 以 觀 而

足道 矣。 兵不 此, 北。 之,曰:「使吾君子孫多,長有天 孝,莫大於愛君。愛君之深者,飲食 軾 非臣子之願 不敢復言。獨 也。 出 可用,明者計之詳矣,明公亦必然之, 使斯言無有, 今者,貪功僥倖之臣,勸上用兵 不幸有之,大臣所宜 丽 其 賢 無 功,與 敷 ? 圃 有功者,莫若漢武帝、 有一事,以爲 有 古之人君,好用兵 則天下之幸, 功 而 君 必争也。 不 賢 臣子之忠 下。」此 者,皆不 孰 者 大於 必 於 祝 西

由 圃 及 禍,殘殺 始。 敗。 祐、吴王恪,皆 膏草野於萬里之外。其後太子承乾、齊 臣房、魏輩皆力争,不從,使無辜之民, 太宗。 谷渾等,且猶未厭,親駕征遼東。 蠱事起,京師 十餘年,兵所誅 ()號稱 其子孫遭罹 ,則凡忍耻含垢以全人命,其爲子孫之 此言之,好兵始禍 其 後遂 唐太宗既平海内,破滅突厥、高昌、吐 故班固 春, 武 世宗。 発盡。 命 帝 戾太子 將 建 以爲太子生長於兵,與之 流 相繼誅死。 如此。 元 出 武帝好古崇儒,求賢 太宗克己求治,幾致刑 夷屠滅死者不可勝 血、僵尸數萬、太子父子 師,略 元 生。 年, 者,既足 **豈爲善之報** 自是之後 取 蚩 其餘遭武 河 尤 南 旗 以爲後 地 見 當時 也 數 師 建 其 婦之 哉 如 氏 置 行 長 身 ? 之 王 大 終 皆 巫 蓋 朔 亘

軾既無狀,竊謂人主宜聞此言,而明

愧不悔。 陳 福 區之忠,故移致之明公。 公宜言 久矣,恐未信 ,將明公子孫 此。 皇天后土,實聞此言。 此言 丽 · 實 諫,則 世享 聞 豈 以爲 其 雖以 報。 惟 謗。 朝 此 軾 廷 獲 懷 不 無 罪, 勝 此 疆 區 欲 之

#### 上王兵部書

技 天下莫有 軒。其技藝卓絶 騏 有 也 動,其足 以 也 驥之馬,一日行千里而不殆,其脊 執事 相 荆州 夫 馬 如 馬者,有昂 識 以 之説告於左 南 無所着,升 武者,何 高 北 才盛名,作牧於此 之交, 而 也 :|效見 ? 目 高 右者乎? 丽 而 明著至於如此 而 士大 不 豐臆,方 不軽,走下 · 知 其 夫 往 相 聞之 蹄 來 III 蓋 日 責 如 之 而 丽 亦 其 丽 不 當 衝 不

0

卷十一。「於」、原作「如」、今從郎本卷四十四、《七集・續集》

過矣。 發泄 循其 於五 睫,捷 騰踔,去而 而 望目若視日而 丽 必 .於辭. 色,馬之技 達之衢,一目 不可蔽也。 曰 乎若深 久居 氣, 不 而 知所止。 山之虎, 卓然其有以 志不 盡 後察,則亦名相士者之 士之賢不肖,見於面 矣。 而眄之, 聞其 存乎芻粟,若是者 曠乎若秋後之兔, 是故古之善相 何者? 存乎耳目之間, 二鳴, 其 相 溢 者 顔 顧 飄 丽 於 丽 立 遠

得此 後於仕進之門者,亦徒以爲執 賢,而教之以 見郡縣之吏數十百人,莫不孜孜 舟行六十日,過郡十一,縣三十有六,取所 右 其 治以求聞於後 「**,** 蓋 足跡 稱也? 夫軾 亦易疎 偶 然而 , 西 越非 求通於下吏。 丽 州 (世者,又無所挾持以至於左 至 難合也。 之 於執事之門, 敢 鄙 以 人, 求 知 然自蜀至於楚, 丽 而 且 荆 執 事 望 其平生之所 之 論 立 其 事 過 於 所 執 何 客 事之 修 五 以 也 丽

> 生爾。 之衢,而庶幾乎一目之眄,或有以信其平

擇。 宣 日 以不見執 軾 軾 夫今之世, 再 將 拜 自 事 楚 爲 遊 **豈惟王公擇** 恨 魏 也,是以不敢不進。 自 魏 無 士, 所 不 士亦 遊,恐 有 他 所

#### 上王刑部書

是土。 伍、禰 間吴、蜀、魏氏尤悉力争之。 宋有天下,王 會。 出 師 越、三吴之出入者、皆取道 北 此。 平高繼冲,至於降孟昶,下周保權,又皆 其山 竊以 軾 之賦詠 其見倚之重,爲吏之樂,豈細 其人才之秀,風 今 丌 江 日 之勝,蓋歷代所 陵 得 存焉。 之地, 於 州 吏,伏 建 實楚之故國 節 物之美,有屈、宋、 旄 審 嘗用武焉。 於是,爲一 而 執 使者, 事 巴蜀 移 也 使 其 甌 湖

意 吾力充吾職 非 然執 大 哉 小 愚 以 反 望 患 所 爲擇哉。 材 一**,** 宜 屬 事 處之, 得 執 不 方用 進 固 . 足 知 事 任 執 丽 施 所不敢臆定。 則未足賀。 兵,湖北 於 使誠 事 已, 豈以位之彼此大小動 於執事之心,當亦若是,肆 ,或不得施,豈以位之彼此 時 之所 有是議,當出於廟堂, 不 鄰 宜 務 也,宜 任 誠 也。 此 以 所敢伏思者, 執 擇人撫之, 不 或者以 事 宣。 之材 吾 軾 力

#### 上梅直講書

史,見孔子厄於陳、蔡之間,而絃歌之 匪 書》至《君奭》,常 顔淵 兕 匪 虎,率 、仲由之徒 執 事 ·彼曠 軾每讀《詩》至《鴟鴞 竊悲周公之不 野 相 7,吾道 與 問問 答。 非 邪 夫子 . 遇。 吾 ?聲不 티 : 何 及 觀

> 之禄,❶ 樂其 師 想見 韓愈之徒。 足與 子。 聞 爲 莫能 於此 子之所與 子之貧賤。 而 相樂如此 逾 下其議論。 今天下 (爾宰。] 夫天下 不知其心 (樂也。 樂乎 年,未嘗窺其門。 其爲人,意其飄然脱去世俗之樂 夫子油然而 自度無以進見 此矣。 共 有歐陽公者,其爲人如古孟 雖 方學爲對偶聲律之文,求斗 ,則周 而又有梅公者從之遊 然,不 《貧賤者,皆天下之賢才,則 乃今知周公之富貴,有不 夫以召公之賢,以管、蔡之親 曰:「夫子之道至大,故 其後益壯,始能 雖不能 笑 軾七八歲時,始知讀書 公誰與樂其富貴。 容何 日 於諸公之間。 今 年 病,不容然後見 「回,使爾多財, 容,而其徒自足 ·春,天下之士 讀其文詞 ,而與之 來京 丽 如 圃 天 軻 自 夫 以 君 夫 下

哉,可 朴 恃矣。 知己。 之十 五 也。 非左 使間巷小民 可以徒貧 能 其 而 不 自 至 文,以爲 《傳》曰: 無 餘年間 |右爲 意, 爲世俗之文 以卒歲。 怨 其容色温 苟其 退而 獲 賤 言,此必有所樂乎斯道 部 之先容,非 有 在 聚觀 思之,人不 孟 第 執 「不怨天,不尤人。」蓋 聞其名 有大賢焉而 軻之 執事名滿天 事 然而 而 時之幸,從 也 與 贊歎之,亦何以易 風 而 親 既 歐陽公實親試 而 不怒,其文 可 取 不 而 舊爲之請 而歐陽公亦以 焉。 以 得 聞 爲 下 見 車 之 苟 其 者 是以 騎 富 人, 徒,則 章 也 而 數 貴, 屬 寬 位 之。 優 執 在 厚 不 此 亦 朝 事 軾 哉 亦 而 過 游 樂 足 不 爲 鄕 其 愛 誠

#### 上劉侍讀書

受其 也。 之得 若有 丽 才 而 萬 不 而 能 氣 之亂,任 天下,而 天下 丽 可 辨 每 物之上,非 不爲之蕩。 也 敗 以 至 失,天下之能 知之間,傑然有 其 鬼神焉 **夫氣之所加,** 軾 者 成者,世之所謂 環總而歸 一大,而不爲之驚,納其至繁,而不爲 聞天下之所少者,非 小,而不能 何 其至 事不 ,世之所謂 謂 而陰 有君長之位,殺奪施與之權, 難 氣 ? 立。 是氣也,受之於天,得之於 ,而不爲之憂,享其至樂 之,此 相之。 天下之所 則己大而物 辦其 者, **曰** 不 以 天幸 幸 必 舉知之而 今夫事之利 蓋天下之人,而出 大,則氣有 者 有 是 者也 也。 才也。 所得者矣。 不可名者 少 者,非才也 小,於是 若 不 無 所 夫幸 能 害,計 不足 能 也 與 焉 平 於

與

聞

焉

矣。 不敗 不知 敗者 窮達 不幸,君子之論 ? 軾 論 ,其才也 之際,故凡 其 非 世之所以多敗者,皆知求其才, 氣 敢 也。 以 虚 不 所以 氣 若夫 不 辭 施 成者 能 丽 於成 明公,其 守 曲 其 其 敗 説,誠有 (才,則 氣 之間 亦 也 ¬, 其 有所 焉 而 所 往 所 施 見 得 而 而 以 於

澠

則

加

焉耳

巡而 取。 者乎 書方尺之簡,而 以 愛,其塗甚夷,設爲 窮之利, 容於下,遷之者不容於上,而況其 不敢 然天下之人,翹足跂首而 毫取 有無功而遷一級者,則衆指之矣。 夫天下 明公起於徒步之中,執五寸之翰 百吏,而 自一命以 於 進 -有分, 人,則 者, 列於士大夫之上,横翔 爲之表。 何也? 得其 群 上,至於公相,其 科條 起 分 而 争之。 其 一<del>,</del> 而 則 猶 分有 安,非其分, 以爲未也 待天下之擇 群望之,逡 、 天下 所止也。 利 有 、甚 捷 可 無 丽

> 年,而 功。 百戰而有之者也。 之秦昭王、商君、白起之徒,所以殣身 讓。 之能 北 之師 者,則誰實辦之? 無大事也,天下而 古之方 抗顔 天下不以爲速。 跨河 此 ,以擅富貴之美,而天 友之 其 高 伯 渭 氣 議, 職 連 写 付 固有 南 帥 自 倚 之全 所 以 奮臂而 以大 巴 不 有大事,非其 無前,而 蜀 能 秦之地, 非 服 一**;** 西 有汗馬之勞, 有 取 於 控 也 兩 天下 下不 天 戎 ; 制,不十 地 下 夏, 以 (氣之過 不以 · 矣。 東 障 爲 殘 則 天 爲 無 米 餘 民

鹽

采。 不得從也,故請間 之盛美,而庶幾於知言。 風 幸其未至於公相 不宣。 軾遠方之鄙人,遊 雄再 拜。 於門下 面 於京 惜其 猶 可 以 師, 將 以 願 聞 望 遂 誦 西 其 明 見 其風 去 才 公之 而 氣

0

下 無

間, 郎 本 卷 四 四 七 前

## 上知府王龍圖書

心,亦 術以 所甚易,而亦有所至難 其心,而納之安居無事以養生送死者,有 得以僭言之。 之爵,其喜樂不如是之甚也。 洋溢布出而不可掩,雖户給之粟帛 下至閭 夫,舉欣 致此哉? 軾也安足以議 能 事 歡欣踴躍,轉相告語,諠譁紛紜! 自 小 欣然 民, 軒 蓋明公之於蜀人,所以深結 車 雖 相 之來,曾 不足以識 慶,以爲 未 近之所無有。 期 知君子之用 伏惟明公何 月,蜀 雖然,請 而人賜

年,聞 其所見者大也。 啻户庭之小。且公爲定州,内以 人,而況於公乎? 夫海 其 言 語 濱之人,輕游於江 而 被其教誨者,皆足 昔先 度其視 魏公宰 區 品 夫 河。 之一方,不 下 養民 以 + 何 爲 有 則 殖 賢 ?

> 罰。 年,而 不 方其困急時,簞瓢之饋,愈於千金,是故莫 熟,以爲當然,不知天下復有仁人君子也 以爲富 自公始至,釋其重荷,而出之於陷穽之中。 恤之加 爲易者一也。 是以公至之日,不勞而 財 歡欣鼓舞之至。此其所以爲易者二也。 圃 有田者不敢望以爲 四 外 ,惴惴焉恐死之無所。 濯筋 方 震 稱 威 割骨以奉其上,而 之。 自近歲 武 以待不臣之胡。 況於實非 以 自成也。 來,蜀 (飽,有財者不敢望 有 八不知 然皆聞 難 不免 此其 辦之事 見所 於刑 所 有 以 勤

政 出 易 有 庚子之小 兵 除。 所厚薄 於民 者,徒知畏其易除之近 以 衛 雖然,亦有所至難。 怨 民,而 厚 於賦 也。 變,起於兵離。 由 然而 賦 此 民 民 觀 者 以養 之,固 薄於養兵者,其患 ,其憂遠 兵,此二者不 有本 而甲 患 何者? 而難救。 ,而不知 末 宁 也 之大亂, 國家蓄 畏 故 近 미 而爲 其 夫 以 丽

聞 耶 ? 其民 之備。 其來 哉 ! 訴,其 凡 伯 爲凶民,陰中其禍。 可以 且 圃 事 此 難 民 連 然矣。 其 天下未嘗無貪暴之吏,惟幸其 救 之失其所者,待公而安,傾 也莫不有譽,其去也莫不有毁。 德 望之深責 所以 訴,是以 帥之職、執民之權、 之遠憂, 今之饑者待公而 、訴者又不見省幸,而獲省者,指 夫惟天下之賢者,則民 當 若夫庸人,誰 H 世 爲 民 新 大 難者 有 而 猶 賢 而 之備 抑 不 有 有 鬱, 孰能 替。 志 所恃。 也。 嗟夫,; ¨; 而 復求之。 至此 於民者, 食,寒者待公而 使之兩存 此 所以 蜀人之爲怯, 其 而不能以 而 明天子在上,方 今民怯 所 不 塞之者 望之深 則 自頃數公, 耳聳聽,願 能 以 上之明 而 或 爲 爲 圃 因 皆 告者。 難 未 夫豈 之 而 目 不 自 濟 以 者 責 地 而 以 敢 生

伏惟明公以高世之才,何施而不可,

也

舊所 稱 軾 加 惟 述, 負 意 無 爲 罪 忽其 焉 誠不 文十 將 居 所 喪 勝惓惓 天 五. 以 不 下 篇 爲 當 被 , 政 易 輒 之心 ~, 而 其 事之餘,憑 至貴 / 澤 深 」, 敢 ' ', 而 思 人 其 以告諸左右。 何 之門,妄有 所 蜀 几 難 之足云 一笑,亦 者 而 所 稍

# 應制舉上兩制書

可

觀

乘之君 呼於其 則 明 軻之徒,不 之分,則不 貴賤之際,則不知聖賢之爲高。 乎 閉 者相 ·聖賢之分,而不參於貴賤之際。 門 軾 操幣 而 門, 勝 聞 不 古 圃 則攝 知貴 見 納。 不 者 執 諸 可 有 ·贄,因 賤之爲差。 衣 侯 此 以 貴 而 而 非 相 賤 從之。 耕 苟 門 参,其 之際, 於野,比閭小吏一 以 人 以 爲 勢然也。 昔者子思、孟 異 有聖賢 願 至於齊、魯千 交於下風 而已,將以 行其聖賢 之分。 治其

喪,不能 賢之分,二者要以 定 攝 軻,不可以人人而求之,然 而 其處 也。 拒 衣 之 圃 ,故其道兩亡。 從之也,君子不以爲 也,君子不以 士之賢不肖,固 深明於斯二者 不可 爲 而錯 不知 有之矣。 傲。 而貴賤之際,聖 畏。 行之,施之不 何 也。 則 而 ? 子思、孟 世衰 其 其 閉 道 分 門

賤, 而 周 之際矣。 以賓客之禮見於下執事 不敢入。 世,亦明矣。 與於州縣之小吏,其官 而 使 旋 而 與於制舉之末,朝廷之上,不以其 而 今夫軾,朝生於草茅塵土之中, 以 使 而 無間,大車 爲是兩漢之主 奏其猖狂之論。軾亦自忘其 雖然,當世之君子,不以其愚陋, 軾 問之政者也。其才 也,非有公事 而諸公之貴,至 -駟馬至於門者,逡巡 所孜孜而求之,親 爵 固已獲罪於貴賤 而 勢 輒至於庭, 雖不足以 力不足較 與人主揖 丽 不 疎 求 丽 讓 於 夕

> 待辭 爲 之尊,而俯 者其分也。 幾 貴賤之際,非 於聖賢之間,而學其道,治其言, 讓 而直言當世之故,無所 是故 不 知其 所以 踽 身之賤。 踽 施於此 然 而 來,你不 也 不由 委曲者,以 紹介,不 知明 則 所

下 軾 者 公之所好,天下莫不 奮 圃 治法 衰也,時人莫不柔懦而謹畏,故君臣相蒙, 雖欲其仁,而不可得也,故秦亡。 下之所最 而 將論其 莫不惡。 ,豈其所自 厲,故賢不肖不相容,以至於亂。 至於危。東漢之衰 不 · 立, 不若治 秦之衰也, 軾 聞治 か時 周 重也。 故軾敢以今之所患二者,告於 雖欲其立,而不可 '之病',而以爲 . . 時。 事不若治人,治人 爲 時人莫不貪利而 邪? 周之衰也,時人莫不苟 時者,國之所 好。 也,時人莫不矯激而 王 其權在諸公。諸 公大人實爲之。 諸 公之所惡,天 得也,故 不若 以 不仁,秦 存亡,天 西漢之 治 夫時 周 媮

其 下 三日 之大患 執 0 也。 其 好 名太高 티 : 而 用 法 不 太 適 實。 密 丽 此二者, 不 求 情。

其 敗 循令爲 下安。 措意。 也,法也。 爲,要以如法而止,不敢於法律之外,有所 由 則人爲備位。 敢用其私 未 易以亂。 之時,留侯爲太子少傅,位於叔孫之後, ,而不 哉 平 勇者致其勇,君子小人莫不以其 也 加 何 丁其治 稱其職 夫人 法既 今自一 謂用法 法 困於繩墨之間,故易以有功,而 及其治也,天下莫不趨於法,不 不立 意,而惟法之知。 法之弊豈 大行,故 勝法,則法爲 也,其亂 ·拱手而 命以 太密 人與 則 (法並 Ĺ 人行其私意 丽 不亦甚矣哉。 人爲 至 不求情 任法, 也,天下皆曰 一於宰 行 備 虚 丽 故 柏 器 位。 日 不 ? · 吾豈得 ,皆以 相勝 雖賢者 昔 其 法勝 昔者漢 者 者 (成也, ", 則 非 奉 意 遂 天 我 所 法 天 亦 從 其 下

> 然。 泛焉 者。 用 私。 能 百 用常衮、衮 泰之間,姦臣執政,政以 以效其智。 者,何也? 歡 而 不不 , 則 如 ,多其親 也。崔祐甫 周昌 非 莫有深思遠慮者,皆任法之過也 何 惟天 然天下否塞,賢愚不分,君子 (功臣 以 親 爾。」君子 亦自御史大夫爲諸侯相, 法 與舊 下之無私 舊。 左遷 一切用法, 丽 何則? 任法 相 ,則安得 爲相,不至朞年,而 或者以 而不怨。 持 以 生於自疑。自疑 也。 爲 ,則能於法律之外, 其自信明也。 善用 爲譏,祐 四方奏請, 丽 賄成,德宗發憤 今天下 此 知之? 法。 亦知 甫 所 今 天 其 天 曰 : 夫唐 除 不 生 莫 以 顧 君 下 吏 於 下 其 以 有 任 臣 有 多 泛 所 之 八 獲 永 有 法 不 爲 而

之爲天下,使人各效其能以相濟也。● 不何謂好名太高而不適實? 昔者聖人

0

集》卷二十八作「致」。 「效」,郎本卷四十二、《文粹》卷三十五、《七集•前

長。 有侈 能 宣之際,自公孫、魏、邴以下,皆不過以一 遷。 而 各務其所長,以相左右,故史之所記,武、 精,而其 播種 可及者,由此故也。 人,❷皆止於名一藝辦一職,故其藝 (夫,其實病此也。 無 者 夷、后 稱 則 是故喪其 心,耻以一藝自名,而欲盡天下之能 慕於大。 及至後世,上失其道,而天下之士,皆 安其大, 於當世。 以盡 夔不敢自 不 至於三代之際,亦各輸其 專,不 不相 、職未嘗不舉,後世之所希 夔、稷、 其能 犯 , 專 而無忽於小。 所長,而至 是以各適其用,而不喪其所 夫人各有才,才各有小大。 躐。 與於知 ,至於子孫世守其 契 則 之 不 凡書傳所 仕 下而至於漢,其 倫 能 禮 者莫不 而 於無 皆 自堯舜之時 不過 契不 小者樂其小, 載者 用。 · 談 王 才 敢 名 今之士 望 未嘗 業 自 而 自 道 **—** 藝 (君子 而 非聖 安 任 , 不 其 而

> 無功。 立。 命 汗漫而無當。 禮 太高,而措意太 而 ,終於不可究,而 樂、皆欲 世務因 聽其言 是故賢人君子布於天下, 以 復三代, ,則侈大 不 此皆好名之過 舉。 廣。 學者莫不論天人 太高 世教因以 追堯舜, 丽 可 則 樂。 無 終於不 不明。 用。 責其效, ൬ 太廣 可 事 自 則 不 則 許 性

之因循鹵莽。其故出於此二者歟?至於百工小民之事,皆有可觀,不若今世至於百工小民之事,皆有可觀,不若今世

則天下 或 學術 於百世。 有 取 之廣 伏惟 於 奔 走而 不 斯言也。 博,聲名之煒燁,冠於一時,而 明公才略之宏偉,度量之寬厚 百 宣。 世之所望而 趨之。 摊 輔 將 則其 有 E 深 、愍時 者, 於此 意有 憂 者 世 之心, 所向 振

<sup>● 「</sup>輸」、《七集·前集》作「輔」。

<sup>「</sup>非」,原作「爲」,據郎本、《文粹》、《七集•前集》改。

# 上韓魏公論場務書

隨欹而 救 便,非 汗,非可以 宦於西,當以 一時之急,解朝夕之患耳。 軾 痛整齊之,其勢不足以久安,未 拄、隨壞而 再 拜獻書昭 倉卒輕言者。 爲當今制置西事 :補也。 文相公執事 然而其事宏闊 今之所論,特欲 , 其 0 軾 大 可 者 得 浩 以 未

永世 以 嚮之殘棄也。 富民者,嚮之僕隸也。今之所謂蓄聚者, 之變,冰消火燎,十不存三四。 頃 計 中户不可以畝計,而計以頃。上户不可以 藏於民家者,多於府 向 之民力堅完百倍而不能支,以今之傷 而 往者寶元以 臣 一伏邪? 以 賦。 然而 前,秦人之富强可 耕於野者,不願爲公侯。 其 不知昊賊之遺種,其將 庫 亦 也。 有 時 然而一 而 今之所謂 不 臣 經元昊 知 也? 也

> 而已。 之也。 戰不北,守不散,其權固在 也。 事之時 殘之餘 旦 厚,足以勝 納之於患難,軾 今使有變,則緣邊被兵之郡, 戰而無食則北,守而無財則散。 鳳翔、京兆,此 而 能 任 務 辨 縣官 多方優 者 r, 軾 恐外憂未 權 所 時 裕 兩 不 一切之政, 其民,使其 郡者,陝西之囊 此 識 兩郡 去,而 也 也 夫 知戰守 内憂乘 而 氣 平 欲 力 安 橐 使 湩 無

盎 足, 鮮有能大過二百千者也。 者,於法皆可科。 皆 所謂 計 長役及十千,鄉户及二十千,皆占役一分。 衙 釜甑以上計之而不能滿二百千,則何以 [十五六千,至二十千,而多者至 也。 前之役。自其家之甕盎釜 則遞取其次,最下至於家貲及二百千 軾官於鳳翔,見民之所最畏者,莫若 一分者,名爲糜錢,十千可辦,而 科役之法,雖始於上户,然至 自近歲以來,凡 夫 (爲王 甑 以上計之, 一民,自 所科者, 不 一於不 可勝 其實

弊者 民之窮困,又可知矣。 獨任,而 能 百 困 六 亦 分 百 爲 可 願人焉,是二千四 知矣。 分, 計 今也 六百 所 껪 及 二 捕 謂 分者,未 然而 獲强 優 百 輕 縣 千 惡 而 官之事 能 百 者 則 可 純 分者,衙前之所 不 願 以 被於衙 償其勞者, 免焉 人 ,歲以二千 焉 ,擿發 民 前 之 也。 臟 不 四 窮

就 丽 歲 軾 從 民 民 使 轉 償 嘗粗較之,歲 軾之説,而 也 尚 《爲全失二萬,均多補少 《之於税緡,是二萬者,未得爲 運 可 今之最便,惟重難 異日 萬、無益於敗,此賢將帥之所畏 使之所 其詳固 以生,此 爲陛下新御宇内,方求所以爲千 無以 盡 辦也。 已具於 以予民,失錢之以 軾之所 不 待倉卒意外之患, . 過 二萬。 如使民 府之 爲 日 區 損,優輕 ´, 要 區議以官権與 所 失之於酒 日益 録 以 全失 以 共 貫 日 則 困 (計者, 聞者。 足,此 增 雖 窮 也 課, 也。 復 而 則

民

歲矣。 類聚其 下 三司 意。 歲赦 行之益堅。● 至今以爲不便者,十人而九,相公尚不顧 冠世,不牽於俗人之論。 辦 萬 何 諸郡,或以爲可,或以爲不可,然後監 年之計 而 望 固 書使 嚮 易賢將 乎? 其行 説 非 不許,幸而許,必 而參酌之。比復於朝廷,固已朞 相公果斷 《官自買木,關中之民,始知有生 者, 不行, 今此事至小,一言可 帥 必 之所畏。 不 又未可 肯 而力行,必且下三司 以 且下本路。 知 也。 乃者變易茶法 況 轉 於相 運 使之 如此, 公,才略 決。去 本路 所 能

攘 然 時 竊 議 以 迫 以 方 今山 爲古人之所以 之中,行寬大閑 官 権 陵 與 (事起,) 民 其 日費 爲 大過人者,惟能於擾 暇 迁 千金,旗 闊 久長之政,此天 取 笑可 乃於此 知

軾

以

<sup>0</sup> 益」,原作「蓋」,今從郎本卷四 八、《七集·前集》卷二十八 十三、《文鑑》卷 百

所擇。 及今使郡吏議之,減定其數,當復以 即 日貧。 言之今其 政,當訖事 而永慮也。 下 位 所 改元之歲,必將首 以 之無 此從來不革之過,今日之所宜 不 旦 測 時 而罷。 紨 山陵之功,不過歲終。 有 而 大故,則政 大 用 服 之無度,是以 伏惟 明年之春 也。 行王道以風天下。 相公留 朝廷自數十 出一 ,則陛下逾年 切,不復 民 意。 日 聞, 千 困 切之 深懲 年 萬 則 有 官 以

# 上韓丞相論災傷手實書

然災 百 蒿 民 餘 蔓 物 傷 里 裹 椎 史館 之餘, 魯,過 蝗 捕 相公執事。 蟲 殺之數,聞于 而 客稀 民既病矣。 瘞之道 少 ´, 真 軾 左,纍纍相 愚 到 官者幾三萬 自入 拙 郡 三 十 所 境,見民 宜 望者,一 一久處· 餘 日矣。 斛 也。 以

> 廷乎? 乙,其不均又甚於昔者,而民之怨始有 之不均也久矣,然而民安其舊,無所歸怨。 也。 乎 ? 今乃用一切之法,成於朞月之間,奪 之民,索之於溝壑間矣。 蠲 領不足以薦鈇鉞,豈敢以非災之蝗上 已上章詳論之矣。 落 使蝗 而京東獨言蝗不爲災,將以 浙江之濤,上翳 然吏皆言蝗不爲 秋税,或與倚閣青苗錢。 ,彌望蕭然。此京東餘 方田均税之患,行道之人舉知之。 果爲 軾近在錢塘,見飛 若必不信,方且 民除草,民 日月,下 災,甚者 願公少信 將 祝 且民非 重復檢按,則饑 蝗 波及 掩草木,遇其所 或言 自 丽 疎遠小臣, 誰 其言,特與 來 西 淮浙者 欺 北 之,豈忍 爲 獨 乎? 來 民 病旱 聲亂 除 戸與 罔 草 所 税 蝗 鸁 朝 腰 量 殺 郡

,然大抵恃告訐耳。昔之爲天下者,惡今又行手實之法,雖其條目委曲不

開告 之,豈吾君敦化 然後良民乃得 無良者。異時 告訐 强 姦 不得 -常八九。 訐之門。 之亂 捕告。 俗 也 州縣 而 而今之法,揭賞 、相公行道之本意歟 夫告訐之人,未有 其後稍 故有不干己之法,非 安。 所共疾惡,多方去之, 今乃以 稍 失前· 厚賞招 人之意, 以 非凶 求人 而 盗 渦 姦 用 漸 及

耳。 役未至 法,其 當户出錢也,則不容有大繆矣。其名 等、五等分上、中、下。 軾以爲定簿便當, 欲推而行之,尚可擇其簡易爲害不深者。 幾何,預爲至少之數,以賦其下五等。 或未盡 軾以 故簿不可用。今之定簿者爲錢,民 凡爲此者,欲以均出役錢耳。 經久利病,軾所不 ,雖有不當,民不争也,役至而後訴 爲如 其詳,然至於等第,蓋已略 是足矣。 即用五等古法,惟第四 昔之定簿者爲役, 但當先定 敢言也。 役錢 朝廷 免役之 得 次 所 其 細 知 必

> 等。 其 均 富 其 則 相 自相差 悉召之庭,以其數予之,不户别也。 等凡若干户,度其力 之稍有才者, 戚,不能周知。 加 其 五 等,謂 輕,須令出 相 力 逐 推 分與之。夫三等以 餘委自令佐 孫 悉 第 可 役錢,典賣則 相 鄉分之,凡某鄉之第二等若干户,●度 第四等上、中、下,第五等上、中 與 三等亦如之。 以共出錢若干,召而 擇,以次分占,盡數而已。 詰,不一二日 ,利害相形,不容 買者各以其名附舊 《錢至少乃可,第五等下,更不當出 可以意度也。 ,度三等以上民力之所 至於物力之厚薄,則令佐 著所 《共可以出錢若干, 自定矣。 上錢物之數,雖 彼其族 割役錢 獨 借如某縣第 有 分之,如第 也。 居相望,貧 户供官,至 僥倖者 於契要,使 若析户 此五 第二等 立等舊 令 民 其 任 一分文。 也。 則 親 則 役

一十九改

<sup>●「</sup>干」,原作「下」,據郎本卷四十二、《七集·前集》卷

千,以與浮浪之人,其歸爲牛皮而 皮,亦用告賞。農民喪牛甚於喪子,老 其 婦女之家,報官 其 朝 賞 數 廷 何畏 不 又 造 貲 凡告者,亦意之而已。 何 簿 求 而不爲乎? 不中,杖六十至 乎 不復 ? 稍緩,則撻而責之錢數 所 用,舉從其新,如 謂 浮 近者軍器監須 財者, 八十,極矣。 意之而中 決不能. 已, 此 何 + 弱 4 知 而

苟 餘萬 然太 數 京東、河北 近者復得漕檄,令相度所謂王 鹽囚,道上無遷 流 革。 不 涕 息也 也 軾在 所謂 盡 鹽 自 錢 鹽法置 民 密州 市 到 塘,每執 肯 易 百九十餘萬秤 京 之 鄉配 鹽 捨 東,見官 市易鹽 鹽 務 而 者 歲 筆 流之民,私 不 斷 ·, 度 煎, 收 務 犯鹽 不 能 税錢二千八 - , 此特 利害,不 煎 賣 盡 伯 鹽 者 而 買 瑜 竊喜 「, 未 不 此 者 獄 私 郡之 **| 欲變** 乎 覺 中 嘗 幸。 ? 賣 無 不

> 買,又須盡賣 救之於未行。若已行,其孰能已之? 糞土何異,其 甚,恐非 千人,終不 乎 ? 頃 者 獨 能 兩 萬 浙之民,以 害又未 而後可,苟不能盡,其 禁。 七 千人 京東之民 可以一二言也。 而 팅 鹽 得 縱使 罪 於 存 官 兩 歲 者 能 願 浙 萬 與 盡 遠

置之。 故不自揆,復發其狂言。 言公深有拯救 病,其勢有以見及。又聞自京 罪 於 軾 世 願 不敢 也 無 聞 論 干冒 斯 於 事久矣,今者守郡,民之利 民爲社 人, 威重,不 使孤 . 稷長計遠 危 可則行 ·勝戰 衰廢之蹤, 師來者, 之,否則 慮之意。 重

至是乎

#### 上文侍中 論 强 盗 賞錢

得

風 俗 武悍 趌 再 ,特好强劫,加 拜。 軾 備 員 偏 以 州 比 民 成荐饑 事 甚 簡 椎 剽 但

隨 獲 隨 無 人用 虚 日 競 勸 自 了, 盗 軾 至 亦 斂 此 迹 明 立 購賞,❶

部 乎 ? 張而 等。 春之交,恐必有流亡之憂。 若又縱盗 宜急於盜賊。今歲之民,上户皆闕食,冬 勝,則凡爲盜者舉讐之。 言之,五十千豈足道哉! 四五人者分十二千五百以捐其軀命 率常不下四五人,不勝則爲盜所害。 十二千五百而已。 流以下半之。 公所言 聞上,而 `●則郡縣之憂、非不肖所能 ,明公以天下爲度,必不間也。 不已,可 既降一等,則當復減半,自流以下,得 朝廷所以深惡强盗者,爲其志不善, 法,獲强 · , 無 人微言輕,恐不見省。 以 不 近有旨,災傷之歲,皆降 盗 馴致勝、廣之資也。 立 從,東武之民 凡獲一賊,告與捕者, 人,至死 其難如此,而 夫災傷之歲,尤 者給 任 也 五十千, 故 向 由 幸 9 見 非 欲 而 此 具 所 可 使 而 不

> 人,知其一不知其二者也。 告。比來士大夫好輕議舊法,皆未習事之

者 ! 改新制 行。 免。 辨,此軾之所深不識也 是增損舊律令也。 毁棄官文書者,皆科違 書,而天子不知,三公不與, 棄官文書 多 出 I 於本 考其 近者令諸郡守根究衙前 常竊 今監司郡縣,皆恬然受而 書也。 重害者,徒一年。 前 ·寺官 怪司農寺所行文書措置郡 後,初 豈有增損 更 一時之意,遂 不被旨。 不用赦降 制,且不用 舊律令,衝改 謹按 原免 今科違制 有司 重 與 行之莫 難 律 得 ,即是 赦降 制 應 文, 毁 專之 新 緣 勑 敢 制 衝 即 原 此 並

自近,則每事表聞,從之則權輕,不從則拒善 昔袁紹不肯迎天子,以謂若迎天子以

0 0

<sup>「</sup>購」,原作「遘」,今從《七集•前集》卷二十九。

<sup>「</sup>又縱」,原作「有蹤」,今從郎本、《七集・前集》。「捐」,原作「損」,今從郎本卷四十三、《七集・前集》。

軾愚 皆不 難也。 命,非 於左右,猶幸明公密之,無重其罪戾也。 意其出於偶然,或已嘗被旨而失於開坐: 上,朝廷清明 獎 惷 可 計之善也。 與過 知。 無狀,孤危之跡,日 而況守職 但不請 分,竊懷憂國之心,聊復一 了, 雖 萬 奉上 夫不 而 無 行, 此 者 請 虞 • 其 乎? 以岌岌。❶ 而 漸 行 不可 司農 今聖人在 袁 紹 ,開耳。 (所行 夙蒙 之所 — 發

## 上文侍中論権鹽書

所憂者 者。今雖在外,事 而憂及生民者乎? 望,受恩三世,宜與社 爲主上所倚 不知 留守侍中執 ,猶當盡 若猶未也 信 力争之,而況 華 事 有關 實 0 則願效其愚。 竊意明 一稷同 兼 當今天 於安危, 隆 . 憂, 皆. 9 公必已言之而 下勳 其 爲 Щ 士 事 無 德 關 民 非 如 俱 職 所 本 明 職 之 責

> 在餘杭 北 不 送,吏士不敢近者,常以數百人爲輩,特 歲 其 門之外,公食青鹽。 有 予民,而官亦易以籠取。 同。 恩 邊 有 京 (欲籠 之人,悍於淮、浙遠甚,平居椎剽之姦, 爲他盗,故上下通知 可禁止之道,然猶 成 至萬七千人 也。」軾以爲陝西之鹽,與京東、河北 防,而河北獨不権鹽,此祖宗一時之誤 東 議 鹽 解池廣袤不過數十里,既不 頃 時,見兩浙之民 而取之,正與淮 矣。 。」朝廷 惇之言曰:「河北與 司 而 遣使 使 莫 章 能 今東北! 案 惇 法存 咋 視,召 建 以 南 丽 犯 兩浙 青鹽至自虜 姦民 而 不以 う 鹽 得 周革 循海皆鹽 置 有 不 乞権 無異。 以 聞 陜 罪者, 人 兵仗護 · 行。 可 八西皆爲 (覲,已 河 捐 也, 中, 軾 北 城

❶ 「日」,原作「因」,今從郎本、《七集·前集》。

<sup>「</sup>望」。
「華」、郎本卷四十三、《七集・前集》卷二十九

右 隨之,此猶 陜 且 北 常 臂何爲獨完,則 西 榷 鹽 數 甲 者, 也 鹽 於 淮 他 雖 浙 Œ. 路 由 有 患風 事 既未能罷 此 故 之適 觀 事,然要以 旦 痺 Ź, 以酒色伐之,可 榷 人日 宜 祖宗 鹽 又欲 耳 ,吾左臂既病 則 以來,獨 何名 其 爲 使 禍 非 京 爲誤 未 王 東 乎 易 不 政 (、河北 ? 哉 榷 以 也 泂

乎? 窘 耳。 也 其賤耳, 得之,則以四 叫 不免於私賣 淮、浙之民 迫 不 煎 東海皆鹽 今吾賤買 今議 此必不犯之道也。」此無異於兒 以 其急 煎 予官 賤不能減三錢,竈户 者 而不賣者也。 /所以 人者,以 티 : 時 錢出之,鹽商私 也。 而 乎? ,百用横 不免於私 賤賣,借如 荷民 吾之 官 將 之買 以予 法 力之所及,未 生,以有限之錢 加 販,而 與 價 近歲官錢 每斤官 私 買於竈 淮、 , 均爲 賤 商 竈 丽 浙 而 得 以 賣 户 卢 不 常若 犯 所 有 童 價 同 錢 捨 之 法 利 錢 貴 以

> 今以三 築厫 嗜鹹 也。 明 官 鹽 鹽 販法 行,官之所喪,可 之乏,至於節 錢 買 [鹽,本 者不爲。況民財兩失者乎 者,今將権之,東北之俗,必不 在 無 也,而 往在 重而官鹽 庾之外,所 食之於鹽 朞 窮 錢 爲. 月之後,則 之 輕 浙 鹽 望官課之不虧,疎矣。 而 中 本,一錢爲利,自禄 利 口 竈 貴 ,非若饑之於五穀 見 重,雖有積 并日 獲 户 ,則民之貧而 勝 山谷之人,有 有 無幾矣。 其 計 朝 利 哉 而況鹽 夕 必 薪米之憂, 歸 滯,官未 ? 失民 於 儒 <del>乎</del> 有 數 私 吏購賞修 如 者 也。 而 且 積 販 月 往 或 淮、 得 病 食 日 故 不 五 無 而 也。 不 浙 之 無 食 私 穀 疑 官

會 議 今兩路 ,經年而 且禍莫大於 未 未 有 果。 鹽 作 禁 始, 自古作事欲 也 作俑 ,故變之難 之漸 速 而 至 不 遣 於 取 用 使

苟 非 衆議 紙 國 以 礻 文 獨 用 明作始之難也。 書 可必,則兩路之禍,自今日始 明 不足,添價貴賣,有司以爲熟事,行半 ,未有如今日者也。 公不能也,今之執政能自 而決矣。 且明公能必 今既已権之矣,則 然猶遲久如 其不 添 必 乎? 乎? 他 此 日

難。 甲而 今執政 爲明公將老矣,若猶 加 莫之行也,而手實卒罷,民賴 其不可,以告今太原 乃者手實造簿,方赫然 有成議矣,雖争之必不從。 可不深哀而速救之歟? 鹽,而議者輕欲奪之,是病天下也。 聽 三,其 此又軾之所不識 夫東北之蠶,衣被天下。 所欲必行者、青苗、助役、市易、保 己少留,以全兩路之民,何所不 他猶可以庶幾萬 韓公。 有所争, 也。 行法之際, 軾嘗論 或者以爲朝 使明公之言 \_\_<del>.</del> 公時在政府, 竊以爲不然。 則其 以少安。 蠶不 或者 請 老 文 廷既 明公 可 凡 也 無

> 乎? 可。 職之所當憂,而冒聞 尤易矣。 不 幸 干瀆威重,俯伏待罪 願 而 少留 不 聽 意。 是 於左 軾 議不 郡 · 而已。 中意 右,明公其 守也,猶 ), 其 於 得 以 退 爲 也

# 上吕僕射論浙西災傷書❷

謹 但 旨,使與監司諸 近上章,論 知 已條上二事。 пЦ 軾頓 號 首 朝廷,乞寬減額米,截賜 浙 E 西 書 人議 淫 門下僕射相公閣下。❸ 軾才術 丽 所以爲來歲之備者。 颶 淺 風 之災。 短,禦災無策 伏蒙恩 上 供。 軾

0

0

<sup>「</sup>遲」、《文鑑》卷一百十八作「持」。

<sup>《</sup>杭州上執政書二首》之第二首。 「上吕僕射論浙西災傷書」、《七集・後集》卷十四、

謹頓首再拜」。 士左朝奉郎知杭州軍州事充兩浙西路兵馬鈴轄蘇軾「軾頓首」至「閣下」、《七集・後集》作「月日龍圖閣學

言狂計拙,死罪! 死罪!

賢哲 區 薄成風, 萬 賣常 云"「官家將十八萬石米,於烏 將護,●未可以壯夫常理期 濕之變,便自委 羸 房 有 雖 石米易 晶 久 廊 市易之欠,人人有鹽 法 蓋十室 室 平米十八萬石,得米者皆叩 戰國公子,尚知焚券市義,今以 病之人, 傾倒,商賈 聚斂之害,平時 宇華好,被服 然三吴風 豈下策也 聞 敷十 揣 錢九 此 而 所樂聞 言,理 · 萬 平時 九。 俗, 哉 萬 何頓。 不行、 人,此恩不 九千緡,而 與所忌諱,不 自古浮薄,而錢 僅 自 粲然,而家無 無不 仁人君子,當 富 經熙寧饑 自支持, 竊惟仁聖在上, 市 酒之債 民 行。 井蕭然。 残破 也。 一可忘 能 但 四 更遭 略 疫之災, 今年,錢 恐 活 也 鳶 宿春之儲 · 盡,家 宅在官, 世 數 塘 頭 與 狐 風 爲甚 夫 誦 意 如 寒 輔 狸 萬 以 塘 外 暑 衰 家 佛 與 口

> 察也。 爲法 也。 之,吏不喜言災者,蓋十人而 幼 子 相 期 口 有 左 騰踐死者十一人,方按其事。 八月之末,秀州 之 訴 驗 右 水旱而 争言 惑 無災, 聰 無 明 訴 數千人 ,此軾之所 風災, 拒閉 或言有災而不甚 訴 九,不可不 風 私 不納 災, 吏以 由 此 過

文符往 東。 不 軾 吝哉?」去年秋冬,諸郡閉糶,商賈不 然恐朝廷 官吏皆來見 「吾爲數十萬人性命言也,豈卹此 ·得收五 既劾奏通之,又舉行災傷法,約束本路 而 棘 來 漕 既條上二 ,僚吏恐悚,以 穀力勝錢。三郡米大至,施及浙 司 疑公爲漕司地,柰何?」軾曰: 官 軾 豆,緣 日 事, 「此固當今之至計 且以 此 軾之私意,其不爲 愠 關 怒, 白 漕、 幾 不見容。 憲 小小小悔 兩 也。 司

#### 法,然今歲未敢舉行者,實恐再 審 矣。 力勝之免,去歲 '忤漕 已 司, 有 成 回 揚

司

地

也

以 報。 必欲得見錢,浙中遂有錢荒之憂。 歲恩旨,寬減上供額米三分之一,而户 去歲 屈之罪 價復增。 麥,須七月初間見新穀,故自五月以來,米 君相之恩,下以 朝 咎愈深。 錢和 廷 《朝旨,免力 今者若蒙施行,則乞以六月爲限。 行下,使五穀通流,公私皆濟,上以 買銀絹上供,三請而後可。 也。 軾亦曾奏乞展限 此則軾之疲懦畏人,不免小有 伏望 勝錢,止於四月。 安 相 孤 公一言,檢舉成 危之迹,不勝幸甚。 至六月,終 軾奏乞 浙中 今者若 法, 部 去 不 無 明 自

以 施用,即乞别除一小郡,仍選才術 有 坐 流 消災沴者,使任一 殍盗賊之憂。或以其狂 軾 竊 度事勢,若不且 路之責。 用 愚 淺過計 計, 幸 有 來 ¨, 事 · 甚 ! 餘 歲 可 恐

蒙

施

行

,即乞一時行下。

#### 州 上 吕相 公論税務書

但 南 倉 約 建 俞 平 病,而相公擇其可行者行之,豈 張施行,使軾常在外 所便。又不自量,每有 外,不惟身安耳静,至於束吏養民 士在用不用,不在内外也 不當在外。 法,必 商 已有定議,此殆一洗天下瘡 東行下,而 言綱運折欠利害,乞申明《編敕》,嚴 生之至願也哉 税萬 梢 軾 飽 再 已關 緡 暖 拜。 獎飾 覽。 餽 而數年之後,所得必却過之。 罷真、揚、楚、泗 伏蒙 運辦集,必無三十萬石之 過分,悚息之至。 此 手書,見 事若行,不 爲 頃者所論積 所建請,蒙 朝 廷 自揣 謂 採 轉 痏 勇 摭 過 般倉斗 非 也。 (欠,蒙示 (`, 亦粗 於爲 所宜 歲 軾 學 四 相 失淮 近 道 方 公主 竊 賜 復 者 利 似

不 竭,則 此 京師 納,則 患,恐遂滋長,至於不 軰 事。 税額,已增不虧,而 有 税 爲 大 無所告訴 税 務 害。 甚。 坐致 此元 刻急日 又軾自 物者既無 害,小小枝葉,亦不住講求,續上 苛 蓋 所 不與點檢,但 能 高有: 路被 喝 留十 保完身計 使 《枯涸。 豐 如 惟 六路運 中 甚,行路容怨,商賈幾於不行。 税 酒 人 其 徐許! 命。 日半月。人船既衆,貲用 竊聞 務 脱遺,其 務 淮南界,聞二三年來,諸郡 (虐矣。 小人 若不 行 行 一,此豈 卒,保完背 州郡 之, 酒 多喝税錢,商旅不肯認 此 數 東南物貨,全不通 及相公在 建 税 法 可 軾 小 轉運 無 則 監 救矣。 ·吏爲 議 税物及雖有不多 既 旦 雖 事 官分請 夕欲上 增 士 羞 司 乎 頰 [虐不 之 人 污 皆力主, ? 只 位,救解 行,使 外, 所 士 增 Ė 如 其 臣 一此奏, 耻 風 剩 揚 餘 莫 賞 原 州 此 此 坐 其 緇 員

> 相公在 歸 小有 乞罷之。 計 益於世耳。 已 位 成。 一,求治繩墨之外,故時効 亦 紛紛 望 相 不宣 多言,深 公留 ·念。 可 憫 笑。 買 田 區區,庶 |貪及

## 上蔡省主論放欠書

然, 流 造 明公亦如凡人拘於疎 亦 次致 俗 似 故輒有所言不顧 人 見 軾 、之議 知於明公者。 於 書,今既有所 門下, 以以 蹤迹 爲迹 惟 欲言,而 尋常. 疎 絶 密之分者,竊 ₩ 疎。 少留聽 不 當 無 干 然 因 又默 説 私 緣 默 則 固 揆 拘 爲 是 不敢 度 謂 於

官,而 來, 甚 日 得千 足悲者。 日與 不 於府中, 百錢,固 以 小民結 時 或管 償 爲 實掌理欠。自今歲 不 雖 押 嫌 敢 日 竹 恨,鞭笞鎖 憚 撻 木 也 無 風 愧 彼 水 繋, 實 之 然 所 其 侵 與 麥 間 盗 熟 縣 有 欺 官 以

忍邪 敢逆者 錢者 以與 已許之, 問 不 以 條憲 吏; 官吏上下,舉知其非辜,而哀其不幸,迫於 或主 其 得 每 欠; 剥 ? 也。 勢不 休息 三司之曹吏。 所以不得釋之狀,則皆曰 赦 則 以 持 或敗折之課,均 糧 有 必及焉。 爲 莫若天子之詔書也。 而三司之曹吏獨不許, 或未 嗟夫,天下之人以爲言 事 者,皆更數赦,遠者六七赦矣。 斛,歲久之所壞; 虧 ·得釋,朝廷亦深知 同 官 輸之贓,責 而 凡今之所追呼鞭撻 先釋者矣。 或 以爲不信, 糟 於保任干繫之家。 滓 於 潰 其無告也,是 當 爛 或 曰: 布 今 詔 而 時 考諸 帛惡 出 是 吾無 主 計 書 典 而 此 日 且 莫 錢 有 舊 夜 可

百 凡 五 伏 惟 十九千,粟米三千八百三十 四 + 明 六條,二 公在上,必不 百二 + 容 五 此 輩, 觓 錢 故 敢 七 其 萬 以

> 書不 恐悚 之意。 數。 也。 問 府。 而 亦無孑遺可償者,又當計赦後 所放,必待其家業蕩盡,以至於干繫保人 餘 司 爲不然。 必不報, 其他。 起 五. 選吏詳 炭 ,東不至門 伏惟 如此 爲空言而 家皆得歸 府當 鐵 自今苟 器 明公獨 以 則 往年韓中丞詳定放欠,以 雖 定 以奏,奏且下三司, 用 此知今之所奏者,皆可放無 所及甚少,不稱天 報,必無決然了絶之命。」 灼然可 材 無 安其 木冗 無 斷而 以歌詠明公之德,亦 所 信者。 放者, 軾 隱欺者, 藜糗,養其老 雜之物甚 力行之,使此二 干冒威 已 議 子一切寬貸 月 具 衆。 切 日 者 列 重, 幼, 除免,不 以 爲 皆 聞 皆 百 退 使 爲 赦 日 軾 曰 於本 經監 增 赦 晏 疑 放 以

●「籍」,原作「藉」,據郎本卷四十三、《七集•前

#### 一二九六

# 上執政乞度牒賑濟因修廨宇書❶

聞,不 不然,豈有仁聖在 理自當爾。 軾已三奏其事,至今未報。蓋人微言輕, 自 又繼之以旱,以故早晚皆傷,高下並 蘇、湖、常、秀皆水,民就高田秧稻,以待水 謹 知杭 退,及五六月,稍稍分種,十不及四 年浙中,冬雷發洪,太湖水溢,春又積 意乎? 元豐以來,民之艱食,未有如今歲者也。 頓首百拜上書門下僕射相公閣下。❷ 而廟堂所訪問往來之人,或揣 州軍州 十二月二十七日, 盡以 實告,故 事充 然亦恐監 兩 |上,群賢並用,而肯恬不 浙 朝 西 廷 司諸郡,不盡 龍 路 圖 以 兵 閣學士朝 軾言爲 馬 鈐 五,圖而 轄 過 所 以 奉 耳。 雨, 實 去 郎 龇

0

人冬以來,緣諸郡閉糶,●而稅務用例

米,不能救此患。 可畏。 有米者,皆靳惜不肯出 熟,又未可知。民懲熙寧流殍之禍,上 浙中無麥,青黄之交,當在來秋,而 事。自半月來,米穀通流 違 十,●衢、 收 軾用印板出榜千餘道,止絶 睦 五 等州至百餘錢,皆足錢,❺ 穀 力 勝 自正月至七月,本 錢,故米價 · 重勢非大 ,價亦稍平。 斗 至 州 出 શ 此 炎炎 官 裹 然 兩 九

「五」下、《七集・續集》有「分」字。「五」下、《七集・續集》卷十一有「及」字。集・續集》卷十一有「及」字。集》。

8

「糶」、《七集・後集》、《七集・續集》作「糴」。

「斗」、《七集•續集》作「長」。

錢」、《七集·後集》爲自注。 「皆足錢」之「足」、《七集·後集》作「月」、且「皆月

有「而」字。 「惜」、《七集・後集》作「借」、「惜」下、《七集・續

0

許於鄰 石。 常 救 外 平除兑充軍糧外,止有十七萬 饑 九 計 縣, 窮理 郡運致三萬石,●尚少十一萬五 當 日 用米三十一萬五千石。 糶官米千五 迫,須至控告。 古石石, 乃可 石, 今本 以 漕 平 千 司 州 價

民 爲 少,後日大壞,其費必倍,又因以募 弊壞已甚 修完緊要處,亦粗 以 出 諸 道修完,未蒙開允。 過 之故,特出聖恩,乞與二 糶救 出 此錢修完廨宇。 賣,每斗六十,度可得錢萬 縣納米,度可得二萬五千石。 一,而況 而 軾近以本州廨宇弊壞,奏乞度 饑。 兩利 救饑 設使不 不 也 可 修 不 伏望 屋兩 可 雖不及元計料錢數, 因修完廨宇,朝廷 修,及今完葺 意欲以 足用。❷ 相公,深念本 用而 百道度牒,猶 並 此 濟 則 五 度牒 乎? 是 然後 干 Ĺ 孙 此 賁 深 所 募 費 以 納 減 廨 度 入 米 尚 不 饑 宇 牒 於 且 價 且 百

軾愚惷少慮,仰恃廟堂諸公仁賢卹

遽言。 深望 失信商旅,坐視流 濯,未喻其 日 令儲峙米 以 民,必不忍拒 與 此不候回降指揮 吏民 果 至時 斷 觓 不 延頸企踵、雖大旱望雲、執熱思 (急也。 朝 ·疑,於 ,具水陸 此 廷雖加 請。 好,其 若不蒙哀察,則是 脚乘,以須度牒之至。 輒已一面 兩 誅 意 此 殛 爲 日 一,何 度牒 慙惶 内 補 ,降付急遞。 告論 可 狼狽 於事 以 商旅, ?,未易 必 使軾 得

恩許。 買紬 年 分之二,其餘候豐熟日隨年額 額米斛百 絹 兼 錢,常於歲前散絕,今尚闕太半,剗 今年漕司窘迫,實倍常歲。 軾近者 六十萬,乞特許 奏爲 本 路 轉 運 且 起 司 起 今年 一發,未 半 異 時 或 合 蒙 起 預

0

<sup>「</sup>運」,原脱,據《七集・後集》、《七集・續集》補

<sup>《</sup>七集·續集》補。集·後集》爲自注。「料」字原脱,據《七集·後集》、「雖不及元計料錢數」至「亦粗可足用」十八字,《七

<sup>「</sup>諭」,原作「喻」,今從《七集•續集》。

收買銀 民,少解錢荒之患,亦良策 輟留三十萬石。 輟上供二十萬石出糶,此大惠 察,則督迫之極, 刷 之急,蓋 絹 上供,雖 不 遺 餘 若無米可糶,只乞以 害必及民。 力矣。 無 補於饑 若 也 非 民, 也。 近 朝 蒙 而 廷 散 然望 朝 少 幣 此 加 廷 在 錢 許 更 矜

本户又須貼錢雇人,凶年人户, 免於 走。 若散 미 户 誘之利 用常平錢米 虚名無實,利少害多。 勸 等第上差科,官支錢米盡人役夫,而 熙寧中,嘗行此事,名爲召募,其實不 募 誘 浙 此 而易行。 惟望相公留意 饑貧,不堪工 Ź 中富民 外只有勸 未及貧民,而誅 理。 募 民 欠官錢者,十人 米價既低 至於募民工役,亦 誘富 工 役 役,鳥獸聚 ,則一路幸甚。 民 二事,然皆難行。 出 惟有多糶官米 求之禍 民無貧富 一穀助 重有此! 而 散 官賑貸, ", 先及 九,決 等得錢 非實惠 r,均享 便 上 無 勸 及

> 默禱。 不宣。 左 右。 軾 庶 拙 幾 惟 於 晶 有 言 區 發 語 一丹誠: ¨; 不 書之日 能 可 盡 以 寫 西 感 向 憂 危 動 再 萬 拜 之 也。 狀, 扣 頭 以

曉

#### 蘇 軾 文集卷四十 九

書

## 厚參政書二

歲吳興,謂當再獲接 至今。即日,不審台候何似 軾 頓 首再拜子厚參政諫議 奉,不意倉卒就 執事。 逮 遂 去

拜命與 偉 然軾始見公長安,則語相識,云:「子厚奇 肉至親 問甚厚,憂愛深切,感歎不可言也。 絶 其餘事。」方是時 世 軾 議大政,士無賢不肖,所共慶快。 ,未肯有一字往來。 自得罪 自是 一代異人。 以來,不敢復 應軾者皆憮然。今日 至於功名將相, 忽蒙賜 與人事,雖 書,存 恭聞 骨

> 不獨爲 妄 也。 足下喜朝之得 人, 亦 自喜其 言之不

不自覺知,亦窮命 與病狂之人蹈河入海者無異。 原足矣。軾昔年粗亦受知於聖主,使少循 仁,不念舊惡,使保首領,以從先大夫於九 理安分,豈有今日。 用,但深自感悔,一日百省,庶幾天地之 軾 來書所云:「若痛 復遣視息人間,若不改者,軾真非人也。 中,追悔無路,謂必死矣。 苦,而軾 也。 ,定之日,但 有此理哉? 正復洗濯瑕垢,刻磨朽鈍,亦當安所施 平時惟子厚與子由 軾 所 强 以 狠 得 有慚 自用,不 罪 然異時相識,但 自追悔往 耳。 所迫,似 其 追思所犯,真無義理, 過 以 而 惡未 極 爲 公乃 不意聖主寬大, 咎,清時終不以 有物使。 然。 口見戒,反覆 易 疑其 過相 方其 及 在 以 再犯, 、病作, 稱 及至 囹 如 其

豈

狂

惟子厚平居遺我 以 恤之,真與世俗異矣。 成 吾 過 一旦有 以 藥 患 石 難 及困 無 復 急又有以 有 相 哀者。 收

到渠 僧一 未知 活計 得喪,粗了其理,但 愁煎乎? 遂有饑寒之憂,不能不少念。 炭頗賤,甚與窮者相 而子由有七女,債負山 何日到此。 成,至時亦必自有處置,安能預 餐,差爲簡 ,子厚所知之。 黄州僻陋多雨,氣象昏昏 便,以此畏其到也。 見 寓 禄廪相絶,恐年載 俸入 宜。 僧舍,布衣蔬 積,賤累皆在 、所得 然軾平生未 也。 然俗所謂 , 隨手輒 魚 食,隨 「渠處」 稻 間 水 薪

居未 免看 會見 重 初到,一 無期, 書,惟佛經 見太守,自 臨紙惘然。 以 遣 餘 日, 杜 冀千 不 門 -萬以 復 不 近 出 時 筆 爲 硯 閑

州

牢城。 棐雖小人, 而篤於兄弟,

常欲爲

富,有心膽。

其弟岳,坐與李逢往還,配桂

又

中

者,皆猾賊,往來 所鄙惡,雖公不見棄,亦不欲頻 居 無可使者。 郎者,●謀欲劫 今兹復陳區區 萬福 裁 謝,不審得達否? 子厚參政 軾在徐州 軾蒙恩如昨,顧 聞沂州葛墟村有程棐者 日,聞 諫 ,誠義有不可已者。 利 議 沂、兖間。 國 執 沂州丞縣界有賊 監 事 比 又有闞 以 日 春 欲使 罪廢之餘,人 機 初 務 辱 温、 通 人緝 之暇,起 書, 姓 「,❷家 秦平 何九 尋

《元豐九域志》卷一 京 東 東 路 沂

州

0

程」、《文鑑》卷一百十八作「桂」,下同。

有承縣,「丞」當爲「丞」之誤刊,今正。

不果發。 勸 與李逄往還,本不與其謀者,乞賜放免,以 者,爲其弟也,乞勘會其弟岳所犯,如只是 孔目官以下狀 云:「已告捕獲妖賊郭先生等。」及得徐州 是歲七月二十七日,棐使人至湖州見報 報,不以遠近所在,仍爲奏乞如前約 不可以軾去而廢也。苟有所獲,當速以 棐相送出境,云:「公更留兩月,棐必有以 願盡 **垢**汙 自效,今已去,奈何!」軾語棐:「但盡力, 州 岳 育功。 洗雪 支使孟易呼至郡,諭使 軾方欲爲具始末奏陳,❷棐所 力,因出帖付與。 , 苟有成績, 當爲奏乞放 而 草具未上,而軾就逮赴詔獄。 無由。 申告捕 竊 意 妖賊 不逾月, 軾移湖州 其 自效,●以 人 可 事,如棐言 免其弟。 使。 以 )刷門户 因 盡 也。 令本 遂 力 不 相

先生等皆已鞫治得實,行法久矣,蒙恩授今者,棐又遣人至黄州見報,云: 郭

者也。 於軾,本非所部 事 監 弟岳、或與一名目牙校、鎮將之類、付 事勸獎,使皆歆艷捕告之利,懲創爲盗之 禍,庶幾少變其俗。 若不收拾驅使令捕賊,即作賊耳。 言。 公可自以意召問其始末,特爲一言放免其 初心,獨不愧乎? 殿 人,❸以一言感發,猶能奮身不顧, 也、軾固不可以復有言矣。 意所以孜孜於軾者,凡爲其弟以 至微末,公執政大臣,豈復治此。 司驅使緝捕,其才用當復過於棐也。 直 而軾乃以罪廢之故,不爲一言以負其 徐、沂間人,鷙勇如棐、岳類甚 且 其 (告捕: 吏民 且其弟岳,亦豪健絶人 今棐必 7,而能 始 末 以 然獨念愚 自效者,以 在京 相 示 曩 師 謂宜因 以 言 原 參 但 !京東 遂其 集之 夫小 見望 班 此

<sup>●「</sup>軾」,原脱,據《七集·前集》。
●「輸」,原作「喻」,今從《文鑑》。

<sup>「</sup>人」、《文鑑》作「子」。「軾」、原脱、據《七集‧前集》卷二十九補

<u>| =0</u>

重得 能自己,可否在公,獨願秘其事,毋 言於公,是終不言矣。 罪 食 也 也。 今 既 不 可言 以 於 此 朝 愧於 廷, 使軾 心 又 不 不

得也。 散其 猾賊 監 豪猾之所擬,公所宜知。 集冶夫數十人,持 國 三十六冶 監 一之庭,以 金 十許・ 去州 徐 軾在 帛 秋冷,伏冀爲國自己 州 南北 人, 七 器 示有備 以嘯 郡 十里,土豪百餘家,金帛山 械 時, 襟要,自昔用武 呼 所産,而 召無 而已。 ·其間,吏兵皆棄 常令三十六冶,每 却 刃 ·賴烏合之衆,可一日 槍,每月兩 兵衛微寡,不幸有 重。 此地 因 程 蓋常 棐 之地, 事 而 衙 爲 走耳, 輒 於 Ė 圃 京 東 知 利

## 與孫知損運使書❶

文安北城,如涉無人之境,其漸可虞。

勢亦 意。 盗 爲 如 事 村 所 年 廟 不忠貪功好利之人謀之,必先使北 言,上書豈能 異勸獎之。已條上其事,更月餘可發。 其不閑習也。宜與永免冬教,又當有以 虜長技同,親戚墳墓所在,人自爲戰,不憂 心、社人亦苦勾集勞費。 此者。 乃見 邊 人猜忌好兵,邊人盡知之。此豈可不 行之,邊臣無赫赫之功,然經久實事無 堡幾虚,公私 畏憚,公必舊知之矣。 堂 一、託爲不知。 未遽 願公痛爲 已 效。 留 覘者多云可汗老疾,欲傳難,雖 意 渝盟,但恐難兒 惟極 盡也。 兵 言。 侃惴惴。 久 邊弓箭社射生極得力,虜 若不折其 驕 虜涵 惰, 心之精,意所 北賊 自 此出入守望,與 浸 鷙 以數勾集一月, (萌芽, 狃 忍 德澤久矣, 亦 ,其下必 多相時生 賊 放小 不 小 能 有 其 留 優 此

頭賞其高强者耳 回易收息,時遺機宜 不 穩帖,不至張皇。 利,張 寇,策無良 養弓箭 多。 而 及立閉名目,獎社 社 不 **及** 户,必 於此者矣。 稍 加 開 惟乞免 優異,使當淬礪以 邊 僚屬 隙。 所 ,費少錢粮,就地 人頭首。 條上數事, 人户折 備禦之策, 變,所 又 乞復 亦 待 惟 費 甚 安

## 與劉宜翁使君書

斷 過 生,出於迫 逃,置之勿復道也。 右 惟 臂刳眼 死 體 軾 首投荒 摊 罪 起 頓 龆 以 居 首 切 齓 求 萬 宜 ,深可憫笑。 深塊朋 死罪 好道,本不 道, 使 今若但 ! 觟 君 惟有 久 先 友。 愚 别因循,不 生 闇 欲婚 畏 一事,欲謁 古之學者,不 閣 然定命要 剛 下 褊 宦,爲父兄 笑而止,則 0 仕 通問 之 不 不 憚 先 可 知 左

之妙, 書乎? 意也 可憫笑矣。夫心之精微,口 成梨棗者 留後段以俟憤悱 路遠,難於往返咨問,幸與 歸 公,以授程德孺表弟,令專遣 發其秘也。 有素,今尤哀之,想見聞此,欣然拊掌, 道。 質三,謹令德公口陳其詳。 不敢輕付之。軾雖不肖,竊自謂有受道之 人,本不吝惜道術,但以人無受道之質,故 忘 所 廓 望。 此 强 故託里人 然, 心 而 但 也。 然先生筆端有口, 杜門屏居,寢飯之外,更無一事 軾 恨 實 ,亦望不惜分惠。 亦眼中 身在 今遠 世 幸不惜 無 荆 任 謪 也。 棘。 德 竄 不 無障 籍,不能 心公親 或有 辭費,詳作 荒 能 竊 服,負 , 必 自 謂 致 逭 外 軾 能 足以 伏料先生知之 可以受先生之 此 千 不 丹 迫 盡 罪至 洞 懇。 里踵i 能 切 人至惠州。 已成,可 載 視 形 之誠, 未 首 盡 書 重, 古之至 不傳 容 而 尾, 一付德 無 況 助 真 勿 盡 念 胸

此書,庶幾似之。其餘非 爲許邁筮,有「元吉自天祐之」之語,遽作 卦,得《大有》上九,及覺而占之,乃郭景 小人當奉杖屨以從矣。 令,先生儻 面 人神藥,先生不畏嵐 摳 以 衣 時 耳。 ?自重。 有意 昔葛 乎? 不宣 稚 Ш **〔瘴,可復談笑一遊,則** 嶠 以 南 昨夜夢人爲 丹 書所能盡 Ш 砂 水奇絶,多異 之故 求 作易 句 純 嶁

### 與朱鄂州書

及此 非吾 俗人區區,了 見過,偶説 起居何 度 康叔之賢,莫足告語,故專遺此 軾 外事乎? 例只養二男一女,過此輒殺之,尤 似。 一事 近 ,眼前: 遞 昨日 ,,聞之酸辛,爲食不下。 中 事,救過不暇,豈有餘 天麟言: 奉 武昌寄居王殿直 書, 必 達。 岳 鄂間 比 田 天 日 力 麟 野 念 春

> 側近有 鄂 馳往省之,則 有娠 比 者,今已及第,爲安州司法。 者,輒亦不肯。 者非 神山 諱 其舅陳遵,夢 一小兒挽 故在,特牽於習俗 報應如此,而愚人不知創艾。 其妻一産四子,楚毒不可堪忍,母子皆斃。 面 以 人户知之。 兩夕,輒見之,其狀甚急。 ,以手按之水盆 冷水浸殺,其父母 養女,以 ----o 將産,而 鄉百姓石揆者,連殺 此,輒馳救之,量與衣服飲食,全 既旬日,有無子 故 兒已在水盆中矣,救之得免。 民 意不樂多子,豈其應是乎? 以此知其父子之愛,天性 間 少女,多 中, 耳。 亦不忍,率常閉 咿嚶良久乃死。 聞鄂人有秦 其衣,若有所訴。 兩子,去歲夏中, 息 /鰥夫。 方其 人欲乞其子 天麟每聞 遵獨念其姊 在母也 初 光亨 目 其 活 輒

矣。 計 初生 有以 誘諭地主豪户,若實貧甚不能舉子者 數人,此 覺,容而不告,使出賞固宜。 地主, 轉以相 則及其地主。 告官,賞錢以 正,告以法 按舉。 、賙之。 數 自 無不知者。 一今以 語,仍 日 律,故殺子孫,徒二 風 不 願公明以告諸邑令佐 便革。公更使令佐各以 律 人非木石,亦必樂從。 . 殺 往,緣公而得活者,豈 婦 犯 諭 録 後後 人及鄰保家財充,若客 條粉壁曉示,且立賞召 人懷孕,經涉歲月,鄰 以禍福,約以必行, 若後殺之,其勢 雖 勸之使殺,亦不 年。 若依 一,使召 此 律 足 長 可 但 至 相 使 諸 吏 勝 得 意 保 薄 遣 舉 户 歸 保 所

特

未知耳。

此真 畜猶 而 殺 佛言殺 可 爾 之子? 謂 而況於人。 無 、辜矣。 生之罪,以 公能生之於萬死 悼耄殺 俗謂 殺 胎 小兒病 (人猶 卵 爲 不 中,其 最 死 爲 重 無辜, 況 無

> 之世,而 必死之。」古之循吏,如此類者 堪爲兵。 徭役,所活數千人。 守,巴人生子皆不舉。 德十倍於雪活壯 有古循吏之風者,非公而 其父母戒之曰:「王府君生汝,汝 夫 也。 及 後伐吴,所活者 潛嚴其 昔 王 非一。 濬 科條,寬 爲 誰 巴 居 今 0 郡 此 其

外。 養棄兒 不 此 量勸 有父母之愛,遂不失 宣 等事 不 誘 軾 罪 軾再頓首 `,在公如 ,月給六斗。 向在密州 米,得出剩數百 ! 不罪 反 ,遇饑年, ļ 手 比朞年,養者與兒 耳。 所,所活亦數千人。● 此 石别 外,惟爲民自重。 **恃深契**,故不自 民多棄子, 儲之,專以 因 了, 皆 收 盤

● 「千」、《七集・前集》卷三十作「十」。

## 與謝民師推官書●

能使了 不然。求物之妙,如繫風 了然於心者,蓋千萬人而 已矣。」夫言止於達意,即疑若不文,●是大 不止,❷文理自然,姿態横生。 無定質,但常行於所當行,常止於所不 賦雜文,觀之熟矣。大略如行雲流水, 故,幸甚過望,不可言也。 平生親舊,惘然如隔世人 坐廢累年,不敢復齒縉 佳 日之雅,而 「言之不文,行而不遠。」❸又曰:「辭 至於能達,則文不可勝用矣。 勝,感慰深矣。 軾受性剛 '然於 敢求交乎? П 與手者乎? **違**, 亟 辱 紳。 數賜見臨,傾蓋 不一遇也。 捕 () 況與左右無 問 所示書教及 簡,學迂材 自還 影,能使是 是之謂 訊 孔子 揚雄好爲 具 海北,見 審 辭 達而 日 起 丽 可 初 詩 如

> 哉 ? 忠公言文章如精金美玉 與俗人言也。 雄之陋,如此比者甚衆。 矣,而乃以賦鄙之,至與 謂之雕蟲乎? 玄》、《法言》皆是類也。● 艱 變者,雖與日月争光可也。 經,可乎? 知之矣。 深之詞,以文淺易之説,若正言之,則 終身雕蟲,而 此正 屈原作《離騷經》,蓋 因論文偶及之耳。 使賈誼見孔子,升堂有 所謂雕 獨 變 ,市有定價,非人 司馬相 蟲篆刻者,其《太 (其音 可與知 丽 可以其 獨悔於賦,何 節 如 風 者道 便 歐陽文 同科 似 雅 之再 謂之 賦 難 餘 而 1

- 此文,題同底本。 十四作《答謝民師書》。《七集·續集》卷 十一重收 「與謝民師推官書」,郎本卷四十六、《七集·後集》卷
- ) 「所」,原脱,據郎本補。
- 「類」、《文粹》卷三十六、《七集・後集》作「物」。「即」,原脱,據郎本補。「即」、《七集・後集》作「則」。

寺,❸少留即去。 中,慰左右念親之意。❷ 往游焉,或僧欲有所記 字,軾本不善作大字,强作終不佳,又舟 局迫難寫,未能 益 所 於左右。 能 以 口舌定貴賤也。 愧 悚 如教。 愈遠。 不已。 録,●當作數句留 然軾方過臨 惟萬萬以時自愛。 紛紛多言,豈 所須 今日已至 惠力 法 峽 雨 能 二,當 Щ 院 中 堂 有

### 與李方叔書

盡。 於 以不 循 整暇,有 起居佳勝。 利 不 相薦 也。足下之文,過人處不少,如《李 君子之知 軾 裁答, 頓首 加於前,得之極喜慰。 引,讀之甚 録示《子駿行狀》及數詩,辭 方叔先輩足下。 悚息不已。 人,務相勉於道,不務 愧。 比 然其 日 屢 獲來 履 累書 説 兹 不 教,因 秋 可 見 相 氏 引 責 意 不

> 之,名不可掩,其自爲世用,理勢固 子,貴賤相因,先後 中譽之,或 廢此道,平生 增益,而 退之際,不甚 倦,落其華而成其實。● 深願 識 於 以 君子,不願足下豐於才而 讀之終篇,莫知所謂。意者足下未甚有 墓表》及《子駿行狀》之類,筆勢翩翩,有 (中而張其外者; 其 追古作者之道。 趣 也。 於 因 渞 以此、私意猶冀足下積 其言以考其實,實至 相知,心所謂 慎静,則於定命 德 有 至若前所示《兵鑑 丘 相援,固多矣。 不然,則老病昏惑,不 山 之損矣。 廉 賢者則 於德 不能 足下 也 爲禮 則 於 古之 軾 有 名 學 稠 非 毫 隨 君 木 人 敢 髮 進 得 則 可

<sup>「</sup>念親」,郎本作「親念」。

<sup>·</sup>日」、《文粹》、《七集·後集》無。「已」,郎本無。

<sup>「</sup>華」,原作「葉」,今從《七集・續集》卷十一。

千萬 來,亦論足下近文益奇。 下此等也。軾於足下非愛之深期之遠,定 弊,不足法,而況近相名字乎? 甚不願足 不及此, 當得罪於孔門矣。 處士私相謚 宰相猶不敢必,而欲責於軾,可乎? 東漢 輕,未嘗獨薦人也。爵禄砥世,人主所專, 傅欽之、侍郎孫莘老薦之,軾亦掛名其間。 力致 會朝廷多知履常者,故得一官。 人之門,章子厚 也。 保愛。 言切 有終汨 不求自至。若不深 猶能察其意否? 陳履 而盡 ,非古也。 近夜眼 没之理! 常居 欲一見,終不可得。 臨紙悚 孟生貞 都下 昏 殆似丘明爲素臣, 不 一 ! 逾年,未 息。 自重,恐喪失所 足下但信道自 曜,蓋亦蹈襲流 明主求人如 近秦少 未即會見, 軾孤立言 嘗 /游有 中 至 不 書 丞 貴

#### 進 叔

下

手見情 於朋友者亦至矣。 心。足下之所以知僕心者至矣,所以 高,窗户蕭然,思與足下談笑之樂,恍乎若 焉,**●**僕不自知何爲而得此於足下也。 日,嘗辱贈言,意勤辭直,讀之使 相從於夢中,既覺而不知卧於虛榻也。 日南歸,草草不能道一辭。到家,秋氣 望 其 進 貌 叔 素,交論古今,❷歡然若與之忘年 足下。 而壯其氣,聆其語而知其心,握 僕 而又凡所以爲 狷 介寡合之人也。 人 惻 至之中 責 惻 善 動 行 己 前

0

近文益

奇」至「恐

喪 失所

有」四

+

字,《七

(頓首。

<sup>》</sup>爲自注注文

<sup>「</sup>忘」上,原空一格,《七集• 交」上,疑缺一字。 續集》卷十一不空格,今

乎?

昔張籍

遺韓愈之書,責

愈以

商

論

文

對辯

訥

,遇剛以

柔,

雖君子不能以

無

争。

何

則

所

性所操之不同也。

足下

-聰明過

? 以

無

事

木

通

獨不知物理

之有參差者

師曠

不

能

使之一。

何則?

緩急者異

也。

合。

何則?

方

圓

者殊也。

雜宫以

羽,

雖

非蔽也

,乃僕所

爲狷介寡合者。

足下

顧

不亮乎?

夫

投

規 以

於矩

,雖公輸不能使

之

交,不能把臂服

膺以示無間,凡此者,非

疑

**豈僕所以得人與物之説耶?** 

至以謂僕之

於物。

今足下自知

自達

而

無可

疑可蔽矣,

疑於人。

自達矣

可以

無蔽

矣

了; 而 矣,

領物

則蔽

所以

達物。

自

知

矣

可以

無

疑

圃

徇

則

之明者

乃

所

以

知

人。

有自達之聰

者

有所

不至者,

僕得以盡之焉。

僕聞·

有自

知

字不能下氣。

夫以退之而未免,

矧

其

下

者

乎 此

雖然,亦

思

而

改之耳

恐足下

聊

復

以

書。

?

字 居之泰然。 期至,固 飽過度,苟 前,然亦皆 宜,無足言者。 奉多暇,起居佳 此君愛我之過而重其罪也。 兩人者,跋涉 餘里矣。 十三日,凡一百三十餘 物,眷意甚 `,皆有古作者風力,大略能 軾啓。 不 罪戾遠黜 不犯 有以取之。● 可逃,又非 厚。 不煩 遠蒙差人致 萬里,比其還家,幾盡 自二 勝。 此者,亦未 瘴癘之邦,僵 深念。 既 軾罪大責薄,居 一月 二 · 南 爲 魯問安 非寒暖失宜 日乃至,水 前 北 親 十 後 之故 遽 友憂,又 五 道 所 仆者相 病 但喜比 日 (否,輔 示 意 矣。 也。 所 著 陸 至 此 欲 來侍 使 述 以 則 屬 此 蓋 七 以 歲, 此 於 固 此 月 大 萬

原 脱 據郎 本 卷四十

得也 又況得失有命,決不可移乎? 程試文字,千人一律,考官亦厭之,●未必 來貺,喜抃不已。 教子弟,豈意婣親中,乃有王郎乎? 之學,殆不傳於世。 變,往往悔其言之過,故樂以此告君也。 儒者之病,多空文而少實用。 亡矣。軾少時好議論古人,既老,涉世更 若所論周勃,則恐不然。 其下者。文章猶爾,況所謂 言,先事經營,則呂后覺悟,誅兩人, 忘漢,陸賈爲之謀至矣。❸ 是言也。西漢以來,以文設科而文始衰, 止矣,不可以有加矣。 上肉,但將相 自賈誼、司馬遷,其文已不逮先秦古書,況 孔子曰 如君自信不回,必不爲時所棄也。 和調,則大計自定。 「辭達而 應舉者志於得而已。 老病且死,獨欲以 已矣。」辭至於達,● 《經説》一篇,誠 平、勃未 彼視禄、産 道 勉守所學, 賈誼、陸贄 德者 若 嘗 三復 1乎。❷ 二日 吅 如 猶 此 君 哉 漢 几

> 還,謹奉手啓,少謝萬一。 以卒遠業。 相見無期,萬萬自重而已。 -

### 謝歐陽内翰書

文,將以追兩漢之餘,而漸復三代之故。厚朴直之士,罷去浮巧輕媚叢錯采繡之詔天下,曉諭厥旨。於是招來雄俊魁偉敦聖上慨然太息,思有以澄其源,疏其流,明聖上慨然太息,思有以澄其源,疏其流,明 戰竊以天下之事,難於改爲。自昔五

「詩」、『本書」、『者」、即本無。「所謂」、即本作「於」。「者」、即本無。「達」上、《七集・續集》卷十一有「能」、

0

- 「亦」,郎本作「益」。
- 内翰、韓舍人,已見本書卷四十六)。首(其餘四首爲王内翰、梅龍圖、韓舍人、范舍人,王集》卷二十六收此文,爲《謝南省主文啓五首》之第一「謝」,郎本卷四十一作「上」,下二文同。《七集‧前

司 百。 詔。 伏惟 意執事擢在第二。 道,及來京師,久不 親執文柄,意其必得天下之奇士以 文,天下之所待以覺悟學者。 遠; 丽 其後學韓而 行,莫之或 之所 之古人,士無 ,故恬然不 大夫之心 不 或 大 亦 軾也遠方之鄙 内翰執事,天之所付以收拾先王之遺 至者爲 至 夫 新弊 小者轉相 排 惟 不深明天子之心,用 ''**,** 使 .. 恃 泛迂,務 復 禁。 一是以 有 孫 不 以 得 作。 樵。 執 至者爲 動其心。 賢愚,惟 搢 摹寫,號 奇者怪僻 蓋唐之古文,自韓愈始。 事 群 惟其素 笏 大者鏤之金石 知名,將治 人,家居碌碌,無 自 之知,與 嘲 跪 樵以降,無足觀矣。 皇甫湜。學皇甫湜 而 起,謝 其所遇。 猶幸 稱古文。 聚駡 所 而 蓄 衆 不 意 御試 恩 恭承王命, 者 . 積 行 可 過 君 于門 「,動 西歸 無 當 紛 讀 子之議 蓋 不 以 塞 滿 以 所 紛 傳 餘 求 下。 慰 不 稱 明 肆 風

> 執 區 所 去 事 區 爲 燕,不復 將有取 之 心,長 掉 願 長 一二焉。 戰 有所發。 在 而范蠡· 下 風 不宣 夫豈 與 去 賓 越, 客 惟 亦 之 軾之幸,亦 終 末 使其 能 有

### 謝梅龍圖書

信。 其 賦二 以言。 於 密。 論 行。」知詩 其 之休咎,死生之間,而 簡 志。 中而不能以自 可以 觀 孔子曰:「今吾於人也,聽其言 且約 夫以終身之事而決於一 輔 其 言之不足 春秋之世,士大夫皆用 聞 爲大夫矣。」古之所 所 :賦之不足以決其終身也 古之君子, 也。 以是非於古之人,試之策以 後之世風 I 蔽邪。 以 盡 欲 也, 其應若影 知 《傳》曰 則 俗 是 使 薄 议 詩,豈 人也 恶,漸 此 之 取 :「登高 響符節之 以 賦 l',故試 人者, 其 而 1 詩 則 不 觀 誠 其 觀 以 其 何 能 發 觀 口

其 之毫 所 所 毛,輒 以 不 能 措 ,策論者,或以 置於今之世。 以擯落。 後之所以 而詩 掩 其 賦 所不 取 者, 人者, 知 或 以 何 窮

浮而 皆敦 樸 矯 且 激。 難 而 忠 也。 厚; 伏 惟 夫惟 龍 詳且 圖 簡 執 且約,●故天下之士 難,故天下之士 事,骨鯁大臣, 朝 虚

#### 范 舍人

公相 歸,鄉人歎 之富 始有 多。 之所 然而二子者,不聞其 曳佩,大車駟馬, 之風,惟漢爲盛 釋耒 氏 年間,學校衰息。 繼 貴而遂忘其徒耶 蓋相如 禀,而其好惡則存乎其上之人。 人朝,民始息肩,救死扶傷不暇,故 好文之意。 軾 登 耜 聞之古人, 於 而 嗟,觀者塞塗。 福其 朝 執 筆硯者,十 ,以文章 前, 徜徉乎鄉閭之中,而蜀人 絃 民 而貴顯暴著者,蜀 能 歌之聲,與鄒、魯比。 天 聖 無 而王褒繼其後。 ? 功 有所薦達。 常 業間 室而 中,伯 性 嘗聞之老人, 其 後 九 於 雖 執 父 天 土 豈 其 事 解 下 比 地 之 與 褐 峩冠 人 風 西 數 身 西 自

執事欲抑浮剽之文,故

寧取

此

以

矯其弊。

十

八之幸

遇

乃

有

如

此。

感荷悚息,不

知

是

野

,不學時文,詞語甚樸,無所藻飾。

偶失之歎。

故君

子以爲近古。

**越**長

?於草

孟

盡 非

其

心,而

無

有

日之間蒼皇擾亂、

偶

得

빓

掩其

所不知。

使士大夫皆得寬然

以 而

非

빓

窮

其所不能;

策論

將

以觀

其才,

較

多

士,存其大體。

詩賦將

以觀其志,

而

之元

老。

憂卹天下,慨然有復古之心。

親

原爲空缺,據各本

在 誘掖 已哉 焉。 天子之光,與相 之者,其與之喜樂,豈如行道之人漠 下 與梅公親 劉 縣,去歲舉 引其他, 十三人之中,謹 了,又以 固 (),使聞 無所私 則其他可 又以賀執事之鄉人得者之多也。 執 遠 蓋 執 先 事 於禮 過。 通 愛,而於其父母之邦,苟 權 與 王之道,其終度量裁置 義 知矣。 衡而較之,得者十有 如、王褒,又甚遠矣。 梅公之於蜀人,其始 部者,凡 蜀 且 因 之小 蜀之郡數十 閣吏進 夫君子之用心,於天 州 四 一而眉 五十人, 拜 於庭, ·, 軾 Ш 又 丽 不 一,使 以 摊 風 然 有 其 敢 執 謝 也 觀 動 得 而 洓

# 謝張太保撰先人墓碣書❶

特 惟 載《辨姦》 先 軾 人早歲汩没,晚乃有聞。 頓 首 再 拜。 篇, 伏蒙再示先 恭覽涕 泗 不知 人《墓· 雖當時學 所云。 表

> 人,而 之所以 顔子。 黄叔 猶 知,恐後世必有秦無 斯人用區區小數以欺天下,天下莫覺莫 之,則人未必信。信不信何足深計,然使 固已論之先朝,載之史册,今雖容有不 論他人。獨明公一見,以爲與我意合。公 信 者 後世決不可没。 也,自軾與舍弟皆有「嘻其甚矣」之諫,不 知我者希,正老氏之所貴。《辨姦》之始 而 知師尊之,然於其言語文章,猶 其然者,舉世惟公一人。 況其中之不可形者乎? 波度 ·,徒以 叔度之賢,無 作,而軾之所以流涕再拜而謝 林宗於人材 澹 然 林宗之重 無 作,郭林宗 而先人之言,非公表而 一 見 小大畢取,所賢 也。 人之歎。 於外 今公之重,不 一言,至 所謂知之盡 雖若不幸,然 者, 此《墓 不 一今以 而 能 後 非 也 表 知, 盡 世 爲 # 作 m

❶ 「謝張太保撰先人墓碣書」,郎本卷四十四作「上張

三四四

其信於後世必矣。 林 宗,所賢惟 先人 而 多 其 言 心迹,粗 何足 爲 謝,聊 若 可 見, 發

## 答張文潛縣丞書

代作,此尤可笑。是殆見吾善者機 如。 字之衰,未有如今日者 振厲,若欲以警發憒憒者。 傑之氣,終不可没。 仰。 人,故汪洋澹泊,有 子由之文實勝僕,而世俗不知,乃以 文編,三復感歎。 教,且審起居佳勝,至慰 王氏之文,未必不 其爲人深不 到 棘 京公私 頓首文潛縣丞張君足下。● 紛然,未暇 願人知之,其文如其 甚矣,君之似子由也 一唱三歎之聲,而 作《黄樓賦》,乃稍 善善 也。 \_ 也, 奉書。 而或者 其 至慰 源 而 患在 實 1 出 便謂 也。 忽 於好 爲不 辱 於 其 别 惠 王 秀 爲 僕 自 手 示 思

> 官,甚 卵 儀圖之,愛莫助之。」此外千萬善愛。 願益勉之。「德輶如毛,民鮮克舉之。 履常與君等數人耳。 大全者,正賴黃魯直、秦少游、晁無咎、 未暇耳。 帝晚年甚患文字之陋,欲稍 葦,此則王氏之同也。近見章子厚言,先 使 於所生。 其學同天下! 仁,子路之勇,不能 酒,醉。 人同 美。 근, 惟荒 僕老矣,使後生猶 議者欲稍復 來人求書,不能復覼縷。❷ 自 瘠斥鹵之地,彌望皆黄茅白 地之美者,同於生物,不 孔 子 以 ネ 如聞君作太學博 相 能 詩賦,立《春秋》 移 使 人同, 變取士 得見古人 圃 王 氏 顔 一法,特 偶 欲 淵 之 我 陳 學 同 以 之

0

<sup>「</sup>縣丞」二字,原脱,據郎本卷四十五、《七集‧前集》

復」,原脱,據郎本、《七集·前集》補

#### 陳 師 仲

以世 其 數篇,輒拊掌太息,此自 犯衆人之所忌,何哉? 果 不 幅,相 罪後,雖平生厚善,有不敢通問者,足下獨 流離 想彼 此 適會訟 足下文詞卓瑋,志節高亮,固欲 在 間 不 自足下門中 徐 齊,而 以前 + 俗趣舍量其心乎! 此 契闊 州 軾 屬之厚,又甚於昔者。 常有四五見及,或及舍弟,何相愛 得 訴 頓 首 事介意。 ·; 益 以 皆歸合於大道, 軾又何言者。 偶 一再見。 再拜錢 相 不復 有相 不幸,亦豈爲吏者所樂哉! 照。 相聞。 塘主 幸甚! 關及者, 已而, 軾又負罪遠竄 及 見 世間 及讀 簿 詩文皆奇麗,所 顔 陳 今者蒙 遂 幸 甚 ! 奇男子, 豈可 所惠詩文,不 知足下釋然, 長 君 不 朝夕相從。 道 足下。● 復往來。 輩,皆言 書教累 自得

> 末。 好食 何 而已。 吏部詩,幸得一觀,輒 復以此戲足下,想復千里爲我一笑也。 之,性命自子有,美則食之,何與我事。 其 下獨不 窮人者,亦未免有意於畏窮也。 以此達乎? 能 之深 人。及見足下輩 重。 .暇計議窮達。云能窮人者固繆,云不 詩日 窮 見爲編述《超然》、《黄樓》二集,爲賜 河豚,每與人争河豚本 人,所從來尚矣,而 也。 從來不曾編次,縱有一二在者,❷得 不龜 已工,其窮殆 信,建言詩 處 手之藥,或以封,安知足下 人生如朝露,意所樂則爲之, 世 龃 猶 龉 不 如 未 每 能 此 題數字, 可 深 , 輒 窮人,爲之益力。 於 量,然亦在所用 自 軾 不殺 亦 嫌 特甚。 少自 惡 繼諸公之 江淮間 人,嘗戲 赦 不 今足 論 能 先 今 他

0 鋑 塘主簿」四字,原脱、據郎本卷四十五、《七集

尤

縱」,原作「復」,今從郎本、《七集 前

一三六

再拜。 此惘 院,人 足下所至,詩但不擇古律,以日月次之,異 山 日觀之,便是行 簿,於法得出 處,故詩中嘗有「前生已到」之語。 此殆世俗所謂前緣者。 今見念 罪 可存耳。軾於錢塘人有何恩意,而其人至 乃在足下處。 水窮絕處,往往有軾題字,想復 日 惘。 ,皆爲家人婦女輩焚毀盡 門便 載 其餘慎疾自重。不宣。 亦 悟曾到 入,當復縱游 一歲率常 當爲删去其不合道 記。 ,能言其院 有便以 四五 在杭 如軾在 夢 一二見寄,慰 後 州 矣。 至西湖 一當遊 堂殿 題其後。 彼 理者,乃 軾 足下主 不 時 一壽星 Ш 知 也。 石 今

### 答劉沔都曹書

所 編 録 軾 拙 頓 詩 首 文二十卷。● 都 曹 劉 君 足 下。 軾平生以文字言 蒙 示 書教,及

> 之戒。 掇拾編 詞 敍,此與兒童之見何異。 亡是公等相與問答,❸皆賦矣。 唐》、《神女》,其初略陳所夢之因,如子虚 於文而陋於識者,莫統若也。 半,又多爲俗子所 謂 硯,爲瘖默人,而習氣宿業,未能盡去,亦 補 長安,而詩 蕭統集《文選》,世以爲工。 然亦不足怪。 語 不 句 隨手雲散鳥没矣。 見 儇淺,正齊梁間 知 · 如不 然世之蓄軾詩文者多矣,率真僞相 綴,略無遺者,覽之慙汗 於世,❷ 有「江漢」之語。 作之安也。 識真 亦 以此 者 改 小兒所擬作,決非 不知足下 少、蓋從古所病。 竄,讀之使人不 取疾 以 李陵、蘇武贈别 此常 及陵與武 以軾觀之,拙 於人, 宋玉賦《高 默隨 ,可爲多言 欲 而統謂之 焚 得 其 棄 失 平。 西 筆 相

0

<sup>● 「</sup>所」,原脱,據郎本卷四十六補。

<sup>「</sup>等」,原脱,據郎本補。 「文字言語」,原作「言語文字」,今從郎本。

### 答李方叔書❷

漢文。

而

統

不悟。

劉子玄獨知之。

范

曄

翰《唐論》。 落,自見涯涘,然不可不知也。 文,正如川之方增,當極 傷冗,後當稍收斂之,今未可也。 詩,詞氣卓 比 其爲人。 日孝履無恙,感慰深矣。 書,皆未果答。 軾頓 首先輩李君足下。 ·越,意趣不凡,甚可喜也。 僕不識之翰,今見此書,凛然 至論褚遂良不譖劉洎,太子 專人來,又辱長 其所至,霜 惠示古 别 録 後 箋, 示 足 搋 降 孫 下 但 賦 Ħ. 中 之 水 之 微 沂 得

「智」、《七集・後集》卷十四作「皮」。

喜,寢

食有味。

以此

知文章.

如

金玉珠貝,

外孤寂無

聊,過時

出

一篇見娱,則爲數日

智而不可得者。●

然幼子過文益奇,在海

文久矣。 軾窮困,本坐文字,蓋

- 願刳形

清婉雅奥,有作者風

氣,知足下致力於斯

卷,無一篇僞者,又少謬誤。及所示書詞,

爲庸俗所亂,可爲太息。今足下所示二十

漢詩也。李太白、韓退之、白樂天詩文,皆

其筆勢乃效建安七子者,非

東

真

琰語哉

而其詩乃云以卓亂故,流入於胡。此豈

死,琰乃流落,方卓之亂,伯喈尚無恙也

作《蔡琰傳》,載其二詩,亦

非

是。

董卓

Ė

未易鄙棄也。

見足下詞學如

此

、又喜吾同

年兄龍圖公之有後也。

故勉作報書,匆

不宣。

有《與李方叔書》,今統一於李廌(廌字方叔)之字。《答李方叔書》,今從。原題作「答李廌書」。本卷已李端叔書。今删去「二首」二字。郎本卷四十六題作首,據郎本卷四十七、《七集・前集》卷二十九,爲答首,據郎本卷四十七、《七集・前集》卷二十九,爲答「書」下,原有「二首」二字,誤。案: 此二首之第二

疾。 不能 憮然 爲超然奇 深 所 輒欲 也。 託字 當圖 立於世者,雖 實跋尾,益復慨然。 人石,以爲之翰不朽之託,何也? 者甚多。又讀歐 皆《舊史》所不及。 大 不 以 廢 足下所與游者元聿,❷讀其 矣。 堪 相 願 得患禍者,皆由名過其實,造物者所 人 近日士大夫皆有僭侈無涯之心, 畫之工 不滿也。 史思 緣 ¬, 與 人造 以 待甚厚,而見譽過當,非所以爲厚 張 《唐論》文字不少,過煩諸 逸 周、孔譽己,自孟 明,宣宗 説 無 人也。 以 作言語,務 無 功而受千鍾者,其罪均 張 此風殆不可長。 求信於後世,不 :歐陽公之文可也,而況 巡 陽文忠公《志》文、司 議論英發,暗與人意 有 之敗緣房 緣足 然足下欲僕别 小 善 相粉 下 而 以 軻 無 琯,李光弼 得 飾,以 以下者,皆 人君 又僕細思 亦 詩,知 元 陋乎。● 之翰 書 君 益 君 此 馬 也。 其 動 欲 所 文 合 不

> 乎 ? 哀 患 官 之君子,有故不得已而未 除 服 問 志 甚 録 自重。 焉。 \_ 善 ! 文 又 不調。今足下未 何 ?」子思曰:「三年之喪,未葬,服不變, 於子思:「喪 文則未葬者,恐於禮 有焉。」昔晉 他日有名世者、既 以 辱見厚,不敢不盡。冬寒。 甚 見 一善 善! 足下 所 服 温 獨 與游 既 所 嶠 葬,豈有不得已之事 除 以 謂 未 者,皆好學喜 未葬不得調。 然 未 葬而表其墓, 安。 葬,則服 後 得名世之士 葬, 司徒 其服 不變, 文 子 何 爲 何

作「ハ」」。
● 「亦」,原作「以」,今從郎本。「亦」,《文粹》卷三十

<sup>「</sup>聿」,郎本作「君」。

既及進· 所 也。 不肖爲 下也。 爲妄則不可,遂欲以移之衆口,又大不可 昌歜、羊棗、未易詰其所以然者。 非用黄魯直、秦太虚輩語,真以爲然 絶,遞中再辱手書,待遇益隆,覽之面熱 即答,頑鈍廢禮,一至於此,而足下終不 字奉慰、舍弟子由至、先蒙惠書、又復懶 猶 髴 識 有 其 可 處 軾少年時,讀書作文,專爲應舉而已。 '闊略,及足下斬然在疾,亦不能 (爲人矣。尋常不通書問,怠慢之罪 ,往往見所作詩文,雖不多,亦足以髣 軾頓首再 足下才高識明,不應輕許 士第,貪得不已,又舉制策,其實何 而其 人所憎,而二子獨喜見譽,如人 科號爲直言極諫,故每紛然誦 拜。 聞足下名久矣,又於 與人,得 以二子 郭 以 '嗜 ? 汗 棄 相

> 妍 甚非 損益。 習氣。 答,自幸 識,平生親 稱説 往 塞、扁舟草履、放浪山 過矣。妄論 真可笑也。 今,坐此得 自知,既以 説古今,考 了回視三十年以來所爲,多其 於人,皆物之病 往 所望。木有癭,石有暈,犀有 如此, 爲醉人所推駡。❷ 軾每怪 譬之候 庶幾免矣。足下又復創相推與; 罪幾死 友無一字見及,有書與之亦不 愈非其實。 此 論 然世人遂以軾爲欲立異同,則 利害,攙説得失,此正制 得,因 是 時 蟲 (非,以 人待軾 時 7,所謂 也。 鳥,自鳴自己,何足爲 以 爲 水間,與樵 應 得罪以來,深自 讁居無事 過 輒 實能之,故譊 齊虜以口舌得 其名耳。 白喜 重,而足下又復 (病者。 漸 、 默 通,以 漁雜 不 人 爲 自 科 (苦不 足 觀 取 人 閉

前集》卷二十九改。 「答李端叔書」,原作「又」,據郎本卷四十七、《七集

「推」,明刊《文粹》卷三十六作「摧」。

意,不 後,不 考其 取 於此 行 所 (情,取 見 覺累 敢作文字。 一寒苦。 也? 皆故 其華 幅 我 此事 惟 亦 非 而 不須 萬萬節哀强食。 此 非 今 遺 相見不能盡 我 書 其 示 雖 也 實 非文, 乎? 無 乃 必 然 抑 聞 不次。 喻此意。 信 自 將 其 筆 得 聲 又 書 有 罪 不

### 答劉巨濟書

見其 如所 不應 然君 玩 審 不已。都 比 在侍 然足下豈待人者哉 示 手書舊文,不覺出 云,不幸早世,其 戚 來 軾 戚 之。 憂 下, 徇 患 下相知 恨僕 無已之悲。 人來辱 相 加以 仍, 聲 少年美才,當 惟司 情 書 勢低 懷牢落, 累 不朽 賢兄文格 涕。 幅 馬 弱,不 君實、劉 '當以 詩 與吳秀才書 承 及 此 起 深 能 累足 新 誠 奇 計 居 力 貢父, 文,愛 拔 無 遠 難 爲 下。 慮 堪 恙

> 察,猶 問 强 亦 往 爲 此 院,更月餘 孟 已 爾 世 論 年衣服 文。 飯 無 得虚名。 作 耳。 好,然不足深取。 佛 大善。 自 異 應 以所 慰 自 僕老拙 勤 重 用文,不幸爲人傳寫,深 飢 水,不赴 國 經試用,鮮不爲笑。 方出。 一二年 渴。 羞者譽之,過矣。 天下近世進人以名,平 亦 近時 捷 百無 何 南省、得免解。 州 來,絶不 士人多學 時會合,臨紙 家孟侯雖 解,皆在 **、堪,向** 時 以 一復爲。 在 此 談 此。 不得解, 科 取 理 舍弟: 之,不 場 空性 可 以 其兄 今足 悵 因 。時,不 羞 启 風 差 此 愧 安 時 人 下 益 雖 得 却 以 用 惠 國 貢 不 以 得 羞 孔 不 追 惟

### 答李琮書

聞 公有閨門之戚 軾 . 啓 。 奉 别 忽 即 然 欲 半 作 年 書奉慰,既 思 仰 無 罕 遇 近

不出 果然否? 復不果。 居,遷居非月餘不能定,而熱向衰矣。 暗少慮,輒復隨緣自娱。 手掃 益 的 矣。 計 便,又 悽 悵 滅,猶恐不脱,若更反覆尋繹 高 惡 望深以 用 懷遠度,必已超然。 熱不 以 如聞公以職事當須一赴闕,不 是 爲 稍 書未 可 初職 緩。 過 一,所居 照之。 必能開釋左右,往 今辱手 又向 自夏至後,杜 軾凡 ,教,慙, 此等情累 西, 百如 便纏 負不已 多勸 昨 往 知 亦 遷 門 繞 愚 隨 更

聽。 天常幼 以致甫望乞弟作過 子,亦信用 亦令天常 父齊雄,結 短、故不復録呈。 然皆已往之事, 承問及王天常 隨其 招 其言。 髮與 撫近 父人夷 西 界諸 向嘗 南 奉 中,近歲王中正 雖知之無補。 如 夷戰,夷 . 職 夷,夷 此 與軾言瀘州事 所言邊 者 1,皆有 人人以 人信 事。 條 其齊 又似言 畏之。 一人蜀, 理 天 常 丁, 所 雄

> 遠 言 自去,殊無留 憂,貌畏而心貳。 可用。 本末。 屯,❶殺害兵官王宣等十二人。 近歲韓存實討殺 弟爲仇。 以此推之,天常之言,殆不妄也。 貴遷已殺宋大郎,納其首級,與銀三千兩。 郎,必可得也。」數日前 有 貴遷者,俗謂之楊 不能如 安夷寨至近,涉歷諸 謀略。若官中見委説楊貴遷令殺宋 獨 晏州六縣水路十二村諸夷,世與乞 又有宋大郎者,乞弟之死黨, 天常正 論 此也。 向者熊察訪 今日 難 事 月中與軾 羅 今欲討乞弟,必先有以 勢。 去年乞弟領兵至羅 若 諸· 通判,最近烏蠻,而 狗 姓諸夷,皆有唇 誘殺十二村首領,及 揣 ,有從蜀中來者,言 夷族帳 夷不心與之,其 言 量 夷 人情 播州 不 其地去 少, 僞 首 自來 介牟 協之 天 凶 梟 領 似 常 寧

0

必

介」,郎本卷 四 十五、《七集。 前集》卷三十作「个」。

洳 四 此 師,與 行,其勢不能過一月。 弟住坐處,猶須十二三程,❷吏士以 得鼠耳。 外,不能過也。 兵三千,而 亦未見有 金帛 百餘 等諸 以謂雖漢光武、唐太宗料敵察情於萬 實,已降手詔械存寶獄中,遠人無不歡快。 遣 Œ 五十日, 近 血 賊 如千鈞車 界諸 送一封空降 遺乞弟,且 里間,多殺 軍 於溪 運司諸 工,既不 縷立死。 今糧運 精巧必勝之術,但言乞弟不 夷 官軍 谷 則免矣。 間 得 敢 君 弩, 依依 今雖已械存寶,而後 與乞弟 其 遣 不 皆上 止於江安縣,自江 無 戰士數萬人知深入 書,便與約誓,● 心 作 可以洞犀象,而 四 慮三萬,何往 叢木自 而山 腹 過 表 人爲質,然後 乞弟但能深 圃 戦,但 熟户老弱, 稱 一谷 後 賀。 幽 蔽 可 翱 o 嶮, 上深 而不 翔 今韓 藥 林 自 . 安至. 不可 即 得 而 於 未 里之 日 木 避 糗 過 來 照 乞弟 厚 近 存 乞 以 沮 匿 餌 有 者 其 班 以 界 寶

常 摹素定,其取材積糧皆有方,故其經營之 屋 可 素,費半他人,而工必倍之。❸ 者之兵,當如 復求材,其費必 慮不素定之過也。 斧斤之聲鏗然,而 若干,布算而定,無所贏縮矣,工徒入門, 且罷 遲,而其作之常 凡屋若干,材石之費,穀米之用,爲錢 天常言:「國之用兵,正如 諸將 兵,獨精選 富 人之造屋。其慮周,其 十倍,其工必不堅。 百用毛起,不可 既作 速,計日而 一轉運使及 而復聚糧 成,不 今日之策, 私家之 復計, ··, 既 愆 瀘州 故 斵 規 造 王

+

四

所

此

<sup>「</sup>二十三」。《永樂大典》卷八千四百(二十三)。《永樂大典》卷八千四百

<sup>「</sup>工」、《大典》作「功」。

積日 更出 也。 散,此本蠻夷之所長,而 之,把 不及二十級, 用銀 半。 人,每得二十級,即與補 不得耕,秋 知 兵,不及二年,其族帳 谷,耐辛苦瘴毒,見利則雲合,敗 2博買 有土豪 頭 州 迭人,則蠻夷之所長,我反用之,但 今若召募諸夷及四州把截: 累月, 戕殺 村羅氏鬼主播 項,更番出 七兩,每得 使辯士招 許 截將自以 人更不得 夷 為把於 不得 人糧米,其費 法外行事,與二年限,令經 即每級官與絹三十匹。 説 截將,自來雇一私兵人界, .'穫。 其丁壯,且使 兵, 與。 爲 一蕃人頭,用 十 功。 以蹂踐乞弟族帳,使春 州楊貴遷之類,◎作五 州 又嘉、戎、瀘、渝四州, 多 Ŧi. 中原 出 今可召募此 必 必殺乞弟以降。 專 一三班差使。 錢 減 [晏州 物 之所 終年釋耒 倉 銀三十 將 茶綵 卒夫 六 私 無 則 縣 兵, 兩 柰 鳥 四 出 水 運 於 畫 如 使 何 爠 人 買 州 路 之

滅

戎、瀘、渝四州召募人繼之,可 積糧於安溪寨,亦以 平,可以用 鋒,以將下兵馬 黔、戎、瀘 溪寨進兵,先積糧於本寨,亦 寧遠寨,以十州五團等諸夷爲先鋒 如其未也,則乞朝廷差三五千人 也。」 路 Ä 四州 官軍。 西路自江安縣 藥箭弩手繼之。 繼之。三路中 東路· 諸 自合江 夷爲 進兵,先 先鋒,以嘉、 以 以一舉而 縣 惟 諸 中 將 進兵,先 此路 ·路自納 夷 積 下 爲 糧 選 施 稍 先 於 兵

可 年 不 以僥倖。 而 後定! 備 天常 而 此 歸 策, 淮南王安有言:「厮輿之卒,有 者,雖得越王之首,臣猶 然王者之兵,必 雖若不快, 以 出 蕞 於 爾 萬 小 全,不 醜二 竊

山

查《輿地紀勝》卷 州」,原作「府」,誤,據郎本、《七集 未建府。 又,本文以下多處及瀘 百五十三《潼川 前集》改。

0

`原作「辨」,今從郎本、《七集・前集》、《大典》。

殺我。」 叛亡; 討益州 以 任之明效也。 勞,比至嶺南 取石 支胡 辱也 金 月之間,破殄寇虜。 又後漢永 而賢 人,遠赴 兖、豫四萬人討之。 封 帛,以 不 以 漢 了,皆以 哉 侯之賞。」因舉 ·可取。 將謀 堡城,王忠嗣不奉詔, 威 叛羌。 後以兵付 四 之。」今乞弟譬猶 爲其 萬 南 和中,●交趾 國,終不肯出此者,圖 夷,萬一不 計 里,無有 趙充國征先零, 州 方唐之盛,二萬 1,不復 資。 磨之,數年乃克 今可 益州 瘟 瘴,死 刺 有 諺曰: 祝 募 史張 還 獨李固以 堪 此 能 良 曫 反,議者欲發荆 期,詔 鬭。 者 發 反 爲 夷 喬, 豈 蚤 必 間 將 九 使 虜來 前中 以 鄧 不 猛 人豈足道 多; 書迫 無 真 致 自 因其將吏, 謂:「四州之 謂 訓 爲 巾 太 頭 益 相 尚 郎 非 征 卿 唐 促, 八守,張 首 萬全也。 攻 可, 將 士 明 羌 殺 大 轉 郡 卒 尹 必致 皇欲 尹 哉? 及 夫 萬 疲 就 之 可 旬 來 月

+

言 與 不 交 能 天 맖 起 常 刺 意耳。 之言, 史, 由 若 此 合 嶺 符 外 節。 悉 平。 但 天常 觀 其 説

乃

爲

習,疑 不中。 理。 密,然大略 今乞弟亦未是正烏 徑進,於五七步内 一,不能 言 或 非 7 步以上强弓勁弩射之。 ,故以 天常 公職事 然不能及遠,非三十步 而 知 可驅 今與烏 無 止 盡 又言: 乎? 不 奉 具 使耳。 録。略舉一二,以見 爲 ,然孜孜尋 呈,看訖 是 蠻 之義 雖 矣。 烏蠻 戰,當於百 **站然**,亦 又 有 相格,則其 也。 蠻也,諸 按 可 藥 圖 訪 却 箭, 不 雄 圖子, 若稍 以考 如 付 可 其 中者、 内 此,以 步 去 使 如 長 可 以 不 其説,差 人見還 近 以 雖 天 此 技 不 立 下 發, 則 知 罪 見 不 常 巧 皆 死 我 忠 甚 之 便 廢 廢 短 五 發 無 者 非 兵 練 脱

當

體

此

易

見以爲詬病也。

居。 未緣 謂 耳。 患。 敷 ? 貿易之人 煩 能 士,固 爲 便 歲發少 左右達之。江水比去年 不鬱鬱否? 蒙 寫 展 臨 熱甚,幸恕不謹 見説沙湖 下卷,令公擇 印 知 子駿初見報,奪一官耳,不知其罷 知公喜之,無乃亦可 泉 奉, 可 荆 春,夫淘之甚 亦 港 公見 惟冀 何哉? 既 不 鎮頗浸居 開 貲 稱 有一書,不知其 以 **~**, 但 ,往來蒙利無 寫上卷。 《圓 時 藏 不免 自 軾 易。 文, 覺經》紙示 民 重 頭首再拜。 少 是 甚大,郡中不 令荆公一 承問,輒及之。 亦江 秦太 有淤填,議 未 謹 **、窮,而** (今安 離 奉手 淮 虚 妄 及 間 維 在, 語 見 居 常 揚 也 起 者 民 事 爲 敢 之 郡 暇

### 答安師孟書

辱書,爲貺過厚。吾子自以美才積

猶有 哉。 學,取 不足,則軾之所得,又將有大者也 之見愛也。 爲自爲喜者少,而 得,則亦如 之失,怳然如軾 者? 其勢足 吾子之於軾,其 友,朝夕 望焉。 彼將退治其所 祭名 相 城 之有 於 與 若吾子既得 然彼七子者,豈 以 當 講 之有失也 相 學 得 時 得 及 爲軾喜 失 者 (有,益 也。 也。 休 也 所 戚,軾 茅 宜 如 繒也 德者. 驕 者多,甚矣吾 廣 今吾子書來, 摊 既乃聞 丽 以 而 所 何 新 聞 日 宜. 與 平 之, 一 失 七子 知 吾子 生 知 焉 爲 則吾 其 之 所 戚 者 子 之 何 然 師

### 答李昭玘書

識 以 每 道區區 相 而 見 軾 相 啓。 語 向 輒見及,意 如 又念方以罪垢 向得王子 此,此 人必 中兄 相 予 有 弟 廢放 甚 以 厚 書 不 · 平 即即 肖 具 欺 生 欲 道 左 不 作 足 相 書

子者 豈造 獨先 太虚 輒值 何似。 筆勢俯 惟 獲所 也。 者。 誦 以來 示書,反復不知厭,所稱道雖不然,然觀 不敢當。 之名,如畏虎也。 書累幅,首尾 其 明 他人之工者。 「, 挾 其 一、張 者 物者專欲以此樂見厚也 知之。今足下又不見 欲、如黄庭堅魯直、晁補之無咎、秦觀 牆 幸甚! 平日 軾 所以 谷, 念 如 軾蒙庇粗遣,每念處 仰,亦足以 耒文潛之流,❷皆世未之知,而 然少年好文字,雖自 有 往 有餘之資,而鶩於無涯 無一遂者。 所好惡憂畏皆衰 得 以 侕 幸 甚 ! 句 罪 後已,則亦將 反之。 句皆所畏者 今雖老,餘習尚 ", 正 以此未敢相聞。 粗 得 比日履兹春和,起居 魯直 坐 獨於文人勝士, 足下 名過 鄙、欲相 既 世 安 謹 矣,獨 耶 爲 實 喪妻,絶 示 所 窮 ? 人之一二 再拜 在。 耳。 困 能 歸 之知,必 今獲 然此數 畏 .從游。 宿 Į, 得 過 年 軾 向 其 所 喜 來 實

> 想遂 教。 所得 下當爲作也。 若果作,當有記文。 此爲遺恨。近以告莘老,不知有意作否? 母、劉子政二墳,向欲爲作祠堂,竟不暇 好, 時自愛。 相依,甚幸。子敏 行,則信與昔者有 云:「學道三十餘年,今始粗 蔬 想時 也。 磨琢成其妙質也。 食飲 徐守莘老 相 謹奉手啟爲謝,不宣 水, 说,有 無由 此 雖 苡 間 最 面言,臨書惘惘。 莘老若不自作者,足 |失解 發明。 每 . 矣。 勇 有 決。 徐州城外有王陵 獨 書 乃得久處左 軾 王子中兄弟得 聞道 來 舍弟子 倀 亦以 一。」考 倀 焉 此 未 其 惟 由 右 見 順 有 亦

「耒」,原作「來」,據各本改。「軾」,郎本卷四十七作「輒思

與司馬温公五首●以下徐州❷

爲國自重,謹奉啓問。 中,所愧於左右者多矣。未涯瞻奉,惟冀比日,不審台候何如? 某强顔苟禄,忝竊比到官,隨分紛冗,久稽裁謝,悚怍無已。比到官,隨分紛冗,久稽裁謝,悚怍無已。

三黄州

遊闊遠、舍弟非久赴任、益岑寂也。

湖、争訟寂然、盗賊衰少、聊可藏拙。

但朋

詩,聊發一笑耳。● 彭城佳山水,魚蟹侔江

獨樂園記》,誦味不已,輒不自揆,作一

然所以獎與則過矣。

久不見公新文,忽領

以爲寵,遂使東方陋州,以爲不朽之美事,

咎自己招,無足言者。但波及左右,爲恨耗,不審邇日寢食何如? 某以愚昧獲罪,謫居窮陋,如在井底,杳不知京洛之

某再啓。《超然》之作,不惟不肖託附

卷五十

尺牘

● 「五首」、《翰墨》無。

「以下徐州」、《翰墨》作「凡五帖」。

0

卷四、《外集》卷八十一補。《大典》,略去卷次、韻屬及引書之名)、《七集•續集》字韻引《蘇東坡集•書簡》(以下各卷尺牘,只簡稱「一」,原脱,據《永樂大典》卷一萬一千三百六十八簡

三七

伏乞以時善加調 席上,❷此幸未 殊 亦布褐藜藿而 步,●風濤烟雨,曉夕百變,江南諸山,在几 某思之,不啻芒背爾。 深、雖 高風 (偉度、非此 己。 始有也。 護。 瞻晤 寓 細故 雖有窘乏之憂,顧 無期,臨書惘然, 居 所能 去 江 塵垢, 干無 + 然

### 四❸以下俱登州

調寢興,下情祝頌之至。謹奉啓,不宣。禮,進退恐慄。未緣趨侍,伏冀上爲宗社精逾分,區區尺書,豈足上謝。又不敢廢此小台候萬福。某即日蒙恩,●罪戾之餘,寵命某頓首。孟冬,薄寒。伏惟門下侍郎

#### 五

去歲臨去黄州、●常奉短啓、●爾後行

宣。軾再拜。☞ 增鼓舞而已。亦不敢上問,想識此意。 授無定,因循至今,聞公登庸,特與小民

不同

## 上韓魏公一首❸

至今七八年,知之熟矣。其爲人,不通曉傳三月中病死。軾往歲官岐下,始識傳,軾再拜。近得秦中故人書,報進士董

- 「干」,原脱,據《翰墨》補。
- ) 「上」,原作「下」,今從《外集》卷八十一。
- 作於同時,參該文第一條校記。
  本文文字,與《蘇軾佚文彙編·與樞密一首》略同
- 「去」上,原有「某啓」二字,據《鬱孤臺法帖》刪「恩」,原作「免」,《與樞密》作「恩」,今從。

6

- ) 「常」、《鬱孤臺法帖》作「嘗」。
- 「不宣軾再拜」,原脱,據《鬱孤臺法帖》補。
- 集·續集》卷十一有「乞葬董傳書」五字。「公」下,郎本卷四十七、《七集·前集》卷二十九、《七

0 0

至於如 於世 今父子暴骨僧寺 事,生人之常理,而在傳 公之賜。」軾既爲 其 饑 問訊其家,而傳徑至長安,見軾於傳舍, 不能就。 免喪得一官,又且有妻,不虚作一世人,皆 有彭駕部者、聞公薦我、許嫁我其妹。 而 有所 不過 今年正月,軾過岐下,而傳居喪二曲,使人 傳嘗望公不爲力致一官,軾私心以爲公非 姿,至詩與 世 不 存。 事 用,然譬之象犀 可 愛 數 寒窮苦之狀,以爲幾死者數矣,賴 使在 此其 「又且薦我 也, 人。此固 今傳果死,悲夫。 嗜讀 楚詞,則 知傳所禀賦至薄,●不任官耳。 塗泥 極 耶 書。 不 中 中 ! 傳喜,且私憂之。 於朝。 ·, 孀 ·, 此 待軾言,公自知之。 求之於世 珠玉,雖 其文字蕭然有出 夫傳之才器,固不通 母 公所 則爲非常之福,恐 弱 吾平生無妻,近 弟 以 無 書生之窮薄, 可與 終 補於饑寒, 自謀 薦 (傳比 傳 此二 i 塵之 П 也 若 公 腹 道

> 他,度 人,相 使人就其家取之,若獲,當獻諸 葬之,有餘,以予其家。 軾且斂衆人之賻,並以予陳 所 左右,無任戰越 涇州,而宋迪度支在岐下,公若有以賜之, 不 暇,決 濟, 可 甚 與 以 出 不 可憫也。❷ 葬傳 錢 能 以賻其家 葬。 者足矣。 軾與之故舊在 公若猶憐之,不敢 ,而氣力微薄 傳平 陳繹學士,當往 生 而致之宋,使 一所爲 公。 京 不 師 于 文,當 望 能 者 冒 其 有 數

## 與王荆公二首

謁。 行, 悵仰不可言。 朝夕聞所未聞、慰幸之極 伏冀 順時爲國自重。 某游 伏惟台候 門 下久矣,然 不宣 康勝、不敢 未嘗得 已别經宿 重上 如 此

- 「賦」,原作「付」,今從郎本。
- ) 「也」,原作「笑」,今從《七集•續集》。

#### 離黄州

頓

首

再

特

進

大觀

文

相

執

數也。 他 講習醫藥,明練法律,若此類,未易以 觀 厚。 某近 其行義修飭,才敏過人,有志於忠義者,某 田 首,拜呈。 舟往來,見公不難矣。 不遂,今儀真 陵,庶幾得陪杖屨,老於鍾 爲事 無 以身任之。 太虚,公亦粗 得。 所 者經 别來切 望 才難之歎,古今共之,如觀等輩 ,然成否未可知也。 也。 願公少借齒牙,使增 由 詞格高下,固無以逃於左右,獨 計台候萬福 一住,又已二十日,●日以 此外,博綜史傳,通曉佛 秋 拜 獲請 知其人,今得其詩文數十 氣 日佳 見,存撫教 向屢言高郵進士 微 某始欲 山之下。 若幸而成, 恙頗已失 重於世,其 海,恩 買 既 田 意 去 求 秦 扁 金 甚

> 否 ? 伏冀 ()自重。 不宣。

#### 上吕相公一 首

言此 議,亦恐貸之啓奸,若殺人者得以 得旨貸命,而門下 貴,就縛,至醒,取衆證爲定,作可 不知 西京奏秦課兒於大醉不省記中, 司 疑 是 ! 似 平人,邢 《勿論法,深恐今後欲殺人者,皆因 自 而殺,但云「我意汝是盗」即免矣。 軾 軾歸 昨 是謀殺,若不勘 軾始者亦以 Ħ 變妄 而念公言,既心服矣,然念近 面 論 意其 邢 -别取 變事。 爲盗 爲然,固 旨斷 出 殺之,苟用 愚 此情,安用 死。 意 已書 本 醉免,爲 '憫奏,已 竊 打殺 謂 過 聞 犯 邢 南 者 勘 輿 其 鼻 時

- 0 某頓首」 至「執事」十四 字 原脱,
- 「日」上、《七集・續集》有「餘」字。

尚書省,可追改也。 尚書省,可追改也。 為,自是謀殺,有勘司在。邢夔犯時不知, 發,自是謀殺,有勘司在。邢夔犯時不知, 程而殺,其情可憫,可以原貸,若託醉而 理而殺,其情可憫,可以原貸,若託醉而 其,再用公昨日之言思之,若今後實醉不

## 與張太保安道一首翰林

教誨之素,臨書悒悒。 以不善俯仰,屢致紛紛,想已聞其 就一次四言者數君皆促供職,明日皆當見。 有旨,與言者數君皆促供職,明日皆當見。 有旨,與言者數君皆促供職,明日皆當見。 於至有所行譴,而諸公燮和之。數日 於一、與三十日。 以明,與三十日。 以明,與三十日。

# 答范蜀公十一首●徐州❷

如,未由披奉,萬萬以時自重。後時再領手教,愧悚無地。比日起居何味不釋手。屬使者交至,紛紛無暇裁答,就日辱書,並新詩累幅,詞格清美,欽

#### |以下俱黄州

皆在,人間之樂,復有過此者乎? 某凡百慰馳仰。新居已成,池圃勝絶,朋舊子舍李成伯長官至,辱書,承起居佳勝,甚

「答」、《翰墨》作「與」。「十一首」三字、《翰墨》無。

0

「九」爲「七」,「十一」爲「八」,「十」爲「九」。「七」爲三,「八」爲「四」,「五」仍爲「五」,「二」爲「六」,首, 其九首之次第爲:「六」爲「一」,「四」爲「二」,「徐州」,《翰墨》作「凡九帖」。《翰墨》無第一、第三

也。 粗 而傳者遂云物故 遣 何 爲一笑,平生所 `時獲奉几杖,臨書惘惘。 夏 間 多 以以 患 瘡 爲左 及 得毁譽, 右憂。 赤 目 杜 殆皆 聞 李 謝 此 長官 類

Ξ

從 否? 賣此 師 荆渚 甚! 末,而 事 此大慶也。 尚 身函丈之側,旦 業,可得八百餘千,不識 ,買一小莊子矣。 有少房緡,若果許爲指揮從者幹當, 所賜手書,小字如 但 泊自 風 示諭,欲 |囊中止有數百千,已令兒子持 物之美,足 持,亦 某早衰多 爲 ト郷 夕 便佳 聞 /病,近 以 恨聞命之後。 道 此 終老,幸甚! 健, 芒,知公目 ,又況忝姻戚之 平生之至 日 異 亦能 日 可納左 必 屏去 益 願 然京 能 也 往 幸

四

不對。● 之者 而已。 鄉; 彼復何依,雖黄面瞿曇,亦當斂衽,而 又觀公欲救之心,作何形段。 室,常作是念,觀彼能 德,小子亦未知勝負 爲干櫓,❷則舟 而救之,問所以救者。 耶 承别紙示諭 土偶作祟,眼 ţ 公方立仁義以爲城池,操 聊復 中之人,盡爲敵 信筆,以發公千 前妄見佛國。」公 惑之性 所 糵 小子 在。 有毒,平 何 **、 等**安所從生 願 國,雖 此猶不立, 公宴 地 里 詩 顧 生 公欲 坐 公盛 書 不 出 笶 以 敢 哀

) 「顧」、《七集·續集》卷五、《外集》卷六十六作「問

<sup>「</sup>觀」上,原有「當」字,據《翰墨》删。「櫓」、《七集・續集》、《外集》作「楯」。

甚 ! 皇恐之至。 其意。所賜五體 反覆計慮,愧汗而已。 **丈獨賜收録。欲令撰先府** 誌及碑者,非特執 幸,復何可否之間; 達,何也? 某顛 幸 甚 ! 某□啓。 無緣躬伏門下道所以然者, 去歲附張生書,謂甚的 仆 書,謹爲子孫之藏,幸 守私意,蓋有先戒也。 罪 戾,●世所鄙遠, 仁明洞照,必深識 丽 不 君墓碑,至爲榮 肖平生不作墓 而 丽 丈

六以下俱翰林

然孤風凛然,足以下激頹靡,雖非落落可懷超然,不屑世故,堅卧莫致,有識悵惘。日望旌斾之至,不敢復上問,不謂高

萬萬爲國自重。 比日履兹寒凝,台候何如,未由瞻奉,伏冀指之功,其於二聖忠厚之治,所補多矣。

七

中,不盡區區。 東京、大幸也。曾始者,竊意丈丈絶意軒 大幸也。曾始者,竊意丈丈絶意軒 以孫乖素望,然士大夫甚高此舉也。 是,然猶當强到闕,一見嗣聖,今乃確然如 是,然猶當强到闕,一見嗣聖,今乃確然如 以,然猶當强到闕,一見嗣聖,今乃確然如 以,然猶當强到闕,一見嗣聖,今乃確然如 以,然,或得過謁,少 以,然,或得過謁,少 以,然,或得過謁,少

● 「某□啓」至「何也某」十八字,原脱,據《翰墨》補。

② 「大」、《翰墨》作「又」。

軾 文 集

八

歸心。 公孤風 詣,謹奉手啓,區區萬一。 真可以爲後世法矣。 退,以安無窮之福。出處之間,雍容自得, 伏承歸政得請, 《亮節,久信天下,而有識今日,尤復 勉强暫起,以慰二聖之望,幡 恩禮優異,伏 官守所縻,不獲躬 惟慶慰 復

九

之厚,悲惋可量! 到,今乃止 聞之悲痛,殆不可言。 之愛,上爲朝廷,下爲子孫親友自重。不 有識憂懸。 今晚忽得報,承子豐承事 此,士友所共痛惜。 伏惟高明,痛以理 丈丈高年,罹此苦毒, 美才懿 遣,割難忍 行,期之遠 遽 而況姻戚 至大故,

勝縷 + 縷

遣也。 事,惟 骨秀整,聞 近者,子豐攜長子承務見過, 有後 向下二子益奇。 可 以少慰。

丈丈意幸以

此 自

死生壽夭皆常

見其風

+

往,曉解左右。 子功、淳父皆欲謁告省覲,某恨不同 臨書悽愴。

與范子功六首登州還朝

所 容。 違闊歲月,書問不繼,自咎之深,殆無 伏惟盛德雅度,有以容之。 比日竊

幸。 遷 計 過分,備員無補,惟雅眷有以 鎮 撫之暇, 毒熱,伏冀順 台候 時爲國自重 萬福。 某 蒙 庇 教督之,乃 粗 遣, 驟

### 登州還朝❶

起居住 幸。 用,輿議所屬,小子得 區區即遂面究。 疎 勝,欣慰不已。 上問, 愧 仰 增 少託餘庇,尤爲厚 暫還 劇。 舊 承 席 軒 即即 施將 - 膺柄

## |||以下俱揚州還朝

理照遺,旦夕面究。 之深,不能無動,然竟亦何益。 怛然。便欲往見,從者已散去。 見舍弟説,知得 雍信,幼 孫 夭逝 惟千 竊 想慈 萬 聞 念 之 以

#### 四

耶 ? 求,不 藥 夾等已領,珍 辱教,承晚來起居佳勝, 呵呵。 太廉乎? 便不 感 . 得 更 珍 感 送 團茶 筃 栗 及 子之 笓 匣 離 子

香

#### 五

押賜處,便往。 後,便往啓聖,公可 會啓聖,公能枉轡,甚 宿來起居 佳勝。 到 己馳 幸。 彼早食 簡 子 邀伯揚, 也。 由 明 某 日 略 奠 來 到 酹 日

登 州還 朝, 原脱,據《二妙集》補

文 集

六

成字。 分惠 佳 廣 嚴 茅,感感。 之會, 謹 獨 如 教, 飲 計必 杯, 遂醉,書不 請 陳 四 也。

# **范子豐八首**以下俱徐州

悵然。 住勝。 日 想已 伏 惟祈慎重,别膺亨寵 某更五七日泝汴。 唱第 審子豐南宮殊捷,●慶抃可量。 , 必 在高等。 期集之暇,起 愈遠 左右,臨 書 居 即

> 慎不可泛愛輕取也。 請 報 逾 前所託殊不蒙留意, 難望矣。 無乃求備之過 人還,且略示諭。 恐非 乎? 久, 東 然 南 亦 遂

Ξ

甚。 皆所樂,更不敢有擇也。子豐能爲 不知可得否? 諸公間乎? 日增,勞苦紛紛,何時定乎? 水旱相繼,流亡盗賊並起,決 貴眷各安, 奉見無期, 近專人奉狀,達否? 局事 試留 惟萬萬以時自重。 不爾,但得江淮間一 ·漸清: 意。 簡 人還,仍乞一 否? 即 日 口 某 近乞四明, 起 未 幸 塞 居 報,幸 一言於 ·無恙。 小郡, 气河水 何 如,

捷」,原作「健」,據《七集·續集》卷五改。

看 聞 四 回 書 明 明

年

小

事

拜聞,欲乞東

南一

郡。

·四月成資,尚未除人,託爲問

在 累如常。 理前 徹備。 郊 外 稍 請 過 不 也。 通問,伏想起居佳勝。 高麗使已還。 八月、九月間,秋水既過彭 夏, 台候必 會合沓未有涯,萬萬自重。 更 **入康安。** 四 明 可以易守,當 某此與幼、 侍郎 /城,城 丈必

五

未? 如常 入不 得 清 也。 登,雖閑局,不免以此爲累。 涼,然夏田旱損 南 何時參候,北望,不勝馳情。 方夏 子中、子老頃在左右,今已赴 へ熱, 殊 非 七 中 人。 原之 鹽法 比。 更變,課 人 自餘 粗

六

問。 少訓 所須,不可,柰何,甚非 珠子二千枚,少錢,告那出 高等待乞利市也。 督耳。 似叔頗 新 珠 想 長成,每日 日 内 孫想益聰淑,諸郎 長進,愛壻 納銀 作詩讀史,但 一笏,託 情 無恙, 一,便納 願。 幸 甚 用 娘 留 買 望 一蒙拙 意 丈 婚 圓 承 嫁 熟

安也。❶

七❷以下黄州

傳云「曹公敗所」所謂赤壁者。或曰: 非黄州少西山麓、斗入江中、石室如丹。

六十四。

·各」,原作「亦」,今從《七集·

續集》卷五、《外集》卷

0

)《叢話•後集》卷二十八、《外集》有此文。

一三七

來求 是也。 也。 元豐六年八月五日。❺ 今日李委秀才來 類矣。」今赤壁少西對岸,即華容鎮,庶幾 事遲,華容夾道皆葭葦,使縱火,則吾無 孟德、公瑾, 大魚皆出。 弱先行,踐之而過,曰:「劉備智過人 書字,●遂書以與之。 時曹公敗歸華容路,●路多泥濘, 然岳 李善吹笛,酒酣 山上有栖鶻 州復 如昨日耳。 相别,因 有華容縣,竟不知孰是。 作數弄,風起水湧, 9 適 以 亦驚起。❸ 會范子豐兄弟 小舟載酒飲赤 李字公達云。 坐 念 使 丽 遺 見 老

#### 八 **6**

是峩眉 鄉哉 問范子豐新第 臨 皐亭下不數十步, 雪水,吾飲食沐浴皆 江山 風 月,本無常 園 池 便 與 主,閒者便 此 取 是 孰 焉, 大 )勝? 江 何 必 是 其 歸 所 主 半

不如者,上無兩稅及助役錢耳。●

## 答范純夫十一首湖州

千萬以 知徑 對 病不堪煩,但有歸蜀之興 五. 老,想有佳思。 赴治,實增悵惘。 向者深望軒 時自愛。 從一 此間 來。 比日起居佳勝。 耳 湖 人還,❸領手教, Ш 信 未由會集 美, 圃 衰 日

「路」,原脱,據《叢話》、《外集》補。

♪ 「山」,原脱,據《叢話》補

「亦驚起」三字,原脱,據《叢話》、《外集》補

「李字公達云元豐六年八月五日」十三字,原脱,「求書字」三字,原脱,據《外集》補。

外集》補。

「人」、趙刻《志林》作「臨卑閑題」。

<sup>▶ 「</sup>人」,原作「而」,據《歐蘇手簡》改。
▶ 「錢」,原脫,據《志林》補。

四

領其意而辭其物,物有齊量,意豈有窮 子之心也。 昔人已聘還圭璋,庶幾此義。 辱示諭,鄙意不移。公休之餽,人 不肖之辭,夙昔之分也。某已

敢别乞小郡。然來年闕食之憂,未知攸

公私勞弊,殆不能堪。

但以

連

歲灾傷,不

某衰病日侵,而使客旁午,高麗復至,

酣江山,旬日忘歸,非久赴任也。

濟,日俟罪譴而已。

李

唐夫一宅甚安,沉

### |||●以下俱揚州

慰。 無地 書惘惘。 病務省事,且自潁入淮矣。不克一别,臨 欲某一到都下乞見,而行路既稍迂,●而老 春暖,起居何如? 某移廣陵,甚幸。 然公議望公在禁林,想即有此拜也。 到潁半年,始此上問,懶慢之罪,踧 中間辱書及 承 拜命貳卿,亦深慶 舍弟 踖

五

别後不 奉書,懶慢之罪,未

軾啓。❸

0 作《與范純父侍郎二首》。 此首與下首、《七集·續集》卷六、《外集》卷七十四 「迂」,原作「近」,今從《七集・續集》、《外集》。 題

一軾啓」二字,原脱,據西樓帖(文物商店收藏本,本篇

内下同)補。

榮慕。 也。 有以 醇夫給事侍講閣下。 可量。❸ 兹初冬、起居佳勝。 自 未緣會合,千萬爲國自重。● 又聞有旨許講罷 解 與子功同侍邇英,此最縉 , O 然别時 亦先自陳 中 九月二十七日。 間 奏事,想日 屢 聞 "進拜" 矣。 軾 有 紳之所 比 喜抃 再 補 日 拜 正 履

心。

自出都後,更不作不寫,已辭數家矣。

不爲

此,

中間數公蓋不得已,不欲卒負初

六

郡爾。 以時自重。不宣。 除,老病有加,那復堪此。 起居佳勝爲慰。 奉書不數,愧 側聆大用, 某凡百粗 仰 以快群望。 可 知。 即當力辭,乞閑 遺,聞天官之 辱手教, 未間,千 且 萬 審

八

我者?

懶爾,別

無

説。

然魯直不容我,誰復能容

魯直日

會,且致區區。

兩辱書皆未答,直

如大觀其一也。

今不可復寫,千萬亮察。

不免發數字,想不深訝。不寐之喜,豈獨又恐草草,念行役間迫猝,未能便如禮,故前日見報,知新拜,即欲奉書爲賀。

七

《忠文公碑》,固所願託附,但平生本

「中間屢聞」,原作「切聞屢」,據西「自」,原脱,據西樓帖補。

● 「爲國」,原脱,據西樓帖補。

「可」,原作「無」,據西樓帖改。

)「軾再拜」至「九月二十七日」十七字,原脱,據西樓帖

書中。 辭,若又力辭, 以 所屬,想公有以處之矣。 樂正好善之故耶? 乍熱, 起居如何? 乃似辭難 更不 矣。 私意但 乍遠,千萬 必 餘 盡 亦 望 談。 見 公不 子 公議 道 由 力

#### 九赴定州

自愛。

見説 簡 執 所 報錢尹,令府中差人遍報諸公矣。 政 示 連 涿 日 日 1人間 人 問 聖 ,宗室亦 候, 極 是 逐 日 ! 問 極 候也。 是

#### 十惠州

邁自 常,燕坐胎息 良藥。公久知之,不在多囑也。 宜 某 興挈 謪 居 兩 瘴 而已。 房來,已到 鄉,惟 有 盡 絶 循州 書,附 欲 念, 子由 納。 爲 行並安。 萬 長子 極安 金 之

> 舍耳。 長 哀哉,柰何。諸子想各已之官,某孫婦甚 觀 過 别書,侍奉外多慰。 何緣及此。 平,幸勿過 藥在此,今附何秀才去。如聞公目疾尚 婦與二孫並安健。過去日,留一書并數品 官滿來筠省覲,亦不久到。恐要知。 近 成,●旦夕到此矣。 張天師遺迹,儻有良藥異乎。 往 次子迨在許下。 迎之、得耗, 服涼藥。 兩承 惠錫器,極荷意重。 旦 子功之喪,忽已除祥, 暗室瞑 一夕到 子由長子名遲 此。 坐數息, 令子不及 某見 六郎 藥功 獨 守

### 一❷惠州

+

嘉 祐寺遷人。 丁丑 二月 詠 + 淵 四 明《時 日 白 運》詩 鶴 日: [] 新 居 成, 斯晨 自

- 「某」,原作「其」,今從《七集·續集》、《外集》。
- ❷「十一」、《外集》作「録詩寄范純父」。

友,雲 樂。 此數紙寄之。 復見此,豈可得乎? 我安 木固 純夫,子孫環遶,投紙筆求作字。 三年一夢,乃復見予。]予在都下, 有 匪 斯 曰:「訴旱乎? 孫遠至,笑語 塞,喬木干霄。 餘,不能無欣然 予别三年,攜諸 ,此詩慎勿示人也。 澄潭,可 夕 朝。 ノ,言息 歸。 無 我視此 散莫 脛,瓦豈 自我 龜 追。 漱 其 和,如 不吾欺,食 記紛如。 可 丁丑閏 廬。」似爲予發 昔我 幽 濯。 ,乃次其韻:「我卜我居, 有 旦朝丁丁, 訴澇乎?」今皆在 孫 獨, 足。 洙 萬 剪鬃垂結,覆此瓠 江 如 伊 里 有 倚門或麾。 三月五 山千里,供我遐 何, 沂。 陶匠 遠 來請 此 至,老朽憂 江 誰欵我 誰其裔苗 也。 自 純 邦人勸我, 郊。 日 至,笑歌 夫 長子 書, 萬里、欲 每 每謁 豈 多 廢 廬 難 因 調 無 井 患 邁 矚 之 范 子 親 老 下 已 相 居 之 與

# 與范元長十三首以下俱儋耳

毒如 此 何 深至,追慕罔極。 生意 捐 懷 1 館 盡矣。 難諭 舍,聞 昨, 奄易寒暑, 哀毁 某 某謫 慰 疏 計 籍所拘,莫 伏惟至孝承務元長 言。 謹奉手疏上慰。不次,謹 慟 絶。 不 何辜于天,罹 意 天之喪予,一 由 凶 往 變, 日 一带,永 深,柰何 先 此 昆仲,孝 望 内 至 禍 一於是, 酷 翰, 長 疏 誠 澽

問 遇 傾 ,亦未必達,且略致區區耳。 便人,又舉 逝,痛 流 離 毒之深,不可 動 艱 九 死 礙, 憂畏日 之餘, 굸 諭 又聞淳 久欲 深。 奉疏,不 今兹 夫 先 公

非苟相勸勉而已,切深體此意。餘不敢無益之毁,與先公相照,誰復如某者。此千萬留意其大者遠者。勿徇一至之哀,致任公已矣,惟望昆仲自立,不墜門户,

致

區

腽

沉

香少許,望

於内翰靈

几焚之。

聖善郡君,不敢

拜慰

疏言。

侍次,乞

表末友一

慟之意而已。

四

盡言。

六

端,想蒙矜察。不即副來意,臨紙哀噎。不食言,然今則不可。九死之餘,憂畏百許吾亡友久矣。平生不作負心事,未死要許吾亡友久矣。平生不作負心事,未死要孫感之極。所論《傳》,初不待君言,心

七十八。「藏」,原作「秘」,今從《七集・續集》卷七、《外集》卷

0

「變」、《七集・續集》、《外集》作「受」。

「化」,原作「然」,今從《七集・續集》、《外集》。

五

三四三

四四四

乎? 海 疏 不次。 外 粗聞 未間 新 政,有識 萬節、 哀自重 感涕。 靈 毒 几 熱, 儻 揮 遂 汗 北 奉 轅

哉 ?

其超然

世表,如

仙

佛

之所言者必矣。

罕

有

能兼者,

豈

世

間

混

混

生死流轉之人

七

爲佳。

某深欲

見左右,赴合浦,不惜數

較量頃

刻之壽

否

耶

?

此理卓然,唯

況其平生自有以表見

於無

窮者,豈必

區 昆 丽

區

深自愛。

得歸,亦勿亟

遽,俟秋稍

涼

行 仲

聖善郡 乞爲骨肉保愛寬懷,以 君,承起 居住 適,因 待北 侍次,致下 歸也。 子

行,預有書相報。

熱甚,萬萬節哀自重

舍之迂,但再三思慮,不敢爾,必深察。

臨

進諸 舅,曾得安訊否?

八

九 以下 俱 北 歸

比 困 獲 須 日 危 見,而某滯留 孝 慟 多 到 ·履如宜否? 雷獲所 畏 几筵之前者,非愛數舍之勞 故爾。❶ 留 不 此老謬之罪,想 方此炎暑,萬里 時至,遂 承 車 從 爾遠 盤 桓 别 此 矜察。 他,以 邦, 扶 護 不 以

0 以 原 脱 據《七集・ 續集》卷七、《外集》卷七十九

何 ! 篤之性,感 公,獨隔幽 ,南來諸 識,高文博學,非獨今世所無,古人亦 毒 暑, 朽 人、恐 慟 顯,言之痛 遠 一言,非 摧 惟 割 孝 有 北 履 苟 如 如 轅之漸, 以 裂忘生。 何 宜 相 可 寬者。 言,柰何! 海 而 矧 外 吾 先公清 粗 昆 友 仲 翰 聞 柰 純 林 近

匍匐 此 俯爲存没寬心自重。 惟節哀慎重。❷ 文字,不敢不留意,今託少游議 哀苦勞艱,如 意。 赴救,已矣,不復云也。 何可言。 某不敢拜狀郡君,惟 乞呈此紙令弟,不 **忝親** 友之末, 獨 其詳。❶ 7前所 千 見 不 萬 餘 委

+

黄乎。❺ 心,困 護舟 臨 地,其敢必會見之日耶? 江西,6即不過黄,又不知某能及公之前 至 紙 廣 哽塞,言不盡意 、行當過黄,又恐公在淮南路行,**●** 6 某 而不折,庶幾先公之風没而不亡也 如聞 須惠 漂零江海,身非己有,未知 州 有移黄之命,若果爾, 骨 肉 到 同 往。 惟 昆 計公昆 仲金石迺 歸 當自 宿之 不 到 由 扶

+

當留 如 ? 皆苦 仲之力,不甚狼狽。 懸,書不能 哀哉少游, 可到梧。 [以待惠州人至,同泝賀江也。 速遣此 瘴 過雷州,奉書必達。 扶護 痢, 痛哉少游,遂喪此傑耶 哀痛,且須 盡 若少留,一見 又 聞 奉囑之意, 尋 已痊 某日夜前去,十六七 勉强 損,不 尤大幸。 到 容 開 唯深察此心。 解,卑心 南, 知 某到梧 即 知 日 賴 昆 憂 昆 何 仲

0 8 0

6 6

廣」是。

四

間

一今」,韓淲《澗泉日記》卷上引此文作「已」。 餘」,原作「録」,據《七集・ 續集》、《外集》改、

唇」、《七集・續集》卷七作「横」。

十九作「湖」。 「淮」,上書作「湖」。 案: 疑作「湖」是。 《外集》卷七

西」、《七集·續集》無。

黄」、《七集。 續集》、《外集》作「廣」。 疑

一三四六

人奉書,不謹,千萬恕察。不宣。

#### +

遂 仰。 某即度庾嶺,欲徑歸許昌與舍弟處。❷ 已而 寶也。● 逝者不可及,如先公及少游,真爲異代之 同貶先逝者十人,聖政日新,天下歸仁,惟 絶,不得一拜先公及少游之靈,爲大恨也。 見昆仲。 水乾 比謂至 永州人來,辱書,承孝履粗遣,甚慰思 徒有僕輩,何用,言之痛隕何及。 無舟,遂作番禺之行。 梧州追及,又將相從泝賀江 未間,惟萬萬强食自重。 與公隔 必

#### + =

痛哲人云亡,誦殄瘁之章,如何可言。早某忽有玉局之除,可爲歸田之漸矣。

發書。 收拾 侍次,致懇,千萬寬中保衛爲請。不宣。● 也。 監司 中間郡君服藥、疾勢不輕、且喜安復。 銀五兩,爲少游齋僧,託送與處度也。 處 度 漂流江 無 因 事 前路問人有可宛 與相知者,及毛君亦不識,未敢便 會,❸多方勉之,以 迹,編次著譔,相見日以見授 湖、未能赴救、已爲慙負。 、轉爲言者,專在 不 · 墜 門 户爲 急。 也。 承 有 意 因

## 與蘇子容二首離黄州

仰之心,惟日深劇。比來伏計機務多暇,某頓首。違去左右,已逾周歲矣,懷

<sup>■「</sup>異代之寶」、《七集·續集》卷七作「冀北之空」。

<sup>「</sup>昌與」,原脱,據《七集・續集》補

<sup>「</sup>度」、《七集•續集》卷七作「素」。下同。

一首。 自「承中間」以下至「不宣」、《七集•續集》另起爲另

不宣。 區,想獲聞 台候勝常。 徹。 向 聞 未 登擢,常 由趨侍,伏望爲國保重。 附啓事,少致 區

離黄州

馳仰。 下情。 儀真,輕舟獨行 至,感戴無量。 某頓首。 某欲徑往毗陵,而 乍熱,伏冀爲道自重。● 廣陵令姪出 兼聞 耳。 未即 比 來 河水未 伏謁 台 所賜教,勞問 候 門 康 謹奉手啓。 通, 下, 勝, 豈勝 以 留 家 慰 備

與 劉 **貢父七首❷**以下俱徐州❸

説既 可 藉 П ° 某啓。 無有,公榮之比亦不然,老兄吾所 蒙問 久不奉書,直是懶墮耳, 所以 然,但有愧悚。 厚 薄 更 畏 之 無

> 自重。 諭,三宿戀戀,人情之常,誰能 物論,然此事當專以相付,乃爲當耳。 矣,可笑! 民之去公尤難耳。 散既久,毛髮許事,便自不堪,欲寫此書久 者,公榮何 謹奉啓。 足道哉。 可 笑 ! 何日遂行,惟萬萬 兄被命還史局,甚慰 人心 真不 免者。 可放 縱 以時 然吏 示 閑

議論,是非予奪,難與人合,甚於世事。 局,佐天府,衆人爲公不平。某以爲文字 必已轉達。 某啓。 即日,不審起居 向聞貢父離曹州,遞 何 如。 中附問 聞 罷 南 中

- 0 道」、《翰墨》作「人」。
- 「七首」、《翰墨》無。
- 以下俱徐州」、《翰墨》作「凡四帖」,即此七首之前

首

三四七

柰何 譏。 宫觀,漸謀歸 此去又須晝夜勞苦,半年乃成。 達 教别乞郡脱去,又恐遺患後人,爲識者 患,僅免爲 心,不能不 司 一丈,其役甚大且艱,但成則百 於 ,況更練世故,豈待言者耶 廨 已附詔使奏贖,乞以 進 舍 萬萬自 退 其 柰何 毀譽,固無足言者。 佳 (魚,而明年之憂,方未 云 重。 ! 田 爾。 浮 耳。 何時面言, 沉 不宣 某蒙庇無恙, 簿 窮蹇迂 書 間 石甃城 拙 以 未 散藴結。 ,所值如此, 貢父聰 必 餘 成後匄 可 但 但區 深脚,週 不 年 測。 秋來 利 佳 品 明 也 乍 迴 水 所 或 之 洞

雍 丞信有所得 容 某 ', 欲 和殆不 示 及 ,亦頗傳下 回 口 及,已授歌者矣。 小 闋, 至術,有詩贈之, 律 度 精 緻 王

> 如 曉,但患守之不堅,而 也。吾儕於此事,不 爲留 寫 呈,爲 何? 意。 子由已赴南都,十六日行矣。 淡於嗜好,行之 笑。 老弟 患 亦 賊 不 稍 之者未 得其訣及得 有 知 常 此 此 而 净 其 子 盡 而 所 由 得 尤

#### 四

欣然 曹 息 數 **令** 日 肩。 起居佳 村 + 押 《有得也 首 П 綱 某啓。 否? ,然不敢便恃其不來。 然來歲之憂,方未 人 勝。 候信者附書信,不審達否? 近 僕蒙恩粗遣,水退城全, 詩格愈奇古,可令令子録示 辱教,并 久不裁謝, 和 可量 爲愧多矣。 王 仲 素 雖知 暫獲 議 向 讀 閉 即 之 肼

作 百餘人,糧七千八百餘 石 岸 有一事,須至干清聽: . 用錢二萬 九 千 五 碩,於十月内 百 餘 去歲, 貫,夫 曾 擘 萬 申 書

五

字必不遂矣。 三千五百人,共役一月可畢。 之利也。 前來本州,下南京沂、宿等州差夫八千人,❶并本州差夫 夫往澶州,其勢必無鄰郡人夫可以見及。 迫,必難辦 間 詔 可 募人匠,計置 使,仍乞於十二月已前 了。 今已涉春,杳未聞耗,計日月已 雖費 《集。 又聞有旨下淮南、京東,起 角稍 物料 廣,然可保萬全,百 :,正月初下手,四 以此知前來石岸文 畫旨,乃 可 幹 五 辦 月

吾州之憂,亦未可量矣。 月,待河流之復道也。若此策又不行,則貫,雖非經久必安之策,然亦足以支持歲平錢召募。糧四千三百餘碩,錢一萬四千餘半,用夫六千七百餘人,仍差三千五百餘人,以常半,用夫六千七百餘人,

一不當手,亦告仲馮力借一言,此事決不馮力言之。此事必在户房,可以出力。萬一今寄奏檢一本奉呈,告貢父與令姪仲

及矣。 可緩。 晚。 已有備。 惟便 況所乞止 若 \得指揮,閏月初便可下手爲佳 若作 更下所 而 不當 百餘紙祠部 屬 相 一, 徐 度,往 行遣官吏,亦 反 ,其餘本 取 旨 州 則 皆 未 無

力。 重。人行,奉啓。不宣。 不勝日夜之望。 朝中,誰爲可訴者,惟貢父相愛,必能爲致 善興利除害者見代,一郡之幸也。然不 念此一城生聚,必不忍棄爲魚鼈也。 自乞,嫌於避事爾。 言輕不足以 不得不爾,每自笑也。 仍乞爲調其可否,詳録,付去。 某豈 曉 土 功 未緣 水 利 者乎? 會 若朝廷選得一健 面 萬 職事 萬 取信,惟 以 人回 ,所迫, 僕於 時自 敢 吏

▶ 「夫」,原作「人」,今從《二妙集》。

反照,❷瞑目數息,當記别時語耶

五以下俱翰林

自重,不宣。 日歸覲,慰士大夫之望。 且澤矣,聞之喜甚。 妍緊,●及問來使,云,尊貌比 私紛紛,有失馳問,辱書,感怍 久闊暫聚,復此違異, 比來起居想益 未間 悵 初下 惘 無 萬萬爲 量。 至今。 佳。 車 字畫 時 時 何 晳

六

脂雖乏近效,而歲計有餘,未可棄也。默坐明在上,豈可容此,小子何與焉。茯苓、松舉官之事,有司逃失行之罪,歸咎於兄。清之。血指汗顔,旁觀之誚,柰何! 柰何! 柰何! 禁何! 次對

七

進否? 鞭,區區之禱也。 後會未可期,臨書悵惘, 應副,動是罪戾,故人知我,想復見憐 復有佳思也。 某江湖之人,久留輦下,如在樊籠,豈 世間 關 人情責望百端,而衰 身事 `,特有此耳, 禪理氣術,比來加 願 病 更着 郭 ? 不 能

與曾子固一首

夕,不自屏竄,輒通書問於朋友故舊之門 軾叩頭泣血言。 軾負罪至大,苟生朝

● 「反」、《大典》作「返」。● 「緊」、《七集・續集》卷四作「潔

於此 閲家: 遺 亦不自 君之意,永已不遂。謹即其遺書, 紙,似欲爲行狀未成者 今年四月,軾既護 欲得子固之文也。 人爲撰墓碣,雖不指言所屬,然私揣其意 一矣,尚能記憶其爲人。又嘗見先君欲求 ·執事。 哀 孤之幸,抑先君有 爲行狀,以授同年兄鄧 伏念軾 祈懇切之至。 也。 中舊書,見先君子自疏録祖 料 因自思念,恐亦一旦卒然, 伏惟哀憐 止於此。 逮事祖父,祖父之没,軾 喪還家,未葬,偶與弟 京師人事擾擾,而 而幸諾之。 嗚呼,軾 知, ,知其意未嘗 實寵綏之。 君文 尚 (約,以告於 忍言 豈惟罪 父事 粗 之! 則先 軾 加 不 迹 先 年 逆 不 整 在 君 數 轍

# 與曾子宣十三首登州還朝

某啓。流落江湖,晚獲叨遇,惟公照

知 仰日深。 永久,不謂尚煩藩翰之寄。 公豈久外。惟千萬順時爲國自愛。 萬福,欣慰之極。 二聖思治,求人如不及, **介**,如 日 特辱 也。 書教,伏承履 孤 愚 寡與, 日 兹 違 親 初 闊 高 涼 以 不宣。 誼 ?,台候 來,思 謂 得

### 一以下俱翰林

罪 自此庶有少閑,得應命 之,慙悚無地。 别後紛紛, 深矣。 某啓。 實無 日欲作《塔記》,未嘗忘也 數日來,方免得詳定役 少暇。 也。 既 請 屢煩誨諭 寬 限 丽 自 違 知 丽

Ξ

治大風,氣味芳烈,亦可作湯常服。 近歲某啓。 上黨、鴈門出一草藥,名長松,

斤 河 東 仍恕造次。 多 以 爲餉, 茅 甚 難 致, 乞爲求

伏

惟

順

序保練,少慰下情。

不宣

兀

狀。 與之久故,幸得 風,而仕不遂。損亦守家法,令子弟也。 少冗,而張倅行速,不盡區區。 歐陽文忠公之友也。 不宣。 某再拜啓。 在左右,想蒙顧眄。 張 倅損其父應之名谷者 文行清修,有古人 非久,别奉 適有

六

有依 實、天花菜、皆珍異之品、捧當感怍。 奉,少盡 髮之補,甚不自安。又未敢乞郡。 賴,幸甚 某蒙庇如 所 懷,臨書惘 ! 昨,幸與子 幸 甚 ! 惘。 衮衮遇 開 寄惠長 同 省 日, 何時欵 孤 無 拙 毫 榛

七

《塔記》非敢慢,蓋供 起,實未 逅 有 即爲詞頭所迫,率 而 如河,願 别。 某啓。 有餘 公一笑而恕之。 辱 力。乞限一月,所 教,伏 常 職數日, 以 承 半夜 台 候 旦夕當ト 乃 職 萬 息,五 事 敢食言者 福 如 麻,歸 爲 更 慰。 復 邂

從稀少,西望旌棨,臨書惘惘。

伏暑尚

暇,起居清勝。

某託庇粗如,直舍塊處,游

録

遠

賜

手

教,

感怍深

至。

比

日

鎮

撫

多

某

啓。

涉

暑

疲 病

久闕

上

問,

曲

存

五

十

某再啓。

退

辱示論,

讀之汗流洽背,

卷五十

尺

審台 迫夜奉謝。 不禀命。 某啓。 候康勝,爲慰。 承借發願文,幸得敬閱。 昨日又辱寵顧,感幸殊深。 《塔記》重承來諭 人還, \*\*, 仍

九

方欲裁謝 近,續馳問次。 審比日起居佳勝。啓行有日,終當 某啓。 不敏 昨日辱台斾臨 人還,草草,不宣。 ,遽枉手教,感悚 顧,不及拜 無 卜 地。 迎, 且 邂

息

悚 息 !

謹俟命耳。

來

日必獲望見,併留

面謝,悚

有

所如, 净 因

寬之,秋涼下筆也。親家柳子良宣德赴潞 豈獨契愛之末。邊落寧肅,公豈久外哉! 示論《塔記》,久不馳納,愧悚之極。乞少 某再啓。

自公之西,有

識

日

望

- 詔還,

敢復渝,惟深察之。 非所以全芘不肖也。 (塔記) 》如河之誓,豈

十

矣,不罪! 某深欲 不 罪 ! 往會, 屬以 後 旬更不敢 約 數

相

知

在

0

八」,原作「七」,誤,今逕改。

五五三

三五四

啓,冗迫,不盡區區。 帮,獲在屬城,●知幸! 知幸! 謹奉手

### 十二南遷

望悵然,言不能盡意。歸,或可録呈,爲一笑也。旦夕離南郡,西循未曾附上。今不敢復寄,異時萬一北存問,乃敢裁謝萬一。《塔記》久草下,因存問,乃敢裁謝萬一。《塔記》久草下,因

## 與劉仲馮六首徐州

台候 但有馳仰。 慶,豈惟區 萬 某啓。 福。 區契舊之末。 伏冀順時爲國保練。 高 早秋,微涼。 才盛德,進 未緣 伏惟 貢 西 伏謁門下, 府,有識共 機務多暇 不宣。

\_\_揚州

### ||以下俱定州

릲 自 昨,未緣接侍,但 重。謹奉手啓。 比日機務多暇、台候勝常。 某啓。 近 奉 有 賜 不宣。 ·馳仰。 教,獎予 乍暄,伏冀爲 過 重, 某蒙 感 庇 作不 如

問 治軍嚴整,有足觀者。 ,當備驅使也。 某 再 將官 杜 宗輔 趨 闕 參 訥 見,幸 於言 詞 略 賜 而

覽 否? 某啓。 比 日履兹薄暑,台候 近將 官 赴闕,附 狀, 何 不 似。 審 某 已 蒙 開

五

庇粗 麥熟,遂大稔 造, 民 雖 饑 矣。 乏,盗竊衰 未緣瞻望,伏冀 啃 若 日 爲 夕 國 得

自重,不宣。

六

某近奏弓箭社事,必已降下。旦夕又

耳。 置 伐開耕者四五火,無不依法編管。 業者,已數百家,若驟以 人,搔擾失業,有足慮者。 爲己見耳。 從長 北賊 害具 武定一路絕無者,以有弓箭社人故也。 承指揮開禁山 當奏乞修 而 其人開 不 (狀中,: 酌中 ,小小不申報者尤多 問,縱有本縣寨解 ·處置 軍 此不 耕 此弊所從來遠矣。 已成業者,見别作擘畫,旦 事,此正事,本司舉察,方欲 奏 · 縷 陳。 頻 〈聞次,走馬者聞之,遂以 瀆 朝聽,悚息待 鄰 法繩治,起遣 自某到任後,斫 到 近諸 、民甚患之。 亦平 路,皆時 起税 治 小 前此 罪 爲 了 皆 其 永 近 惟 有 利

夕回申次。

## 蘇軾文集卷五十一

牘

尺

與滕達道六十八首●杭倅●

吴歌 某此 惟 幸不外。 軒 楚語,此樂公當見羨也。 月出都,今已達泗上,淮 斾 某啓。近因使還,奉狀必達。 已達 方暑,千萬爲時自重。 太 原,鎮撫之餘,起 Ш 吴中 照 居 眼 比 有 漸 佳 日 勝。 聞 想

||以下俱密州

多方繩以微文,蠲放絶少。自到任,不住某再啓。東武今歲蝗災尤甚,而官吏

好笑! 也。 者 ? 殿 得干預之説,自 幸 減 無緣一見,以 有 也。 关 放,仍已申聞去訖,或更得明公一言, 丞又恐却赴任,果爾,則辟命又未可 户告訴,既 窮 其他不便,未可以一二數也。 蹇 新法,隊伍已團結次,然有 圖 事, 盡 所懷。 非 古豈有郡守而不得管 無適 檢覆之時, 圃 昨日得舍弟書, 不龃 已奏乞體 龉,好笑! 州 咫 縣 王 尺 兵 尤 知

Ξ

司去訖,爲論列也。則威勇、忠果之類,必填不足。已申安撫則威勇、忠果之類,必填不足。已申安撫而本州武衛差在巡檢者千餘人,若抽還,

<sup>● 「</sup>六十八首」、《翰墨》無。

❷ 「杭倅」、《翰墨》作「凡四十七帖」。

勝悵然。 下,蓋天幸也。 兹凝冱,台 L上謝。 某啓。 不宣。 唯冀上爲廟社,益加自 候何如。 違遠已久,瞻仰日深。 但門庭咫尺,無緣馳 某孤 拙 無 狀 重。 得 即 謹 在 辰 奉 麾 履

得

五

意,當不難得 朝 少相 不 所能盡也 中 唯 更無 近,私 得 某再拜。 所託附以 人,可與 喜殊 也。 舍弟 深,但未知可決 爲 、問逐,明公憐之,少爲 久違左右,所懷千萬,非 光 仰 寵 玷辟書, ,又兄弟 荷 得 恩至 否? 久别,得 留 渠

鹽

可

將官也。 手擒此 有父風, 也。」先帝爲特官其子璋。璋有武幹,慷 子。咸爲 采,望 : 廕子。 料未 ,武夫之小過。 此奏,其略云:「忠孝,臣子之大節, 巡 檢 賊, 刳心祭其父, 乃肯成服。 王 特與提拔剪 有人知之。 圃 想知 述乃慶曆名將王仲寶之孫 鹽賊李小三所殺,述不肯 述崇班 頗畏 輒 我之深,不罪造次。 有少事奉 法。 者, 捨小録大,先王之 願公呼來與 拂,異日必亦 今聞 以 踰濫 白 其在 體 向 量 在 一公部 八語,若 致 密 ",咸之 發喪, 化,不 州 内 快 僕具 果 慨 政 泚

濫

以

今以涉及第七、第八、第九則尺牘,仍其舊 此先帝乃神宗。 文中謂 在 |密州時爲王述請廕子,「先帝」官述之子璋。 此文作於哲宗時,謂作於徐

七

八

不食爲旦暮,以仕不仕 其不食,不可强使食,猶其方食,不可强 聞 識之。若以不食爲勝解 不食也。此間何必 净,便不復食,◎亦理之常,無足怪者。 饑火所燒。 扣,❸竟不果。❹ 此意衆生纏繞愛賊,❺故爲 大夫多異論,意謂塗中必一見,❷得 '以前人之有無爲 幾矣。 見 不廣, 偶 然其間自有燒不着處, 何足取正。 示 蒙 諭 下 宜 證 生異論乎? 問 甫 也。 夢遇 然冷暖自知, 爲寒暑,此 輒 ,則與異 自聞此事,而 心於傳 此 奉 有 論者 願公 啓 外 一念清 而 相 默 以 相 殆 食 使 方 參 未 士

> 初, 覺疎矣。若變志易守以求進 敢,若曉曉不已,則憂患愈深。 今聖德日新,衆化大成,回視向之所執,益 耿,歸於憂國,而所言差謬,少有中理者。 ● 輒守偏見,至有異同之論。 某欲 面 見一言者,蓋 謂 吾 取,固 公此行尚 儕新法之 雖此心耿 | 所不

「諭」,原作「喻」,今從《翰墨》。

作「中塗」。作「中塗」。

『覚』、原作「更」,今從《大典》、《七集・續集》、《外「憩」,原作「更」,今從《大典》、《七集・續集》、《外集》補。

●「此」上、《大典》、《七集・續集》、《外集》有「流浪火

不罪。

● 「吾儕」、《大典》作「君倚」。

·復」、《大典》、《七集·續集》、《外集》作「服」。

1466

道士行,奉啓上問。不宣。

深示知,非静退 筆直突,千萬恕之。 公之至意,無乃出於此 心,欲一望清光而已。 意,但以老病衰晚,舊臣之 死罪。 乎? 如此,恐必 輒恃深眷,信 獲一對。

九

安道公殆是一代異人。 慰喜! 示論, 極 慰

十以下俱黄州

有企想。乍熱,惟冀順時爲國自重。 足使來者想見公之風度。無緣一寓目,但 獲聞問,甚慰所望。 仰 無 窮。 某啓。 比來起居何如? 别來忽復中夏。 府第已成,雄冠 張 永日杜 奉 議 刑楚, 來,稍 門, 因楊 思

區

區。

奉啓上問。

不宣。

更冀爲國順時自重。區區,不宣。

+

常。

某蒙庇

如

昨,未還老哲

輿

論缺

某啓。

冗迫,不時上狀。

伏想台候勝

使,拜狀必達。某蒙庇如昨,廢放雖久,憂 何時展奉,臨紙菀結,尚冀以 畏不衰,見且杜門以全衰拙,諸不煩垂念。 某啓。乍冷,共惟台候 以萬福。 時自重,少慰 近 因 還

0

七集 續集》卷四此首尺牘附上則之末,不另爲一

+

一三五九

<u>=</u>

十 三

其人真君子也。人,相得極懽。今致仕在部下,且乞照管,人,相得極懽。今致仕在部下,且乞照管,

十四四

順時爲國自重。謹奉手啓上問,不宣。紛,裁謝少稽,諒未深訝。未緣展奉,惟冀親客數人相過,又李公擇在此,不免往還紛候康勝,甚慰下情。某蒙庇如昨,但旬日來人,其啓。專使,辱示手書。且審比日台

十五

某再啓。蜀僧遂獲大字以歸,不肖增

數年來,覺衰,不免回嚮此道矣。不一一。 重矣。 行期未。若蒙他一見過,又望外之喜也。 莫大之賜也。此道人久欲游廬山,不知有 之,如何? 由,故敢出之。若此文,當更俟年載間 名,豈復以鄙拙爲解。 敢作文字。《經藏記》皆迦語,想醖 又説樓之雄 感怍之至。蕭相樓詩固見之,子 仲殊氣訣,必得其詳,許傳授, 傑,稱公之風烈。 但得罪以來,未 記文固 釀 願 爲 無 嘗 掛

十六

可言,不一一。 以未嘗拜見,不敢便上狀。其子録。孟倅以未嘗拜見,不敢便上狀。其子錄。孟倅以未嘗拜見,不敢便上狀。其子欲出門下,輒納其家狀,幸許其進,特爲收震,老成佳士。有一子應武舉,未有舉主,震,老成佳士。有一子應武舉,未有舉主,

### 十七七

如 ? 當。 數人,乞不阻。 中,不宣。 許大卷乎? 以爲闕典,故輒見意始望數字耳,豈敢覬 墨,喜出望外。 公若不嫌,有何不 李嬰長官乞告改葬,過府欲 孟生還, 張君又有假虎之説,每不 從遊不厭,而 乍暄,萬乞爲國 領 書 可。比日台候何 教,並 不得公大字, 自重。 賜 大字二 求防 護 冗 敢

### 十 八

風 於籌量,遂失一見,愧恨可 謂公有境上之約,必由黄陂 雨 ,從者勞矣。比日 專人復來, 起 承已 居何 知 過信 遂 徑 如 然所言者, 陽, 來 ? 此,拙 某 比 涉

此誠。人還,忽忽,●不宣。勸公屛黜浮幻,厚自輔養而

豈有他

哉,徒欲望見顔色,以慰區區,

且

欲

己。

想必

深照

## 十九

情,如何可 候何如? 生行,少奉區區。不宣。 某啓。 言。 連月陰雨,旅 近專人還,奉狀必達。 尚冀保練,以慰微 懷 索 寞,望 願,因 比 德 日 馳 台 孟

### **=** +

當别白,但目前紛紛,衆所共歎也。❷ 然平某啓。 知前事尚未已,言既非實,終

- ❶ 「忽忽」,疑應作「忽忽」。
- ❷ 「歎」、《大典》、《七集・續集》卷四作「悉」。

知出 其略否? 也。 理遣 情難測,❸不若稱病不見爲良計。 二年不 廢棄,未忘爲國家慮也。 一此,今始行之耳。 耳。 黄當江路,❶過往不絶,語言之間,❷人 道,專以待外物之變,非意之來,正 若緣此得暫休逸,乃公之雅 書不能盡區區。❺ 西事得其詳乎? 此的信,❶ 可 示

## 十

子手筆甚高,見其字,想見其人超然者也。 往自笑不會取快活,真是措大餘業。 却《春秋》、《詩》。 間,欲了得《論語》、《書》、《易》,●舍弟已了 今之誤,粗有益於世,瞑目無 某閑廢 無所用 雖拙學,然自謂頗 心,專治經書。 **灬憾也** 聞 又往 正古 **令** 

爲

感慰。 其中自有至樂,殆不可名。 凡百如常,杜門謝客已旬日矣。承見教 不肖與公共之,不可廣也。 畫本亦 事,若能省之又省,使終日無一語一事,則 益務閉藏而已。 省事故,亦納去耳。 某啓。 所喜比來起居康勝,不足云也。 專使至,遠辱手誨累幅,伏 近得筠州舍弟書,教以省 。今却付來使,不罪。 此法奇秘, 可摹 某 讀

- 0 七十補 「之間」,原作「人事」,今從上三書。 測」,原作「免」,今從上三書。 江」,原脱,據《大典》、《七集• 續集》卷四、《外集》卷
- 此」,原脱,據上三書補。
- 書」,原脱,據上三書補。
- 得」、《外集》卷七十、《大典》、《七集·續集》作「却」。 欲」,原作「恐」,今從《大典》、《七集 續集》卷四

無所 吳畫謾附去。 圆圆 行運 |難盡 , 聊 白反 冬至後,齋居 言,想識此意也。 照 而已。 四十九日, 願公深 自 愛 亦

#### = + =

味極佳,此間不可髣髴也。雖知不違條,●然屢爲煩費,已不惶矣。酒粜近張寔處,蒙寄貺四壺,今又拜賜,

## 十四四

恐不宜。荷異眷,不敢不盡。璋師《羅漢堂乃可喜也。但静以待命,如乞養疾之類,亦緣此聖主皎然,知公無過矣。非特不足卹,何? 漕司根鞫捃摭微瑣,於公尤爲便也。録一本,因公之成,又稍加節略爾。不知如暴一本,因公之成,又稍加節略爾。不知如

人之文章,未必喜之。如何?記》,俟試思量仍作伽語,莫不妨否? 然廢

#### 二 十 五

### 二 十 六

路赴闕,然數日如有所失也。欲便歸黄某到黄彼,●聞公初五日便發,由信陽

- ❶ 「雖」,原作「數」,今從《翰墨》。
- 志》四,黄州有黄陂縣。參本卷《與滕達道》第十八簡。黄州」、「放舟還黄」云云。查《宋史》卷八十八《地理「彼」,疑應作「陂」。作「彼」不可通。以下有「欲便歸

陽羅 之。 州,又 歎中,而公書適至,意思豁然。 塊熟炭,讀《前漢 反復數過,知班 江上放舟還黄也。 ন্য 雪 間 作。 書 向 ・ 戾 孟堅非庸 僧 房 太子傳贊》,深 中 明 人也。 稍晴 窗下 方感 擁 當 愛 數

## 一 十 七

膺新祉。 苦,伏想起 旅懷索然,但 某啓。 居佳勝。 近 有 日 傾 人還,奉狀必達。 系。 歲復行盡 尚冀爲時 ,展奉何時, 自 雪後寒 重

#### 一 十 八

颭 言,何時忘乎? 颭, 某再拜。 然其言未足全信 見戒 王經 不爲 臣 也。 者,觀其語 外境所奪 所傳小 論 佩 · 詞 微 此 爲 似 至

> 文比 伏 攜 若果來,一 僞 輿 真可喜,可謂 想台候勝常。 俊 託 望缺然。 生 來甚奇,嘗恨其主不稱。 者,察之。 來, 段奇事,當預以一書約之。● 今 更冀順時爲國自重。❷ 得其 夔足矣。冗迫,久不上狀。 然自此亦不可 某蒙庇 所哉,亦須出也。元素 如 昨,未還 不密也 若歸吾人, 老 口

#### 一 十 九

妙策。 快。 蘇 醒,而野夫方醉爾。 合酒亦佳 某啓。 近聞元素開 其一 姓郭 絶。 示 喻夏 者,見在野夫處。 閤 每蒙輟惠,慙感可量。 放出 中微恙,即 頒示二小團皆新奇。 四人,此 日 最 元素欲 想 衛 生之 全 清

❶ 「一」,原脱,據《翰墨》補。

十一首,獨立成篇,今仍存原文,待考。
❷ 自「冗迫」至「自重」三十三字,見本卷《與滕達道》第

得嘗見之,佳士 日 見 (報蒲傳正般出天壽院,何 佳士! 耶 ? 張 夢

十

屢枉專使,感愧無量。 兼審比來尊體

勝常 素黜罷,薄有所悟,遂絶此事,仍不復念。 ,以慰下情。 某 近絶佳 健。 見教如元

我。

醉甚, 書不成字。

之上而老矣。僕當閉户不出,君當扁

舟過

方知此中有無量樂,回顧未絕,乃無量苦。

此事,則大錯,雖二十四州 辱公厚念,故盡以奉聞也。 鐵打不就矣。 晚景若不打叠

既欲發一笑,且欲少補左右耳。 不罪!

不 罪!

+

見約 ,輕騎走見,極不難。 公解印入覲,當過岐亭故縣,預 慎勿枉道見過, 以 書

> 想深識此意。 乍冷,萬乞自重

||以下俱離黄州

生,許於此安置。幸而許者,遂築室荆溪 某啓。 僕買田陽羨,當告聖主

哀

憐餘

Ξ + Ξ

字,●似涉僭易,願公自命,却示及作《字 某晚生,蒙 公不 鄙 與 游,又令與立

説》,乃寵幸也。

0 卷四; 與立字」,原作「出字」,今從《大典》、《七集・ 《外集》卷七十作「出一字」。

## 四

揚、聞

公猶在,亦須

當

輕

舟

往

見也。

又

失此期, 重。

則遂遠别矣。

漸涼,惟

順時

爲 若

國

留

以

須

見否?

死

罪

死

罪!

若

到

1

朋友之事,某於公爲晚輩,豈敢當此。 作 公有命不敢違,當徐思之。 右,然後敢作説也。 達 道,不知尚未定耶? 某再 拜。 承示喻盛字,見耘 惶恐! 先以書布聞 欲令重議 惶恐 老,云 改 然 左 此

## 五

無成。 恐真 境所迫,歸計茫然,故所至求田問舍,然卒 賤累不安,遲留就醫,竟失一嬰兒。又老 聞公得吳興,日望一見於中塗。 手書,具審比來台候勝常 【守堅留,當住一日。 不知公猶 某啓。久不奉狀,愧仰 十四日決當離 此,真州更不敢住。 感慰 日深。 兼 丽 所至以 辱專人 集。 能 自

自

人還,謹奉狀布謝。不宣。

+ 六

笑! 耘老遠去,此意豈 不雨 得公厚顧,翹然增氣也。 ,則已矣。 某去歲所買田,已旱損一半,更十日 奇窮所向 可忘。 如此 **可** 老病憔悴 笑! 可

### + 七

下情。 作不已。 泡,況其餘乎? 某啓。 喪子之戚,尋已忘之矣。 比日 疊蒙 履 聞今日渡江,恨不飛去。 兹 遺人賜書, 新凉,台候 憂愛厚甚, 勝常,深慰 此身如電 感

餘冀爲時自重。 知能少留否? 若得略見,喜幸不可言也。見,公以二十日行,猶可趁上官日也。不見,公以二十日行,猶可趁上官日也。不切之幹,度非十九日不可離真。早發暮可烟逆不敢渡,又與一人期於真州,有少急

## 三十八

文字,乞於常州 懷。 公有期矣。 懷想風度,不能去。 公擇、子厚皆禮異之,某尤與之熟,願公時 差遣 盡。 也。 一顧,慰其牢落也。 郡人有賈收耘老者,有行義,極能詩, 某近到筠見子由,他亦得旨指 ,想今已得替矣。吴興風 公莫略往 某到此 ,時見荆公,甚喜,時 一見和 某至楚、泗間,欲 若幸得請,則扁 近過文肅公樓,徘徊 甫否? 餘 物,足慰 非 誦 射近 面 詩 舟 人 莫 説 雅 地

## 三十九

問也。 某旦夕過江 悲苦之懷,必萬常人。 慕,迨今未已。 某啓。别後,不意遽 爲時自重。 ,徑往毗陵,相去益近,時得上 惟公忠孝體 不宣。 比日 聞 國,受恩尤異, 國故,哀 起居 何如 號追

## 四十

導洛 是可 審。 勝、未及報狀也 必 聖之德日新,可賀! 是 疑也。 堆垛皆罷,茶鹽之類,亦有的耗矣。 乃四月十七日發來邸報,至今不說, 實 某再啓。 也。 都下 一夫進退何足道,所喜保馬户 承差人送到 喜妄傳 可賀! 事 定 了, 而 國 書,所 此 令子各安 君又不 報

一三六八

四 十 一

頓首。 攜 先起老鎬,僕或得連茹耶? 京口時有差除,或云當時亦未是實 挈,定居後,一日可 約,便當往 來常,以河未通,致公見思之深。又有 起居之詳,感慰不可言。 歸 某啓。 銄 婦 矣。 見,而家無壯子弟,須却還 耘老至, 餘耘 到也。 又辱手書,及耘老道 老能 某留家儀真 道, 不 惟深察。 惠貺三十壺, 宣。 計。 近 某 日 當 般 舊 獨

四 十 二

南,窮困之中,一段樂事,古今罕有也。不必與之俱來。某若得旨,當與之聯舟而避張郎已授得發勾,春中赴上,安道

如何? 不罪造次。 偉,欲其軒豁,卑意又欲其窈窕深密也。言之。明年見公,當館於此。公雅度宏遥堂横廊,切謂宜且留之,想未必爾,聊且知遂此意否? 秦太虚言,公有意拆却逍

四十三

幸深思之。不罪。 四聲可罷之,萬一浮沉,反爲患

四十四

住,如向所面議。若未有報,至南都再當某再啓。近在揚州人一文字,乞常州

也。

勞爾。 作猛 之望而快群 仏也。● 潤 盡 微 疾 藥 承郡事頗繁齊 小之志也。 雖 ı'n 盆膿 無大患,然 囊觀,乃可,勿孤吾黨 情切言盡,必恕其 願公無忽之,常 整 一,想亦: 期月之

## 四十五

拙,幸甚。

宜興田 時 至治下,攪擾公數月也。 慮者,❸恐未能往也。 視之,遂一至湖。 居佳勝爲慰。 情懷不佳,忽得來教,甚解鬱鬱。 惡,忠義寂寥,見公使人差增氣也。 復得見公。 自 重 已問去。若得稍佳者,當扁 執手恍然,不覺涕下。 一別十四年,❷流離契闊,不 某以少事,更數日,方北去。 見公固所願,然事 若得請居常,則 未間,惟 旧萬萬 **治舟徑往** 且審起 風 固 有 别 俗 可 來 日 謂

## 四十六

佩刻。 拂,又幸也。● 姻 欲 如所教也。 則恐難爲,不欲盡談,唯深察之。 爾,當乘舟徑往成之。然公欲某到吴興, ,聞亦甚謹幹, 一狀申禮曹。 某再啓。 董田已遣人去問,宜興親情若果 有監 别論,具感知愛之深,一一 凡刊行文字、皆先毁板、 望略照庇,如察其可以剪 酒高侍禁永康者,與之外 到南都,

- 續集》卷四。
  「一入」,原作「一削」、《大典》作「三削」、今從《七集・
- 簡》補。

ø

- 「可」上、《大典》有「不」字。
- 集》卷四爲另一首尺牘,獨立成篇。「有監酒」至「又幸也」三十二字,《大典》、《七集・續

### 一三七〇

# 四十 七以下俱赴登州

悵惘。 告,●必知之。 持此將安歸,造物不我捨。」今日 樂園》詩云: 異,責望又重,不易! 住,遠接人到,便行。 謝 不及,愧悚之極。❷ 某啓。 見報,中 舍弟召命,蓋虚傳耳。 前 京東有幹,幸示喻 憲言玉汝右揆,❸當世見在 「兒童誦君實,走卒稱司馬。 蒙 惠 建 ! 不易! 會合邈未有期,不 茗, 登州見闕,不敢 甚荷。❶ 君實恩禮 某舊有《獨 1類詩 醉 中 讖 既 免 久 裁

## 四十八

而遠接人未至,船亦未足,督之矣。向雖勝,大慰馳仰。某受命已一月,甚欲速去,某啓,專使至,辱手誨,伏承起居佳

爲人自重。人還,奉啓上謝。不宣。 之伊鬱,非 强顔,歸於無成,徒爲紛紛,益可愧也。 之學,頃亦試之矣。 有十日之約, 面莫能道,想識 勢 不可 住,愧 竟無絲毫之補 此意。 負無限。 唯 復此 萬 品 心 區

## 四十九

此本真奇絶,須當愛護也。月十日後,當明者用公所教法試摹看,只恐多累筆耳。得縱觀,幸甚! 幸甚! 且暫借留,令李某啓。承專人借示李成《十幅圖》,遂

<sup>● 「</sup>荷」、《七集·續集》卷四、《外集》卷七十作「奇」。

<sup>「</sup>極」,原作「劇」,今從《七集・續集》、《外集》。

乃韓縝。 「玉汝」二字,原脱,據《七集・續集》補。 按: 玉汝

<sup>●「</sup>當世」,原作「不當」,據《七集・續集》改。按:

於徐守處,借人賷納。

五十

面别,瞻望惋悵,溽暑方熾,萬冀順時爲 公入覲,久未聞,何也? 不過七月中下旬行。伏恐知之。士論 已被命,實獎借之素。 自重。不宣。 慢,至今恐愧。不審比 某啓。 前者使還,醉中裁謝, 已奏候遠接人,計 日台 想亦不遠。 候 何 似? 極 無 於 國 由 散 望 某

五十一

若得之,攜以北行,幸甚。如不及已,亦非許爲置朱紅累子,不知曾令作否?

急務。

不罪。

五 十 二以下俱登州

所居江 赴其盛會也。 否? 近得安道公及張郎書,●甚安健。 由想已過矣。 某啓。 Щ 爽秀, 悵 入春來,連 青州資深,相見極懽。 閑恐要知。 然 懷公,不知 日雨,今日忽晴快。 頗作樂 今日 子

五十三

何 ! 聲望隱然,雖未柄用,坐鎮一方,猶足以 復 審 徂 知從者所至,以 暑。 奈 何 ! 某再拜。 伏 惟 即日伏料孝履支福。 自承哀疚, 追慕摧切, 故至今。 日 觸 日月 欲 物 拜 增 如昨, 疏,以 慟, 明公 攜 奈 不 忽

❶ 「公」,原脱,據《七集•續集》卷四、《外集》卷七十

三七二

持人心。 慰區區。 無狀,尤爲失巨庇也。 謹奉手啓上問。不次。 今兹退歸,有識 唯 冀 所 (節哀 共 歎 **";** 而 自 重 孤 一<del>,</del>少 拙

## 五十四

賜亦不淺也。有便望頒示,悚息。四隔者,極爲左右費,然遂成藉草之興,爲好攜具野飲,欲問公求朱紅累子兩卓二十好攜具野飲,欲問公求朱紅累子兩卓二十

## 五十五

愛之深,豈能爾 盡,起居何似? 復附上前 八却留滯 某本作此 淮 疏,貴察 南、近復帶還、豈勝慚 書,託一 耶? 向承 其 示諭斤斧鄙詞,非見 非 向示自有一本,云 同 懈 人帶去, 怠也。 忽然 悚。 既 圃 秋 其

> 幹,乞示下。 「且鬬尊前見在身」,恐閑知之。東方有

### 五 十 六

由帶入京。俟到,不日便持上也。領訖,感愧無量。舊者昨寄在常州,令子紅,尤爲奇妙。物意兩重,何以克當。捧某干求累子,●已蒙佳惠,又爲别造朱

## 五 十 七

冗中,不及别啓。 一節,❷聊爲土物。不罪浼觸。令子思渴,一篰,❷聊爲土物。不罪浼觸。令子思渴,

- ●「干」,原作「干」,據各本改。
- ❷「節」、《外集》卷七十作「瓿」。

竹人,多藝。然可閑攷驗,亦足以遣懣也。 留此幾一年,❸與之稍熟,恐要知。 幼累更卧,尚紛紛也。楊道人名世昌,❷緜 某感時氣,卧疾逾月,今已全安。但

五 九

尋得,不用更尋。累卓感留意,悚怍之甚。 寄潘谷求墨一詩,録呈,可以發笑也。 甘子已拜賜矣。北方有幹,幸示諭。❸ 所有二賦,稍晴,寫得寄上。次只有近 衲衣

六 +

某屏居如昨,舍弟子由得安問,此外

卷五十

尺牘

六 登州還朝 得。

略示諭。

子,各計安勝。

月中前,急足遠寄,必已收

其他無足云者。貴眷令

想足慰公至意。

不煩遠念。

久不朝覲,緣此得望見清光,

及却罷之由、未聞其實、到都下當馳白也。 疾者、專爲訪之、如所諭 某啓。此去見有方藥可 也。 以起公之微 四月中所報

卷第五十四首之後,與第五十四首合爲一首。 大典》、《七集·續集》卷四、《外集》卷七十此首接本

0

「楊」,原作「措」,誤刊,今正。參本書卷末《蘇軾佚文 彙編》中之《帖贈楊世昌》二首。

0

「幾」、《外集》作「凡」。

❸

0 《大典》、《七集·續集》卷四、《外集》卷七十此首接本 卷《與滕達道》第四十四首之後,與第四十四首爲一

"幸示諭」,原作「垂示」,今從上三書。

6

首。

六 |以下俱南省

堪。 臨 物增感。 怛 然,悲惋不已。 便塞。 日月如昨,屢易弦望。 某慰言。 奈 何 ! 謹奉 不 疏陳慰。 意 奈何 ! 竊惟恩義 禍 故, 謹 奄 未 疏 追慟 之重,哀 及 由 閨 躬 無及, 詣 閣 弔 痛 聞 難 問

六 + Ξ

纏綿 非 者人物雕喪,耆老殆盡,切須自愛。若使 學道,熟觀真妄,正爲今日。 不躬往慰問 心,無爲客塵 所 留 望 某啓。 戀,不即 於傑人也。 门,但以 驚聞 幻垢所污,況公望重中外,今 一刀兩段,乃是世俗常態, 郡 至理寬譬 封 願三復此 傾逝,悲愴 左右· 但當審察 語而已。 也。 無 平 餘 本 H 恨

> 非 面 能 盡

六 十 四

閨 慰疏、秦君行速、作書未及、惟 慰親意也。 中之戚。 某以 館 相次别奉狀。 慰問 伴 北 後時,本欲别作令子 使半月, 比 出 千 萬 方 聞 節 昆仲 公有 哀

以

六 +五以下俱 翰林

以 在 提 日 切 慰區區。 外 獎 履 想 服 兹 某啓。 有 下車以 興 **素**, 酷暑,台候 何以 論未允。 不宣。 、來,静 迫冗, 及 此 稍 何 治 伏 似。 多 疎 冀 明 暇 上 以 公舊 有 某 問, 忝 時 以 愧 倍 德 冒 自適。 仰 偉 過分,非 加 望, 保 增 極。 即

### 六 六

躐次驟進,處必争之地,非久安計,但脱去 無由,公必念之。蒙惠地黄煎,扶衰之要 惟 鎮蒞多暇,台候萬福。 若續寄,尤幸。 某啓。 近數奉狀, 某蒙庇 一聞達。 粗遺, 比 日 但 切

### 六 七

廣大格豈敢望李憨子耶? 制,顧將軍夕拜,張仲舉待制,皆恐要知。 侍,方欲辭 之矣。佳夢,豈特公愛我之深,發於想念 想當易地 批示黨人,甚堪一笑而已。子由除户 某再 耶? . 啓 。 免也。 所云杭,已除元素,計必聞 州之命, 閑恐知之。 既以 然亦有一長從 先諱 孔經 甫外

黄煎,感服厚念。

六

+

八

來,不

敢使倖及賴

耳

想 當

笑。

寄惠

地

成就之。其兄復溱,學道屏居,不與俗交, 凡,非復世俗氣韻。 某啓。部民董遷、篤學能文、下筆 如請! 見,願 加獎勵,遂

聞。 某衰病短才,任用過量,論議疎闊,所向難 其文亦秀邁 合,日俟汰遣而已。 近因親情王承議行,託附書信,必達。 可觀。 皆公所欲知者,故敢以

辱知之厚,故粗及之。

## 與李公擇十七首杭倅❶

某已過 滿。 蘇 明之來。 近 聞 明之已

0 倅」,原作「州」,今從《二妙集》。

住也。 聞往 好,恐要知 然更得於西湖過一秋,亦自是好事。 兄風 如不 如此,去將安往,但有著衣喫飯處,得住 道場何山,時復一游否? 屢寄,然皆 墨妙堂記》并詩、各告求數本。 義,誰 厭 直 來 但恨舍弟 客, 者奉談 果 肯舉 當 墨淡不光,告令指揮如 爾 ·, 替期 去叨 不 此 相遠 容 聒。 孤 未 口,足爲交游之慶。 寒木訥之士也 可 然亦 聞 決也。 已舉 某雖未得即替, 頻得信, ·姚掾 向時莘老 霅上 法 哉? 景色 主 非 打。 且

### | 離杭倅

河,而 南 知 · '; 須 幸 某 冬深即當凍合,須急去乃可行, 頓首。 往 始者深欲 見之,然 某 忝 後 命 到 赴 皆 旲 任。 出 興 ,緣舍弟 推 濟 南 路 知 遂不 由 在 幸 濟

得一去别。所懷千萬,非書所能盡也

 $\equiv$ 

時, 若 悚 不 茶與柑橙 來云,相 要瓜 · 遂。 不 某再 無緣 及 虀 次去奉謁 而 一<del>,</del>到 奉 拜。 書 任 君 别,且乞致意。 孝 後當寄獻。 地生焉,可各致少許爲 叔丈向有 兼 相 醉 聚,必欵 後 揮 徑 呵呵。 抹, 山之約, 陳令舉 東 東萊 殊 李君行 鮮 有 今已 所 禮。 贐。 書 Ŧ

### 四赴密州

所至輒: 知 與 (老兄, 他 某已 日 ソス途 作數劇飲笑樂。 能 到 復繼 揚 中 州,此行 此否? 與完夫、正 天幸, 人生如此 乍爾暌違, 一种、巨 既 得 有 源 李 幾,未 相 臨 ,端叔

## 五以下俱徐州

幹事。 不常如 輒有一孫,體甚碩重,決可以扶犁荷鋤,想 舍弟此月十一日嫁一女與文與可子,呼去 六郎不見,應舉得失如何? 無恙,且喜九郎壯健勝往日,深可慶。 公亦爲我喜也。 及爲郡之樂。 公必不暇爾。 某頓首。 此 憲局尋常少事,何爲乃爾紛紛,想 也。 比日起居佳勝否? 近領手教,果爾 久不得來誨, 八月十二日生,名楚老。 邁 往 亦稍 刼 憂懸, 初,殊 南京,爲 貴眷各 某 不 料

六

某再拜。舍弟得信,無恙。但因議公

卷五十

尺牘

争乎? 亦不足言,聊可一笑而已。如此,爲一農夫而不可得,豈復有意與人見容者,然實無他爾。而人或不亮。牢落願。子由拙直之性,想深知之,非公孰能事,爲一倅所怒,日夜欲傾之,念脱去未能

### 七

然,❷覺崩崖飛瀑,逼人寒冽也。子由近爲棲賢僧作《僧堂記》,讀之寫

八以下俱黄州

門省事。而傳者遂云病甚者,至云已死,某啓。春夏多苦瘡癤、赤目,因此杜

- ◆ 之末, 與第十二首爲一篇。
   《七集·續集》卷四此首接本卷《與李公擇》第十二首
- ) 「凛然」、《七集・續集》作「慘懔」。

\_ =

妻

埃而 所要 不復 素若能力止其行,極佳,亦當走書道此 莘老進用,皆可喜,然亦彙征之漸,殆恐未 實無 爾知首,料臺閣殊不聞,果爾,甚可喜。 者復云云以爲公憂,故詳之。 旬,然耆舊彫喪,想當爲國悽愴。公擇、 (新詩) 措 起衰思也。 甚恙。 思,惟於飽食甘寢中得少三昧, 笑 ! 實無一字,小詞、 今已頗 文編 健, 閲,灑然自失,濯 然猶 欲謝客 墨竹之類,皆 鄭公雖已逾 也。 元 喧 傳

九

他 坡,作陂種稻,勞苦之中,亦自有樂事。 食少欲, 此 疾,似亦 術 1,更何 某再拜。 思過半矣,餘不足言。 得 所 得。 其 (力爾。 養生之法,雖壯年好 然比年流落 大約安 へ心調 瘴地 某見在 ·, 苦 訪 有 東 無 節

> 蠶,聊以卒歲也。 屋五間,果菜十數畦,桑百餘本,身耕

+

獻之左右。住京師,●尤宜用此策也。● 出於不得已。 節儉,亦是惜福延壽之道。 此似鄙俗,●且 難 真可謂淡而有味者。又《詩》云:「不戢不 名,謂之儉素。 五. ,受福不那。」口體之欲,何窮之有,每加 十,始知作活。 某頓首。 一 笑 ! 然自謂長策,不敢獨用,故 知治行窘用不易。 然吾儕爲之,則不類俗 大要是慳爾,而 僕行 文以

② 「師」,原脱,據《七集·續集》補。 文、《翰墨》、《七集·續集》卷五。 「此似」,原作「似此」,今從《叢話》卷三十八所

引

此

用」,原脱,據《七集·續集》補

+

之,不知者以爲詬病也。 付與造物。 狂言廣兄之意 之篤而已。 若見僕困窮便相於邑,則與不學道者大不 有可尊主澤民者,便忘軀爲之,禍福得喪, 相遠矣。兄造道深,中必不爾,●出于相 心肝,忠義填骨髓,直須談笑於死生之際, 公,何乃爾耶? 吾儕雖老且窮,而道理貫 意,雖兄之愛我厚,然僕本 某啓。示及新詩,皆有遠 非兄,僕豈發 然朋友之義,專務 爾。兄雖懷坎壈於時,遇事 此 以 鐵 , 規諫, 看訖,便火 别 心 石 惘 輒 腸 然 以 好 待 Ż

+

某啓。近領手教,極慰想念。比日起

物否? 用。 有潮州 旅之幸。乍冷,萬萬自 亦不久有别命。 如 以示,可分去,或爲問 唯 居 **.此節者矣。寄示妙藥刀鞘** 寒食、重九,慎不可 何 狀如羊脂而頗堅,盛竹筒中,公識 如 人 ? 味其名,必佳 (寄一物,其上云扶劣膏,不言所 秋 色佳哉, 如未,冬間又得一 物也。 習南 攝。 虚 想 擲 有 海物者。 若識之,當 四 ,並已領。 爲 時之美, 見,孤 料公 詳 此 近 無 生

十 三

此戚,固難爲情,須能自解爾。所諭曹光子由無恙,十月喪其小女,三歲矣。屢有得其簡妙者,早來此面傳,不可獨不死也。某啓。杜門謝客,甚安適。氣術又近

■「必」,原作「心」,今從《七集·續集》卷五。

一三七九

成也。 時得書,在徐樂乎? 見寄,今失之矣。 州 知所諭果然否,猶賴不曾經服食也。 十五體,作回文《菩薩蠻》四首寄去,爲 親 不知公曾見劉十五詞否。 情, 鳧膟納少許去,然終未 與卑意會,已作書問子 得渠消息否? 知其 由,次第 劉造此 莘老必 (實,不 效 樣 劉 必

### + 四

看矣。 萬 退耕 日船 起 白重 居 某啓。 窮 到,送惠木奴人甕,算已作三百疋 佳 勝。 士 新歲不及奉觴,唯祝晚途遇合,使 與民 累獲來教, 雪屢作,足慰 物並受其賜 佩 勸 戴 也。 耕 至 之懷。 意。 寒苦,萬 比 絹 昨 H

### + 五

有及我之累。 所幸其子賢而文, 久遠却不 復憂,唯目下不可不助他爾。 其極貧,後事索然。 與可之亡,不惟 而 痛 子由 其令德不 婿其少子,頗 · 壽

又哀

## + 六以下俱北還

勝。 不 旅蒙幸多矣。但以多别,●得一見風度,亦 古鐵納上,聲餘萬萬善愛。 復以别 某啓。 小舟阻風浪,罄室此 去爲 逆風 戚也。 數日,爲左 比日,伏 依,又費照遣矣。 不宣。 |右滯| 惟 留 起 居佳 而 孤

- 0 多」、《二妙集》原校"一作「欠」。
- 鐵」、《外集》卷八十一作「帖」。

||以下俱翰林

+

七

語。方是時,人以相識爲諱,欲一見 此爲笑,竟不見,可太息也。 和,起居何如? 人棫,雅州幕。不一一。 某啓。 兩 日 夷中送王徐 連見, 怱 忽 州詩,有見 適所白,是宗 竟何 言。 面 道 及 暄

## 與錢穆父二十八首南省

負夭喪,想深痛割,惟深照浮幻,一洗無益不可言。 辱手教,且審台候勝常。 愛子襁 某啓。 久以使客紛紛,不奉書,愧仰

之悲,至望!

至望

菊詞,次公處幸見之。 衰老有疾難愈,豈復如昔時耶 候自重。 果爾,幸深戒之。 之詳,慰浣 忽忽,奉啓。 無 前日辱書及次公到,頗聞 量。 某亦病寒嗽,逾月不除, 微疾 未 想由不忌口所致, 由會合,千萬順 ? 承和揉 動 止

Ξ

無此福。惠茶既豐且精,除寄與子由外,養,以備坤成終日之勞也。奉羨清閒,獨能堪。數日以熱毒發瘡數處,且告謁休慰所望。毒暑不可過,使客紛紛然,殆不慰所望。辱書,伏承比來尊體安佳,甚

敢妄以飲客,如來教也。

然細思之,子

有詩情」爾。呵呵。公久外,召還當在旦由既作臺官,亦不合與喫。薛能所謂「賴

夕,掃榻奉候矣。不宣。

四

音,少 不宣。 狀,懼煩回答。 起居佳勝。 某啓。 慰久 長至祝頌之意則深矣,不 闊。 河間之命,料必難辭,日 辱手簡,甚荷知照。 未間,萬乞爲國 自 比日 企來 敢上 重。

五

之,煩惱可知。子立只一女子,竟無兒,可於公,想亦爲之悽惋。子由遠使歸來,聞爲之數日悲慟,在告亦緣此也。此君受知爲之數日悲慟,在告亦緣此也。此君受知其近得家報,王郎子立暴卒於奉符,

傷! 可傷! 冗中,來使告迴。不一一。

六

告令郎寫一二字示下。不宣。行,必遂輕安。飲食不減否? 何日可出,某啓。兩日台候何如? 知藥力已

七

間,當試和謝也。人夜布啓,草略,不宣。炙逾出者,不肖何敢庶幾乎? 然三五日来啓。辱示雄篇,古人所謂味無窮而

八以下俱杭州

比日起居益佳,微疾已痊復。新詩妙曲,某啓。多日不上問,辱書,感慰之至。

不宣。 不示人 佳 知之。冬來,全少事,時復開樽 得於敲榜間 客 爾。 爲 望。 未 、欣承加惠也。 由會集,千萬 雅奏已行遣 因 輒 以 毁所 復 湖 時 一篇,惟 上,但少 保 集 衛。 也。

九

乎? 嚼,甚快。北方書問幾絕,況有苞苴 名其間。 親書,甚喜。令跋尾。 某再拜。 昨日忽 承録示元之詩, 呵呵。惠示江 得 兩壺,謹分其一,不 舊雖曾 詩詞 区瑶,極 如 見 鮮, 此,豈 之,今得 庶 見 得 敢 微 及 大 挂

J

+

力勝。

民甚悦,恐

知。

杭

酥不佳,

已督

依條,災傷免

數郡閉糴,●大爲杭病,江東尤爲害也。屢

畏。公必有以待之,幸預以教我。

移不報,録得其榜,已削去。

長,可

少事託

面白,

必達。

春夏之交,米價必大

冬初方過,浙西雖子功旦夕到,然此大事,冬初方過,浙西雖子功旦夕到,然此大事,空。此憂在僕與中玉。事有當面議不可以幾至掃盡,災傷既不減去歲,而常平之備已既甚,而七月二十一、二、三三日大雨暴風,既甚,而七月二十一、二、三三日大雨暴風,既甚,會度亦未遽爾也。惟浙西數郡,水潦爲戒,●度

令子不及奉書,昨日與楊次公書,有

十

▶ 「閉」、《翰墨》作「皆」。

● 「睦」,原作「陸」,今從《二妙集》。

甚! 如何? 然度無不行下之理。 願公因會; 平,●更一月必貴。 必大翔湧。其他合行遣事,未易一一遽言。 糴得十餘萬石,相次漕司争糴軍糧及上供, 免過,小有不至,議者應不見置也。 自佳事、試告公以此意勸之、勿云僕言 聚議乃濟。 此事,某已兩削矣。 如何? 度可言即言之。幸甚! 數舍之勞,譬如 吾儕作事,十分周 日夜望中玉來。 諸公雖未必喜, 來 **虎備,僅** 看潮,亦 放脚手 米方稍 也。 可

### <del>+</del>

意,以遞中問之矣。非久得報,即馳白也。已爲削去矣。閑知之。小兒差遣,蒙留人來陳狀,以習賦者多,乞發解各立分數,也。後舉又預高等矣。近本州舉子數百也。後舉又預高等矣。近本州舉子數百

悚息! 悚息!

### +=

令子相見都下,不欵曲,計今已赴任矣。潁,不能無少冗。速遣此人,未能盡意。想蒙提誨如子姪,不在區區干禱也。乍到邁拙而愿,既備門下人,又日夕左右,

### 十四四

點灑之,過熟可食。不敢獨味此,請依法薑蘆服自然汁及酒三物等,入少鹽,漸漸貺,取筍簟菘心與鱖相對,❷清水煮熟,用貺,取筍簟菘心與鱖相對,❷清水煮熟,用

# ● 「方」,原作「分」,今從《翰墨》。

新書》轉引此文作「和」。

● 「對」、《永樂大典》卷一萬一千六百十九引《養親壽老

作,與老嫂共之。呵呵。

## 十五

名,可愧也。 令閑看場屋,今日牓出皆捷,新學妨占解愧。聞試得甚佳,旦夕馳賀也。兩小兒本愧。聞試得甚佳,以急欲省覲,不敢攀留,甚

#### 十 六 揚 州

未敢擅減,知之。 裁定矣,幸甚! 何用借買許多什 某啓。 示諭 物 幸甚 麗 稍暇 使 裁 ,别奉狀。 已令本州一 減 條式指定事,即 《事,既 不罪。 不 ·出船, 一依倣

## 十 七以下俱揚州還朝

某啓。匿犀伏蜃之句,所不到也。欽

羡! 欽羨!

### 十 八

示數字。炷艾,必得力也。新詩想多有。台候日就康復。欲往見,恐倦接客。乞此基啓。多日不接奉,思企之深。伏計

### 十 九

不

•

一 十

冗迫,不盡區區。 録。令子必已到,温秀老成,真遠器也。孟易一京削。恐新年求者必多,略乞記然亦當試抒思也。曾干告豐令郭綖、支使然亦當試抒思也。曾干告豐令郭綖、支使然亦當試抒思也。曾干告豐令郭綖、支肤

= +

用久爾戚戚。嘉節,且一笑爲樂,區區之「愁人淚眼」之句,讀之惘然。公達者,何夜有婚會,兩日紛紛也。嘉篇幸蒙録示,教字,承起居佳勝。浴會不得暇赴,蓋除教字,承起居佳勝。浴會不得暇赴,蓋除

祝也。

= + -

方再上也。不一一。 穎叔也。 穎叔詩,和得, 答,悚息! 某啓。 可歎! 悚息 前日 納去。 ! 辱 可歎 簡,以 陰雨,起居何 與公咫尺胡越,何論 妻孥皆 某一章未允,● 似? l 病不 即 寄

-+ =

可談。辱簡,且審起居佳勝。餘俟八日廷中夷民欣悚,實爲盛事。無由詣賀,但有企吏民欣悚,實爲盛事。無由詣賀,但有企

● 「某」,原作「其」,今從《翰墨》。

三八六

話否? 怱怱,不罪。

## 十四四

至。怱怱布謝,不謹。門外更議之也。惠貺山芋柑蔾,感刻之意亦欲餞之。公用二日即當趨赴,元日殿意亦欲餞之。辱示,承起居佳勝。熙帥,鄙

## 二十五

亦數年來故事也。呵呵。草,不謹。事也。一詩謾呈。電掃庭訟,響答詩筒,稍加,某亦自傷暑,殊無聊,遂且謁告免詞、其啓。伏暑,伏想起居康勝。老婦病

## 二十六

某啓。知盛會早散,能過家庖煮菜夜

## 二 十 七

醵餞用二十四。謹諾。不如教。絶早,到門惟少殺食了兩碑也。不如教。 絕早,到門惟少殺食了兩碑也。某啓。 辱簡,●承起居佳勝。 所約,敢

## 一 十 八 赴 定 州

前路。 怍不已。所欲言,非可以筆墨既,想已目 佳客,不輕啜也。 讀之增恨愴也。 悵不已,使至,又辱手誨,仍 某啓。 惠茶,已戒兒曹别藏之矣,非良辰 昨日遠勤從者, 欲和答,人客如織,當俟 令子昆仲,特煩遠至,感 以 草 高 草 篇 就别,慨 寵

❶ 「簡」,原脱,據《翰墨》補。

一三八七

擊,自餘惟若時自愛而已。 不宣。

### 與李伯時一 首

居佳勝。 於石柱上爲佳。人還,奉謝 比之大字者稍精。 辱手示及惠新 《洗玉池銘》,更寫得小字一本, 請用陳伯修之説,更刻 醖,感愧殊深。 即 日起

# 與郭功父七首以下俱杭倅

否 ? 想未訝也。略奉啓,布謝萬一。 昨日承顧訪,殊慰久闊。 某出院本欲往見,以下痢乏力未果, 經夕起居佳

> 也。 稍涼,起居 出,又數日卧病,遂阻言笑,愧悚不可言。 謹奉啓布謝。 佳 否? 某下痢 雖 止,尚 羸

薾

三

賜墨一圭,新茶兩餅,●皆得之大臣家真物 兒子歸來,別無 可爲土物,御筆一雙,

也。 不罪凂凟。

四

不往謝,惟寬恕。 辱訪臨,感作。 乍熱,萬萬自重。不宣。 獨 以 忽 遽 爲 恨,迫行

0 「餅」、《外集》卷六十三作「斤」。

久别,

忽得瞻奉,喜慰可量。

既以不

還,惟萬萬自重。 辱書,承起居甚佳,爲 别來瞻仰無窮, 風雪 使者即至,必且暫 凝寒,從者勤矣。

六以下北歸

致厚餽,拜賜慙感。只今上謁 所謂得未曾有也。 經宿起居佳勝。 次,一 肉足 閒 居 蓋

昨辱寵臨,久不聞語,殊出意表。

與文與可三首以下俱徐州

就矣。 幸 ! 頻得書,甚安。示諭秋冬過親,甚幸! 甚可樂。 郡之樂,而有桂玉之困,又却不見使者嘴 即公議者乎? 用。公議不厭,計當在即。 面,得失相乘除,亦略相當也。 與可抱才不試,循道彌 令嗣昆仲各計安勝,爲學想皆成 但未知今夏得免水患否。 老兄既不計較,但乍失爲 然廊 久,❷尚 彭門無事, 廟 間 未 子由 誰 聞 甚 爲

0 續集》卷七作「斤」。 皮」下、《外集》卷八十一有「林」字,「片」、《七集·

循」,原作「遁」,據《七集・續集》卷五改。

0

卷五十一 尺牘 爲

笑。青皮一片,●不以餉公,則無與嘗

某今日私忌,未敢上謁。

辱詩

和

七

矣,幸不置酒。

三九〇

作見借也。 致之不難,當續營之。 吻酌,不通客矣。 分散零落矣。 離 浙 中已 有藥 四 年, 吅 《玉船】 呵。 向 但恐得後不肯將盛 亦 兩隻, 杭州 有 少 故 獻 浙 人頗多, 物, 上,恰好 久已

近屢於相 識 處見與可近作墨竹, 惟 Ξ

此人 弟只 畫,題云與可筆,亦當執 記作贊,備員火下,亦 百五十疋也。 去請,幸毋 得 一竿,未 7久秘。 説《字説》潤筆,只 페 呵。 合剩得幾 不爾,不 所惠 絶 惟 句 紙 到 過 到 狀 處 專 處 索 亂 令 作 劣

> 文郎 **首** 黄州

與

若不少節哀摧,惟意所及,不以 前人還,辱書,重增哽咽。 以 易 仰慰堂上之心。惟萬萬寬中强食。 晦 不 審荼毒 朔,追慕無窮,柰 议 來, 氣 力 (何似) 何 吾親 後 孝誠深篤, 柰何 變 (事爲· 故 1 如 念 昨。 中

兩

### <u>\_</u>

## 蘇軾文集卷五十二

尺

牘

# 與王定國四十一首●以下俱黄州◎

村寺沐浴,及尋溪傍谷釣魚採藥,聊 灰心杜口,不曾看謁人。 計其迂直嶮易,相去必不懸絶,而得一見, 舍,隨僧蔬食,甚自幸也。 乃是不肖大幸,不識果安從。 氣 清强,❸且能自適,至慰。 耗 1,忽領手教,頓解憂懸。 某啓。 自到黄州, 即屬岸人 所云出入,蓋往 感恩念咎之外, 知未決東西, 仍審比來體 某寓一 日 伺舟! 一僧 馭

> 幸 ! 惟 以衰顏白髮厠賓客之末也。 芥,然後知定國 教,既不見棄絶,而能以道自遣,無絲髮帶 至此,覺心肺間 某所累尤深,流落荒服,親愛隔 戚。 願定國深自愛重,仍以戒我者自戒 但知識 某啓。 恐從者不由此過,故專遣人致區區。 數十人, ⑤緣我得罪, 而定 罪大責輕,得此甚幸,未嘗 |爲可 便有 人,而不肖他日猶 湯 火芒刺。 甚 幸 ! 闊 今得來 國爲 每念 丽 甚 得 戚

- 「四十一首」、《翰墨》無此四字。
- ) 「以下俱黄州」、《翰墨》作「凡三十九帖」。
- 牘及本卷《與王定國》第三首、第八首、第十首、第十《七集・續集》卷十一有《與王定國書》,乃合此首尺「來」,原作「者」,今從《翰墨》。

「十」、《七集・續集》無。

首、第十六首各尺牘而成,文字略有差異。

三九

三九二

書不能

盡

舟否? 忽忽,不宣。已。臨書悒悒,不知此人到江,猶及見仙

 $\equiv$ 

中行 須少儉嗇,勿輕用錢物。 湖州服數兩,甚覺有益。 之流,願深以道眼 亦吾輩所 由昨來陳相別,面色殊清潤,目光炯然,夜 食,常令胃氣壯健。 之,更請加功不廢。❷ 只是用摩脚心法耳。 十餘年。❶ 闕乏不繼。 某啓。 氣 粉白黛緑者,俱是火宅中狐狸、射干 臍 常論者,但 腹間,隆隆如雷聲。其所行持, 北歸 揚州 二是災難中節 有侍其太保者,官於瘴地 面 看破。 色 安道軟朱砂膏,某在 此 每日飲少酒,調節 紅潤,無一點瘴 此法,定國自己行 君 到彼可久服。子 此外又有一事, 一是遠 有志節能力行 用 自 地 貶 恐萬 飲

四

功,不知有的便可留桂府否? 愛身嗇氣。 惷 不節,或能使腠理虚怯以感外邪。 不以流落爲戚戚,僕不復憂此。但 之,安能心體泰健 |而情到,願君深思先構付屬之重 某啓。 舊既勤於道引服 賓州 必薄有瘴氣,非有道 以 俟 否亨耶? 食,今宜 此 恐 定 痛 語 風 或 者 加 自 甚 情 必 處

「於」下、《七集・續集》卷十一《與王定國書》有「烟」

「消」上、《七集・續集》有「貶惡」二字。國書》。下面第四首有「今宜倍加功」之句。「功」,原作「工」,今從《七集・續集》卷十一《與王定

0

六

久,必漸移善地也。 某啓。 君本 無罪,爲僕所累爾。 僕甚頑健 L,居處· 食物 想非

瀆也。 好笑! 不復作,●此時復看詩而已。 索然,而黄又陋甚,竟無 法二壺,感愧之至。 僕又是不易人也。柰何! 書,必已出大江,食口如林,五女未嫁,比 因來書及之,又得一笑也。 命分如此,亦何復憂慮。 皆不惡。但平生不營生計,賤累即至,何 今得黄州; 所仰給。 承新詩甚多,無緣得 兒子邁亦在此,不 須至遠迹顔淵、原憲,以度餘生。 欲换武,遂作團 欲求土物爲信,僕既 在彭城作黄樓, ·敢令拜狀,恐煩 可持去,好笑! 柰 何 ! 見,耿耿 子由 練。 皆先 不住 惠 讖。 僕 京 得

雖賢者明了,不待鄙言。 文,忠孝天禀,但不至死,❷必有用於時。 身嗇色、願常置此書於座右。 輕犯憂患也。 衆議如此,切請子細問人,毋以不貲之軀, 不多,不可謂山溪之嶮而避陸行之勞也。 不如衡、潭之善安。 言西江漸近上水,石湍激,嶮惡不可名,大 言,定國必已從 寫此紙,遞中發去。 也。 不動心,大是難事。 某作 若於臨江軍出陸,乃長策也。 書了,欲 前書所憂,惟恐定國不能愛 江 西 造 然業已至彼,不可復 聞得此中次第,人 行,必不 人 又尋常人失意無 至江 但目前日見可欲 及矣。 州。 如君美材多 李 貴眷 故 奉 聊

回

丽

作」,原作「得」,今從《翰墨》。

不至」,原作「得不」,今從《翰墨》。

此態。 中,多以聲色自遣。 相知之深,不覺言語直突,恐欲知。 定國 奇特之人,勿襲

七

他

日不訝也。●

不復擯 絶 ·香 ? 如 何 如 何 想

時得安問,貴眷在彼必安。 某受張公知 遇 至 深。 廢, 累辱 其 門

中舍卒於成都。 遣,但八月中喪一 恙,自處泰然,頓 女子,年十二矣,悼念未衰,復聞堂兄 震於殊俗, 某再拜。 遞 解憂懸。 異鄉罹此,觸物悽 中領手教, 一段奇事也。 老乳母,子由 又知 知 到筠,亦 某羈 攝二千石 已 到 官 寓 抛 粗 無

風采

八

户

却一

何 柰何

故 ? 借得天慶觀道堂三間,燕坐其中,謝客 品,行草尤工,只是詩筆殊退也。 閬 皆言道貌與往 十九日,雖不能如張公之不語,然亦 煩碎,深羨老兄之安逸也。非久,冬至,已 事無人幹,頗牢落。 子由在筠,甚苦局 反視,想當有深益也。❷ 風之上矣。 近頗知 張公比得書無恙,但以厚之去婦,家 養 生, 兼畫 日 殊别, 亦 |得寒林墨竹,已入神 自 覺 更相 薄 闊 有 數 所 年, 得 不知 常 索 見 闔 四 我 何

以 子美在困窮之中,一飲一食,未嘗忘君,詩 知之亦允蹈之」者,願公嘗誦此語也。 反 洗 覆 我 議論及處憂患者甚詳,既以 定國所寄臨江軍書,久已收得。二 昏蒙,所得不少也。然所謂 解 非 苟 杜 又

一也」,原作「處」,今從《翰墨》。 他 日」、《翰墨》作「然」。

0

不肖,亦嘗庶幾? 於此也。有感恩念咎之語,甚得詩人之本意。僕雖人以來,一人而已。今見定國,每有書皆

熟,船中會話半夜,强半是説定國。
之。數日前,發勾沈達過此,亦云與定國後有定國題字,又動我相思之懷,作惡久今日馬鋪李孝基送君謨石刻一卷來,●其母,作一誌文,公又求某書,輒書此奉寄。 文字與詩,皆不復作。近爲葬老乳

材多出 求之。 敢服 神 窮荒之中,恐亦有一二奇士,❸當以冷眼 州 造日。 致數兩,因寄及,❷稍難即罷,非急用也。 ·**●**不可不留意也。 州看子由,亦粗傳要妙,云非久當來 ,然其人教以 近有人惠丹砂少許,光彩甚奇, 大抵道士非金丹不能解化, 南荒,故葛稚川乞岣嶁令,竟化 賓去桂不甚遠,朱砂若易致,或 養火,觀其變化 陳璞一月前,6直 ,聊以恰 固 丽 於 陰 丹 不

> 此。 爾。數爲之,似覺有功。 之,但閉得百十息,爲益甚大,尋常静夜, 以脉候得百二三十至,迺是百二三十息 其要,然以某觀之,惟能静心閉 要不忘 氣雲行體中,瘴冷安能近 此 如 人 不 此 惟 一,亦自 有道 可重。 一術,**●**其與 人也。 幸信此 道 術多 人 目,以漸 有 語,使真 方,難得 情 義,

臠魚及猪羊麞鴈,亦足矣。廪入雖不知有煞賣鵝鴨甚便,此間無有,但買

斫

「來」,原作「求」,今據《翰墨》改。

0

國書》。) 「及」,原作「示」,今從《七集•續集》卷十一《與王定

③「二」、《翰墨》作「事」。
⑤ 「二」、《翰墨》無、《七集·續集》無「亦」、「二」二字。

●「解」、《七集・續集》作「羽」。

6

州,刺史鄧嶽留不聽去」,作「廣」是。二《葛洪傳》「洪求爲句属令,晉元帝從之。洪至廣「廣」,原作「廉」,今從《翰墨》。案:《晉書》卷七十

「璞」、《七集・續集》作「璨」。

「此」,原脱,據《七集・續集》補。

+

平明以 也。 也。 也。 支一 到此,恰二鼓,室前霜月滿空,想識 日 大竹筒别貯用不盡者,可謂至儉。 取錢四千五百足,繫作三十塊,掛屋梁上 繼,痛自節儉,每日限用百五十,自月朔 言不可盡,惟萬萬保嗇而已。 信筆亂書,無復倫次,不覺累 兒子正如 年以上,至時别作相 肉,蓋此間物賤故也。 畫杈子挑取一塊,即藏去杈子,以 所料, 不肯出官,非復 度,日下未須 囊中所有, 然猶 我 幅。 此 小 懷 書 補 慮 可 每 日

九

> 不罪! 恙。 萬 必知所以待定國者 安,見報,舉者更宜省事緘口。區區之至, 來,翛然清遠,計尊候安勝。僕凡百如昨, 惟道懷清曠,必有以解煩釋懣者。 入秋以 江 不煩念及。● 自重。不一一。 淮間酷暑,始非 近亦有南都來者云,張公及貴聚並 某啓。 不罪! 近附 子由在高安,不住得書,無 桂 馬朝 人所 州遞 請 展奉未可期。 堪,況於嶺外乎? 奉 過 書,必達。 此,議論 脱然, 惟萬 邇來

■ 「煩」,原作「須」,今從《翰墨》。

《論語説》五卷。 之,爲一笑耳。 拙之學,聊以遣日,且以 次。 收拾 由亦了却《詩傳》,又成《春秋集傳》。 著鞭多讀書史,仍手自抄爲 必更多。 ,不知到未? 得 某啓。 某自謫居以來,可了得《易傳》九卷, 茶少許, 謾充信 君學 馬 術日 公過 桂州 且. 今又下手作《書傳》。 益,如川之方增,幸 此嘉便,無好物寄去, . 遞中有 一報之。 而 爲子孫藏耳。 틴 和仲奉 妙。 新詩文近 造次,造 和 詩 閑 迂 四 知 子 更 H

君 無 恙 某 遞中領書及 久居 蠻 夷 中,不鬱鬱足矣。 新 詩, 感慰 無 其他 得 知

卷

五十二

尺牘

戀頭。 作 秋。 還任 不 以 丹 而 詩 也 洲 《千秋歲》,滿坐識 不 不知今者爲 爲閑 詞云: 得書, 砂若 今乃 也。 愁。」其卒章,則徐州逍遥堂中夜與 足云 一紙奉寄。 萬事 酒 耶 始 來詩 | 力漸 中詭異之觀,決不敢服 果可致,爲便寄示。 ? 也。 彼必得安問。乍冷,萬萬 0 回 疑 重 消風 要我畫竹,此竟安用,勉爲 頭都是夢,休休。 佳節 在 子由之禪爲 馬 霜降 九 子由甚安。 何 處 登 若 力軟,飕飕。 許 厚 水痕收。 與 棲 1爲酬。 不識 且 霞 盤 樓, 鬼 吾儕何 皆懷 桓 奉 但 淺碧鱗 吾藥 爲佛, 望 桂 書, 明日 把 破帽多 也。 君 州 清 君。 奇甚, 凄 嘗不禪 耶 必 何耶 張公久 以 黄 樽 便 時自 君 情 花 斷 欲 遂 達 聊 君 和 蝶 却 見 作 ? 送

0 造 定國書》補 次造次」四 字,原脱, 據《七集 續集》卷十

一」,原脱,據《翰墨》補

一三九八

也。不宣。 也。不宣。 也。不宣。 也書,仍以君遺我墨書

#### + =

少進 如何? 鄰曲 醉筆,嘉者聚之,以須的信寄去也。 君豈復有愛,但卒急畫 紙中,●時有一 躬耕其中。 也。 雨,日夜墾闢,欲種麥,雖勞苦却亦有味。 此,惟以書史爲樂,比從仕廢學,少免荒唐 來詩愈奇,欲和,又不欲 千,其女泣 耶? 相逢欣欣,欲自號鏖糟陂裹陶 近於側左得荒地數十畝,買牛一具, 君數書,筆法漸逼晉人,吾筆法 畫 訴,聖主 今歲旱, 如 不能皆好,醉後畫 聞 紙可觀,然多爲人持去,於 晉 卿 米貴甚。 不成也。 已 惻 (頻頻 召 然 還 也。 (破戒。 都, 得 近日方得 今後當 恐要知。 . 靖 自 給 節 亦 到

#### 十 四

有云: 報暗 井出。 :「刮毛龜背上, 耕荒 田 飽未敢 詩有 何日得成氊。」此 期 家 瓢 童燒枯 飲 已 口

'必。」又

草,❷走

### 十五五

以發萬里一笑也。

故以填此空紙

呵。前此發書,并令子由轉去,必達。來也。容采老少比舊不帶黄茅氣色否? 呵天日所照,既遂生還,晚途際遇,未可量手簡,承已到江西,尊體佳健。忠信之心,某啓。昨日遞中得子由書,封示定國

<sup>●「</sup>十」,原作「千」,今從《翰墨》。

遺 緣 月 教 方達。 此 궁, 的爲賀。 此 月五六可到九江 今且謾 不能盡 引領神馳 遣 人 言, 不 惟 遞 知 中 萬 丽 猶 子 續 萬 及 由 自 見 上 書十 愛。 一問 否 也。 速 無

## 十 六以下俱離黄州

不

宣。

買 得 作 州住 甚! 非 口 慰所懷。 知。 知 揚 一小庄子,歲可得百餘碩 狀, 遣人入京投下。 日所 某啓。 幸 甚 ! 得此佳: 得耗,奏邸拘微文,不肯投進,已 師 河 惠 州之美, 是遺 凍 今日景繁到 書 某往揚州,●人一文字,乞常 作,終日喜快,滯懣冰釋,幸 膠舟,咫尺千里,意 并 人往南都 新詩六首、妙 窮猿 泗州 投林, 近在 ,故急作此書,仍 轉 似 常州宜興, 不暇 曲 示 可足食。 思牢 十月 首,大 擇 别 落

> 乃行。 都,出 水也。 或附宣獻公舟尾 不盡意。 不 和 可 得 行,旦夕水 陸赴汝也。 詩爲 即南都亦須住 不知至時公在 惟萬萬自重。 謝 到 他 南來,不爾,遂泝水至 然欲葬却 即 未 起, 暇 宋否? 也。 月。 恐 須至正初方有 乳母子由乳母 新 入夜,倦迫 某若得 濟 甚 淺 西 凍

### 十七七

某頓首。先帝升遐,❸天下所共哀慕,

- ❶ 「往」、《翰墨》作「在」。
- 十一字,無「黄師是」至「自重」一段文字。欲一相見固鄙懷至望但不如彼此省事之爲愈也」二。也」下,《七集‧續集》卷五、《外集》卷六十九有「承
- 王定國》第三十二首尺牘。有「禦瘴之術」至「頑愚即過之」一段文字,見本卷《與有「禦瘴之術」至「頑愚即過之」一段文字,見本卷《與「先帝升遐」上,《七集・續集》卷五、《外集》卷六十九

0

|四00

狀坐 齒 而後,誰復出 而 而 不 已。 廢,衆欲置之死,而先帝獨哀之,而 然 肖與公,蒙恩尤深, 有 所不敢者爾。 我於溝瀆者。 固宜作挽,少 必 深 已矣,歸 悉此 意 耕 陳 没 今 無 萬

#### 十 八

佳。 慮。 亦可 僕屢以勸之。 僧、施貧之類,然後開 不退,然亦微瘦。 公得暇早 以此勸之。 某啓。 然有書宜 亦非 -小補也 張公壅嗽, 仍勸 來, 令勸固 旦夕遂與之别,情味極 數日來 與之相聚,若得此 夏秋間,先多作善事 留意! 眼。公後日相見時, 胃氣,勿服 經 月未 亦 留 漸 意 損,想 己, 疎 雖 利藥 間 必 飲 齊 無 食

## 十 九以下俱翰林

爾 當以酒洗泥,而久在告,酒盡,只有大小團 密雲五餅 既無由往見,而公又未朝覲,企渴不可言。 潰,坐起無聊,不 呵 呵。 ,雙井一餅,●亦爲高 病中,不盡區區。 數 日 克修問,不審 聞 舟 馭 入城, 人 起居何如? 適 無泥 患 瘡, 미 洗 未

### +

見與子由簡大駡,書尺往還,正是擾 今日會兩壻,清虚陰森,正好劇飲,坐無狂 客,冰玉相 數日 卧 對,得 病 在 無 少澹 不 審 否? 起 居 扶 佳 病暫 否? 起, 知

張十七必在坐,幸伸意。而不可以徒駡也。知公澹甚,往發一笑。云,得此書,當復劇口大駡之,固應爾。然營之物,公乃以此爲喜怒乎? 仙人王遠憎之物,公乃以此爲喜怒乎? 仙人王遠

## 十 一以下俱潁州

令中塗龃 不已,但恨公命未 州職官董華,密人 此,所爲當便驚人,●亦豈特止此而已。 恨而已。過蒙示諭,慙汗。 小爲之。在杭所施,亦何足道,但 人哉! 某未嘗求事,但事入手,即 比日 丈夫功名在晚節者甚多 然所云百念灰滅,萬事懶 起居 某啓。 龉,自然 何如? 久 不 奉狀,辱書,感慰之至。 也。 謗焰已息,端居委命,甚 獲 通 濟。 爾 能道公政事,歎服 如 但静以待之, 或 若使定國 ',定國豈 手棋,不 作,則 無 木 所 以 愧 亦 本 居 愧 大 古 调

> 萬保重。不宣。 大段用意,終局便須贏也。未由會見,千

#### \_ + -

也。 時定乎? 潁雖少僻,去都下近,親知多特 來相看者,殊倦於應接,更思遠去而 心、豈非好事。近日都下,又一場紛紛,何 喜少安。且令安樂幾年,慰四 去,因循至今。 未緣言面,千萬保嗇。 某啓。前日欲附 比 H 起 南京 居 何 不一一。❷ 書,來人 如 ? 方士 張 不 未 大夫 丈且

- ■「便」、《七集・續集》卷五、《外集》卷七十四作「更」。
- ) 「不一一」,原作「不一」,今從《翰墨》。

#### 一 十 三

此 伏 暖,千萬保練。不一。 安,何時定乎? 思,又免過都紛 都,想已還宋矣。 承 劇郡。 起居佳勝。 某啓。近遣人奉 方欲力辭 紛,未知允否? 未由 旋得厚之書, 某見報移鄆 而請 言面 書,未達間 越,不惟 「菀結」 ,老病豈 知從 老境欲少 適 可 領來 江 知 山湖 者 誨 堪 之 乍

## 二十四四

京數 所删 懸。 慰。 仍審起 月 某啓。 潤 急要文集,不敢不付。 無頃 雖 不 居 人 來, 刻暇 肖 佳 豈 勝。 時。 辱 敢 書,并三詩, 報 如 公屬 張公卧 此 我,文集當 在杭二年, 然公知 疾,不 伏 我 讀 勝 之 有 到 憂 感

> 暇,正欲編次,而遽索去,不敢不付。 意萬 深 萬保愛。 定國一言,檢閱既了 世 故 無 不宣。 不 比,安敢復存形迹,實欲 敢草草 ,仍以相付,幸也。 編 録。 到 潁 方 仰 且乞 有 副 少

#### 一 十 五

會合未 也。 州,極慰所欲,但不 慰 前得子開書,極來相 自是計少安,其 教,感愧深矣。 故不 某 啓 。 爲 慰 ! 可 敢乞。 期,惟千萬保嗇。不宣。 别 公失郡去國,士 來 他 且 紛 聞張公已安,慶慰無 紛,未 無足言者。某 副 禱 比 張公之意。 ,方安於彼,不 來 即 起 奉 友所 狀。 居 佳 己 蓋 歎。 兩 勝, 得 旬 辱 潁 爲 日 然 手

### 一十六

得潁 南都,而姪女子在子開 日與樂全翁游,當熟講此 不敢復形於紙筆,不過旬日,自聞之矣。 友,言語往還之間,動 欲之,故不請。 此身於我稍切,須是安處,千萬相信。 藏拙、餘年之幸也。 某啓。自公去後,事 想識此意。 成坑 家,亦有書來,云子 理也。 龙 自是刳心鉗 穽,極紛紛也。 可 駭。 某甚欲得 平生親 П

#### -+ 七

罪 測,故不欲 知已達。 比日起居佳 奉書,畏浮 數辱 風俗惡甚,朋 書,一 勝 . 沉爾。 公敝屣浮名,一 舊 收 反眼,不 領。 不罪 亦 可 上 復 寄 不

> 語也。 明而明,殊無分毫之損。 遂與舒亶、李定同傳爾,亦不足云,可默勿 説,皆不足道 亦未必如此,但 之天,不過 餘惟千萬保愛。不宣。 淮 也。 Ŀ 恐流 上回文,以無 某所被謗,仁聖在上,不 俗觀望,復作兩楹之 但憐彼二子者, 爲有 爾

#### 一 十 八

平生相. 事 於此爾。 成,定國必賀我也。言此者,亦欲公從事 下手。三者皆大事,今得汝陰,無事,或 暇督教之。從來頗識長年養生妙理,亦未 世 也。 一,因循未成。 某啓。平生欲著一書,少自表見於來 知,不敢獨饗,當領此意,不復念餘 書至此,中心欣躍 兩兒子粗有文章材 如有所得。 性,未 可

九

銘》, 到潁當寄上 公自 此 無憂患矣,不 也。 須復過 慮。 《硯

十

何也? 翁有言,窮者後工,今公自將達而詩益 辯,有識稍慰。寵示二詩,讀之聳然。 莫是作詩數篇以餉窮鬼耶? 辱書,具審起居 佳 勝。 誣罔 醉

不寐。 張公今雖微瘦,然論古今益明,不惟識 過人,定國亦可見矣。人事紛紛,書不盡 詩甚欲和,又礙親嫌,皆可一笑也。 慮

言,非面莫究。

書矣。定國云有二詩,元不封示,何 公平生不慎口,好面折人,别後深覺 爾見望,讀之極不皇,且爲致此懇,餘 安於彼,不可奪也,故不欲請。 有書切戒不可。 某甚欲赴樂全之約,請 又姪女亦有書云,舅 南都, 承樂 而 斯人 也? 全乃 子 具公 姑

方

開

駭 也。

極力奉擠。

公臨行時,亦自覺僕始信之可

Ξ 以下離 潁

某啓。 高休至,辱書憂愛矣。 比日起

0 自「公平生不慎口」至「可駭也」、《二妙集》爲另一 則

尺牘。

老人 差似 遇 瘴 欲 不 南 着 而 練 如 何 知 一年,面 簡要也 都 便 作 氣 彼 如 道,則 也。 , 别 喫, 此 事。 省事之爲 上狀。 如 書意 生病老死,符到 某其餘坦然無疑 不 紅玉。」不知道 君實嘗云:「王定 如公, 欲 本自衰晚 愈遠加 愈 相 頑 也。 見, 愛。 愚即 當然, 固 便 禦 鄙 不 過之。 奉 雞 瘴 能 宣。 懷 國 行 如 猪 初 之 至 , 6 術 魚 此 瘴 不 願 朝 乎 烟 此 爲 惟 夕 , Ø ? 窟 法 禦 絶 但

其後 大賢 諭 疇 也 詞 矣。 姓字 某 韻 啓。 意 又 甚 中 謂 衰 則 美 是 間 繆 别 我 正 封 H 來 巾 題 似 書,引 退  $\equiv$ 尤所 之誤, 蘇 辱 而 州 公相 物 何 不 必非 連 充畫 勞 諭 類 問 好 真, 日 之 見與者, 然三 如見當 加 厚 雖 復 礻 所 復 其 世 丽 未

> 厚之字 喜! 也。 復 俟 可 似 善寫 厭 舊官矣,差遣亦 講 而 真贊輒 此者 但 筆墨之精,已 ,説皆 小字: 神 此去不知 膏方納 而與之。 作 人代書 未 得 作 數 (句,如 會合何日 必 絹 可 一餘勤 如 别 自如 上可 奇 何 ? 後 也 何 ? 勤 日 也。 意 自愛。 紛 如 謹 不能 紛, 何 張公集引 可 미 當 用,即 喜 ? 收 可 無 藏 耿 厭 令 耿 可

#### Ξ + 四 . 揚州

不 聽, 張公所戒,深 願爲致此 意 中吾 也。 病, 公向 雖 令作《滕達 甚 頑 狠 豈 道 忍

0

<sup>0</sup> 六十九。 猪」,原作「肉」,今從《七集。 禦」,原作「馭」,今從《七 本文以下有「初 集 不爲禦瘴而作 續集》、《外集》。 續 集》卷五、《外集》卷 也」之句。

便」,原脱 ,據《歐蘇手簡》補

原作「遂」、據《七集・續集》、《外集》改。

勾當 在深 漕處 糟淮 等,然此 乃敢 更籌之。 메 之,勿令人知是某作,仍勿令以 欲作《孫公神道 呵。 銘 白,所 公聞命。 Щ 爾 ₩, E 理會,未見了 中,去市七十里,但 故後詩 田 諾之,其家作行 不知在公時, 見元主昏賴。 欲宜 來詩甚 未及和。 碑 興 絶,當 一》,皆 田 一奇,真得 不 蔣 某 朝夕别遣 亦 某見 狀送至此矣。 敢 豈 能 便 申 違 衝 敢 如 於 都 有 0 替 潤 此 親 省 有愛於 公文在 人,并 氣力也。 筆見遺, 幹 情 只 告 也 否? 蔣 君 田 浙 此 致 又

## 三 十 五以下俱赴定州

也? 得,納上。 間 惠藥,感刻。 以爲佞人、蓋流俗之誤。 祝鮀 示教,承 衛 二方謹 子 起 魚 居 灬,賢者 秘之。 佳 勝。 也 ? Ш 五. 子 梁雌 方 由 佞 續 疾 雉 才 寫

> 知。 將 説,欲來早略到净因,今又頭昏,去否未可 李 不 盡 丽 雉 子 肯,已 於文、 希元已付一簡與子 後 路 亦 集 好 旱 以 鬭 餽 遣 癘 初無 孔子。 回,一 若此 鬭 將 喪 注 雉,豈 其生。 解 面 焉, 人多 子 商 知子路 中矣。 或留意少試。 時之罪 量,可公意即 故 不安。 日 |「色斯 將 某適與 哉。 不 舉矣, 得 其 可 其 僕子 安 餘 死 國 義 翔

#### 二 十 六

今須俟殿 來,領書 同 此 悲 某 痛 承 贙 起 近 畢 某蒙 者 ·, 乃 居 無恙 崇 被 敢 慶 知 朝 大故 遇, 辭。 某本 尤增 自月 中 後 會 外 殞 何 哀 初 時, 赴 想

書愴恨。惟萬萬自重。

## 三十七

然衰 欲和 問 菊,豈復夢見。 也。 某啓。 病 加 未暇。 極 畏 疲曳之餘,即 此。 使事始欲辭免,又若無説, 君真世外人也。 後 日 未可 困 一睡爾。 預刻,至 詩亦奇, 尋酒 時 馳 對

## 三十八

板, 少冗,又筆凍甚,俟稍和暇也。 一篇,爲塞 聊致遠 上華 誠,并一 甘草,已 寵。 詩爲笑。雪浪齋 如 厚之本欲作書, 所 諭 削去 幸致意。 亦 適 有 求 四

## 三十九

出疆已有旨,完夫同行也。别紙已領。徑睡,五更馬上賞嘉月爾。事已,一笑。不與。。 學教,承起居佳勝。昨夕黄昏

## 四 十以下俱惠州

甚惡 甚。 吅 小 加 子一人、三庖者來。 涯,可喜! 知尊候佳勝,貴眷各 呵。 皃 厚 也。 亦遂 。某既緣此絶棄世故,身心俱安,而 某啓。 官爲貧,更無 書中所論,甚感至意,不替疇昔而 幸 甚 ! 超 可 喜 ! 遞中,忽領三月 然物外,非此父不生此子也。 幸 甚 ! 凡百不失所。 某到此 康健, 口 · 擇。 子由不住得 併 八月,獨 五 知 解 日 生計 懸情, 手教, 風土不 與幼 漸 有 幸

四〇七

室,作 去住 極 自 定 適, 惠 有 道 州 命,此 氣 人矣。伏暑中,萬 有 成矣。 心亦不念 餘 無足 歸 明 道 年 萬 買 加 田 南 愛。 築 北

### 四十

不

者。 如此, 舊德,故欲其 如無 天乎?] 張十 勞人哉。 仙 欲老弟知其 可 不怨天,不尤人,下學而上 一, 但 守。 的 必欲寄信,只多寄好乾棗、人參爲望 某 屈 日有所得,更做没用 此外 便,亦不須差人,豈可以口 滯 所云 味 從 略 皆是幻。 絶學無憂, 七絶不聞消 狗 爾。 作書自辯者,亦 箴之否? 竇 問 中過爾。 所欲幹, 此道 歸 耗,懷仰樂全之 根 勿 處 達,知我者,其 勿説 謂 守一,乃 ,亦須作 實無可 未 渺 漫,信 敢 與 腹萬 便爾 Ė 地 無 煩 但 行 能

## **合黄魯直五首**以下俱徐

之君子: 其文以 將逃名 如 得 以 則見 用,雖如軾之放浪自棄,與世闊疎者,亦 之,以爲非今世之人也。莘老言:「此人, 意其超逸絶塵,獨 曰:「此人如精 人知之者尚少,子可 始見足下詩文於孫莘老之坐上,聳然 見所畏者,何哉? 而 與造物者遊,非獨 而懼 友也。 足 軾 莫能 求 而 頓 下之詩 其不 其 首 不 用也。 今者辱書詞 可得, 爲 再 可 文愈多,而 拜魯直教授長官足 人,必輕外物 得,豈 金美玉,不即人而人即之, 立萬物之表,馭 何以 其後過 軾 今世之君 爲稱揚其名。」軾笑 意 我 得 方 累 (稱揚 得其爲人益詳, 李公擇於濟南 以 此 幅 丽 此 執 於足下 自 子所 爲?」然觀 求交於足 禮 風 重者,今 下。 恭 騎氣 不能 異 軾

詩人之風,而軾非其人也。 人輩 深訝也。 喜愧之懷,殆不 笑。秋暑,不審起居 更卧病,忽忽至今,● 《古風》二首、託物引類、真得古 可 勝。 然自 何 裁 答甚 如? 入夏 聊復次韻,以 (以來, 一緩,想 未由 會 未

=

見,萬萬以時自重。

宜。 恐傷 微箴之。凡人文字,當務使平和,至足之 麗似差早,然不可直云爾。 餘,溢爲怪奇,蓋出於不得已也。 家多異材耶? 其邁往之氣,當爲朋友講 某啓。 不知以爲然否? 不宣。 晁君騷詞, 然有少意,欲 細看甚奇麗,信 非謂避諱 魯直以 磨之語 晁文奇 也。 己 乃 意 其

三翰林

也。 可喜,因見,爲道區區。 問疾,然欲來,當先見語。公擇舅作憲,甚 當穴,❸又數日可無苦。諸公自可準法來 殊無聊賴。 似「日五色」,莫作 奉屈,而兩 之,聞欲牽公見過,所深願也。 餘非面不盡。 某啓。 日坐處苦一瘡極痛,至今未穴, 得教并詩,慰喜不已。瘡兩 前日文潛、無咎見臨, 「運啓元聖天臨兆民」 君實嘗言,破題當 便欲 卧 作書 病 H 久

集》卷二十九。 「忽忽」,原作「忽忽」,今從郎本卷四十五、《七集‧前

0

「穴」、原作「穴」、今從《翰墨》。本文此以上有「至今「避」、《翰墨》、《大典》、《七集・續集》卷四作「其」。

未穴」之語。

一四〇九

子由得書,甚能 又嚴於魯直。 極安,少游謫 日,庶幾能終之。❷ 日食淡麪兩椀,胡麻、茯苓麨數杯。 數日來苦痔疾,百藥不効 此,然亦近之矣。● 塗中頗有知義者,能相 黔,亦無不可處之道也。 起居何如,土風何似? 相見,尊候甚安。 審爾,亦不甚惡也。 由 獨元老奄忽,爲之流 某啓。 遠 謪 也。 方惠 居甚 雖未能作自誓文,且日 有味於枯 州遺人 隔 即 絶,書 自得,淳父亦然,皆可 非特愈痔,所得多矣。 水到渠成,不須預慮。 惠州已久安之矣。度 日 濟否? 致 或云大率似長沙, 想已達 稿也。 ,遂斷肉菜五 問難 涕 聞行橐無一錢, 所 惠書,承 繼 病 黔 文潛在宣 某雖未至 劇久矣, 中,不審 其 戒 倍 戒一 中

丽

保愛。

五

作書。 也。 未易量也。❸ 益老、王郎 謾爲一言。 當往見、求書爲先容。」嘉其有奇志、故 皆超然,筆力有餘,出語不凡,可收爲吾黨 .與不肖爲親,又欲往求黄魯直,其窮殆 自蜀遣人來惠,云: 某有姪婿 然舊聞其太夫人多病,未易遠去, 蓋師之。 眉人有程遵誨者,亦奇士,文 王 郎, 此 名庠,榮 兩人有致 「魯直 州 在 窮之具 文行 爲 決

0 終」,原作「修」,今從《大典》、《七集·續集》。 近之矣」、《大典》、《七集· 四作

量」、《大典》、《七集·續集》卷四作「瘳」。

四 0

遠,尚未知後 爲慰。 得之,當遂相見。❶ 問參寥而知,人夜,困倦,書不詳悉。 萬萬自愛而已。 爾。 甚美,信非當世君子之所取 所與之,不妄矣。 也。 不 裁答,愧悚之至。 即日起居何 此不足爲太虚損益,但弔有司之不 然見解榜,不見太虚名字,甚惋 别後數辱書,既冗懶且 (任所在,意欲東南 謹奉手啓上問。 如 ? 何時復見,臨紙惘惘, 參寥至,頗 參寥真可人,太虚 也。 僕去替不 聞 諸事 郡爾。 無 動 程文 便, 咔 幸 歎 可

> 視,端叔書猶粗整 時寄一字,甚慰寂寥。不宣。 信昨夜之醉甚也。 叔 虚於千里之外,一見我醉態而笑也。 書,又作 太 虚 書,便 齊,而太 本欲别寫,又念欲 睡 0 虚 今 日 書乃爾雜 取 無事 使太 書

州

殊喜。 護,早還爲佳。不一一。 遂行,故不敢奉謁。 方悟以雨輟行,悔今日不相從 某啓。 拙詩令兒子録呈。 昨晚知從者當往何山 分韻 詩語,益妙,得之 暑濕,惟萬萬慎 也 聞只今 辱示

0 諸 可 問 參寥而 知」至「相見」、《翰墨》爲另一首尺

燈下作李端

某

昨

夜偶

與 客

飲 酒

數盃

卷 五十二

尺牘

四

四黄州

堂兄 感愧益 甚厚 疾不輕,且喜復健 感,念人命脆弱 而 寓居粗遣,但舍弟初到 軾 了,日欲 中舍九月中逝去。 亦喪一老乳母,悼念未衰,又得鄉信, 軾 甚。 裁謝,因 比 五. 日 月 如 履兹初寒,起居何如。 末,舍弟 此。 .循至今,遞中復辱教, 筠州,即 又承見喻,中間 異鄉衰 來, 得 病,觸目 喪一女子, 手 書勞 得 悽

頗窺其 縻,欲求 間 用道 非廢放,安得就此。 今爲之。 1、冬至後,當入此室,四十九 書方士之言,厚 吾儕漸衰,不 二。已借得本州天慶觀道堂三 四十 但擇平時所謂簡要易行者,日 九日閑 可 贵 太虚他日 復作少年 自養鍊。 可 復得 一爲仕宦 調 日乃出,自 耶 謪 居無事 度, ? 當 當 及 所 速

> 亦不須用冬至也 返,自不能廢矣。 本立矣。此後縱復 爲之,寢 食之外, 不 此書到日,恐已不及,然 治 出 他 從 事 人 事,事 但 滿 此 己則 期, 心 根

人矣。 不 喻 舉,此書若成,聊復相示,當有知 但似此得數十首,皆卓然有可用之實者, 謀,宜多著書,如 禄仕,方應舉求之,應舉不可 此 須及時事也。 意也 寄示詩文,皆超然勝絶, 如我輩,亦不勞逼也。 但旋作此書,亦不可廢 所示論兵及盗賊等數篇 必。 亹亹 太虚 君者, 竊 未 焉 爲君 免求 來 應 想 逼

言。 須  $\Box$ 其 (子履 莘老未嘗得 但 公擇近 得 罪 中 以來,不復作文字,自持頗 過此,相 哀 (詞, 軾 書, 知未 本自 聚 、數日、 暇通 求作,今豈 説太 問 虚 程 可 公闢 不 食 離

●「皆」、原作「當」、今從郎本卷四十五、《七集·前

若 復 作 則 決 壞 藩 牆, 今後 仍 復衮 衮 多

時,别 此, 耘 以 梁上,平旦 月 大竹 老 朔 胸 法 便取 但痛 初 中都 作 到 也。 筒 經 黄,廩 别 自 四 無 用畫 畫 貯 節 度 千 儉,日 用 囊 五 事 水 叉 人 中 不 挑 既 到 百錢,斷 尚 盡者,以 絶,人 取 渠 用 成 可 不 塊,即 支一歲有餘, , 不 得 爲 П 待 三十 過 不 須預慮。 賓客,此 藏 百 少 ·塊,掛 ~, 私 去 五. 叉, 其 至 賈 仍 屋 憂

見

一此,想見

掀髯一笑也

不 亦 生者 論 王 生 肉 減 1,作酒 能爲 如 蜀 所居 醇 邑中,往往爲風 中。 岐 北 釅 亭 對岸武昌 殺雞炊黍 方 店樊口 監 柑橘 外縣 酒 牛、麞、 米 椑 胡定之,載書 , 棹小 舟徑 至店 至, 斗二十, 柿 濤 山 極 數 所隔 水 鹿 多 日 佳 7,大芋長 如 不 絶。 不 有水 士, 厭 萬 能 有 路 卷 魚、蟹不 下 即 又有 蜀 尺餘 隨 ', 村 可 酒 潘 則 王

> 乎 喜作 1 會。 欲 人 看。 與 太 虚 黄 虚 視 州 言 此 曹 者無 數 官 事, 數 窮 人,皆、 吾 但 事 紙 豈 家 盡 不 善 耳。 既 庖 濟 饌 矣 展

適會 堯臣,皆云 罪 達 晚 否? 之。 苦 葬老乳母,今勾 子駿固吾所畏,其子 寒,惟 此中有黄 不宣。 夜中微被酒 與太 萬 軾再 萬 虚 岡 自 相 拜。 少府 重。 縨 書 作 不 李端 張 亦 兒子 墳 舜 成 可 字,不 未暇 叔 每蒙 臣 喜 \_, 曾 書,託 拜 批 與

五 黄 州

不

爲

歲

田 疊 即 ,至揚附 辱手教 見 無無 某啓 所 (`,具聞 遞,乞居常,仍 事 别後 書 動 欲 而 止 奉 日 甚 書, 復 慰。 造 紛 日 某 姪孫子 宜興已得 遂 無 暇 以 至 今。 小

奉呈 爲 往 憂,故不欲捨之前去。 於冬至前及見公也。 今未來,計 一歲也。 宜 舟竹西待之,不過更三兩日必至,必 也。 興納官,蓋官田 傳神奇妙之極。 餘非 . 亦無: 面不盡。不一一。 他 也。 特 小兒子不歷事,亦 須其還 其子母 遲見之意,殆以 贊若思得之,當 ,乃行。 難 别 爾 丽 日 微 能 見

面

#### 六以下俱 北

遞 排 五六 在外邑未還,須至少留 船,即牢穩 此 角 克 紙 場 間 日 某書已封訖, 風色過 相 爾 方可 治 等,但請雇下,未要發來,至 裝 0 可 十月 登舟。 侍。 渡, 有 書 可 餘蛋船多不堪。 託 乃 日至遞角場。 並海岸行 辦,但須 得 吴君,雇二十出 待之,約此 移廉之命, 得泉 日 人許 月 二 但 丽 故 許 渡 相 至 復 夫 石 九 海 風 見

> 游,即 子書,託渠 [莫究。 兩 日 幸 當 轉 也 附 莂 遣人去報也。 今 去,料舍弟已行矣。 有 書 與 唐 若得 君, 内 及 餘 有 見 非 兒 少

前

#### 七

賢,不惟喜公得壻 凜有 許 之有子爲不死 字後,亦須得半月乃行。 朽 徐聞出路,不知猶 候佳否? 與,恐不副 敗 某啓。 生意,幸甚 何意復接平生欽友。 前所聞果的否? 近 所 累得 也。 期 1 及一見否。 小范,且 幸 甚 ! 言之淚 實能 書教, 躬 自此徑乘蛋 海 勞 落 以 若信 比 伏 外 辱 慶 示 不 日 閲 孤 以佚 諭 른 吾 E然,得 毒暑, 老, 妙 友 迹, 厥 夢得 過蒙 范之 船 志 至 文 尊 節

生 廉 太 二亦 爾 宣 派州若得· 如 義 尉 暫寓 佳。 監鄂 令 子 曾 子宣右揆。 ,亦何所擇。 安居,取小子一房來,終焉 酒。 文潛、無咎得 想大成,曾寄所 吴子野自五羊來云,温公贈 的否? 果行,衝冒慎重。 消 耗否? 作 來否? 未 可 魯直云 可 知 借 也。 也。

## **答張文潛四首**以下俱惠州

百 欲 半 壯, 復有 慰 ! 生食菜,必不肯。 讀 日 爾。 感 無 之後,復 某啓。 下之難事 至慰 則 三年之功 已有所 真 且 氣 ! 審 久不奉書, 日滋骨髓,餘 展 爱,此 疾久已掃 爲 也。 也 百 且斷 郡 日 殆 理 某 多 似 易 肉 以 清 忽辱 暇, 除,但 百 斷 曉 及 净 益 肉。 養 日 無 起 專 獨 形 凡害 疑 居 年,幾忘 居,一 神 似易聽也 今使 也 1,卓然 佳 手 生者 勝 年 然絶 肉 有 復 無

> 之,解 才,舉 爲 也。 不惡,與 夢得《楚望 魯直遠貶,爲之悽然。 存神、幾於有成、吾儕 信,感激不可言。 思 道自重。 以 某見寓監司 奉 但 憂爾。 且 傳 亦 小 立 玉賦 》句 不宣 兒 少 想識 期 會合未期 進。 不 展 曾 行 句 子由 此 限 侍 是 館、下臨二江、有樓、 病 決 意 也。 治 分不 其 也 也。 此等必 在筠,甚自 有 篇 父 成 瘴癘 ·如也。 蒙遠 亦 過 書 也。 甚 然。 皆 悵 雖 一有幹 致 惘 有以處之 己 一薄有, 聞淳父、 適 恐 兒 驗 欲 蠱 惟 子 之 之 萬 知 方

勿 桄 恣 誚 食 榔 某啓。 亦 微 方 陃 杖 快也。 1,收其 一 枚, 屏居 遠 前 荒 羅 意 此 服 浮 爾。 土 曾 真 人 無 荔 不 游, 枝 知 物 每 正 以 爲信。 出 出 爲 勞 林 杖 也。

四 六

者爾。 開、陸農師俱不 邀之在此,又頗集 有功,至行清苦,常欲 酒,極佳,全似王晉卿家碧香,但乏可與 坐修造,不肖累之也,愧怍。 不如閉户之有 羅浮有道士鄧守安,雖朴野,養練 1味也。 免以 醫藥,極 濟人,深可欽愛。 知 术不 默 定非 ·輟服。 有 家有 益 智力所 也。 婢, 無 曾子 能 咎 能 見 飲 竟 造

避就也。 小兒承問,不欲令拜狀煩覽也。

少 游得信否? 奉 Ξ

四

親必不失所。

走卒中無有也。 時,告奉事無少懈,又不憚萬里再 來兵王告者, 極 願公以某之故,少優假 忠厚。 方某 流 來,非 離 道 獨 路

> 不易,可念,愧愧。 亦極小心。 好科坐處。 今來江 海 當時 者,亦謹 與 同 恪。 來者顧 遠來極 成,

## 答李端叔十首翰林

特相 并畫納上。 意耳。公與伯時想皆期我於度數之表,故 爲軼妙而造神,能於道子之外,探顧、陸 學,安能知其所得於古者爲誰 示 辱書,并示伯 耶 ? 有近評吳畫百十字,輒封呈, 時所畫 地 藏。 何,但 某 本 知 無 其 此

定州

稿,諷 感歎,朝夕就局中會話 味達 浸, 輒 辱 簡, 附 承起居 小 詩。 也 更蒙酬 佳 勝。 和,益深 近 讀 近

復相 顔極 乎 ? 之,❸有一書,幸送與。 死於道路,哀哉! 十卷,似有益於骨朽後人耳目也。 所喜者,海南了得《易》、《書》、《論語》傳 皆夢,已後者獨非夢乎? 置之不足道也。 稱,或得復與公相見,亦未可知。 見也。 丹且渥,僕亦如此爾。 不罪! 端叔亦老矣。 某年六十五矣,●體力毛髮,正與 兒姪輩在治下,❷頻與教 痛哉! 迨云鬚髮已皓然,然 醉中不成字。 世豈復有斯 各宜閟嗇,庶 少游 已前 年 督 遂 數 者 人 相

四

某啓。 辱書多矣,無不達者。 然終不

卷五十二

尺牘

至永。 惟保 州。 昌。 梅 拏舟相送數十里,大浪中作此書,無 竟不免累公,慚負不可言。 不忍更以無益寒温之問,玷累知交。● 然 二丈詩云爾。 答,非獨衰 伏惟起居佳勝,眷聚各安健。 某移永 愛之外, 過五羊,徑渡大庾,至吉出陸,去長 荷叔静諸人照管,不甚失所。 病簡懶之過,實以 酌 酒與婦飲,尚勝俗侣對。 比日計赴 罪 :垢深 他 重 沙 潁

「輩」,原脱,據《大典》、《七集・ 八十一補。 年」,原脱,據《大典》、《七集• 續集》、《外集》補 續集》卷四 《外集》卷

0 督之」,原脱,據《外集》補 Ø

0

交」,原作「友」,今從《大典》、《七集

續集》卷

四

外集》卷八十一。

四 -1-

五

否? 乞便送與。❻ 虔州,即往淮浙間居,⑤度多在毗 數,遥知朋友爲我喜而不寐也。❹ 復有過此者乎。❸ 伏惟 某蒙恩復舊職,秩領真 由聞已歸許,秉燭 某啓。 ● 比來尊 近 餘惟自愛。 體 託 孫 何 相對 如 叔 ? 静 君恩之重,不可 祠 非夢 奉書,遠 、 型世間美事, 眷聚各計康勝。 而 何。 陵也。 搋 今已到 得 子 量 豈

六

功,可 得信否? 不敢令拜狀。 子由近 文潛舊疾,必已全愈乎? 可 得 喜! 書,度已至岳矣。 黄 魯直、張文潛、晁無咎各 三兒子在此,甚安健, 養鍊 極有

七

亭。 後,幸作數字寄永遞,仍取兒姪輩 葬之惠州栖禪寺,僧作亭覆之,榜曰 有楷法。 最荷夫人 朝雲者,死於惠久矣。 亦學佛,臨去,誦《六如偈》以絶。 垂顧,故詳及之。 别後學書,頗 得此書 一六如 一書

《外集》卷八十一。 遞」,原作「地」, 今從《大典》、《七集• 續集》卷

0

祠」,原作「詞」,據《大典》、《七集・ 續集》、《外集

0

改。

「豈」,原脱,據《外集》補。

「淮」,原脱,據《大典》、《七集・續集》、《外集》補 而」,原脱,據《大典》、《七集·續集》、《外集》補。

「乞便送」,原作「便乞達」,今從《外集》。

6

集》卷四爲《與李方叔》第四首尺牘中之文字。 自「朝雲者」起至「故詳及之」五十四字、《七 爲幸。

九

漸

神妙。 還。 方,❸但人不知爾。《博濟方》誤以虎脛爲 舉不能過耳,服之立效。 方授渥,以傳昌武。 之於相國寺前,行走如風,驚問之,則曰: 物遺之,●凡朞年不衰。尋赴任,數年而 乞兒,兩足拳彎,捺履行。 本施渥寺丞者,因寓居京 舉,某於錢昌武朝 遇人傳兩藥方,服一料而能行。」因 秘之。其方元只是《王氏博濟方》中 便請長安君合服,必驗。 復就曩居,則乞兒已不見矣。 但手足上疾皆可服,不拘 承諭, 議 長 昌武 處 安 傳 君 其後傳數人,皆 本患 師甜水巷,見 得一方,云 偶 渥常以 患 兩臂重 臂 男子婦 飲 一日見 痛 以其 其 食錢 不 痛, 初

> 不宣。 則此後端叔必已信眉矣乎? 似亦不惡。近日除目,時有如 安,餘皆不足道。 長者遽舍去,深以爲恨。 居佳勝。某已得舟,決歸許,如所教。 近 中原,辱書尤數,喜出望 某啓。 闊别八年, 乍熱,萬萬以時自愛。 豈謂 見報 **坐** 外。 復 `●除辇運, 人所料者。 但老境少 有 見 比 日 H 而 起

者」云云在後。 十爲《與李方叔》第四首尺牘。 「方」,原脱,據《大典》、《七集•續集》、《外集》補。 此 物」,原脱,據《大典》、《七集・ 則尺牘、《大典》、《七集· 續集》卷四、《外集》卷八 此首在前,上首「朝雲

0

見」,原作「具」,今從《外集》卷八十一。

鯎 文 集

與 趙 **德麟十七首**以下

無 候吏來,特承 書教 杭 **,禮意兼** 

略云「伏覩大覺禪師」,其敬之如此。 師,仁廟舊所禮遇。 0 明守一書,託 爲 嘗見御筆賜 致之。 育王大 偈 頌, 覺 今聞 其 樿

五 引録,爲與毛澤民者。 則尺牘《聖宋名賢五 百家播芳大全文粹》卷五十 歎 !

太守聰明老成,必能安全之。

願公

可

其困於小人之言,幾不安其居,可歎

留儀真,令兒子往宜興,刮刷變轉,往還須 幾日,不可復作多處。又得子由書,及見 教語,尤切至,已決歸許下矣。 但須至 已而深念老境, 去歲在廣州 知 少 有

恕察。

彦,幸甚。

行役迫

遽,

裁謝草略,

想

餘,故欲就食淮浙。

某本以囊裝罄

盡,

而子由

亦久

困

릲

比

日

起居

何

如?

養痾

便郡

得親

宗

(重,感:

不爾, 德,能 端叔 其 一生坎軻,晚節益牢落。正賴魚軒賢 人生豈 委曲相順,適以忘百憂。此豈細事 故 輒 復有佳味乎? 以 奉慶。 忝 叔静 契,不罪 姻友,想 !

託孫

叔静寄書及小詩,達否?

叔静云:

月餘,約至許下,已七月矣。

閣 朝廷 故加 此 因 記 老今年八十二,若不安全,當使何往, 語 禮,而 聞之,亦未必喜也。某方與撰《宸奎 旦 夕附去,公若見此老, 況其人道德文采推重一 正使凡僧,猶當以仁 時乎。❶ 且 蘭 爲 恐 之

## |||以下俱潁州

居,常令爲於高郵尋安下處,續當馳報 未間,萬萬自重。 麟爲代,真天假老拙也。 肖獨賴晁無咎在此,方憂其去,若果得 勝,爲慰。 見念之深,正如懷仰之意 人來,辱書。伏審履兹畏暑,起居 既未欲來此寄 也。 德 不 佳

四

保重。 想未深 惟歡慶。 舍弟書,奉 别 後 到郡兩月,公私勞冗,有稽 思仰不 會合未期,惟冀侍奉外,千萬 太夫人久服 可言。 藥,近 竊 計起居 已 康 佳 上問, 復,伏 勝。

得

五

今日幸減,録舊詩一 時,不及往慰,悚息 示詩稿,幸付去人。 昨日幸接笑語。 ! 篇奉呈。 上清宫成而有德音 今日知舉掛,聞之後 悚 息 ! 聞公亦欲借 三日臂痛

- 0 推 原作「雅」,今從《播芳文粹》及《七集・ 續集》卷
- 「且」,原作「當」,今從《七集・續集》。

意謂 於公,幸略垂示。 守臣當有賀表, 如 何 ? 如 何 ? 謀之

六

雪,起 某啓。 居何 如,端居者知愧矣。 數日不接,思渴之至。 佛 陀 衝 波 冒 利 風

理 之虐,一至此耶? 也。 吅 呵。 酒 乃知退之排斥,不 壺 迎勞,唯 加 爲 鞭 無

加鞭!

七

字説》改多,寫了納去。 背時 兩葉,

標兩面也。❶ 實糊合之,仍用皂綾夾褾紀之。一片皂綾夾之 仍請前後各着一空葉。

八

居此 相切磨之、幸德麟替後、想必有殊命。 康福,感慰深矣。某凡百如昨。 緣契。人來,辱手教,得聞起居佳勝,堂上 從,傾蓋如故。 尚未,一 間,可先示諭也。 來爲無咎交承亦佳,又聞欲 欽服 非 下 獨 風,爲 氣類自然,抑 萬萬自重。不宣。 日久矣。 又得 亦 遲 無咎 夙昔 暮 寄 萬 相

九以下俱赴揚州

工夫録去,容稍積多,并奉呈 及到此,絶少暇,止有數首,不佳。 惠示二詩,伏讀慰抃不可言。 也。 又未有 今且次 某途 中

原作「標」,據《二妙集》改。

十

和 壽淮 去,悵惘可 也。 某啓。 Ш 乍遠,萬萬自重。 **,** 漸 有佳 量。 宦遊. 思 數 無定,得 日,竊想起居 懶不作詩, 不宣。 友君 子, 亦 佳 勝。 無 又 復 人 唱 到 别

+

寄 爲念。 書 所能 當先爲寄還之。 州買物人已回,内中所欠俞君錢,此有便, 有安理。 也 淮 必亮此 盡。 滑蓋,得錢都正書,已琢磨,兼與錢 南 浙 夏 德麟 西 頗熟,然積 意。 疲甚,歲事亦未可 孤 如遺還之,可速示,免重 此中有幹,幸示及。 風 超然,願少貶 欠爲害, 知 疾 瘵 以忍 餘 殆 杭 濟 非 未

訖。

非

久

必寄來。

即

附

亦有以論之,恐不濟事,太息而已。 欺罔,不得不令人憤 勘作故出,則指揮移司官不得不問。 乃是深爲不待結案而移司者周慮也。若 大熟,亦一 夏田損半,秋有望否? 之,此人真難得也,亦勿深怪之。 霆之下,恐 有 耗否? 文廣獄斷 樂土也。獄官不惟庇爲前勘, 君 難 獨當。 遇案必已上。 勑 下, 憤 可 願 ,某亦無由入文字。 略示 掛一名。 淮南東西秋夏皆 也。 古人云: 李 以 知潁尾 尉 今觀 推 恩

+ |||以下俱揚州還朝

某啓。 魯直寄書來,甚安, 并 少

四  $\equiv$ 

五十二

四二四四四

井, 書,要《臨淄堂記》,秋涼稍暇,可 守,爲致意。 老亦致意。 今附納 上。 熱甚, 爲適病在告,數日未 蒙惠奇茗, 又多病,未暇作《法施堂 絶 妙 作 也。 果。 因 見 月 奉 太

### 十四四

即重乞會稽爾。無緣面謝,幸恕草草。盡待之。某到此半月,無可樂者。過大禮,處,良不易。然有忍乃濟,願以不見不同無佳勝,感慰兼集。公未即解去,與俗子久各還,當取書,故未答。辱教字,具審起居為還,當取書,故未答。辱教字,具審起居

### 十五

累辱手教,感慰無量。比日起居佳

十六

深 勝 増

悵

惘

也。

乍寒,萬萬以

時

自

重

大禮

日近,隨分冗迫,

未得即見賢

賦 起 居佳勝 可轉呈安定否? 紛 紛 尚未暇往 否? 甘 釀 見, 無事見臨,幸甚 佳 思 貺 企之極。 輒 踐前言, 陰

### 十七七

所願。 猶 潮 穆公且喜漸安。 恐當 熱惡 辱 寒也。 教, 謁 幸 ·千萬 告 承台候 也。 來日 加 卧 辱意甚寵,適 佳 病,書此不謹 必 子由 赴 盛 拙 疾 當 猶 會 未 馳 如 得 未 此,非 赴 退, 尚

## 蘇軾文集卷五十三

## 尺牘

# 與錢濟明十六首以下俱赴定州

聞兩 盗賊皆出疆矣。❷ 壞,不堪開眼,頗費鋤治。 自有愛女之戚而不知,奉疏後時,慙負不 之不免。❶ 衰病豈復以此汩纏。但晚景牢落,亦人情 居康勝,感慰兼集。 家私憂患也。 出守中山,謂有緩帶之樂,而邊政頹 浙連熟,呻吟瘡痍,遂一洗矣。何時 某啓。 重煩慰諭,銘佩何言。 别後至今,遂不上問,想察其 遠辱專使惠書,且審侍奉起 幕客得李端叔,極有助。 老妻奄忽,遂已半年, 近日逃軍衰止, 然公亦

中示及。

一起爲信,想發一笑也。近得單季隱書

中、並戴佳貺也。無以爲報,親書《松醪》

「之」,原脱,據《七集·續集》卷六、《外集》卷七十五 「之」,原脱,據《七集·續集》卷六、《外集》卷七十五

0

「賊」,原脱,據《七集・續集》、《外集》補。

0 9

鍔吴中水利狀》。 十五改。案,清光緒刊《重刊宜興縣舊志》謂單季隱十五改。案,清光緒刊《重刊宜興縣舊志》謂單季隱一單」,原作「卓」,據《七集‧續集》卷六、《外集》卷七 會合,臨書惘惘。惟倍加愛嗇,以副所願。

四三五

四

二六

Ξ

士否? 興,人口漸少,當稍息肩。 田,生事漂游無根爾。兒子明年二月赴德 覺歲復盡。 尾,必達也。 累如昔,曾託 故,未深訝否? 合何時, 萬萬 垂虹聞已復舊,信否? 江上久居益可樂,但終未有 久不奉書,蓋無便,亦 吴江宦況如何? 自愛。 施 宣 比 一德附 日 不宣。 起 居 書及《遺教經》 何 餘無可慮。 因 如 便往三衢, ? 僚佐有 旅 某與 懶 寓, 怠 不 佳 之 少 跋 賤

四以下俱惠州

無已。比日,郡事餘暇,起居何如? 某到某啓。專人遠辱書,●存問加厚,感悚

0

之。唯絕嗜欲、節飲食,可以不死,此 貶所, 凛然,固出天資。但愧不肖何以得此。 問已絶,理勢應爾。 書之紳矣。 合無期,臨紙愴恨,惟祝倍萬保重。 土,不問可 闔門省愆之外, 餘則信命而已。近來親 知,少年或 濟明獨加於舊,❸高義 無 可 久居,老 事 也。 者 不宣。 瘴 舊 言 殊 鄉 書 己 台 風

「書」,原脱,據《七集・續集》卷六、《外集》卷七十五件。「書」,原脱,據《與錢世雄一首》補。又、《與錢世姓一首》,「未有少田」之「少田」二字,「因便往三衢奉一首》,「未有少田」之「少田」二字,「因便往三衢奉中首》,其異文中之有訂補價值者,則出校於此首尺牘,即卷五十九《與錢世雄一首》。世雄乃濟此首尺牘,即卷五十九《與錢世雄一首》。世雄乃濟

「於」、原脱、據《七集·續集》、《外集》補。

六以下俱北歸

愧也。 也。 有一頌,親作小字録呈。 成不減王晉卿家碧香,亦謫 令子惠書,回答簡率,一一封内,必不罪 紫團參一板,●疑可以奉親故,不以微 欲得也。牋格甚高,想見風裁,回信 寫數紙,公可取一閱也。 而卓契順者,又可奇也。 謝,悚息之至。遠蒙差人, 幼子過相隨,甚幹事, 嶺南家家造酒,近得 某啓。近在吴子野處領來教,尚稽答 兩兒子曾拜見否? 勿示人,千萬! 一桂 寄惠白术,極所 無以答其意,與 固 凡百想有以 且不廢學。 居 佩荷契義矣, 香酒法,釀 一喜事也。 唯有 以尠爲 訓 蒙

> 以德者,敬遵用不敢忘。 數紙,高妙絕俗,想見謫居 録示訓詞,誨以所不及,此曾子所謂愛 書,雲升川增,可慕可畏,可歎可賀也。 後,又得迨賫來手書。今又領教誨 丹一丸,❸即時服之,下丹田 某啓。 去年海南得所寄異士太 幸 甚 ! 以 休休焉。 來, 幸甚 探 及 道 近 清 ! 數 人 及 著 詩 百 中

七

某啓。忽聞公有閨門之戚,悲惋不

「板」、《外集》卷七十五作「枝」。

萬

卷六獨立成篇,爲《答錢濟明三首》中之第三首。「嶺南家家造酒」至「千萬」四十六字,《七集・傳

「太清」、《外集》卷七十九作「大彤」。

四二七

四二八

幸也。 欲作慰 何堪 程 不能及也。 子哀疚難堪,惟當勉爲親庭節哀摧慕。 無 自與公相聚; 德 而 僅 賢淑令人 孺 疏 有 人生此苦,十人 相見。 也。 河●適 千萬恕察。 久同 惟深照痛遺,勿留胸次。 ·旅中有少紛冗,燈下倦怠, 公若枉駕一 若常不可居,亦須到潤 憂 患, 乍失内 (而九、結髮偕老、 某若居住常,❷ 至 金 助, 山 哀 令 又 與 即 殆 痛

八

知詩 歸 期 如季札者聽之,亦有以知君之晚節也。 日 災 ?,公閒居 起 某啓。 居 人窮而後工,然詩 退,併獲此佳寵,幸甚! 佳 勝。 難 人來,領手教及二 以遠 某此 ~涉,● 去不住滯,然風 語 須某 明 練,無衰憊 到真 詩,❸乃信 幸甚 遣 八水難必 人奉 比 北 又

> 約, 盡 言,⑥併俟面 與 、德孺 同 來金 陳 山 餘惟 乃 幸 萬萬 也 『自重。● 所 懷 未

6

易

九

獨吾濟明尚未,何也? 參寥落髮,張嘉父春秋博士 某啓。 得來書,❸ 乃 知 想必在 廖 ,皆一時慶幸, 明 旦夕。 略 復官,9 因

慰」, 原 脱, 據《七 集 續 集》卷六、《外集》卷七十 九

0

0 ·若」,原脱,據《七集·續集》、《外集》補

十改。

「教」,原作「作」,據《七集・續集》卷七、《外集》卷

「同」,原脱,據上二書補。 「公」,原作「叉」,今從上二書

盡」,原脱,據上二書補。

餘」,原脱,據《外集》補、

「來書」,原作「書來」,據《七集 續集》卷四、《外集》

卷八十改。 廖」,原脱,據《七集・續集》、《外集》補

順,臨 安在矣,吾濟明刻舟求劍,●皆可笑者也。 徐君之墓也。 等也。今録呈濟明,可爲寫於舊居,亦 愈勝 法嗣否? 州 其衣服爾。 夢幻,安以復服爲。 見參寥復服,恨定慧欽老早世, 時 也。 ',甚奇特,想聞其詳。 發,乃取 當載之其語録中。 舊有詩 至於其不可壞者,乃當緣 欽詩乃極佳,尋本未獲。 而焚之,蓋亦知其必厄於此 八首寄之,已寫付 聞兒子迨道 乃知 契順又不 小人 然彼 其 化 卓 能 掛 厄 於 視 知 有 契 劍 壞 壽 而 世

+

者否? 守 可。 決往常 霍子侔大夫言。● 告公令一幹事人與問當,● 如聞常之東門外,有裴氏宅出賣,❷虔 某已到虔州,二月十間 州居住,不知郡 如無 可居,即欲往真州、舒州 中有屋可 方離 '僦可典 此。 此 買 皆

> 뱎 蔀畢照,公豈久廢者。 爲猘子所齧,6尚栖遲田間。 物、哀痛至今。 往 若果可居,爲問其直幾何,度力所及,即徑 中始願也。 此事、與公杖屨往來、樂此餘年、踐《哀詞》 議之。俟至金陵,别遣人咨禀也。 塗中聞秦 張嘉 少游奄忽,爲天下惜 聞魯直、無咎皆起,而公獨 父今安在? 惟萬萬寬中自愛。 聖主天縱, 想 日 益 若遂 此 幽 不

**順作「有類刻舟求劍」。** 三十六《次韻定慧欽長老見寄八首》題下注文引此尺三十六《次韻定慧欽長老見寄八首》題下注文引此尺三十六。

0

- せ、《外集》卷七十九。
  ●「宅出賣」、原作「見出賣宅」、今從《七集・續集》卷
- 注文,今從。《外集》補。《外集》此八字爲正文。《七集・續集》爲●「虔守霍子侔大夫言」八字,原脱。據《七集・續集》、
- 「公」,原脱,據《七集・續集》、《外集》補。
- 「獨」,原脱,據《七集・續集》、《外集》補。

6

四三〇

邪

·吾子自有,老拙何爲者。●

神藥希代之

寶,理貫

幽

明,未敢

輕議,少留諦觀,俟從

+

望。 謝上元令姪,行見之矣。 當力言也。 未敢奉書,且爲致此意。 示諭孫君宅子,甚感其厚意,且爲多 劉道人若能同濟明來會,深所 王、范二君處,皆 裴家宅子果

+

如何?

居常之計,本已定矣,爲子由書來,苦

勸歸許,以此胸中殊未定,❷當俟面議

決之。

+ Ξ

某啓。 蒙示諭,昨日所得過矣。 思無

> + 四

者見臨,乃面論也。

妙啜見分,幸甚。 所問已得其端,

通

緩頰否? 不倦,日例見顧爲望。6

卷《與錢濟明》第十一首爲一文,此首在前。 此首尺牘、《七集·續集》卷七、《外集》卷八十, 與本

0

「定」,原脱,據《七集・續集》、《外集》補。

0 此首尺牘、《七集·續集》卷七、《外集》卷八十一接本 「者」,原脱,據《七集·續集》卷七、《外集》卷八十一

卷《與錢濟明》第十三首尺牘之後,爲一文。 「例」、《七集・續集》、《外集》作「烈」。

### 十五

然。 之,只今來閑看否? 燭試禱之。❶ 可來燔一炷香否? 家有 舊作郡 黄筌畫龍,拔 時,常以 濟明雖 舊 家居,必不廢閔雨意, 祈 「所藏畫,今正曝涼 丽 起 兩 有應,今夕 山 間,陰 具 威 凛

### 十六

矣。楊評事謾與一來亦佳,●到此,諸親知未聞治天下也,如此不愈則天也,非吾過少啜之,餘藥皆罷也。莊生云在宥天下,●專是熱毒,根源不淺,當專用清涼藥。已書無數,迨曉乃止,困憊之甚。細察疾狀,為即某一夜發熱不可言,齒間出血如蚯蚓

## 答廖明略二首以下俱北歸

而

已。

所

餉

無

留者,獨

拜蒸作

之魄,

切

?望止此

甚,雖欲忘世而世不我忘,晚節功名,直恐何啻蚊虻之過目前也。矧公才學過人遠露,●吾儕皆可慶,寧復戚戚於既往哉!安,復見天日。彼數子者,何辜獨先朝非復人事,置之,勿污筆墨可也。所幸平非復人事,置之,俯仰十年,相與更此百罹,

「燭」、《七集・續集》卷七、《外集》卷八十一作「燈」。

0 0

引文改。「云」,據《東坡紀年録》建中靖國元年紀事

<sup>「</sup>辜」,原作「故」,據《七集・續集》卷七、《外集》卷八「謾」、《七集・續集》卷七、《外集》卷八十一無。

<u>四</u>

迫不能就,惟深亮之。 念有以廣公之意者,切欲作啓事上答,冗蟻之微,尋已變滅,終不足道。區區愛仰,來免爾。老朽欲屏歸田里,猶或得見,蜂

\_

昏 蠆尾,吴越户知之,此非特兒子能言也。 政,謡頌藹然,至今不忘。 餘 聖主明 不能多書,悚怍不已。 事 0 衰 如日 陋之甚,惟有歸田杜門面 示諭 月,行遂展 極 過 堂,讀· 慶, 之悚 爲民除 衆論 汗 如 以穢,以 毗 此。 陵 更無 至 目 異

**與陳伯修五首**以下俱杭州

新歲,追慕摧怛,愈遠無及,柰何。未緣面辱書,承孝履如宜。日月如昨,奄换

慰,伏冀簡哀自重。不宣。

\_

承諭及,幸悉!幸悉!恕,不得不問。然已州罰訖,奏知而已。鹽官尉以阻節訴災,致邑民紛然喧

||以下俱惠州

甚 ! 天授。 使畿. 重 得喪毫末,本不足云,但 使手書,眷念之重,不減 千里,副士友之望也,秋熱,萬 不宣。 某啓。 甸,旋又移守解梁。 比日 今兹小試, 履兹暑溽, 久不通 已恨遲暮,惟 問問 起 愧 恨 居 疇 仰 伯 材 昔,幸 佳 深矣。 修平生厄滯, 用 勝。 不 萬 勉之一日 . 甚 ! 展,有孤 始聞 遠 時保 辱 出 車 幸

**竹翼龍哀貞**雪 刁宣

千里勞人,以致口腹之養,甚非所安也。 陋,凡百不能 厚意,然亦安所 脱粟連毛,遇 喪一庖婢,乃悟此事亦有分定,遂不復擇。 茅,爲終焉之計,獨未甃墓爾。 杜門絕念,猶治少飲食,欲於適口。 子已授仁化令,今挈家來 某謫居粗遣。● 稱 輒 也。 施之。 盡 之爾。 佩公高義,不忘于心。 筠州 扇子極妙,奉養村 矣。 時得書甚安。 惠示佳茗,極感 某以買地 行亦當作。 近 又 結

五

不復經心,亦自不能措辭矣。辱示清風堂也,幾於寂然無念矣。所謂詩文之類,皆 某近日甚能刳心省事,不獨省外事

石 徐得之書信已領、當遞中答謝也。 澤民高文,恨知之者少,公能援達之乎 歟?」只此便是東坡新文也。譚文之, 云 觀基 鄙意也。 方之瑚璉杞梓也,恨老爾,頗相歡否? 然竟無一 刻,幸 「孰使予樂居夷而忘故土者,非兹丘 也。 得榮 一字少 下臨大江,見數百里間。 新 居 觀,仍傳 答 在 一峰上,父老云,古白 來貺,公見知之深,必 之好 事 以 爲 柳子 美談。 南 也 厚 毛

**答陳履常二首**以下俱密州

各佳勝,披奉杳然,臨紙悵惘,惟冀爲時厚,即日履兹酷暑,起居何如? 貴眷令子别來仰佇日深。遞中首辱教尺,感服良别來仰偿日深。遞中首辱教尺,感服良

▶ 「謫」、《歐蘇手簡》作「閑」。

四三

調 頀

《光禄 誨字。 以 逐。 之可也。 何 年旱蝗,應副朔方百須,紛然疲薾,日俟汰 知風 幸 獲此 企仰 遠 菴二絶》,聊以寄欽羨之懷,一 政 承 (之多暇 2榮觀。 寄貺 讪 所須接骨丹方,謹録呈。 館, 詩 如在雲漢矣。 不獨以見作者之格 刻,讀之灑然, ,而高躅之難繼也。 因 如 風,不 聞 高 玉 笑投 É 密 輒 吝 連 和 足

與 于子 駿三首以下俱密 州

起居佳否? 公文學德度,宜在朝廷,久此 教,并新文石刻等,疾讀,喜快無量。 久不奉狀,方 深 愧 悚。 遞 中, 伏 辱 即 辰 手

> 之甚以 故及。 者未嘗 歲凶 民皆 外 遠 何 民 在 貧 也 敢 倒 爲 未緣瞻奉,惟冀以時自重。 樂。 ? 力 力 懸 行所愧也,如此 中也。 所無 然聞 某到 如之何者多矣。 況鄉井墳墓在 郡正 路蒙被仁 一年,諸 而己。 政 不宣。 忝厚眷, 況粗遣, 焉 不 然在己 ;計居 爾, 吏

柳 可不 之者絶少也。 惠詩文,皆蕭然有遠古風味。 但時獨於閑 也久矣。 郎 作,特未暇耳。 忝厚 風 眷, 欲以求合世俗之耳 味,亦自是一家。 處開 不 所索拙詩,豈敢措手,然 敢 看,未嘗以示人,蓋知愛 用啓狀, 近却頗作 必 目,則疎矣。 呵 不 小詞 然此風之亡 呵。 深 ●雖 訝 日 無 不 所

0 却 頗」二字,原脱,據《七集。 續集》卷五補。

節 州 前 光士抵 頗 壯 於郊 觀 掌 外 也 頓 所 足 寫呈取笑。 獲 而歌之,吹 (頗多。 作 得 笛 闋, 鼓 以 令 東

Ξ

若 識 立節 親 願 旦 夕 就 可 也 弟 强 也 歸 以 故 欲 踏 鯁 人 讀 南 某非私之也,爲時惜才也。 劉 告子駿與 , 吏事亦健, 君實頗知之, 餘人未 書 康 逐 格 强記辨 軍 辞 , 字 待闕,公若有以 召,幸先之,敢保 道 博, 純 差遺 文詞粲 故 , 收置門 友 劉 然可 處之, 恕道 稱 下 觀 職 他 原 也。 必 之 而

以

時自

與歐陽仲純五首以下俱徐州

無 去 既 歲 别 城 東, 日 苦 屢 賤 獲 事 陪 不不 從, 蒙 克 馳 益 問 既 慙 多 樂 負 亦

> 樂也。 量,蓋 某蒙 必 否? 河水一至,事 可 亦聞之。 庇 殊不 命窮所至感召,此 近詩數首, 粗 即 Ħ 遣, 知。 今方稍安,而 起 無不 彭門 居何 即 日 聊 ·有,中 本 如 從者 以 無 ? 破顔。 何 所在 見 間 夏 事 時 報 幾 秋之患未可 ·,徒有 復 餘寒, 殆者 足 除 得 以 審 數 藏 簿 仰 笑之 萬 矣。 拙 詠 萬

北。 乎 間 報 得 速,未及拜 ,不免調急夫 書,無恙。 曹河若 奏乞錢 伯 所費必多,而爲備不如先事之精 仲、 書,乞道 叔 可 與 彭城 弼 塞 夫爲夏秋之備, 昆 (使係 最 仲,各計 固 下懇。 處下 大善,不爾, 省 錢, 流 子 ;安勝。 沙水患 豈 由 暇 數 在 南 復 章 甲 倉 楊 都 卒之 皆 於 掾 也 不 東 時 行

聊復及之。 微 《言輕" 信 命 而 틴 仲 純 知我之深者,

五

Ξ

量。 近,書問 各安否? 企徒 深。 别 來 自 即日履此煩暑,起居 逾 傳 此 年, 舍 聞 可 國 車 奔走俗狀, 時 馬 相及矣。千 已到宛 未 臨 丘,相 何如 嘗 通問, 萬 喜 , 眷 去 順 慰 甚 時 愛 瞻 無

去春 寄 屢 辱 顧,

珍 重。

四

過海之行,妻子仍在陳學,幸略與垂顧。 崔度者,頃 年在 陳, 與 之甚熟。 今作

> 惜惠問。 近託 孫 伯仲 元忠附 兄 宛丘誰與往還,有可與語者否? 聞 監 書季默,今安在? 西 岸,已視事未?

因

風無

叔弼

與眉守黎希聲三首●以下俱徐州

門下, 仰。 酷暑,起居佳勝。 伏惟順時爲民自愛。 傾向已久,展奉無由。 修桑梓之儀,瞻望 某占籍 部 竊計 鈴 中,不 齋, 比 豈 獲 日 勝懷 俯 履 伏 兹

0 `原作「陳」,據《七集 續集》卷五改。 **案** 

書卷十一《眉州遠景樓記》有「今太守黎侯希聲」 之

1544

忘歸 特以 留 面熱,但差使南北,不敢自擇爾,何 想 士人之衆多,食物之便美,計公亦自樂之 了**,**雖 起 自私 也。某久去墳墓,貪禄忘家,念之輒 居 去歲王秀才西 滯 佳 留 丽 勝。 高步,士 른 承 然 朝 歸,奉 山 論 廷 未 水之秀,園 俯 厭, 徇 狀 民 必 圃 達, 欲,有旨借 鄉間之慶, 亭之勝, 1時復得 即 日 遠

Ξ

笑爲樂?

尚冀爲時自

重

景仁 勝 彭 悵 城 然 . 園 向 中。 自 便欲 墳 密 墓 赴 旦 將 一夕自 每煩戒敕, 任 赴 泂 以兒 中, 汴東去,逾遠 子娶 至陳 惟增感噎。 橋 婦 " 受命改 暫 風 留 問 堂兄 城 '; 可 差 東

與張嘉父七首

衆

意難允也,乞知之。

欲

葬祖

墳,爲諸房衆多,某既

不

敢果

決、恐

汝陰僻 會 渴深矣。 未期,千萬保重。 某啓。 阿,但 比日 都 起 下紛紛, 味閑, 居 不宣。 何 真衰 如 不遂 ? 病所樂 某凡 欵 奉, 百粗 别 也。 來 合 思

\_

僕 右。 也。 孟子所謂「心勿忘勿助長」者,此當銘之坐 後草書,雖不通他心,信手亂 少時 世人學道,非 公少年高才,不患不達,但志於存養 某啓。今日與嘉父道别,浩然笑僕 作 -《雜説 助 一首送叔 長也, 則 書, 忘 毅,其首云 亦有禍 而已矣。 醉 福

承過聽,見語甚重,不敢不盡 曷嘗觀於富人之稼者」是也 願 閲之。

此,遠到之福也。 爲郡守,未嘗不 多,爲吏卒所不視,有非 意。 某啓。 大寒大暑,囚人求死不 君爲獄 躬親按視。 吏,人命至 病而 獲 若能留 致死 重 者。 及 願 病 意 深 者 於 僕 加

而

五

手矣。 下 所能貴賤哉。 雖欲 某啓。公文章自已得之於心, 譬之百貨,自有定價,豈小子 不 聞於人,不可得。 「潛雖伏矣,亦孔之章。」 願自信 應之於 温温 不 疑 足

合符節 國,世未有知其説者,獨張安道嘗言之於 發老思。 神考,其疏,人亦莫之見也。 某啓。 ,非學識至到,不能及此。 西 借示 漢 首尤精 賦論諸文,遂得厭觀,殊 確。文帝不誅七 今公所論,若 仰欽!

必有豐年。

敢

以爲贈。

無人知。

譬如農夫,是穮是蓘,雖

有饑饉

仰欽!

某啓。

君年少氣盛,但

願

積學,不

四

六

四三八

益富。 之,然後爲得也。 千萬自重。不宣 僕以爲難,未敢輕論也。凡人爲文,至老, 何疑焉。 夜寒,筆凍眼昏,不罪 如富人之築大第,儲其材用,既足而後成 之言,則不容有所悔。 多有所悔。僕嘗悔其少作矣,若著成一家 肯盡談,微見端兆,欲使學者自求之,❸故 繳繞,竟亦何用。 會,多求之繩約中。● 尺,且審起居佳勝,感慰交集。 著述想 某啓。久不奉書,過辱不遺,遠 示諭治《春秋》學,此儒者本務, 。然此書自有妙用,學者罕能 惟丘 愚意如此,不知是否? 乃近法家者流, 苛細 |明識其妙用,❷然不 當且博觀而約取, 不罪 春首,惟 枉 教 領 又 日

> 所懷。恕之。不宣。 本,更與公擇一簡邀之,尤妙。人速,不盡 時,此會殆爲希有。然第一請公勿殺物 時,也。其決用初一日早離州,初二日晚必 其內。其一日人光州界,●計

百川學海本《樂城先生遺言》引文。「多」,原作「若」,今從郎本卷四十七《與張嘉父書》、

0

「求」,原作「得」,今從《樂城先生遺言》。「求」,郎本「惟」,原作「雖」,據郎本、《樂城先生遺言》改。

「二十一日」、《歐蘇手簡》作「二十二日」。

作「見」。

四三九

四四〇

昨日醉中口占,忘之矣。寫一首爲笑。早來宿酒殊昏倦,得佳篇一洗,幸甚

=

溪山 率往 藥石 與 亦收得。 之深至,仍審比來起居佳安。 得愈矣。 「傳燈録》,皆已領,一一感佩。 龐 毒也。 麻橋 知新 醫 近 乃爾秀邃 因 來 所看 屋近撰《本草爾雅》謂 龐家,住數日,鍼療。 往 歸家,領所惠書及藥,併荷憂愛 相 非鍼去之,恐作瘡乃已。 會。 螺 田 師 耶 ? 乃不甚佳,且罷之。 因視臂腫,云 店 看 田 龐醫 既 「熟接之,乃奇 至 曾青老翁須 尋如其言, 非風 境 《五代史》 物而多名也 上 氣, 蘄 遂 潘 水 相 乃 尉

> 別細奉書。 偕往耳。 四 見 劉 月 中 頌 乃 具 説 非久,太守處借人遣齎家傳去 到 此。 深深 欲走觀。 想季常未 遽 近得 北 公擇書云 行,當與之

四

立木,殊耽耽也。

柴炭已領,

感作

感作

東

坡

昨

日

Ī

五

某雖 流言以 君前,陰功必在君後也。 承 雄篇 竊 王 家人力來, 贊 誣平人,不得 食靈芝,而君爲國鑄造,藥力縱在 書示諭,當作 詠 一, 異 夢 及專人,并獲二緘。 證 無 成 賀 仙 折 呵 詩,切 三果,甚 損 呵。 也。 但 喜幸 累 弧 書聽 也。 之 及 切

從者 城 一大舸 祝 ? 「**,** 但 企 望 比 亦 西 日 可 日 日 起 居, 深 可 居 到後 畏。 矣。 佳 否? 相 承 臨 皐 度。 天 何 極 雖 日 有 相 未 決 間 近 **室** 可 或 萬 門 游 可 前 憇 郡

六

時

自

義。 否? 之聳然,使不 公屈,今乃特欲 欲借《 如許,告季常爲 春甕但不惜,不須更爲遺 《易》家文字及《 肖增 爲 我 重 帶來。 入州 矣。 (史記) 不 州 季常 知 中 恨 果 未嘗 也 索 能 大 隱 夫 命 爲 駕 聞 王 正

勝 羈 鄭巡 孤結戀之懷,至今未平也。 檢 到 領 手教。 具 審 到 家尊 數 H 履 前 康

七

秘之。 必得 更半 豈得 呵。 於所 率然 拜 聞 聞 年 與 示論 目 呈 功 道 此 疾 也 武 獨 夫 源 必 昌 送還 以 練 過 已差,茂木清陰,自 田 坐 近得李長吉二詩, 之,乃可出。 江 一,曲盡 無 游 人諸物已領。《易》義 狂 寒溪 先生, 利害 西 ,非老成人, 爲深憾耳 想秋 Ш 奇勝 録去,幸 末相見 可 殆 須 吾 渦 吅

八

餘

惟

萬

萬

順

時

自

重

或可 言者 便 聞 此 京 加 真 圖 何 師, 粉 上 示諭 此、更希爲深慮之、仍且密之爲上。 策 所不至。 飾 非 武昌 也 細事 云擅 然某 也。 去安置所 策,不 若大霈之後,恩 所慮,又 雖 勞營爲, 復 往 而 恐 來 居 無 於 好 坐 旨稍寬 别 事 常,然多 減 路 君 半 子,

四四四

稍不奉書,渴仰殊深。辱書,承起

九

常 奉訝 陳 字韻 雄冠之語,亦無人見。 所 老媳婦 佳 居 季 謂 勝 常要寫脊記, 詩。 禄 者,不知得之於誰 莫更要寫脊記 雖 醉時是醒時語也。 知 位, 新 云「一絶乞秀英君」,大爲 來 茫然不 居 亦如 漸畢 篇 非 與 · 知 工,甚 實語 季 欲 否? 醉中 常 與 慰想 "安有" 猶且 書作戲 寫 蒙不深罪,甚幸。 但有答柳二 -拜書道 吅 云。 呵。 望。 收 此 耳, 文武 執,庶幾 何等語也。 柳簿 數日 理。 愧 何名爲 一書云, 、宷寮, 悚, 云某 來 得 書 萬 真 君 居

> 此, 幾日。 的 П 若不 以傳授。 近者新闋甚 來,續以 餘惟萬萬自愛。 多,篇篇皆奇 布 聞 茶 臼 更 留 遲 公來 作 樣

+

受盡、 也 可 未易平反。 歲有成績,今又示病彌 謂 害脚 至 言,遂欲聞 辱 來貺 法 公之養生,正 師鸚鵡禪 且 公,何 喜 尊 也? 五. 涥, 如 雖使皋 通 全康 公養生之效 小子之圓 氣 毬 胸聽 黄門 覺

+ -

矣,又不欲便裹帽 當 去請見。 孫 巨 源 某告 之姪,甚 以 奉 季常不 謁 佳 士,兼 ,他必自去見公也 蓄 甚 烏 巾 盛 十餘年

數

日望

而吾三人者不

相聚

劇飲

、數日,爲

夜

季常入州,

但

可

惜

公擇將至,若不

争

訝

哉

想公必

不

以

介

意,不答最

妙。

可

耳

有人往

舒

五一

七

日

必

回

可

見

其

下獄 否 ? 去。 中 ,不知爲何事,私甚憂之,公聞 得 西 見報,趙二罷相 方多 一 好 官人, 此 君 非 州 却 細 取 了 事 勘,他 得, 叔 莫遂 稱 病 書 其 乞不 奮 已 詳 起 附

### + =

否?

又報舒亶乞郡。

閑知之。

義,至 過當 亦未易化也。● 者,視僕之饑 化不爲鷺鷥者,則恐未 審 公識之乎? 甚幸。 起 居 侯 一自割 恐未常聞,故及。 馬鋪行, 佳 過當 勝, 未間,萬 瘦 飽,如觀 想當 脛 ! 至慰 奉書未達。 鄉諺有云「缺 以 此 啖我, ! 萬 拊 何足 自 掌 越人之肥 至 重。 絶 能 稱。先生篤 慰 可 倒。 也。 謂 ! 間 缺 至矣。 口鑷子」者, П 答京洛 彼不 領來誨, 瘠耳,雖 鑷子者,取 知 過 相 於 節 然 以 風 知 具

#### + =

道矣。 去。 耳。 不容人如此快活,一枕無 之雄,非 居 佳 公無 聞 勝 别後凡四 故不 車馬早晚北 爲慰。 小 多 詞 ·覼縷。 / 柰我 也。 辱書, 又惠 何, 但 來, 新 豪放太過,恐造 吅 詞, 恐此 囬 領厚意 礙 o 句句警拔 書到日, 睡,輒 所 要 謝 亦 具 得 章 物 詩 審 之 寄 者

## 匹匹

酒隱堂詩》,當塗中抒思,不敢草草作。置中叠辱手示,并惠果羞,感愧增劇。

- 「亦」,原脱,據《七集・續集》卷五補。
- 暇和答。積壓債負,不遑也。人還,復謝。不宣」」。底本原校:此尺牘「一作「辱示詩,益深感歎,殊未

公是大檀越, 豈容復换牌也。一笑。

## 十 五翰林

如得 不外。 值出 右也。 幸。 善藥不離手。」此乃古人之要言,可書之座 見必笑也。 人,不覺劫劫過 蹇老知 公小疾 一,未見 劉莘老 頗有新 某局 會,何幸如之。 藥物 静菴 如聞公有意 事 也。 和 礻 中丞 子由同省,日 有彼中難得須此幹置者,千萬 雖平,不可 雖 事。 州 ·管閑事,最妙 僦居 清簡,而 日<sub>,</sub> ,授之廬 旦夕授也,黄安中龍 左揆已 入京, 勞 在 柳一已在此,一訪, 丽 忽。 蒲池寺,去此稍遠。 京輦之下,豈 無 出 簽,餘不 不知幾時可來, 夕相對,此爲 「善言不離口 補, 陳 八州,君 最妙 顔髮蒼然, 能 實 盡 有 代 知 報 厚 閑

十六惠州

欺我哉 也。 嶺。 於林 冒 莫作兒女態也。 出入,老劣不煩過慮,決須幅巾草 後,便覺三山 待甚厚。 之不足復道也。 陽羨,獨與幼子過及老雲并二老婢共 恩不貲,知幸念咎之外,了無絲髮掛 安,爲學日益,喜慰無量。 審 昧厚禄,負 知 所以云云者,欲季常安心家 下也。 近 到惠將半年,風土食物 躰 日 孔子云:「雖蠻貊之邦行矣。」豈 尊候安勝。 自數年 亦莫遣 惠 荷重 跬步,雲漢咫尺,此未易遽 自當塗聞命,便遺骨 在定日作《松醪賦》 還, |寄,決無成理。 來,頗知 人來 辱 擇、括等三鳳毛 得 彼彼 季 **軾罪大責薄**, 内 此 不惡, 吏民 常 外 鬚 手 丹要 居 書 髯 自失官 如 一首, 累 肉 吾 勿 相 處 幅 輕 相 渦 還

得來書 狀,大 沉墜 無異 託郡中作皮筒送去。 當撞 今寫 山 二子作 説,顏狀如四十歲人,信此事不辜負人也。 讀之三復,喜可知也。 狀一 宣。 讀 也。 也 破 寄擇等,庶 略 上布 事 軾再拜。 此 烟 詩 燈 **,**誠是。 了, 捧 子由 書云,老軀 騒 樓 下 水懸 項 也。 殊 腹 裁答,信筆而 羽 在筠,極安。 勝,咄咄皆有跨竈之興 (絶倒 以 破 三十仞,雷轟電散 長子邁作 發後生 然他未及。 章邯 也。 極 想黄人見軾 吾儕但斷却少年時 時也。 健,度去 今日遊白水佛 妙 書,紙 吏,頗 思 處 着 子由近見人 此 自山 死 者,與軾 盡 有 書,必不 鞭 ,未易名 遠在 中歸, 乃已。 父 了; 想 風 躍 跡

# 答毛澤民七首以下翰林

軾啓。比日酷暑,不審起居何如?

哉 ! 少也。 軾 子,特先識之耳。 頃 都 此 半,久乃自定,翕然稱之,軾豈能 之矣。至其品目 價,先後進相汲引,因其言以 世間唯名實不可欺。 衆,然求如足下閑暇 至今,悚息。 今時爲 一夫所能抑揚。 尚 承 事 也 示長牋 得一見否? 非獨軾如此、雖向之前輩 而況外物之進退。 敬佩厚賜,不敢獨饗,當出之知者。 辱 `見貺之重,不敢不盡。 及詩文一軸, 軾於黄魯直 高下,蓋付之衆 始誦其文,蓋 自得,清美可口者, 文者 文章如 至 此在 日 多 欲 信於世,則 、張文潛 金 一,可喜者 造物者, 丁, 亦 裁 玉,各有 疑 爲之 承不久出 口, 謝 信 不 輕 畫 決 過 者 因 定 非 非 有 實 亦 如 相 數 循 重

·辱示手教,伏審酷熱起居清勝。 見

再

四四六

諭 微不佳,奉答草草。 期之遠,某安得聞此言,感愧深矣。 ·某何敢當,徐思之,當不爾。 非足下 體 中 相

## |||以下俱惠州

堂記》。居夷久矣,不意復聞韶濩之餘音, 喜慰之極,無以云喻。● 和,必識此意。會合無期,臨書惘惘。 居之詳,又獲新詩一篇,及公素寄示《雙石 某啓。公素人來,得書累幅。 久廢筆硯,不敢繼 既聞 秋 起

暑,萬萬以時自厚。不宣。

四

此,某又已買得數畝地,在白鶴峰上,古白 子又授韶州 某寓居粗遣,本帶一幼子來。 仁化令,冬中當挈家來。 今者 至 長

> 何之。 者。❷ 聖主方設科求宏詞,儻有意乎。 今冬成,去七十無幾,矧未能必至耶,更欲 鶴觀基也。已令斫木陶瓦,作屋二十間。 以此神氣粗定,他無足爲故人念

#### 五

也。 有一書齋名思無邪齋,閑知之。 新居在大江上,風雲百變,足娱老人

六

某啓。 寄示奇茗, 極 精 圃 豐, 南 來 未

0 「云喻」,原作「示諭」,今從《七集・續集》卷

四。

6 0 此首尺牘、《七集·續集》卷四、《外集》卷七十六與本 「他」,原脱,據《七集・續集》卷四補。

此首在

此外但 始得 也。 絾 亦 而 時 藏之爾。● 復有 Ш 僧 逸 佩 民,可 荷 厚意,永以 與 同賞

矣。

乍冷,萬萬以時自重。

七

死罪! 聊,何以發此奇思,以自表於世耶? 來貺,傳之知音,感愧 窺其粗。 嗽,殆不可 秋興之作,追配騷人矣,不肖何 遇不遇固自有定數,向 '堪,强 作報, 之極。 滅 裂。 數日適 非 死 厄 罪! 苦 足 敬 窮 以 雍 無 佩

之所歎,❸乃今見之。 行役忽忽,不盡區區。

某啓。

張聖途來,稍聞

動 止 爲

慰。

退

大匠

旁觀

,愧汗深

熱,起居佳勝,登舟迫遽,不果造謝,益增 謝,以衰病疲曳,不給於力,愧悚而已。 某啓。 忝命假守,出於獎庇, 禮當 乍

與 何正通三首❷

補 留,然使徐之士子識文章瑰偉之氣,非 也 某又復西上,紛紛無補,甚愧 辱書, 承起 居佳 勝。 鄉 朋 校 小 友 淹

> 《外集》卷七十六。 「與何正通三首」、《七集・續集》卷五作「與何正道 '藏」,原作「去」,今從《大典》、《七集 續 集》卷

0

0

四

歎」、《七集・ 續集》卷五作「難」。

四 四

一四四八

## 答陳傳道五首杭州

比來起 以安全不肖也。 舟中倦暑無聊,來使立告回,●區區 出爲方面,此而不遇,復以 之憂爾。 然已得請,不敢更有所擇,但有廢曠不治 於供職,故堅乞一閑郡,不謂更得 人以書爲貺,禮意兼重,捧領惕然。 乍遠,唯千萬自愛。不宣。 某啓。久不接奉,思仰不可言。 居佳勝,少慰馳想。某以衰病,難 而來書乃有遇不遇之説,甚非所 某凡百無取,人爲侍從, 何者爲遇乎? 百不盡 煩 且 辱 劇。 審 車

|以下俱揚州

聽, 唐詩皆率然信筆,●一一煩收録,祗以暴其 非求合於世俗者也。 以近詩一册爲賜,筆老而思深,蘄配古人, 沂上,不果。佩荷此意,何時可忘。又承 宿而歸。❸ 又承傳道亦欲至靈壁,以部役 宋相别。王八子安偕來,方同舟東下,❷ 相厚如此。數日前、履常謁告、自徐 某啓。 衰 朽何所取,而傳道 幸 甚 ! 幸 甚 ! 昆 一件過 來

0

集》、《外集》。

<sup>『</sup>東』、《大典》、《七集・續集》卷四、《外集》卷八十一作「力」。

<sup>「</sup>率然信筆」,原作「縱筆」,今從《大典》、《七集・「至」、《大典》、《七集・續集》、《外集》作「信」。

短爾。 者,不唯有脱悮,其間亦有他人文也。 欲毁其板,矧欲更令人刊耶。● 當俟稍暇, 公過取其言,當令人録一本奉寄。 今所示 盡取舊詩文,存其不甚惡者,爲一集。以 某方病市人逐於利,好刊某拙文,●

暇,聞都下已開板,想即見之也。 以景仁丈世契不得辭。 某近絕不作詩,蓋有以,非面莫究。 此事,●故終之。 用兵利害之所在也。 文字,故爲此碑,謂富公碑也。 神道碑、墓誌數篇。 高才,非甚習不能工也。 虜使,頗能誦某文字,以知虜中皆有 某啓。❸ 知日課一詩,甚善。 碑蓋被旨作,而 昔年在南京,亦嘗言 欲寫呈, 聖俞昔常如此。 欲使虜知 又未 此技 某 頃 中 頃 誌 通 好 伴 有 文 原

> 集,古文留子由處,有書令檢送也。 李六丈文集引,❺得閑當作。 向

所

示

四

幸得竟覽,●不意餘生復見斯作。 審比來起居佳勝、感慰兼集。 訊,勞來勤甚。 某啓。久不上問,愧負深矣。 夙昔之好,不替有 諸新舊詩, 古人日 忽枉手 加 兼

- ·刊」,原脱,據《大典》、《七集·續集》、《外集》補。
- 0 《七集•續集》、《外集》。 ·矧欲更令人刊耶」,原作「敢令刊耶」,今從《大典》、
- 已見本卷上首尺牘之末。 十一有「某方病市人逐利」至「他人文也」七十一字, 「啓」字下、《大典》、《七集・續集》卷四、《外集》卷八
- 問僕此事」。 「亦嘗言此事」、《大典》、《七集·續集》、《外集》作「有

0

- ·李六丈」、《大典》、《七集·續集》、《外集》作「李公」。
- ·竟」,原作「敬」,今從《外集》卷八十。

四四四

一四五〇

間。 公議少伸也耶 由面談,惟冀厚自愛重而已。 處窮益勵,時 俗學衰陋 見近 報,履常 流孰知之者? 作者 作 傳道豈久淹筦庫者。 正字,伯仲介特之操, 風 氣 猶 用是占之,知 存 君家伯 仲

#### 五北歸

爲急。 也。 閒居 書,因家訊道區區。 宫觀之命,已過忝矣。 亦有 來 詩 承見教,想識此懷。 欲和數首,以 少 述作,何日得見昆仲稍 速發此 此外只有 履常未 介,故未 及拜 出之 歸 暇 田

# **答李方叔十七首**以下俱黄州

書,勞慰益厚。 無狀何以致足下拳拳之不某啓。 久不奉書問爲愧。● 遞中辱手

常年。 忘如 萬自重。不宣。 想足下閉門著述,自有樂事。 接,今雖已晴,下潦上烝,病 和談論,此又可羨也。 此。 雨 晝 比 夜不止 日 起 居何如? 者十餘 何時得會合,惟萬 日,門外 今歲暑毒 夫氣息而已。 間從諸英 水 天相 十 唱 · 倍

\_

無緣作字,時有一二,輒爲人取去,無以塞 文字,●須望鼎甲之捷也。 好事之意,亦不願足下如此 漢有善銅 銅 鏡,如漆色,光明冷徹。 秋試時,不審已從吉未? 出 白陽,取爲鏡,清如明,左龍 暑中既不飲酒, 癖好也。 背有銘 若可 以下 굸 近獲

**<sup>〕「</sup>以」、《大典》、《七集・續集》卷四、《外集》卷八十無。〕「書」,原脱,據《大典》、《七集・續集》卷四補。** 

甚曉,更閑,爲考之。 字應作「而」字使耳。 白 右 陽 虎 不知所 輔之。」●字體雜篆 在, 豈南 陽白水陽 「左龍右虎」,❷皆未 隸,真漢時字 乎? 如 也。

王文甫已與簡,令持前所留奉納矣。 相遠。承問及兒子,屬令幹事,未及奉書, 性,皆過人也。其弟名遹,字子敏,亦不甚 ,●或場屋相見。其人可與講論,詞 姪婿王適子立,近過 此,往 彭 學德 城 取

四

在,然僕以愚不聞過,故至黜 氣甚偉,雖 不肖,亦已 辱書累 數百言, 粗 識 反復尋 辱如此。 君子志義 味, 所 詞

> 改往修 問左右,當以亮察。不宣。 益其 復與往還慶弔,杜門省愆而已。 哀慕良深。 猶哀憐之,當痛加責讓, 疾 也 來, 引,愧悚 以盡: 便欲走詣,而自 餘 1 年。 愧悚! 今乃粉 以感属 承持制 謫官以來,不 飾 其意,庶 謹遣小兒 刻 甚苦, 畫,是

五以下俱翰林

雋壯,甚可貴也。 知之久,當與朋友共之。至於富貴,則有 某啓。承示新文,如子 有文如此,何憂不達,相 駿行狀,丰 容

卷七十《書陸道士鏡硯》引文作「俌」。 輔」、《大典》、《七集・續集》、《外集》作「俌」; 本書

0

0 右日」。 「左龍右虎」、《大典》、《七集・續集》、《外集》作「左月

此首尺牘全文、《外集》卷八十在上首尺牘「須望鼎甲

之捷也」句後。

·往」,原作「在」,今從《外集》。

信爾。照察,幸甚。 使志業益充,❶自當有獲。鄙言拙直,久乃命矣,非綿力所能必致。 姑務安貧守道,

六

會見,萬萬順時珍重。怱怱上謝,不宣。愧仰何勝。秋暑未過,起居何如? 未由某啓。久别,音問缺然。忽承惠教,

七

之傳,蓋妄也。信篭元不發,●却付來人。住勝。惠示狨皮等物,皆所不敢當,禮曹病之餘,豈任此責,愧悚之極。比日起居非君子直亮,期人之遠,何以及此。然衰幅,意貺甚厚,非所敢當。又蒙教以不逮, 、專人辱啓事長書,及手簡累

甚。未間,千萬珍重。不宣。右也。千萬恕察。知非久入京,見訪,幸蓋近日親知所寄惠,一切辭之,非獨於左

八

他 不可 不可 作 來 祖考而作者,皆未嘗措手也。 起居佳勝。示論,固 行 不 意,意盡於此矣。 獨 不報爾。 獨 某啓。 狀書墓誌者,獨以公嘗爲先妣墓銘, 應命。 不書不 疊 想必得罪左右,然公度某無 辱手教,愧荷不 其他決不爲,所辭者多矣, 作銘、誌,但緣子孫欲追述 悚 息 ! 識孝心深切。 悚 息 ! 近日與温公 င 然某從 雪寒,

●「充」,原作「克」,今從《七集·續集》卷六、《外集》

❷ 「篭」、《外集》卷七十四作「菴」。

+

必望有以亮之。少選,更令兒子去面述。

者,舉不敢下筆也。

憂患之餘,畏怯彌甚,

誌

而已。

至於詩賦

贊詠之類,但涉

文字

銘

少慰孝子之心,而某所不敢作者,非獨

晴,孝履安穩。

所示,反復思之,亦欲

有

以 乍

某啓。

昨

日

辱

不即

答

爲

愧

十

易 ! 固難 來人又立行,不復觀縷,悚息! 古人之事,復見於君,恨不能 如教,不罪! 某再啓。 不易! 阡表既 承遂舉十喪,哀勞極矣。 不罪! 與墓誌異名而 某暮 兼 悚 息 ! 助 歸困 爾。 同實, 甚, 不 此

悚汗不已。

飾,深非所望,

殆是益其病爾。

無由

往

前日所貺高文,極爲奇麗。

但

相粉

+

未 杜 盡 。問問 可期,惟千萬順時自愛。不宣。 門請郡,章四上 某啓。 别來辱 近 者 書,且喜體中佳勝。 雖 ,未允,方更請 獲屢 見,迫 於多 爾 故,不 某方

+

涯,朽鈍不能副其求,復致紛紛 某以 虚名過實,士大夫不察, 、欲自致省 責 望 逾

29 **T** 

一四五四

否? 重其不幸。 静 寡 過之地,以全餘年,●不 故人見愛以德,不 承示論,但有愧汗爾。 ·應更 知果得 虚 華 粉 此 飾 以 願

### 十四四

**歎耶**? 不暇也。 獨以禁令不得瞻奉,又以差館伴,紛紛殊 貺,慙感無量。 三日又無緣接奉,思念不可言。 某啓。 人還,不一一。 衰病疲曳,欲脱而不可得,❷可 前日辱 苦寒,諸況如何? 訪,客衆,不及欵話, 手教 常日 勝 不 爲 兩

### 十五

康公,晚乃歸。● 方叔能枉訪夜話爲别,甚簡,承起居佳勝。來日行香罷,又須一弔某啓。連日殿門祗候,不果致問。辱

幸。餘留面盡

# 十 六以下俱北歸

腐也。迨、過皆不廢學,可令參侍几硯。做,邈不可得。以此知人決不碌碌與草木同也。比來經涉世故,間關四方,更欲求其也。比來經涉世故,間關四方,更欲求其也。比來經涉世故,間關四方,更欲求其

「全」、《七集·續集》卷六、《外集》卷七十二作「餞」。

0

- 補。
  ・續集》卷六、《外集》卷七十四
- 「先」。「益」、《外集》卷八十作「立」。
  「益」、「今」、《大典》、《七集·續集》卷四作「立」、

十七七

某自 安所獲罪於天,遂斷棄其命,言之何益,付 晚節也。 之清議而已。 叔飄然一布衣,亦幾不免。 某啓。 恨不以一身塞罪,坐累朋友。● 不 訝 ! 比 憂患雖已過,更宜掩口以安 辱手教,邇來所履 不訝!● 純甫、少游,又 如 何? 如 方

## 與劉壯輿六首

勝。便欲造門,以器之率入山,還當奉謁。某啓。久闊,但有懷企,竊惟起居佳

謹奉啓候問,怱怱,不宣。

舍弟所作詞,當續寫去。人還,怱怱。當復云墓表,故别寫四大字,以備或用也。為君寫數大字。旋得來教及紙,因盡付爲君寫數大字。旋得來教及紙,因盡付爲君寫數大字。旋得來教及紙,因盡付不出見客,然疾亦不甚也。方令小兒研墨某昨夜苦熱減衣,晨起得頭痛病,故

Ξ

旦來枕上,讀所借文篇,釋然遂不知

集》卷六、《外集》卷八十無。 「某啓」至「坐累朋友」二十五字,《大典》、《七集•續

0

於後」句之後。 典》、《七集·續集》、《外集》附第十六首尺牘「必有覺典》,《七集·續集》、《外集》附第十六首尺牘「必有覺

0

一四五五

豈能及君耶 頭 痛所在。 曹公所云,信非虚語。 ? 然陳 琳

## 四以下俱北歸

故事,想不訝也。 皆辭之。 之重,理無可辭。 某啓。辱手教,仍以茶簟 敬受茶一袋以拜意。 仍寢來命,幸甚。 但北 歸 以來,故人 一爲貺, 此陸 宣公 所 契 銄

#### 五

後檢得舊本,改定數字。 詩文二卷並納上,後詩已 别寫在卷。

#### 六

某疾雖輕, 然頭痛畏風也。 承與李君

# 與潘彦明十首離黄州

捷也。 發此書,不復觀縷。 乞居彼,遂爲常人矣。 愛各無恙。 語,覺後惘然也。 别 某兩曾奉書,達否? 來思念不去心, 不見黄榜,未敢馳賀,想必高 已買得宜興一小莊,且 惟千萬保愛。 公必已赴省試。 遠想 起 屢夢東坡笑 居佳安, 眷

## 以下俱登州還朝

惠書。 暖,復蒙詔追,勉强奔走,愧歎不已。 行役無定, 承起居佳勝,甚慰思企。 久不奉 書。 至登 到郡 州 席 領所 緬 木

息 同見過,不果見,不深訝否? 來日若無風,當侵夜發去,更不及走 悚息. 悚

别。

詩,取笑。

四

五六

老

病還

朝,

不

爲

久

計

已乞郡矣。

何時

扁

辱

書,

喜

承

起

居

佳

勝,眷聚各佳。

四

亦

諸

君風義

也。

不

霏

不罪

1

舟

還

鄉,

過

舊

|棲,溷

亂故

人,旬日

而去,

毅 言令兄亦蒙惠書,冗甚,未及答。 舊遊,殆不勝情。 南、興宗、公頤,各爲致區區。 承太夫人 尊 候 如 餘 且 昨。 萬 申 意 萬 昌

 $\equiv$ 

自重。

如要偃息,且與打揲相伴,使忘遷謫之意, 向 牢 者流 落 事奉 落,非諸 君一 聞 , 往見之,諸 吴待. 君 相 制謫| 伴 ,何以度 居於彼, 事 與照 日。 管。 想不 雪堂 某 免

五

言之悵然。

大熱,千萬保愛。

往慰,惟冀節哀自重,以畢後事。 想江上,又聞 慕之餘,孝履且支持否? 某衰病懷歸, 丈丈傾逝, 久不聞 問, 「耆舊凋喪,可勝悽惋。 聞 方增 之,悲怛不可言。比日追 渴 仰。 忽領手字, 未 由 夢

知

六

否? 戴不 · 可 言。 郭興宗舊疾,必全平愈,酒 東 韓氏園亭,曾與葺乎?● 坡甚 煩葺治,乳媪 令子各計安,寶兒 墳亦蒙留 想 若果 坊 果 見 意 有 如 **碩然** 意

0 與」,原作「興」,今從《七集・ 續集》卷六。

五七

非 場 華 佳 灾 事 者 患, 者, 可 則不 以 且 小 喜 圖 足名也。 無 |示及, 事。 當爲 風 張醫博計安勝。 顛 作 不 名寫牌,然 少減 否?

遊,如 間,東坡不可 爲 何 再三申意。 親 必安,竹園復增葺否? 昔日 也。 令荒 僕暫出苟禄耳 願遍致此意。 茀,終當作主, 以上諸人,各 ,終不久客 與諸 君 塵

七

近 附 黄 必達。 比 日 孝 履 何 如

劉 衮 無 全 佳 父 思, 來 頗聞 緬懷昔遊 動 垆 慢慢 殊 慰 惘 想 而 念。 京 塵 及 衮

少

伸

伸

諸 意 故 乍暄,千萬節哀自重 皆未及書,必察其 暇

> 八 杭州

如舊。 彦明與故 傷,拯救勞弊,無復齊安放懷自得之娱也。 不 出守舊治,頗 奉書, 人諸公頗見念否? 切

惟

居

佳

勝。

老

凡

得 起

湖

山

一之樂。

但 拙

歲

災

九

臨

紙

惘

惘

新春,萬萬自重。

何

!時會♠

紙錢數: 衣服 凂,悚息 幾 兩 觸 兒子新 束 件 動 敢 仍 爲 厚鋪 煩長 佳。 悚 息 各爲老乳 薪蒭 者丁囑 恃眷 於墳前 念之深,必不 母 幹 任氏 酹 令剩買 作 燒 而 燒 化

四五八

仍復往還其間否? 來紛紛,徒有愧歎。 别 來不覺九年,衰病有加, 辱 ·書,感: 慰 無 量。 會合無期,臨紙悵惘。 知東坡甚葺治,故人 比日 歸休何日? 起 居 何 如 往 ?

# 答龐安常三首以下俱登州還朝

當求去,未知 去人、然亦不久作也。老倦甚矣、秋 作題首一篇寄去。方苦多事,故未能 《傷寒論》,真得古聖賢救人之意,豈 萬 傳世不朽之資,蓋已義貫幽明矣。謹當爲 枉書教。具聞起居佳勝,感慰兼集。 時自愛。 久不 爲問,思企日深。 何日會見。 臨書 過辱存記, 惘 惘, 惠 初 獨 惟 便付 決 爲 示 遠

送杭州開板也。知之。 傳後有幾。念此,便當爲作數百字,仍欲 人生浮脆,何者爲可恃,如君能著書

#### <u>=</u>|翰林

鼻,皆水之所升降出人也。● 手、足、外腎,也。兩腎、兩足、兩外腎、兩手、兩目、兩此理也。 人之四肢九竅,凡兩者,皆水屬也。 故《太玄》:「罔、直、蒙、酋、冥。」罔爲也。 故《太玄》:「罔、直、蒙、酋、冥。」罔爲二、蓋萬物之所終始,生之所出,死之所入二,蓋萬物之所終始,生之所出,而腎獨有二,蓋以

■ 「所」,原脱,據《外集》卷七十二補。

四五九

一四六〇

言也 以 筆墨究也。 理推之,此兩者其液皆鹹,●非水而何。 群書,又善窮物理,●當爲僕思之。是否? 朱砂、神麯佐之,豈 目安得不明哉。孫思邈用磁石爲主,而以 下泄,心氣下則水上行,水不下泄而上行, 而 以心火暖之,以脾固之。 爲不得此理,則内丹不成,此又未易以 報。某書。 , 豈亦有之, 而 固 與 腎相表裏,而 古人作明目方,皆先養腎水, 僕觀書 此理也夫。 鼻與目,皆古未 少不見耶? 脾氣盛則水不 安常博極 僕 以

## **興王元直二首**黄州

溉 百粗 審 比 (,須數 遣 日 黄 州 起 江邊弄水挑菜,便 真 居 人下 在 何 井底。 如 · 獄 得罪。❸ 郎 娘各 杳 不 過 安 聞 方 否? 鄉 朝廷 一日,每 或 信息 綜 此 核名 見 中凡 不

> 瓜子炒豆,不知當復有 實 往來瑞草橋,夜還 里,得欵段一僕,與子衆丈、楊宗文之流 廢 詳示數字。 忽,使我至今酸辛,其家亦安在 棄 雖才者猶不堪其任,況僕頑鈍 固宜。 餘惟萬萬保愛。 但 猶 有少望,或 何村,與 此日 君對坐 否? 聖恩 ? 如 許 莊 存 此, 門 道 歸 奄 喫 田 其

#### — 杭 州

愛各康勝。某與二十七娘甚安。小添、寄別久思詠、春深、不審起居佳否。眷

- ♥。■「其液」,原作「豈腋」,據《七集・續集》卷四、《外集
- )「須數人下獄得罪」、《外集》卷八十作「須教人不欲得)「又」,原作「而」,今從《外集》。
- ) 「宗文」、《七集・續集》卷五作「文宗」。罪」。

方耳。不煩遠憂,未緣會聚,惟冀以時所疾久矣,然捃摭無獲,徒勞掀攪,取笑四宦寡悰,思歸未由,●豈勝恨恨。某爲權倖起,思歸未由,●豈勝恨恨。某爲權倖叔並無恙。新珠必甚長成,諸親各安。旅

## 與王文甫二首 黄州

歎。計公聞之,亦凄然也。 湖,與公扁舟往來,而事與心違,何勝慨 至汝。勞費百端,勢不得已。 發,沿流入淮,拆汴至雍丘、陳留間,出陸, 決矣。見已射得一舟,不出此月下旬起 君恩至厚,不可 汝州,比欲乞依舊黄州住,細思罪大責輕 ,治行殊未集,冗迫之甚,公能兩三日間 見訪乎? 數日,不審尊候 至 望 ! 礻 奔赴。 何如 至望! 數日念之,行計 ? 甚有事 本意 前蒙恩量 元弼 終老江 藥並 欲 面

> 煩差人得否? 書,乞便與送達。 三五日間,買得瓷器,更

||登州還朝

其間。 意。 可 或能爲人石安溪,❷亦佳,不然,寫放壁中 乏力,而潘二丈速行,略奉此數字,殊不盡 酷暑,體中佳勝。 也。 《西山》詩一册,當今能文之士,多在 多時不奉書,思仰不去心。 並拙詩親 寫 數 與鄧聖求詩同納 日,以伏暑下府,初 比日 履 安

「未」,原作「末」,今從《外集》卷七十三。

0

- 七十一。
  七十一。
  七十一。
  七十一。
- )「放」、《外集》作「故」。

# 蘇軾文集卷五十四

牘

尺

與程正輔七十一首●以下俱惠州

深矣。 冀萬萬以時自重。 不久東按,儻獲一見,慰幸可量。 問,侯長官來,伏承傳誨,意旨甚厚,❷感怍 某啓。近 比日履兹新春,起居佳勝。 聞 使筛少留番禺,方欲 謹奉手啓。不宣。 未間,伏 知車騎 上

老兄來,頗有佳思。 某再啓。 竄 逐 海 昔人以三十年爲 上,渴 況 可知。 ❸ 聞

> 此,令人悽斷。 弟近得書云,在湖口,見令子新婦,亦具道 行? 若巡按必同行,因得一見,又幸。 得安問。 望也。其餘區區,殆非紙墨所能盡。惟 愛,不責末禮而屈臨之,餘生之幸,非所敢 老兄到此,恐亦不敢出迎。若以骨肉之 辱,良以近臣得罪,省躬念咎,不得不爾。 日,●便杜門自屏,雖本郡守,亦不往拜其 然亦有少拜聞。 世 萬照悉而已。 ,今吾老兄弟,不 八郎、九郎亦然。令子幾人侍 德孺、懿叔久不聞耗,想 不知兄果能爲弟一來否? 某獲譴至重,自到此 相從四十二年矣, 頻 千 旬

<sup>0</sup> 篇,今分爲二首。 「一」,原缺。 本卷原第四十三首尺牘,爲兩首尺牘合 參本卷第四 十四 首尺牘校勘記

<sup>「</sup>旨」,原作「指」,今從《七集・ 續集》卷七。

<sup>·</sup>日]下,原有「外」字,據《七集·續集》、《外集》删。 渴」、《七集·續集》卷七、《外集》卷七十六作「諸」。

極。 爲樂者否? 園亭,德孺所治,殊可喜。 方按行此邦, 豈勝繫望。 某啓。 比日履兹春陽,尊體佳勝。 專人至,承賜教累幅,感 未披奉間,更冀若時保練。 韶州風 但不知有可與 知春夏間 物甚美。 慰 兼

陳區

區。

人還,手狀。不宣。

言。

方欲遣人奉狀,遽捧手

教,感愧兼集。

某啓。

數 日

聞 使 斾

來

此,喜慰

不 可 五

比

目

涉履風濤,起居佳

勝。

旦

日瞻奉,併

不宣。

四

有一賦,閑録呈,以發一笑也。 此有期,當預醖 法,絶奇,色香味皆 把蓋,積計不過五 某啓。 老兄 也。 近 銀 日 疑 向在中山 酒量如 於官 盞 爾。 1法矣。 何 ? 然近 ,創作松醪, 使施· 得 弟 終 來 釀 日

六

兒去舟次也。❸ 愛之深,必不責此,然愧悚甚矣。 軾深欲出迎郊外,❷業已杜門,知兄知 知十秀才侍行,喜得會見。 專令小

脱、據《七集・續集》、《外集》補。 ·德孺懿叔久不聞耗」至「感服不可言」六十一字,原

献深欲」,原作「某深欲」,據西樓帖改。

「去」,原作「走」,據西樓帖改。

卷 五十四

七

不及别奉書。 軾再啓。❶

昨 日辱臨 , 欵語傾盡, 感慰

,敢不拜賜。 經宿起居佳勝。 少頃面謝。 所貺皆珍奇,物意兩 人還,不宣。

九

兒子過令幹少事,●未及拜狀。輒已和得 誠,深慰所望。❷ 某啓。 兩甥

未暇别書,悉之,悉之。❸

相聚多日,備見孝義之

深

《白水山》詩、録呈爲笑。 數句,同附上。前本並納去。 椏」字,蓋攀例也。 呵呵。 ⑤ 並亂做得《香積》 「啞」字輒用

某啓。謫居窮寂、誰復顧者。兄不 惜

八

然也。 恙,不煩念及。未參候間,萬萬若時自重。 廣少留否? 可忘。别後不免數日牢落,竊惟尊懷亦 數舍之勞,以成十日之會,惟此恩意, 但癡望沛澤北歸,將復會見爾。 比日起居何如? 某到家無 如 悵 何 到

悉之」疊字,原脱,據《七集・續集》補。 深慰所望」四字,原脱,據《七集·續集》卷七補。 軾再啓」,原脱,據西樓帖補。

·啞字」至「呵呵」十二字,原脱,據《七集·續集》、《外 過」,原作「適」,據《外集》卷七十六改。

不宣。

四六四

區區不宣。 某與兒子如昨,不煩 近耗未? 歲暮無緣會合,惟冀若時珍練。 嘗,不多啖也。 即不識也。 賜教,並寄惠柑子,此中 但十有一二壞爾。 近檢法 比日還府以 行奉 念及。大郎、三郎有 書,未 雖 來,起居佳勝。 有,似此佳者, 達間,伏蒙 謹 如教略

十

也。 附上也,只告不示人爾。 首,不知老兄要録 某喜用陶 和 韻 示《香積》詩, 作 何者? 詩, 前 稍 後 間 蓋 真 編 有 得 四 淵 成 Ŧī. 明 + 軸 體

不已。 天末 苦痔,殊無聊,杜門謝客,兀坐爾。 然終無益,●惟日遠日忘,爲得理也。 康勝。 國自愛,早膺北 某啓。 流離之念 老嫂奄隔,更此徂歲,想更悽 仍示佳句五章,字字新奇,歎詠 忽復殘臘,會合 也 歸殊寵。不宣。 急足回, 辱書, 無緣,不 具 (斷, ● 某近 審尊 能 無

體

+

安之。● 未説妙理達觀,但譬如元是惠州 某覩近事,已 絶 北 歸 之 望。 然中 心 秀 甚

- 終」,原作「知」,今從《七集·續集》卷七、《外集》。 原作「加」,今從《外集》卷七十六。
- 心」,原脱,據《七集·續集》卷七補。

四六五

一四六六

子由一書,告早人皮筒,幸甚! 幸甚! 苦痔無情思爾。惠黄雀,感愧! 感愧!和,❶韻嶮又已更老手五賡,殆難措辭也,亦才,累舉不第,有何不可。知之免憂。詩屢

### 十四四

未間,更乞爲時自重。不宣。到否? 新年不獲奉觴,惟祝早膺召命。無異鄉之歎,不審兄諸況如何? 子舍已無異鄉之歎,不審兄諸況如何? 子舍已

#### 十 五

來相看,過筠,帶子由一書來。他由循州碑文,達否? 成都寶月大師孫法舟者,遠故未和近詩也。郡中急足,有書並顧掾寄故是,近詩也。郡中急足,有書並顧掾寄献近以痔疾,●發歇不定,亦頗無聊,

行,故不得面達。今附上。軾再拜。●

### 十六

等 高 深。 業。」此事不獨今人不能,古人亦自少也。 也。 意,故遂不作一字,惟深察。吾兄近 筆,不但作而 近有書,深戒作詩,其言切至,云當焚 起居佳勝。 工,孟德有言:「老而 ·絶,●每篇乃是一論,屈 且聞有北轅之耗,尤副 某啓。 前後惠詩皆未和 人來,辱書。 至孝通直已還 不出也。 非敢懶 能學,惟吾 不忍違其憂愛 伏承履; [卑望。 左右,感慰良 滯他 也。 兹新 與袁伯 蓋 作 詠 砚 詩 史 子 絶 益 之 棄 由 旬 詩

0

高絶」,原作「絶高」,今從《七集·續集》卷七。

<sup>「</sup>和」上、《七集・續集》、《外集》卷七十六有「欲」字。

<sup>) 「</sup>軾近以」,原作「某近以」,據西樓帖改。

❸ 「軾再拜」三字,原脱,據西樓帖補。

萬 未 爲 拜 時自重。 命 問,頻 不宣。 示數字,慰 此 牢 落。 餘 惟 萬

#### 十 七

來。 本司邸吏分明付之,邁必 令長子邁來此指射差遣,因挈小兒子房下 但未有佳處,當徐擇爾。 衙,亦非久安之計,意欲結茅水東山上,❸ 頗佳,❷痔疾亦漸去矣。兄去此後,恐寓 珍奇,●物意 今有一書與邁, 輒已 不 罪 ! 寄貺酥梨、猫笋、五味煎、 次子迨,且令試法赴舉也,恐欲知 兩 **越再拜。** 重,感佩無窮。 已到都下也。 姪孫既喪母,當 )作兄 軾近來 榴棗等北 封 題,乞令 眠 食

得

#### 十 八

猛烈,人 露宿 茅竹皆不可得,一壺千金之時,黄燾擘劃 博羅 公私蕩然。 竹 殊賴之。 無 緣 某啓。 三萬竿往濟之,極可佳。 沙灘,可 正月一日夜,忽失火,一邑皆爲灰燼 人力不加, 衆所知也。 自 達,不免僭言,不罪! 林令在式假,高簿權縣。 不知 本州 知 ! 今歲 黄 可知!❻ 燾 舉削能 推 官, 百姓千人,皆 及之 實甚廉幹, 蓋屋固未能 火後事 不罪 否? 颶 極 風 孤

進

中

0 乃殘篇。 「軾」,原作「某」,據西樓帖改。 寄」上,原有「某啓」二字,據西 「酥」,原作「蘇」,據西 樓帖删。 樓帖改 疑 此則尺牘

- 「上」,原脱,據西樓帖補。
- 「下」,原脱,據西樓帖補
- 軾再拜」三字,原脱,據西樓帖補。
- 可知」二字,原不疊,據西樓帖 補。

四六七

不罪! 易。 東本 坐此。 欲裁答,爲連寫數書,燈下目昏,容後信 案,附來人去此文字。 受賜矣。又,起造物料,若不依實價 官拖延也。 黄推官提舉點檢催促及覺察科配。 行科配,則害民又甚於火矣。 之類,及存撫被災之民,彈壓寇 黄燾有一申狀,爲催促廣州檢曇 州,或更關牒漕司,依實支破,或 令有心力, 願兄專牒此子,令修 不罪! 至孝通直蒙惠書,極於感慰,深 六郎 可 亦蒙問及,不殊此意。 蓋廣州不應副 他 在 復 式 願兄 公字、 假,自 賊 幸恕 嚴 和 則 二; 非 穎 專 切 買 小 不 也。 本 公 僭 委 約 民 庫 而

伏

### 九

生,往往畫不成。 正輔要墨竹 候有佳者,當寄上也 固 不 · 惜, 爲 近 年不 畫

舟來,子 昨,北徙已 寶月已化 自 書 ! 惟尊體 重。 某啓。 惘 可 惘。兄北 喜 由 冗中奉啓,不宣 住勝, 矣。 絶望,作久計 有 近 書並 因 開歲忽將 舟 甚 眷聚各 歸 人來,附狀, 劉 ,别得近 一佳士,語 朝奉書,今附 康寧。 矣。 月, 耗 必達。 寶月師 論 瞻奉 否 某 通 ? 凡 貫, 舟 無 惟 孫法 比 百 去。 口 萬 如 日

萬

臨 喜

萬節哀自重。

幸恕簡略

集。 州急足還,辱手教 欲繼作,不惟高韻難攀,又子由及諸 某啓。 寵示詩域醉鄉二首,格力益 近 鄉僧 ,且審起居佳勝 法 治舟行. 狀 清 必 感慰交 茂。 達 相 深 惠

日聽召音而已。餘惟萬萬若時自重。二十首寄上,亦乞不示人也。未由會合,兄欲寫陶體詩,不敢奉違,今寫在揚州日切,不可不遵用。空被來貺,但慚汗而已。皆有書,痛戒作詩,有說不欲詳言。● 其言甚

## +

歸闕,此人疑不當遺也,故略爲記之。 晉叔,實佳士,頗有文采氣節。 有肉蓯蓉,因便寄示少許,無即已也。侯 少許,並香篆一枚,頗大,謾納去,作笑。 授,豈到闕當留乎? 求外補。惠及佳麵,感怍。 温平行氣藥爾。 慶慰。 反復尋究,此至言也。 不 罪 ! 承服温胃藥,舊疾失去, 德孺書信已領,尚未 兄亦歸覲爾,何用 適有河源乾菌 拙恙亦當 恐兄不久 聞 伏 不 更 所 服 惟

#### 二 十 三

化緣。● 老兄及子由各出十五千足,●某亦得。● 稍加葺築,作一放生池。囊中蕭瑟欲也。海會院東旁有一陂,●詰曲群山間,長也。海會院東旁有一陂,●詰曲群山間,長也。海會院東旁有一陂,●詰曲群山間,長少懇冒聞。向所見海會長老,甚不易少懇冒聞。向所見海會長老,甚不易

「十」、《七集·續集》卷七、《外集》卷七十六作「千」。「有説不欲詳言」六字、《外集》卷七十六爲正文。

「毎會完東」,原乍「完」,東《免季堂寐남》甫。「令」,原作「今」,今從《七集・續集》、《外集》。

「屬百姓見説數十千可得」十字,《外集》爲「海會院東」,原作「院」,據《晚香堂蘇帖》補。

Ē

「説」,原作「欲」,今從《七集・續集》。

帖》改。「蕭瑟欲化緣」,原作「已竭輒欲緣化」,據《晚香堂蘇

「各」,原作「齊」,據《晚香堂蘇帖》改

何? 没用 不罪 竭 力 ! 成此 處,動猶欲作 韯 再 事。 7拜。● 少 如 所活鱗介無數。❷ /有爲 可,便乞附至,不罪! 功德 ,不知兄 意如 老大

## 十 四

其自在出入,則所活不貲矣。池,但牢築下塘,永不開口,❸水漲溢,即聽歲終竭澤而取,略無脱者。 今若作放生 此中湖魚之利,下塘常爲啓閉之所,

## 二十五

甚渴一見也。某到家無恙。乞不賜念,惟兩日。尊候必佳健。十郎侍行不易,六郎甚悽斷,亦不可言也。旦夕到廣,想不留甚麽。往還接奉,其樂無量。既别,

萬萬爲時自重。不宣

#### 二 十 六

讀訖,便毀之也。之微酸,不敢寄去。二詩,以發一笑。幸也。且速發此書,不周謹,恕恕。家釀,嘗也。且速發此書,不周謹,恕恕。家釀,嘗

#### 一 十 七

未易遽數。本州申漕司,乞支阜民監買糞某啓。老兄留意浮橋事,公私蒙利,

❶ 「成此一事」,原作「共成此事」,據《晚香堂蘇帖》改。

③ 「大」,原作「人」,今從《晚香堂蘇帖》。

「無數」,原作「數萬矣」,據《晚香堂蘇帖》改。

0

「ロ」、《七集・續集》卷七作「江」。「軾再拜」三字、原脱、據《晚香堂蘇帖》補。

1578

罪 但鄧 冬有覆溺之憂,太守見禱,故不忍默 成之矣。告與一 土錢,若蒙支與, 君肯管,其工必堅久也。不罪 仍乞密之,勿云出於老弟也。 言,某不當僭 則鄧道 士 者可 管。 以 但目見 力 募 也。 緣

## 八

祖 已附 爾。 直欲 所要書字墨竹, 丹 聞 砂 别 謝 事録呈。 以 已 成否當續 無異者,方欲邀來郡中欵問也。 某前 也。 領,感愧之極。 此 砂 日 六郎、十郎各計安,未及别書。 試煮煉,萬一伏火,亦恐成藥 留 不一一。 布 博 固不惜, 聞。 羅 頃得七哥書,●遞 日, 某於大丹未明了, 徐寄去也。 再 見鄧 道 士,所 續寄

#### + 九

此。 靖。 視覽。 安便,知愧! 自重。 未由 某與幼子亦如昨。 某 即 近 不宣。 因 面 日 宜興回人卓契 謝 起 知愧 居佳 臨 紙悵 勝, 非兄 仰。 老 遷居已 (順者奉: 嫂 巨 乍 諸 一庇,何 暄 八日,坐 姪各 一,萬 狀, 以 計 萬 想 得 康

### +

國

不 用 成,公私皆病,敢望留意。 修橋,未蒙指 某啓。 本州 揮。 近 申乞支阜民監 告 與漕 使一 近 又體 言, 問 此 土 得 橋 錢

集》卷七「頃」作「比日」。 頃」,原作「領」,今從《外集》卷七十六。 《七集

0

間,極 責俗 事俗· 言哉 即 弟 其 兄 本 以 而 "劣弟! 亦 本 弟 都 過 書與詹守, 不 之情 無 吏 心 吏所忽,莫教 不 本 此,詹亦 但, 緣部 居此不安矣。 輕 ,非老兄才氣,常欲 恕 某 不 聊 一發也。 州 得 惟 罪 不 只云指 生。 幸甚。 轄,靡 費 罪 可隱 軍 耗 居 知 然千 其 稍假 , 此,豈 故具 懼 生出 軍 多 所 餘 使藍生經 厲 闕 人 此 不 即 借 告老兄作 萬密之。 精 數十 爲,公私 因 分别 誉 敢 散 之, 事,即 也 此窘 房, 紙 僭管官 居 追 令 盡 冒 過 市 配 年 急作 聞 廉 若少 積 井 古人 之害 ----悔 力 弊, 無及 事, 得 手 間 過 漏 爲 書 或 即 難 萬 但 可 賃 共 妙。 也 更 劣 以 亮 此 勝 又 屋

其 五 間 餘 有 至三百。 只 誉 本 在 州 房 管六頭 民 者 間 皆 其 賃 兩 間 項 屋 兵,却 人 賃 散 官屋 住 住 **,**每 者 間, 貞 半 即 出 無 頗 於月 賃 誉 不 房 房。 聊 糧 錢 錢 百 其

揮 處 本 遭 清 州、信州三處,差來 人 量 錢,不過千緡, 擘 此 此 博 軍 買足之。 恐難爲足用。 妻 内 水,軍 矣。 及 州 化一指揮, 闕少營房,多在民 ,先行文字下本州 劃 ,非今官吏之過 緣 踰 刻。 少 知 違 緣 磚瓦,官自燒,林木亦可下縣 此 無 州 約度大略, 營房 誉 犯 此 人家 急即 官 度三百間瓦屋,每間 職官 貧乏, 房 姦者衆, 中 又阜民 數 指 累,難 逃 雖 見今若干兵 都 此 揮 目 走 又 有 監 蓋 事 都 廢監 少三百來間 也。 遠 作 子細 營房一二十間 《客軍" 爲 掠 可了。 作訪。 細 將 間 賊 房 方 存 亦 錢 畫 賃 更不 上 問得,數 勘 活 民 者, 下 各無營房。 居。 居。 土 ,深爲不 會,逐一 有 願 不 聞 開 自 . 得 賃 木 無 ·安居。 兄與 擅 又廣 惠 可 具。 好 人,從 屋 植 繇 如 州 用 + 屋 採 一<del>,</del>此 此。 部 又每 漕 若 指 便 年 自 州 斫 具 來 貫 來 又 不 干 揮 本 司 外 來 與 州 省 重 指 去 年 泉 軍 商 官 如 如 惟 令 飲 只

切

致

司

目 公私 皆荒 内 的 若 斫,及相 以 用 瓦 廢 合於何 告 便 稍 錢 供 剗 確 日 採 材 阜 磚 合與不合遷 吾 申。 有 數 並 差 茅 料 良 四 支 斫 瓦 屋 然 兄 意 撥 Ħ 無 兵 地 材 監 處 人 五. 豁 材 [度添] 此 外 起 數 除 若 妨 士 木 百 供 ,雖有主,百姓自來不 料 地 係 之患 事 害。 一數十人,專留 造營房。 供 似 去 位 貫 申 外,仍更 人 置瓦窑,差兵匠燒變。 提 積 申 () 思量 可與 處,兼見差是 此 工錢數,先將本 責 轉 仍於本 移,如合遷移 葼 弊 此 行遣 則 此 提 和 久 外只 不可遷就 於監 具 舉 及清 中 此 矣,非今官吏之過。 度。 一<del>,</del>料 管下縣 事 司 州 官吏,萬 具合支官 司諸公,豈得爲 充燒瓦之用, 化指 得 錢 應 未 若不 何 不 有 物 係 , 即 分,有 人,如 揮 誉 過 州 仍 具 諸 ·採茅, 稍處 年 |房指| 支 若 般 中見 約 見 今 轉 本 干 錈 有 來 何 無 度 车 揮 萬 運 錢 州 物 於 官 採 磚 可

屋

事 者 須 件 1此子甚 專 如 如後 差 以 勤 卑言 幹。 精 幹官吏來 「爲然,」 同幹之。 及 今 且 此 漕 司 與 商 體 權 量 問 都 得 監 得 王 逐

約

即 告

不可 當爲瓦屋。又本營逐年多 官屋二十間。 度,合如何疏理溝瀆或築防,令軍人安居 房,不外住。然皆是 住。 不遷,若遷於廢阜監,極爲 、清化 一、本州管澄 及年年 見有 指揮見管二百三十人,只有 遭 水 海 及地 五十五 廢茅屋 兩 指 僻遠,並 揮, 人兵級,在外賃 有水患,亦當 ,常憂火燭, 禁 穏便。 軍 無 皆 有 相 亦 誉

官屋 兵級,見賃屋 四十間,二人共 一、牢城指 住 揮 見 一間。 管二百六十人,只有 外有三十六人

有 官 屋 、泉州 間,餘並賃屋 客軍一百 住。 五 人,並 無 誉 房,只

、信州 客 軍 九十六 見 管 誉 房

一四七四

七間。

衆,不可不爲動心。 食,以此不肯賃屋居住。 州都監及場務地分窠坐,故只於窠 無營房,纔有病 添差,不曾與置營房。 廣 州客軍 患,易得失所,是致死 九十人,元 此等客軍 然體訪 因岑探 得 客軍 坐 多 處 在 反 既 後 知 宿

言也 此 盗所窺,又若營房不立,軍政 大姦生心乎? 願安帖。 而皆已獲,不爾豈細 與王約 ,亦勿令見。若人知其自劣弟出,大 江海之間,寇攘淵藪。 與指使藍生語,覺似了了, 然此本乞一 者同幹 如惠州兵衛單 此孤旅之人,所以 否? 故 詳覽,便付火, 不揆僭言,非兄 哉。 事,了 魔壞,安知 謪 近 無 居 日 灬城郭, 之人 鹽 可 輒 賊 雖 令來 貢 無 只 縷 姦 幸

> Ξ + -

昨。 達。 馳結,尚冀保練,姑慰願言。 可 厭,曲江 比日 某啓。 筠州時得信,甚安。 履兹炎燠,尊體 想 近 少 . 指 清爽否? 使 還 左右, 佳勝。 暑 何時 雨 因何推官行 奉 會合 不常,蒸燒 書必 某蒙 一少解 庇 已 如 聞

本州必已申去,蓋亦只止是矣。●留取。切告,切告。前所問者,已得實狀,再啓。橋錢必不足用,學錢且告老兄

奉

啓上問。

不宣

文。「切告切告」四字,原脱,據《七集·續集》補。《香積》詩」(本卷《與程正輔》第十一首尺牘)後爲一「再啓」至「是矣」四十字,《七集·續集》卷七接「和示

0

可不可。

安。 未及 亦一快也,恨不同嘗。 六郎、十郎昆仲各 安矣,不煩深念。荔枝正熟,就林恣食, 不 訝 ! 别啓。 知六郎已拜恩命,深增慶忭。 某啓。近苦痔 兼十郎要字,尚未暇寫,不 岐下、湖北,想頻得信。 疾逾旬,牢落可知,今 病倦,

## Ξ

論以柯爲可舉,某亦不敢頻煩,乞恕察。 去,故爲一言也。 某不合僭言,實見其有風 以他年及不使,若非 紙 乞濟其垂成,他雖細滿内太守 某啓。 柯推良吏,冠一 切望! 兄特達,誰 切望! 力廉幹,可惜其 一郡也。 復成之。 一削,恐 若非公 兄許

#### + 四

便人爲置數 引。不罪! 蘖,而此中絶無 近釀酒,甚釅白而醇美。 大 麥。 如韶 不罪! 州有 或教人大麥 此

因

#### Ξ + 五

至。 《碧落洞》詩,却未寄貺,必封書時忘之也。 中辱書、伏審尊體佳勝、甚慰馳 竊望寄示。 勿示人也。 未由會見,萬萬爲國自重。 惠貺新茶,極 老弟却曾有一詩,今録呈,乞 爲佳品,感佩之 想。 示諭

四七五

五十四

尺

某啓。違别忽復數月,思仰

日

搋

#### 一四七六

#### 二 十 六

此事。 能成。 必欲 做成 新,●不過二十千,一兩月修一次,每次不過費三千,惟頻 指揮,且令牢繫添修竹浮橋也。 司應副,破許多錢,必四六分入公私 矣,體問是實。 於法當提、轉分認。 外,猶少四五 所費,蓋八九百千。 修 用之數,若減省,即 橋事, 成之,選一健幹吏令來權簽判,專了 某啓。 何者? 不宜,且勿 坐河樓橋也,必矣! 前日指揮使去時,曾拜聞營房事, ,問得才元,行牒已到本州,差官 近因柯推行,奉狀必達。 百千。 吏暗而孱,胥狡而横,若上 然老弟以卑見度之、恐不 應副此錢,但令只嚴 做不成,縱成,不 見説估得却是的確合 除有不係省諸般 除有不係省諸 必矣! 竹賤易成,創 下頭, ·堅久 オ元 般 示 諭

之。與才元言,但只作兄意也。至懇!深不欲言,恐誤老兄事。故冒言,千萬密後來思之,亦與此同,度官吏必了不得也。

## 三十七

至懇

故 狀,一一達否? 未 此篇尤有功,咄 如 由 和一詩,以致欽歎之意,幸勿廣示 昨,近指使柯推及 瞻奉,萬萬以 某啓。 伏暑, 一咄逼鮑 十郎 時保練,麾汗不謹 切 郡 惟 遞中 謝 中 起 買 居 矣。 書未到。 (藥兵士 清勝 不覺 某 起予, 一次奉 新什 凡 百

## 八

信能 歸 住 問,云亦有書至兄處,達否? 根 兩月,已歸山。 一誠也。 力行,又篤信不欺,常欲損己濟物,發 寧極,造次 德 孺、 懿 知之! 叔 顛倒,心未嘗離 近 究其所得,亦無他 得 知 之 ! 耗 否? 子由 鄧 爾。 道 頻  $\pm$ 此 奇, 得 州 土 但 中 安

## 九

或言冬深當出厄,儻爾時勿藥乎? 無厭,但道 未定,殊無聊 兹新凉,尊體何如? 迓 來施 某啓。 氣未勝,宿疾尚纒,想亦灾數。 專人辱書,感慰無量。 少 也。 解 羈 所諭退閑之樂,固終身 困。 某一向苦痔疾,發歇 萬 萬 以時 比 自 何時 日 重。 履

#### 四 +

不宣。

事》更少涼寫納。 孺久不聞 書畫殆遍,然終不佳,病倦少 絶品,石耳異味,感荷 議 萬 配 後癡望量移稍北,不知可 兒荷問及,宜興兩兒服闋後欲南來。 買 如 某啓。 茶 也。 何,有所聞批 耗也,令子各計 近因 事 已施 蜀 懿叔近得書,甚安。 使 行仁聖之意,亦可 示也 之極 奉狀 ? ″; 也。 安,未及别書。 望否? 報言者論 達。 思 扇 也。 三 十 惠 兄聞 新 《遺 仰 又 茶

#### 兀 +

測

州

衆

赦 小

) 廣 書報, 近 日 颶 風 異常,公私 屋 倒

一四七七

一四七八

異。」老兄莫緣此一到南海, 此四 乃更恨耶? 好笑! 闇繆之人,亦緣兄免此寃債,當没 必察此意。 人亦望使車一到。若早來,民受賜多矣。 千 餘間 百 年 ·物 大木盡拔。 獄事辱老兄按正,遠近心服, 也。 父老云"「生平未見此 好笑! 乾 明 拊視爲佳,惠 訶子樹已 荷戴, 倒

四十二

已平愈,今想益康健。秋色漸佳,惟冀倍涼,起居佳勝。見嚴推言,邑君嘗服藥,尋某啓。昨日附來使,上狀,必達。稍

四十三

加寢膳。不宣。

某啓。嚴令清約,即民之心,必蒙顧

慮也。有兩事託面聞,幸恕草次。

四十四

晶。 免懸情,惟深察此 益之悲,久留懷抱。 餘,起居如 某啓。 再奉手啓布聞。 宜。 近奉慰必已達。 吾兄學道久矣,必不使無 理。 不宣 但劣弟未克面論,不 寬中 强 比 飯,不勝區 日 悼 念之

四十五

數 日之勞,一游羅 某啓。 知已登舟 浮。 |歳巡 家居悒悒, 連 州 , 切 觸 望 物 不 惜 增

● 本首尺牘,原接上首尺牘之後,與上首爲一篇。今從● 本首尺牘,原接上首尺牘之後,與上首爲一篇。今從

白直 告,此中太守已借數人白直 更告兄,輒借 不不 一<del>,</del>却 如 來 牒 月. 約 徜 州 で, 徑 徉 兩人,如許 差 Ш 兩 去 一水間 厢 山 軍 下 散 即即 借使也。 伺 此 候 乞彼中先 伊 ,僅足使令,欲 也 也。 不 少 罪 減 事 仍 ! 兩 干 望

#### 四 十 六

不罪

約否? 云過重 自 切 催 尊 某啓。 不宣。 候康 九啓行,計已在塗,羅浮之遊,果如 不勝 安。 近兩 顒 望。 奉 閨門之戚,想已 狀,必相 餘暑 跋涉,惟冀若 塵 平遣 聞。 比 時 前 來

## 四十七

某目見之事,恐可以助仁政之萬一

衆願 錢。 轉 米 並 意, 千碩 民 支移折變,委轉運 嶺南 非 法,監司宜共將傍 不 庫皆閉,連 色, 米賤 故 而 共行 也。 |從其便,不知元科米數。 :傅同年 便。 知如何了得賦税役錢去。 漕 敢 聞説 雖許下户取 ,非詹守私意,及非專 ~僭言。 今乃反之, 豈爲穩 ·錢荒久矣,今年又起納役錢,見今質 府 元科之數,則 已傷農矣。 望兄力賜 據此勑意,即 乃令五萬 申乞第二等以下人户納錢與米, 條,戒約州縣大估米 意 車 不罪 也。 整船,載米入城,掉臂不顧, 便納錢,然納米不得 所納秋米六萬三千餘 本州 1 以上折納見錢,餘 言,特 司 人户令易爲徵催 取 · 是 豐 不 相 便之説,乃空言爾 詹守,極 便。 罪 視 從其請及乞提 則 收 此實一 **蚪要計會多納** 聞 約 成 今來 朝廷新行 價 /米,歉 范 豊歉,務從 有卹 君指揮 秋大 州 以致百 ", 人人户 民之 則 過 納 鸆 石 條 約 役 五 正

善矣。 舉、提 害,共 米,每 納米,則農民益 價及支惡 諸郡,皆患米多支少。 積弊之憂,若以積滯之故,年年多納錢, 知自弟出 盡沾實惠。 日 姓 多納見錢,此大 公税皆便,免得税米積滯, 重法錢並 一,已估 困 刊司 入一 年不過九 價 須 也,千萬 奏,乞今後應役人、公人 弱 常 太 得 半折米,却以見錢還運 切望兄 米,免虧損役人、公人, 切覺察轉 高 依 困,嶺南之大患也。 八利也。 千,若五萬全 在 請兄與諸公商量,具此 許 市 留 千萬 依 見 意, 運 但當立條,常令 實 賣 司 仍 年年 改 實 及州縣大估米 納 密之,勿 正,庶 直 問 Œ 抑勒,人 得 色, 八庸錢 見説廣東 本 幾 如 司 則 則 令人 牒 州 疲 盡 提 户 及 利 有 支 少 則 民 到

及 餘 第二等以下丁 碩 本州 並 須 申乞椿定第 得納 見 税米,共約計三 錢 其 等丁米,二萬 餘 第 萬四千餘 等税米, 九千

> 計 貫 錢 元 大 願 碩 貫,若一 科 相 萬以 納錢 任 折 錢折米,米每 及 數 重 懸 支,得一 從 上碩 一, 而 法等錢,共 目,人情必大悦。 半折支米,即是每年 且 民便,納錢 以 第二等以下户 ,納見錢矣,與漕司元 萬三千餘 少計之,三萬 | ] 郵極 計 納 貴 支一 米。 碵 時 也 ,皆得任 不不 柰 何 ! 四千碩 近下 萬 ·過折 ·有六 三 零 千 7科數1 便, 中 碎 五 八千七 四 年 不 目 百 必 · 役 拘 不 有 約 百 餘

强食自 發 兒 下 孝履如何 子輩開 庶速得達 大郎兄弟有 愛。 歲 ? 前皆入京授差遣 宜 也。 興 不及 來耗 一書,煩 不罪 作書,且 未 ? 爲 不罪 六 ,此書告爲 乞寬節哀 郎、 皮 十 角 郎 遞。 思 侍

#### 四 十 八

某啓。自聞尊嫂傾背,三發慰書矣。

輒 比 有 日 起 少 加恕亮,餘無異 居 意 何 -, 不 如 勝 懷 私 抱 憂 漸 前 過 開否? 懇也。 計 之心,故復發此 不宣 傾 仰之至。

## 四十九

見 揮 嶺北江 ,自惟無狀,恐可該 某今日伏 Ш 矣。 讀 幸甚。 赦 書, 此 恩命,庶幾 有 責 降官 復 量 移 得 生 指

深意,恨遠 載 意。 類,皆非 折科訖奏。」此 科 者,令提舉司 云仁 不 二税過 奏災 主上自躬 又見赦文云:「訪聞 . 聖 日 有 傷 重 司 不 躋 衝 一, 致 所及。 舉察關提、 盡 聽 替 聞。 兼 節非 民 斷 有 廬、壽等州罷 間 以 然亦 乃 天 昭 來,事從仁 常 輸 赦 轉 納 諸 衷 得 語 先次改正, 路 倍 二陵德美。 北方 英發,卹 ,必是聖 轉 費 運 配買 涉 一恕。 故人 司, 茶之 民 依 如孫 主 掊 有 之 新 條 尅 折

> 閳 雖 同 此 此 廢 意。 美 棄 政 不 忝 勝踴 侍 從,大 躍。 恩未報,死 正 輔 忠愛之深,想 不 敢 忘

者乎? 懼 得錢便賣,下稍不過三十文足。一即已上,方納得 赦 皆云今年米實無價,若官中價錢緊急,人户更不敢惜米: 過 赦 正。」今惠州秋田 六萬餘碩,九分二釐以 乎? 文 蚪。 重,致民間倍費 文,甚可懼也。 牓 然惠州近日 豈非 在 謂 之掊尅,顯見聖意疾之甚 衢 赦文所謂折科過重,使民倍費 路, 科折秫米 大熟,米賤傷農,而 赦文云: 讀者 () 涉於掊尅者 下納人户賣 己 有此謗,可 「訪聞 事,正 一、令覺 折 米 科 違 .,衆人 秋米 察改 着 税 此

視豐歉 矣。 則 某切謂 納 謹 按《 米 從 編 歉 提刑 民 勑 則 便。 納 》,支移 八提舉 錢。 詳此勑意 司當依赦文檢 折 今乃返之,違 變,令轉 ,專務便民, 運 坐 條 司 此 甚 相

條,改正施行。

如 此 便,任納米錢。 下税米及第 等丁米二萬九 揮 科數目。」如此,方依得今來赦文外 米,並只依見在市賣實直估定。 某恃兄洞照,不避僭易,請兄與傅、蕭二公 面 議 赦 雖 · · · · 而 户,並聽情愿,任納錢米,更不拘 少蘇 敕 共行下一文字云:「所有今年折 昨 意,第一等人户,豈可令倍費 日 路之民遂少 惠守詹 疲民, 二等以 千餘 詹欲某與兄一言,時已致書具論矣。 然 君 亦 碩 下米三萬餘 /舒也 申 未依得今來赦 納錢,其 轉 運 司 徐第 乞指 碩,並 其 第 編 前 定 赦 科 乎? 等以 五. 第 來 從 也 指 元 筡 秋 民

慮。 運 補 司 若能 常 但 少 聞 有 昨 固 得東 權 Ħ 積 書中所陳役人見錢,奏乞一半折米,此 自 利 滯 有 害之輕重,取舍從宜, 路 腐 術, 敗之 州郡,大率米多支少, 何 至作此違條害 憂,不可不爲之 則 民 之 拘 深 故

> 利害。 乎? 若能 價 米,積滯腐敗,終爲糞 運 吏,結爲一片,靡不如此。 價 户 私 忍爲之, 柰赦文何。 外,累百鉅 米多支少、歸於腐敗、所損不 幾或可革也。 糞土何異。 兩 一高,大抵官吏皆畏懼上司,但加三以上估價。 ,則須是 户必有大半 司闕乏,與空估高價,而令人户只 税米零碎者,皆 利之策 痛加 今惠州 不知估價 也。 打 州 萬, 致人户只願 若上等人户,必欲納又不失 駡 每 大 縣盲枷 願納 郡中俗吏,令中平 雖未腐敗,而 凡 年支米,不過九千,九千 (稍低, 人 願 須是上司痛加約束,則 錢者。 納 户 瞎棒,以膏血償填,縱 錢。 納 土者,得 而常得見 去 米。 豈非 州縣遠 只爲州郡 無可支遣 小,即 今運 運 失孰 -估價 者 司大 司 滑胥俗 此 多 願 權 既 估 及 風 之 利 ? 救 則 納 患 下 與 此

與傅、蕭面議,反覆究竟,權利害。二公皆某不避僭易,欲兄專爲此,一到廣州,

人,並 許改 文、致人户不願納錢、將來積滯官米、即官 罪 吏並須勘奏,乞行朝 得知依舊高擡大估,比 在 滯腐敗,不委逐官專切覺察須管。 納錢倍費,只願納米,致將來納多支少,積 米。 計會司屬及行人等高估估米價,●令人户 憂,深慮倉專蚪級等,意欲多納正色,用 秋熟,恐米賤傷農 路生靈受賜也 保 市 正 明申上。 賣 文字,專牒 君子也,必 又緣逐州米多支少,恐有腐敗積 與免罪。 裁減,務令便民訖,申其高估干繫 中價,不得輒 如牒 如經 逐 商 州知通, ,所以聽從民便,任納 量得成。 來到 典。 逐官保明後,却 有絲毫加擡,仍具 見賣 日, 若蒙採用蒭蕘, 大略 即 已曾高 直 願 價 풒 三司 有加 一依見 估者, 察 深港之 連 分 探 結 倖 錢 銜

前

日居

此事切勿令人知出不肖之言也。切告! 恃眷知,如此率易,死罪! 死罪!

切告!

五十

何似? 也。 ,故未敢 某啓。 副副 聞 往 近 併 迎。 東 四 俟面道。 行已決,但 奉 旦夕 狀 必 聞的耗 不宣。 未 聞 達 即 離 五 比 舟 羊 日 的 徑 起

五 十 一

耶 ? 忽,未能盡 不可者。 某啓。 抑俟回 旦日乘舫,徑至泊頭以來 意。 羅浮之遊,不知先 日也? 弟惟兄馬 往 首之視,無 丽 也。 後人 州

❶ 「米」上,原脱一「估」字,據《二妙集》補

一四八三

## 五

涼 未 想 比 間 使 時 來 尊候 某啓。 斾 有 安 出 冀自重。 一按否? 問。 何似,眷聚各佳 多 日 某蒙庇粗 不 不宣。 上問, 倘又一見,何幸 造,子 否 ? 但 積 馳 由 德 仰。 亦 孺 · 如 之。 安、秋 懿 不 叔 審

易量也

。 8

惟

患無

好

白伏苓,●不用赤

者,告兄

爲

於

韶、英、南雄尋買得十來斤,乃足用,不足

且

旋致

之,亦可。

已一面

於

廣

州

買

法。●

漸退。

甚美。

如此服食已多日,氣力不衰,而

痔

久不退轉,輔以少氣術,其效

6 分未

去皮,

擣

羅

入少白蜜,●爲麨,雜

胡麻

食之,

麻

黑

脂

麻

是 也。

去皮,

九蒸

曝

## 五

但 遂 味 凡 痛 忽大作,❷ 擇 欲 楚 有 其 休 無 揷 其 味 間 近 舊 物 聊 糧 苦 门,皆斷 似者、斷 更食胡 百藥 以 兩 **持疾** 清 月餘,頗亦 不効,雖 净 麻、伏苓麨少 , O 又 酒 勝之,則 斷粳 斷 蓋二十一 肉, 斷 知不 難 米飯 當。 又 能 未 許 鹽 年 惟 爲甚害 出於無計, 能 矣 。 酢 取 食 [醬菜, 6 遽 飽 淡 爾。 , 6 麵 近 日 胡

> 0 軾」, 原 作「某」,據 西樓 帖

0 近日」,原作「今」,據西樓帖改。

雖」,原脱,據西樓帖 補

爾」下,原有「則又不可」四 |字, 西 帖

酢」,原作「酪」,據西樓帖改。 斷肉」之「斷」,原脱,據西樓帖

擣羅」二字,原脱,據 西

帖

易」,原脱,據西樓帖 補

勉」,原作「强」。

「必」,原作「行

據

西

帖

好白」二字、原脱、據西樓帖補

'已」,原作「以」,據西樓帖改。 州 原脱 據 西 樓 帖

切要用者,敢望留念。●幸甚!幸甚!用,惟乞辨其僞者。 頻有干煩,實爲老病有松根貫之,●却是伏神,亦與伏苓同,●可此藥時有僞者。 柳子云盡老芋是也。●若

軾

再拜。

因 但 更不消别藥,百病 求 災致福 少 知 許。 蜜,此中 丽 也。6 難 既絶肉 行 雖 爾。 有, Ŧi. 自去。 味, 弟發得志 亦多僞。 只 此長 啖 此 願 如 麨及 年 甚 有 1堅,恐 之真 真 淡 者 訣, 是 更

## 五十四

必 蟲 勸 如 不 時 作 此 鳴,自 作 詩 藴結之懷,非 某再啓,承諭,感念至泣下, 本 也。 鳴 亦無固 吾兄作 丽 르 必, 一見,終不 何 所 自 兩 損 懶 篇 益,不 作 見寄,當 爾。 能 解 老 必作 弟 如 也 次 此 亦 '', 不 候 見 免

> 間 爾。 當拜書干 增感激也 告求 兼寄佳 扣 兩般 也 釀 問 川 所 家 芎, 幹 人至筠 亦别 濟 所 及常 無 用, 事 恐 州。 物 三四 至 兩 重 .月

## 五十五

難 體 有 欲 簡,如 老 求即已,非急用也。 玩 物 翁 某近 之變,以自娱 須生銀是也。 可求,買 頗 好丹藥,不 (得五 甚貴, 也 不罪 六兩,爲 惟 聞 有 ļ 難 曲 意 佳。 不罪 得, 江 於 却 諸 若費· 兄試 1 場,亦 老 力 爲 亦

- 「子」下,原有「厚」字,據西樓帖删。
- ❷ 「有」,原脱,據西樓帖補
- 「念」,原作「意」,據西樓帖改。 「亦」下,原有「有效」二字,據西樓帖删
- 「軾再拜」三字,原脱,據西樓帖湖一念」 房作一意」 摄西模帜改
- 牘之附語。 「蜜此中雖有」至「致福也」,西樓帖低一行,乃此則尺

#### 五 十 六

悼,强 莫緣 奄畢 深 捐 篤 奔 館 某 食自 一供,感 慰 詣 追 聞 疏 弔 悼 重 言。 問 動 割 信 不 1裂,哀 逾遠,柰何。 悲 愧恨 不 勝 怛,感涕 意 區 變故, 千 痛 腽 萬。 難 謹 堪 並 表 某限 日日 幸翼 奉 懷 嫂 . 疏 壽 月流 以 省節 慰。 切 安 (謫居, 惟 縣 速, 不 悲 恩 君

## 五 十 七

捨。 殆 而 年恩 非 於 分有 某啓。 所 然萬 望 好 於 不 般 所謂: 朔 貨 之 不 追悼,於亡者了無絲毫之益! 哲 謂 老身長子者, 也。 憂,不即拂 尊 嫂忽罹 譴 地不敢 此 除,譬之露 此 禍 輒 情 捨 惟 豈 去 易 兄 **無** 割 四

> 不信 中 也 佳,但發爲亡者意 汲汲於此事, 緣 也 面 也 忝至眷,必不訝。 析 ),惟速 惟 此 有 理 速 泛爲妙。 亦不必盡之。 願 作 兄 佛 刘则 深 事 老弟前 照 草次。 俯仰之間 升 痛 濟 遣 佛僧拯 年悼 幽 勿 明 便貫 留 貧 此 絲 苦 幽 亦 毫 不 尤 只 可 胸

## 五十八

僧, 月,疾不減,却 時 表 哥化去,感 事,曾道便 并蜜已領, 退,自然安適,茯苓亦不服 姊 時 表區 聞 + 此 輒 區 附 一微意。 極 佳。 念疇昔,爲之出涕。 人寄書畫扇子去,必達。 縣君 知 上 稍 兄 綾 不 刻 己 亦有事。 肉食,近却頗 近嚴推官者, 絲 出 霏 巡,千萬勿憚 羈寓 疋, 不 食 霏 也。 安。 用 嶺 ! 史嗣 託 與 海 口 承 天 表 淡 陳 立 寄 涼 麵 嫂 遺 災

北歸,無由來也。 表姪必未到,且請決意一來。恐明年兄必來遊羅浮。弟候聞來耗,便去山下奉候。

## 五十九

方世界,而吾方悲戀不已,豈非係 以詩酒自娱爲佳。亡者俯仰之間,知在 首,録呈爲一笑。 必欲去者、摹刻時落之。并有 尉掾子孫一 遺 事》已 用 句,不須出, 吾儕老矣,不宜 澄 心紙、 廷 彼 珪 自 墨 《江月》五 寫 不 久鬱,時 風 成, 知 捕 影 何

> 一 日 **8**

## 六十

香積》詩 軾啓。❶ , 必已達 别 後,因 尊覽。 本 州 便 兩 人 辱 賜 次 教,具 上

> 橋。 軾 佳,❸几席之下,澄江碧色,鷗鷺翔集,魚蝦 老穉,共荷戴 亦已如請。◐ 蓋優哉游哉,聊以卒歲,知之,免憂。 出没,有足樂者。● 審 再 起居佳 拜正 掩骼之事,亦有條理,⑤皆粗慰 勝,甚慰 輔提 也。 比來數事,皆蒙賜左右 刑 馳 大夫兄閣下。 乍寒,萬萬 又時走湖上,觀 仰。 軾 人冬,❷眠 自重,不宣。 十一月 人意。 藥錢 作新 食

「軾」,原作「某」,據西樓帖改。「軾」,原作「某」,據西樓帖改。

「有」,原作「又」,今從西樓帖。「甚」,原作「尤」,今從西樓帖。

「觀」,原作「親」,今從西樓帖。

「藥錢亦已如請」,原作「樂錢必已請」,據西樓「有」,原作「自」,今從西樓帖。

不宣」至「十一月三日」十九字,原脱,據西樓帖補。藥錢亦已如請」,原作「樂錢必已請」,據西樓帖改。

#### 六 十 一

人也。 期百 如此 十日。 雖非至道,亦且休息。 看書,凡事皆廢。 疾不免時作。 之廐,固無凡足也。老弟凡百如昨,但 至,辱手書,感慰倍常。 懷,難以言論。 日 **③** 輔 爾 軾啓。● 再 所謂以得爲失者,夢幻顛倒, 未由 拜 兄憂愛之深,故白其詳,不須語 正 長至俯邇,不獲 自至日便杜門不見客,❷不 瞻奉,萬 輔 比日起 提刑大夫兄。 但曉夕默坐作少乘定, 居增勝。 平生勞弊,且作 顧君信佳士,伯樂 萬若時自重 稱 觴 憲掾 十一月 祝 類皆 顧 頌 不 少 痔 君

> 六 十 二

已領。 之矣。已白顧君其詳。♂ 角草草。 睨之,如與老弟相見也。 軸,◎輒送上。老兄請掛之高堂素壁,時 衰朽不稱爾 某啓。❸ 杭人送到《表忠觀 不 訝 ! 蒙惠冠簪甚奇,即 全麵極佳,感怍之至。 不 訝 ! 碑》,裝背作五 軾再拜。❸ 附顧君的信,封 升卿之問,已 日服 之,但 大

0

「日便」二字,原脱,據西樓帖補。

原脱

據

西

帖

0 6 6

<sup>「</sup>軾」,原作「某」,據西樓帖改。

<sup>) 「</sup>軾再拜」至「十一月十日」十五字,) 「作」,原作「爾」,據西樓帖改。

<sup>「</sup>裝」,原脱,據西樓帖補。「某啓」,西樓帖無此二字。疑此乃殘簡,

<sup>「</sup>已」,原作「并」,據西樓帖改。

<sup>「</sup>軾再拜」三字,原脱,據西樓帖補。

#### 六 Ξ

兄執 行者奉 幸 甚 ! 逮也。 再會未期,惟望順時爲國自重。 韻拙句,●特蒙垂和,句句奇警,謹用降服, 詩》,❸再蒙頒示,誦詠不能釋手。 「菅」字 感慰深矣。想已達韶,起居佳勝。 事。 軾啓。❶ · 問。 軾凡百如昨,6十九日遷入行衙。 幸 甚 ! 三月十七日。6 不宣。 别來三得書教,❷眷撫 《一字》雖戲劇,亦人所不 軾 再拜正輔提刑大夫 因蘇州卓 《桃花 愈重

#### 六 + 四

自失。 近人之病,聽不聽 以病 詩 因 未 感微物,以寄 . 和 得, 在 愧怍。 他 兄不可不言也。 妙 理 執 ,讀之翛然 政小簡,中

> 感荷! 丸等、糟 薑 法、 魚麥糵,並已捧領,感

如聞前削監事,亦頗行,是否?

寄惠大黄

荷

#### 六 + 五

九 日有事於定州,柳見作定簽也。 近得柳仲遠書,報 妹 子小二 娘 遠 四

月十 地

聞

此,情懷割裂,閑報之爾。

·花」下,原有「源」字,據西樓帖 得」,原作「辱」,據西樓帖改。 原作「某」,據西樓帖改。

删

- 「菅」,原作「管」,據西樓帖改。
- | 軾再拜」至「三月十七日」十七字,原脱, 軾」,原作「某」,據西樓帖改。

據西

## 六十六

忽忽。新詩輒次韻,取笑! 取笑! 前本附納,教,承起居佳適。值夜乏人,未可前詣。某啓。聞歸艎到岸,喜不自勝。辱手

## 六十七

解舟,恨不克追餞。涉履慎重,早還爲望。過厚,慙悚不已。經宿,尊體佳勝。承即得,況義兼親友如公之重者乎? 但治具某啓。漂泊海上,一笑之樂固不易

不宣。

#### 六 十 八

不罪!

「河源事,上下繆悠而已。有一信篭并不罪!

「河源事,上下繆悠而已。有一信篭并不罪!

## 六十九

希爲親自寬也。近有慰疏,未暇别紙。 河南兄弟已歸左右,想哀慕之極,切

む「是」,原作「視」,今從《七集・續集》卷七、《外集》卷

燩,

可作時羅夾子者,亦告爲致一副

中

樣

三物,皆此中無有也。不罪。

亦告爲買通明者數斤,欲以合藥散。

鐵爐

七十

意。 契順 子與借請少許,甚幸! 州 錢 順來與宜興通問,●萬里勞人,甚愧 '倅',差一般家人,又借 因令附此書,或略賜照管,幸甚。 蜜極佳, 荔枝蒙頒賜, 甚 幸 ! 惠力院 謹附 謝 懇。 行 卒 其 者 蘇

七 十 一

者十斤,因便寄示。舶上硫黄如不難得,得甚精,因話告求數斤。仍告正輔與買生廣州多松脂,閎甫嘗買,用桑皮灰煉

0

「來」,原脱,據《外集》卷七十六補。

四九

## 蘇軾文集卷五十五

## 尺

牘

## **與程全父十二首**以下俱惠州

居佳安、感慰兼集。 有闕上問,過沐存記。遠辱手教,且 非衰老者所宜承當。 某啓。 去歲過治下,幸獲接 長牋見寵,禮意過當, 伏讀,愧汗而已。 奉,别後 一審起 未

由會見,萬萬以時自重。不宣。

如命,但罪廢閑冷,衆所鄙遠,決無響應之 某乏人寫公狀,幸恕簡略,示諭 固 合

理。

近發書,多不答,未欲頻瀆也。

幸矜

察,愧愧。

能彷彿,歎誦不已。 新詩過蒙寵示, 老拙 格律 無以答厚意,但 深妙,非淺學所

藏之,●永以爲好爾。

忽忽,不謹。

病廢學,無以少答重意 某啓。 新詩幸得熟覽,至於欽誦。 ,愧怍而已。 老

四

此首尺牘,《七集• 續集》卷七、《外集》卷七十八爲

0

0 《答程天侔》三首之第三首。 「之」、原作「去」、今從《七集・續集》、《外集》、《歐蘇

手簡》。

四九二

如此。 悚息 言語,而實無所得,見賢者得之,便能發明 中猶取文字未了,切不可問 别紙示喻,具曉所示。● 頌語精妙,過辱開示,感怍不已。❷ 悚 息 ! 老拙慕道,空能誦《楞嚴 也。 田 地問 感 **掛意**, 得,郡

六

督之。江君訪别,本欲作書,醉熟手軟,不 萬勿罪! 能多書,獨遺此紙而已。6 材,惟速爲妙。 木匠作頭王皋暫到郡外, 事干煩,過河源日,告伸意仙尉差一人押 令子先輩辱訪及,客衆不及欵語。 勿罪。❸ 爲家私紛冗,不及寫書,千 蔣生所斫木,●亦告略 令計料數間 屋 少

> 白鶴峰新居成、當從天侔求數色果木、太 大則難活,太小則老人不能待,當酌中者。 作不已。 某啓。 錢數封呈,煩聒,增悚! 龍眼 晚實愈佳。 特蒙分惠,感 増煉。❻

示」,原作「是」,今從《歐蘇手簡》。

0 0 卷七在《與程天侔》七首之第六首中。 「老拙慕道」至「感怍不已」三十九字,《七集。

集》卷七爲《與程天侔》七首之第五首全文。 自「少事干煩」至「勿罪勿罪」五十三字。《七集・續 郡外」、《歐蘇手簡》作「甲頭」、「郡中」。 「作頭」、

❸

所」,原脱,據《歐蘇手簡》補

程天侔》七首之第六首中語。 ·江君訪别」至「而已」二十二字,《七集·續集》爲《與

6

集》卷七在《與程天侔》七首之第六首中。 「特蒙」之 七集。續集》不重文。 特」原作「時」,今從《七集· 龍眼晚實愈佳」至「增悚增悚」二十四字、《七集・續 續集》。 「增悚增悚」

6

七

續集》

一四九四

又 須 土 磁稍大不 傷 根者爲 佳。 不 罪。

子

粗

無病,

但 黎、

蜒

?雜居,

無復

人理,

資 養

所

給,求輒

無有。

初至,僦官屋

數

橡,

近復

不罪。❶

松 皆有,仍告書記其東西。 栢 柑 含笑 橘 柚 梔子 荔枝 謾寫此數品,不必 十二月七日。 楊梅 枇 杷

八

緘也。 力益 百事皆廢,尤倦寫書,故 進,家有哲匠矣,何復下問 令子先輩辱 不罪,不罪。 書及新 止附此 詩, 感 乎? 紙爾 慰 彌 ₹,不别 甚, 老病 筆

+

萬

以時自重。

舶回,忽忽布謝

懷想清游,時誦佳句,以解牢落。

此外,萬

也,聊爲一笑而已。平生交舊,豈復夢見,

空。困厄之中,何所不有,❸置之不足道

遭迫逐,不免買地結茅,僅免露處,而囊爲

矣。 某再啓。 遐荒安可淹駐, 閣下才氣秀發,當爲時用久 想益輔以學以 昌 其詩

九以下俱儋耳

可言。 絶,莫由通問。 某啓。 仍審起居清安,眷愛各佳。 别 遽 舶到,❷忽枉 逾 车, 海 外 一教音, 窮 獨 某與兒 喜 人 慰 事 斷 不

- 0 《七集·續集》補。 集》爲《與程天侔》七首之第七首全文。「當從」之 ·到」,原作「信」,今從《七集·續集》卷七、《外集》卷 ·當」、「太小」之「太」、「爲佳不罪不罪」等字原脱、據 白 鶴峰新居成」至「不罪不罪」四十八字、《七集・續
- 「何」上,原有「亦」字,據《七集・續集》、《外集》删 案 本首尺牘之末有「舶回」字。

瓿 副以 厚,何以得此,悚怍之至。 佳 乎 ? 不必甚佳者。 有 行 氣能清佳否, ,攜來者已竭。 酒,豈惟海 新作,遞 有 《陶 糖冰精麵等物, 可言,引領素秋 僕 焚 淵 中示 筆 明 孰與 不罪 南 硯 集 數 É 所無,殆二廣未嘗見也。 有便,可寄百 ! 五 惠州比? 首,乃珍惠 陶 年,尚寄味此學。 不罪 寫 以日爲歲也。 伊 銘佩 ! 此間 鬱,正賴 此間 也。 非 紙 十枚否。● 不 眷 海 Щ 此 存 堪 寄貺 氣 Ш 覆 至 鬱 風 隨

### +

淵明 空谷,既無與晤語者,又書 惠近 二友。今又辱來貺,清深温麗,與 ·詩一軸,爲賜尤 某啓。 一集,柳子厚詩文數策,常置 便舟來,辱書問 重 流 [籍舉 訊既 轉 海 無 左 外, 厚 有 陶、 右 ",惟 如 如 了, 目 柳 陶 逃 又

> 布 與 真 公獨收卹 有 可言,惟 ·謝萬 一 語 小兒亦粗 爲三友矣。❷ 此者 萬萬以時自愛爲祝。 耶 加舊,●此古人所難 不宣。 遺,困窮日甚,親友皆疎絶矣。 新 此 道 春 ,比來幾熄,海 ,伏想起居佳勝。 也。 舶 回奉啓 感怍不 北 亦 某

#### + =

易致者,不拘名物,爲寄少許。 不 有,得者即爲希奇也。 甚熟,曾得家信否? 某啓。 久不得毗陵信,如聞 間或有麄藥,以 彼 土出 藥 此間 浙 否? 中 舉 去 授 無 歲 有

<sup>● 「</sup>百十」,原作「伯」,今從《七集·續集》卷七、《外集

<sup>「</sup>友」,原脱,據《外集》卷七十八補。

<sup>「</sup>海北」二字,原脱,據《七集・續集》卷七、《外集》補。

加」,原作「如」,今從《七集·續集》、《外集》。

一四九六

# **抦者,入口如神,蓋未嘗識爾**

## 與程秀才三首●以下俱儋耳

萬自愛。 止,無不可者。 學生助工作,躬泥水之役,愧之不可言也。 之,僅庇風雨,然勞費已不貲矣。● 幸,無甚 泉、然亦未易悉數、大率皆無 孫,亦悲愴久之,今則已矣。此間食無肉, 戀也。❸ 安,知有愛子之戚。 病無藥,居無室,出 覆手,幸而此身尚 樂,今者海外豈復夢見。 有此身,付與造物,聽其運轉,⑤流行坎 某啓。 不宣。 僕離惠州後,大兒房下亦失一男 瘴 也。 去歲僧舍屢 故人知之,免憂。 乍熱,萬 近與小兒子結茅 健。 無友,冬無炭,夏無寒 襁褓泡幻,❷不須深留 得來訊,喜侍 會,當 聚散憂樂, 耳。 時不 賴十數 惟 數椽居 有 知 下 如 清 反

> 烟 既 不 中得一醉之適,非小補 在 而 惠州 己。 雨濛晦,真蜒塢獠洞也。 病倦不出,出亦無與往還者,♥闔門面壁 起,葬於河源矣。 近得吴子野書, ,以梅醖爲 新居在軍城南,極湫隘,粗有竹樹 冠,此又遠過之。 甚安。 前會豈非夢耶? 也。 陸道· 惠酒佳絶。 士竟以 牢 落 舊 疾 僕

写一首。 此首尺牘,《七集·續集》卷七爲《答程天侔三首》之

0

「已」,原作「亦」,據《七集・續集》改。「深」,原脱,據《七集・續集》補。

七川己賣,《七耒・賣耒》、紫七爲《答「運」,原作「流」,今從《七集・續集》。

與」,原脱,據《七集·續集》、《外集》卷七十八補。

謝,連寫數書,倦甚,且爲多謝不敏也。《前漢》欲抄。著了此二書,便是窮兒暴富、前漢》欲抄。若了此二書,便是窮兒暴富也。呵呵。老拙亦欲爲此,而目昏心疲,也。呵呵。老拙亦欲爲此,而目昏心疲,不能自苦,故樂以此告壯者爾。紙、茗佳也。呵呵。老拙亦欲爲此,而目昏心疲,不能自苦,故樂以此告壯者爾。紙、茗佳本。與子到此,抄得《唐書》一部,又借得

不宣。

# 與林天和二十四首●以下俱惠州

自重。不宣。神,勤民之意,計不倦也。未由披奉,萬萬棟,勤民之意,計不倦也。未由披奉,萬萬悚息。春寒,想體中佳勝。火後,凡百勞、□、其啓。近辱手書,冗中,不果即答,圓

雨軫懷也。未由往見,萬萬若時愛攝。慰。春物益妍,時復尋賞否? 想亦以少某啓。專人辱書,具審起居佳勝,爲

首中之第五首。此首尺牘、《七集・續集》卷七爲《答程全父推官》六

0

◎ 「等」,原脱,據《七集·續集》補。

「先」下、《七集・續集》、《外集》卷七十八有「輩」字。

「果」,原脱,據《大典》、《七集・續集》、《外集》補。

6

一四九七

卷五十五

尺牘

荷。

某又上。

Ξ

得,與數客同食,幸甚! 暑,尊候何如? 惠貺荔子極佳,郡中極 幸甚! 未由會 少

某啓。

多日不奉書,思仰之至。

伏

合,萬萬以時自重。

四

六

也。 益進此道,譬如農夫不以水旱而廢 如,果成行未? 龍鍾,不果詣送,愧負多矣。 某啓。 此外,萬萬自重。 昨日 忘己爲民,誰如 辱訪别,尤荷厚眷。 經夕起 君 者。 穮 居何 老 病 蓘 願

艱。 甚慰馳仰。 某啓。 惟 加意 辱教,承微恙已平,起居輕安, 暑雨不常,官事疲勚,攝衛爲 節 調, 以時休息爲佳也。 怱

0 集》卷四、《外集》卷七十七改。 幸甚幸甚」,原作「甚幸幸」,據《大典》、《七集・ 五

花木栽,

感留

意

惠貺。

鹿

肉尤增

慚

愧。

人還,怱怱。不宣。

遂成幽居之趣。

荷雅意無窮,未即

面謝爲

和,起居佳勝。

花木悉佳品,又根撥不傷,

某啓。

近數奉書,

想皆達。

雨

後

晴

七

一四九八

慰 ! 來,枉手教,具審起居佳勝,至慰! 但增悵仰也。乍涼,千萬自重。 某啓。近辱過訪,病中恨不欵奉。 旦夕中秋,想復佳風 月,莫由陪接, 至

+

果否?

到此。❸ 新居旦夕畢工,承問及,感感。

領

小兒往循已數月矣,❷賤累閏月初可

書,及惠笋蕨,益用愧感。

聞相度移邑,

九

某啓。 辱手教,伏承起居佳勝,甚慰

《蘇軾佚文彙編》之《與廣西憲曹司勳二首》有相似 本則尺牘及本卷《與林天和》第十二則尺牘,與卷末

處,可參。

暮,萬萬自重。

來,老穉鼓舞,數日

調治,想復清暇矣。

歲

0

仰可勝。

辱書,承起

居

佳勝。

聞

還邑以

某啓。從者往還見過,皆不欵奉,愧

0 七作「數日」。 「數月」、《大典》、《七集·續集》卷四、《外集》卷七十

「初」,原脱,據《大典》、《七集・續集》、《外集》補。

一四九九

卷五十五

尺牘

旦夕遷入。未由會面,萬萬以時自重。月上旬必到此也。考室勞費,乃老業也,馳仰。承問賤累,正月末已到贛上矣,●閏

+ =

笑。蒸鬱未解,萬萬自重。衆食貧,向之孤寂,未必不佳也。可以一已到,誠流寓中一喜事。●然老穉紛紛,口已到,越流寓中一喜事。●然老穉紛紛,口

十 三

已拜賜矣,感怍之至。

骨肉遠至,重爲左右費,羊麵、鱸

魚

十四四

十五

然也。 然也。 然也。 然中落,又有此狼狽,想聞之亦爲憮何! 柰何! 某亦旬浹之間,喪兩女使,失所否? 瘴疫横流,僵仆者不可勝計,柰

「誠」,原作「城」,今從《大典》、《七集・續集》卷四。《大典》、《七集・續集》卷四、《外集》卷七十七。「正月末已到贛上矣」,原作「正月才到瀨上」,今從

### 十六

熱,萬以時加嗇。不宣。撫字究心,何以得此,已具白太守矣。乍勝,●甚慰所望。加減秧馬,●曲盡其用,非勝,●甚慰所望。人來,辱書,具審比日尊候佳

## 十七七

毒熱,萬萬爲民自愛。不宣。愧悚之至。僧磨已成,●秋涼當往觀也。馬聊助美政萬一爾,何足云乎? 承示喻,勝。● 吏民畏愛,謡頌布聞,甚慰所望。秧勝。● 吏民畏愛,紹頌布聞,甚慰所望。秧

#### 十 八

送來爲幸。 匠請假暫歸。❺ 詩去,6庶致此餽也。 楊梅,感佩之至。聞山 某啓。 比日蒸熱,體中佳 多日不至,敢煩指揮 呵呵。 薑花欲出 豐樂橋數木 否? 。, 録 勾 夢得 承 押 惠

《外集》卷七十七。

0

「加」上、《大典》、《七集・續集》有「出意」二字。

0

- 《外集》卷七十七。 「具」,原作「且」,今從《大典》、《七集·續集》卷四、
- 「僧」、《大典》作「增」。

0

- ⑤ 「詩」,原作「書」,今從《大典》、《七集·續集》卷四
- 「橋」、原脱、據《大典》、《七集・續集》、《外集》補。

6

五〇二

+

九

勝,甚慰馳 想亦顧影獨飲 某啓。 仰。 近日辱書,●伏承别後起居佳 而已。 數夕月色清絶,恨不對酌, 未即 披奉,萬萬自

重。 不宣。

+

起居佳否? 某啓。人還,奉書必達。 叠煩頤旨,感怍交深,未緣 即候 漸 涼,❷ 面

謝,惟祝若時自重。不宣。

不宣。

宇已就,想日有佳思。 某啓。 秋高氣爽,伏計尊候清勝。 未緣披奉,萬萬 以 公

時珍嗇。

不宣。

兹薄冷,起居佳 某啓。 尚冀保衛。 前日人回,裁謝必達。 否? 區區之至,不宣。 未緣展奉,

但

有 翹 履

比日

Ξ

想。

不爲勞也。 已還治,起居佳否? 某啓。 近奉狀,知入山未還。 未瞻奉間,更乞若時自 往來衝冒,然勝遊計 即日想

0

近日」,原脱

續集》卷

四

、《歐蘇

·即候」、《大典》作「節後」。

五十五

尺牘

詣。不罪。 日欲奉屈早膳,庶少欵曲。闕人,不獲躬 某啓。昨日江干邂逅,未盡所懷。來

## 與馮祖仁十一首以下俱北歸

奉啓疏上慰,不次。 追慟何及。伏冀俯順變禮,寬中强食。謹也。比辱手疏,且審孝履支持,廓然逾遠,也。比辱手疏,且審孝履支持,廓然逾遠,萬一,實以漂寓窮荒,人事斷絶,非敢慢萬一,實以漂寓窮荒,人事斷絕,非敢慢

大狀,不罪。手拙簡略。不次。至曲江,首當詣宇下。區區不究,●乏人寫偶未死耳。水道間關寸進,更二十日,方答謝,感怍不可云喻。老瘁不復疇昔,但燭,衰朽增華。但以未拜告命,不敢具啓燭,衰朽增華。但以未拜告命,不敢具啓

Ξ

未敢上謁。領手教,愧悚無地。至節,想散,已夜,不能造門。早來又聞已走松楸,某啓。昨日辱遠迓,喜慰難名。客

一作「非面不既」。 「不究」、《大典》、《七集·續集》卷四、《外集》卷八十

一五〇三

惟孝 思難 堪, 柰 何 ! 柰 何 ! 來 晚 當 往

慰。

四

節辰蒙惠羊邊、酒 壺,仁者之餽,謹以

薦先,感佩不可言也。

五

某啓。 辱手 教,承. 晚來 起 居 佳 勝。 惠

當 一笑,忽忽,不宣。

示珠欖,頃

所未見,非

獨

下

視沙糖矣。

想

六

息不已。 某啓。 捧手教,承起居佳勝。 前 日辱下顧,尚 未果走 卑體尚 謝 未 悚

七

不宣。

獲之,喜甚。

從此

衰

疾

有

瘳

還,

甚清快,坐阻談對,爲悵惘也。

惠示

妙

劑,

某啓。 辱手教, 具 審尊 體佳 勝, 甚

慰

馳仰。 燒羊蒙 拙疾亦漸 珍 惠 下 平矣。 逮童稚矣。 來日當出詣。 謹 奉 啓 謝

不宣。

八

兩日 冗 迫,❷不 果詣 見。 伏 計 孝 履

如

0 與上首爲一首。 此首全文、《大典》、《七 集 續 集》卷 四 附 上 首 之

0 「冗迫」,原脱,據《外集》卷八十一補。

五〇四

罪 ! 日, 宜。 欲告借 家人輩欲遊 朝 前 散 日 , Ø 南 盛 絶 山 早 會 時 遣 祖 仁 作 至 l若無. 包 不 子 事,可 罪 能 不

九

同

到

彼閑行否?

果等爲餉,已捧 ,昏倦,裁謝草草。 辱 回 教,及蒙以 領 訖 巖硯、 顧 無 法 以 當之。 醑、 嘉蔬、 適苦 珍

+

保 煩遠 否 ? 行不暇題,謹 重 出,昨所云金山之行,可罷 昨 先什輒 日 奉 辭, 同 已 納 題 瞻 Ļ 跋。 戀 殊甚。 祖仁方在疚, 鶴、鹿、馬三軸,迫 旦 也。 來 孝 乍遠, 履 更不 佳

+

益遠,極瞻繫也。歲暮,更惟節哀自重。 於人事,又苦河魚之疾,少 兼 寵,幸甚。 重, 非老朽 比日孝履何如? 辱牋教累幅,文義 所敢當,藏之巾笥,以 留 到韶 粲然, 調 理 累 乃 行,疲 爲光 禮 行。 意

與章質夫三首以下俱黄州

作,又思公正柳花飛時 花》詞妙絶,使來者何以措詞。 我之深,何 某啓。 以 承喻慎静以處憂患 及此, 謹置之座右也。 出巡按,坐想四子, 0 本不敢繼 非 心 <u>~</u> 柳 愛

- ▶ 「時作」,原脱,據《外集》補。
- )「朝散」、《外集》作「知朝」。

五〇五

子已寄君猷矣。 熟,與《本草》所說不同,不可妄用。 子用之。今市人賣者,乃是花鴉苺,九月 月花,五六月熟,其子酸甜 不以 閉 前者路傍摘者,此土人謂之插秧苺,三四 徐令去,惟細辨。 門 示 愁 人也。《七夕》詞 斷,故寫其意,次韻 覆盆子若不真,即 亦録呈。 可食,當陰乾其 一首寄 去, 藥方付 無效。 想篭 亦

-

不宣。 伏冀若 籍所拘, 期 可慶也。 雖未厭 時爲國保重而 未由攀餞,北 比日啓途之暇,起居佳勝。 滿, 伏 承 而脱 被 屣 召,移漕 틷 望旌馭 炎 州, 謹奉手啓代違, 一六路, 歸 此 覲 懷 闕 輿 庭, 미 某謫 論 知。 兹 所

三惠州

斤, 也。 遣。 爲疲勚,冬末乃畢 雖鄰不覿。 開喻,感佩深矣。 朝夕所須也。不罪! 萬一有南來便人,爲致人參、乾 但方營新居,費用 某啓。近承 荷公憂愛之深,恐 手書,以侍者化 比來皆已忘去。 İ, 百端,獨力幹辦,尤 爾 不罪! 時 遂杜門: 欲 去, 凡 知 默坐, 其 棗 曲 百 數 略 粗 垂

# **與章子厚二首**以下俱黄州

言 十畝 牛發豆斑 幾死,牛醫不識其狀,而老妻識之,曰:「 而効。 ,身耕妻蠶, 某啓。 瘡 勿謂 僕居 也,法當以青蒿粥啖之。」用 僕謫居之後,一向便作 聊以卒歲。 東坡,作陂 昨日 種 稻, 有 牛 村 田 其 病 此 五

-

且不便於郵筩,不以爲簡慢也。丈丈尊某啓。閒居無人寫得公狀及圓封,又

耳。舍弟自南都來,挈賤累繚繞江淮,百賤,百須易致,但貧窶所迫,營幹自費力候,聞愈康健,不敢拜書。江淮間歲豐物

貧困也。荷公憂念,聊復及之耳。其餘,喪一女,情懷可知。碎累滿眼,比某尤爲日至此,相聚旬日,即赴任到筠。不數日,

與章子平十二首●以下俱杭州

非尺書所能盡也。

某啓。咫尺不時上問,特枉手書,愧

愛。不宣。 逐爾。未由面言,臨紙惘惘。千萬爲國自殊厭繁劇,方艱食中,未敢乞閑郡,日俟譴汗不已。比日起居何如? 某老病日增,

\_

然湖山風物依然,足慰遲暮也。未由接勝。到官數月,公私衮衮,殆非衰病所堪。違去未幾,復深馳系。比日,伏惟起居佳基的。久闊,幸經過一見,殊慰瞻仰。

奉,千萬爲國自重。不宣。

●「二」,原作「五」,今校改。參本卷《與章致平二首》,

Ξ

暑,萬萬自重。 原,已厭水矣。 雨 不少,害稼否? 某啓。 稍疎上 揮汗,恕不謹。 未緣瞻奉,惟 問,伏惟 想極 一憂勞。 台候 劇 思 杭 萬 雖多 仰 福 高 毒 積

四

亦潔雅,未宜嫌棄,餘非書所能究。 勝,恨不與老兄共之也。 暑向衰,官事亦漸簡,差有可樂。 日 起 某啓。 居佳勝,感慰兼極。 楊 同 年 至, 出 某百凡如昨 所教 金 魚池 賜, 湖 且 數寺 山 審 之 比 秋

五

而 如未有人,幸留此闕 曾君管秀學否? 聞曾君不久服闋入京, 行,近丁憂貧甚,食口至衆, 輒 内行過人,誠可以表帥學者。 有小懇拜聞。 必不深訝。 某再啓。● 可否略示論。 前日曲蒙厚待,感怍兼至, 本州於潛縣柳豫,極有文 也。 此人詞 無所歸, 學甚富 可代

聞

六

學行甚高,詩文皆過人,與王荆公最雅素。 某 少事試干 聞。 京 口 有 陳 輔之秀

0 再啓」字樣,今逕改。 某」,原作「墓」,誤刊。 尺牘之首,例有「某啓」、「某

行。 荆公用 或别有所礙,即已。 何,度其可足,即當發書邀之。 官,可請此人否,如何? 乞示及。 與之唱和 然貧甚,薪水不給。 事 他 孤 絶 介寡合,不娶不仕,近古 不 自 哀其孤高 通 竊恐貴郡未有 及公退 如已有人, 窮苦,故謾 居金陵, 月給幾 學

七

爲之一言。不罪!

不 罪 !

倒也。 荷 得免爾。 動致煩言者,吾兄不復云爾,讀之不 罪,幸矣,豈復有他哉! 留念,已差人咨請。 再 舍弟孤拙,豈堪居此官,但 啓。 承諭及,感怍! 蒙示諭 知 之 。 某自是 感作 但 得吾 平生 兄 力 船 辭 覺 不 子 坎 甚 絶 見 不 坷

八

開。 八百 榜示之。 八十 路西葑 葑臠 初無 丈 田 想 闊 用 五. 有餘可爲 近 丈, 以 頗 湖 消 心 田者 散 疊 此 出 1,當如: 物, 教 相次 揭

九

某 悚 非 紛,易得瞋 而 無 息! 接 面不究。令子辱訪,不 況 他,久亦自信。 無有 契末非一日, 豈復以人上浮言爲事, 某疎拙多忤,吾兄知之舊矣。然中實 耶 ? 喜, 願彼 此 示論 必告者 此 别紙,讀之甚惶恐。 切 盡 1過也。 勿聽而已。 一欸 曲。 當路紛 悚息 ļ 餘

五〇九

╁

至懇! 來,本 刷,多多益佳,約用四百隻也。 理矣,想不惜見助。 某啓。公見勸開西湖,今已下手成 州 諸 般,全 贓罰船子,告爲盡 然 闕兵 也。 仍告差 至 懇! 人駕 數 剗 倫

國、幾先同饗。 可再煩枉顧。 書,承起居佳勝。 昨日遠煩從者,感愧之極。 貺鵝肉,極濟所乏,遂與安 乍遠,千萬保愛不宣。 渡江非今晚即來晨,豈 辱

0

果往見,只今解去,豈勝悵惘。子由寄今年 某啓。久别,復此邂逅爲喜。

之、且爲致區區。乍遠、千萬自愛。

賜茗,輒分一團,愧微少也。

二陳恨不一見

病瘡,不

與章致平二首●以下俱北歸

某頓首致平學士。❷ 某自 儀 真 得 暑

之子,於蘇軾爲晚輩。《漫鈔》卷九載此首尺牘全文。 參《與章致平二首·二》校勘記。 鈔》)卷九,此乃與章致平者。 第十三首尺牘。 與章致平二首」,原作「十三」,意爲此乃與章子平之 據趙彦衛《雲麓漫鈔》(以下簡稱《漫 致平名援,章惇字子厚

·致平學士」,原脱,據《漫鈔》補。 以下「子平」,改「致

胎髮。 鄰里 物 以 物多 宜 家常要用藥百千去,自治之餘,亦可以 風土不甚惡,寒熱皆適中。 也。 者 定交 皆不能 可 漸 也。 在 成 未 知。 而 所 醒 困 此。 海 成者,正坐大用故也。 鄉黨。又丞相知養内外丹久矣,每 有,若昆仲先於閩客、廣舟准備,● 已。 四 增 然卒爲癰疽大患,皆耳目所接,戒之! 困 卧 舒州李惟熙丹,化鐵成金,可謂至矣,服之皆生 建中靖國之意,可恃以安。❸ 干 但 損 見,茫然不 未 然只可自内養丹。 如 也。 <del>.</del> 餘 伏讀 以往者,更説何益,惟 主上至仁至信,草 能。 曾作《續養生論》一首,甚 昏 年,雖 醉 來教 到 聞其· 中。 毗 中 知 ,感歎不已。 陵,定疊檢獲,當 到 高 間 致平在 京 年,寄 出 口 處 今兹閑放, 此 舶到時 稍異,交情 - 木豚 自 跡海隅,此 切不可服 。某與 太 分分以 又 魚 其 戒之! 欲 海 所 未 四 丞 正 寫 及 方 康 知 然 固

> 休,不 紛見 速歸 更徐 自半月來,日食米不半合,見食却飽,今且 也 刊 日。 **①** 某頓首 聽 及已多矣,得安此行,爲幸! 毗 所 · 即 死。 其 陵, 審。 穆 W ト,反 再拜致平學士閣下。 書至此,困 自憩。❻ 又見今病狀,死生未可 覆 究 此 繹, 我 憊 放筆, 必是 里,庶幾 太 爲幸 聽。 月十 息 且. 丽 少

·也」,原脱,據《漫鈔》補。 ·損」,原作「益」,據《漫鈔》改

「廣舟」、《漫鈔》作「川廣舟「可」、《漫鈔》作「又」。

「憩」、《漫鈔》作「欺」。「外」,原脱,據《漫鈔》補。

「某頓首」至「六月十四日」十六字,原脱,據《漫鈔》

仙骨者不傳。 百丸,漸加至三百丸,益多尤佳。 大。不入一物。 和合,即人木臼杵數千下,便丸,如梧 時以井花水灑潤之,則膏液自上,謹視其 難擣者棄之。 此耳。若世所謂茅术,不可用。 非如 遠不及宣、湖所出。每裹二斤,五六百足,極肥美,當用 二百足,細碎而有兩絲。 舒人亦珍之。 口授其詳也 中散泛論也。 續養生論》乃有 此必是仙方。 《續養生論》尤爲異書, 或留作香,其細末曝日中, 白术一味,舒州買者,每兩 遇 細擣爲末,餘筋滓 而 作,論 日以井花水 然其膏潤肥厚、 即 此 是方, 非 桐 有 嚥

#### 與 人一首❷

某再啓。 比來 道氣如 何 ? 用 新 術 有

> 他也。 觀音驗已久,公何知之晚,丘誦之久矣。 驗否? 指擿,亦不至是也。 笑,一笑。令姪節推甚安,幕中 何生 寫真,逮十分矣,非公與子 感服! 感服! 極

### 與 蹇授之六首以下俱黄州

傾 某慰疏言。 問悲愕,如何可言。 不意變故,令閤盛年遽至 悼之

殞,

聞

- 0 州買者每兩二百足」云云,似即所寫之白术方。 教授君處」。此首之「白术一味」及該句句下注文「舒 漫鈔》謂蘇軾於上首之後,「又寫白术方,今在其孫治 「十四」爲「二」。 「二」,原作「十四」,意爲此乃與章子平之第十四 案,此首與上首銜接,當爲與章致平者。 《雲麓 [首尺
- 2 改題「與人一首」,附校於此。 五首尺牘,味内容,或是與章子平者,然未敢定。 與人一首」,原作「十五」,意爲此乃與章子平之第十

竊 惟

感

深,觸 何 ! 啓少布區區。 柰 何 ! 物增慟。 不宣。 未緣詣 日月 逝 慰,但增哽塞。謹 矣, 追 想無 及, 奉

道區 草草,不罪! 不罪! 荷德庇。 矣,亦常以書痛解之。適苦目疾,上問極 此區區至意,惟聰明察之。季常悲恨甚 遠,動以貽憂爲念,千萬麾遣,無令生疾。 内 外積慶、淑德著聞、乃遽爾耶 區。 某啓。得季常書,知公有閨門之戚, 尊丈待制,必頻得信,因家書爲 舍弟 每有書來,甚 ? 公去親

四

季常可勸之一起,●深欲圖其見坐處也。

噱。

煩從吏,甚不當爾。 恃眷故,❸必不深責。

甚幸,但去替不遠耳。

輒有一書及少信,❷

者,而竟不遂,可

勝歎耶!

子由在部下,

療至今,雖稍愈,尚昏昏也。 上馬赴約,忽兒婦眩倒,不省人者久之,救 某啓。前日已奉書。昨日食後,垂欲 小兒輩 未更

事,義難捨之遠去,遂成失言。

想仁心必

奉見、豈徒然哉、深有所欲 陳

> 「眷」,原作「雅」,據《七集・續集》改。 ·及」,原脱,據《七集·續集》補。

0 0 0

此首及以下四、五、六首、《七集•續集》卷五爲《與蹇

序辰四首》。

之」,原脱,據《七集·續集》補。

五三

五四四

期,惟萬萬爲國自重。謹奉手啓,不宣。乃爾齟齬,人事真不可必也。後會何可復何如? 閑廢之人,徑往一見,謂必得之,恕其不得已也,●然愧負深矣。乍煖,起居

不宣

夕恐

遂

見,

惟冀

順

候

自

重。

謹

奉

五

材令問,豈久棄者耶?於安逸,而達於憂患,願深照此理。況美於安逸,而達於憂患,願深照此理。況美不得一見而别,私意甚不足。人常蔽

六

復自 尚蒙 鄉間之末,亦竊以爲寵,但罪廢之餘,不敢 薄寒,起居佳安,甚慰所望。 比數故舊。 存記,手書見及,感愧 某啓。江上一别,❷今幾年矣,❸不 書詞過 重,只益惶悚。 不可 承奉使 言。 江表, 衝 涉 日 謂

**與張君子五首**以下俱杭州

譽爲懷。 甚不爲過往所悦。 遣。 光。 會,尚冀爲國自愛。不宣。 民饑歉,公帑窘迫,到郡但閉閤清坐而 丐閑散,以避紛紛耳。 謂 存記,遠枉書教,獎與隆重,足爲衰朽之 但杭之煩劇,非抱病守拙者所堪。 比日履兹寒凝,起居佳勝。 某啓。 公知照之深,聊復及此。 别後公私紛 然老倦謀 湖 冗, 山雖勝游,而浙 有 退,豈復以毁 闕 某凡百粗 E 未 問 ·由展 行 敢

0

·幾年」、《七集·續集》作「歲餘」。

<sup>「</sup>心」、《七集・續集》卷五作「明」。

② 「江」,原作「汴」,今從《七集·續集》卷五

之矣。

今若爲公家寫,則

見罪者必衆,

唯

得免,其餘皆

不肖爲俗所憎,獨公相

視

親

研

席之舊,義均兄弟,故不

寫

,除韶旨外,只寫景仁一《志》,以盡

不肖以得附託

爲

更復

何辭。

但從來不

先人

某

承

欲令寫

龍先

烾

神

道

碑,

如公家世

知其 相識 見及。 避其鋒。 宫觀 民不知爲 今乃爲 故不爲用 八心耳。 差遣 ,不知其由, 某春來多病,時 其所 又去年 此 素荷知 事 也。 者 訟 蓋 所容。 黥 拙 ,蓋必有使之者。 以此,不得不爲求閑 以 照,聊復及之。 二凶 者 爲無故復求退, 雖 復謁 近者言陳 人,一路爲之肅然。 在 遠外, 告,乞宣 師 尚 亦恐 不然,頑 一城,或 道 忝 欲公粗 一, 因 劇郡 都 散 下 復

四四

意

兩

重。

捧領慙荷。

有所擇耳。

千萬見恕。

惠貺

小

團

佳

醖

物

厚,豈復惜深察悚息。

運筆。

但

一業已

辭他人,嫌若

若在外之安也。蒙念最深,故及此,幸所忌,縱復歸覲,不免側目,憂患愈深,不病豈不念歸。但聞以眷知之深,頗爲當路某守郡粗遣,去國稍久,矧懷家弟,老

五

密之。

某啓。别紙示喻,愛念之深,欲其歸

<u>五</u> 五 五 罪也 甚,不 想亦 意。 招怒取 卿道此,亦佳。 安衰拙也。 俟到夏,流殍不大作,則别乞一小僻郡,少 闕。 又 但 自 在 不久須出 顧 計之熟矣,以此不如且在外也。 内實無絲 某之思念家弟,懷仰親 減熙寧。 謗 耶 ? 衰 惠 貺 老 蒙知照之深,故覼縷。 党。豈能 團 毫 茗 冗懶殊甚,不别拜書,想 則歸亦誰從。 若 然備禦之方,亦粗設 補 [御香, 緘 復與 報。 П 隨衆, 人 皆所 而 計 爲 友,豈 較 郡 難得, 又非平生本 浙西災傷殊 長 粗 短是 無 可 因見晉 及 歸 感佩 子由 非 民 意 不

## 與 元素十七首以下俱黄州

令弟慶基來,聞已往安州 見笑語,發於寤 某啓。 忽聞 寐。 舟馭至鄂,喜不自勝。 尋 遺 , 悵然失望, 至今 人馳書,未達間,

> 與樽 累幅,及見和新詞,差以喜慰。 日起居佳 練爲禱。 況 ·俎之間,想孜孜見説而已。 不 佳。 不宣。 勝。 想公愛我之深,亦自悔之也。 與元法相聚之樂,獨不 乍寒衝涉 然領手教 得

比 情

保

清勝。 謝 然 内外廓然,稍獲輕安。6 ,愧悚殊深。 軾啓。● 軾病後百· 近 比日伏惟履兹 兩 事灰心,❸雖 辱 手 教, 何時瞻奉 以 無 溽 多 復 暑,❷台 病 世 不 樂, 即 略 道 候 裁

- 0 内下同)補 軾啓」二字,原脱,據西樓帖(文物商店收藏本,本
- 献」,原作「某」, 據西樓帖改。

「伏」,原作「仰」,據西樓帖改。

- 雖」,原脱,據西樓帖補。
- 原作「皆」, 據西樓帖改。

啓,不宣。 軾頓首再拜元素内翰老兄執所以然者。 未間,伏惟爲時自重。 謹奉手

六月三日。❶

Ξ

召 加健,此大慶也。 日 起 居勝常,近領 涉 慰輿論 暑 疲 勌, 書 手 問 更望倍加保嗇,側 海,承 稍 缺, 小疾 愧 仰 八盡去, 三 無 量 聽 體 嚴 力 比

四

之東三百石者便,爲下狀,甚佳。李教授知彼中事,但公意所可,無不便者。軍屯罪,乃蒙留念如此,感幸不可言。某都不忽忽解去,❷至今不足。示諭田事,方憂見忽經去,●至今不足。示諭田事,方憂見不良。,

園,以報今日之賜也。 之兄 資,異日公爲蒼生 彭寺丞見報。❸ 到,乞與留下。 之子過此,已託 又云: 官 亦閑 果蒙公見念,令有歸老之 務 於舟 一復 相 起,當却爲公葺治田 中 與問看。今日章質夫 近 適新舊守到、發,冗 有 載二百千省上納。 一莊,大佳。 此

五

甚,不一一。

未嘗相識,便蒙開許,必以元素之故也。間更無人可以往幹,必須至奉煩唐君也。久遠幹之,幸甚! 幸甚! 某未能去,此不論,秀才唐君許爲留念,兼令幹人

- 「謹奉手啓不宣」至「六月三日」二十三字、原脱、據西
- 「解」,原作「别」,今從《七集・續集》卷五。
- 「此彭寺丞見報」六字、《七集•續集》爲自注注文。

Ŧī. 一八

乞道 深欲 及奉啓,乞致下懇。 。四四分四四分 作 書爲謝,適冗甚,非 天覺、彭寺丞、皆蒙書 别附 宗,亦 問問 未 且

六

歲行盡 得歸農 州魏 再拜元素内翰尊兄。 勝,❷爲慰。軾凡百如 秀才兄弟行,附手問,不審得達 軾 必乎。● ,伏惟順時爲 公決起典郡,無疑 十二月十五日。 人自重。❺ (舊,❸近又大霈,庶 不宣。 也。 近嘉 軾 幾

啟。❶ 遞 中 領 手 教, 伏 審 台 候 佳

七

須半月乃至也。 弟 近 得 筆 書,無 凍,寫 恙,不知相去幾里,但遞 不 成字, 奇方承録示,感戴不 不 罪 ! 不罪 中 可 書 舍

> 足否? 吹也。 乞揀 記所聞, 言, 編《本事曲子》,●足廣 固當珍秘也。 擇 然切謂宜更廣之,但 即所載日 傳 到 百 四 益 近 **)**廣矣。 十 奇聞 相 許 識, 曲 囑 以 輒 知識 爲閒 録 獻 不 得 三事 知 間 居 明 傳 · 令 各 之鼓 公所 , 更 得

八

娱。 陳季 近於 城 常者,近 中 茸 在 一荒 州界百四 園, 手 種 十里住,時 菜果 以 自

佳 軾 . 啓 二 勝」,原作「勝常」,據西樓帖改。 字,原脱,據西樓帖補。

0

幾」,原脱,據西樓帖補。 「軾」,原作「某」,據西樓帖改。

惟」,原作「冀」,據西樓帖改。

補。 明公」,原作「公明」,今從《外集》卷六十八。 不宣」至「十二月十五日」十七字,原

其人甚奇偉,得其一詞,以助《本事》。復來往。伯誠親弟,近問之,云不曾參拜。

九

流 甚好,但税稍重。 迤邐還,不知信否。又見樂宣德,言此 石,❸厥直六百千,先只要二百來千,餘 頭湖莊子,去府五六十里,有 慥,云,京師見任郎中其孚之子,欲賣荆 若須使,乞示諭,●求便附去。❷ 幸 ! 放船也。 必 一面裁之,不須問某也。 ,近日更不敢託他也。 無 胡田先佃後買,所謂抱橋澡浴,把攬 近答唐君書,并和紅字韻詩,必皆達 遺 承示諭,定襄胡家田,公與唐彦議之, 策。 呵呵。凡事既不免干凟左右,乞 小子坐享 告爲問看。 成 尚有二百千省, 凂亂尊聽,負 熟, 知 彭寺丞之 田五百 見陳季常 A 幸 ! 來 田 可 南

十赴登州

不了也。

如禮。 保愛。 故不淺 近所傳,蓋非實也。 起居何如? 專人至,辱 ,乃爾見疎。 人還,適在瓜洲道中。● 登州謝章未上,不敢致啓事, 長 箋爲 未由合并,千萬順時 悚息 貺 禮意 悚息. 兩 裁謝不 過。 比 Н 契

六十八。 「諭」,原作「喻」,今從《七集·續集》卷五、《外集》卷

0

「求」,原作「來」,今從《七集・續集》、《外集》。

「四」?。「田」、《七集・續集》作「米」。「五百」上、《外集》有

0 0

洲。蘇軾赴登,過其地。地紀勝》卷三十七《揚州・景物上》有瓜洲,今猶名瓜地紀勝》卷三十七《揚州・景物上》有瓜洲,今猶名瓜

0

一五九

五二〇

- 一以下俱登州還朝

擢矣。 供嘯咏之樂。數日來,人皆云公移徐州, 自 決不能陸 里至汝,雖繚繞邅回,然久困,資 不可免。 雖未是實 萬 福 ,深慰馳 陳主簿人還,領手 某本欲秋間 見治裝舟行,自洛陽出陸百八十 行 語,然理當如此,惟汲汲行復遷 耳。 仰。 無緣詣别,惟望順時爲國 人物豐盛 往見,而汝州之行,度 教。 伏承 一、池館 比 用殆 清 日 麗,足 台 盡, 候

+ =

大 城 不 北 · 果。 有 城 南 劉子 公若有餘力,爲 有 政 亞父塚, 墓,昔欲 然 爲 非 成之,亦佳 起 也 祠堂, 塚 在 居巢。 以水 城

> + =

亦

佳有

觀。

西

楚元王

墓,曾出獵,至其下。

石

佛

Щ

詳及。 慨歎 故舊皆已還朝,坐念老兄獨 想以道眼觀之,何啻蚊蝱,一笑可也 品類也,乃敢如此。 來, 切想起居佳勝。 人事衮衮,不皇上問 也 奉别 更 忽將二載, 冀 順 近聞· 時 信知困 爲 小人輒黷左右,此 未嘗定居。 國 ,愧仰深矣。 自 中,無種不有 重。 在江湖,未免 冗迫,不 到 闕 比 知 何 日 以

十四四

鄉信 盡 區區,恕之! ,堂兄承議名不疑。 恕之! 喪亡,悲痛中,不能 都下有幹,示及。

#### 十 五

腸,可 親受賜 陳 保信也。不罪。 也。 僉主 幸 簿,聞公已薦之,感戴之懷, 爲始終成之。 此 人 實無他 如

### + 六以下俱翰林

庇粗 達否 遂遊廬阜,況職當按行,他日世 諉,欲爲此 遣 ? 向 一,如聞 馳賀 比日 行,豈可得哉? 緘,及因 公欲 履兹微涼,台候何 謁 李教授行附問, 元老,果否? 餘惟萬萬 事, 似 ? 復奉 爲 不若 某蒙

#### + 七

待

計安。 耳。 願聞之,不須爲人言也。令子必得信! 齊之久矣,皆不足道。 老弟與温相知至深,始終無間,然多不隨 君子,惟温是隨。 諫所不容也。 命,期於必得耳。 致此煩言,蓋始於此。 某近數章請郡,未允。 昔之君子,惟荆是師。 。所隨不同,其爲隨 公必聞 老兄 相知之深,恐 然進退得喪 其 數 略、蓋 日 來, 也。 今之 杜 門

# 與林子中五首以下俱揚州

喜。 候佳 勝。 某啓。 召命過我,當爲十日 某 被 近 命 遺 維 人 奉書, 揚,差 復 留 必 達。 也。 相 近 ),頗以 未間 乍 暖,台 萬萬 爲

萬自重。不宣。

\_

息 字,要知達也。 絕世,輒作二 見,瞻企之極。 某啓。 悚 息 ! 以 絶 比 病 怱怱,不宣。 句其後,答去。 來 前 在 起 日 告, 辱 居 不 手 何 與朝 如 ? 教,不即 會 二圖奇 幸批 莫克 答,悚 妙 望

Ξ

雌相伏者。 耶 ? 可 人收得 所要鷄 某啓。 邦直耽 就 問 寫書至此,忽見報,當使高麗。 傳 7少許 陽草 惠貺 此極 取 也。 -,未有: ,納去。老兄亦有 深。僕有一方,遂 團, 奇絶! 生者。 領意 至 奇絶 此 厚 有 ', 感 此 爲 惑 惑 怍 消 碙 方 取 故 爐 無

> 美事也。 觀 知此行果決 還,僕亦不患貧 此 日 本劣弟 出 使絶 又見辭 差遣, 如 域知有林夫子,亦人生一段 何? 矣。 免, 遂爲老兄所 何 若不能免,遂浮滄海、 吅 也 呵。 ? 且寄數字,貴 挽 不 ,然比公之 知得請

四

知之晚 素。 己。 驤 下 憂,可量 食、況經此變故,窘迫 而 以 何 聚族至衆,費用 蓋 故人勉强一慰,此 嘗 某啓。 傳 往 耶 與 有 愧 蔵得 ! 可。 饑寒官人耶? 歎。 承别紙 所要元素方,本非親授於元 之於一道人,後以與單 與可 昆仲才行,豈久困 不貲。 示喻, 云試之有驗,仍云元 可知,聞之但 乃世俗之常悲 吾兄平時 知 惟 大 寬 事 懷 雖 順變 . 者。 僅足 辦 己 得 畢 何 空 衣 天 而

灾患 蒙見索,容少暇 慎之! 某在 復爲之,蓋 又初傳者,若 ?; 即 去,恐未 ,不敢不納去,又不敢 此 方 能 無 也 以 京師,已斷 有 非 也。 益 遣 絶 某 而 懷 即 世隱 耳。 不曾驗,今納 先 淪之人爲之,恐有 奉糜 作 固 詩 不 未嘗留本,今 垂 奉聞,慎之! ,近日又却 竭之囊 元 初 時 傳

五

得正 小事,繫何休戚。 饑寒。近日逐 外生,亦忙窘。此事亦不 可逃也。某始到此,俸亦 以 貧 瑞光本師,見説 仲書,亦如 乏。而值 某啓。子中既 此時, 出 此。 數講僧,別 而文移問 憂居 此乃吾曹分限,殆 百 ,已有人向道此 事 情 足言,要亦 粗 難 難 味 請 給,爲欲 礙 如 叫 奈何 長老,此 織。 知。 不 聘 僧 今差 又 至 加 亦 不 近

> 赴,是 餘,非面 頰,力爲致之,有 何 不悉。 閑 事 但 欲 别 沮 紙 此 公 或可 耳 0 示本 請 也 子 中 其 緩

與晁美叔二首以下俱徐

久矣。 間 汰 但 至 無 造耳。 今。 奉行新政,多不如法。 以 爲國自重。 某啓。 爲 即日 計 喻 若得 明 哲 自别,兩辱存問,荷眷契之厚, 日 不審尊 放歸, 雅 欲 謹奉手啓居,不宣 量,不 裁 謝 過淮,必遂候見。 履 何 深 丽 勘 譴 拙 如 過,而· 劾 鈍 相 某 懶 尋, 放,因 此 自訟 無 日竢 恙, 循 亦 未

\_

者, 以吾兄素性亮直,而 某再 拜。 向 承 出 按 此 淮 職 甸 多有可 不 即 愧 者,

矣。 政,少 躬履其事,必有可觀者矣。 於兵火,民既無告,吏亦僅且 中常賦之外,●徵斂雜出 了諸兄自亦知之。 非所樂耳。 向聞吾兄議論, 頗與時 \紓吏民於網羅 然仁者於此時 中, 亦 而鹽禁繁密, 所 輩不合,今兹 令兄佳士,久 免罪,益荀簡 力行寬大 益 不 少。 此 之 急

## 與楊康功三首●黄州

趨奉 起 實之相副 必 居何如? 察其情也。 ,惟冀順 某啓。 也。 浙右之别, 時爲國自重。 衆論翕然,知忠信之可恃, 雅故之末,欣慰可量。 特枉書問,感愧兼集。 遂失上問,至今想 不宣。 比 未緣 日

|離黄州

措。 之望也。 聖,聖化日新 自取大戾,非先帝哀矜,豈有今日矣。 復知我者,公知之深,故及此耳。 某啓。 惟公忠孝體 自 ,勉就功業,遂康斯民, 聞 國, 或 卹, 想同 哀 此情。 慕 摧 殞,不知所 某無狀, 嗣皇繼 知識 誰

|||赴登州

兩日大風,孤舟掀舞雪浪中,但闔户

「此」,原作「比」,今從《七集•續集》卷五。

「公」爲「功」。 集》卷六此三首之第三首,題即作《與楊康功》。今改蘇頌《蘇魏公集》中之《楊康功墓誌銘》。《七集‧續下功」,原作「公」。案: 康功名景略,華陰人,事迹詳

篇 酌徑 過彼,可出示之,令發一笑也。 歲矣,頗知作詩,今日忽吟《淮 楚守寄去,一笑。 某有三兒,其次者十 擁衾, 瞑 粗, 醉。 可觀,戲爲和之,●并以奉呈。 目塊 醉中與公作得《醉道士石詩》,托 坐耳。 楊次公惠 П 醖 遇風》 壺 子 由 六 少

## 與李昭玘一首 黄州

深矣。 觀負 有漂 者、陽翟人、雖狂氣未除,而筆 於拙者便可閣筆,不復措 下新製,及魯直、無咎、明略等諸人唱和, 比 且 日 出 日 某啓。 砂走石之勢,常識之否? 尊 所惠 體 老病廢學已久,而此心猶 軒諸詩文,耳目眩駭,不能窺其 何 書, 如 無便,久不奉書。 益知 ? 既拜賜雪堂新詩, 動 止之詳, 詞。 爲慰 王子中 勢瀾翻,已 近有 子中殊長 在,觀足 無 李豸 又獲 量。 淺

萬萬自重。徐人還,怱怱奉啓。不宣。進,皆左右之賜也。何時一笑? 未間,惟

# **答劉元忠四首**以下俱杭州

何! 奈何! 盛德之後,何乃止此,壽夭聞愛弟傾逝,手足之痛,如何可言,奈

「戲」,原脱,據《七集・續集》卷六、《外集》卷七十補

0

無由面慰,臨紙哽塞。默定,非追悼所及,千萬寬中自愛而已。

Ξ

納去。不訝。 此名號也。必亮此言。黄素却寫一絶句人,不欲便寫,若乃是自謂,則未願足下爲足下自謂耶,抑爲他人求也? 既不識其當即寄去也。所要「白雲居士」字,●不知當即寄去也。所要「白雲居士」字,●不知

**四** 儋耳

公,❷愛其屋上鳥,況族子弟之佳者乎。❸陽秀才寘談道甚妙,可與閑遊。懷思文忠盡意,察之。柳伯通因會,爲致區區。歐基啓,聚之。柳伯通因會,爲致區區。歐某啓。近别,伏惟起居安勝。短牋不

餘惟萬萬若時自重。● 不宣。

# 與蔡景繁十四首以下俱黄州

◆ 十三。◆ 一十三。◆ 一十三。◆ 一十三。◆ 一十三。◆ 一十三。◆ 一十三。◆ 十三。◆ 十二。◆ 十二。<li

卷七十七補。

「思」字、「公」字,原脱,據《七集。

續集》卷七、《外集

▶ 「惟」,原脱,據《七集・續集》、《外集》補。>> 「弟」,原脱,據《七集・續集》、《外集》補。

四

布聞。 覽游從之適, 責輕,召災未已。 近復以風毒攻右目,幾至失明,信是罪重 暑,尊體何如? 近奉書,想必達。 何日少獲,瞻望前塵,惟萬萬爲時 切罷矣。 某卧病半年,終未清快。 杜門僧齋,百想灰滅,登 比日,不審履兹隆 知愛之深,輒以

Ξ

自重。

薄寒,起居何如? 以少安。今者又遂一見,慰幸多矣。衝涉 某謫居幽陋,每辱存問,漂落之餘,恃 區區之素,即獲面既。

五

違闊數日, 悽戀不去心。 切惟顧愛之 驚喜,試勉繼之,晚即面呈。

頒示新詞,此古人長短句

詩也。

得之

六

凡百如常。 至後杜門壁觀,雖妻子無

何如?

某蒙庇如昨,度公能復來,當在明

厚,

想時亦反顧也。

比來跋履之暇,起居

遠,萬乞爲國自重。

年秋矣。某杜門謝客,以寂嘿爲樂耳。

幸 甚 ! 往否? 帆可 感。 子,想聞之,一拊掌也。 到, 海上奇觀,恨不與公同遊。 ,況他人乎。● 聞益奇偉,囊恨不一往也。 大篇 ||或可 追 然雲藍小袖者,近輒 賦,果寄示,幸 惠及人参, 東海縣 · 甚 ! 公嘗 感 生

八

七

輒此 朝廷亦憐之。 貧,云無寸壠 益 日,囊彙罄然,殆無 董義夫化 令人厭薄世故也。少張徒步奔喪,死 **| 僣言,不深譴** 前 日 去。 親 見 可歸,想公聞之悽 如公言重 許 人命脆促,真在呼吸 少張暴卒,數日間 以 斂。 其弟麻城令尤 可 一言否? 惻 也。 間 耶 又 料 之 ? 聞

> 呈也。 所得深遠矣。 便杜門謝客,齋居 此,當有少要 公行役之勞,以增永歎。 不謂公顧待如此,當何 和一首,并藏笥中,爲不肖光寵,異日當奉 「名章俊語,絡繹間 特承寄惠奇篇,伏讀驚聳。 坐廢已來,不惟 事 非書所能一一。 面 聞。 小室,氣味深美。 起」,正如此耳。 近見一 以爲報。冬至後, 人嫌,私亦自鄙。 春間行部若果至 僧甚異,其 李白 坐念 |自言 謹已

▶ 「乎」,原作「也」,今從《外集》卷六十七。

果爾者,亦當破戒奉和也。 臨 矣,因公復起一 索涼州》,凜然有冰車鐵馬之聲。 嘗攜家 賜不淺。 咳 |皋南畔,竟添却屋三間,極虚敞便 `逾月不已、雖無可憂之狀、而無憀甚矣。 承愛女微疾,今必已全安矣。● 遊,時家有胡琴婢,就室中作《濩 朐山臨 念,果若游 海石室,信如 呵 此,當有新篇。 呵。 所 諭。 婢去久 区夏,蒙 某病 前 某

+

起居 忽 日 社門, 飲 數酌,醉甚,正如公傳舍中見飲時狀 何似? 近 專人還, 無如思渴 向須畫 奉狀 仰 何! 必達。 扇,比已絶筆。 不審履兹 忽復中 夏,永 薄 昨日

也。

不覺書畫

十扇皆遍,

筆迹

粗

略、大不

+

少舒。 輒不自外耳。 之語,格韻殊高。 俗吏。儔輩如此 黄陂新令李籲到未幾,其聲藹然, 蒙德殊厚,小詩五絶,乞不示人。 近葺小屋,强 人殆難得。 比來 所 見,縱小有 公好人物,故 名南堂,暑 7才,多 月 與

+

奈何! 左右, 辱書,伏承尊體: 切惟悲 情愛著 悼之切,痛 人如黐膠油膩。 佳 勝。 割 驚聞愛女遽棄 難堪, 急手 奈 何! 解

❶ 「必已」,原作「已必」,今從《七集・續集》卷五。

謾傳 復迎謁? 已物故,故人皆有書驚問,真爾猶不恤,況 置爲佳也。 尚爲沾染,若又反覆尋繹, 耶? 區區,願公深照,一付維摩、莊 無由 未間,惟萬萬爲國自重。 劣弟久病,終未甚清快。 面談,爲耿耿耳。 便纏 何 周 或 . 時 令處 繞 當 傳

#### + =

### 十四四

也。 之,異日或 名父子也,晉、宋間第一流,輒以仰比公 者可輟,即付徐可也。 書,令請見。此人有心膽,重 家,不知可否?● 徐秀才前曾面 閣名亦思之,未有佳者。 《西閣》詩不敢不作,然未敢便寫板上 有用 也。 公許 密石硯,若有 氣義,試 蔡謨、蔡廓, 聞, 收録 留此

十一《名西閣》一文,可參該文校記。「蔡謨蔡廓」至「不知可否」二十四字,又見本書卷七

0

## 蘇軾文集卷五十六

### 尺

牘

## 與劉器之二首 黄州

爲看過。 書字不謹。 更告與敲琢。看唐彦道處,亦有一贊,并 此,●受賜多矣。● 辱書,極論内外丹事,劣弟初不及 因家兄龜年行,奉啓。半醉中, 輒拜呈《方丈銘》一首,

#### 一北歸

出 意,欲與寫《廣成子解》篇。 志仲本以 烏絲欄求某録雜 舟中熱倦, 詩耳,某自

# **答楊君素三首**以下俱杭倅

遂忘之,然此意終在也,今豈可食言哉!

病不能作志仲書,乞封此紙去。

游自得,心恬體舒,必享龜鶴之壽。 歸計未成,懷想親舊,可勝惋歎。 勝,眷愛各無恙。 久不奉書,遞中領來教,欣承起居佳 奉别忽四年,薄廩維絆,

每 以爲愧。 奉别忽二十年,思仰日深,書問不繼, 比日動止何似? 子姪十九兄

- 此」,原作「賜」,今從《七集・續集》卷五。
- 賜」,原作「此」,今從《七集・ 續集》。

五 三

吾丈優

劣姪

與時齟齬,終當捨去,相從林下也。

慰區 閑,自然得道 知騎 此希世奇事 會見之期, 遠 區。 驢出 來,得聞尊體 因孫宣德歸,附手啓上問 想亦不遠。 也。 ,步履如 也。 雖壽考自天,亦是身心空 某衰倦早白,日夜懷歸, 康健 飛, 更望順時自 能登木自 異常,不 勝 採 「重,少 慶慰。 荔枝,

### ||登州還朝

計安。 注 無以表意,輒送暖脚銅 盡 不冷也。 滿、密塞其 ,惟公龜 令子三七秀才及外甥十 某去鄉二十一 道氣 鶴不老,松栢益茂, 口 想不 , 仍 年, 假 以 此,聊 (布單) 缶一枚。 里中尊 裹之,可 致區 此大慶也。 宿,零落 品 每夜熱 以達 之意 郎, 湯 殆 丽 旦

# **與周開祖四首**以下俱密州

復得。 省得三五十首唱酬 中,别去,真作數日惡。 舉特來錢 佳 風俗既椎魯,而游 甚盛,深以 擇,而元素、子野、孝叔、令舉皆在 山水處,未嘗不 某忝命皆出獎借,尋自杭至吴 乃知向者之樂,不 塘 /開祖| 相别,遂見送至湖。 不在 亦非 從詩 懷想 坐爲恨。 談 酒 然詩人不在,大家 細 미 笑。 如 事。 得 開 而繼也。 祖 出 别後,每 者 京 湖 久在吴 興 北去, 。 豈 燕集 見公 到 可

\_

遠想起居佳勝。某此無恙,已被旨移河中遞中辱書教累幅,如接笑語。即日,

冷,殊不成字,惟冀自重而已。 浩然亭欲續和 者而 而 祖筆力頗長,魏武所謂「老而能學,惟予與 袁伯業」,真難 亦欲作一首哀詞,未暇也。 紀述,略盡其美,甚善。其家能入石否? 後百事紛紛,皆不足道。惟令舉逝 府,候替人,十二月上旬中行,相去益 人不復有意於兹世。 山堂。 不 可得者。 不可得,不免爲之出涕。 往日相從湖山之景,何緣復 適遣人往舍弟處,遂作此書。 寄去。 得也。 新詩清絶, 輒和 寄示: 今日大雪,與客飲於 細思此公所以不壽 Ш 當作寄去。 圖,欲尋善本 讀所示 兩首取笑。 有。 去, 祭 手 開 文 别 遠

### |||以下俱湖州

耗。忽辱教,喜慰良深。乍寒,起居佳勝。久别思渴,不言可知。 一路候問來

掌,甚 話 承 脱湖 ,此不盡懷。 可賀也。 北 之行 而得樂清,正 某忝命,甚便其 如 舍 私 魚 即 而 遂 取

面熊

#### 四

録呈。 留 也。 奠其殯,不覺一慟。有刻石,必見之,更不 愧怍無窮。 惠及海味,珍感。來人遽還,未有以報,但 厚,但賜多而報寡,故人知其慙拙,必不罪 此旬餘,亦許秋涼再過也。 今 輒 長篇 有幹,一一示及。李無 奇妙。 和一首,少謝不敏, 到郡不見令舉,此恨何極。 無 狀, 每蒙存 悔近見訪 且資一笑。 録 如 此

● 「相」,原作「想」,今從《七集·續集》卷五。

## 各舒堯文二首湖州

憶其 厚。 病,向 語有 蓋嘗 足下文章之美,固已超軼世俗 來者,具道足下,雖未 下之賢久矣,又知守官不甚相遠,加之往 人所怪怒,但弛 餘 公沙」之語 豈 因與賈 稱 中 見及者 亦欲作一書相聞,然 和矣,而 軾 .所謂和 已不喜 僕荒 述之過也。 . 道 頓 首 何 唐 1,醉中 君 . (等語 , 惘 者,又不能 應接 未 無 飲,出足下 軾 廢之心,不能自克 實 然 嘗 天 也。 ·率爾和 人事。 横 其詞 敢 資 如 得 倡 夢 相 懶 忽 別信: 聲名 識,而 慢, 中 給,雖知其 也。 辱手示,乃知 送行一 答,醒後 其 操筆 事 自 近日 於 美矣, 豈效鄒 者 ', 愧 相與之意甚 少 而追配古人 幡 所 復 年 絶句, 赧 酢往 得眩乎 加之 不復 止 (勢必 筋 不 者 聞 力 른 記 其 數 足 衰

> 爲 以爲過之,非狂 能 發 衍 人,意其甚 未易過,非 樂。 復生斯人也。 其 相 宏 加 朱支使行,忽遽裁謝 麗 高 難 新 獨 談 語 。 非 馳 不肖所 耶 則 世 且使之休息千百年,恐未 ? 愚 人或自以爲似之,或至 而 不敢當也。 歐 顧 른 陽 其 公,天 實, 何緣會面 苟 天之生斯 欲 也 託 僕 笑 恐 以

#### \_\_ 黄州

之也。 服 勝 起 行,吐谷渾不 浮之作。 詩,振衣起 焉。 城濮 李靖爲將,乃知 軾 大抵 啓。 則 今日魯直之於詩是已。 昔 觀: 屹 午 詞 先 貢 然 頓 睡 律 零 于 而 爾 昏 莊 侵 老將自 唐 霸 醒 重,敍 昏,使者 漢 ,而文皇 快,若清風之來 雖 西 齊、陳 示 疆 事 同 <del>前</del> 精 及 臨 也。 門, 大國, 緻, 公自 朝 趙 歎息 晉 充 要 授 莫不 國 於 師 非 得 教 思 囂 當 及

帛 乞盟 得 可 圃 也, 給諸? 柰何 欲 不 爲 敢 兩 當 屬 之國, 不 敢當 則 犧 牲 即 玉

## 答畢仲舉二首黄州

命

,少資温噱。

早寢 可推 偶 不可 既適耳目之好,而生事百須,●亦不難致,❷ 直前不用長者所教以觸罪罟,然禍 辱、忘得喪者,是天相子 歲時適爾。 手教,存問甚厚,且審比來起 復 肉 讀《戰國策》,見處士 避 言。 晚 」,欣然而笑。 比 軾 起,又不 ,初不論巧 於朋友,不謂故人尚 羅山素號善地, 既無所 奉别忽十餘 · 知 所 '拙也。 若蠋者,可謂巧於居 失亡,而 謂 一顔蠋 禍 也。 黄州濱江帶山 不應有 福果安 之語 爾記 愚瞽 居佳 僕既 有 得 晩 瘴 頓 勝,感慰 録 於 在 福 以 癘, 食 哉 齊 任 以 竉 豈 枉

> 及合藥 去也。 若 等 ; 與 之飲食龍 往 旋 取 佛 者 所言爲淺陋。❻ 其粗 時 龍 書 也。 世之君子,所謂超然玄悟者,僕不識 去 旋 陳述古好論禪,自 則 而既飽之餘,芻豢滿前 生, 淺假説以 亦嘗看 美惡在我,何與於物。 救人二事,●以爲閒居之賜 菜羹菽黍,差饑 有間矣,然公終日説龍 肉也,而僕之所學,猪肉也,猪之 雖若無益,然終愈 「**,**但 僕嘗語述古,公之所談,譬 白洗 層塞 濯,❸若農夫之去草 丽 以爲 一不能 食, 其 至矣,而 通 ,惟恐 所云 温肉,不 於不去 其 味 妙 讀 其 與 ~,獨 甚 -如僕 鄙 不持 佛 八 也。 也。 僕 時 珍

有真迹全文,今校録於下。「百」、《録》作「所」。
此則尺牘,清吴升《大觀録》(以下簡稱《録》)卷

Ŧī

- ) 「難」上、《録》有「甚」字。
- ) 「差」、《録》作「方」。
- 「云」、《録》作「教」。
- ▶ 「洗濯」、《録》作「鋤治」。
- 陋」下、《録》有「曰是下俚茶飯取充飽而已」十一字。

當 取非其有,然後 作,舉足動念,無非是業,不必刑殺無罪, 爲至足。 世得安穩無病,●粗衣飽飯,不造寃業,乃 佛乎? 僕常以此 者,本期於静而達,静似懶,達似放,學者 之食 或未至其所期,而先得其所似,不爲無害。 佛書者果何耶? 一笑而已。❸ 猪 肉 抑尚與 三復 自疑,故亦以 實 美 斯 而 爲冤業也。 僕 言,感歎無 真 爲 遣 飽 出 俯仰也?● 也。 生死、超三乘,遂 爲 獻。 不 無緣面論,以 窮。 知 來書云,處 君 學 世人所 所 佛 得 老 作 於

### 

冠帶,遂不果見,愧悚無地 不肖所堪。 適辱從者 書詞 臨 高 貺 妙、伏讀增 書 教, 禮 意 ·歎,病不能 兼 重 殆 非

## 與杜子師四首 黄州

也。 早還爲宜。 禁,又使多言者得造風波,甚非相愛之道 畫 圖,覽之愧汗,不惟犯 謹却封納。 辱書,承 進道外,千萬倍加愛養。 從者已多日離親側,唯以 晚來 起 孟 居 佳 子、 柳宗 勝。 元 示及 之

- ■「輩」下,《録》有「較深淺於尺寸間也想復一大笑」十
- 至十改。
  三十改。
   「穩」,原作「隱」,據郎本卷四十五、《七集·前集》卷
- 载眉陽」印記。 電子 電子 東非其有然後爲業耶。無緣言面,願深自愛而已。 以言 以言 以言 以示人也。不宣。軾再拜。 以言 大,嗟夫。世人豈有不造寃業者乎。豈必刑殺無罪 長者畢君閣下。閏九月十九日。」「十」下、《録》作"「嗟 長者畢君閣下。閏九月十九日。」「十」下、《録》作"「嗟 長者畢君閣下。閏九月十九日。」「十」下、《録》作"「嗟 長者畢君閣下。閏九月十九日。」「十」下、《録》作"「嗟 長者畢君閣下。閏九月十九日。」「十」下、《録》作"「嗟
- ●「二」、《七集・續集》卷七作「答畢先輩」。

| 揚州

泗州,來日隨早晚行,不出十六七日到揚。 千萬保愛,更進學術以就遠業。 逅也。若已由天長路奔還,即不及矣。 如欲相見,可少留相待,或附客舟沿路邂 簡,只增愧悚。 辱書,因 比日 起居佳勝。某今晚 循 不即 裁 謝。 不宣。 專 人 惟 到 惠

甚非見愛之道。 理,正如子師及第落解爾。 感恩念咎之外,略 面莫悉。 某啓。 貶竄皆 此等語切冀默之。 不 愚 ·置胸 暗 自 取,罪 中 如别紙所諭 也。 大罰 得喪常 餘非

0

**四** 北歸

矣。 昌,月末遂北上矣。非久會 人還,謹奉啓。不宣。 到儀真少幹,當留旬 某啓。 專人辱手書,承起 泗上爲别, 目。 居 忽 已八年, 佳 面,欣愜之極。 舍弟欲同居潁 福 1,至慰 思企深 某

與鄭靖老四首●以下儋耳

某啓。 近舶人回,奉狀必達。 比日

起

無「某啓」二字、「近舶人回」無「近」、「回」(轉下頁) 去卷五十九重收篇二首,出校於此。重收篇第一 收此二首、題同上二書。是靖老、嘉會爲一人。今删 集》卷七十八題作「與鄭嘉會二首」,本書卷五十九重 此四首中之第一、第二首、《七集・續集》卷七、《外

五三七

卷五十六

尺牘

以杜門 躬其 前,甚 願公念之,有可照庇之者,幸不惜也。 頭 介石者,有士君子之趣。起屋一行,介石 排整齊之,以須異日歸之左右也。 中枯寂,殆非 欲與 昨。 居 佳 勞辱,甚於家 餘萬萬順候自重。 官員 在 初賃官屋 勝,貴眷令子各安。 死 有與語 面 南污 罪! 壁少休也。 相 交涉。 池之側,茂木之下,亦 者也。 人世,然居之甚安。諸 柯 動間 仲常有舊 隸,然無絲髮之求也。 近買地起屋五 居之,既不可 借書, 則 但勞費窘迫 某與 契,因見道 日與 過 住, 小客 小 蕭 亦 爾 間 兒 史滿 幸 然 又 死 品 編 王 竈 不 此 可 如

房下卧病,正月尚未得耗,亦憂之。公爲取 邁 後 來相 見否? 久不得其書, 聞 過

> 時節 倅黄 養生事,無可醖釀者,故出之也。 實云爾,僕不更一字也。不欲隱没之,又皆 本不欲作,適有此 書 「、附瓊 有人船便也。 宣義託轉達,幸甚 州 海 `舶或來人之便,封 夢,夢中語皆有妙理,皆 《衆妙堂記》一本,寄上。 也。 見説瓊州不論 題 與 瓊 州

某」、「有可」之「可」字下有「以」字、「常有舊契」作 作「齊整」,「王介石」之「王」作「伍」,「願公」作「顧 語」之「有」作「可」,「借書則」作「著書則未」,「整齊」 林」、「窘迫」作「貧窘」、「諸史」上有「況」字、「有 舊有契」,無篇末「餘萬萬順候自重」七字。 接上頁)二字、「不可住」作「不佳」、「茂木」作 茂

0 簡》作「竈」,今從 竈」,原作「龜」,廣東中山圖書館所藏《蘇黄 (詩詞 小

0 作「求 改 不易」作「不更」,今據改, 幸」,「衆妙堂」之「堂」字下有「記」字,今據補, 重收篇第二首「卧」下有「病」字,今據補, 篇末無「也」字。 瓊州」,「瓊州 倅」無 「便没」作「隱没」,今據 · 倅 ] 字; 「幸甚」作「甚 附瓊州\_

與

四

北歸

不宣。

泝賀江 家至梧. 某留 閲也。 作竹栰,下水歷容、藤至梧。 寄廣州何道士處,已深囑之,必不散墜。❷ 但草得《書傳》十三卷,甚賴公兩借書籍檢 可勝言,置之不足道也。《志林》竟未成, 皆秀傑語,幸甚! 在,少通區區,忽得來教,釋然,又得新 幅,欣慰之極,不 公已離邕去矣。● 籠,寄邁處,令訪尋歸納。 此 相 過中秋,或至月末乃行。 向不知公所存,又不敢帶,行封 而上,❸水陸數節,方至永。 柰 會,中子迨,亦至惠矣。 何 到雷見張君俞,首獲 可 未 幸 甚 ! 方悵然,欲求問 云 會間, 諭 到廉,廉守 别來百罹,不 與邁約,令般 如未有便,且 以 時 公手 至北流, 老業可 却雇舟 從 自 者所 書 乃 重。 作

> 言 否 ? 둜 洋,更一赦,或許歸農,則帶月之鋤, 白、然體力元不減舊,或不即死,聖 能 丽 所 對秉也。 捃 制,知公奇偉,必不經懷也。 卿貳等亦爾耶! 「子孫奉祀我,不如桐鄉之民。」不 然外物不可必,當更臨時隨宜, 摭,令史以下,固不知退之《諱 某見張君俞, 蜀若不歸, 本意專欲 即以 乃始知公中間 歸 進退有命,豈 杭 蜀,不知 州爲 佳 能 某鬚髮 亦 遂 朱 此 辨 爲 但不 邑 恩汪 軰 》也, 肖 此 可 小人 皆 有 計 以 所

- 0 歐蘇手簡 原脱,據《七集。 續集》卷四、《外集》卷七十九、
- 散」,原作「敢」,今從《七集・續集》。

雇」,原作「顧」,今從《七集・ 續集》。

五四〇

即 此 想是真誠之願 生真同露電,豈通把玩耶! 苑 歸 田 미 必 ,水到渠成,亦不 也。 公欲 相從於溪 須 預 慮 Ш 也 間

 $\equiv$ 

## 與程懷立六首●黄州

心駭目也。專此致敍,滅裂,不一。佛莫辨,恐更有别本,願得一軸,使觀者動居佳勝。蒙借示子明傳神,筆勢精妙,彷居住勝。蒙借示子明傳神,筆勢精妙,彷

### ||以下俱北歸

且審尊體佳勝。旦夕告謁,●以究所懷。即詣謝。又枉使旌,重增悚灼。捧手教,加,感歎深矣。屬飲藥汗後,不可以風,未加,感歎深矣。屬飲藥汗後,不可以風,未

道人語爾。無緣重詣,臨紙惋悵。師不敢解,故復少留,來約净慧與惠州三且審起居佳勝,感慰之極。早來,風起,舟且密起居住勝,感慰之極。早來,風起,舟

#### 四

竊惟履兹新陽,起居佳勝。江路無阻,至 某啓。去德彌日,●思渴縈懷。比日

- 「告謁」、《大典》、《七集·續集》卷四作「造謁」。 供。《大典》作「與程懷立」,次第同《七集·續集》。 爲一首)首。《七集·續集》目録有「與程懷立」,文 爲一首)首。《七集·續集》目録有「與程懷立」,文 此六首中之二、三、四、五各首、《七集·續集》卷四爲
- 「日」、《大典》、《七集·續集》、《歐蘇手簡》作「月」。 ・ 「日」、《大典》、《七集·續集》、《歐蘇手簡》作「月」。

不煩深念也。 舟,未知能達 英方再宿爾。 人行,怱遽。不宣。 智部否。 後會未卜,萬 少留數日。 流行坎止, 此去 「萬 尤艱 爲 輒 國 復 自 隨 關 緣, 重。

#### 五

無成。 稟葬, 旅 仍約過永 里中,某已使人呼蒙來迎喪,頗助其路費, 南,徒步萬里相勞問,至新州病亡。 元修,名穀,後改名谷。 領,❷衰疾有可恃矣。眉山人有巢谷者,字 愧深矣。 殯 某啓。 無人照管,或毀壞暴露,願公愍其不 因 録其遺物於官庫。 元修有子蒙,在 篤有風義。 巡檢至新,❸特爲一言於彼守令,● 珍惠菜膳,增感作也。 吅 令子重承訪及,不暇往别 南,當更資之。 年七十餘矣,聞某謫 曾舉進士武舉,皆 但未到間,其 河源藤 官爲 爲 海

> 則告一 其子之至,則恩及存没矣。 得 稍 爲修治其殯,常戒主者謹護之,以須 言於進 叔,尤幸。 死罪! 亦曾懇此。 公若不 往新, 恐忘

#### 六

之爾。

死罪!

奉 慰幸之極。 嶺海闊絶,不謂生還。 比日履兹秋 以涼,起 居佳勝。 復得瞻

- 0 五」,原脱,今補。
- 0 集》卷七十九改。 源」,原作「涼」,據《大典》、《七集 續 集》卷四

一、《外

- 8 因」,原作「田」,今從《大典》、《七集· 續集》、《外
- 特」原作 「時」,今從《大典》、《七 集• 續 集》、《外

0

此首尺牘,本 不宣」六字。 重收篇無「某啓」二字、「兹」作「此」、無「以盡區 今存此删彼、 六十重收 爲《與 人四首》之第三

6

少 選 到岸,即遂伏謁,以盡區區。 不宣

# 民師二首●以下俱北歸

巾笥,永以爲好。 心,尚餘此爾。 衰病枯槁,百念已忘,緇衣 蒙不 今日遂行,不果走别,愧 鄙 棄,贈以 瑰偉,藏之 之

負千萬。

小子矣。 覽所賜過詩,何以克當。 近,得再見,又幸矣。 許下,則歸陽羨。 之行,衰羸之幸,可勝道哉 某啓。 感荷! 蒙録示近報,若果然得免湖 感荷! 民 兒子輩並沐寵問,及 師還朝受任,❷或 然句法有以啓發 旅況不盡區區。 此去,不 相 住 外

#### 與孫 志同三首以下 ·俱 北 歸

别。」而吾輩學道人,不欲 訪, 執手足矣。 去家往返已千里矣,慎勿更至前 必欲追餞。 旅泊兩月, 古語 惟萬萬自重。 衰朽 勤 厚至矣。 困窮,故 云:「千里遠送,歸 有所 明 人 不 宣。 不遺, 旦 留戀,況公 決 行, 遠 於一 舟次 料公 辱 臨

慰所 舟次執別,慎勿前去。 懷。 僧監 大師 已曾告别,更不 行 解 高 明, 浮屠不三宿桑下, 再 得 詣,與志舉爲 數 月相 從, 殊

0 ·受」,原作「授」,今從《七集·續集》卷四 師一下 《七 集• 續集》卷四 有「推官」二字。

Ξ

重寫納去,却示舊本。香,供小團,可速來。 詩改一聯,補兩字,香,供小團,可速來。 詩改一聯,補兩字,煮菜羹已熟,奉待同啜了,●往道場燒

# 與孫志康二首以下俱惠州

事,攀 以時節哀强食,庶全生理。謹奉疏,不次。 紙哽噎,言莫能諭。 何! 伏惟至孝志康節推 哀慕摧裂,何 舍,士友悲慟,有識歎惋,柰何 某慰言。不意變故,尊丈節推遽捐 柰何! 號逾遠,觸 以堪處。 某以竄逐海上,莫由赴弔,臨 物增愴,孝思罔極,柰 純純 尚冀寬中以繼志爲大, 誠篤至,罹此凶酷, 日月有時,已訖 ! 柰何 襄 館 !

> 路迎 草木同腐,故決意爲之,然決不以相示也 無狀,百無所益於故友,惟文字庶幾不與 之家笥,須不肖啓手足日乃出之也。 下筆、然不敢傳出、雖志康亦不相示。 患不知爵里之詳。 聞變故,即欲撰一哀詞,以表契義之萬 持,粗慰所望。 辱專使,手書累 大事,營幹勤苦,何以堪任。 少道哀誠,不獨海 不肖,得交公父子間 護,莫知往還 某啓。自春末聞 志文實録,讀之感噎。 幅,愧荷深矣。 今獲觀此文,旦夕即 上無 的耗,故因 有 訃,悲愕不已。 年矣。 便,又聞志康往 即日孝履支 循 即 至今。 竊承已畢 欲 奉 自惟 自惟 當 遂 藏 自 西

● 「待」,疑爲「侍」之誤。

卷五十六

尺牘

一五四三

1651

甚 康 必 斯人 識 此 亦可 意,千 Ĺ 萬 也 勿來 索 看 0 師 是 此 文

當挈 感作無 拜受。 來。 得 謹 物報 也。 焉, 知,慎勿以 日 宜興,某獨 戾久積,理 樂,念念遷 佩至言。 为 因 見 他 玳 謝 見憂之深,恐 有何 遂 兒姪輩或在 慚 量 ,雖爲厚幸 志康 瑁合見遺 自 房來 居已逾 與幼 不 逝 應如 告人也。 負無 謂 如見報出都 海 所 一無足 可。 惠 惠 上窮 此 子過 量。 此, 人, 布蜜藥果等,一 指 年, 欲 乃吾 志 陳, 陋, 留 實甘 知 漸 射 康聞 在 舍弟筠 見 諸 作 差遣, 介夫 胸 其 或在 此 戒 又 逐 日 況 樂之。 中 久居計 詳。 謪 中 勿 此 所 八遺意。 者 粗 ', 惟 許,兩兒子 州 居貧 明年長 聞 輕 因 示 遣 可以 甚安,時 ,虚實不 與 般 今北 欲 諭 又 病,無一 一捧領, 過 自 不深 親 開 謹 禍 正 八詩文, 子邁 房 使 故 歲 歸 炷 省 福 下 在 蚦 謝 口 念 終 香 無 罪 苦

> 絶 志 增某罪戾 爲 康 孤 寂 所 可憐者, 指 也。千萬寢之,切告,切告。 目 者, 則 丽 孤 乃不 危 猶 -遠千 可 粗 里相 求 若 此 如

切 無 辱交游最 進,迨自 無 後,吾輩 康 舊 欲 期, 商議 爲作 祝 可 益、徒煩報答 李泰 千 少少 集 三吴興 集其前 切 當 萬 舊 伯 引 祝 與 加 節 · 然亦終不傳出 前 故 、寄詩· 删 留 哀 輩不相交往,然敬愛其 輒 也 後文集,異 意。 定, 自 以 來, 重。 乃傳世 奉 某所答書,乞勿示人 李文叔書已領, 文采甚 聞 諸兒子爲學 ,然不敢令拜狀 日示 也。 也。 一可觀。 及, 斯 承諭乃 當 頗 既 此 會見 與 無 #

# **與張元明四首**以下俱翰林

與 (之久故 數 日 起 患痢 居 佳 後, 否 腸 ? 滑, 有 甚 困 欲 秘 大 煩 師 往

高 視療之,可否? 行僧也。 便同作福田。 在興國寺戒壇院,●此 呵 呵。

簡帖 心,切望! 不敢苛留。 如此。 數日, 起居佳勝。 切望! 且請周念,副此人友愛急難之 今封呈,切告輟 適在院中,得王 忙 往,他 郎 必

|||以下俱南遷

前 日承 追餞南都, 又送子由至筠, 風

勝。 義之厚,益增感慨。❷ 萬里之别,後會杳未有期。伏乞善加 比日,具審起居 佳

保練。

四

還蜀中,自此音問遂隔,曷勝惘惘。 疾 有賴矣。 遠辱專人惠書,輔以藥物, 感刻! 感 刻 ! 極濟所乏, 不 知 何時

衰

與孫子思七首以下俱湖州

聞 軒從及境,即遂披對,豈勝慰喜。 奉别未幾,思企已深,比日起居佳勝。

文 · 有疎上謁, 思企之深。 不審起

0 七十二。 壇」,原作「檀」,今從《七集·續集》卷六、《外集》卷

·益」,原作「以」,今從《外集》卷七十五。

0

一五四五

本欲 居 佳 的躬詣? 否 ? 爲 來 公擇見訪,不果。 日 輒 邀從者同 憲車 幸賜 議 臨 少 顧。 事 0

三

否 ? 不凡也。 屢 借示諸刻,一清心目, 辱 謹却馳納。 垂 訪, 尚 稽 走 謁 又足見雅 經宿 起 居 尚 佳 之

六

方馳

上,須面授其秘

也

并硯,不一一

0 并藥

以

爲

譴

也。

經宿尊候佳

勝,

書四

紙

窮。 中,計與子 審起居佳 人 近 事 辱 一勝,感 衮 軒 由 從, 衮, 軰 慰 游 未 雖 從 兼 遑上 屢 甚 深。 接 樂。 問 奉 仲通來, 先枉寵 既 未緣 别, 再會,以 知在 思 訊 仰

府 惟

伏

無

萬 萬以時自重。

四

七

示諭 諸 比 來新詩 公處 敢不出力,但恐言輕不能有 必 多, 無緣借觀,豈勝渴仰。

益耳。

五

跋

尾

也。

吅

呵。

耘 叟詩、

亦佳

紙

軸

納

去,

餘空

紙

兩

幅

留與五

百年後人

過

辱枉

顧,

知事

務

冗

迫,不敢

\久留!

語。

叠 辱 車 騎 往 謝 甚 疎, 惟 故 人深照,不

五四六

1654

# 與孫子發七首●以下俱赴定州

舉措,方恨前

此知公未盡,勉進此道爲朋

忝鄉且親,平時不爲不知公,因此行,觀

公

友光寵。

餘惟萬萬以時自愛。

自重。 期不過九月半間,會見不遠,更祈順時就辟,慰浣深矣。奏檢附呈已發訖。某行就辟,慰浣深矣。奏檢附呈已發訖。某行

\_

不滯留,早到慰勤遲,幸也。粗陋,然亦粗足。更有幹,示喻。塗中幸粗陋,然亦粗足。更有幹,示喻。塗中幸

=

各康寧,至慰! 至慰! 某到邢甚健。❸人還,辱教,具審别後起居佳勝,貴眷

卷五十六

尺牘

四

區區。 也。幸益自愛重,以究遠業。臨行,不盡在天,未可前定,然必有聞于時而傳於後在天,未可前定,然必有聞于時而傳於後

一首,第六、第七兩首,亦爲一首,今從《七集•續集》❶「七」,原作「五」。此七首中之第二、第三兩首,原爲

卷六、各分爲二首。今改「五」爲「七」。

順次改「四」、「五」、「六」。集・續集》卷六,獨立成篇。以下原三、四、五各首、非首、原接上首之後,與上首合爲一首。今據《七

作「邢」,待考。
一册第一百三十四頁即作「郡」,然不知所據。今仍「邢」,疑爲「郡」之誤。萬有文庫本《蘇東坡集》第十

0

一五四七

一五四八

### 五以下俱南遷

百委順 體 言者尚紛紛,英州之命,未保無改也? 何如? 某蒙庇粗遣,旦 軾啓。● 而已。 别 幸不深慮。 來思念不可言。❷ 一夕離 愈遠,萬 南 都, 比日 萬以 如 時 凡 聞 尊

六

自重。

不謹。軾再拜子發通直

足下。❸

致意。 呈憲使,又幸。 年一京削,敢煩子發爲道此懇,或持此 簡亦善吏,軾已舉之矣。 欲告提刑大夫來 隱德,河朔似此老,以一二數矣。 郡 過真定,見楊采朝 中諸公,未能 不罪! 不罪 議。 奉狀,因見,各爲 ! 此人有實學 軾再啓。● 其子 簡 迪

> 七 **6**

罪! 勿罪! 一起寫書十六七封,不

能復

謹

勿

「怠」,原作「企」,據西樓帖禎。

之「□」,當作「郎」。
○□不謹」至「足下」,原脱,據西樓帖補。「通直□

順爲另一尺牘之附語,另一尺牘正文已佚, 今亦獨之附語。然上首尺牘原迹猶在,並無附語。疑此尺六獨立成篇。味此尺牘之意,似爲上首尺牘正文後此首尺牘原接上首之後,另行起。《七集·續集》卷正,此則尺牘似爲接上首或他首尺牘而言者。「不罪不罪軾再啓」,原脱,據西樓帖補。據「軾再啓」「不罪不罪軾再啓」,原脱,據西樓帖補。據「軾再啓」

6

立成篇。

## 與程德孺四首條耳

惘 至今。 患 命而 今何在? 薄,未塞公議,再 流離,汙辱親舊。 惘 ,●次第可具問,更不詳書也。 在 比日 定辱 餘熱,萬萬以時珍重。 任德翁同行月餘,具見老兄 因書道 書,未 竊 惟 有此 起居佳勝。 裁 。四四。 然業已如 答問,倉猝南來,遂 命,兄弟俱竄,家 後會 此, 老兄罪 無 但隨 懿叔 期 處 赴 緣 大 臨 闕 屬 書 憂 委 以

## \_\_❷以下俱北歸

尋附啓 各 康健。 · 四 近蒙 月末間 布 某候水過贛, 謝 專使至虔,遠 ,必達。 到 了真州。 比 當遺兒子邁往宜 日 致 今方達 起 時 居 服 南 佳 寢 勝 康 衣 \*,眷愛 軍 之魄 約 興

> 可 難之餘,老兄弟復 取 可 不 因巡 行 略喻及。 李,某當泊船 按至常、潤 餘萬萬自重。 瓜洲以 相 相 約 聚, 同 待之。 遊 曠 金 世奇事 Ш 不知德 否? 孺 患

Ξ

任。 幸。 到彼乘來,切望留意早早得之,免滯 苦勸來潁 坐船,乞早爲差下,令且在 泝汴至陳留出陸也。今有一狀,干漕 懿叔 未及書,因家信道 某此 必 昌相聚,不忍違之,已決從此 行 常得信,令子新 本欲居淮、浙 <u></u> 風 間 常州岸下,候 近 先輩必 得子 由 己 留 司 計 邁 爲

「具」,原作「其」,今從《外集》卷七十五。

0

三首」。 三首」。 七集·續集》卷七作「與程德孺運

五四九

四

輔知已到京,非久上狀次。乞因信致懇。 幅,常使及展手者各半,不罪! 告爲買杭州程奕筆百枝及越州紙二千 不罪! 正

與 王公操都管三首●以下俱杭倅

慰意。 罪被 句,此境猶在否? 事,時投餘隙,輒出訪覽,亦自可卒歲 東陽自昔勝處,見劉夢得有「三伏生秋」之 人之至此者絶少。 希聲久不得書,承示論,方知得蜀州,應甚 移、衆論可怪、賢者處之、想恬適也。 某稔聞才業之美,尚淹擢 二浙處處佳山水,守官殊可樂,鄉 舉日無親故 未知會晤之日,但有 用,向 ,而杭又多 承 也。 非

> 境,衆賢所共 所索詩, 詠 非敢以淺陋 歎,不敢草草 , 爲辭, 爲 但 寄 希 也 世 幸 絶

Ξ

恕察。

之樂,雖鄙拙,亦欲勉作歌詩,庶幾附託 因 日當寄上也。 人絶境,以傳 承寄示圖記及詩,實深慰仰。 循至今。 向 辱教,久欲裁謝,值出入紛紛無定, 即日履兹春和、起居佳 永久。 適會紛紛未 此真得賢 暇 適。 更 旬 高 者 向

軾年譜》照寧五年紀事。 王, 原作「康」,據道光《東陽縣志》卷五改,並參《蘇

企

咏。

五五〇

三

某凡百粗遣,適遷過新居,已浹旬日,小窻 瞻奉,萬萬爲國自重。 疎籬,頗有幽 居 百 福,甘 某啓。 雨應期,遠邇滋洽,助 春 趣。 [候清] 賤累亦不久到矣。 穆,竊 不宣。 惟 按 馭 喜慰 多 暇, 未期 也。 起

歲也。

想慰勤

恤之懷。

莫由

瞻

奉,惟冀若

撫多暇,

起居

萬

福。

春

來雨

暘調

適

必善

某

久以

病倦,

闕

於上問

竊

惟

鎮

時爲國保練。

不宣。

四

台候 事,却可以掃室安居矣。 挈,由循州徑路來,閏月可至此。 新屋旦夕畢工,即遷人。 某啓。 康勝,至慰! 辱手教,荷 至 慰! 戴深矣。 長子邁自浙中般 新政愷悌, 某凡百如 仍審 漸 似 比 昨。 穆 無

就,

想復與衆同之,天色澄

穆,亦

惟

此 懷

時 俯

也。

莫緣陪後乘,●西望增慨。

尚冀保練

慰此區區。

不宣

五十六

尺

牘

何似?

越人事嬉遊、盛於春

時,

高

循

某啓。

兩蒙賜教,慰感深至。

曾

州行,奉狀,伏想已塵清覽。

即

日

台 因

候 周

0 原脱,據《七集·續集》卷七、《外集》卷七十六

五五

1659

也。 煖,萬萬爲人自重。 然嶺海間 欣慰之劇,未緣 矣。 更蒙下 面 訪 盡 粗 臨 識 書菀結 仁 人之用 漸 心

六

五

足信 起居之語未曉,亦告指示。 聞 大。」不刊之語也 生云:「尊其所聞 事在易而求諸難 納 其 ·用求新 (略乎? 法,●令積久透徹乃效 也。 某啓。 息,真是丹 丹元事亦告録示,決不示人也。 奇,惟老生常 浮玉遂化 其母今安在? 頭, 則 ~,道在 仍須用尋常所 高 去, 明, 邇 談,便是妙訣,咽 殊 行其所知則光 丽 也。 近頗覺養生事 謗者之言,何 不 求 知 異 諸 孟 遠。」董 聞 子 事 日 般 運 可

想皆前定,猶欲早 П 義,豈敢控告,不罪! 可密録示,得作打 下。不知某猶 聞之,憂恐不已,必得 有命,本州 來者,録得近報,舍弟復貶西容州,諸公皆 又礙新制不得赴、蓋惠、韶亦鄰州 少暇,不若向 猥多,不知所爲計。 某啓。 亦報 自幼累到後,諸孫 時之闐然也。 得久安此乎否? 若知之, 近貶黜者,料皆是實也。 知,少 疊擘劃也。 其詳,敢乞盡以示 數日,又見自五羊 つ免狼 不罪! 小 狽。 憂患之來, 兒授仁化 病患,紛 人回,乞 非公風 也。 食

「法」,原脱,據《七集・續集》卷七、《外集》卷七十六

0

之以 遣 老幼復得相見,又一幸事 虔,近遣幼子過往 真是,非獨似也。又長子邁將 山之觀,杭、越勝處,但 事、幸早寄貺。此月十四日遷入新居。 入府參候。 (勤,想日有及物之益。 比聞 餘非 政譽甚美,仁 循迎之,閏 書所能究。 莫 也。 作 許録示丹元近 萬 月 不宣。 明之外, 邁到 初 家 里外意 來,已到 可 '後,當 到此。 則 江

八

變賣 今者起揭,並無一 言,傅同年必蒙相 (得二百餘千,不知已請 某 慮 患 不周, 物,狼 向 者 哀 也 竭 狽 囊 前 得 起一小宅子。 如已請得, 去,惟待折支 未? 告公 即

死 罪 !

恃仁者恕其途窮爾。

死罪

緣某過治下,

亦

不

敢久留

也

猥

末干 1

告令許

節

推

或監倉鄭殿直、皆

可爲

幹

九

狀過人,議論甚可聽,想蒙顧 意事,美哉此言,誰肯然者。 長久之利,試留意。 客先僵仆,因薰染居者,事 ! 無 擘劃一病院,●要須有歲 幸 甚 ! 急於此者矣。 某再啓。 · 廣州 承諭 非敏 來諭以 商旅所聚,疾疫之作, 津 遣 孤孀, 逆 人課利供之,乃 與 此等爲仕宦快 莫 眄也。❷ 循州周 杭相類。莫 能 救 行之,幸 藥 守, 疾

可

甚

政

原脱,據《大典》補

眄」,原作「盻」,據《大典》改。

五五三

十

一五五四

忽。 旦夕遂行,益遠,萬 問,且審起 人 事 不宣。 百不周一。 足居佳 得郡 .勝,寵諭過實,深荷獎借。 既謝, 方欲奉 萬以時自重。 即 啓 辭 l 告别 不 敢 久留, 人還,忽 遽辱惠 故

+ -

由得。❶ 可 惟官員及有力者得飲劉王山井水,貧丁何 好爲勤身濟物之事。 山 人,好飲醎苦水,春夏疾疫時,所損多矣。 引入城,蓋二十里以下爾。 野 拙訥,然道行過 某啓。 惟蒲澗 羅浮 Щ Ш 有滴水巖,水所從來高, 道 人,廣、惠間敬愛之, 嘗與某言,廣州一城 士鄧守安, 若於巖下作 字道立。

> 專差 置少房錢,可以日掠二百,以備抽换之費 租課五七千者,令歲買大筋竹萬竿, 來,以此爲患,⑥若人户知有此作,其 飲甘涼,其利便 下廣州,以備不住抽换。 千可成。 小石槽以便汲者。不過用大竹萬餘竿,及 槽以受之,●又以 塗之,隨地高下, 二十里間, 大石槽,以 兵匠數人,巡覷修葺,則 然須於循州置少良田,令歲 五管大竹續 用葵茅苫蓋,大約不過費數百 不 直入城中。 五管分引,散流城中,爲 在 言也。❺ 處 又須於廣州 自有 又爲一大石 麻 城 纏之, 貧 廣 作栰 欣 富同 城中 州 可 願 以 得

《外集》卷七十六。
❷ 「以」,原作「比」,今從《大典》、《七集

續

丁」,原作「下」,今從《大典》。

「之」,原脱,據《外集》補。

「便」,原作「更」,今從《大典》、《外集》。「一」,原脱,據《大典》、《七集・續集》、《外集》補

▶ 「患」、《外集》作「惠」。

於不肖也。 故密以告,可 諸公,●亦多請 間貪愛無絲毫 也。 非 敏 可 仲 道 知 士 此 如可作,告差人持折簡招 見 人潔廉,修行苦行,直望仙 喜捨之心,料非 至 訪 誠 及 物 不欺,精力勤 否更在熟籌,慎勿令人知出 也,可 與 之事,敢 語。 以無疑。 復塔廟之比 某喜公濟物之意, 以此 幹,不能 獻,兼乞 之,可詳 從來帥 成 漕 世 陳 裁

### +

告爲一言於志康也。又有醫人林忠彦者,至今云未有折支物。此在漕司一指揮爾,許節推處,託勘請。自前年五月請,不得,一空,旦夕之憂也。有一折支券,在市舶一整,是多之憂也。有一折支券,在市舶基路。有二事,殊冗,未嘗以干告,恃

技 如得之,皆謫居幸事 而 頗 本 州 精 無 闕,不 郡賴之, 知 經略 欲得 也 司 不罪,不罪。 博士 有 闕 助 可 教 名目

### + =

不罪。 呷,●無不効者。 將至,且留調理,渠欲往謝,未令去也,乞 病,❷非小 某 治 再啓。 .. 瘴 補也。 止 林 用薑、葱、豉 而土人不知作豉。每 又攻 醫遂蒙補 小小兒、 授, 産科。❸ 三物濃 於旅 又此 煮 幼 泊 熱 累 衰

0

0

帥、漕相較,帥爲尊。 「帥漕」,原作「漕帥」,今從《大典》、《外集》。案:

<sup>「</sup>泊」下、《七集・續集》卷四、《外集》卷七十五有「處

<sup>「</sup>攻」、《七集・續集》、《外集》作「工」。

熱」,原脱,據《七集·續集》、《外集》補。

<sup>(</sup>\_),原脱,據《七集•續集》、《外集》補。

一五五六

碩,得爲作豉,散飲疾者。 不罪,不罪。州無黑豆,聞五羊頗有之,●使乞爲致三

### 十四四

罪 飾,豈至是哉 恕罪 富 公碑 1 詞 舟 中 甚 病暑,疲倦不謹 愧 不 工。 公更加 粉 恕

### 十五

通塞。 擘畫少錢,令歲入五十餘竿竹,不住抽换, 驗之,則一竿之塞,輒累百竿矣。 鑽 永不廢。 小眼,如菉豆大,以小竹針窒之,以 聞 道遠,日久,無不塞之理。若無 遂作管引蒲 僭言,必不訝也。 澗水甚善。 每竿上, 仍願 以 驗 須

#### 十 六

如其已,所欲言者,豈有過此者乎? 棺,●死不扶柩,此亦東坡之家風也。 於海外,◎庶幾延陵季子嬴博之義,◎父既 作棺,次便作墓,乃留手疏與諸子,死 可施之子,子獨不可施之父乎? 子邁訣,已處置後事矣。 紙,以代面别爾。 某垂老投荒, 無復生還之望,昨 今到海 南, 生不 首 此 則 故 與 挈 外 當 葬

) 「之」,原脱,據《七集・續集》、《外集》補

補。補。

「棺」,原作「家」,今從《大典》、《外集》。「嬴」,原作「嬴」,據《七集・續集》、《外集》改。

▶ 「寂」、《歐蘇手簡》作「夕」。

0 0

不罪 罪大罰輕,數年行遺不已,屢當患禍,老 矣,何以堪此。 今又有一家書,欲告差人,賷往嶺上與之。 往,公能與監司諸公言,輟一舟與之否? 容州,路自英、韶間,舟行由端、康等州 某啓。 ! 恐悚! 不 罪 ! 兒子乏人,亦不相辭令嗣 . 又有少懇,見人説舍弟赴 恃公舊眷,必能興哀。 也。 丽 恐

十 八儋耳

者? 知有袁州之命,歎惋不已。 勝,感慰兼劇。 某啓。 復何言哉! 兒子還,辱手書,具審起居 舟行至扶胥,急足示問,乃 道眼所照,知已平適, 行止孰非天 佳

卷五十六

尺牘

## 與陳 公密三首●以下俱北歸

但

治

行

迫

遽,亦少勞神矣。

不宣。

獲濟,荷德之心,未易云喻。 差借白直兜乘擔索,一一仰煩神用。 專使手書,且審即日尊體清勝,感慰無量。 途中喜見令子,得聞 動止之詳。 來日晚 方達 孤旅 繼領

其衰疾,此意豈可 行役 艱 覊,託 '忘哉。 庇 以 濟。 其餘言謝 分 貺 丹 莫盡。 劑,拯

陳」、《大典》作「程」。

「日」,原作「月」,今從《大典》、《七集・續集》卷 外集》卷七十九。

五五七

蒙里,即如所教,出陸至

南華,南華留半

日,❷即造宇下,

一吐區區,預深欣躍

五五八

絶句發一笑。 悚息! 曹三班廉幹非常,遠送,愧感。二令子昆仲,比辱書示,未暇修答,●悚息!

Ξ

嶺,已 德誼 未央。 增 遽就列,如何可言。 重。 ,未忘鄙情。❷新春保練,以需驛召。 窮 無問鵬之憂,行有見蝎之喜。 具審起居佳勝,感慰深矣。某已 公既王事靡 途棲屑,獲見君子,開懷抵掌,爲 寧,某 别後 亟 亦 辱 歸 惠 心 所 書 薄, 但 詞 遠 度 旨 樂 怱

與陳大夫八首以下俱黄州

勢峻秀,實爲奇觀。 居清勝。 某啓。 借示 秋暑尚 丞相 爾,不 手簡,又 手簡 敢造門。 謹 承 却 馳 彌 1納,偈 勒 伏 偈, 想起 必 筆

> 謝。 有 來罪垢業障,幸甚 别 本, 人還,不一一。 輒留箱: 篋之珍,且 幸 Ė 欲 誦 旦 夕 味 當 以 得 洗 造 從

\_

情恕也 加 事,未可委付。 間 ,須且留家中與 陪清遊,夙昔所 某啓。 忽忽布謝 辱簡,伏 不免有 湛 願 承起 不 酌 也 藥 達尊 餌 但 居清勝。 晚 0 命 小兒 來 當 兒 輩 婦 召 不 病 往 歷 頗 山

Ξ

啓。遞中奉狀,不審已達否? 比

某

●「答」,原作「書」,今從《外集》卷七十九。

集•續集》卷四作「惘惘未忘於情」。

❷ 「德誼未忘鄙情」、《大典》作「惘惘未忘來情」、《七

五

之。 行,奉狀上問。 日 録呈,爲一笑。九郎不及奉啓。 笑,臨書悵然,惟萬萬珍重。 起 某蒙庇粗 變化, 比雖不作 居 何如 念念異觀, ? .<del>;</del> 遣,遂爲 奉 周令行速,殊草 違 小詞不礙,輒 如 黄 閒 宿 八人矣。 居 昔 爾, 静 照 何時 作 遂 因周宣 略 兩 想 改 乞恕 己 握 德 丰 超

四

唐守常. 問 園宅日益葺,子孫滿前,此樂豈易得哉! 此固烈丈夫之事,回 事,不知信否? ,甚爲率易,想不深 富 爾。 相見否? 閑 居 然不 闕 九郎 人修 視 待 責。見報,公遂乞還 淹滯,蓋其舉術之 鄙懦,增 引手,脱屣世路, 每 用 愧 手簡 歎 也。 通

> 胡爲 也。 累俱 履兹隆 重 念之厚,不 公無恙。 遂入 公微疚,聞已除,且當指射湖外一 某 謹奉啓上問。 ()宫觀 近人從 子由亦 替 起居勝常。 也? 夙昔,感服 時得安訊,皆託 不宣。 未緣瞻奉, 豐來,獲手 某凡百如昨,賤 深矣。 萬 教 萬 累 餘 日 幅 時 庇 伏

惟 存

六

自

命 歲 官無赫赫之譽者也。 去愈久矣,貧羸之民,思公益深,真古人在 ,欣賀殊深。 科 某啓。 詔,當就 閑居 何 日望渠過此 處下 闕 人 · 文 字。 九郎 寫啓,必 別來 ,不聞來耗,何 明 以 偉已被 計 情 安。 恕。 恩 今

煩清 否 ? 復戲言, 也 ? 覽。 此法至要妙。 兒子蒙 乃真實語也 知生 問 事 及, 漸 緝,仍 非 無 事 其 人,不可妄傳,非 用 不 畫叉藏瓶之法 敢 令拜狀 恐

八

七

獻 如白 日 道 味。 舒以長。」妄想既絶,頹然 夏至,當復閉 歐 四十九 汲 家 陽 ,想當領納 駒之過隙爾。 汲 所謂 文忠公云「涼竹簟之暑風」,遂 近日尤復省事 隨 日,息命歸 物 延 蒙惠 上下 年却老者,始謂 也 關 却掃。 者,雖 竹 呵 根,似有所得。 不敢 少 簟、剪刀等, 呵 出。去歲冬至,齋 古人云"「化國之日 享 獨 耄期之壽 如葛天氏之民, 享 此 此 乎? 福 仰 輒 服 旦夕復 若終 眷 用分 忽然 得 厚。 居 此

> 洗塵 勝。 謹奉啓,不宣。 非特尋常女工之精麗者也。 借示繡 一障,幸矣。 某 啓。 佛,奇妙之極,當由天工神俊, 多 日 謹 不 却 獲 馳 請 納, 見。 少暇 凡目 伏 惟 詣 瞻禮,一 謝 次。 康

與范夢得十首以下俱杭原

交游皆 本 薾 坌,盗賊 某 間 無狀。 州 旅宦粗 安 上 久以 試 不 處 獄訟常滿,蓋新 館中清 T; 得 在,何以 遺,春夏間殊少事。近 事牽,不遑奉書,深以 及 遞 閑 中捧 二十餘 佚,至爲 爲 來教,具 樂。 日。 法 福 某 方行 地。 旬 日 審起 在 日 爲 故 然 日 居佳 中 來 併覺 知平 愧。 也 和 差 日 疲 中

以發一笑。望海樓閑坐,●漸覺快適,有詩數首寄去,

舟中静坐。

惠

貺鳳團,

,感意眷之厚。

埶

甚,不謹

諭

可也。

界紙

望示及,來日自不出,只在

\_

落爾。 之,聞其似四十許人,信否? 頻得潞公手筆,皆詳悉精好。 居佳否? 某此粗遣,但親友疎闊,旅懷 面,惟順時自愛。 云,每去輒留食,食倍於我輩,此大慶也。 安得此數公無恙,差慰人意。 久不奉書,愧負不可言。 屢得蜀公書,知佳健。 富公必時見 不審比辰 君實 二家兄書 無 固 緣 甚 牢 起

四

請知幸,以未謝尚稽謁見,悚息!悚息!某啓。 辱教,承台候康勝,爲慰。得

也。人還、怱怱。不宣。

子功復舊物,②甚慰衆望。

來日方往浴

室

五

道義相期,眷予無窮。既别,感戀不可言。某啓。不肖所得寡薄,惟公愛念,以

|||以下俱翰林

遠,不當更煩臨屈,可且寢罷,有事以書垂某啓。 辱教字,審起居佳勝。 郊外路

) 「日」,原脱,據《外集》卷六十三補。

❷ 「功」、《外集》卷七十二作「光」。

益遠。 乍寒,不審起居安否? 惟萬萬以時自重。不宣。 某已次陳橋,瞻望

六

不盡。 意,頗云云。 覺其穩審。 伏承尊體佳勝。 云,曾下疎藥,數日不能食,又謝之,不滿 某啓。 然近見王定國云,張安道 今日謁告,不克往見。 然不知果爾否? 楊君舉家服其藥多效,亦 有聞,不敢 辱教, 書

八

併道區區。 承起居住勝,慰喜可量。 不宣。❶ **覲罷,當往造門,** 

某啓。

違遠二年,

瞻仰爲

勞。

辱書,

九

見,但有欽仰。 書,備增感慰。 某啓。昨日方叔處領手誨, 忽忽,上啓。 乍冷,台候勝常。 今又辱 未由詣

和篇高絶,木與種者皆被光華矣。 舊句奇偉,試當强勉繼作。 辱簡,且審起居佳勝,爲慰。 甚 幸 ! 怱怱,

甚 幸 !

某啓。

七

不宣。

0 比日履此秋涼起居佳勝少選到岸即伏謁以盡區區」。 量覲」至「不宣」十三字、《七集。 續集》卷四作「之極

卷五十六 尺

牘

重。 多,無緣借觀,爲耿耿爾。 揚,見東平公極安,●行復見之矣。 旦夕南遷,後會無期,不能無悵惘 用,足爲吾道之慶。 因李豸秀才行,附啓上問。 某啓。一别俯 仰 比 十 日 五年,所喜君子 乍暄,惟順候自 起居何如? 不宣。 也。 新著 必 過 某 漸

# 與江惇禮五首以下俱黄州

所 雅,指趣近道,庶幾昔人,三復喜甚。 賢達,豈可復夢見哉 茫然自失。 晚生,猶及見君之王父也。 稱道過當、舉非其實、想由相愛之深,不 罪 藤屏 比日侍奉外,起居無恙。 居,忽辱示問,累幅粲然, 得所惠書,詞 追想一時風 獨恨 僕 覽之 章 温 雖 流

> 書,因 惘惘。 覺云耳。 家 信 自 略 ... 爲 可 道 略之也。 意。 無 緣 久不得貢 面 言 父

紙 翁

\_

學違 今冗迫,粗陳其略,須面 符》、《四維》之類皆非是,◎前書論之稍詳 君正之大善。至 雖多,皆此類耳。 率以禮樂爲虚器,以天人爲 但 未暇爲書爾。 世,不敢自是,因君意合,偶復云爾。 向 示《非國 語》之論、鄙 所示甚善。 於《時令》、《 此所謂小 見乃 柳子之學,大 不相. 人無忌憚者. 意 盡言。 斷刑》、《貞 素不然之、 知云云。 然迂

「公」、《大典》作「心」。

0

拿「貞符」,原作「正符」,據《七集·續集》卷五、《柳河

Ξ

所示亦當在心,有問焉固當以此告也。 遺士,而近者不許連名,此事便不繼。 向者亦或從諸公之後,時掛一名,以發揚 固嘗愛仰,●然老朽無狀,❷豈能爲之增重。 所示徐君,爲朝中知之者益衆。不肖 然

文甫兄弟,爲致意。

近有書,必達矣。

也。● 曾過江游寒溪西山否? 見邑人王

不利,想各有

時。

穮蓘不廢,❸三年可必

辭之美,亦以見盡誠求道之至也。

科 舉 數

四

聞前 未敢輒作文字、非面莫究也。 人偉蹟,固後生之幸。 叠辱臨顧,感怍無量。 然事 録 示 體不小, 神告,得

0 ·固嘗愛仰」,原作「固當愛鄉」,據《七集· 續集》卷五

改。

五

0 「然」,原脱,據《七集・續集》改

「三」、《七集・續集》作「半」。 ・穮蓘」、《七集・續集》卷五作「箕裘」。

十論、十二説已一再讀矣,不獨歎文

一五六四

## 蘇軾文集卷五十七

尺

牘

## 與韓昭文一首

之還而去爾。 秘校行,❶謹奉啓參候。不宣。 望馬首。 緬惟台候勝常。 某啓。 但迂拙 違遠旌棨,忽已數月。 餘寒、伏冀爲國自重。 動成罪戾,恐不能及見公 邊徼往還,從者殊 勞,日 改歲, 因任

與胡 深父五首●以下俱杭州

病,因循至今,疊辱書誨,感愧交集。 某啓。 自 聞 下 車,日 欲 作 :書,紛 比日 冗 衰

起居佳勝。

未緣瞻奉,伏冀以時保練。

數郡,例被霪雨颶風之患,而秀之官吏,獨 乍到 整葺、想勞神用。 自浙 西

撫綏,不惜優價 以爲無灾, 以故紛紛至此。想公下車倍加 廣糴,以爲嗣歲之備。 憲

司移文,欲收糙米,此最良策,而搉户專蚪

也。 所不樂,故妄造言語,聰明所照, 病中,手字不謹。

某久與周知録兄弟遊,其文行才氣

0 任」、《大典》、《七集・續集》卷四作「李」。

五」,原作「四」,誤刊,逕改。

五六五

必

不摇

區區。 不在多言。餘託柳令咨白。冗中,不盡 九江。托迹治下,竊惟仁明必有以安之, 實有過人,不幸遭喪,生計索然,未能東歸

四

五

書,必不罪也。 王京兆因會,幸致區區。 久不發都下朋舊 某以衰病紛冗,裁書不謹,惟恕察。

## 與幾宣義一首●黄州

如 ? 蒙相過,既去,索然無復往還,每思檻泉之 乍冷,萬萬保愛。不宣。 曩日之 患乎? 遊,宛在目前。 廢,無足深訝。 某凡百如舊。 久放江湖,務自屏遠,書問 聞河決陽武,歷下得無有 得暇,遣數字慰此窮 比 日侍奉之暇,起居 向者以公擇在舒,時 獨 何 之

## 與任德翁二首 黄州

姪來,領手教,感愧無量。 仍審尊體佳勝自蒲老行後,一向冗懶,不作書。子

黄,本則尺牘或爲與黃幾道者。黄」下、《七集・續集》卷五有「道」字。案:幾道氏

會晤,萬萬自愛。 矣。此間凡事可問小大,更不覼縷。未期歸,又得動止之詳,小四乃能爾,師中不死當遂冠天下士,蔡州未足云也。 陳季常為慰。昆仲首捷,聞之欣快,起我衰病矣。

### | 赴登州

遠也。 亦滯 今日 承孝履如 謹遺人上問。 風亦苦不順,●且寸進前去,恐亦未能 留 某啓。 不知德翁今晚能到 如 此。 宜。 半月不面,思仰深劇。 某 在 金 陵 不宣。 慈 雖 湖 久駐 夾阻 7此否? ,奉伺不 風已累日,● 傾渴之 至,知 辱書,

## 與魯元翰二首❸

某啓。元翰少卿,寵惠谷簾一器、龍團

共三篇矣。可與一椀豉湯喫。呵呵。此水此茶俱第一,共成三絕鑑中人。通前此水此茶俱第一,共成三絕鑑中人。通前二枚,仍以新詩爲貺,歎詠不已,次韻奉謝。

•

公昔遺予以暖肚餅,其直萬錢,我今

《詩集》卷三十七有《慈湖夾阻風五首》。「夾」,原作「峽」,據《七集·續集》、《外集》改。案:「慈」、《七集·續集》卷六、《外集》卷七十五作「磁」,

0

》「蓍」,原作「孔」,吴。 矣: 《寺集》卷→❷ 「苦不」,原作「不苦」,今從《外集》。

「孔」爲「魯」。參下首校記。 其題,即此首「元翰少卿」至「奉謝」二十八字。今改 其題,即此首「元翰少卿」至「奉謝」二十八字。今改 即元翰。又,此二首中第一首之詩,見《詩集》卷十, 即元翰。又,此二首中第一首之詩,見《詩集》卷十, 以謂問長 以謂問長 以謂問長 以謂所作「孔」,誤。案:《詩集》卷十有《九日舟中

「二」,趙刻《志林》題作「謝魯元翰寄暖肚餅」。

縛; 非 活潑潑爲内,非湯非水, 報 領取,如不肯承當,却以見還。 無眼,故 銅銅 非鉛, 以了了常知爲腹,不方不 亦以 (不漏; 暖 肚 以念念不 餅 上直而無耳,故不 其價 忘爲 不 以赤歷歷 可 言。 項,非 圓 懸 中 爲 解 到 空 非 以 而

#### 與 溋 丞 事一首

終南 所 久浮沉里中,宜及今爲樂。 昔之意也。 爾,終當一 關中後來豪俊爲誰乎? 監官,與之往還甚熟,斯人今亦不可得 川草木,可以 縻,求此閒適,豈可復得耶? ·昔嘗久居,往來郿、虢、二曲,三邑山 示論, 過岐、雍間,徜徉少留,以 趙宗 君自名臣子,才美漸 坐而默數也。 有 化 去久矣,爲一悵 某日 異時 當時李庠彭 [夜念 偶記 — 爲 著, 歸 償 世 豈 也。 與 復 蜀 宿

> 彭 復 才 前 「録此奉呈,想亦爲之惘然也。● 年 病 詩, 廢,故多 彭年 -讀之, 感慨,可 蓋 淚下 念! 也。 可 念 斯 Ĺ 有 聊

# **與陳朝請二首❷**以下俱黄州

者。 闊 古 捐館 何所不有。 某啓。 然中無一字以解左右,●蓋罪廢窮奇 7,有識. 錢塘一別, 相弔,矧故人僚吏相愛之深 置之不足道 如 夢 中 也。 事 獨 中間 爾 後 述 契

文志》卷二十一,題作《與寇君》。 「世故」之「故」,據補; 自「某日夜念歸蜀爾」至末,本書卷六十重收,爲《與 人四首》之第二首。今删彼留此,加校於此。 與陳朝請二首」《七集・續集》卷五作 夜念」作「望」,「一過」無「一」字,「意也」無「也」字, 自「某日夜」至「豈可復得耶」,見《補續全蜀藝 「彭年讀之」無「彭年」二字。 答 濠 州 重收篇 陳

0

請二首」。

0

中」、《七集・續集》作「終」。

者布 來, 卧 孰能如公遠發藥石以振吾過者 交游皆斷絶,縱復通問,不過相 喜知尊體康 無量 動 · 宣。 緣 輒 出 累 病幾 人,故往還 不可復掩矣, 遠 百日,今尚苦目 臨 辱書 勝,貴眷各佳 紙耿耿, 問問 杜 便欲 絶。 期於不復作 萬萬 安。 裁 至今思之, 疾。 謝 以 罪廢屏 哉 勞愍而 再 時 ? 枉手教, 春 丽 已往 夏 慚 居, 重。 負

願,但 作詩 云,而好事者巧以 某啓。 與 多難畏人,遂不敢 日起居 文字。 示諭學琴,足以 每 佳 所 辱 勝。 不 諭 醖釀 · 遺 四 某自竄 ,便生出無窮事 望起 時 爾。 枉 廢,固 自娱,私亦欲 書問 其 中 逐 以 來,不 雖 宿 感 志 無 怍 也。 所 所 復 深

> 弄也。 矣。 者,極 適寒,苦嗽,而 且爲道此。 謪 意。 可畏。 但老懶 能 江 此,遠 倅 江之親亦可與言過。● 劉宗 其子文格甚高,議論與世俗異 遞中 不 此 能 來 古 辱書,此人回,深欲裁謝 人又告去甚急,故未果 見 復 客,且 近過此,甚安健,絕無 勞 心爾。 留之,時 有 廬 令作 Ш 崔 閑

## 與石幼安一首 黄州

白乎? 勝。 長生之本也,惟在多方調適。 病者,或有不測之患。乃知 遂獲警戒持養之方,今極精健。 春夏服 某啓。 形體外物,何足計較,但勿令打壞 藥,且喜平復。 近 日 連 得 書札, 羸 某近緣多 具 病後 疾, 審 Щ 起 未 剛 須 必 居 不 强 非 少 無

■「江之親亦可與言過」、《七集・續集》卷五作「江親亦

金龙 記 **>** 爾。 呵 呵。 因 王 承 制 行,奉 啓

子乎?

Ξ

### 與 趙 晦 之四首❶以下 -俱黄州

利 矧風 知剖 盈篋 器 一笥,而 **但** 土舊諳習。 符南徼,賢者處之,固不擇遠近劇易, 某性喜寫字,而怕作書,親 .恨愚暗,何時復得攀接爾。 終歲 不答,對之太息而 而兵興多事,適足以發明 知書問 릲 乃 動

達。 是黄州 瀆。 書,亦甚泰然,今有 復 婦,亦稍煩惱。 歲名筆,其人已亡矣,聊致 夢見。舊收 肝爾,與鹿豕木石 何求。 張安道近 藤既美風 示論, 人,元 某謫 處 得 患 不出仕 蜀 居既久,❸安土忘懷,一 土,又少訴訟,優游卒歲, 得 公後來已有子未? 難 人蒲永昇 書,無恙。 何異 不 戚 而已。 書與之,告 戚, 所謂道 Ш 只 齋閣,不 只 王 水四 是愚 . 是 定 [軸,亦 者 喪 早 國 人 却 罪 爲 如 因 近 何曾 無 兒 轉 得 本 凂 書 又 近 心

正是添一 況其不然,憂患未易言也 方殷,❷計 聞 熙河, 廟略 貴郡 必欲郡縣荒服 亦 屯守餽餉中原 菲 静 處,長 履 者 險 無 就 固 0 略示及。

- 趙」下、《七 集• 續 集》卷五 有「昶
- 0 ·某謫居既久」、《七集·續集》卷五作「某亦甚樂此」。 殿」、《七集·續集》卷五作「興」。

涉

難

可

以

濟者,其惟

邁

德

寡

怨

之

君

復寧

歲。

使必克,

自

有

南

事

以處之矣。

賜多 被命再任,●遠徼不足久留賢者 進 愧 萬 濯,以爲交遊故人寵光。 交 以 矣。 へ懷。 時自重。不宣。 久不 奉 晦之風績素聞,使者交章,佇聞 比 狀,懶! 日 履兹餘熱,尊體 慢之過。 遠 未期會見, 1,然彼 辱 何 信 如 使, ? 人受 萬 承 慚

# 與袁真州四首以下俱離黄州

區區之禱。人還,布謝。不宣。此,瞻望不遠,踴躍于懷。更乞以時保練,比日履兹新涼,尊體佳勝。某更三五日離盛德雅望,乃肯屈賜書問,愧感不可言也。基罪廢流落,不復自比數縉紳間。公

狀,何以獲此,悚息! 卒 書裁謝,多不如禮。 采,恨不飛去。 乳母。 某 到 金 勞苦悲惱,始不堪懷。 陵一月矣,以 公仁厚愍惻,勞問 惟加察。 悚息 賤 累更卧病, 無人寫謝 加等,無 渴見風

Ξ

勝,感慰兼 駛,猶當相風 人還,復謝。 懷。 疊 不宣。 而 一辱手 行。 某雖已達長蘆,然 教, 瞻奉不遠,欣抃 具 審 比 來 江 起 ;可量。 流 居 湍 佳

■「再」,原作「在」,今從《七集・續集》卷五。

一 五 七

四

也。 有 馳 然須風熟乃敢行爾。 不罪。 書,乞送與太虚,不在金山 某再啓。 頻煩不 承示 諭,勝之少駐,恨不 太虚 書已 即在潤 ]領,却 州 飛

# 與上官彝三首●以下俱黄州

幸甚! 顧 罪戾汩没,不緣半面,獲此三貺,幸甚! 然,所寄深矣,非淺學所能到。 有意於古作者; 健,有味其言; 領驚喜,莫知所從得。 说索然,無以爲報,但藏之巾笥,永以爲 某啓。專人至,辱書及詩文二册。 老謬荒廢,不近筆硯, 次觀古律詩,用意深妙, 卒讀《莊子論》,筆勢浩 伏觀書辭,博雅 忽已數年, 自惟無狀, 純 捧

好而已。適病中,人還,草率奉謝。不宣

來起 中,親書不周謹,望一一恕之。 並 丽 不敢當,悚息不已。 驅。 不相 居佳否? 某再啓。 通問 過求不肖,莫曉所謂,凡所稱道,舉 先辱教誨,感愧不可言。比 聞名久矣,謫居幸獲相 足下雄文妙論,當與作 閑居,闕人修寫,又病 近, 者

三

超然神往於彼矣。見教作詩,既才思拙某啓。詩篇多寫洞庭君山景物,讀之

官長官二首」。
・續集》卷五題作「答上即三首之一、三兩首、《七集・續集》卷五題作「答上

某驚聞大郎監

簿,

遽棄左右,伏惟悲

我耶? 縱遊其間,風雨雪月,●陰晴早暮,態狀千 所居臨大江,望武昌諸山咫尺,時復葉舟 惟千萬以 萬,恨無一 陋,又多難畏 時珍重。 語略寫其彷彿耳。❷ 人,不作一字者,已三年矣。 何時得美解,當一過 會面未由,

## 與王子高三首

北還,辱手書,且審起居佳安,爲慰。游 塞衆望。會合未涯,伏冀倍萬自愛。 一邑,風謡之美,即自聞上,翹俟殊擢,以 某啓。多懶少便,久不奉狀。 兒子自 盟副 刃

笑矣。

之禱。不宣。

千里,以發久滯。 使久留胸中。子高高才雅度,此去當一日 望以明識照之,縱不能無念,隨念隨拂,勿 已矣,空復追念,痛苦何益,但有損爾。 悼痛裂,酸苦難堪,奈何! 望。 無由面慰,臨書哽塞。不一一。 願深自愛,以慰親友之 奈 何 ! 逝者

Ξ

也。 若更刻却二紅飯一帖,遂傳作 率爾亂道,何足上石,有書可勸 世界 令罷

「雪」、《七集・續集》卷五作「雲」。

·其」、「耳」二字,原脱,據《七集·續集》補。

五七三

與

段

約

之

首

親拜厚意,謹奉手啓上謝。 疑似,人言良可畏,得公一 悍,卒夫牽挽,最爲勞苦。 之,則力不能給,故不免少爲 其過,此人與此語,豈 大矣。某平生與公不相識 辱 書 累 幅 可多 教 以 不宣。 言則已。 若 得 所 此爾。 見便能 — — 以 也。 不 及, 蜀 錢 江 事 數 爲 無 有 與 湍 責 賜

# 答□景純二首●元祐初在朝❷

風 日 過 想見之,嘯詠 , 竊惟鎮 唇不遺,遠賜存問,感激 謡藹然,足慰所望。 因 循不奉書,不覺歲月乃爾 撫多暇,起居勝常。 之樂,恨 夏暄 不 ,萬萬白重 得相陪,❸但 不 ·可言 吴興風物, 久 也 耶 聞 比

> 相愛之深、特與洗飾、此意何可忘耶? 相望,而不肖獨 惠 ,感愧兼集。 舊 詩 過 煩 鐫 吴興 以 刻, 罪 去, 垢累溪山。 自晉以 及墨竹橋 來,賢守 字,併 風 景純

流

清顧,幸甚。

憶

四首、録呈、爲

笑。

耘老病而貧,必

賜

郡雖不久,亦作詩

數十首,久皆忘之。

在

此簡與下 「元祐初在朝」,原作「此下俱黄州」。《蘇軾年 作「刁」,據孔凡禮《蘇軾年譜》第七二六頁改 答」下、《七集· 簡於元祐元年,今改「元祐初在朝」。 續集》卷五有「湖守」二字。

相」,原脱,據《七集・續集》補。

0

五七四

# 與王佐才二首以下俱黄州

**贊**引、 然疲薾, 使爲詩, 寒,萬萬自重。不宣。 瘡,腿上甚痛,行坐皆廢,强起寫贊,已搨 之在體。示諭《維摩題跋》,無害。 畫益精,老拙亦自不敢出手也。 偶作之,其他無一字也。 人辱書,並新詩小篆石畫,覽味欣然,忘疾 藏經碑、皆專爲佛教、以 以是未果。 固 願託 前日蒙惠雄文,伏讀欽聳, 附。 奉書亦不復覼縷。 近來絶 君辭力益老,字 不 · 作 爲無嫌,故 今復枉 文,如 偶患 專 懺 且

不 領音耗,不知達否? 某啓。 自歲初附書及《維摩贊》,爾後 今蒙遺人惠書,並

不言及,料必中間曾賜教,不達也。

與黄元翁一首

治下當作陸行,必留數日欵見也。 點言,獨有存恤孤旅之意,感激不 某啓。 垂老投荒,衆所 鄙 遠, Ė 見孫 提

到

### 與 **蔡朝奉二首**以下俱揚州

公能禮之,甚善。 幸稍寬假、途中寄上也。 復過聽,亦不敢固辭。 所及也。 圖,此古人賢守,留意於教化,非簿書俗 已,但老懶廢學,無以塞盛意,愧怍不已。 某啓。寄示 顧不肖何以託此。 士 自蒙寄惠高文,欽味不 民所 但迫冗未暇成之, 投 子野誠有過人, 牒, 公意既爾,衆 與 韓 公廟 吏

五七五

與 父宣 七首以下俱

州

誓,故復不自隱,想當 來書推予過 居 君行、曾奉狀、必達。 不度不肖所不能任,甚無謂 佳 安。 某啓。 明 日 遞中復辱手教,感悚。 重,公欲避文人相輕之病,而 便 重 九,每緣相對,耿耿 乍冷,惟 一笑也。 也。 萬萬自 近姪壻 以皦日之 比日 也 重 曹 起

不一一。

#### 與 知 監宣義一 首北歸

所懷。

守書中細言矣。

初到

揚

州,

冗迫,

書不

一已得替,即請

足下與勾當摹刻,已於太

此二人乃云二月替,不知果

如

何

若萬

其一乃遁去。足下書中云,王守六月替,

已付來人。

來

人 日

飯之,

以需

此文。

示諭

韓公廟記》。

輟忙

爲了

風 教,契好益厚。 典刑,凛然不墜,幸甚。 便解去, 瞻戀莫及。 流落生還, 且審起 居住勝、感慰兼集。 得 惟萬萬以 既不 見君子, 往謝 時自 又枉 喜 老 成

一忽,不宣

示諭。 因 瀆,至悚! 見,乞試問看 帶,乞指揮去人,勿令置潤濕 子由信籠 中前曾託 至悚 敢 煩 購 求 祖守 便附 碑 便行 石,不知得否? 與。 否 處 内 也 有 因

煩

從其

人游,當依所教。

然近日士大夫以

某 及

達

耶

? 到

續蒙示諭《王景尋文集》,某

猶

此得

所

賜

即

於

遞

中

謝

豈

不

四

乎 ? 紙 非 否,皆天也,君子盡 出於欲邀功賞而 者,或云公欲括田 坐 爲大患。 惘惘。 老拙 此 事耳。 到 此間去公咫尺耳,而過往妄造言 所 揚 仁聖撫 堪 吏 也 事 方欲出力理會,誰肯少助我 清暇, 熟觀所 不 養 而招兵,近聞得皆虚, 心而已。 願公來者乎? 八年, 圃 人事十倍於杭, 歷數路,民皆積 而民 無由 未蘇者, 面見, 事之濟 語 者 正 欠 甚 想

> 五 ❷以下俱北歸

闕 皆公之舊迹,或 日 書及子由 起居住 某當老江淮 久不 安,眷聚各 通 家訊,窮塗 問 見 計 間 清 識 矣。 **I康寧**。 詩 一笑, 豈易得哉! 其 以 無 會合未 增感歎。 他。 仙舟想非 北 期, 歸 忽 所 萬 久 辱 過 手 萬 到 比

0 此首與下 首、《七集• 續 集》卷 六 題 作 與 孔 毅 父二

此首與下首、《七集 續 集》卷七題 作「答 孔 毅 夫二 也。 月,見其慧利長 得舍弟書報,志公婢偶傷 恐未 作銘 得書,已全安無 除夜紛紛,奉啓不謹 誌,故變文爲 可 遽作也。 進,無病,後母撫之如己 痕矣。 不罪! 集 引 恐要知 火湯,初 耳。 不 罪 已 ! 屢 甚 在京數 辭之, 驚惋, 前日

連

不

今

五七七

自 重。

六

苦恙。 身莫贖,奈何! 覺老,聞公亦蔚然如昔,不肖雖 慨 中間常父傾逝,不能 劉器之乃是鐵人。 而已。 慚負至今。 奈 何 ! 0 江上微 但逝者數子, 承諭,子由 奉慰疏, 皤然,亦 以雨,飲 不 但 酒 無 甚 荒 百

徼

薄醉,書不能謹。

七

佳味 發 掩 也。 關 日至陽長,仁者履之,百順萃止。 6 呵 負 呵。 暄 獨 誨諭 坐,醺然自得,恨不同 過 重,乏人修寫,迺 此 病

以

手簡爲謝。

悚息。

#### 與 程 懿叔六首●

少留 初 民甚惜其去,江潮未 山之樂,但有仰羨。 陽,百福 某啓。 也。 問及兒子,感怍,不敢令拜狀。 來集。 長 至 一<del>,</del> 不 知浙中 應, 獲 全翁已 展 速去無益,不如 人事 慶。 得文字,吏 簡 伏 静, 惟 頗 順 得 履

溪

不宣。

「七」、《七集·續集》卷七作「答孔毅父」。 奈何奈何」,原作「奈何」,據《外集》卷八十一

「六」,原作「五」,今正。參下首校記。 「發」、《七集・續集》作「廢」。

自服,甚善!

甚 善 !

所望於吾弟也。

某

福。

郡政清暇,稍有樂事,處以無心,强

四翰林

風 佳 起 色未穩,來日必未成行。不一一。 事 居佳勝。 也。 某啓。 盛製必自有本,輒留范詩納上。 疊辱車騎,皇悚不可言。 公詩 清拔,范老奇雅,真一 晚來 段

步艱阻 子由省中試人鎖宿,初 發勾承議,數日欲往謁, 思企無 量。 辱教,且喜起 日方出,户 泥凍方甚,寸 居佳勝。 ,侍之

,必辭免也。

 $\equiv$ 

五杭州

殊渥。

聞遠近之耗。

未緣會合,新春保練,

别膺

百端,日有外補之興。

行先尚未到,亦不

凡百如昨,但碎累各病,醫人不離門,勞費

或宫觀· 日。今雖强 子由使虜亦還矣。 如,貴眷各安勝。 稍不 去。 聞問,思 此雖 出 視事,尚未全健,已乞宣城 暫病,亦欲漸爲退休之計 企增 某近忽苦腰痛,在假數 廣 東 近 劇。 亦 得 比 日 書,甚 起居 何

人來,辱書,喜知起居佳勝,眷愛各萬

首非寫於 「三」、「四」、「五」各分題,順次改爲「三」、「四」、「五」、 首原與 £ 時, 首合爲一篇,另起。 今加「二」,獨立成篇。 今細味其内容,與上 以下「二」、

0

此

一五七九

一五八〇

耳。吾弟治績遠聞,當即召用,少慰公議

#### 六杭州

何時北 尺莫緣一見,臨紙惘惘。 省墳墓,仍見親知,爲可 才地治狀,當召還清 ,使至,辱教字,且**審** 承拜命,移漕 趨歸路,仰羨 巴峽, 而 近 릲 賀 此 薄 起 耳。 何 慰 居 知在江 1清勝。 足道。 衆 衰病 望。 上,咫 疲厭, 得 懿 方 叔 欲

## **與徐得之十四首**以下俱黄州

見,相 所縻,不克千里會 甚更事。 ,若有分毫不如法者,人不責之諸子,而 某啓。 待如骨肉,此意豈可忘哉 得之既手足之愛,事事處置令合 始 謪 黄 葬。 州 舉 諸令姪皆少年, 目 無親 君猷 恨 謪 未 籍

> 致懇。 置之左右,而教 望久矣,但未相見,不 性,不宜令失學。 形 責 士契之深,不避僭易,悚息之至。 迹 得之也。 一,而 若候葬畢,迎君 有 所 幸深留意,切不 不盡 以學,則君猷爲 聞其舅仲謨户部君之雅 也。 敢致書。 十三、十 中,與其三子 可惜人情 四 欲望 不死矣。 皆可 一得之 ', 俊 顧

言。 楊元 君者。 後 幸與六秀 已附秀才收掌,專用辦 才,雖驟面,頗似佳士。 一色君 某啓。 素許作,專爲幹致次,公儀必來會葬, 喪過此,行路揮涕,況於親 見其諸 與十三、十四等,可暫歸張家,爲 才者 不意 子,益復 商 君 議 猷 文止於此, 令 如 傷心。 葬事也。 郡人賻之百餘千, 法 也。 然其 志文已是 知 傷 既 弟 如 痛 葬之 僕 六秀 不 與 可

萬順時自重。

然。● 晚來起居

佳

勝。

後

會未可

期,惟

萬惘

數

日

得

相

從,

遽别,

情

悰

不可盡談,想深照此意也。不一一。昔蒙君猷相待如骨肉,不可不盡所懷。書長策,幸更與詳議。閑人不當僭管,但平

 $\equiv$ 

倫次。 達。 尚留 國書附去, 雪堂、 某啓。 要記昨日事,適會沐浴,困甚,信筆 可 所須文字,得欵曲爲之也。 適辱手簡, 便遺人。 且審起居佳 適已遣人,來簡 勝。 無 必 興 知

五

議大阮爲佳也。 禱。葬期不遠,想途中不復滯留。凡十一郎昆仲不及再别,惟節哀慎

事

禀 爲

重

六

且納志文去,可就近别求也。 更冀勉力。李樂道篆字等不來,恐妨使,已離岸。天色稍旱,江水殊未甚長,奈何。 已離岸。天色稍旱,江水殊未甚長,奈何。 知仙舟靠閤滯留,不易! 即日想

四

■「惊」,原作「深」,今從《七集·續集》卷五。本卷《與

徐得之》第九首有「情悰惘然」句。

五八一

七

以 之惜别,又復前去,家中闕人抱孩兒,深爲 其成立,但催迫吾儕,日益潦倒爾。 書時與之。 俗物爲賀,所用石硯一枚,送上,須 得之晚得子,聞之,喜慰 呵呵。 似太早計,然俯 仰間,便自 미 知。 恐得 是 不 見 學 敢

九

衾爾。 且審起居佳勝。 中摇撼,不可存濟, 某啓。 想來日未能行,若再訪,幸甚。 昨日 已别, 風 亦無由上岸,但闔户 雨 如 情悰 此 淮 惘 浪 如 山,舟 辱教, 擁

+

居爲佳也。 否? 得之亦宜早發,勉此歲月間,早遂定 來日離此,水甚慳澀,●不知趁得十五 别,悵戀可 知。 餘萬萬自重。 逾年相從,情均 辱書,承起居佳勝,爲慰。 骨肉, 乍此遠 日上

`以」,原作「似」,今從《七集·續集》卷五。 澀」、《外集》卷六十九作「嗇」。

風

,時惠問。

乎 ?

僕亦衰老,强顔少留,如傳舍爾

因

屠釣、得之不爲簪

組

所 縻,

倘

得

見 斯 自娱,●想無所慕於外也。

閩

中多異人,隱

定省之下,稍葺閉

軒, 簞

飘鷄黍,有

以

八

五八二

十二以下

俱

惠州

十

之重 遂爾遠别,可量悵惘。 雖留數日,竟少暇陪接,又不 一,感慰 某啓。 何 承 極。 舟 御 經宿 不 遠 起 數 居 百 得 何 里 如 相 ? 候館舍, 從 郡 風 中 義

### 十 二離黄州

遂歸 遇信 會合何時,臨書悵然,惟千萬自愛。 不見故人,深爲惘 計 便,不克裁謝, 也。 别 比日已還。 後所 惘。 甚 辱 愧 手 然喜久客牢落,得 負也。 書 侍下起居佳 再到舊遊, 勝。

> 已半年,凡百粗遣,既習其水土風氣,絶欲 見愛之深、故詳及之、不須語 學長進也。子由頻得書,甚安。 過頗了事。寢食之餘,百不知管。 息念之外,浩然無疑,殊覺安健也。 不已。即日哀慕之餘,孝履如宜。 自重,千萬! 邈然,臨書惘惘。乍熱,惟萬萬節哀,順 四處,住惠、筠、許、常也,然皆無恙。 某啓。 張君 千萬! 來,辱書存問 人也。 周 一家今作 至, 亦 瞻 得之 頗 兒子 到 感 企 力 惠

### 十四四

不 輟 攜 詹使君,仁 具 來 相 就 厚君 子 極 ·也,極 與 君 猷 蒙 相 他 善、每 照 仍

一五八三

郎後來修學如何? 及,相對淒然。君猷諸子得耗否? 十四

## 答賈耘老四首以下俱離黄州

足見故 也。 聞 落目昏,當是爲 不蒙録示數篇,何也? 貧固詩人之常,齒 比 某髮少 日 久不奉書,尚蒙記 人風氣之深,且與世異趣也。 動 止佳勝,感慰 加 白耳,●餘如故。 兩荷葉所困,未可專咎詩 録。 兼 集。 遠 寄示 枉手 未由一見, 石刻, 教, 新詩

> 卑末送相子來揚州。 也。醉甚不成字,不罪。見滕公,且告

爲

Ξ

神聳。 發乘 我致意。 不用則窮谷一病叟耳。」 張鎬也。 「張公一 小舟破 久放江湖,不見偉人,前 好 生江海客,身長九尺鬚 别後酒 蕭嵩薦之云:「用之則爲帝王師 箇没興底張鎬相公。 巨 浪來相見。 狂,甚長進也。 出 船 在 見時, ,巍然 金山, 老杜 眉蒼。」謂 É. 使 爲

7月月 第名一 泥身耳

■ 「某」,原作「其」,今從《七集·續集》卷六。

上

而老矣。

僕當閉户不出,公當扁舟

過

我

許於此安置

幸

丽

許者,遂築室於荆溪之

僕已

買

田

陽

羡,當告聖主哀憐餘

生,

1692

## 與李通叔四首❸以下俱黄州

笑,此又出望外也。

力疾,書此數字。

且 獲裁謝。 獲所著《通言》二篇,及新詩 某啓。 復枉 向 承 專使辱書累幅,意 寵 訪,教語 甚 厚,因 碑刻,廢學 愈勤重。 .循 未

之也。 者,可 石酒三 人致嘉 否?❷ 若吴興有好事者,能 處士貧甚,無以慰其意,乃爲作怪石古 紙, 今日舟中無他 每遇 令雙荷葉 酒 **蚪終君之世者**,便以贈之。 遂 饑 獨飲 時,輒一 收掌,須添丁長, 一杯,醺 事,●十指如懸槌 開 看 然徑醉。 爲君月致 還能 以付 不爾 米三 飽 適有 念 木

### 與陳輔之一 **首** 北歸

海 憂,豈非命耶? 見,愧仰深矣。 表不死,●歸宿田 某啓。 昨 日承訪及,病倦,❸不及 熱甚 若 得少駐,復 里,得疾 ,起居何如 遂 ? 與 有 故 某 不 起之 萬 里 起

> 還」,原脱,據《七集・續集》卷六、《稗海》本《志林》 無他事」、《稗海》本《志林》作「霜寒」。

0 0

「倦」、《大典》、《七集・ 續集》卷四、《外集》卷八十一

0

0 作「重」。 「某」,原脱,據《外集》補。

作「家務」,今從後者, 及」,「二篇」作「三篇」,「竊恐」作「竊想」,「窮約」原 異文于下: 此《與李通叔四首》之第一首、第二首、本書卷五十九 十六字。本書卷六十九有《跋李康年篆〈心經〉後》 重見,題作《答李康年一首》,今删彼留此,校第一首 後者無「某啓」二字"「未獲」作「未 後者無「未由面言」至「不宣

一五八五

五八六

約也。 幸甚! 馳騁百氏,而游於藝學,有以自娱,忘其窮 意之所未至,欽味反覆,不能釋手,幸甚! 之人,徒知愛其 未由面言,萬萬 比日起居何如? (文之工妙,而 以時自 竊恐著書講道, 不能究極 重。 其

=

賜也。 爲小字,寫百十字見惠,不必《心經》,乃大 尤爲奇妙。 以見借,尤幸。 謹且借留,得爲究觀。 某啓。《通言》略獲披味,所發明者 要跋尾,謾寫數字,不稱妙筆。 君爲親書,豈敢輒留。 篆書《心經》,字小而體完, 他日成書, 他日别 多

> 萬慎夏自愛。❸ 怱怱,不宣。 已捧領,當爲篋笥之華。 頒示篆字,筆勢茂美,深得二李本意。 畏,又廢筆硯,無以 某啓。 疊 辱從者推 少答來貺,愧 無緣詣謝,❷惟 與甚厚,患難 恨深矣。

雖

多

四

奉思無窮。 某啓。 比日起居佳否? 久不奉書,爲愧。 中間蒙寄示 春物妍麗,

0 字,「百十字」作「草字」, 首》無此二字; 參看上首校文。「某啓」,本書卷五十九《答李康年 謝」,原作「請」,今從《二妙集》。 脱去「日成書」至「君爲親」二十五 無篇末「愧愧」二字。

夏」,原作「憂」,今從《二妙集》。

雪堂篆字,筆勢茂美,足爲郊藪之光。不 即裁謝,未見罪否? 自重。不宣。 會合未由,萬萬以時

Ξ

## 與徐仲車三首●以下俱南遷

忘也。 爾。 甚 ! 謂「忠焉能勿誨乎」? 占望悵惋。 某啓。三辱手教,極荷憂念,❷孔子所 來日,舟人借請或小留,但不敢往謁 名方良藥,亦已拜賜,幸甚! 當書諸紳,寢食不 幸

> 居甚卑而節獨高。❸ 某忝冒過分,實內自 益深感怍。晚來起居佳勝。 當之,以太守會上,不即裁謝。 迫行不再詣,惟厚自愛。入夜,不宣。 愧,相見不免踧踖,來示 某啓。伏辱奇篇,伏讀驚歎,愧何以 何謙損之過也。 公窮約至老, 繼枉手教,

送,盎然有得,載之而南矣。復啓,不宣。 昨 日 既蒙言贈,今日 口又荷 心

2 0 典》、《七集·續集》卷四原接第二首後、與第二首爲 本首自「三辱手教」至「寢食不忘也」二十七字、《大 一首。 「而」,原脱,據《寶真齋法書贊》卷十二《蘇文忠書簡 「憂念」、《大典》、《七集・續集》作「厚愛」。

帖》補。

#### 一五八八

### 與彦正判官一首 黄州

周 千里一笑也。 頭上,何不於君指上聽?」録以奉呈,以發 有琴聲,放在 若人之語也。試以一偈問之:「若言琴上 過,令其侍者快作數曲,拂歷鏗然,❷正 己。 以爲好也。然某素不解彈,適紀老枉道見 而鏗金瑟瑟,遂蒙輟惠,拜賜之間,赧汗不 一捧領訖,感怍不已。 又不敢遠逆來意,謹當傳示子孫,永 古琴當與響泉韻磬,●並爲當世之寶, 寄惠佳紙、名荈,重煩厚意, 匣中何不鳴? 若言聲在 適有少冗,書不 指 如

# 與黄洞秀才二首以下俱登州還朝

某啓。寄示石刻,感愧雅意。求書字

降,爲致區區之意。 今却於此中相識處覓得三紙付去,蓬仙因固不惜,但尋常因事點筆,隨即爲人取去。

=

由欵奉,千萬保嗇。甚荷存記,兼審比來起居佳勝,爲慰。未甚符。經過,幸一再見。人來,辱書,

### 與黃敷言二首以下俱北歸

某啓。疊辱寵訪,感慰兼集。晚來起

● 「磬」,原作「罄」,據《七集・續集》卷四、《外集》卷六

「然」,原作「人」,今從《七集・續集》、《外集》。十九改。

别,●悚怍深矣。 居佳勝。 來晨啓行,●以衰疾畏寒,不果往 衝涉雨霰,萬萬保練。 謹

令兒子候違。不宣。

告爲到廣州日專遣人達之,不罪。 師,且爲再三致意。某再拜,不宣。 少事干煩,一書與惠州李念四秀才, 交代民

## 與陳承務二首以下俱北歸

激不可言。 已到蒙里,承丈丈差借人轎,孤旅 宿,懷想不已。辱手教,且審起居佳勝。 某啓。 愈遠,萬萬若時自愛。 傾蓋 一笑,慰喜殊深。 獲濟,感 奉違信

> 以臨利害,不變爲難也。 少年敏鋭,所存如此,實增欽歎。 孤拙 困踣,言無 足 取, 足 下 獨悦之。 然此事

## 與吳將秀才二首以下俱黄州

謁。 江湖,感歎不已。 講下風,死生契闊,俯仰一 數日,起居佳 某啓。 解去漸遠,萬萬自重。 某少時在册府,尚及接奉先侍 否? 辱訪山中,愧不能欵。 以拙疾畏 世。 風,不果上 與君 相遇

- 0 九有「承」字。 「來」上、《大典》、《七集・續集》卷四、《外集》卷七十
- 0 「别」,原作「謁」,今從《大典》、《七集・續集》、《外

|五九〇

\_

愧負。 法凛凛,欽味不已。老拙何以爲謝,但有法凛凛,欽味不已。老拙何以爲謝,但有

# 答蘇子平先輩二首❷以下俱黄州

昔時浮念雜好,掃地盡矣。 也。 問,且審比日起居安佳,感慰殊甚。 此惘惘。 華潤,字法精美,以見窮居篤學,日有 辱書教,久不答,知罪。 某凡百粗 某啓。 未間,惟萬萬自重。不宣。 違别滋久,思詠 遺,厄困既 遠 久,遂能安之。 煩 不忘。 何時 專使 會合,慰 手 中 書 間 書 得 詞 勞 累

## 與楊耆秀才醵錢帖一首

楊耆秀才,謀學未成,行橐已竭,欲率

<sup>●</sup> 此文,一見本卷,爲《答吴子野七首》之第六首,今兩

集•續集》卷五改。案: 子明乃蘇軾之堂兄。❷「答蘇子平先輩二首」,原作「與蘇子明二首」,據《七

可常服也。

惠示子鵝,感服厚意,慚悚不

入夜,草草,不宣。

勝喜慰。得之亦安矣。大黄丸方録去,❸

恐甲嫂見駡,牽率衝冒之過,聞已漸安,不

某啓。

聞公數日不安,既爲憂懸,又

昌宗、興宗、公頤及何、韓二君,●各贈五 百,如何?

# 與文叔先輩二首♥以下俱黄州

但恐竹不如肉,如何? 教,且審尊候佳勝。 某啓。疊辱顧訪,皆未及欵語。 新詩絶佳,足認標裁, 所示前議更不移, 辱

十五日當與得之同往也。

### 與李先輩一 **首** 黄州

自愛。 豈此石哉。 之,殆非所樂也。 遂恐爲世用,便有戕山竭澤之憂,爲石謀 某啓。 辱示, 臨 行 感作。 願密勿語。世所少者, 怱 忽,不果奉别。 此石 一經題目, 幸

### 與徐十二一首黄州

皆不可近,唯有天然之珍,雖不甘於五味, 今日食薺極美。 念君卧病,麵、酒、醋

·興」,原作「與」。本書卷五十三《與潘彦明十首》之

第二首云及「興宗、公頤」,第六首云及郭興宗,今據

0

改。

文叔乃李格非之字,此二首或是與格非 者。

「去」,原作「云」,據《二妙集》改。

鄙 流,津 爲致意。 輒 以血 過三 入鹽、醋。 淘了米三合,❷冷水三升,生薑不去皮,搥 宜食薺。其法,取薺一二升許,●净擇, 目。 面上,❸不得觸,觸則生油 兩指大,同人釜中,澆生油一蜆殼多於羹 而 以 厭 有 奉傳,不可忽也。 也。 ,而羹極爛乃佳也。 更不睡,則 凡人,夜則血 味 不得歸故 ·液暢潤,瘡疥於何有。 外 區區遣此,不一 天生此物,以 之美。 君若知此味,則 也。 朝旦面色黄燥,意 《本草》: 歸 若肝氣 於肝,肝爲 爲 朝 氣,不可食,不得 幽 奉公昨奉狀,且 陸 和,則 人山居之禄, 海八珍,皆 君今患瘡,故 薺 羹以物覆 和 宿 思荒 肝 血 血脉 之臟, 氣, 浪, 可 通 明

#### 與 姚 君三首●以下俱密州母

易熟

某啓。 過蘇,首辱垂訪, 到 官,又枉 教

> 編 溽暑未解,萬 此,可量 字,皆未 石刻, 感 克 良 愧。 爲 陳 萬 珍 謝 以時珍 比 玩 日 又 足見好 煩 起 重 居 專 使 何 事之深篤 人還,草草奉 如 惠 ? 問 寄示詩 勤 厚 也。 如

謝

不宣。

不訝! 欲去之,又況復收耶! 所共好,而某方欲省緣,除 昨惠及千文, 荷 雅 意之厚,法 謹却 長物舊有者,猶 封納,不訝 書固 人 ļ

- 一二升」、《外集》卷六十一作「三斤」。
- 「多」,原作「當」,今從《外集》。 「米三合」、《外集》作「粳米一二合」。
- 至卷六十一。《七集・續集》卷六題作「答姚秀才三 「三」,原作「四」。 其中原第三首,

乃與通長老者,移

密」,原作「登」,據《蘇軾年譜》改

想念。 中佳 · 否 ? 近專人還,奉書必達。 咫尺披奉無由, 尚冀保 入秋差凉, **冰練,慰** 體 此

### **答吴子野七首**以下俱黄州

惘惘。 習。 訊,憂卹之深,故詳言之。何時會合,臨 也。 半,處窮約,故是夙昔所能,比來又 且喜居鄉安穩,尊體康健。 不有,置之不足道也。 自惟罪大罰輕,餘生所得,君父 躬耕漁樵,真有餘樂。 濟南境上爲别,便至今矣。 專人來,忽得手書, 承故 某到黄已 人千里 其間 之 加 二年 何所 問 賜 紙 便

> 珍感! 恨近 州,沈在延州,王在京。 數人,亦不甚得其詳。 治園 想其處而已。子由不住得 望於子野也。 介夫素不識,其筆力乃爾奇逸耶 沼 日不復作詩文,無緣少述高致,但 承三年廬墓,葬 ,教養子弟,此皆古人之事,僕 珍感! 復覽諸公詩文,益增慨 虞直講 事周 寄示墓銘及諸刻 馮在河陽,滕在 盡,又以 帖,❸不類近世 書 無恙。 ? 餘 歎。❷ 所問 僕 素 力 安 所 夢 所

三」,原作「 今逕改。 參《與姚君三

0

慨」《七集・續集》卷五作「愧」。

虞」、《外集》卷六十六作「盧」。

告勿人石,至懇! 筆 事,●雖已遲,猶勝 迹 叮 愛 可 愛 至懇! 不悛 ! 也。 近 日 某再拜。 奉寄書簡 始 解 畏 口 慎 且

意。

復一

**覽**其

詩,爲涕下也。

黄 州

風

物

可

岸,几席之下,風濤掀天。對岸即

樂,供家之物,亦易致。

所居江上,

臨

斷

山,時時扁舟

獨

往。

若子野北行,

能

迂路

武 俯

昌

諸

兩程,即可相見也。

三

也。 何物, 茶。 慚悚之至。兒子無恙,承問及。 屏,❷附來人納上。 江郡乃無一 不俗,輒求得一横卷,甚長,可用大牀 鯉皆珍物,感怍不可言。 更蒙輟 近有李明者,畫山水,新有名,頗用墨 寄惠建茗數品,皆佳絶。 但珍藏之,莫測所用,因書幸詳示諭 惠,慚悚! 扶劣膏不識 慚悚 İ 彼土白難 物爲回信, 沙 上繞 其 爲 赤 得

五

起居佳否? 歎不已。 死生契闊,俯仰 少時在册府, 當及接見先侍講 辱訪山 以拙疾畏風,不果上謁。 中,殊不盡 世,乃與君相遇江湖,感 數 下 風 H 解

0 「大」、《七集·續集》卷五作「木」、《外集》卷六十六作 「丈」,,「上」,《七集・續集》、《外集》無。

0

四

每

念李六丈之死,使人不復有處世

❸ 味文意,當爲與吴將者。 此文一見本卷,爲《與吴將秀才二首》之第一 今仍存於此。 首。 細

畏口慎事」, 原作「閉 口畏事」,今從《七集 續

去漸遠,萬萬以時自重。

#### 六

愧負。 法凜然,欽味不已。老拙何以爲謝,但有法凜然,欽味不已。老拙何以爲謝,但有

#### 七❷揚州

矣。然謂瓦屋始於文公者,則恐不然。 見文惠公與伯父書云: 廣平,自爾延及支郡,而潮尤盛 民,亦知禮義,信如子野言也,碑中已具 之美,久矣。先伯父與陳文惠公相 在政府、未嘗一日忘潮 未到,則已有文行之士如趙 文公廟碑》,近已寄去。 也。 嶺外瓦屋始 云潮 德者,蓋風 潮州自文公 人雖 魚 知、公 鱗鳥 於宋 嘗 論 小 俗

### 與吴秀才三首❸黄州

則文公前已有瓦屋矣。

傳莫若實,故碑中

以文惠書考之,

不欲書此也。察之。

翼,信如張燕公之言也。

篇璀 意舟從 若平生之權。● 常 大熱,間關榛莽,曲賜臨 若有所負。 罪廢淪落, 璨,健論抑揚,蓋自去中州,未始得此 某啓。 便道,有失修敬。 相 聞久 典刑所鍾,既 (矣,獨 顧,一見灑然,遂 不謂 屏 未 迹 得 深歎 過予,衝 郊 披 野,初 仰 寫 ···, 而 相 盡 不 大

- 雨存。 此文,一見本卷,爲《與吴將秀才二首》之第二首。 △
- 「載與吴子野論韓文公墓碑書云」,即此首。郎本卷五十五《韓文公廟碑》題下注文引《東坡外集》

0

- 「與吴秀才三首」、《大典》作「與友人」。
- 「若」,原作「見」,今從《大典》、《七集・續集》卷四

一五九六

送别 從 徒 遇 定 咀 丽 侣 然耶 嚼 作幾日計。 堤 也 下 臠,宛 ? ,恍然如夢 欽 佩 留示 不 轉 良 早晚過金陵,當得欵奉。 珠 而不忍下咽 玉,正 了,覺陳 俯 求衰 快 迹具 晚 如 也。 九鼎之珍, 存 何 ,豈有所 以 未知 爲 舟

### |❶以下俱惠州

也。 見僕,便諭 野書云:「白雲在天,引領何及。」而子 佳 年矣。始以李六丈待制 ጢ 人。李公人豪也 |勝,感慰之至。 以 喪休 近者 練氣服 其言,當作《論養生》 軾 啓。 戚 南遷,過 出 遠辱專 藥 事 世間 ",獨 爲 土苴 一於世 真 謂 法,以長 與 Ĺ 僕曰: 子 惠教,具審 揚間 也。 少所 野 師 先 僕雖 生不死 中 一篇,爲 見子野無 生游, -之言, 邯鄲之夢 屈 伏, 未能行 比 爲餘 子 獨 幾 知 來 野 郵 與 其 起 事 出 爲 居

> 故,雖 甚 尚 自 足 數斤,定居之後,杜門燒香, 感愧厚意,無 荔子等,僕豈以 矣,何至使人蠒足遠來,又致 喜子野之有佳 生 念五十九年之非耳。 楊、申、韓諸 可 到 有 以 以 在 此, ❷ 長書稱道過實,讀之赧然,所論 命 少 北 破 未 悟矣。」夫 妄 識 不遠 日夜望之。 初不 而 面 子,❸皆有理,詞氣翛然,又 歸 以 由 當 真, 子弟也。 懸 云喻 口 南 南 來 相 腹之故,千里 子今目 北 方 赴 喜 忽得 今分一半,非以 也 雖 者, 約 過 號 然昆 廣 也。 來教 且 見 則 爲 閉 州 許 丽 瘴 酒、麫、海 附 仲 目清 過 幸 身 癘 買 得 | 勞人哉! 遞 以子野之 乃知子野 甚 我 履 地 坐, 丽 檀 書足 然死 爲 孟 歸 以 香 幸 亦

②「幸甚幸甚」,原脱,據《七集·後集》補。 《七集·續集》卷十一重收此文,題作「與吴秀才書」。 ①「二」、《七集·後集》卷十四作「答潮州吴秀才書」。

③ 「申」、《七集・續集》無。

得, 督其 氣,兀然 復之禮,但欲 南 而 歸,相 訶 灰 策其 槁 之大略 昆仲知僕 過 所 少 未至 留, 也。 爲僕 汛 也。 有 掃 書與子野 印 身心,澡 此 可 外, 其 萬 所 瀹 萬 已 更 神

Ξ

自

一愛。

鳳賦 不敢當,幸察之! 重其罪。 然僕方杜門念咎,不願相知過有 》,興寄遠 人來,領書,且 此賦自别有所寄 妙,詞 喜 尊 亦 清 體 佳 麗, 則 勝 善 玩 ¬, 不 粉 味 并 爽 示 肖 決

與姜唐佐秀才六首以下俱儋耳

放,何以獲此,悚荷不已。經宿起居佳勝。某啓。特辱遠貺,意甚勤重。衰朽廢

答,聊奉手啓。 長箋詞義兼美,窮陋

增光。

病卧,不能裁

\_

同啜也。 字,承起居安勝。 某啓。 適睡,不即答,悚息。 昨 日 辱 奇 荈 夜 話, 佳惠,感服至意 甚 慰 某頓首。 孤 寂。 當當 示

三

然早來 觀 可只今相過。 乳 泉 今日 市 潑 雨霽,尤可喜。 中 建 無 茶之精者,念非 某啓上。 肉,當共 啖菜 食已,當取天慶 飯 君莫與共之。 耳。 不嫌,

● 「所」,原脱、據《七集・續集》補。

一五九七

四

等 承 諾。 敢邀請。 佳惠,感愧! 適 十月十五日白。 寫此簡,得來示,知巡檢有會,更不 會若散早,可來啜茗否? 感愧! 來早飯必如 酒、麪

五

遠 所望也。 毒 業。 暑 某啓。 具喜 區 知非久適五羊,益廣學問以卒 區 起居 别 之禱。 來 佳 數 勝。 辱 此 問訊 外, 堂上嘉 萬 感 萬 慶,甚慰 怍 至 自 意。 重。

不宣。

六

爲 羊 瓊 道 初 離此。 下懇。 幸。 · 時, 會見也。 某已得合浦文字,見治裝,不過 幸 爲 只從石排或澄邁 有 帶 此懷甚惘惘。 書到 去 ●轉託 兒子邁處,從者 渡 何崇 因見' 以海,無 貳車,❷略 道 緣 附 往五 一六月 更 到

蘿子》兩卷、《吴志》四册、《會要》兩册,並 兒子治裝冗甚,不及奉啓。 所借《烟

馳納。

0 「幸」,原脱,據《外集》卷七十八補。 ·贰」,原作「二」,今從《大典》、《七集· 飯」,原脱, 據《大典》、《七集・ 續集》卷四 續集》卷四。

想安復矣。 庇。 前, 在巴陵,得宫觀指揮,計便沿流還潁昌。 當爲天下惜之,柰何! 得還,非天幸而何,但益痛少游無窮已也。 離英州日,已得玉局敕,感恩之外,實荷餘 體 同貶死去太半,最可惜者,范純父及少游, 宿,且一切信任,乘流得坎,行止非我也。 尚可寸進,則且乘大舟以便幼累。 佳勝。 則固不可辭小艇也。 無緣追及。 得來示,又知少游乃至如此。 辱書,勞問 今日到 愈 昨在途中,風聞公下痢, 金山寺下,雖極 厚, 實增 柰 何 ! 餘生未 感慨。 子由想已 艱 某全軀 知所歸 必不可 兼 審 然 尊

> 策。 矣。 人,可駭。 到此。長少卧病,幸而皆愈,僕卒死者六 五七日,乃乘小舫往即之。● 勞費百端,又 某留虔州已四十日,雖得舟,猶在贛外,更 此,當自有感應,❷非久,見師是,當謀之。 有以爲計,當且少安之。神明知公心如 子由聞已歸至潁昌矣。會合何日,萬 念親懷歸之心, 人至,辱書,承别後 住處非舒則常,老病唯退爲 何事 起 可 居 以易 佳勝,感慰深 此 顧 F

0

尺牘

<sup>「</sup>有一,原说,像《七集·賣集》卷七、《小集》卷八十浦。明為度州作。 同上書同上卷《虔守霍大夫四首文字,謂爲虔州作。 同上書同上卷《虔守霍大夫整郡許朝奉見和復次韻》注摘引此四首之第二首、第上數宋景定補刊《注東坡先生詩》卷三十九《昔在九江影宋景定補刊《注東坡先生詩》卷三十九《昔在九江

<sup>「</sup>舫」,原作「舟」,今從《七集・續集》、《外集》。「有」,原脱,據《七集・續集》卷七、《外集》卷八十補。

蘇

萬保嗇

也。

至虔州

日,

往

諸刹遊

覽,如見中

原氣

三

寄也。 爲作也。 狀。《清暉亭記》,●亦以忙未暇作,少間當 往太和聽命。三兒子皆促裝登舟,未暇 鍾乳及檀香,大濟要用,乳已足剩,不煩 其他何足道。 語 》三書,即覺此生不虚過。 某凡 感愧之至。江晦叔已到。 令子疾,知減退,可 三復誨語,欽誦不已。 喜 如來書所 可喜! 霍子侔 寄惠 更

百 如 作,但 撫 視《易》、《書》、《論 矣。燈下倦書,不盡所懷。

與 黄 師是五首以下 -俱北還

買,已託人問之。若遂,則一生足食杜門

盡發所藴相分付耶。❸

龍舒聞

有一官庄可

象,泰然不肉而肥

矣。

何時

得與公久聚,

愍 子由亦窘用,不忍更以三百指諉之,已決 年在道路矣,不堪復入汴出陸。 行計屢改。 近者幼累舟中皆伏

塵 之。子由一書,政爲報此事,乞蚤與達之。 埃 風 葉 滿室,隨 掃 隨 有,然終不 - 可廢

意旦

夕渡江過毗陵矣。

荷憂愛至深,故及

計 沉 李之一 龍 源、修二老行當見之,并道 舒爲多,大盆如命取 快也。❷ 《 論 語 |説》, 去,爲 所 得暇 渝 暑

中

浮

瓜

住

録

呈。

四

0 **%七集**• 續集》卷七 作「春」。

0

又聞

暑,

自

之」,原脱,據《七集·續集》卷七、《外集》卷八十 所」,原作「相」,今從《七集·續集》、《外集》。

此開譬太夫人也。

遠,無瘴癘,舍弟居之一年,甚安穩。

望

以

6

子厚得雷,聞之驚歎彌

日。

海康

地

雖

0 0

塵風 床前 何加焉。 掃,●以爲賢於不掃也。若知本無一物, 有月明。」一笑! 葉任縱横。❷ 幽人睡足誰呼覺,欹枕 有詩録呈:「簾卷窗穿户不扃,隙 一 笑 ! 某再拜。 又

四

萬若時自重。 廷正欲君子在内耳。 暑,起居清勝。 信,非眷念特深,何以及此。比日履兹畏 比歸江淮間,蒙四遺人墜教,且致 少御之除,未滿公論,但 行别展慶,未間 家 萬 朝

某已決意北行,從子由居。 但須令兒 五

之自愛其目,豈不

有間,幸深念之。

餘惟

萬萬爲國自重。

鄙言,慎勿出一滴

也。

兒子之愛雖

深,比 惜,用

中年以後出涕,能令目闇,❸此最

可

之戚,惟當日遠日忘

,想痛割

1腸,何

人來兩捧教賜,具審起

居康勝。

終」,原脱,據《外集》卷八十一補。

《外集》改。 「縱」,原作「 蹤」,誤,據《大典》、《七集• 續

「目」,原作「自」,誤,據《七集・續集》卷七、《外集》卷 八十一改。

罪 ! 若致 爾。 使舟 乃行 子往 可否,幸早示諭。此間亦可求五七人,公 乃濟。公能爲致此二十人否? 乞裁之。 挽舟人。四舟行淮汴間,每舟須添五人, 如此,信有命也。 ,修問草略。 死 罪 ! 已到真 矣。 宜 得十五人,亦足用。 窮途百事坎坷,望公一救之,亦參差 興幹事, 艤舟東海亭下, 以待其 行期約在六月上旬,不知其時, **(**否? 子由一書,乞便送與舟中。 不謹。 猶欲仰干一事,爲絶少 或猶得 一見於揚、楚間 恃眷干撓,死 歸,

### 蘇軾文集卷五十八

尺

牘

與沈睿達二首以下俱黄州

户,又 時疾,逾 諭 奉 康 。 豈 書,并封 健 某啓。 非復 浮沉耶? 某今年一春卧 月方安。 慰 所望。 相見時意思矣。 公擇小簡 近辱書,伏承退居安隱,●尊 某去歲 浮念灰滅無餘,頹 去,謂必達。今承 不記日月,遞 臨紙 病,近又 網網 然閉 "; 乍 得 示 中 候

熱,惟萬

·萬自重不宣。

許 ? 去塵 此,亦願公已之。 多難畏人,雖知無所寄意,然好事者 作詩文,公所知也。不惟筆硯荒廢,實 起乏力、未能詳盡。 興尉,且令分房減 見置,開口 道矣,恐不達,故再云云。 垢,勿復措 某啓。公所 漸就遷擢,足慰遲暮。 得罪,不 須 意爲佳也。 百種巧辨,均是綺語, П 拙 如且已,不惟自 丽 文記雲巢,向書 某自 孫運判行, 令子今在 小兒亦授 得 罪,不 守 茅 中 德 何 如 肯 以 如 病

隱」、《二妙集》作「穩」。

### 與李知縣一首●北歸

拜見。 不宣。 到 以告,不罪! 不罪! 某家在儀真,輕騎 出,不爾雨不止。 潭中,能致雨,仍須以長綆繫之,雨足乃取 舊見《太平廣記》云,以虎頭骨縋之有龍 居佳勝。旱勢如此,撫字之懷,想極焦勞。 此數日,却還般挈,須水通乃能至邑中 某啓。近奉狀,必達。 傾企之甚。毒熱,千萬爲民自愛。 在徐與黄試之、皆驗、敢 比 日,伏計 湫 起

### 與翟東玉一首❷惠州

之膏油者,莫如地黄,以啖老馬,●皆復爲燥而不已則窮,故膏油所以爲無窮也。藥馬,火也。故將火而夢馬。火就燥,●

不罪! 吾晚覺 否? 陽叔 黄而 駒。 干 寄惠,爲幸,欲烹以爲煎也。❸ 老馬,6 求而未敢,君與叔向故人,可爲 不 向於縣圃中,⑤多種此藥。 樂天《贈採地黄者》詩云: 此藥以二八月採者良。 可常致。近見人言,循州興寧令歐 Щ. 可使照地光。」今人不復知此法。 氣衰耗如老馬矣,●欲多食生地 如許 ❺「與君啖 意欲 致 不 作 此 此 罪 時 書 意

「與李大夫」。「與李知縣」、《七集・續集》卷七、《外集》卷七十七作

與翟東玉一首」、《良方》作「與翟東玉求地黄」。

0

■「以」,原脱,據《外集》補。③ 「就」,原作「也」,今從《外集》卷七十七、《良方》。

⑥ 「老」、《外集》作「肥」。

贈」、「者」二字、原脱、據《外集》補

「覺」,原作「學道」,今從《外集》。

「以」,原脱,據《外集》、《良方》補。「陽」,原脱,據《外集》、《良方》補。

後,一 類 叔比 向 時,力養胃 遠行,亦不念水,此 飲少,胃强氣盛,液行自然,不濕。 吾日減一合,今但霑唇而已。 但云平生習不飲湯 氣力如四五十人。 疾不生。近見江南老人,年七十二,狀貌 期,不安穀不及期。 氣入泥丸,能致長 黄婆。司馬子微著《天隱子》,獨教 陳彦升云,少時得此病,服商陸、防己之 ,皆不効,服金液丹,灸臍下,乃愈。 得腫 某啓。 利一衰,豈可數 疾,皆以利 氣。 脾 能 若土 母養餘藏,故養 水爾。 可謂 生。 問其所得, 以此知脾胃寧固,百 能制水,病 水藥去之。 乎? 太倉公言安穀 至言不繁。 常人日 當及今無 脾 初 生 何由 無異術, 胃惡濕 飲數升, 中年以 雖 人存 家 聞曼 冒暑 謂 此 病 過 黄 之

> 爲 南 亦 老人 腫媒,不可服,有書以告之爲佳也。 固 胃助 八之術 陽之意 爾。 也 薑桂 但 辣藥,例 火 力 外 能 物,不 脹 肺 如

江

#### 與 引 (伴高麗) 練承議三首●以下 俱 杭

遣 應否? 寒,徒御良苦,切 人候問。 某啓。 想 不出今晚 不宣。 辱 回 惟起 教,感服 必 居 渡, 佳 不 勝。 引 른 領 早 饑 數 渴 潮 不 日 知 車 極

例, 雖夜已深,人 來日 若 晚 渡, 使 酒 猶 五 行 秉 已 燭 一夜矣。 復 謁 當 本 夜下 州

舊

引伴高麗」四字,原 脱,據《七集 續集》卷六、《外

0

卷五十八

尺牘

一六〇六

以預備也。 限,不知可打散不坐否? 乞一一示谕,得是國忌,若待二十一日大排,又過三日勑書,請次日大排,不知如何? 又二十日正

=

爲幸。如此倉忙,望公慈造一言,得只今上馬今來辭,酒罷却可迎中使。老業未盡,有今來辭,酒罷却可迎中使。老業未盡,有

### 與杭守一首

之語。 矣。 及此,欽仰! 比公之去,涕慕殆不可勝,公何 某啓。 數年飢 近 有自浙 欽仰! 饉 ,若非公,盡 中 聞 來 俞主簿者,附 者, 爲 頗 魚 能 鱉 道 施 螻 杭 少 蟻 而 人

呵呵。正字。偶索得此冷債,信天養窮人也。正字。偶索得此冷債,信天養窮人也。信物,如果爲帶得來,乞盡底送與范子禮

也。一噱! 一噱! 不知信物果帶得來? 此中已打

破甕

### 與傅質一首

深矣。體中微不佳,奉答草草。然非足下相期之遠,某安得聞此言,感愧清勝。見論,某何敢當,徐思之,當不爾。某啓。再辱示手教,伏審酷熱,起居

### 與吴君采二首俱黃州

如一閱《三國志》耶? 惠花已領,影燈未嘗見,與其見此,何

### 與孟亨之一 **首**黄州

怪之,以問酒友,曰: 木以 此,但作蜜酒爾。 表之。 近 日黄 州 臨臯之東 捕 私 酒 甚急, 有 爲賢者諱。」吾何嘗 犯者,獨 犯 者 門 不立木, .]户,立

#### 與 高夢得 **首** 黄州

爲

也,悚 其 所 無 舉 舟之諷,何 屬之厚。 補 動疎謬、齟齬於世、既 某啓。 ,益增嫉爾。 不逮,反更稱譽如此,是重不肖之罪 息! 然稱 敢當此諸事,幸且慎默於事 悚 息 ! 人來,領教,開 述過當,皆 新闋尤增詠歎,然柏 添相 非 諭 所 知 累幅,足見 敢當。● ?,惟當 教 語 僕 相

> 味,故餉一 媪對啜也。 味,意謂不 某啓。 合,并建茶兩片,食已, ·減芻豢。 今日齋 素,食麥 念非吾亨之,莫 飯 筍 脯 可 與 識 有 道 此 餘

#### 與 程 彝仲六首❷以下 -俱密州

佳否? 口 以 否不振之理。 言也。 爲 愧。 某啓。 老兄 承 遞 以 奉别 中 循習既久,文行 更少貶以就 科 辱 積 詔 手 人 年, 書 都 問 因 跋 循 繩 勞 勤 不 履 墨,即 愈 之餘, 修 粹, 厚,感戴 書問 當 決 俯 無 起 拾 終 居 不 每

·六」,原作「五」,今改。 所」,原脱,據《二妙集》補

0

0 記。 參本卷《與程彝仲》第 五 首

因鄉人李君行,奉啓布問。● 也。 未緣披· 奉, 惟 冀 以 時 自 重。 不 宣 謹

快,甚

休

甚

休

春 氣

暄

和

奉

計

即

H

爲況何如

惟順時珍愛。

起居安勝。

御試必更在高等。

盤

桓都下,

爾。 無惜 蜀中,遂可歸老守死墳墓矣。心貌衰老, 及見於京師矣。 鄉里一任,與之西還。近制既得連任 往日,惟念斗酒隻鷄,與親 得聖此行,得失必 而東武任滿,當在來歲冬杪,❸亦無緣 星橋别業,比 此任滿日,舍弟亦解罷 來更增葺否? 且 西歸,❷計 舊相從 無緣 因便, 過

當求 我。 不復

三〇以下 侇 湖州

沉困累 近省 年, 榜到 行業充富,鄉曲榮耀,交游喜 郡, 首 承高 過, 歡 慰 可 量

四

因 笑,傾仰殊甚。 人,其餘豈盡新 書,不知達否? 風、無惜惠問。 某去秋因 鄉 俊耶 榜中鄉人,所識惟 奉違累歲, 人自高密 車馬必稍留都下 過此,託 無 緣 吾兄一 接談 致手

謹 因」至「布問」十一字,原脱, 據《七集 續集》卷

0

0 ❸

西歸」,原作「歸西」,今從《七集・

續

集》卷

五。

「當」,原脱,據《七集•續集》補。

0

·舊」,原作「友」,今從《七集·續集》。

二首」。 此首與下首、《七集·續集》卷五題作「與程得聖秘 案 上首有「得聖此行」云云,則 得聖 即

仲。

之望。❸

晚遇,當遂光大。

惟

厚 自

愛,慰

朋 友 目,如到其間,幸甚

幸 甚 !

吾兄潛

德

又讀别紙所記園亭山水之勝,❷廢卷閉

書,感怍不可言。

弛,不復通

問。

獨吾兄不忘疇昔,時枉

遠

仍審比來起居佳勝。

闊別永久,多難流

落,百·

廢

也。 字,惟時作僧佛語耳。 敢於吾兄有所惜,舜但多難畏人,不復作文 元修去已久矣,᠖今必還家。 所要亭記,豈 遠書不欲盡言。 軾與幼累皆安。⑤ 子由頻得書無 所示自是一篇高文, 千萬體察,非推辭

### 期 ,臨書凄然也。❸ 雄上。❷

大似把

飯 叫

飢

聊

發千里一

笑。

會合無

篇(即下則尺牘)。 與幼累皆安」至「軾上」九十七字,今據《補續全蜀藝 卷二十七《送程建用》施注。 文志》、《七集·續集》卷五、《外集》卷六十九、獨立成 勝志》卷三十,知爲程建用。 志》卷二十一,題作《答中江令程公書》。 此則與下 《答程彝仲推官二首》。 ·則尺牘,一見明杜應芳所輯《補續全蜀藝文 本則與下則、《七集·續集》題作 本則尺牘後,原尚有「軾 建用字彝仲、見《詩集》 查《蜀中名

0 續集》、《外集》。 「記」,原作「寄」,今從《補續全蜀藝文志》、《七集

8 校於此。 上謝,不宣」八字。 慰朋友之望」後、《補續全蜀藝文志》有「 其所據當爲原迹或石 謹附手啓

6 6 「六」,原脱,今補。 「已」,原作「亦」,據西樓帖改。 「軾」,原作「某」,據西樓帖改 參上首第一 條校記

書」,原作「紙」,據西樓帖改

所」,原作「愛」,據西樓帖改。

0

上句「也」字、此句「軾上」二字,原脱,據 西樓帖補

卷五十八

尺牘

# 與孫正孺二首●以下俱杭州還朝

未由會合,千萬保愛。行詩跋尾,以先祖諱故,不欲作冠篇也。郡,旦夕必有指麾,且輟忙。爲公作得送想履兹餘熱,起居佳勝。某已八上章乞想履兹餘熱,起居佳勝。某已八上章乞數日前,因來人奉書必達。比日,伏

某頑健稍勝昔。老兄眠食不衰否?❷

耳,少 汎常 闊 莫用邊花欄界之類。 遠 無他囑,惟倍萬保嗇而已。 語 \着花草欄界,便俗狀也。 偶與子由飲半盞酒,便大醉,不 過 耳 也,千萬! 古碑惟石上有書字 千萬! 不 罪 ! 勿將作汎 入石時, 不

# 與李端伯寶文三首❸以下俱杭州還朝母

深想望。舍弟鎖宿殿廬,未及奉狀。一本易治,❺而或者擾之,公既深識民情,中本易治,❺而或者擾之,公既深識民情,中本易治,❺而或者擾之,公既深識民情,中本易治,砀而或者擾之,公既深識民情,中本易治,砀而或者擾之,公既深識民情,

「孺」、《外集》卷七十三作「儒」。

0

- ③ 「寶文」,原脱,據《七集·續集》卷六、《外集》卷七十補。二補。
- ●「中」,原脱,據《七集·續集》、《外集》補。
  ●「以下俱杭州還朝」、《外集》作「成都帥」。

成字。

取。

### 與 陽 知晦四首❷以下俱惠州

遂得望見,豈勝厚幸。 以爲愧。近屢請郡,未獲,若得歸掃墳墓, 厚,恐欲知之。 而爲醫,有過人者。 張君房助教,陵井人。 某寵禄過分,碌碌無補,久 智識通 但恐政成,促召在 本治儒學, 變, 而性 極

旦暮爾。冗中,不盡區區。 邑子每來,稔聞豈弟之政,西南 泰然,

> 枚無 皆云,其香如陳家紫,●但差小爾。二廣未 晚者絕不至,方有空寓嶺海之歎。 歲荔子不熟,土産早者,既酸且少,而增城 醋諸信皆達矣,❸荷佩厚眷,難以言喻。今 有此,異哉! 異哉! 至,坐有五客,人食百枚,飽外又以歸遺 又得聞動 某啓。 損者,此尤異也。 止之詳,併深感慰。 近日屢獲教音。 又使人健行,八百 林令奇士,幸此 及林增城至, 桃、荔、米、 忽信使

曾拜 千之初官,得在麾下,想蒙教誨成就也。 不肖與受賜多矣。幸甚! 聞 不知曾請見否? 眉 士程遵誨者 1, 文詞 幸 甚 ! 氣節,皆有可 小 姪

陳」、《七集・續集》、《外集》作「練」。 醋」、《七集・續集》、《外集》作「酒」。

<sup>0</sup> 0 《七集• 首,爲《與循守周文之二首》中之第一首。 智識」、《七 續集》卷七、《外集》卷七十七此四首之第 續集》卷六、《外集》卷七十二作「識

萬萬以時珍嗇。 少留,公所與者,故自不凡也。 不宣。 蒸暑異常,

致數枚,無即已。 栗子或蒙惠少許,亦幸。 稍佳者,亦可用,此亦絶無。 無 治下或有,爲

四

合藥須鵝梨,嶺外固 有,但得凡梨

貴眷各惟安勝。

之聲,喧於兩郡,古人之事,復見於今矣。

某乏人寫先狀,不罪!

不罪!

去思

與歐陽晦夫二首●黄州

不敬諾。 庾公南樓所謂老子於此興復不

某啓。

辱答教,感服。

風月之約,敢

和人木臼中,❸萬杵乃丸,服,極有力,無 此,但採得陰乾,便杵羅爲末,棗肉或煉蜜 用棗或黑豆之類蒸熟,皆損其力。僕亦服 毒,李習之傳正爾,啖之。❷ 聞公服何首烏,是否? 此藥温厚無 無炮製,今人

> 文之二首》之第二首。 「三」、《七集·續集》卷七、《外集》卷七十七爲《與周

0

- 0 《全唐文》卷六三八李翺《何首烏録》。 「啖」、《七集•續集》作「噯」。自「此藥」至「啖之」,參
- 「和」,原作「爲丸」,據《七集·續集》、《外集》改。

6

0 尺牘乃與孫仲脩者。 題下原注:「一云與趙仲脩。」《外集》卷六十九謂此 此二首之第一首、《七集·續集》卷四題作「與晦夫」,

毒。

恐未得此法,故以奉白。

#### | 北歸

獨拜寵 萬 之則若饕餮然,所 當棒 必有書來言。 然來卒説 平,無憂。 否? 有補於世者。 [恕察,仍寢來耗,幸甚! 領。 愁霖 《地獄變相》已跋其後 賜,則 但以 終日, 得滅裂,未足全信。 聞少游惡耗,兩日爲之食不下, 見罪 并字數紙,納去。 離 旦夕話别次,仁人之餽,固 海 坐企談 以一路俱不受。 者 南,儋人争致 必 衆。 晤, 幸 甚 ! 謹令馳納,千 可 不 非久,唐簿 審尊 詳味之,似 某所苦已 、贍遺,受 若至此 候 佳

## 與歐陽元老一首●北歸

秋暑,不審起居佳否? 某與兒子八

卷五十八

遂行。 其子甚奇俊,有父風,惟此 著,已足不朽,然未盡 世,不用,必有所論著 死則的矣,哀哉痛哉, 守者、止於如此、其他莫知其詳 至梧州。 守甚照管其喪,仍遺人報范承務。 卧,至八月十二日,啓手足於江亭上。 容守遣般家二卒送歸衡州,至藤,傷暑困 郎云,少游過容留多日,飲酒賦詩如平常, 忍下筆。今行至白州,見容守之猶子陸齋 凶 月二十九 第一 問,留書不可不言,欲言又恐不的,故 某不過旬日到藤,可以知其詳 流,豈可復得。 范自梧州赴其喪。 初約 日 留書歐陽 離 廉,九月六日到鬱林, 晦夫處,忽聞秦少游 何復 以曉後 也, 哀哉 此人在,必大 一事,差慰吾輩 河言。 此二卒申 人。 也。 范先去,已 當 哀哉 前 用 今文 然其 此 知陸 七 於 所 ! 徐 日

謂尺牘中「奇俊」之子,名湛字處度。此篇尺牘,宋張世南《游宦紀聞》卷十亦收。張世

南

0

軾 文 集

不謹 報次。 尚 某再拜元老長官足下。 熱 惟 萬 萬 自 重。 無 聊 九月六日。 中 -奉啓

# **與杜道源二首●**以下俱黄州

故人能 往還。 夏,思 非卓然獨見,不以進退爲意者,誰肯辱 想高懷處之,無適而不可。 實無他也,更望寬之。 兩辱手書,懶不即答,計已獲罪 復有流落之歎。 ,健決非庸人所及 某啓。 企不可言。 謹奉啓,不宣。 每惟 知其性氣,蓋懶作書者有素矣,中 此意,何時可忘。 謫寄窮陋,首見故人,釋然 衰 遠想,即日尊候佳 病迂拙,所 也。 知到官,又復對换, 無由 江令竟不肯少 别來又復 向 面言,以時 左右,然惟 累 勝。 初 與 自 無

> 必須作 笑也。 想三人旅進折旋俯仰之狀,未嘗不悵然獨 益精,猶復記老朽否? 愛孫想亦長進,每 其情也。 向者小累,固知無事,然非君相之明,不照 慢,想恕其不逮也。 某無人寫得啓狀,即 數 此中凡事如昨,其詳,託江令口陳。 日 可賀 聚會於 可賀! 京 令子孟堅,必已得縣 口,奉羨! 用 九郎兄弟爲學 手簡,甚屬簡 奉羨!

子蒙批問 江令處甚有竹石可 ",感感。 取,看 比 舊 何 如

兒

此二首之第一首,《七集·續集》卷五題作「答道源秘

0

29

冥福。 故老僧只轉半藏。 功德,已無邊際。 是佛子。公能均施凡陋,如齋佛僧,只 烈,幸甚! 在家出家,古有成言,有髮無髮, 幸甚 回 教,拜 但恨檀越未 人還,聊此 示 又蒙分遺珍 先 志,得 送襯錢, 噱。 見前 **食** 以 人 是 此 俱 薦 遺

### 與 杜 ·孟堅三首以下俱黄州

能而 然疾 能走别,非久當渡江奉見也。不一一。 稍涼,起居何 止,慚悚不可言。 作,殊不可堪忍。 某 前 如 ? 日 方欲 承明日解舟,病軀尚未 飲茶道 辱手教,重增反側。 欲勉强出見,竟不 話, 少 頃

> 不如去年塊處閑寂也。 觀,爲恨爾。 然懷想也。 如舊,每見同僚及游從題壁處 某乏人寫大狀,必不深罪。 侍下無事,必多著述,無緣 今歲親知相過,人事紛紛,殊 未 郡 嘗 中 克 不 請 悵 百

Ξ

右,饌成,分一盤足矣。 穉者乎? 朱守 留之,必爲庖僧所壞,盡 餉笋,云潭州 來, 豈 所 謂 致之左 猫 頭之

#### 與 ん 老 **首**黄州

船 ~中彎 卧 日**,** 便言悶殺,不 知 如 何

六一五

卷五十八

疾未 净瓶 下 飯 瘳 裹 澡洗去。 聊 致一 問 而 某在 른 東坡,深欲 法魚 瓶 往。 恐 欲 示

## 與陸秘校一首揚州

不已。 滅,以就顯揚之報,區區之禱 某 竊惟才美過 再 啓。 潁 州 人 回 晚乃 曲 也。 少 蒙 達 書 示 勿 致 感 毁 怍

## 與杜幾先一首 黄州

屋依 由 而 日 止 霄漢。 鄙 起 天 然 某啓。 長,過平山 夫方在縲紲 居佳否? ,想見君黄冠草屨 既蒙聖恩寬貸、處之善地、杜 奉 别逾年,思企不忘。 去歲 堂下,隔 未知 八月初,就逮過揚, 死 牆見君家紙牕竹 生,慨然羨慕 ,在藥墟棋 不審 (局間, 比 路 何

> 爲 省 緩,想未訝也。 念未衰,復聞堂兄之喪,憂哀相 子由特蒙手書累幅,勞問 面 今安在? ,萬萬以 愆之外,蕭然無一 一老乳母病亡,而舍弟亦喪 時自重。 託子駿求便達此書爾。 承六月中官滿赴 事,怳然酒 不宣 至厚 一女子,悼 即 仍,致此 醒夢 闕, 欲裁 未 覺 由 不知 謝 也 稽

## 與周文之四首惠州

勾 默 仍 歲 不 煩 萌 化,而人不知。 求 榜銘。 某啓。 `盗發,春夏之際,柯葉潜改,四時之運 寡求 其所 嶺南 近蒙寄 安 加 而 易安,有足樂者。 :無大 民居其間,衣食之奉,終 與之俱化,豈非牧養之 示 寒甚 畫 圖 暑,秋冬之交, 及 新 堂 若吏治 面勢,•

■ 「畫」,原作「書」,今從《七集·續集》卷七、《外集》券

化」名此堂,如何?● 可用,便請題榜也。妙手乎?● 文之治循,似用此道,故以「默

### ||以下俱儋耳

書也。喧聒爲愧,不罪。至子由,乞爲選有家而愿者,至時當别奉兒候違。來年春末,求般家二卒,送少信兒候違。來年春末,求般家二卒,送少信

 $\equiv$ 

物,幸甚。來年食口稍衆,又免在陳,不惟附納二十千省還宅庫足外,餘緡盡用致此北海之憂,感怍可知也。食米已領足,今舊有者,已足年計。既免東籬之歎,又無惠米五碩,可得醇酒三十斗,日飲一勝,并惠栗極佳,梨,無則已,不煩遠致也。

云"三盃軟飽後,一枕黑甜餘。以代相對一笑。軟飽,遂可硬飽矣。浙中謂飲酒爲軟飽。僕有詩

四

傷悼。 之,到日告便送去也。 喜,況君佳士乎? 及相見,且致此意。 承許遠訪,何幸如之。 文,●非 鄭 君知 止科場手段也。 其 (俊敏 林行婆當健,有香與 李公弼亦再三傳語。❺ 篤學,❸向觀 海州窮獨,見人即 八郎房下不幸 人去,忙作書,不 所 爲

「手」,原脱,據《七集•續集》、《外集》補。

「君」下、《稗海》本《志林》有「先輩」二字;「學」上、原「何」,原脱,據《七集・續集》、《外集》補。

0 0

「向」,原脱,據《志林》補。

有「問」字,據《志林》删。

0

⑤ 「公弼」、《外集》卷七十七作「君」。

## **與李亮工六首**以下俱 北歸

草草。不宣。 月乃可造謁。 勝,甚慰馳仰。 某啓。 特沐專使手書, 未間,乞保衛。 江路灘澀,寸進而已,更半 具審 人還,布謝 起 居 佳

甚 !

某更旬日乃行,

逾遠, 悵望。●

意決

往龍舒,遂見伯時爲善也。

餘惟萬萬

以 時

不宣。

示和詩,詞指高妙,有起衰

疲,幸甚

!

幸

某啓。

近辱書,承比日起居佳勝。

仍

見孫 叔静言,伯時 某乏人修狀, 頃者微嗽,不知得近信 手啓爲答,幸望 一寬恕。

否? 已全安未? 餘非面莫究。

自重。

五

濯耶? 意。 行役未休,疲厭甚矣,何時復見 伯 固必頻見,告致懇南華 或轉示此紙,幸甚! 幸 甚 ! 師, 亦略道 二洗

0 恨」,原作「快」,據《二妙集》改。

詣違,至今爲恨。

旌斾之還,想已新歲,

某啓。近别,起居佳勝。

向者忽忽不

伏冀尊重以迎多福。 臨行,冗迫,不宣

四

某啓。

使人久

留

海豐,

裁

謝稽緩,

想

皆餌此得效也。陳公密來時,可附致否?求少許,或只寄生者亦可。爲兩兒婦病,曾見伯固言,欲鍊鐘乳,果然否? 告

# 與游嗣立二首以下俱惠州

不宣。 緣披奉 敢。 日履兹初涼 某啓。 忽辱手教,勞慰 惟冀若 謪 起 居瞻 居佳 時 自 望 勝。 重。 周厚,感仰深 一不遠, 謹奉手啓布 某蒙庇粗遣,未 屢 欲上 矣。 問問 謝。 比 不

# 與張景温二首以下俱儋耳

已領,併增感作。

餘非筆墨可究。

不深責。

舍弟謫

居部中,尤荷存

庇。

家書

竄海 惟按撫多暇,起居佳勝。 負深矣。 南, 某啓。 知舟御在此。 謹奉手啓,布謝萬**一** 久不 上 問,傾仰 以 病不 某罪 增 劇。 果上 大責 不宣。 比 謁, 薄, 日 愧 復

\_

敢扶病造前,伏冀垂察。拜左右。自以罪廢之餘,當自屏遠,故不拜左右。自以罪廢之餘,當自屏遠,故不

六一九

# 與馮大鈞二首以下俱南遷

謝。 惟 絶,悵然。 起 不宣。 某啓。 居佳 勝。 所冀以時自 經 由 某 煩 來早 溷 鈴鈴 -發去, 重。 下 佩 謹 自 荷 奉 是嶺海 深 手啓 矣。 布 闊 比

前去,復不沉没,爲荷。勿訝浼瀆。 某有廣州市舶李殿直書一封,煩附遞

Ξ

# **與莊希仲四首**以下俱南遷

某少 重煩遣人答教,具 留儀真,旦夕出 某啓。 山 陽 恨 審 不 江,瞻企逾 弭 得 節已還,起 · 再見, 留 邈 書 ,悵焉永 居佳勝。 告别。

慨。尚冀順時爲國自重。不宣。

承非遠赴闕,是否? 因會,乞致區區。不佳,布謝不詳謹,悚息! 悚息! 仲光渝。書信已領,人回日,别上狀。適暑毒,卒,大濟旅途風水之虞,感戴高誼,無以云率,大濟旅途風水之虞,感戴高誼,無以云

量。 之迹,曲 未期瞻奉 比日 某啓。 荷 ·,伏冀以時爲國 竊 存 惟履兹秋暑,起居佳勝。 甬 眷。 上奉 差 違, 人津 忽已 自重。 送,感愧無 累 不宣。 月,思 罪廢 咏 可

草,恕悉,幸甚。上,益遠左右,但深依戀。塗次,裁謝草上,益遠左右,但深依戀。塗次,裁謝草上,益遠左右,但深依戀。塗次,養去海

# 與張逢六首●以下俱儋耳

慰此區區。途次裁謝,草草。不宣。回望逾遠,後會未涯。惟萬萬若時自重,●已到瓊,過海無虞,皆託餘庇。旦夕西去,來未幾,思仰日深。比日起居何如? 某难,卷待有加。感服高義,悚息不已。别遺,眷待有加。感服高義,惊息不已。别

之厚賜也。兒子幹事,未暇上狀。 樂獲一定居。● 遺物離人,而立於獨,乃公極得力,感感。舍弟居止處,若早得成,令後,杜門默坐,喧寂一致也。蒙差人津送,於食物人烟,蕭條之甚,去海康遠矣。到某啓。海南風氣,與治下略相似。至

七作「張朝請」。 「張逢」、《大典》、《七集·續集》卷四、《外集》卷七十

0

麇,賣農№。
❷ 「惟萬萬若時自重」,原作「萬萬若得自重」,今從《七

七十七補。

六二

Ξ

四

狀,止用手尺,●乞加恕。 旦夕登途也,當别具賀幅。 某闕人寫啓旦,登途也,當别具賀幅。 某闕人寫啓

五

此島中孤寂,春色所不到也。謝也。新春,海上嘯詠之餘,有足樂者。某啓。子由荷存庇深矣,不易一一言

六

醇冽,有京洛之風,逐客何幸得此,但舉杯某啓。新釀四壺,開嘗如宿昔,香味

リ、″、ニッピトニ゚ ご。「察其」,原作「察甚」,今從《大典》、《七集・續集》卷

0

四、《外集》卷七十七。

七十七補。「尺」、《大典》、《七集·續集》、《外集》作
○「止」,原脱,據《大典》、《七集·續集》卷四、《外集》卷
○ 敢」,原作「簡」,今從《大典》。

◆ 上首之後,爲一首。
◆ 大典》、《七集·續集》卷四、《外集》卷七十七此首接

公於《春秋》發明固多矣,舍弟頗治此

事也。 絶。 屬 影 而已。 此雖島外,人不收此,得之又一段奇 眷意之厚,感怍無已。❷ 一 笑 ! 一 笑 ! 海錯 亦 珍

## 與 朱振二首❸以下俱惠州

也。 學崩壞,言之傷心。 畢工, ●異日當以奉呈也。 益。 筆,益深愧感。老拙不揆,輒立訓傳,尚 尤爲近古。某方治此書,得之,頗有所 窺家傳之秘,●幸甚! 臨紙慨然。不一一。 某啓。 拜賜之重,如獲珠貝,又重煩令子運 前日蒙示所藏諸書,使末學稍 區區所欲陳,未易究 幸 甚 ! 新説方熾,6古 恕先所訓, 未 開

與蕭世京二首♥以下俱惠州

耶 ?

想當一笑。

學,異日相

見,當

出

互相

考也。

然此

書近 遭

廢錮,尚

未

蒙 其

牽 書

復,公尚敢言及

門省咎,人事幾廢,以故後 譴,得託迹麾下,幸甚。 春 和, 竊 惟 到 起 惠即欲上問,杜 居佳勝。 時,想不深訝。 罪

0 「與朱振」、《七集·續集》卷七、《外集》卷七十七作 與封守朱朝請」。 無」,原作「而」,今從《七集·續集》卷四。 亦」、《外集》卷七十七作「臨貺」。

稍」,原作「得」,今從《七集·續集》、《外集》。

·尚未」,原作「俟在」,據《七集·續集》、《外集》改。

「説」,原作「識」,今從《七集・續集》、《外集》。 與蕭世京」、《七集・續集》卷七、《外集》卷七十六作

與廣東提舉蕭大夫」。

謹奉手啓布

未緣瞻奉、伏冀爲時自重。

蘓 軾 文 集

聞,不宣。

訝也。 際見,何幸如之。某始寓僧舍,凡百不便。 已遷入, 悚仄不已。 近因正輔至郡,許假館行衙,不及面禀,輒 某再啓。伏審使斾巡按至惠,●得遂 想仁念顧卹,不深

### 奉 **首**惠州

出陸 慰。 數房賤累,自虔易小舟,由龍南江至方口 送至方口,計未遠出州界,切望垂念。 至循 少事輒冒聞、幸恕率易。 近得見令兄提舉,稍 特爲於郡中諸公,醵借白直數十人 州 ,下水到惠。 賤官重累,敢望 聞 動止之詳,爲 兒子邁般挈

落困苦,想加愍察。

於循

州

擘畫得數十人至方口迎之也。

流

與羅 **秘校四首**❷以下俱惠州

自重。 物,中無所愧,❸即爲達也。 徼,屈淹才美,然仕無高下,但能隨 比來起居佳勝,至慰! 及、援證古今、陳義甚高、伏讀感愧。 專人至,承不鄙 至慰 罪 伏暑, 廢, ! 守 長 事 局 仍審 萬 牋 及 海 見 萬

0 十六改。 「伏」,原作「不」,據《七集・續集》卷七、《外集》卷七

「羅」下、《大典》有「嚴」字,「羅」、《七 四、《外集》卷七十七作「傅維巖」。 集 續

0

罪 何二 喜! 訝 覼縷。增城荔子一籃,附去人馳上。 不 士去面禀,亦有少錢在二士處。 不罪! 掩骼之事,知甚留意。 知不久美解,即獲會見,至喜 衰病, 裁答草草, 旦夕再遣馮、 不訝 此不 ! 至 不

|||以下俱儋耳

及此。 進學問,以究遠業。 病之餘,復此窮獨,豈有再見之期,尚冀勉 仍審比來起居佳勝,感慰兼集。 遠蒙惠書,●非眷念之厚,何 老 以

四

但杜 有可 皆不可得,但不 者,❷爲致少許。 門面 與往還者乎? 某啓。 壁而已。 官事 ·論麓賤,爲相度致數品。 此間如 有 暇, 彼中有麄 此間 得 蒼术、橘皮之類, 百事不類海北, 爲學不輟否? 藥 可治病

不罪! 不 罪 !

0 原脱, 據《七集 續集》卷四、《外集》卷七十七

可」,原脱,據《外集》卷七十七補。

# 與朱行中十首●以下俱北歸

图 不宣。 離韶。已遠左右,伏冀爲國自重。人還,康勝,感慰兼集。某承庇如昨,更五六日 聽問。特辱專使手書,具審下車以來台候 别,悵惘可知。行役紛紛,且未有便,尚稽 別,悵惘可知。行役紛紛,且未有便,尚稽

\_

知照不深責也。 知照不深責也。 是,以爲一笑。手啓上問,恃 之若不以位貌爲間,亦庶幾班斤郢斵也。 公若不以位貌爲間,亦庶幾班斤郢斵也。 然世俗識真者少,獨唱無和。帳勾謝民師 然世俗識真者少,獨唱無和。帳勾謝民師

=

兹寒凝,起居佳勝。承旌馭已至,即欲走某啓。違闊滋久,向往徒勤。比日履

謁,謹先奉手啓上問

四

● 此十首之一、二、三、四、五、七共六首、《七集·續集》之次第爲。 三、四、一、二、五、七。此十萬之六、八、九、十共四首、《七集·續集》卷四題作首之六、八、九、十共四首、《七集·續集》卷四題作「與朱行中舍人六首」。以底本爲準、《七集·續集》

也。後會未期,萬萬自重。不宣。海静治,有足樂者。想有妙唱,自南而北達虔州,少留,須水度贛,更半月行也。南雨凝陰,遠想台候康勝。● 某蒙庇粗遺,已雨凝陰,遠想台候康勝。● 某蒙庇粗遺,已

六

雖遠,然雅量固有以處之矣。詩酒之樂,待春水至,此月末乃發。瞻望悵惋。南海日履兹春和,台候勝常。某滯留贛上,以上發。別後兩奉狀,想一一聞達,比

達

般家人蒙輟借,行計遂辦,非眷念特

言謝不盡,悚怍而已。

達,何以及此。

八

礙,不可帶去,故輒牒虔州云。得明公書,所殿者漸安,●決不死矣。此中人多言於法有又遂竄去。林聰者,又毆平人幾死。見禁幸在言也。但節級朱立者無狀,侵漁不已,果啓。● 蒙眷厚借搬行李人,●感愧不

□ 「啓」,原脱,據《七集·續集》卷四、《外集》卷七十九

0

遠想」,原脱,據《七集・續集》卷七補。

恨不日陪接也。

更冀若時保練,不宣。

「幸」,原脱,據《七集・續集》、《外集》補。「搬」,原作「取」,據《七集・續集》、《外集》改。

七

一六二十

笑耳。 所矣。 皆類此,慙悚不可言。 人,皆得力不作過,望不賜罪。 公用人於法無礙,故仍 令某遣還,多難畏事, 幸不貽念。 陋句數首,端欲發 舊帶 想必識此 已得二座船,不 去。 窮途 此二 心 也 作 + 失 事 餘 買

十

九

者,●建五 賫送祖堂者。❸ 不罪 告文安國,篆 成矣。某近爲作記,公必見之矣。途中 人。❷ 公若欲觀,拆開不妨,却乞差小心人 少 事 不當上煩, 百羅漢閣,極宏麗,營之十年, 得閣 額,甚妙。今封付 ! 東筦資福長老祖 不罪! 去 爲 堂 今

指揮嚴切,甚得力,乞知之。適少冗,馳問求還。官舟無用多人,●故悉遣回。皆以持所賫錢竄去,又以疫氣多死亡者,以此不至,當乘小舟往就之。買公用人以節級不至,當乘小舟往就之。買公用人以節級

不盡區區。❺

) 「筦」、《七集·續集》卷四、《外集》卷七十九作「莞」。

)「付」,原作「附」,今從《外集》。

「小心」、《七集・續集》作「公」。

❸

「舟」上,原有「亦」字,據《外集》卷七十九刪。

)「盡」,原作「究」,據《七集・續集》卷四、《外集》改。

# **與曹子方五首●**以下俱惠州

勇絶世,死非

其罪。

廟食西路,威

靈

肅

事,非吾子方莫可告者。

故崇儀

陳侯,忠

死罪! 死罪! 柳廢益放,不即裁謝。州,又遞中領手書,懶廢益放,不即裁謝。於我至矣。日夜服食,朞月遂盡之。到惠於我至矣。日夜服食,朞月遂盡之。到惠本書。中間子由轉附到天門冬煎,❸故人

經》有得,固所望於斯人也。居閑偶念一術,獨寢無念,神氣自復。知吕公讀《華嚴後,微疾盡去,想今亦康佳。養生亦無他灰心槁形,以盡天年,即日殊健也。● 公别二年矣,●愚陋貪生,輒緣聖主寬貸之慈,且審比來起居佳勝,感慰兼集。某得罪幾且審比來起居佳勝,感慰兼集。某得罪幾

如 典,使此侯英魄,少伸眉於地下。 爲朝廷熟講之。 足制交人,而近歲綏馭少方,殆不可用,願 茗、丹砂、烏藥,敬餌之矣。◆ 有一子,在高郵,白身,頗知書。❻ 願公與程之邵議之。 何! 然慎勿令人知不肖有言也。 此外,萬萬保重。 或同 西路洞丁,❸ 削,乞載祀 蒙惠 如 陳 何 侯 1

一、四、五、二、三。勳」。以底本爲準、《七集・續集》此五首之次第爲:勳」。以底本爲準、《七集・續集》卷四作「與廣西憲漕司

0

- 「轉」、原脱、據《七集・續集》補。
- ) 「二年」、《大典》作「三年」。
- 「即日」、《大典》、《七集・續集》卷四作「即目」。
- 立」,「立」下、《大典》、《七集·續集》有「知之」二字。「白身頗知書」、《大典》、《七集·續集》作「白首頗有

0

「丁」,原作「下」,據《大典》、《七集・續集》改。「矣」,原脱,據《大典》、《七集・續集》補。

集

Ξ

祝! 閑 某惟少子隨侍,餘皆在宜興。見今全是一 坐穩處,亦且任運也。子由頻得書,甚安。 有,但少藥爾。 今録三首奉呈,覽畢便毀之,切祝 中習氣不除,時 某啓。 惠州風土差善,山水秀邃,●食物 公勸僕不作詩, 近報有永不敍復指揮,正 有一二,然未嘗傳出 又却索近 也。 粗 切

四

耗,小兒數日前暫往河源,獨幹築室,極爲來起居佳勝,至慰! 至慰! 長子未得的某啓。專人辱書,仰服眷厚。仍審比

徧嘗,感愧不已。怱怱奉謝。 勞冗。承惠芽蕉數品,有未嘗識者。幸

五

行,附啓,不宣。 積滯念,尚冀保衛。區區之至。因吴子野勝。構架之勞,殊少休暇,❸思企清論,日勝。構架之勞,殊少休暇,❸思企清論,日

## 與孫叔静三首以下俱北

行脚僧,但吃些酒

肉

爾。

此

書此詩,只可

令之邵一閲,餘人勿示也。

拙疾亦漸平矣,明日當出詣見。燒羊蒙珍辱手教,具審尊體佳勝,甚慰馳仰。

殊」,原脱,據《大典》、《七集·續集》卷四補

<sup>□「</sup>四」、《七集・續集》卷四原校:「一云與林天和。」四。□「秀邃」、原作「秀遠」、今從《大典》、《七集・續集》卷

幸 甚 ! 怱,不宣。 陽羨,或歸潁昌,老兄弟相守,過此生矣。 至英,當求人至永請告勑,遂渡嶺過贛歸 起居佳勝,感慰兼集。 手一笑,豈偶然哉。 詞,似不妄也。 某啓。 幸甚! 累歲闊 得免湖外之行,餘生厚幸。 乍遠,萬萬爲國自重。 别,不 亟 一辱專 玉局之除,已有 意 使教 相 逢 3、墨,具 海 上 怱 訓 審 握

三

重矣。 遠至金刹。● 啓。 而愛念之意,拳拳不已,更勤 久留治下, 自惟衰朽,何以獲此。 唇眷 :待之厚,既 從 比來 者 過

卷五十八

尺牘

數日,思渴不已。長至俯邇,不克展慶,此 心南鶩矣。令子煩遠餞,不及别狀,伏惟

林、 侍外珍愛。 莫諸先輩處,略道不暇作書之意。 江知言附此懇兼記於許、李、歐

陽、

# 與米元章二十八首登州還朝

草草。 從之適,何可復得。 之餘,乃始人鬧,憂畏而已。 甚慰想念。 某啓。 惟千萬節哀自重 某自登赴都,已達青社,衰病 人至,辱書累 適人事 幅,承孝履 百冗,裁謝極 復思東坡相 無恙

0 「金」,原作「今」,今從《七集·續集》卷七、《外集》卷 七十九。

|以下俱翰林

矣,餘未能盡,俟少暇也。 奇,獲之甚幸,燈下昏花不復成字,謹 未爾者,特以公在 稱是,置之懷袖,不能釋手。 某啓。示及數詩,皆超然奇逸,筆 爾。 呵 呵。 異 臨 日爲寶,今 古帖尤 已降 迹

五

 $\equiv$ 

得僕名,此老闕敗不小,可以此答之也 書牌額用公名,豈不 ·足耶? 丽 必 欲

至,

輒不敢出,公又不肯見過,思仰不

口

自承至京,欲一見,每

遇休

:沐,人

客

沓

四

六

借示。 銘,詞翰皆妙,歎玩不已。 來相見否? 某恐不久出都,馬夢得 乞爲道區區。 亦 新著不惜頻 惠示殿 然。 旦

堂二

一夕間

與客飲 言。 皆妙迹, 二小詩甚奇妙, 數 且暫留一 杯,薄醉,書不成字。 兩日,題跋 稍閑,當和 Ī 奉還。 謝。三本 悚 息 ! 偶

悚 息 !

累請終不允,信湖山非有分者不能得也。 元章想旦夕還縣,竟不得一欵話。 某

七

+

緡,更旬日寄去也。 馬髯且爲道意,未及答書,十千修 非 久得郡, 或當 走 寓 屋

邑中待水也。

八

篇已領,紙軸亦且留下。● 昨日詩發一 笑爾,慎勿刻石。 太師雄

九以下俱赴杭州

光,感服不可言也。 深愧恐,重辱新詩爲送,詞韻高雅 某以疾請郡,遂得餘杭,榮寵過分,方 無緣面謝,益用悚息。 ,行色增

+

不訝。

納,請批一二字,貴知達

也。

詩皆戲語

某啓。

示法書 一軸,

已作兩詩跋尾封

何可忘。冒熱還城,且喜尊體佳勝。 某啓。 昨日遠煩追餞,此意之厚, 玳簪 如

佳篇辱貺,

割新得之好爲潤筆也。 以不作詩故,無由攀和。 甚奇, 豈公子賓客之遺物耶? 江,即來辰當濟。益遠,惟萬萬保愛。 吅 山研奇甚,便當 呵。 今晚不渡

鬱孤臺法帖》亦作「紙」。 紙」、《七集·續集》卷七、《外集》卷八十一作「夾」。

十 二以下俱揚州還朝

談新政不容口,甚慰所望。萬萬自重。之厚,且審起居佳勝,感慰交集。夢得來暇給,不即裁答。人至,復枉手教,荷存記暇給,不即裁答。前在揚州領所惠書,當路日不

+ =

暇占詞奉賀。不罪! 不罪! 倦啓過禮,深愧相疎。外人回速,未

十四四

時 倦 到 本欲遠引,因 某啓。 府, 因復少欵。 辱書,承佳勝, 得 會 見,竟未 未間, 甚 遂 慰 萬 此 想 萬 心。 望。 保 何 衰

不宣。

十 五以下俱赴定州

練。不宣。 有以爲適。新詩文寄示,幸甚。惟萬萬保怍,仍審起居佳勝,爲慰。邑政日清簡,想愧幸兼極。出都紛冗,不即裁謝。辱書感鬼啓,過治下得欵奉,辱主禮之厚,

十六

忽忽,不宣。 僕,亦不煩出。千萬保重,非遠,北行矣。 佳勝。只今出城,無緣走謝,想公難得人 和答,竟無頃刻暇,愧負可量。雨冷,起居 和答。辱臨訪,欲往謝,又蒙惠詩,欲

十以下俱北歸

+

七

平生不知家事,老境乃有此苦。蒙仁者矜 某啓。辱簡,承存慰至厚,哀感不已。

愍垂誨,柰何! 柰 何 ! 人夜目昏,不謹。

+ 八

疾想不爲患,餘非面莫究。 出城固不煩到,復得 一見,幸矣。

微

九

紛然,裁答未能詳謹,千萬恕察。 詩,足爲衰朽光榮,感慰之極。 某啓。辱教,且審起居佳勝,并惠新 途中賓客

> 夜話。 傅守會已罷而歸矣,風止江平,可來 德孺同此懇。

之,老夫卧聽之未半,躍然而起。恨二十 言也。兒子於何處得《寶月觀賦》,琅然誦 閘外,風氣稍清,但虚乏不能食,口殆不能 年相從,知元章不盡,◎若此賦,當過古人, 某啓。兩日來,●疾有增無減。 雖遷

0 來」,原脱, 據《七集・續集》卷七、《外集》卷八十一

三十年,恨知公不盡」。 晉英光集》卷四《蘇東坡輓詩五首》其四自注作「相 「恨二十年」至「不盡」十一字,《湖北先正遺書》本《寶

六三五

一六三六

與公談,則實未能,想當更後數日耶。●公不久當自有大名,不勞我輩説也。 願欲不論今世也。 天下豈常如我輩憒憒耶!

#### \_ + \_

面莫究。● 軾再拜元章閣下。廿二日。●也。宗伯遂棄去,●當爲天下惜也。● 餘非殆不能堪。● 柳子厚所謂意象非中國人強昨日歸卧,●遂夜。海外久無此熱,

#### 二 十 三

亭泊。雖不當遠去左右,且就活水快風,●水污濁不流,熏蒸成病,今日當遷過通濟病中草草題跋,謹具馳納,●竢少愈也。河卧爾。承示太宗草聖及謝帖,●皆不敢於卧爾。承示太宗草聖及謝帖,●皆不敢於

洗病滯,稍健當奉談笑也。

### 一十四

某食則脹,不食則羸甚,●昨夜通旦不

「更」,原脱,據《七集・續集》、《外集》補。

0

舜《帖》)改。 舜《帖》)改。 『軾」,原作「某」,據《鬱孤臺法帖》(此文以下校記

「能堪」,原作「堪懷」,據《帖》改。

「去」,原作「世」,據《帖》改。

▶ 「也」,原脱,據《帖》補。

0 0

「究」,原作「盡」,據《帖》改。

**)「軾再拜」至「廿二日」十字,原脱,據《帖》補。** 

**)** 「太宗」、《七集·續集》卷七作「太皇」。

「具」,原作「且」,今從《七集・續集》、《外集》卷八十

「且就」,原作「只就」。今從《七集・續集》、《外集》。

「甚」,原脱,據《七集·續集》卷七、《外集》卷八十一

**O** 

度 ? 交睫, 跋,欲書數句,了無意思,正坐老謬耳。 食皆未佳。無緣遂東,當續拜簡。 示及古文,幸甚。❷ 端 坐餉 蚊子爾。● 謝帖 不知今 既 · 夕 如 未 可 何 眠 輕

#### 二 十 五

者。不一一。

载積年瘴毒耶。●今真見之矣,餘無足言幾俗之文,超妙入神之字,何時見之,以洗絕俗之文,超妙入神之字,何時見之,以洗網念。獨念吾元章邁往凌雲之氣,●清雄關之,與為

#### 一 十 六

所在 甚。 某昨 食黄蓍 明 日 日飲冷過度,每夜暴下,旦 粥甚美。 會食,乞且罷。 卧閲 四 需稍健,或 印 奇 ?古,失· 復 病 疲 雨

過翛然時也。印却納上。

## 二 十 七

渡江矣。辱教,即承起居佳勝,慰感倍常。某啓。數日不聞來音,謂不我顧,復

怱怱布謝。

❶「餉」,原作「飽」,今從《外集》。

「示及古文幸甚」六字,原脱,據《七集·續集》、《外

集》補。

0

八十一。

「獨」,原作「但」,今從《七集·續集》卷七、《外集》卷

・「某」、原脱、據《七集・續集
・「年」、《外集》作「濊」。

甫。 「某」,原脱,據《七集·續集》卷七、《外集》卷八十一

一 十 八❶

減,然未能作書也。跋尾在下懷。● 某一病幾不相見,今日始覺有絲毫之

「跋尾」,米元章自注作「謝跋」。 文字,謂此尺牘作於建中靖國元年立秋日,批「於其文字,謂此尺牘作於建中靖國元年立秋日,批「於其文字,謂此尺牘作於建中靖國元年立秋日,批「於其

0

1746

## 蘇軾文集卷五十九

### 牘

尺

# 與朱康叔二十首以下俱黄州

甚 幸 ! 尚冀以時自重。 子由尚未到真,•寸步千里也。 拙疾,乍到 得陪從耳。 和,江山秀美,府事整辦, 簡,感服併深。 某啓。武昌傳到 佳果收藏有法,可愛! 不諳 雙壺珍貺,一洗旅愁,甚幸! 風 比日尊體佳 土所致,今已復常矣。 了手教, 日有勝遊,恨不 繼辱 勝。 未由展奉, 可愛! 節 專 使 物 墜 清

> 酒 少閑暇,俟 慰輿議,可喜! 際見,不敢輒奉書。 極 令子歸侍左右, 醇 美,必是故人特 宛轉 求得,當 可 喜 ! 近見 日有庭闈之樂,恨 續 作墨 遣 提 致之。 舉 下 竹人,近爲 司薦章,稍 廳 也。 呵 呵。 某 未

Ξ

再拜。

及。珍惠雙壺,遂與子由屢醉,公之德也。弟已部賤累到此,平安皆出餘庇,不煩念可量感服。仍審比日起居休勝,爲慰。舍其感。 專使至,復領手教,契愛愈厚,

❶ 「到」、《大典》作「出」。

六三九

隆暑 上謝。 萬 萬 以 時 自 重。 行 膺 殊 用, 人還

四

捧領訖,●但有慚怍。 胡掾至,領手教,具審起居佳勝。 尋附洪州遞與之。 舍弟及賤累至,特有厚貺羊麪酒果,一一 某 再拜。 近 奉 書并舍弟書, 舍弟離此數日, 想必達。 兼 承以 來教

六

甕,極爲珍奇,感愧 乘過郡,●承賜教及惠新酒。 上問,想不深訝。 士會飲,同感德也。 某啓。 暑毒不可過,百 比日伏想尊履佳勝。 不可言。 秋熱,更望保練,行 事墮 到此, 因與 廢, 二三佳 如新 稍 出 别 疎

峻陟。

五

所寫詩 波,●想味風義,以慰孤寂。 夕,杖履野步,酌江水飲之,皆公恩庇之餘 已遷居江上臨 軸寄去,以爲一笑。 泉亭, 甚清曠。 尋得去年六月 酷暑,萬乞 風 晨 月

保練。

用」、《大典》作「相」。

0

0 「一一」,原作「一」,據《歐蘇手簡》補一「一」字。

此首、《外集》卷七十次上首之後、與上首爲一首。 、七集·續集》卷四另行起,次上書之後。

恩庇之」、《外集》作「城下」。 乘」、《外集》卷七十作「來」。

0

六四〇

月日,恐求親者欲知之,造次! 造次!且盤桓侍下。中前示諭姻親事,可留示年渠方寄家齊安,時得與之相見也。令子必源方谢掾與語,如公之言,佳士! 佳士!

八

仰。 候何 稀少,有以爲樂耶! 某啓。 如? 乍冷,萬冀以時自重。 某蒙庇如 因 循, 稍 昨。 疎上 無緣 問,不審近 秋色益佳,郡 展奉,但 積 日 思 事 尊

九

善保。此歲行盡,會合何時,以增悵然,唯祈冷。此歲行盡,會合何時,以增悵然,唯祈人過此,領手教,具審起居佳勝,勿復凄人過此,領手教,具審起居佳勝,勿復凄

+

分過也。 其家固貧甚,然鄉 澀,想五六月間 敷文, 歸老之説,恐未能如雅志。 他 計 方 此 月 中亦有一小莊子,且隨 到 此。 末方離 荷公憂恤之深, 陳。❷ 南 又聞 河淺

首爲一首。 此首、《大典》、《七集·續集》卷四次上首之後,與上

0

**)「他」,原作「宅」,今從《大典》。** 

六四

+

右,畫者在此不遠,必可求也。呵呵。●閑,續上納。墨竹如可尊意,當取次致左族,若有所得,當立上聞也。要字,❸俟少広。新說事,專在下懷。然此中殊少士

+

有力、區區之懷、未能詳盡也。乍暄、惟冀日來、偶傷風、百事皆廢。今日微減、尚未勝。方欲裁謝、又枉教墨、益增感愧。數裝改。近王察推至、辱書、承起居佳

以時珍攝、稍健、當上問次。

+ =

上,却求爲書,拋磚之謂也。 方知字字皆非創入也。 詞,而不改其意,請以《文選》及本傳考之, 微加增損,作《般涉調 誦陶潜《歸去來》,常患其不入音律,近 多日,甚歡,未嘗一日不談公美也 所向及側近故事故迹,爲幸。 閣名久思,未獲佳者, 哨遍》,雖微改其 謹作小楷 更乞詳示閣 董 亦請録一本 義夫相 一本寄 舊好 軱 聚

「聞」,原作「修」,今從《歐蘇手簡》。

0

「苦」,原作「若」,今從《七集・續集》。

「要」、《七集・續集》卷四、《外集》卷七十作「寫」。

呵呵」二字,原脱,據《七集·續集》、《外集》補。

前,飲醉後作得頑 與郭元弼,●爲病勌,不及别作書也。 念公篤好,故以奉獻,幸檢至。 石亂 篠一紙,2 私 數 惜 日

#### + 四

禁。 **❸** 能哀之。恃舊干瀆,不敢逃罪。 老,聞之,憂恐萬端。 賜全庇,暑月得早出。 熟,最有文行。 知虚 之過,不敢不寫,裝成送去,乞一覽。 不免上干: 舍弟已到官。 业的也。 令子必在 是潘正名買撲。● 屏贊、硯銘、無用之物、公好事 聞有潘原秀才,以買撲事 聞筠州大水,城内丈餘,不 左 原自是佳士,每有舉業, 右。 某與其兄潘丙解元 公以仁孝名世,⑥必 計安勝,不 爲此人父母皆 敢 奉 少 篤 事 望 至 被

乃輕 以與人,謹收藏以鎮篋笥。 天覺出藍之作,本以爲公家寶, 然尋常不 丽

> 呵 揆 輒 呵 以 亂 道 塵 獻 想公亦隨 手將與人耳。

#### + 五 0

爾 也 前曾 與 子 可 由 船 録 《 國 到 旦夕到 此 史補》一 須留 此,爲 他 紙,不 住 之泫然,想 Ŧī. 七

郭一、《七 續集》卷四無。 「元」、《外集》卷七十作

0

0 得」,原脱, 據《外集》補。

0 6 「是潘正名買撲」,原脱,據《大典》補。 ·撲」,原作「樸」,今從《大典》、《七集·續集》卷四。 此乃自注

「自」,原作「亦」,今從《大典》、《七集・續集》。

此首自篇首至「因書略示論」四十六字、《大典》接本 「仁孝」,原作「孝義」,今從《大典》、《七集・續集》。

6 6

卷《與朱康叔二十首》第一首之末,與第一首爲一 自「示論」字後另起,以「又」爲題,爲另一首。

知 到

否?

日,

恐知

公亦

説來。 也。 耶! 佳。 因 信意簡率,乃其常態,未可 寒月得暇,當試之。天覺亦不得書。 諭,極煩留念。 又蒙傳示秘訣 耳,何足掛齒牙! 眷念,遠致珍物,勞人重費,豈不肖所 所乏,極爲珍感。 酒法,是用菉豆爲麯者耶? 然閔仲叔不以口腹累人。 所問菱、翠,●至今虚位,雲乃權 略示諭。 極珍,極珍。❷ 不曾録得方, 蒙寄 生酒,暑中不 呵呵。 惠 如果佳,録 生煮 馮 以 酒 疎數爲厚 君方想 易調 四器,正 何以當此。 某每蒙 示爲幸。 亦曾見 停 , 此 如 發 遣 君 所 安 極 濟

### 六

鱘鮓

荷不可言。 老媳 叠蒙寄 婦 不得即 , 得 惠 疾,初不輕,今已安矣。 酒、醋、 時 裁 麫等,一 謝, 想仁明必能 收 檢, 不 恕 愧

> 煩 冗,不敢稽留來使。 留念。 食隔 已納 武 少間 昌 ,别奉狀次。 吴尉處矣。 適

> > 少

### 七

否 ? 之,不知曾得未? 有一 學服朱砂法,爲甚奇。 見元章書中言,❸當世 想於不肖不惜也。 若果得, 一之兄 惟 不 康 知 馮 叔 君 可 見 以 處 `, **0** 傳 得

#### 十 八

今日 偶 讀 或 史, 見杜 羔 事, 頗 與公

鱘鮓」至「極珍」六字,原脱, 菱」、《大典》、《七集・續集》卷四作「凌」。 據《外集》卷七十補。

<sup>「</sup>之兄馮君處」、《七集・續集》作「云馮君」。 元章」、《七集·續集》卷四作「天覺」。

學服」,原作「草伏」,今從《七集・續集》。

遺之。 元豐三年九月二十五日記

怪,幸甚! 望公憐其才短不逮 相 人,恐有嫌 類 嗟歎 者。 不 幸 - 甚! 足,故書以 江 令乃 而 章憲 己。 爾 奉寄, 深河 屢有干瀆,蒙不 今日恐到 罪。 然幸 此, 然 猶 示

知之。

指其丘 書,致仕。 問之。」羔哭而往。 觀 云:❷「我子孫若求吾墓,當於某村 下,見數行字,拂 館於佛寺,日夜悲泣。忽視屋柱煤烟之 先人之墓,邑中故老已盡,不知所 之,乃羔母也。 出 官,嘗鞫獄 嫡,經亂不知所之。 杜羔有至性,其父河北一尉而 書,歎其事 入,竊語人曰:「此少年狀類吾夫。」訊 一隴,因 此出唐李肇《國 於私 類 得 與朱 自此迎侍而歸。又往 第。 歸 葬。 果有老父年八十餘 Щ 康 會堂兄兼爲澤潞 有老婦 視之,乃父遺迹 叔 羔官至工 相 史補 似,因 辯 卒。 對, 部 近偶 見 母 尚 訪 羔 判

> + 九

馳系。 豈尊候 如 ? 近 冬深寒澀,尤宜慎 日隨 小不佳乎? 兩日 例紛冗,有疎上問,不 「來武 昌 無 如聞 由 躬 公在 問 左右, 告,何也? 審 起 但 居

何

罪 行言,有一既濟鼎樣 一見,❸爲作一枚,不用甚大者,不罪! 章質夫求琵琶歌詞,不敢不寄呈。 前日人還,曾附古木叢竹兩紙 在公處,若鑄造時,幸 ~,必已 不

- 0 章」上,原有「其令」二字,據《大典》删
- 「父」,原作「云」,今從《大典》、《七集・續集》卷

」,原作「亦」,今從《二妙集》。

一六四十

下計安勝,何時赴任,未敢拜書也。到。今已寫得經藏碑附上。令子推官侍

## 答李康年一首❶

## 答虔倅俞括一首❷

於口 主, 之盛,莫如近世,然私所敬慕者,獨陸 物固有是理,患不知之,❸知之患不能 掌,有起予之歎。 示長牋,及詩文 挾此藥,以待世之病者,豈非仁人君子之 寫進御,區區之忠,自謂 一人。家有公奏議善本,頃侍講讀 [與手。 軾 直 頓首資深使君閣 欲推此學於天下,使家藏此方, 所謂文者,能達是而已。 一編,伏讀 孔子曰:「辭達 下。 庶幾於孟 數 前日 日 而已矣。」 辱 ...軻之敬 廢卷拊 ?,嘗繕 訪, 文人 達之 宣公 寵

> 笑耳。 此 適 芻豢,何以 於朋友與凡學道之君子也。 用,6而不志於耳目之觀美,此 十 至情也哉 然售不售,豈吾儕所當 顯,孫氏期於治病,不擇甘苦,而劉 所以服 下,見一醫工,頗藝而窮,慨然謂 篇,皆欲酌 何理也?」使君斯文,恐未必 口,病者宜安所去取,而劉氏富倍孫氏 進宣公奏議 藥、端爲病耳、若欲以適口、則莫 ! 藥爲? **今觀**所 古 以 馭今,有意 了,有一表,**輒**録呈,不須 今孫氏、劉氏 示 議論, 掛口哉,聊以 然去 自 於 正 售於 僕曰:「 東 平生 濟 皆 歳 世 漢 氏 世。 發 專務 以 之 在 所 以 藥 如 人 望 實 都 下

0

括」下、《七集·後集》卷十四有

0

<sup>●</sup> 此首,重見本書卷五十七,爲《與李通叔四首》中之

③ 「之」,原脱,據郎本卷四十七補

<sup>「</sup>敬主」,郎本作「欽王」。

<sup>「</sup>恐」,原脱,據郎本補「實」,原脱,據郎本補

# 示人也。餘俟面謝,不宣。

## 答范景山一首

所鐫 都,亦多苦事。 尤難, 直俟 也。 不可 甚。 意思,但 患,方未可知,法令周密,公私 者,出辦此身,與之浮沉,則亦安往 遂有爲魚之憂。 衆人所棄,猶不可得,然憂喜勞逸,無非 譴 不可言。 於左 軾始到彭城,幸甚無事 景山 得,乃知吾道艱 自 右 離 堪公笑耳。 恐 雖 矣 。 即 東武,不 逐去耳。 遂 去軒冕,避津要,所欲閑 日 汩 起居住 兩 近詩一軸拜呈,冗 没於流俗矣。 近日雖已減耗 辱 復 手教,存 拜 久不聞餘 近齋居,内觀 難之際,仁人 勝。 書 疎 知 ·, 而 撫愈厚,感 怠之罪 局事 論 匱乏, 一而來 河水 子 由 於 迫 頑 君 勞 而 養 鄙 無 在 舉 歲 子 冗 不 宜 佳 南 無 動 之 適 捨 命 殊 愧 獲 而

> 書秘 萬萬 紨 似 自 訣 有 倘 重 所 得。 可 見 教 子 乎? 由 尤 爲造人。 餘非 面 [莫盡 景 Ш 惟乞 有 異

## 與陸固朝奉一首杭倅

奉手啓代違。深。兹者啓行,又不往别,悚怍之至。 謹深。兹者啓行,又不往别,悚怍之至。 谨某啓。 久留屬疾,不敢造請,負愧已

## 與李無悔一首●

厚。 所 鄙 0 棄,自非風義之篤 既去,又承 久留 追餞最 浙 中, 7,何以 過 遠。 辱 存 至此 自 顧, 惟衰拙,衆 既别, 親

- ❶ 「李」、《大典》無。
- ♪ 「親厚」,原作「親去」,今從《大典》、《歐蘇手簡》。

一六四八

爲望。 自重。 歲科 但 甚倦,盛時美才,何 有 舉,聞 思 不宣。 新文不惜見寄。 詠 且就 兩 辱 鄉 書教, 里。 .' 如 具審起居佳 承示 未緣集會,惟 此、且勉之、決 喻 進 取 勝。 之意 萬 萬 取 今

### 答漢卿一首

適宜也。 領,感怍。 久入城,遂當一見, 某啓。 地黄煎蒙寄惠,極佳。 仰煩神用,愧感不可言。● 適自局 辱 教,承起 中 何幸如之。 還,熱甚,懣 居 佳 勝爲 姜蜜之劑, 地 慰。 塞。 黄 煎 知 甚 奉 已 不

### 與何浩然一首

妙,見者皆言十分形神,甚奪真也。❷ 非故人還,辱書,且喜起居佳勝。寫真奇

詩,稍 至,便寄納。 人倍常用 暇作 意,何以 寫去。 未即會見,千萬珍重 及此。 雙 幅 已令蜀中 感服之至。 織 所 造。 要

## 答字秀才元一首<sup>❸以下俱徐州</sup>

른 顯用,以慰士望。 弟,當具道盛意。 者,以爲見教,以是摇之,呵呵。 承起居佳勝。 仁者之惠,誠足慰彼黎庶。 熱甚。 竟不再别, 悵仰 寵惠皆 乍遠,萬乞保重。 奇 筆 雅制, 殊深。 安 道、 然不 刻荷無 辱教, 即 知 復 舍

0 0

自「奉書」至「不可言」二十七字,疑爲另一則尺牘。

<sup>「</sup>答李秀才元」、《七集・續集》卷五作「答李才元」。「奪」,原作「篤」,今從《大典》、《七集・續集》卷五。

告。人還,草草。 疑於陽」,世俗不知,乃改作『凝』,不敢不疑於神」,古語以「疑」爲似耳。如《易》「陰久不見之,甚慰喜。《莊子》「用志不分,乃久不見之,甚慰喜。《莊子》「用志不分,乃

## 答吕熙道二首以下俱湖州

起居 方欲 又迫 自 治 重 下, 平時 何 於行,忽遽捨 上問, 先辱手 謂當 如 ? 企詠賢者 朝夕繼見,而病 後會不可 去,可 教,益增 獨 期 恨 勝 隔 與 悚作。 惟 歎 閡 人事 萬萬 耶 耳。 奪之, 比 以 别來 既 日 時

> 幹不外。 類人間,加以事少睡足,真拙者之慶。有勢重道,誰肯相厚者。湖州江山風物,不勢重道,誰肯相厚者。湖州江山風物,不義,每以悵然。舍弟朴訥寡徒,●非長者輕 南都住半月,恍然如一夢耳。思企德

### 與道甫一首

藏,謹令人歸納文府。 辭贍格老,覽之令人亹亹忘倦。 人何日成行? 未易至此,受教良多。 昨日特蒙不外鄙 亦須示 諭 拙 伏乞視至。 不敢擅 袖 出 盛 爲 非大手筆 文相 巾笥之 未審從 崇,

●「訥」,原作「納」,今從《七集·續集》卷五

卷五十九 尺牘

### 與趙仲修二首

## 答君瑞殿直一首

與錢世雄一首●以下俱黄州

知四月末乃行,猶可一見否? 乍暄,惟 言,愧愧。 重。 春來未嘗一日閑,欲去奉謁,遂 辱書、承起居佳勝、爲慰。 君猷 成 萬 食

#### 與景 倩 首

萬

自

己。 禮不當爾,意公期我於度外也。 衆客頗懷公高 食已,本欲奉謁,適陳 昨 日 辱 訪,大 慰 論,可能只今一訪否? 久渴。 季常來,故且 經 宿 起 居 佳

> 感愧不可言。 瘡 病不往 見,而仁 雨涼,切惟起居佳勝。 人敦 舊,屢承 東馬, 旦夕

當獲 (面謝。

我有數日之飽,公亦乃無浹旬蔬 公清貧,更煩輟惠羊邊,謹 以拜賜, 食耶? 使

噱。

今留題删文。 此首,重見本書卷五十三,爲《與錢濟明》之第三首。

0

### 與何聖可一首

衰,世 貺,益增愧赧。 履幕,慨歎不已。 學曾不足以窺其萬 辱示朱 間有幾人而匏繫於此,不得 先 生所著書詩, 久廢筆硯,無 <del>-</del> 結髪 水道 詞義深矣, 以 一,篤老一 報 此 望其 嘉 淺 不

### 與毛維瞻一首

獻 火 (青 熒 。 ,獨享爲愧,想當一笑也。 歲行 盡 時 矣, 於此 風 間, 雨 凄然。 得 少 佳 紙 趣。 窗 竹 無 屋, 由 持 燈

## 與運判應之一首登州還朝

多日不接奉,渴仰殊深。大熱,伏想

歎也。衝犯酷暑,千萬自愛。何幸,被蒙豈弟之政,但賢者遠去,有識起居佳勝。承旦夕啓行,無緣往别,鄉

所 里

### 與張正己一首

勝。 行,不訝! 寶月 特承訪 書 不訝! 別,愧 信 并念二姪 企良深。 正寒衝冒,千萬加 書 晴 寒, 煩從 起 者附 居 安

## **答吕元鈞三首**以下俱翰林

詳。 待 息 去、恐損其人之高節。 秋涼。必亮此意,非面莫盡。 可否示諭,餘俟朝中可既。 適辱教,值局中,不即答, 熱甚,尊體 佳 安。 紛紛之議,未 隆暑衝 冒,何 悚息. 香不欲 聞其 示 附 少 悚

答史彦明主簿二首

結。❸ 衰 遠 辱 病懷歸,請郡未得。❷ 書教,感服深矣。 别後冗懶相因,不果上問,愧企增劇。 歲晚厚愛,少慰區區。 比 何時展奉,少道菀 日 起居 何如?

諭也。 矣。 寄惠秋 新寧想未赴上前所欲發書,至時 程懿 叔去後,旅思牢落, 石,極感留 意。 新 春, 聞 龍 已 到郡 鶴 可示 菜

利害大計乎?

示論,但

閔

然

流而已。

非久,

季常人行,當盡區區

尤甚,士大夫相顧避罪

而 Ë,

何暇及中外

廟堂,此豈足賀也

此間

語言紛紛,比

來 在

中間承進

職、雖

少慰

人望,然公當

0 得」,原作「獲」,今從《外集》卷七十二。 「大」、《七集・續集》卷六作「太」。

物,已寄去。餘具令子口白。

官,●未厭公論耳。

季常近得書,亦見黄

州

屢與令子語,

欽愛才美,

但 尚

屈

大

人言體氣頗安壯,但口

眼微動耳。

來

水藥

·菀」,原作「宛」,今從《外集》。

劍南詩稿》卷四《題龍鶴菜帖》題下自

注節引此文,

謂爲元祐中作。

#### 與 家 復禮 首

佳否? 復納去。遠道,萬萬自重。 前 日辱訪 送行詩別寫得一本,都勝前 别, 悵戀不已。 陰寒, 起居 日 書

## 答王聖美一首以下杭州還朝**●**

須臾。 承尊體佳勝。 昨日 人還,布謝草草。 庭中 望見,喜慰久渴。 無緣造門, 尚冀邂 近,復 辱 教,伏 少

#### 與 王 正夫朝奉三首❷

慰。 即 遞 中 日 辱 起 書,人至, 居 如 宜。 襄 復 事 枉 手 薄 遽, 示, 哀 併 苦至 增 感

卷五十九

尺牘

毁,以就遠業。

無由

助執

紼

臨

紙

惋

歎,尚冀寬中

毋

會,致區區。 心萬一。何日 大年哀 詞,恨拙 西行 ,傾想之極。 訥不盡盛 德,聊 曹子方因 塞孝

Ξ

面莫究。 石,愧愧。 惠示誌文,伏讀 子方見過,聞動止爲慰。 感 歎。 拙 詞 何 足 餘非 刻

0 集》改。 以下杭州 還朝」,原作「杭州還鄉」,誤,今據《二妙

0 朝奉」,原脱,據《七集・ 續集》卷六補。

六五三

### 答楊禮先三首

蠟 尊體已安復,感慰兼集。 燭 `,物意兩重,不敢違命,但有愧灼。 新歲,日 欲 往見,紛 紛未 厚貺狨皮、石硯、 曲。 辱 簡 下, 承

話 别草草,惘然不 Ė 信宿起居 佳

勝,明日果成行否? 拙詩,聊發 一笑。

=

久闊暫聚,喜慰不可言。 别來 但苦都 下 紛

教,承已到郡,起居康福,眷愛各無恙。 紛,不盡欵意。 示石刻,暴揚鄙拙 ,極爲悚怍。 思 仰增 劇。 衰病懷歸 亟辱手 寄

#### 與 潮 守王朝 請 滌二 首

與

知舊往還,此樂可

羨

也

又復歲暮,牢落

可知

切

想坐潁之餘,

日

而 欽味不已,但老懶廢學,無以塞盛意,悚怍 有過人、公能禮之、甚善。 暇成之,願稍寬假,遞中 衆復過聽,亦 之賢守留意於教化 所及也。 承寄示士民所投牒及韓公廟圖,此古 顧不肖何足以 不敢 固辭。 者所 記 爲,非簿書俗吏之 附往也。 但 向蒙寵 此。 迫行冗甚,未 公意既爾 惠高文, 子野誠

復以 淺 承諭 陋 欲撰 爲 詞。 韓 公廟 謹 以 碑, 撰成,付 萬 里遠 來价,其 意, 不敢

位。 中 既 書 若公已替,即告封此簡與吴道人勾當也。 之類,只於净石上模字,不着一物爲佳也。 已 一切依此樣,仍不用周 既 有 史 先 大書 録 此古碑制度,不須徇流俗之意也。 有 遁 矣。 太守姓名,碑後更不用寫諸官 去,請依碑樣,止 十字,碑中 卷中者 乃 不用再寫題 回及碑首花草欄界 某 模刻手 手 書 碑 書。 目, 及 碑 但 銜 碑 首

## 與汪道濟二首以下俱潁州

保練。 起 居 佳 專 使至,辱書, 勝 慰 馳 仰。 感服 未 存 1 記 · 會 且 見, 審 惟 比 祈 來

# 某見報移汶上,而勑未下,老病不堪

相見,甚安,知之。 寄任,方欲力辭,未知得免否? 令子日

## 與明父權府提刑一首

切 深 遺還府。 右,回望悵然。 想起 矣。 到 居 臨 官 今 日 佳 行 半歲,依 勝。 寵 留 餞 尚冀保練,以 某已達泗 一飯,晚遂發去。 再三,益 庇 德 宇, 愧 獲 上 須 眷 遂 迎送 顈 厚。 解去, 拜。 人等謹 逾遠左 别後, 感服

## 與鞠持正二首以下俱揚州

杜 蒲 中,真可 子美 永 昇 兩 臨 日 所 以 薄 謂 孫 有 一白波 知 洗殘暑 微《 秋 氣, 水圖 吹素 也。 伏 想 》**,** 四 壁」者, 近晚,上謁次 起 居 面 佳 頗 願掛公齋 勝。 爲 雄爽。

六五六

味,惟此爲辯,秘之! 秘之! 不白公知也。 香味初若嚼茶,久之甚美,聞甚益人,不可 遠,百事可樂。 知 腹 疾微 白石芝狀如石耳,而 作, 島中出一藥名白石芝者, 想 即 平愈。 文登 有香 雖

### 答劉無言一首南遷

四言,行之終身,庶保餘年得還田畝,但未 知有無後命爾。 此行但有感恩知罪,省分絶欲。 守此

## 與林濟甫二首●以下俱儋耳

眉兵至,承惠書,具審尊體佳勝,眷愛

别。 即過瓊矣。❷ 也。今日到海岸,地名遞角場,明 各安。某與幼子過南來、餘皆留惠州。 事狼狽,勞苦萬狀,然胸中亦自有翛 未間,遠惟以時自重。 回望鄉國,真在天末,留書爲 日 順 然處 風 生

稍

外,念之感涕。 留意,死生不忘厚德。 某兄弟不善處世,並 惟濟甫以久要之契,始終 一遭遠 墓單

0 甫尺牘多首,「林」或誤。 ·林」、《外集》卷七十七作「楊」。 案 : 蘇軾有與楊 濟

0 瓊」字空缺。 ·瓊」,原脱,據《外集》補。 案 : 《七集 續集》卷

## 與錢志仲三首以下俱北歸

知之。 勝。 昨 兩 藥方已領,感感。 日 日 水東尋 不 見、渴 幽 仰 訪 兼 古 懷。 頗 有所得, 竊 惟 起 恐 居 欲 佳

勝。 平生。 漲 流 水遂失 幸甚 落晚塗,始 贛險,不 幸甚 獲瞻奉, ! 覺到 别來,伏惟起 顧遇之重,有 '吉,皆德 庇 居 所 佳 過

期

,豈免悵戀。

及,其餘未易

道

謝

也。

日遠,後會未

7,死罪

死罪!

此子極有可採,必爲門下用。

恃明照。

孰能 藥有 實無 録 細馳問 惟深念才難,勿責全也。 知其吏幹過人,不能和衆,多獲嫌忌,然其 絲當用寫道書一篇,非久納上。惡詩不足 想時復見念耶? 也。 他 毒,乃能已疾,馬不蹄齧,多拙 收 某去此,不復滯留。 圃 也。 事簡 ,不敢外,輒用手啓,恃深眷也。 用之,試以衆難,必有 憔悴將老矣,念非大度盛德, 客稀,高堂清風,有足樂者。 吉州幕柳致,與之久故 若公遂成就之, 至安居處,當 미 '觀者。 於行, 縷

□ 此二首,已見卷五十六,爲《與鄭靖老四首》中之一、

卷五十九 尺牘

答 王

|莊叔二首

#### 與 漢

遠辱教書, 具道三十年前都下與先 重,此何過也。 某罪 伏

矣。 會合未期,尚冀節哀自重。 廢遠屏,有玷知 審斬焉在疾、哀慕之餘、起居如宜。 往還,伏讀感涕。仁人念舊,手簡見及,足 書辭累幅,禮意莊 識,重蒙獎飾,衰朽增光。

歎。 書,因信略道 足怪者。 口 亦僅能生還。 十餘年矣,如隔晨耳,而前人彫喪略盡 忘。 辱書累幅,話及疇昔,良復慨然。 某 流落 初 仕 唐輔令兄今復何在? 闊 即 區區。 人世一大夢, 遠,不聞 佐 先公,蒙 某只候水來即行矣。 昆仲息耗,每以 顧遇之厚,

餘留面盡

厚,感愧 前 日 不已。 裁 謝 草 仍 略; 審起居 重 煩 佳 問 勝。 寵 賜 意 愈 新

·坐」、《七集·續集》卷四、《外集》卷七十七作「作」。

何

時

惋

 $\equiv$ 

六五八

能盡

意,恕之。

矣。

黄茅海瘴正

坐於秋。❶

蒸暑麾汗,不

硯殆

廢。

承長牋

寵貺,裁

謝 苟

簡,愧負深

某多病杜

門,人事

都絶,懶習

已成,

筆

未及奉

俯仰百變,

無

<del>一,</del> 僕

當此嘉貺也。詩,詞格甚美,伏讀慰喜。但恨衰晚,無以

## 答虔人王正彦一首❶

家人輩遊東禪及景德,如相訪,就彼亦可。灼。茗布領抹皆珍物,已捧領訖。今日與好。不信,承起居住勝。沐饋遺,重增感

### 答王幼安三首

語。 唯幼安昆 王謝風氣傳之有自也。 來,辱書累幅,陳義慨然,如接古人語,信 屢得許下兒姪書云,比來親族或斷往來,❷ 不罪 索居 ! 八年,未嘗一通問,每 仲待遇加 不罪! 厚。 老病强答,不復成 聞之,感激。 以 慚 負。

不久當獲造謁。未間,冀若時保嗇。歸潁昌,❸已決意從之矣。舟已至廬山下,肆初欲就食宜興,今得子由書,苦勸

Ξ

謹不敢薰污。稍定居,當求數畝荒隙,結甚! 幸甚! 非所敢望也。得託庇偏廡,實之譽,願爲掩諱之也。許暫假大第,幸餘,未忘憂畏,朋友當思有以保全之者,過餘,未忘憂畏,朋友當思有以保全之者,過

「彦」下、《七集・續集》卷七有「先生」二字。

0

- し上一。 ) 「比」,原作「北」,今從《七集·續集》卷七、《外集》卷
- 「潁」、《歐蘇手簡》作「許」。

8

蘇 揷 文 集

之。 茅而 而歸 老焉。 餘非面莫究。 ,爲鄉里房舍客,伏 若未 即 填 溝壑,及見伯 臘相 !勞問 仲 何 功 樂 如 成

#### 與寇 君 首

自 聞 病 重。 不 餘 論 出 經 宿 退 無 雨 想忠愍之 涼,起 緣 上. 謁 居 英烈, 佳 少 勝。 選 解去。 有概乎中。 昨 辱 迂顧 惟 萬 萬 衰 稍

#### 與 楊 濟 甫 + **首**京師

見在 即 南 行無恙。 日 ,數次奉 西岡 起居何如 爲 别 忽已半歲,傾 賃一宅子居住 書 得臘月中 計 ,貴眷各安吉。 並聞 達。 所惠書,甚慰遠意。 想之懷,遠 、恐要知悉。 前 月半已至京, 自離 而 家 益 至荆 甚。 春

> 暄,未緣會見,千 萬 珍 重 珍重

一以下俱鳳 翔

常。 更希珍重 静,營幹諸事 紛,久稽裁問 四 新春,起居多勝。 日到 今因范 奉别三更歲 鳳翔,十 元 , 必 ,想自尊君襄事,後來漸 歸 律 五. 奉 且 貴聚各嘉 日已交割訖。 濟 思渴 書露 辨。 日 聞。 某 安。 深。 比與 氣 某 即 候 賤 日 前 漸和 事 累 獲 月 履 如 開 紛 此

Ξ

如 近 月,更不能 遞 得王道 中惠 冬寒, 矩 歸 遠 書, 書云,朝夕一 鄉 想 且 貴知道 起 居 人 佳 、京去。 短幾 勝。 來此,相看 日 此 逾 起發,此幹 去 遠, 替 1告便。 依黯。 不 兩

告早及,某只十二月十七八間離岐下也

### 四以下俱除喪還朝

萬 古 童 獨 院,更半 居 處,無 柳, 種 佳 勝。 某近 似 户 與 亦 領臘 某此與 Щ 爲 有 可 居,頗 出 樂。 少 下 佳 賤累如常。 教墨,感服 所 都 趣。 便野 居 下 春色 廳 傍 性 宜 前 也。 眷厚, 秋 有 已盛,但 舍弟 門,皆 小 漸 暖,惟 花 差 兼 塊 審 干 槐 課 然 貢 起

#### 五

只是 安。 五. 示 暫 遞 六 及 權 中 十 發 發 屢 搋 遣 日 得 引 數 更 不 書, 目 月餘 獨 契 濟 知 勘 尊 正 甫 官到 體佳 得 也 並 勝 府 到 即 ", 貴 推之命, 仍舊 但 鄉 眷 親 各

#### 六

都

所須,示及。

官誥院

也。

府中冗絆,

非

拙

者所樂,恐

知

去耳。 都下,桂玉所迫,囊 五尺, 僦居弊陋, 殊無 累皆安。 近領來書,喜知 未由披奉,千萬珍重。 陳州 含弟並 装並 眠 安,不 聊,惟日 食佳 竭。 安。 煩 今冬積 念及。 望 某此 差 遺 雪 久 與 出 四 客 賤

#### 七杭倅

此 土 東,不忍 不 安健。 事體皆佳,又得與齊州相 審 即 久不 日 連 奉 官 起 年 滿 居 與之遠别,已乞得 佳 本 亦 欲 否 ? 少 還 領 來信 鄉、又爲舍弟在 眷愛各無 近, 思 念 密州 可 恙 不 以 去 時 京 某 得 風

一六六二

年。 緣 會 牒 瞻望墳 面 相 惟冀 見 私 墓 順 願 時自重。 甚便之。 懷想親 舊, 但 不 歸 覺 期 潸 又 然。 須更 數 未

#### 八潁州還朝

不獲, 合何 知。 奈何 月 居 佳 時,臨書凄斷。 因見青神王十六秀才,亦爲道此。 日以疾不 勝、爲慰。 須至勉强 以 奈何 ! 私 撓 起,痛悼之深,非老人所堪, 不 北行。家事寥落,懷抱 衰年責咎,移 又以受命出 作 惟千萬順時自愛。 書,累蒙 帥定武、累辭 惠 )殃家 問, 室。 且審 可 此 會 起

#### 九以下俱儋耳

勝 ,眷聚各清安。 寶月 師 孫來, 至 得 慰 所 惠 書, 至 慰 喜 知 某 尊 凡 體 百 佳

> 諸 惟 圃 此,感荷不可言。 粗 Ē 事, 聞 遣 北 墳墓安靖,非濟 可 歸 問 未 其詳 有 期 也。 舟師云當 信命 甫風 遠 视, 且 義之篤,何 過 惟若時 一, 不 到 眉。 煩 念 珍重 此 以 及。 得 中

#### +

腰帶一條。 訖,感怍之至。 遠蒙厚 俗物增愧,不罪 惠 蜀 紙 行 藥 速 物 無 等, 佳 ! 物 不罪 充 信 如 1 謾 數 領

## **與楊子微二首**以下俱北歸

難 閣 雪白,而相見無期,言之悽斷。 事,聞之感歎不已。 下 萬里遠來 某與尊公濟甫,半 海外,訪其 辱 生 '書,具 闊 生死,此 别 尊 審起居佳 彼 乃古人 公 此 乃 髮 鬚

\_

見,細喻。 聞井水嘗竭 者,尊公之賜 與舍弟 而復溢,信否? 也。 流 落 承示諭 天涯, 墳 感愧不 見今如何 墓 免於 ·可言。 樵 · `; 因 牧

## 與王慶源十三首以下俱密州

似。 法嚴密,風波險惡,況味 知 居 萬 某此粗遣,雖有江 里 陵 閑食不足,從官力難任 州 一之遠 遞 中 也 辱 書及 即 日 詩, 履 Щ 殊 兹 風物之美, 如 不佳。 秋 接 暑,尊 風 兩 論, 退 事 之所 皆 而 候 忽 新 不 何

> 性,一 里,但言此,心已馳於瑞草橋之西南矣。 秋暑,更冀以時珍重 孫爲樂,●亦可自遣。 頗窘,此事有定分。但只以安健無 生常苦心」,正 此 何時歸休,得 謂 矣。 知 叔 1相從田 事多子 丈 年 來

\_

能飲 虚日。 陪於瑞草橋,路上放歌倒載也 但時登高,西南引領,即 鬬訟頗簡。 削,索然貧儉。 酒,終日可飲十五銀 凡督捕 密 風 稍葺治園亭、居之、亦粗 土 食物 姦兇五七十人,近始肅 始至 一,值歲 稍 佳 悵然終日。 盞 饑、人豪 但 省 他 租 日 剽 公 粗 可樂。 近稍 刼 庫 可 無 減

■「只」,原作「兄」,據《七集·續集》卷五改

**三**徐州

後,千 蹙迫 於東 叔。 以 惟 來 榜 知 無復往 他事 吾 書 出 車 矣。 華門外奉接。 從已 茒 儕 久以 元昆勸駕,良合事宜,恨此 謙 Ŵ 爲 衰 抑 一時矣。 官 辭,至懇 生,懷抱殊不佳。 老可歎,至於都 淪屈已久,必遂了當,欣賀良深。 達 過 來,相從 冗,不 輦 當。 下,起 東南守官 1 。 京師 四方赴者甚衆, 豈獨 暇 、數月, 居佳 奉問。 至懇 别 勝 1 少 城 極 深願 慰平 風 忽辱 可 即日 樂 物 十餘年, 拘繫,無緣 慶源 手訊, 生, 事體, 前 南宫必 幸 民 7 吾 當 間 豈

四黄州

窮僻少便,久不上狀。竊惟退居以

愧者,此又有餘味矣。 瑞草橋果木成陰,卧想數年出 爲 二疎師 來 身漂然,奉 行,何時 量移汝州。 知文太師何以 優劣也。 重 傅 得到汝,到後 勝 淵明 常。 謹以 羨 回念墳墓,心目斷絶。 何 加此 縣 黑 此爲賀。二子學術成就 及。 **令**, 頭 **,**想當一笑也。 均 謝 乍 又須營辦生 除却虚名外物,不 爲 事 熱, 高退 , 占 惟 今所 仕,無一 · 昔人初 萬 某蒙恩 萬 事。 方作 共 順 可 候 舟 此

五黄州

日 惰 之,近亦不復置懷。 初 體中何 到 加以 此 竄 喪 逐 閑 以來, 如,眷愛各佳。 廢,百 老乳 日欲 事 母,七十 不 寓居官亭,俯迫大江 舉,但 作 書 某幼累並 爲 慚 二矣,悼念久 問。 怍 面 安。 舊 己 既 仴 即 懶

遲也。未緣面會,惟萬萬自愛。之,免憂。近文郎行,寄紙筆與叢郎,到甚復答也。此味甚佳,生來未嘗有此適。知間。客至,多辭以不在,往來書疏如山,不問。客下,雲濤接天,扁舟草履,放浪山水几席之下,雲濤接天,扁舟草履,放浪山水

### 六以下俱登州還朝

保嗇。 貴眷各均安。 痿人之不忘起也。 屬 多 事,未及繼和。 近 辱 某凡百如昨。 并 寄 新詩, 溽暑向 不 審比 伏 隆, 夢想歸 讀 來 尊 感 萬 慰 體 乞以 路 不 何 一; 如 如 時

#### 七

矣。五五哥、五七哥及十六郎,臨行冗迫,令子兩先輩,必大富學術,非久騰踔

之象。 也。 因見,乞道區區。 師有幹,乞示下。 春夏間常見海 簟之下,天水相連,蓬萊三山 不果拜書,因見,道意。 史三儒長老近蒙惠書,●冗中未及答, 數日前 偶見之,有一詩録呈爲笑 市,狀如烟雲,爲樓觀人物 海 市》詩可轉呈也。 登州下 ,彷彿可 臨 漲 海,枕 見。 京

#### 八

遠矣。 鄉郡、歸陪杖屨、復講昔日 之樂,只是不得拽脚相送,先發遣酒壺歸瑞草橋,於義 而 居佳勝。 Ë 久不奉狀 若聖 某罪、 叔丈脱! 恩憐其老鈍,年歲 廢流落,今復强顔 愧 屣縉紳, 仰 增 積 放 江上攜壺藉草 懷 即 周 間,乞與一 日 田 行, 里, 遠 有 絶人 想 愧 起

❶ 「惠」,原脱,據《外集》卷七十一補

厚自 頤 記 得 養,以享無疆之壽。 否? 吅 呵。 何幸如之。 未 間 惟 望

九

也。 華、楊君素聚會,每念此,即致仕之興愈濃 場屋,慰親意 七八兩秀才,各計安。爲學想日益,早奮 欲和謝,公私紛紛,少暇,竟未果,悚悚。 扇一小軸去,作笑耳。 示諭要畫,酒後信手,豈能復佳。 遠沐寄示,老手高風,詠歎 也。 知宅醖 甚奇,日 不已。 與蔡子 甚 寄

十以下 侇 翰林

暇,尊 自頃流落江湖,日欲還鄉,追陪杖屨,爲江 體勝常。 不 奉 狀 某 愧 進 仰 職 增 北 積 扉 即 日 出獎庇。 退 居 多

> 伏乞保重。 時 悵,殆不勝 路 餘,必及鴒原 憂責 殊大, 相遇,樂不 藉草之遊, 懷。 報 ,應不甚寂 可名,雖 夢 塞 想叔丈與丈人及諸姪,歲 想見之。 愈 難 7;退 清 変也。 貧 歸 今日 難 何 堪 日 或 ,然熬波之 歲晚苦寒, 恩 西望 深 重 惋

某與 之願足矣。幸公千萬保愛,得爲江邊攜 名位過分,日負憂責,惟得幅巾還鄉,平生 夢幻,不足追,惟以時自娱爲上策 藉草之遊,樂如之何。 、幼弱,凡百粗 近 奉 慰疏, 必達。 遣。 人生悲樂, 比 日 尊 體 也。 過 何 眼 如 某 如

?

須,但請示及。 一卷,並託孫子發宣德寄上。京師有所以詩文名世者,各賦一首。寫作《黄素經》以詩文名世者,各賦一首。寫作《黄素經》以詩文名世者,各賦一首。寫作《黄素經》。 一卷,並託孫子發宣德寄上。 却是小兒子

### 十三杭州

懷歸 也。 履 訪,首出教字,感慰之懷,未易盡 兹春和,尊體何如? 某爲郡粗遣,衰 ,日欲致仕。 自數年日夜營此,近已乞越,雖未 鎮乞小郡,自小郡乞宫觀,然後可 久不奉書,愧仰兼 既忝侍從,理難驟去,須 極。 令姪元 陳。 直 比 可 得 病 遠 日

> 聊表遠意。 能陪侍杖屨上下山 拜見不遠矣。 知 矣,幸服用之。 ,而經營不已,會當得 玳簪已七八十年物, 閱數名公 惟望倍加保嗇,庶歸 一谷間 之。 也。 致 楮冠、玳簪, 仕 有 鄉日猶 期 則

### 與王慶源子一首 潁州

心,乃末戚區區之望也。因信,惠一二字。振顯。惟望昆仲力學砥礪,以顯揚不墜爲以文行著稱鄉間,於場屋晚乃少遂,終不役不定,久闕書問,愧悚不已。叔丈平昔慰疏,必已聞達。爾後紛冗少暇,繼以行慰前,必已聞達。爾後紛冗少暇,繼以行

## 與蒲誠之六首以下俱京師

某啓。聞軒馬已至多時,而性懶作

樂者 足以 如 歸 書,不 兄惟三哥在左右,大哥、二哥必取次一人 及一年,而災禍仍 書,報伯母於六月十日傾 某此並無恙,京師得信亦安。 殊不可過,承起居佳裕,甚善! 能致 一字左右 此 Щ 否? 尋繹舊學也。 殘暑,更冀順時 極 南,謀扶護還 因 者,煩惱 使 齎手教來, 新牧、倅皆在此、常相見、恐知 也。 鄉也。 重 同僚 煩惱 悚愧 如 雖有傾渴之心,終不 此,何以 中 ! "背"伯父之喪未 人生患難,至有 有可與相處 悚 愧 ! 知郡事 但近 (爲心。 甚善 得 ,頗簡, Ш 盛 而 埶 南 !

若因此得從容接奉,何喜如之。 緩,安用也? 解去否?

見,●甚安。

見稍遠耳。 下,伏增欣慶。 審聞起 近遞 中 居佳勝,差慰瞻望。 辱 承又須歸 書, 苟相知,豈必爲交代,但奉 方欲 覲,奔波良不易也。 附問,人來,又承手 新命必已

四

秋涼,千萬保愛。

聞 車 騎 已在 典 即 見 風 采,喜慰可

丈」,原作「文」,據《外集》卷六十三改。

盡

今歲,方及二年,不知朝廷肯令某成資

令誠之替某。

若得

請,

固

所

喜幸

也

然

某

近

聞

員秘

丞言,聞於誠之,

韓益

州欲

若必俟三考,

則於誠之爲太

淹

向經

由時,甚恨

不欵曲,

今

陳丈日日

知 游,幸甚也。 冒寒,行李不易,久此僻左,獲 奉 清

五

紛紛,至今不 某啓。❶ 得暫息。 比欲更接清話少頃,❷而人事 欲奉謁 次,聞 府官

走此聞達。 盡出,接張省簉,須至旦出城。 恐訝不來,

六

十餘人。昨本有防護二十人,爲華州 戎兵士數十人,比謂 抃,然不免有少事干聒。 行李頗闕事,欲告於貴府,添差防護 春,起居增慶。 長安之別, 某明日至府 忽然改歲。伏計 到京,却中途逢 爲本府帶 謁見, 得 預 履 厢軍 減 本 增 兹 接 却 官 新 欣 新

> 某更不住,後日絶早發去也。 十人,但只依元數亦差較也,告早爲擘畫。 侍眷契,喋

喋喧黷,幸爲留念。

0 頃」,原作「頓」,今從《七集·續集》。 某啓」,原作「今日」,今從《七集·續集》卷

